



Joseph 1004-1





+

Ex liberali Munificentia  
Consultissimi Viri, Domini Joh: Georg: Lorij  
Staingadensis Bavarij, Discipuli,  
Auctoris primarij, ponidet

Andr: Felix Defelius  
Bibliothecarius Bavariæ.

Monachij iv. Sept: MDCCXLVII.

<36640466810016

<36640466810016

Bayer. Staatsbibliothek

Seneca Epist: xc.

Quid Sapiens investigavit? vetuit  
raro opinionibus Falsis et quanti  
quidq; esset, verâ estimatione perpendit.

**JOAN. ADAMI L. B. DE ICKSTATT,**

AUGUSTISSIMO QUONDAM IMPERATORI CAROLO VII. GL.M.

A CONSILIIS IMPERII AULICIS,

NUNC

**SEREN. S. R. I. PRINCIPIS ELECTORIS, BAVARIÆ DUCIS &c.**

**CONSILIarii INTIMI ACTUALIS, CONSILII DUCALIS VICE-PRÆSI-**

**DIS, LIBERI ET IMMEDIATI JUDICII PROVINCIALIS HIRSCHBERGENSIS PRO-JUDICIS**

**PROVINCIALIS, ANTIQUISS. ET CELEBERR. UNIVERSIT. ANGLIPOLITANÆ DIRE-**

**CTORIS, IN EADEMQUE JURIS NATURALIS ET GENTIUM, UT ET JURIS**

**PUBLICI IMP. ROM. GERM. SCIENTIARUMQUE OECON-**

**OMICO-CAMERALIUM PROFESSORIS**

**PUBLICI ET ORDINARIi.**

# **OPUSCULA JURIDICA**

**Varii Argumenti,**

*Anteà Wirceburgi seorsim edita, jam vero ob raritatem, & Virorum doctissimorum desiderium collecta.*

Cum Indice locupletissimo.

**TOMUS I.**



CUM APPROBATIONE ORDINARIA.

**INGOLSTADII, & AUGUSTÆ VIND.**

Sumptibus Jo. Franc. Xaverii Crätz, Bibliopolæ Acad.

& Thomæ Summer, Bibl. August.

Anno MDCCXLVII.

Handwritten text, mostly illegible due to fading and noise.

Handwritten text, mostly illegible due to fading and noise.

Handwritten text, mostly illegible due to fading and noise.

Handwritten text, mostly illegible due to fading and noise.



# PRÆFATIO

ad Lectorem.



Conjunctim nunc prodeunt,  
quæ Wirceburgi olim partim  
disputationibus publicis, par-  
tim occasionibus aliis edita  
à me fuere Opuscula Juridica minora  
) 2 vari




varii argumenti; idque propositum ad amicorum sollicitationes jam pridem fuisset executus, nisi tum occupationes magis seriæ, tum notæ fortunæ vicissitudines remoram invito etiam injecissent. Redditus itaque Musis meis, & in amœnissima, juxta ac celeberrima Anglipolitana, Scientiarum, bonarumque Artium Sede otium nactus optatissimum, repurgata eadem à mendis, & politiori subjecta limæ, publicæ committere luci, diutiùs morari haud volui. Quæ *Tomo* hocce *primo* contineantur Opuscula, ex conspectu, paginæ  
se-

sequenti subnexo, elucet. Sequetur mox  
Tomus alter, maximam partem mate-  
rias Juris Pubici illustriores, & thema-  
ta argumenti rarioris tum edita, tum  
inedita complectens. Comparebunt  
inter alia Opuscula duo, quæ in com-  
mentariis nostris ad J. P. W. art. V. §. 52.  
inter desiderata hucusque numeravit Or-  
bis literarius; scilicet Opusculum quar-  
tum: *De causis singulorum à jure suffragiorum*  
*majorum exceptis, & sextum: de eo, quod circa*  
*suffragia majora in causis collectarum in Comi-*  
*tiis Imperii Romano - Germanici juris est.* Cur  
publici eadem hætenùs juris haud facta


) ( 3      fue-

fuerint, causæ obstitere sat graves, in  
ipsa thematis maximè lubrici elabora-  
tione commemorandæ. Tu interim,  
Lector benevole, conatibus fave, &  
vale. Dabam Ingolstadii XIV. Junii  
Anno MDCCXLVII.



CON





# CONSPECTUS

## OPUSCULORUM TOMI PRIMI.

### OPUSCULUM I.

De Studio Juris, ordine, atque methodo scientifica instituendo. p. 1.

### OPUSCULUM II.

De arctis juris Talionis limitibus in statu hominum, gentiumque naturali. p. 152.

### OPUSCULUM III.

De unione prolium Ducatus Franconiae statutaria. p. 171.

### OPUSCULUM IV.

De laesione enormi in contractu emtionis venditionis rectè computanda. p. 233.

### OPUSCULUM V.

De jure Statuum Imperii expellendi, atque transplantandi subditos, diversam à territorii domino religionem amplectentes. p. 285.

### OPUSCULUM VI.

De illicitis militum conquestionibus in territorio alieno, earumque poenis. p. 346.

OPU-

## OPUSCULUM VII.

De vero intellectu verborum: *Eheliche männliche Leibs : Erben*: in dispositione testamentaria.

p. 370.

## OPUSCULUM VIII.

De eo, quod jure naturali circa venationes juris est.

p. 392.

## OPUSCULUM IX.

De eo, quod jure publico universali & particulari J. R. G. circa venationes Juris est.

p. 474.

## OPUSCULUM X.

De possessione vel quasi Regalium, & in specie regalis venandi juris, subditum seu landsassium adversus territorii dominum parum, aut nihil relevante.

p. 636.

## OPUSCULUM XI.

De superioritatis territorialis, nec non regalibus juribus, dolo, aut negligentia officialium Principis haud præscribendis.

p. 749.

## OPUSCULUM XII.

De Eurythmia politica, sive pulchritudine ædificii civilis ex uniformitate, firmissimo civitatis fulcro, efflorescente.

p. 792.



# OPUSCULORUM JURIDICORUM VARII ARGUMENTI *TOMUS I.*

---

## OPUSCULUM I.

DE

STUDIO JURIS ORDINE, ATQUE METHO-  
DO SCIENTIFICA INSTITUENDO.

---

### PRÆFATIO AD LECTOREM.

*Qui de corrigendis abolendisque Academiarum navis non invita ratione cogitationes susceperunt atque consilia, de eo præcipue fuere solliciti, ut scientias & disciplinas, quarum præ aliis in vita civili præstantia & usus elucet, a Doctoribus ad id constitutis juventuti inculcandas curarent. Nec abs re; etenim in civitate bene ordinata ferendum aut statuendum nihil, nisi quod cum fine reipublicæ, salute nimirum & tranquillitate civium consentiat; eliminanda proin, ac procul a finibus Academiarum proscribenda judicarunt, quæ in spem*

A

fu-

## PRÆFATIO

*futura oblivionis addiscuntur, nec usum ullum, sed id potius mali secum trahunt, quod sciolos, vana scientia inflatos, efficiant ad negotia publica gerenda plane ineptos; introducenda contra ac docenda esse rati sunt, quæ futuris olim ecclesiæ, statusque publici administris, justitiæ sacerdotibus, atque aliis, quorum opera & studio respublica facile carere nequit, notiones rerum fecundas & practica agendorum principia suppeditant.*

*Præclara sunt, quæ nostro ævo in hunc finem moliti sunt scientiarum statores sapientissimi; necdum tamen eam Academiarum Germaniæ faciem deprehendimus, ut nulla prorsus politiori lima indigeant; quin morbosas maxime atque medicatricem manum flagitantes contueri liceat. Quis enim non indigne ferat, jus publicum, quod in controversiis Principum, & prætensionibus illustribus, quæ in imperio Romano-Germanico occurrunt, utramque facit paginam, in plerisque aut negligi prorsus, aut perfunctoria saltem manu tractari? Quis non lugeat juvenum illustri loco natorum eandem prorsus sortem, paria esse studia cum iis, qui causas aliquando in foro sunt acturi; ad patrios lares remitti, solidioris politices, artis regnandi, juris publici, naturæ & gentium scientia, atque historiarum cognitione prorsus vacuos. Animadvertunt Principes, Nobiles, & Procures Germaniæ non pauci, quantum sit in studiis nostris inane; hinc ad exterarum terras ablegarunt filios, atque Doctorum, qui meliora ipsis sapere videbantur, curæ erudienda commiserunt ca-*

## AD LECTOREM.

*ra pignora ; an satis Catholice , Germanice , atque politice , meum non est , nec hujus loci disquirere.*


*Quod vero creditum haëtenus fuerit , eos , qui quadriennio , aut quinquennio Institutionibus atque Pandectarum libris iusudarunt , administrandis redditibus Principum atque controversiis , quæ circa regalia , jura vectigalium , stapularum , emporiorum , conductus , metallorum , forestæ &c. moventur , decidendis pares fieri ; id nescio , an non risu potius quam longo verborum apparatu explodendum sit. Methodum si spectes , nec eam ordinatam satis , nec regulis logicis ex asse conformem comperies ; neque enim ( ut vulgari & obvio id exemplo illustrem ) ad solidam juris civilis scientiam absque penitiori juris naturalis atque politices doctrina viam patere existimem ; neque egregii quidquam præstare in jure publico possunt , qui historiæ imperii R. G. notitia nulla tincti , eidem sese accingunt ; interea utrumque insuper haberi videris. Usque adeo machinalis rerum cognitio in amore est ! Sed si verum dicere licet , non id discipulorum , sed docentium vitium est , ad quos præcipue pertinet , discendorum notiones distinctas tenellis animis ingenerare ; his potissimum incumbit eo ordine atque methodo in tradendis disciplinis versari , ut via , quæ potest , brevissima ad solidam rerum cognitionem manuducatur studiosa juventus. Tentare libuit , si quid est mearum virium , in MEDITATIONIBUS hisce PRÆLIMINARIIS , quas tibi offero B. L. quinam in studio juris partium ordo , quam in docendo methodus servanda*

## PRÆFATIO AD LECTOREM.

---

*veniat. > Partes juris tum naturalis, tum divini, tum publici, tum civilis. adumbravi, ut, quas pro ratione muneris aut officii olim obeundi præcipuas habere debeant jurium candidati, dijudicare ante queant, quam seram malo medicinam parare necessum habeant. Si finem alium propositum non habui, quam ut ad utilem jurium cognitionem viam sternerem, memor illius, quod apud comicum Gallicum de Moliere occurrit:*

Je hais seulement  
La science et l'Esprit, qui gatent les personnes ;  
Ce sont choses en soy, qui sont belles et bonnes.  
Mais j'aimerois mieux être au rang des ignorans,  
Que de me voir savant comme certaines Gens.  
*Vale lector benevole, propensumque solida juventuti jurisprudentiæ principia tradendi studium  
æqui consule.*



CAPUT





## CAPUT I.

### DE FUNDAMENTO ET COGNITIONE JURIS IN GENERE.

§. I. **D**uplici anima humana gaudet facultate, *cognoscitiva* scilicet, qua objecta, & mutationes hujus universi sibi repræsentat; & *appetitiva*, qua mutationes vel in se ipsa, vel in rebus extra se positis, naturæ ac statui suo tum morali, tum civili convenienter producere, vel impedire annittitur. Patent hæc experientia, dum ad ea, quæ in anima nostra accidunt, cogitationes nostras dirigimus, nec demonstratione indigent.

Facultas appetitiva utrumque nisum aliquid agendi, vel impediendi ex usu loquendi complectitur. Melius forsan nisum animæ, qua mutationes naturæ, & statui suo repugnantes impedire nititur, facultatis averſativæ nomine compellares: plane ut ii, qui accuratius philosophantur, inter voluntatem, & noluntatem distinguunt; dum enim appetit anima, ducitur versus objectum, dum averſatur, ab eodem retrahitur.

§. II. Nec minus in aprico est, utramque facultatem in exercitio suo certis adstringi regulis; *cognoscitivam* in vero detegendo, dijudicando & a falso discernendo; *appetitivam* in eligendis, ac actuandis, quæ perfectionem, impediendis & removendis iis, quæ in perfectionem in alterutro involvunt.

Regulas facultatis cognoscitivæ discutiunt Logici; facultatis vero appetitivæ regulas examinant ii, quæ intimius æqui bonique fontes scrutari animo sedet. Nos impræſentiarum brevissimis attingemus, quæ ad scopum nostrum faciunt.

§. III. Mutationes nimirum, quæ actiones animæ consequuntur, non perinde se habent ad naturam, & statum nostrum; *aliæ* siquidem eidem conveniunt, h. e. concurrunt ad finem ultimum, ad quem anima per naturam suam est determinata; *aliæ* naturæ, atque essentiæ animæ repugnant, h. e. impediunt, quo minus finis ille ultimus, qui est summa felicitas, obtineatur.

Ponamus Cajum, & Titium ambos studiorum gratia universitates invisere; Cajum omne tempus, & operam eo impendere, quo rerum olim sibi profuturarum notiones acquirat distinctas; collegia nulla negligere; ex celeb. Professorum ore assidue pendere: Titium in contraria omnia niti, commensationibus, atque computationibus dies perdere, noctesque: quis non videt mutationes, quæ actiones Caji consequuntur, consentire cum natura, atque essentia sua, & media sua ad finem, quem sibi habet propositum, obtinendum? Alium vero & contrarium esse Titii statum, qui actiones ipsius consequitur, tum ratione corporis, tum animæ; impediunt enim, quo minus finem suum, qui fuit cognitionis solidæ acquisitio, consequatur.

§. IV. Eam esse animæ humanæ, & in genere entis rationalis cujusvis naturam deprehendimus, ut vi libertatis suæ ad actiones sese nullas determinet, nisi quas mutationes statui, ac naturæ suæ convenientes consecuturas esse, vel vere, vel apparenter ex errore judicat. Enimvero, *quod statui, ac naturæ entis convenit, perfectum*, consequenter *bonum* dicitur. Patet itaque animam non appetere, nisi quod bonum esse judicat: vel quod perinde est, *quod statum ipsius perficit*. Regula adeo facultatis appetitivæ generalissima hac propositione absolvitur:

*Fac ea, quæ statum ac naturam tuam perficiant.*

Similiter non omittit actiones, nisi quas mutationes statui, ac naturæ suæ repugnantes involvere, vel vere, vel erronee



nec colligit. Quod vero *statui*, ac *naturæ entis repugnat*, *imperfectum*, consequenter *malum* vocatur. Non averfatur igitur anima nisi *malum*. Resultat hinc altera regula facultatis appetitivæ:

*Omitte ea, quæ statui ac naturæ tuæ repugnant.*

Obiter hic tene, dum in regulis status, atque naturæ nostræ tantum fit mentio, officia erga Deum, & proximum minime excludi: demonstratum enim dedit *Celeb. WOLFFIUS* in Philosophia sua practica, inseparabilia esse a perfectione naturæ nostræ officia tum erga Deum tum erga proximum; imo in genere (§. 14. *Moral.*) ostendit, nos ad perfectionem macrocosmi æque, ac microcosmi promovendam æterna naturæ lege esse obstrictos.

§. V. Entia, quæ cognoscimus, sunt vel *substantiæ*, vel *accidentia*, sive *modi*, & *modificationes rerum*, quæ per actiones substantiarum actum consequuntur. Substantiæ aliæ sunt *simplices*, aliæ *compositæ*. *Simplices* denuo vel rationis usu pollent, vel ratione destituuntur, & ex parte rerum materialium principia constituunt. *Substantiæ*, tum *simplices*, tum *compositæ*, vi agendi gaudent, qua quidquid in universo fieri observamus, actum consequitur. Inter actiones substantiarum intelligentium ea sese prodit differentia, quod aliæ imperio voluntatis liberæ subsint, aliæ ejusdem imperio non pareant. Porro, si actiones substantiarum intelligentium liberæ, sive eas, quæ imperio voluntatis liberæ subsunt, ad naturam & statum ipsarum referas, varias mutationes, habitus, & status eas consequi deprehendes. *Mutationes, habitus, & status substantiarum intelligentium, quæ actiones ipsarum liberæ consequuntur, entia moralia* dicimus, ad differentiam ceterorum entium, quæ *physica* audiunt.

Ex. g. Felicitas est ens morale; denotat enim felicitas statum hominis, qui ab actionibus voluntatis liberæ dependet, & quem obtinere potest homo, cum legibus ex assè satisfacit. Ebrietatem  
inter

inter entia moralia referimus ; quod status tum animæ tum corporis, quem comitatur ebrietas, per actiones voluntatis liberæ determinetur. Ex eadem ratione omnes virtutes, & vicia, habitus tum intellectus, tum voluntatis, contractus, delicta &c. entia moralia vocamus ; quod nec virtus, nec vitium, nec contractus, nec delictum absque voluntate libera concipi possit. Somnium vero, licet actio sit animæ, ut & reliqua entia physica minime ad entia moralia pertinent, ab imperio siquidem voluntatis eximuntur. Notionem, ni fallor, entis moralis genuinam dedimus, quæ notas sufficientes continet, ad discernendum entia moralia ab entibus quibuslibet aliis. Maximi profecto momenti est, naturam entis moralis probe rimari, siquidem de imputatione actionum humanarum, cujus per universam jurisprudentiam imo in Theologia, usus amplissimus est, limatum iudicium ferre velis. Studio relinquimus, qui hic se campus offert enodandi, quæ jam pridem, sed infelici successu, tentavit Puffendorffius J. N. & G. C. I. §. 2. & 3. Definitio enim entis moralis quam suggerit, naturam entis moralis confundit potius, quam explicet.

§. VI. Voluntas libera, dum ad agendum vel non agendum sese determinat, motivis utitur, quæ, cum desumuntur a mutationibus, quæ statum nostrum vel aliorum consequuntur, hoc est, ab eo, propter quod voluntas libera aliquid vel appetit, vel averfatur, rationem continent, cur actiones sint vel appetibiles, vel averfabiles. *Affectio illa actionum ex motivis resultans, qua appetibiles sunt, vel averfabiles, moralitas actionum vocatur.* Motiva porro vel ab iis desumuntur, quæ actioni constanter insunt, & ab ea inseparabilia existunt ; vel extrinsecus arcessuntur, nec actioni constanter cohærent. Priori casu moralitas actionum *intrinseca*, posteriori *extrinseca* erit.

Ex. g. Furtum est ens morale ; cum sit actio, quæ imperio voluntatis liberæ subest, & in potestate sit entis rationalis perpenſis motivis ab eo, quæ furtum consequuntur, petitis, furtum averfandi. Affectio illa furti ex motivis resultans, qua averfari illud potest ens rationale, moralitas furti audit. Quod si motiva fugiendi  
furtum

furtum ab iis desumas, quæ furto constanter cohærent, & ab hac actione inseparabilia sunt; erit moralitas furti *intrinseca*. Pone vero Principem transitum per pontem lege inhibere; erit transitus per pontem ex voluntate Principis actio moralis: at vero, cum moralitas illa voluntatem Principis tantum pro fundamento habeat; *extrinseca* tantum dici poterit.

§. VII. Actiones liberæ vel bonæ sunt, vel malæ (§. IV.); consequenter morales. (§. V.) Enimvero anima ad actiones bonas committendas; malas vero omittendas per naturam suam obligata est. (§. X.) Facultas adeo ex hac obligatione animæ nascitur, quod bonum est, committendi, & quod malum, omittendi, vel in genere aliquid agendi. Porro cum bonitas illa, vel malitia actionum earundem moralitatem absolvat; facultatem illam *moralem* esse patet. *Facultatem moralem aliquid agendi, jus* dicimus.

§. VIII. In originem, & fontem juris dum inquirimus, duplicem illum esse comperimus: vel enim per ipsam naturæ nostræ, actionumque essentiam jura, sive facultates morales, nobis competunt; vel ex voluntate superioris, potestate, aliquid cum effectu jubendi, instructi nobis tribuuntur.

§. IX. Jus, sive facultas moralis, quæ per ipsam naturæ nostræ, actionumque essentiam nobis competit, *jus naturæ* audit. Facultas vero moralis, sive jus, quod voluntatem superioris supponit, *jus positivum* nuncupamus.

Sic jus, sive facultas moralis, vitam contra injustos aggressores defendendi, per ipsam hominis, & actionis hujus naturam intelligitur; nec opus est superiore, qui speciali lege id indulgeat. Pertinet itaque jus inculpatæ defensionis ad jus naturæ. Econtra immunitas contribuendi ad onera reipublicæ citra expressam vel tacitam superioris voluntatem concipi nequit. Est itaque immunitas ab oneribus reipublicæ juris positivi. De variis juris tum naturalis, tum positivi speciebus dispiciemus capite sequenti.

civilis, quæ necessario superiorem supponit, notiones suas abstraxerint.

§. XIII. Leges naturales ipsa entis rationalis, rerumque extra se positarum, natura constitutæ sunt. Enim vero ens rationale, & in specie homo, sub diverso respectu & statu considerari potest, quorum quilibet determinata sua gaudet essentia, & natura: sic considerari potest homo, quatenus vivit in societate *humana*, vel quatenus vivit in societate *civili*, & in utroque naturaliter ad certa officia obstringitur. Quodsi adeo in notione juris naturalis statum entis rationalis determines, & hujus naturæ conformiter officia inde deducas; plures habebis juris naturalis species: sic leges, juxta quas natura hominem in statu naturali actiones suas dirigere jubet, *jus naturæ ethicum*: quæ ex natura societatis civilis, quæ sint civium officia, determinant, *jus naturæ politicum* absolvunt. Similiter, si in notione legis positivæ ulterius determines superiorem, a quo profiscuntur; varias nanciscere legum positivarum species: sic quæ Deum pro legislatore agnoscunt, *leges divinas positivas*; quæ auctoritate humana constituuntur, *leges positivas humanas* dicimus. Utræque in varias abeunt classes pro diversitate objectorum; circa quæ legislator potestatem suam exercet; sed de his suo loco.

Hæc exempli loco adduximus. Capite sequenti ex hoc fundamento omnes omnino legum & officiorum species determinabimus, ut, qui legibus operam navaturi sunt, sibi olim profutarum selectum instituere, & quamque in suam classem referre valeant.

§. XIV. Lex est regula, juxta quam actiones nostras instituere obligamur. (§. XI.) Tribuit itaque nobis lex facultatem aliquid agendi, vel omittendi; quæ cum moralitate non destituatur, (§. VI.) consequenter jus sit: (§. VII.) patet

patet ex legibus *jura* esse , & vi legum *jura* demum competere.

Ex. g. Lex naturæ vult, ut bello injusto nos invadentibus resistamus. Hinc ergo facultas legitima seu jus nobis nascitur, eligendi quævis media, quibus injustum aggressorem finibus arceamus, & securitatem communem promoveamus. Hinc jure agere dicitur, qui legem pro facto suo allegare valet.

§. XV. Actiones liberas dirigunt leges (§.XI.), easque sic instituendas esse præcipiunt, ut cum natura & statu nostro contentiant. (§. IV.) In statu igitur, & natura nostra aliquid contineatur necesse est, ex quo intelligatur, cur hoc potius modo, quam alio, instituenda sint. (WOLFIUS Phil. prima P. 1. S. 1. C. 2. §. 70.) *Id, ex quo intelligitur, cur aliquid fiat, vel fieri debeat, ratio ejus vocatur.* Liqueat adeo leges sua non destitui ratione. Definiri itaque poterit *ratio legis*, quod sit illud, per quod intelligitur, cur lex lata sit, vel ferenda.

Evidentiam suam mutuantur modo dicta a doctrina generali principii rationis sufficientis, quo primum *Illust.* LEIBNIZIUS usus est in demonstrando; universalitatem vero, & veritatem lucet plus quam meridiana donavit ὁ πᾶν WOLFIUS in Philosophia prima cap. alleg. Quod si quæras, in quonam consistent rationes legum? eas quidem substrata materia, circa quam versatur lex, & circumstantiæ speciales in quolibet casu facile suppeditabunt; modo ne principiis juris generalibus prorsus vacuus examen instituas.

§. XVI. Porro rationes, ex quibus intelligitur, cur lex lata sit, vel ferenda, vel in ipsa actionis essentia, ejusque determinationibus deprehenduntur; consequenter actioni constanter, absolute, vel sub datis determinationibus insunt: vel in alio principio extrinseco v. c. voluntate legis-



litoris, latent. Priori casu rationes legum sunt *intrinsecæ*; posteriori vero *extrinsecæ* erunt.

Ex. g. Rationes legis, quæ prodigis declaratis administrationem bonorum adimit, sunt *imo* malum, quod in rempublicam ex immoderatis ejusmodi bonorum decoctoribus redundat: *2do* ne civitas egenis & mendicis oppleatur: *3tio* ut vitiis & sceleribus, in quæ proni sunt prodigi, pessulus objiciatur. Quæ rationes cum ab ipsa prodigi, & reipublicæ natura sint desumptæ; intrinsecas esse dubium non est. Econtra statutis Herbipolensibus §. 43. Ob die Zimohner vor denen Fremden sollen bezahlet werden / cautum est, ne in concursu creditorum creditores extranei civibus præferantur. Vid. *Illust.* DEMERADI Fascicul. different. J. C. & Franconici, addita resp. juris 1. p. 5. Pone jam aliam civitatem extra ducatum Franconiæ & episcopatum Herbipol. eandem legem sancire civibus suis ex solo retorsionis jures erit ratio illius constitutionis tantum extrinsecæ; quippe quæ ex concursus creditorum natura non elucet.

§. XVII. Leges naturales ex ipsa humana & rerum natura determinant, qua ratione actiones liberæ instituendæ sint, ut felicitatem hominis promoveant, malum vero omne avertant. Bonum igitur & malum, quod per actionem liberam obtinetur, vel impeditur, sunt rationes, ex quibus leges naturales intelliguntur. Quamobrem, cum bonum vel malum, quod rationem legis naturalis constituit, per ipsam essentiam & naturam actionum determinetur; *rationes* legum naturalium *intrinsecas* esse constat (§. XVI.).

§. XVIII. Leges positivæ superiorem supponunt, (§. XII.) a quo demum vim obligandi habent. Quodsi adeo legum positivarum rationes scruteris; non ad actiones tantum, seu objectum legum, sed & ad voluntatem legisla-

gislatoris respiciendum erit, ut, quæ motiva legibus ferendis ansam dederint, cruas.

§. XIX. Quodsi legislator iisdem motivis, quæ actioni per naturam suam, & sub determinatis circumstantiis cohærent, inducatur, ut legem ferat; erunt motiva, sive rationes legum *positivarum intrinsecæ*, (§. XVI.) & eadem cum rationibus legum naturalium. (§. XVI.).

Ex. g. lege naturali furtum prohibitum est; nec enim societates humanæ, nec dominia rerum, nec pleraque hominum officia cum libertate furandi consistere possunt. Positis itaque societatibus humanis, introductis itidem ex naturali ratione dominiis rerum &c. furtum per necessariam sequelam prohibitum est. Pone jam legislatorem iisdem rationibus moveri, ut furtum lege inhibeat, & poenas statuatur rem alterius inscio ac invito domino dolose surripienti; erunt legis hujus positivæ rationes eadem cum rationibus naturalibus, nempe *intrinsecæ*. Rationes legum positivarum intrinsecæ in civitate dicuntur *publicæ*, subinde *politicae*; quod ad tranquillitatis publicæ conservationem, & ad statum politicum plerumque comparatæ sint. Publicas etiam dicimus illas, quas conservatio formæ reipublicæ, jurium summorum imperantium, atque natura societatis civilis suggerunt.

§. XX. Cum rationibus legum intrinsecis concurrunt sæpius facta historica, quæ legi positivæ ferendæ ansam subministrant; id quod evenit etiam in actionibus de se indifferentibus, quæ sub certis demum, & determinatis circumstantiis juberi possunt, vel prohiberi: non enim nisi his existentibus sub legislatorem potestatem cadunt. *Facta historica*, quæ legislatorem movent, ut legem condant, *rationes legum historicas* dicimus.

Ex. g. S. C. Macedoniano cavetur, ne filiusfamilias ex credita sibi pecunia efficaciter conveniri possit. Non desunt rationes intrinsecæ ab ætate juvenili in vitia & prodigalitatem proclivi desumptæ,

sumptæ, quæ naturalem hujus legis æquitatem loquantur: legislatores tamen Romani a factis nefariis, & sceleribus Macedonis improbi fœneratoris ansam sumpsisse videntur hanc legem sancienti, ut fœneratoriam pravitatem coercerent; quod verba S. C. ab Ulpiano L. 1. π. de S. C. Maced. relata testantur.

Similiter capitulatione augustissimi Imperatoris CAROLI VI. artic. XX. novus modus declarandi statum imperii in bannum præscriptus est. Quod si, quæ superiori sæculo circa proscriptionem Friderici V. Elect. Palat., recentiori circa declarationem in bannum Colonienfis, & Bavarici Electorum contigerunt, recolligas: *rationes historica* novæ hujus constitutionis obscuræ esse nequeunt. Sic itidem frumenta e republica ad externos transportare in se malum non est, imo necessarium subinde, & civitati & commerciis proficuum. Pone vero bello civitatem implicitam, vel frugum inopia aliunde premi; alia frugum exportandarum ratio est, & lege utique cavendum erit, ne civitas annona prorsus denudetur. Circumstantiæ, quibus existentibus ea lex ferenda est, sunt facti, consequenter historici; sunt ergo *rationes historiciæ*, quæ in sanctionem hujus legis influunt. Plerasque Principum constitutiones a factis antecedaneis originem ducere deprehendes, ubi in rationes earundem inquisiveris.

§. XXI. Dum legem condit legislator, vel *publicam*, vel *privatam* utilitatem intendit. De motivis a publica utilitate desumptis diximus §. XIX.: restat ut de privatis dispiciamus. Legislatorem v. c. summum magistratum; in civitate propriæ saluti & utilitati salutaribus legibus consulere nil vetat: modo ne publicam salutem insuper habeat. Quamobrem cum motiva & facta, quæ occasionem dant legi ferendæ, sint rationes legum; eo casu, quo Princeps, vel magistratus legislator propria tantum utilitate impellitur ad legem ferendam, erunt *rationes legis privatae*; quas, si cum salute publica consistent, *justas*, sin eidem repugnent, *injustas* esse apparet.

Ex.



Ex g. æquum est, ut Princeps curis publicis defatigatus innocenti recreatione v. c. venatione, animum interdiu refocillet: nihil adeo prohibet, quo minus legibus caveat, quæ venationem jucundam & optimam efficiant; nec justas subditi conquerendi causas habent, dum nihil, vel modice saltem inde se gravatos sentiunt. *Rationes* legum circa *venationem* hoc casu erunt *privata*, justæ tamen. Pone vero prohiberi subditos vicinos sylvæ agros sepibus claudere, ita ut feris liber in sata & fructus aditus pateat, & alia multa constituere Principem in propriam utilitatem, quæ cum salute subditorum pugnant; privatas, sed injustas esse hoc casu legum rationes dubitandum non est.

§. XXII. Legum tationes propalare modo publica civitatis, modo privata legislatoris utilitas vetat, quo intuitu *legum rationes arcanas* dicimus.

Exempla rationum arcanarum passim in jure Romano, publico & canonico, occurrunt. Suasorias dicit. H. Grotius J. B. & P. L. 2. C. 1. quod præcipue voluntatem legislatoris moveant; & ut a justificis eas distinguat, quæ cum in finem saltem propalantur, ne sine ratione statuisse aliquid videatur legislator. De cetero non semper injustæ sunt rationes legum arcanæ; quin potius sapientiam & prudentiam legislatoris arguunt.

§. XXIII. Tantum de rationibus legum intuitu legislatoris. Quodsi rationes legum in relatione ad cognoscentem spectes; alias quidem demonstrativa ratione ex natura & essentia legis & legislatoris, factisque antecedaneis demonstrare valebit; vel confuse saltem liquet, quæ sint *rationes legum*: priori casu *rationes legum certas*, posteriori *incertas* dicimus.

Ex g. Lege naturali Imperans salutem civium pro virili promovere renetur, rationibus a natura civitatis & subditorum desumptis. Quodsi adeo ex natura hominis & societatis civilis demonstrare valeas *rationes*, quæ pro hac lege militant; eas *certas* esse constat. Pone vero studiosum juris publici, neq; juris publici uni-  
C  
versa-

versalis scientia, nec superioris sæculi, & belli tricennalis historia imbutum, instrumentum pacis perlegere: cum rationes eorum, quæ in dicto inst. P. constituta sunt, tum ex J. publico universali, tum ex factis historicis, & statu politico superioris sæculi petendæ sint; *rationes* sane eorum, quæ in instrumento pacis continentur, non perspicit: *incertæ* igitur ipsi sint necesse est.

§. XXIV. Quoniam ex rationibus legis innotescit, cur lata fuerit; erunt rationes legum sufficientes, si positis illis evidenter appareat legem latam fuisse, aut ferendam esse.

Legis ex. g. quæ intercessionem mulierum suo modo irritas esse jubet, rationes allegant JCrī Rom. *L. 1. & 2. π. de S. C. Vellej.* 1mo, fragilitatem, & imbecillitatem sexus, 2do, periculum rei familiaris, 3tio, quod, quibus officia, in quibus commodum ipsarum versatur, moribus adempta sint, injustum sit, ea relinqui, ex quibus utilitatem raro, damnum frequentissime sentiunt. Quibus si jungas facta historica, quæ, feminas inconsideratis intercessionibus sæpius læsas fuisse palam fecerunt; evidenter cognoscis, cur lex illa lata fuerit: *sufficientes* adeo sunt *rationes* S. C. Vellejani modo allegatæ.

§. XXV. Ex quo colligere licet, *insufficientes* eum tenere legum *rationes*, qui aliquas tantum allegare valet, ex quibus legislator permotus fuit, ut legem sanciret.

Ex: g. Si rationem redditurus, cur Carolo V. capitulationem præscripserint Electores, id ideo factum esse asserat, ne jura statuum in incerto fluctuarent, atque ut potestas imperatoria certis limitibus circumscriberetur; insuper habitis iis, quas persona Caroli V. & nimia ejus præpotentia suggerebat: *insufficientes rationes* capitulationis Caroli V. præscriptæ allegat. Non eo inficias, sufficere potuisse rationes modo dictas ad capitulationem Carolo V. præscribendam; sed cum facti sint, in quo quidquid discerni potest, certo modo determinatum est; demonstrandum erat,

erat, eas solas in dato casu extitisse, nec alias concurrisse: cujus tamen contrarium historię testantur.

§. XXVI. Determinationes & circumstantiæ, sub quibus legislator legem obligare voluit, *mentem legis* absolvunt.

Ex. g. vigore instr. pac. art. VII. §. 2. in fine, generali lege statuitur, præter religiones tres scilicet Romano-Catholicam, Augustanam, & reformatam, nullam aliam in imperio R. G. ferendam esse. Rationes constitutionis salutis imperii publica, & historia reformationis & pacis Westphaliæ suppeditat. Determinationes vero, quæ eam ingrediuntur, partim ex ipsa lege, partim ex intentione legislatoris eruuntur, & in præsentī casu huc reduci possunt: 1mo, quod omnes religiones præter dictas tres ab imperio exulare debeant, 2do, quod pro conservanda tranquillitate, & salute imperii lata sit, 3tio, quod omnes omnino status obliget, 4to, quod non solum hac sanctione præter tres dictas religiones, quæ tempore legis conditæ fors jam irreperant, sed & quocunque tempore diversæ a tribus extituræ excludantur. Habes adeo determinationes ex ipso instrumento pac. imperii Germanici indole & natura petitas, quæ dictæ legis mentem constituunt. Mentem adeo ejus pervertit BRUNNEMANUS in *Ex. f. pub. C. 6. q. 8.* dum Evangelicos ab ejus observantia liberos pronunciat.

§. XXVII. Scire in genere dicimur id, quod ex im-  
motis principiis demonstrare valemus. *Scire itaque leges*,  
erit habitu pollere, leges ex inconcussis principiis demon-  
strandi; h. e. ex natura actionum, quas dirigunt, ex cir-  
cumstantiis, & factis, item ex motivis & intentione legis-  
latoris evidenter deducendi 1mo, cur lex lata sit; 2do, sub  
quibus circumstantiis obliget; & 3tio, ad quos casus legis-  
lator legem restrictam voluerit. Enimvero cum id demum  
per rationes, de quibus hætenus differuimus, & mentem  
legum pateat; frustra ad legum scientiam aspirat, qui nec  
de rationibus, nec de mente legum sollicitus est.

In sequentibus demonstrabimus, quæ sint legum principia propria, & fundamenta, quibus via sternitur ad solidam juris scientiam. Magni profecto interest, ne qui ad clavum reipublicæ sedent, aut consiliis suis negotia publica dirigunt, tabularum more verba tantum legum teneant; mentem vero vim atque potestatem, quam solidior Politices & reipublicæ doctrina suggerit, insuper habeant.

§. XXVIII. Rationes legum sunt vel in-vel extrinsecæ, (§. XVI.) publicæ, (§. XIX.) historicæ, (§. XX.) privatæ & arcanæ. (§. XXI. & XXII.) Rationes legum intrinsecæ, cum actioni constanter cohæreant, nunquam non in potestate nostra sunt; modo sufficienti acumine polleas, discernendi, quæ actiones liberas, vel absolute, vel in hypothesis consequuntur. *Historicæ* vero, cum facti sint; *arcanæ* autem a legislatore recelentur: utrarumque notitia tractu temporis evanescere potest. Quamobrem, si legis cognitio factum historicum, aut rationem legis arcanam necessario supponat; illis antiquatis, his vero latentibus, rationem legis reddere non poteris.

Unde sensum legis ro. ꝑ. de legibus colligere licet. Quæstio nimirum est de legibus civilibus a majoribus latis; quas uti propter rationes supra allatas facti semper aliquid ingreditur; ita facile evenire potuit, ut in obscuro esset earum origo. Nec desunt in jure publico Romano Germanico exempla legum, quarum origo ob deficientem rationum historicarum notitiam ignoratur: sic in A. B. c. 1. numeri electorum septenarii origo ad antiqua tempora refertur; quo autem præcise tempore septenarius Electorum numerus primum stabilitus fuerit, non adeo liquet; ut vix ullibi Publicistas magis dissentire videris. Vide LEIBNIZ. *Cod. J. G. dipl. Tom. 1. in præfatione.*

§. XXIX. Jura ex legibus nascuntur, (§. XIV.) & vi legum demum competunt. Quamobrem si cognoscere velis,

lis, quæ nobis vel aliis jura competant; legum notitia necessario erit præmittenda. Pendet adeo cognitio juris a cognitione legum, hancque præsupponit. Enimvero cum promiscue accipiant Jcti cognitionem juris & legum, propter indivulsum nexum, qui inter leges & jura intercedit; nec nos imposterum inter cognitionem juris & legum distinguemus.

Leges sunt determinantia, jura determinatum. Quare, cum determinantia sint ratio sufficiens determinati; is jura nosse dicendus est, qui perspicit, quæ, & quomodo jura per leges determinentur. Usui hic esse possunt, quæ de principio rationis sufficientis P. 1. Sect. 1. C. 2. de determinato, & indeterminato Sect. II. C. 2. in Philosophia prima tradidit *perill.* L. B. de Wolff. Præstantiam notionum directricium in meditando nos quotidie experimur. Elegantem de earum usu dissertationem conscripsit idem laud. auct. in horis subseciv. *Trim. vern. diff. 4.*

§. XXX. Cognitionem historicam in genere dicimus eorum, quæ sunt, atque fiunt, sive in mundo materiali, sive morali accidant; habitis insuper rationibus, ex quibus intelligitur, cur sint, vel fiant. Enimvero qui leges & jura tantum memoriter tenent, rationibus eorum nec perspectis nec perpenſis; nihil aliud cognoscunt, quam leges fuisse latas, & jura huic vel illi competere. Quapropter *cognitio* juris, quam possident, *historica* non incongrue vocari poterit.

Ex. g. Qui ex §. 3. *Instit. de test. ord.* novit, in testamento solemni septem testes idoneos esse adhibendos, rationes vero tum *juris naturalis*, quam *politici*, quæ singularem legislatorum curam exigunt, ut ultimas voluntates certis & indubiis legibus, altercationum & litium, ex incertitudine testamentorum plerumque propullulantium, præscindendarum gratia circumscribant; tum *historicas* numeri septenarii testium ex antiquo testandi more Romanorum per æs & libram adhibitis quinque testibus libripende,



& antestato ignorat : is sane legis de numero septenatio testium cognitionem aliam habere quam historicam dici nequit. Similiter, qui ex capitulatione CAROLI VI. art. IV. novit, Imperatori jus esse, imperium, etiam irrequisito consensu statuum, contra violentos invasores quovis modo statibus & imperio innocuo defendendi, neglectis rationibus politicis & historicis, ex quibus eluceat, cur hunc casum a sanctione generali, vi cujus alioquin omnium statuum consensus necessarius est, exceperint Electores; is historica tantum juris hujus majestatici Imperatori competentis cognitione imbutus est.

§. XXXI. Nihil fit sine ratione sufficiente : possibilis ergo est cognitio rationum eorum, quæ sunt atque fiunt, quam *philosophicam* dicimus. Enimvero leges suis non destituuntur rationibus (§. XV. XVI. & seq.): non ergo implicat *cognitio legum philosophica*, quam definitio per *cognitionem rationum legum vel juris*.

Ex. g. Maximilianus I. in pace publica & profana art. I. diffidationes in imperio R. Germanico sustulit. Qui in historica legis hujus notitia non acquiescit, sed ex rationibus status politici universalibus, turbis, quas in imperio R. Germanico pepererunt diffidationes, & historia temporum Maximiliani I. æquitatem ac necessitatem pacis publicæ & profanæ demonstrat; is philosophica legis, quæ diffidationes sustulit, cognitione instructus est.

§. XXXII. Quo pluribus adeo rationibus leges & jura firmare quis novit : eo major erit cognitionis juris philosophicæ gradus, quam possidet.

Ex. g. qui ex constitutione CAROLI VI. de judicio imperii aulico anno 1714. promulgata §. I. novit, nemini ad augustum hocce tribunal aditum patere, qui quovis modo Principi, aut statui imperii nexu subjectionis, stipendiisve obstrictus est; rationes vero allegare nescit, nisi casus quosdam speciales, ubi consilarii judicii imperii aulici, vinculo ejusmodi ligati, non judices se, sed patronos causarum, dominos suos concernentiam gesserint : ei  
minor

minor erit cognitionis philosophicæ hujus constitutionis gradus, quam illi, qui præpterea ex rationibus juris publici universalis, & judiciorum imperii nostri indole, naturalem præfatæ constitutionis æquitatem contuetur.

§. XXXIII. Qui memoria tantum tenet, quas rationes legis alleget legislator, vel JCtus; eas vero ex natura actionis & civitatis indole, perinde ut legislator, demonstrare minime novit: is historicam cognitionem habet cognitionis philosophicæ legum alterius. Patet assertum ex eo, quod cognitio philosophica legum, legislatoris, vel JCti sit res facti: qui ergo novit tantum, quæ sit alteri cognitio legum philosophica, rem facti scit; consequenter *historicam* tantum habet *cognitionem* cognitionis legum *philosophicæ* alterius. (§. XXX.)

Ex.g. in ordinatione politica de anno 1577. art. XXXV. §. de Typographis &c. constitutum est, ne absque censura & approbatione censorum libri imprimantur in imperio. Qui rationes constitutionis, a conditoribus ordinationis politicæ ex rationibus generalibus juris publici universalis, ex statu imperii Rom. Germ. & difformitate religionum erutas, §. 2. allatas, memoria tantum tenet; is historice tantum novit, quæ conditoribus ordinationis politicæ fuerit cognitio hujus legis philosophica. Licet enim rationes constitutionis alleget, nimirum: ut unio & charitas Christiana firmetur; pax stabiliatur; tranquillitas publica, quæ relicta libertate, libros quoscunque evulgandi insigne periculum subit, illæsa conservetur: illas tamen, perinde ut conditores legis, cognitione philosophica pollentes, ex intimiori status indole demonstrare non valet.

Et hæc quidem est illa juris cognitio, quam legum studiosi, absque juris naturæ atque politices scientia & sine principiis historicis ad civilem prudentiam accedentes, in Academiis sibi comparant. Cum enim vegeta plerisque sit memoria, ingentem farraginem legum in cerebrum congerunt; rationes etiam quascunque ab idolis auctoribus confarcinatas avidè devorant: doctrinam vero  
eorum

eorum, si proprius lustres, intra historicae cognitionis legum limites eam vix subsistereprehendes.

§. XXXIV. Quidquid finitum est, determinata gaudet quantitate; qualitates igitur morales finitæ determinata gaudent quantitate. Quamobrem, cum *cognitio* quantitatis rerum *mathematica* vocetur; possibilis est *cognitio mathematica* qualitatum moralium. Enimvero in determinatione jurium, sive facultatum moralium, qualitatum moralium ratio habenda est. Quodsi igitur in determinatione jurium ex qualitatibus moralibus quantitatis earundem rationem habeas, & ex illa jura determines; erit ea *cognitio juris mathematica*. Definiri itaque potest cognitio juris *mathematica*, quod sit *notio distincta quantitatis qualitatum moralium*, secundum quas jura determinantur.

Non abhorrent dicta ab iis, quæ Juri docent de justitia distributiva & commutativa: & verosimile est, Aristotelem ab ipsa hac notione cognitionis juris mathematicæ ansam arripuisse, ut doctrinam mathematicam de proportionibus iis applicaret, dum justitiam distributivam, proportionem geometricam, commutativam arithmeticam observare asserit. Distributiva docet, qua ratione ea, quæ concernunt cives, quatenus sunt membra societatis civilis, ita dividenda sint, ne pars ulla conquerendi causam habeat. Ad cives, quatenus sunt membra societatis civilis, pertinent honores, munera, & onera reipublicæ. Honores conferendos esse propter bene merita, munera pro capacitate dispartienda, onera pro cujusque facultate imponenda esse, nemo est politicorum, qui diffiteatur: quod enim praxi subinde aliud obtinet, nihil ad nos. Quodsi plurium in civitate bene merita, in gerendis officiis capacitates, in sustinendis oneribus facultates inter se conferas; quantitates earundem determines, illisque proportionales honores, munera, & onera distribuas; jus suum cuique tribuis, nec ulli conquerendi causam relinquis; si insuper demonstrare valeas honores, munera, & onera exacte meritis, capacitatibus, & facultatibus esse proportionalia: mathematicam habebis juris cognitionem, quod cuique tribuis. Idem patet



patet de iustitia commutativa, quæ docet, qua ratione in commutationibus partim spontaneis, partim invitis procedendum sit, ne pars alterutra iustam conquerendi causam habeat; h. e. ne in commutationibus unus plus habeat, alter minus. Quod si adeo ex quantitate pretii, quo res æstimantur, vel alio quocunque modo, determinare valeas, num, & quanto unus contrahentium plus habeat, alter minus; secundum hanc determinationem jus cuique suum tribuas: æqualitatem servas arithmeticam, & querelarum causam tollis. Enimvero, si in casu supposito demonstrare possis ex quantitate pretii, quanto unus habeat plus, alter minus; juris, quod cuique competit, *cognitione mathematica* polles. Nota tamen, improprie modum hunc computandi æqualitatem inter contrahentes dici proportionem: revera enim nihil aliud est, quam subtractio & additio. Reductio ad æqualitatem melius diceretur: ratio tamen denominationis a proportionem arithmetica, quæ est inter æque differentes, desumpta est. Vide *perill. L. B. de Wolff* horas subsecivas *trim. vern. de definit. Just. Ulpiani*.

§. XXXV. Difficillima est in casibus specialibus applicatio cognitionis juris mathematicæ: quod quantitates qualitatum moralium, & earundem inter se relationis confusæ nobis tantum notiones sunt; modulo præterea destituamur, juxta quem emetiri easdem valeamus. Hinc in praxi in probabilibus ut plurimum, aut veritati quam proxime accedentibus, subsistimus, *ἀνρίβεται* mathematicam parum curantes; ut adeo, si ipsam praxin spectes, parum utilitatis ea promittere videatur. Verum enimvero, præterquam, quod in distributione onerum & commutationibus pretii, ac facultatum certa quantitas maxima ex parte explorari possit: ubi de distribuendis oneribus, collectis imponendis, & æqualitate in contractibus & læsionibus servanda agitur, cognitionis juris mathematicæ multiplex se usus exerit. In generalibus vero æquitatis principiis demonstrandis usus ejus plane insignis est; & quatenus principia generalia ad casus in vita obvios applicamus, in ipsam praxin

vitæ influit. Errores præterea evitare docet, quos in determinanda æquitate committunt solida juris scientia destituti.

Cognitionis hujus juris mathematicæ usum amplissimum specimine eximio confirmavit *perillustis* L. B. de CRAMER, exemplo emptionis spei, in quo ex natura contractus emptionis spei, & ope principiorum quorundam generalium universaliter docet, qua ratione æquitas in contractu emptionis spei determinanda sit. Hallucinationes vero commentatorum vix non omnium circa æquitatem emptionis spei determinandum non minus solide, quam erudite ostendit; quo ipso in ruborem dedit, quotquot solidiora aspernantur.

§. XXXVI. Rationes legum sunt fundamentum cognitionis juris philosophicæ (§. XXXI.). Quapropter cum rationes legum ab ipsa actionum liberarum natura (§. XVI. & XVII.), societatum civilium indole (§. XIX.), legislatorum voluntate & affectibus (§. XVI.) & factis historicis antecedaneis (§. XX.) desumantur: patet ad cognitionem juris philosophicam adspiranti principia partim ex *Philosophia prima*, *Psychologia*, *Theologia naturali*, *Philosophia practica* & civili, partim ex historia, præsertim *patriæ* petenda esse.

Liquet hinc difficultas cognitionis juris philosophicæ, ut proinde mirum non sit paucos esse, qui philosophantur in jure. In sequentibus monstrabimus, qua ratione studium juris instituendum sit, ut optatos progressus sentias: tædium vero, quod ex multitudine partium juris subnasci poterat, cum voluptate ex cognitione veritatis, & utilitatis olim percipiendæ plus quam compensetur.

§. XXXVII. Cognitio legum philosophica rationes & principia juris sub incudem revocat, & earundem veritatem demonstrat, (§. XXXI.) Enimvero *habitus*, *leges sive jura ex*  
immo.

*immutatis principiis demonstrandi juris scientia dicitur.* Viam itaque sternit cognitio juris philosophica ad juris scientiam.

§. XXXVIII. Si rationes legum demonstrare vales, atque in legibus positivis insuper leges latas esse constet, *cognitio juris certa est.* In legibus naturalis præter rationes intrinsecas aliæ attendendæ non veniunt; quippe quæ sufficiunt ad obligationem enti rationali constituendam. Quod si ergo rationes legum naturalium certo cognoscas; leges naturales & jura demonstrare potes inde fluentia. Quapropter cum certum dicamus id, quod demonstrare valemus; *certa* erit *cognitio* juris naturalis philosophica, ubi leges naturales demonstrare noverimus. Ut vero juris positivi, cum absque legislatore non concipiatur, (§. IX.) certa si cognitio philosophica, præter rationes in- & extrinsecas, legem actu a legislatore latam esse constare debet.

Ex quo colligere licet, dari in jure veritates non minus demonstrabiles, & evidentia sua nitentes, quam mathematicæ. Certitudo enim veritatum geometricarum, qua non absque ratione gloriantur Mathematici, non a methodo, sed a principiis pendet: dari vero in jure principia certa & evidentia, ex quibus concatenato ratiociniorum nexu jura deducere licet, iis obscurum esse nequit, qui methodo demonstrativa in juris naturalis studio versati sunt.

Ex. g. demonstraturus jus venandi in imperio R. Germanico dominis territorialibus non subditis competere, nec relinquendum esse; principia petit 1<sup>mo</sup> ex J. P. universali, quod summo imperanti facultatem tribuit, ea ordinandi, quæ salutem publicam promovent: removendi, quæ salutem civium turbant vel impediunt: 2<sup>do</sup> ex natura & indole venationis, quæ sine dispendio temporis a subditis exerceri nequit: 3<sup>tio</sup> a statu imp. R. Germanici antiquo & recentiori: 4<sup>to</sup> historia imperii & territoriorum particulari, quæ ab immemoriali tempore jus venandi ad solos dominos territoriales, vel per modum feudi, aut privilegii ad Status

provinciales vel vasallos pertinuisse asserit: *pro* a damno, quod ex libero venandi exercitio in rempublicam redundat, v. c. quod sylvæ devastentur, ab agricultura, opificiis, artibus mechanicis, & a mercatura cives avocentur; latrociniis, jurgiis, & quæ sunt alia, malorum segeti ansa subministretur. Quodsi ex his, & aliis, quæ casus speciales suppeditabunt principiis, concatenato ratiocinio deducas: venationem in imperio R. Germanico subditis nec relinquendam, nec concedendam esse; jus, quod inde territoriorum dominis in imperio nascitur, subditis omne venationis exercitium sub gravi pœna prohibendi non minus firmo stabit talo, quam theorema Euclidis de æqualitate trium angulorum in triangulo cum duobus rectis.

§. XXXIX. Cognitionem philosophicam probabilem dicimus eam, quæ aliquibus non tamen sufficientibus, principiis & rationibus nititur. Quapropter qui aliquas saltem pro æquitate, & sanctione legis vel juris, non vero sufficientes novit; is probabili saltem cognitione juris philosophica instructus est.

Ex. g. inter jura & prærogativas statuum quorundam imp. R. G. referunt, quod in divisione statuum imp. in quaterniones antiquitus locum obtinuerint. Fundamentum hujus juris in divisione statuum imperii in quaterniones quæritur. Enimvero cum nec ex constitutionibus imperialibus, nec ex historia, præsertim Ottonis III. quem hujus divisionis statuum imperii auctorem censet FRITSCHIUS, liqueat, an unquam ea statuum divisio lege sancita, aut confirmata fuerit, in recensendis etiam statibus in quaterniones redactis, contra omnem fidem historicam impingant quaternionum defensores; documenta nihilominus, & diplomata sæculi XIV. & XV. passim testentur hanc divisionem antiquitus obtinuisse; imo in diplomate quodam comitum Schwarzenburgicorum a Maximiliano I. subsignato expressis verbis comites Schwarzenburgici inter quatuor S. R. Imp. comites referantur: lex imperii publica de quaternionibus quibusdam saltem nititur rationibus, non tamen ad omnimodam certitudinem sufficientibus; quapropter probabilis saltem erit cognitio juris; quod ex divisione statuum imperii in quaterniones deducitur.

§. XL.

§. XL. Cum leges sint propositiones practicæ voluntatis vel actionis in dato casu directrices; usum habet cognitio juris historica in praxi vitæ, ubi certis regulis actiones hominum vel civium adstringunt, ut iis conformes actiones instituant. Præterea, si determinatæ fuerint leges, & circumstantiæ omnes, sub quibus obligant, exprimantur; in ipsa iustitiæ administratione, & applicatione legum, de qua mox dicemus, cognitio juris ac legis historica prorsus contemnenda non est.

§. XLI. Cognitionem juris philosophicam definivimus (§. XXXI. ) per notionem distinctam rationum legis. Quapropter, cum ex rationibus liqueat, num, & quare lex lata fuerit; usus præcipuus cognitionis juris philosophicæ se exerit, ubi leges ferendæ, immutandæ, vel abrogandæ fuerint. Quod cum legislatoris sit; legislatori hanc juris cognitionem propriam esse liquet. Præterea ubi jura summorum imperantium vel statuum immotis principiis & fundamentis superstruenda sunt; certam legum scientiam, pactorum & historiæ notitiam indispensabilis esse necessitatis nulli dubitabunt, qui in deducendis juribus Principum vel mediocriter fuerint versati. Præcipue vero gradus hic sublimis cognitionis juris eos decet, qui erudiendæ LL. juventuti præficiuntur. Cum enim, si non omnes, plures saltem post exactam vitam academicam consiliis Principum, atque negotiis publicis adhibeantur; multum refert, si in iis, quæ in utilitatem publicam statuenda sunt, longius, quam vulgus videant: quod quidem obtinebunt, si Philosophos se in studio juris, & methodi amantes præbeant.

§. XLII. Longis adeo parasangis juris cognitio philosophica historicam (quam vulgi dicere posses) antecedit. Qui philosophica pollet, certus est de lege, & determinationes



tiones omnes novit, quæ eam ingrediuntur; non ergo applicat legem, nisi ubi datas circumstantias & rationes legis existere deprehendit; ubi a lege recedendum, cum ratione exceptionem instituit, legibus ipse ferendis aptus; præterea evidenter perspicit, quæ jura, & quare cuivis competant, in administranda justitia semper securus. Contra, qui in historica juris cognitione acquiescit, errandi, atque injustum pro justo tribuendi periculum sæpius subit, rationes legum cum ignoret, exceptiones cum ratione instituere ineptus: & quæ sunt alia, quæ cognitionem confusam comitantur.

Ex. g. qui ex capitulatione CAROLI VI. art. VIII. verbis: *Derent wegen Wir dann auch* etc. novit statibus imperii, flumina, in Rhenum sese effundentia, navigabilia reddendi, constatus atque subditos, ut molendinna aut ædificia quæcunque, navigationis usum impediunt, demoliantur, adigendi jus esse, atque ex politicis & intrinsicis rationibus ac historia vicinarum gentium perspectum habet, quantum inde commerciis, & divitiis subditorum accedat emolumentum; atque inde, quæ motiva impulerint summos in imperio legislatores, ut sanctionem hanc conderent, concludit: is non solum citra errorem legem dictam ad casus in imperio obvios applicat; sed ex identitate rationum jus idem Imperatori & statibus imperii Danubio, aut alii flumini, vicinis asserit: quod cognitionis hujus legis philosophicæ experts iisdem negaret. Hæc tamen citra præjudicium eorum, quæ de interpretatione legum imperii in instrumento pac. & capitulationibus constituta sunt, dixerim.

§. XLIII. *Finis* in genere dicitur id, quod agens intelligens actionibus suis consequi intendit. Finem adeo cognitionis juris indagaturis examinandum primo venit, quid de legum juriumque scientia sollicitus intendat. Leges sunt regulæ actionum moralium vel civilium directrices; jura vero facultates morales ex legibus resultantes. Quamobrem, qui legibus cognoscendis operam navat, id præcipue agit,

agat, ut actionum tum moralium, tum civilium, normas sibi reddat perspectas. Porro, cum non segreges, sed in societate generis saltem humani vivamus, in actionibus liberis non nostrum solum, sed & aliorum, in societate nobiscum viventium, ratio insuper habenda est: ut nimirum ita instituantur, ne officiis erga nos, vel erga alios adversentur. *Habitus actiones liberas, ita instituendi, ut neque in officia erga nos, vel erga alios impingant, justitiam, & quidem universalem dicimus, quod omnibus virtutibus communis sit. Est ergo justitia universalis finis cognitionis juris generalis.*

Inter jura cum referatur, quidquid vi legis agere, vel ab alio petere possumus, ut in utilitatem nostram agat; patet eum, qui officia tum erga se, tum erga alios exacte observat, nec alterum impedit, quo minus jure suo utatur, tribuere alteri jus suum. Coincidit adeo definitio justitiæ universalis, quam dedimus cum definitione justitiæ Ulpianæ, quod nempe sit *habitus voluntatis, sive quod idem est, constans & perpetua voluntas jus suum cuique tribuendi*. Ut adeo perperam Zoëlius in comm. ad L. 1. Dig. T. 1. de just. & jur. n. 17. cum plerisque JCtis, particularem hanc esse definitionem justitiæ asserat: notæ enim, in allata definitione recensitæ, conveniunt omni justitiæ, ut vidimus. Nec melius loquuntur, qui justitiam universalem dicunt esse complexum omnium virtutum: virtus enim in genere est habitus voluntatis actiones suas legi conformandi. Genera virtutum a diversitate legum, quibus actiones conformandæ sunt, oriuntur: sic a lege naturali dicitur *virtus moralis*, sive philosophica; a lege divina *virtus theologica*; a legibus civilibus *virtus civilis* denominatur. Species vero virtutum sub generibus contentas nancisceris, si actiones, quas leges dirigunt, determines: sic qui habitum pollet in cibi & potus sumptione actiones liberas legibus naturæ attemperandi, temperans; habitus vero quem inde sibi comparat, *temperantia* vocatur. In notione virtutis conformitatis actionis cum lege tantum habetur ratio, abstrahendo a relatione actionum nostrarum ad alios, a qua demum justæ dicuntur; ut proinde justitia universalis sit genus quoddam peculiare virtutis omni virtuti commune, ejusque quasi sociæ: sic temperans, quatenus in  
iument.



sumendo cibo & potu leges naturæ circa sanitatem & corporis integritatem observat, *virtuosus*; quatenus vero immoderato ciborum & potus usu abstinet, ne aliis necessaria ad vitæ sustentationem alimenta defint, *justus* dicitur. Eodem modo in omni virtute sociam justitiam deprehendes.

§. XLIV. In civitate legibus a superiore latis cives adstringuntur, ut tam, quæ naturali ratione constituta sunt, quam quæ ratio civitatis specialis exigit, officia adimpleant: judices præterea constituendi sunt, qui juxta leges latas jus suum cuique in civitate tribuant. Administratio igitur justitiæ in civitate inter officia judicis merito refertur. Cum vero nulla adsit ratio, cur non semper & constanter jus suum cuique tribuere debeat; habitum ex repetitis sæpe actibus acquirit judex jus suum cuique tribuendi. *Habitus voluntatis juxta leges civitatis jus suum cuique tribuendi*, justitiam particularem, *sive judicis* dicimus. Quapropter, cum habitus hic absque cognitione legum & juris inde cuique competentis concipi nequeat; *justitiam particularem esse finem cognitionis juris particularem* liquet.

Denuo hic hallucinatur Zoësius, qui in verbis finalibus definitionis justitiæ Ulpianæ: *jus suum cuique tribuendi*, notas justitiæ particularis sibi deprehendisse visus est, cum uti §. *prac.* monstravimus, notionem justitiæ generalissimam ingrediantur.

§. XLV. Pragmaticam cognitionem in genere dicimus eam, quæ scientiis solide addiscendis, atque in praxi vitæ principia foecunda suppeditat, & ad felicitatem hominis tam privatam, quam communem promovendam comparata est. Quapropter, cum leges actiones liberas dirigant, & quod cuique jus competat, doceant; *cognitio juris, sive legum, pragmatica* erit: si in praxi & genere vitæ, quod olim amplexuri sumus, regulas certas & determinatas offerat, actio-

actionibus nostris non minus ad felicitatem privatam, quam civilem, unitis viribus promovendam aptas ; atque insuper jura in dato quolibet casu citra difficultatem eruere & demonstrare doceat.

*Breviter dicere posses, cognitionem juris pragmaticam eam esse, quæ media certa suppeditat ad finem cognitionis juris, qui est justitia, consequendum apta.*

§. XLVI. Unde apparet , quænam cognitio juris inutilis & superficialia dici mereatur : nempe inutilis & sterilis est cognitio , quæ nec scientiis , nec praxi vitæ inservit ; neque ad felicitatem hominis promovendam quidquam confert. Superficialia autem est , in qua neque notiones distinctæ, neque propositiones determinatæ, nec demonstrationes exalciatæ occurrunt. Quapropter cognitio juris inutilis & sterilis est , in qua traduntur , quibus in vita feliciter transigenda , & administranda justitia parum aut nihil proficitur. Quodsi igitur in confusis principiorum juris notionibus subsistas ; nec leges in determinatas & certas propositiones resolves ; neque ex legum rationibus easdem demonstres : superficialiam habebis cognitionem juris.

*Cum justitia sit finis cognitionis juris ; inutilis erit cognitio juris, quæ ad justitiam tam in propriis, quam in officiis erga alios observandam , vel nihil aut parum confert.*

§. XLVII. Habes proinde lapidem Lydium, quo inutilem & sterilem juris cognitionem a pragmatica & utili discernas. Inutilis nimirum & sterilis juris cognitio principia legum insuper habet, aut confusa saltem exhibet , & talia , quæ citra errorem in vita applicari nequeunt ; neglectis maxime obviis, & quorum quotidianus in vita tam privata , quam civili usus est, ea tradit, quæ vel raro aut nunquam

quam occurrunt, ad fastum, & vanam solum ostentationem comparata; terminis a communi sermone longe remotis & intricatis distinctionum nodis jura ita implicat, ut, dum in forum propelluntur, non solum dignosci non possint, sed & ludibrio, atque risui habitu suo scenico cordatis se exponant: pragmatica econtra, & utilis principiis utitur certis & evidentibus; terminorum, qui leges vel jura ingrediuntur, notiones formare docet distinctas & completas; leges in propositiones determinatas resolvit, quæ solæ in vita citra errandi periculum applicari possunt; sublimia licet non respuat, præfert tamen obvia, & quæ præsentissimum in vita usum spondent; a vanis distinctionibus, logomachiis, & terminis obscuris abstinet; si qui tamen, ut in omni scientia & arte evenit, adoptandi sint, eos ante definit, ut fixus & certus iis constet significatus; respuit, quæ neque demonstrandis, neque intelligendis juribus inserviunt; nec ante jura vel leges memoriæ mandari præcipit, quam de eorum usu constet, quisquiliis relinquens iis, qui quatuor muris, quam generi humano, philosophari malunt. Sed de his amplior erit dicendi campus, ubi capite tertio methodum docendi jurisprudentiam ex professo sumus tradituri.

§. XLVIII. Lex determinat, quid vel absolute, vel sub positis certis circumstantiis agendum, vel omittendum; consequenter justum vel injustum sit. Quare, si memoriæ mandasti legem, atque casus sese offerat, in quo eadem determinationes, quæ notionem legis absolvunt, occurrunt; in mentem tibi revocas propositionem generalem, seu legem actionis in dato casu directricem. Quapropter, cum actionis sub illis circumstantiis norma sit; juxta illam, quid in casu dato agendum, vel non agendum, justum vel injustum sit, colligis. *Ex perpensis actionis, vel casus oblatis, natura*

*tura & circumstantiis judicare, eam juxta legis, quæ mentem sub-  
it, præscriptum esse instituendam, vel decidendam, est id, quod  
applicare legem dicimus. Ipsa vero legis applicatio est judi-  
cium practicum actionem, vel casum, juxta legem, quæ determi-  
nationes cum casu dato communes habet, esse decidendum.*

Ponamus e. g. Titium a Sejo emisse prædium 4000. flor. quod vix  
1500. æstimandum erat. Rogat judicem Titius, ut de facto ju-  
diciu interponat, &, quid juris sit, enunciet. Judex, dum  
casum cum determinatis suis circumstantiis, sive factum expen-  
dit, in mentem sibi revocat *legem 2. Cod. de rescind. vendit.*  
quæ jubet in casu, ubi læsio ultra dimidium ascendit, rescinden-  
dam esse venditionem; judicat itaque, sive concludit, in dato ca-  
su rescindendam esse emtionem venditionem; sive quod idem  
est, applicat legem ad factum, in quo eadem determinationes  
occurrunt, quas lex comprehendit.

§. XLIX. Ex dictis liquet, quod, dum factum, de quo  
tanquam de subjecto determinationes & circumstantias præ-  
dicas, expendis, vi regulæ imaginationis, quæ vult, ut oc-  
casione perceptionis præsentis, quæ partem continet per-  
ceptionis totalis præteritæ, perceptio totalis præterita re-  
producatur, in memoriam tibi revoces legem, quæ sub iis-  
dem circumstantiis & determinationibus, quas factum præ-  
sens offert, statuit, quid æquum vel iniquum, justum, vel  
injustum sit. Habes igitur duas propositiones, quæ medium  
terminum, determinationes scilicet & circumstantias facti  
& legis communem habent; ex quibus juxta regulas ratio-  
cinandi colligis, idem circa factum in hypothesi justum, vel  
injustum, committendum, vel omittendum esse, quod lege  
jubetur. Quare, cum ejusmodi oratio *ratiocinium* dicatur;  
patet applicationem legis, si eandem distincte efferas, ratio-  
cinio contineri.

Ex. g. in capitulatione CAROLI VI. & legibus imperii fundamentalibus cautum est, ne collatio dignitatis, & in statum imperii evectio Principibus, & aliis statibus, ratione bonorum, quæ noviter in status imperii evecti ab ipsis in feudum tenent, uti nec jurisdictioni, neque nexui vasallitico præjudicet. Pone jam Nobili aut Comiti, qui feuda recognoscit a Principe imperii, status imperii dignitatem conferri: judicaturus, quid ratione bonorum, quæ a Principe imperii in feudum tenet, justum sit, atque, an nova dignitas nexus vasallitici ac jurisdictionis vinculum solvat, factum cum determinatis circumstantiis expendit: scilicet 1. quod Comes vel Nobilis, de quo quæstio, feuda a Principe & statu imperii recognoscat; 2. quod præterea feuda immediata ab imperio teneat; & 3. quod horum intuitu status imperii dignitas ipsi collata fuerit. At vero cum hæc sint illæ ipsæ determinationes, quæ legem imperii publicam ingrediuntur; vi regulæ imaginationis mentem subit ipsa lex, quæ dicit: quod, cui status imperii dignitas confertur, ratione feudorum, quæ ab immediato imperii statu recognoscit, sit, maneatque ejus vasallus; nec novus dignitatis gradus jurisdictioni ejusdem quidquam deroget. Duas hic habemus propositiones, legem imperii publicam, & factum cum determinatis circumstantiis, quas communes habent; ideoque colligimus, idem in dato casu obtinere, quod lege disponitur: nempe Nobilem aut Comitem, in quem status imperii dignitas collata est, ratione bonorum, quæ ab imperii Principe in feudum tenet, esse atque manere vasallum, ejusque jurisdictioni ut ante subjectum. Universalem esse hanc regulam, imo aliter jus applicari non posse, citra difficultatem ex regulis logicis, & natura animæ demonstratur. Quod vero præmissas, legem scilicet, & factum, non distincte semper cogitemus, id inde est, quod, quando familiares nobis sunt leges, oblato casu confuse saltem, &, ut Philosophi loquuntur, exercite earum recordemur.

§. L. Finem cognitionis juris, sive legum, justitiam tam universalem, quam particularem, sive judicis, supra (§. XLIII. & XLIV.) constituimus. Enimvero, cum utraque justitia id commune habeat, quod jus suum cuique tribuat juxta leges: in justitiæ tam universalis quam particularis exercitio leges applicandæ veniunt. Quatenus itaque



que applicatio legum a justitiæ administratione inseparabilis est: eatenus pro finē cognitionis juris recte habetur *applicatio legum ad facta*.

§. LI. Prudentem dicimus eum, qui sapienter decreta & constituta apte exequi, atque impedimenta, ex improvviso incidentia, ne finī obtinendo sint obstaculo, dextre removeere novit. Quamobrem, cum jurisperitus pro fine sibi propositam habeat administrationem justitiæ, (§§. XLIII. & XLIV.) hæcque absque applicatione legum ad facta concipi non possit: *jurisperitus*, *prudentis* nomen meretur, qui leges cum sapientia latas ad casus obvenientes apte applicare, quodque applicationem legum quovis modo impedit, cum dexteritate antevertere novit. Habitus inde enatus, leges ad facta apte applicandi, & quidquid applicationem legum impedit, dextre removendi, *jurisprudentia* dicitur.

Paullo aliter jurisprudentiam definit ULPIANUS *L. 10. π. §. 2. de justitia & jure*, quod sit divinarum atque humanarum rerum notitia, justī atque injustī scientia; quæ tamen, si distincte evolvatur, nostræ nequaquam adversatur, ut potius cum ea consentiat. Notæ, quæ definitionem jurisprudentiæ, ab Ulpiano allatam, ingrediuntur, sunt *1<sup>mo</sup>*, quod si notitia rerum divinarum atque humanarum; per res divinas atque humanas intelligit Jctus, quidquid quovis modo divina vel humana officia respicit, sive in statu naturali, sive in statu civili, aut ecclesiæ vivat homo; ita ut nec facta, nec casus speciales excipiendi sint, in quibus vel divina vel humana officia versantur. Noticiam itaque supponit ULPIANUS casuum tam generalium, quam specialium, cum circumstantiis, in quibus vel Dei, vel hominum, atque societatis civilis ratio habenda est. Porro ait ULPIANUS, quod sit justī atque injustī scientia. Scientia justī atque injustī definitur, quod sit habitus demonstrandi, qua ratione actiones liberæ sint instituendæ, ut cuique suum tribuatur, nemo vero lædatur. Quod cum fiat, si secundum leges vivamus: patet scientiam justī atque injustī non esse absque legum scientia. Supponit itaque ULPIANUS,



NUS in jurisprudente *1<sup>mo</sup>*, legum scientiam; *2<sup>do</sup>*, notitiam factorum, sive casuum specialium, circa quos leges determinant, quid justum vel injustum sit. Sed positis facti notitia & legis scientia applicatio legis prona est (§. XLVII. & XLVIII.): per sequelam adeo necessariam in definitione jurisprudentiæ Ulpiana applicatio legis continetur. Nimis in definitione ULPIANUS ponit determinantia: patet autem positis determinantibus necessario poni determinatum, cujus sunt ratio sufficiens. Porro, qui leges scit, & facta novit, circa difficultatem leges in dato casu applicat (§. XLVIII. & XLIX.); consequenter habitu pollet leges applicandi. Quapropter cum ad jurisprudentiam, scientiam legum & notitiam facti requirat ULPIANUS: in jurisprudente habitum applicandi leges ad facta eum supponere evidens est.

§. LII. Ideo leges ad facta, sive casus obvenientes, applicari queunt, quod eadem in facto occurrant determinationes, quæ legem ingrediuntur. Quapropter, ut leges applicari possint, determinationes legum evolvendæ; sive, quod idem est, leges interpretandæ sunt: ut adeo *interpretari* leges nil aliud sit, quam determinationes legum distincte evolvere. *Interpretatio* vero legum erit distincta *evolutio* determinationum, leges ingredientium, & circumstantiarum, sub quibus obligant.

Cum determinationes & circumstantiæ, sub quibus lex obligat, mentem legis absolvant: patet eum recte interpretari leges, qui mentem genuinam legum assequitur.

Ex. g. Instr. Pac. art. V. §. 52. sancitur in causis religionis; in omnibus negotiis, ubi status imp. tanquam unum corpus considerari nequeunt; ubi Catholici & Augustanæ confessionis status in duas partes eunt, totam amicabilem compositionem lites dirimere, non attenta votorum pluralitate. Legem hanc imperii publicam interpretaturus *1<sup>mo</sup>* distincte evolvit, quænam sint causæ religionem concernentes, easque, de quibus certo constat tales esse, separat ab iis, de quibus dubium est, an inter causas religionis sint referendæ; nec ante legalem eorum decisionem, penes quos

quos in imp. Rom. Germanico est leges publicas ferendi potestas, iudicium deproperat: *ado*, ex notione corporis politici, & statu imperii R. Germanici determinat negotia, in quibus status imperii tanquam unum corpus considerari nequeunt; nimirum definit corpus politicum, quod sit societas plurium statuum, communis salutis ac tranquillitatis promovendæ gratia inita; exinde, & ex imp. R. Germanici indole, statu, & juribus colligit, status imperii considerari ut unum corpus, quatenus communi consilio, quæ salutem ac tranquillitatem imperii tangunt, expediunt; cum vero superioritate territoriali gaudeant, & majestatica jura in territoriis suis exerceant status imp.; eatenus ut corpus unum eos nemo cum ratione habebit: *3tio*, notionem sibi format, quid sit ire in partes, atque ex mente summorum pacificentium, & sine instrumenti pacis eruit, an indistincte valeat dispositio, in quacunque causa in partes eant, an vero ad casus altioris indaginis, & ubi non de juribus statuum particularium, sed collegiorum agitur, restringenda sit; ex articulo VII. ejusdem J. P. recolit, sic dictos reformatæ religioni addictos, quoad omnia jura, privilegia, & prærogativas in causa religionis cum Augustanæ confessioni addictis esse parificatos; hinc ea, quæ hoc §. 52. statuuntur, respectu sic dictorum reformatorum æqualem vim legis habere arguit. Quodsi, quæ hic indigitavimus, prout decet, exequare: dubium non est, quin legem hanc publicam recte interpreteris; cum omnium determinationum, quæ eam ingrediuntur, notiones distinctas evolvas.

§. LIII. In iis, quæ de interpretatione & applicatione legum superius dicta fuerunt, easdem in facto & lege determinationes supposuimus, nec alias in lege admisimus, quam quas ipse legislator verbis expressit; aut per ea, quæ in lege posita sunt, necessario determinantur: ut proinde hætenus dicta intelligenda sint de *interpretatione simplici*; quam definire licet, quod sit *distincta evolutio determinationum, in lege expressarum, aut earum, quæ per necessariam sequelam insunt*. Coincidit interpretatio simplex cum cognitione legis distincta: uti ex iis, quæ de notione cognitionis legum philosophicæ (§. XXXI. seq.) dicta sunt, liquent.

Obi-

Obiter hic nota, dum in *Instr. Pac. art. 8. §. gaudeant*, statuum imperii consensus requiritur, quando leges imperii interpretandæ sunt, minime sermonem esse de interpretatione declarativa, sive simplici, quod per se clarum est; cum applicare leges absque interpretatione, qualem hic intelligimus, absurdum sit.

§. LIV. In juris naturalis doctrina demonstramus, nullam posse concipi actionem, neque casum in vita humana obvium, cui naturalis sua non constet æquitas, vel iniquitas. Sed cum in civitate præsertim, ubi jus suum cuique tribuendum, multæ prostant rationes, cur æquitatis, & rationum naturalium non omni tempore ratio possit haberi; consequenter leges civiles sub generalibus, determinatis tamen circumstantiis, concipiendæ, atque ad certos casus sint restringendæ, ne & litium infinitus esset numerus, & difficilis justitiæ administratio: non evenire sane non potuit, quin in pluribus casibus, ubi legibus præcise standum foret, quibus jus erat tribuendum, insigniter læderentur; sicque jus in summam injuriam degeneraret. Quapropter si casus se offerat, in quo vel plures, vel pauciores, quam in lege determinationes & circumstantiæ occurrant; consequenter, si stricto jure procederetur, ex lege decidi non posset, quem tamen decidendum ratio æquitatis postulat: lex erit extendenda, vel restringenda; h. e. ex æquitate supponendum est, in lege determinationes plures vel pauciores contineri, quam quidem eidem insunt, ut æqualitas determinationum legis & facti obtineatur, atque sic ei applicabilis fiat lex (§. LIII.)

Supponimus nimirum in interpretatione tum extensiva, tum restrictiva, legem, non habita ratione, quod ad casus sub ea non contentos fuerit applicata, manere eandem; nec desunt rationes a societate civili desumptæ, quæ id suadeant; quas quisque prudens facile eruet. Periculosa uti omnis mutatio in republica, ita legum periculosissima. Conservandæ igitur leges  
civi-

vitatis in robore suo, quamdiu sine summo dispendio fieri id possit; hinc interpretandæ potius, quam abrogandæ, aut mutandæ. Deinde si ob particulares quasque in factu circumstantias nova lex ferenda esset; quot quæso; legum voluminibus obruemur? Tacite itaque vel expresse imperantes collegiis consilii secretioris, aut, qui in provinciis jura dicunt, id indulgent, ut, cum leges novas ferendi potestate destituantur, leges interpretentur; ut ULPIANI verba *L. 13. π. de legibus* clare testantur: ubi, quoties lege aliquid introductum est, cetera, quæ ad eandem utilitatem tendunt, vel interpretatione, vel jurisdictione, suppleri jubet; ut adeo jurisdictionem ab interpretatione distinguat. Legislatoribus & JCtis Romanis sancta adeo erat legum firmitas, ut, pro integritate earundem conservanda, ad fictiones sæpe recederent, ubi ob prægnantes æquitatis rationes a lege fuerat recedendum: ut in postliminio reversis novimus fuisse observatum. Cum enim ex principiis J. R. servitus esset J. G. non poterant illi non pro servis haberi, qui ab hostibus capti fuissent. Enimvero durum videbatur, civem Romanum, ab hostibus captum, postliminio reversum non jura civitatis recuperare. Quapropter ut & servitutis jura intacta manerent, & civibus reversis consuleretur, supponebant eos semper in civitate fuisse. Indignum adeo JCto errorem erravit G. Ger. TITIUS, dum in dissert. *de inconcinnitate & inutilitate fictionum Romanarum* indistincte omnes omnino fictiones in jure explodit. Non latuit JCtos Rom. æquitas naturalis in casibus fictionum obvia; & perinde ipsis fuisset ex illa æquitatis ratione, quam Titius inculcat, novam legem ferre. Verum eum a lege recedere piaculo simile fuerit habitum; nec tamen injustos esse legislatores deceret: utrique consuluerunt per fictiones veri vicarias, quo ipso eundem finem consecuti sunt, quem nos ab interpretatione extensiva vel restrictiva expectandum esse innuimus. Sed de his ex professo alio tempore.

§. LV. Quod si factum plures determinationes contineat, quam lex, ita ut latius pateat lege; nec stricta interpretatione ex ea dijudicari possit: supponis id, quod plus est in factu, in lege contineri, ut exacte ad casum præsentem quadret; h. e. *extendis legem.* Est adeo legem inter-

F

pre-

pretari *extensive*, plures in lege determinationes supponere, quam in eadem sunt, ut casui, sub iisdem dato, applicari possit. Si vero lex latius pateat facto; sive, quod perinde est, plures in lege determinationes occurrant, quam quidem casus offert, ita ut itidem ei applicari nequeat: supponis quod minus est in facto, non esse in lege; h. e. restringis legem. Est proinde *restringere legem*, sive interpretari legem restrictive, pauciores in lege determinationes supponere, quam in ea sunt, ut ad casum sub iis datum quadret.

Ponamus e. g. lege sancire Principem, ut bonis, quæ in republica quisque possidet, sive mobilia sint, sive immobilia, sive in numerata pecunia consistent, proportionalia cives onera ferant. Ex lege pecuniæ, in cambiis extraneis depositæ, sub censum & æstimationem non cadent; cum ad ea bona, quæ quisque in republica possidet, lex restricta sit, ea vero, quæ alibi possidentur, in censum non veniant: quis enim subdito ex. g. episcopatus Herbipolensis injunget, ut ratione bonorum immobilium, quæ in Austria possidet, ad onera publica episcopatus Herbipolensis contribuat? Verum si contingat, cives maxime opulentos pecunias suas, in republica partas, in cambiis extraneis deponere, sicque oneribus publicis se subtrahere cogitent: alia plane & diversa est ratio bonorum, quæ extra rempublicam possidentur; & utique æquitati convenit, ut inter bona, oneribus publicis obnoxia, reputentur pecuniæ, sive, ut vulgo dicunt, capitalia, in cambiis extraneis deposita. Cum vero hæc determinatio lege non contineatur: quamdiu nova non fertur, supponitur in lege, eadem includi; h. e. lex ampliatur sive extenditur ad casum in ea non expressum.

Similiter pone *Titium*, cui tenuis supellex, & numerosa præterea familia alenda est, in contractu emtionis venditionis a *Sejo* graviter quidem, non tamen ultra dimidium, læsum esse: iudex, legi civili inhærens, actionem *Titio* contra *Sejum* negabit; eoquod determinationes, quæ legem 2. C. de rescind. vend. ingrediuntur, in dato casu non existant. At vero statum *Titii*, resque ejus angustas domi, & damnum, quod inde sentit, perpendens,



dens, legem dictam ad casum præsentem applicare vix hæsitabit: supponet itaque, non plures, sed easdem esse determinaciones in lege, quæ in dato casu deprehenduntur.

§. LVI. Dubium moveri hic poterat contra ea, quæ de fundamento interpretationis tum extensivæ, tum restrictivæ, attulimus: nimirum, cum legem extendimus ad casum latius patentem, supponimus in lege id, quod plus est in facto, ut ei possit applicari. Similiter, dum restringimus legem, supponimus id, quod minus est in facto, nec in lege esse, ut facto congruat. Enimvero nonne in casu priori pauciores, in posteriori plures circumstantias in facto licet supponere, ut sic idem consensus facti cum lege obtineatur, quem antea ex principiis nostris deduximus? ut proinde diverso respectu utraque interpretatio & *extensiva* & *restrictiva* dici possit. Verum, licet eorum, quæ hic obijciuntur, veritatem non diffiteamur; & perinde sit, quacunque ratione consensum facti cum lege obtineas, si novam ferre nolis: communi tamen, & receptiori loquendi usu, non facta, sed leges extendi vel restringi dicuntur; cui nos inhærere maluimus, quam novum effingere. Deinde cum interpretatio legum extensiva & restrictiva sub legislatoriam potestatem cadat; leges vero, non facta, in potestate sint legislatoris: magis propria est locutio, dum leges, quam cum facta extendi, vel restringi dicimus.

§. LVII. Dum lex extenditur vel restringitur, a mente legis receditur. (§. XXVI. & LV.) Enimvero cum mens legis declaret, quæ sint determinaciones legis, & sub quibus circumstantiis legislator eam obligare voluerit: (§. eodem) patet non obligare legem sub circumstantiis, ad quas vel extenditur, vel restringitur; nisi expressus vel tacitus legislatoris consensus accedat, qui, magistratibus subalternis



id indulgeat. Quapropter summi magistratus est extendere vel restringere leges.

Sermo nobis est de interpretatione legali, non doctrinali, quæ cuique jurisprudenti relinquatur. In foris Germaniæ interpretatio passim tribunalibus & collegiis jurisprudentum, ex tacito summorum magistratuum indultu, & antiquis Germanorum moribus, quibus æquitatis ratio, quam legum integritas potior habita fuit, concessa intelligitur. Aliud tamen in summis imperii tribunalibus, iudicio intellige imperii aulico & camerali, obtinet, cujus illustribus membris leges imperii publicas applicare quidem, extendere vero, vel restringere ad casus, sub lege non contentos, minime conceditur; utpote quod *art. VIII. Inst. P. O. §. gaudeant*, verbis: *ubi leges ferenda vel interpretanda. Item. capit. CAROLI VI. art. II. §.* Desgleichen auch andere des heil. Römischen Reichs etc. verbis: Viel weniger neue Ordnungen und Gesetze: legislatoriæ potestati comitali reservatum est. An idem intelligendum sit de interpretatione identica & analogica, infra dispiciemus.

§. LVIII. Inquirendum nunc erat in rationes speciales, ex quibus leges extendendæ, vel restringendæ veniunt, atque inde regulæ, in interpretatione legum observandæ, eruendæ erant. Verum, cum id paucis fieri non possit; insuper regulæ speciales jurisprudentiæ, tum naturalis, tum civilis, perfectam doctrinam supponant: eas studio hic præterimus. Videatur interim H. GROTIUS *de J. B. & P. L. 2. C. 16.* In compendio præcipuas exhibet PUFFENDORFFIUS *de offic. hominis & civis L. 1. C. 17.* quarum tamen nonnullas non immerito in notis perstrinxit BARBAYRACUS, Jctus Groningensis magni nominis.

§. LIX. Similia sunt, quæ eodem modo determinantur; seu quæ eadem habent determinantia. Facta adeo seu casus similes erunt, si determinationes & circumstantiæ, quæ in uno occurrunt, etiam in altero deprehendantur.

Qua-

Quapropter si legislator legem sanciat sub determinati-  
onibus & circumstantiis illis obligantem; occasionaliter vero  
ex rationibus historicis & extrinsecis determinaciones alias  
in lege expreſſerit, quæ ad tationes essentielles, & mentem  
legis non pertinent; consequenter in applicatione legis in-  
super haberi possunt: lex minus late patere videbitur, quam  
re ipsa patet. Quamobrem ubi casus sese obtulerit, easdem  
determinaciones intrinsecas & essentielles cum priori com-  
munes habens: ex eo, quod in primo casu determinaciones  
illæ fuerint ratio sufficiens legis, in posteriori itidem easdem  
sufficere concludimus; cum, ubi eadem sunt determinantia,  
eadem esse determinata liqueat. Quamobrem ad casum  
ultimum propter identitatem rationum legis legem eandem  
applicamus.

Pone ex. g. tempore pestis, ubi testium, ad solemne testamentum  
requisitorum, numerus haberi nequit, lege sancire Principem,  
duos testes sufficere ad testamentum validum conficiendum;  
rationes intrinsecas & essentielles, quæ moverunt legislatorem,  
ut testium numerum, in testamento solemni alioquin requisi-  
torum, restringeret, alias non fuisse, quam difficultatem ha-  
bendi numerum testium ordinarium, & ut testandi facultas nemini  
absque ratione auferretur; extrinsecas, historicas, & accidentales  
legis rationes fuisse contagionem, & testamenta forsan nonnulla  
privatorum, tempore pestis condita, quæ ex hoc capite pro nullis  
habita fuerunt. Pone jam moribundum in via, aut navi, testa-  
mentum condere, adhibitis duobus saltem testibus, quos solos  
tum comites habebat. Cum eadem pro præſenti casu rationes  
intrinsecæ & essentielles, nempe difficultas habendi numerum  
testium ordinarium, & quod nemini facultas testandi absque  
ratione sit adimenda, itinera tamen sæpiſſimè negotiorum tam  
publicorum quam privatorum causa suscipienda sint, militent;  
accidentales vero ab itinere, negotio exequendo, via, vel navi  
desumptæ, hic attendi non mereantur: legem eandem, quæ de  
testamento, tempore pestis condito, lata fuit, ad testamentum,  
a moribundo in via, vel navi, confectum, applicamus. In lege

posuimus numerum testium quemcunque; jure Romano nonnisi consociatio remittitur; moribus vero duos saltem in casibus suppositis requiri testatur MEVIUS *ad F. Lubecens. p. 2. tit. 1. a. 2. n. 59.* STRUIV. *Jurisprud. pract. forens. L. 2. T. 16. §. 11.* Non adeo proprie in hac interpretatione extenditur lex; sed eadem manet in omnibus casibus, quibus propter mentem eandem applicatur: determinationes namque accidentales, uti diximus, insuper habentur.

§. LX. Quodsi determinationes intrinsecæ & essentielles legis omnes omnino coincidunt cum iis, quæ in dato casu occurrunt: erunt casus legis, & qui datur, omnino similes; consequenter determinationes utrimque eadem. Interpretationem, quæ instituitur propter rationes easdem casus, in lege expressi, cum casu dato, *identicam* vocare lubet.

Exemplum dedimus §. præc. Supponit doctrina præsens de interpretatione legum ex similitudine rationum legis theoriam exactam, de determinato & indeterminato, de identitate & similitudine, a qua lucem mutuatur, quæ de similitudine legum traduntur. Denuo hic apparet usus, quem in disciplinis, methodo demonstrativa tradendis, præbent notiones directrices; præsertim ubi veritates reconditæ in apicem producendæ, & notiones confusæ ad distinctas reducendæ sunt.

§. LXI. In interpretatione identica eadem in utroque casu sunt determinationes legis intrinsecæ & essentielles (LX.); consequenter eadem mens legis (§. XXVI.). Quapropter, cum mens legis declaret, sub quibus circumstantiis lex obliget: patet ejus esse interpretari leges ex identitate rationum, cujus est applicare leges: siquidem rationum identitatem demonstrare valeat.

Non igitur hoc casu nova sanctione opus, sed judicis arbitrio hæc interpretatio relinquenda est; quod tamen in plurimis rebus  
publi-

publicis eo limitatur, ut summo imperanti necessario de eo referendum sit: nisi urgens necessitas aliud jubeat; quo casu ipsi imp. R. G. summis tribunalibus facultatem, legem ex identitate rationum interpretandi, vix negaverim. Pone enim ab Imperatore R. G. bello a diversis Europæ Potentiis v. c. Rege G. & R. D. oppresso, lege publica status atque subditos imperii, qui sub Rege G. merentur, advocari; arma vero contra patriam sumentium bona fisco applicanda juberi. Cum evidens sit, easdem hic militare rationes ex parte eorum, qui sub R. D. quem hostem patriæ supponimus, armaverunt: eandem quoque, citra novam sanctionem imperii, legem publicam iis applicandi, avocatorias promulgandi, renitentium bona fisco adjudicandi facultas, cur summis imperii tribunalibus negari debeat, ego non video. A legibus imperii publicis saltem non abhorrent, quæ hic asserimus; quippe quæ de iis casibus loquuntur, ubi interpretatio novam legem argueret, cujus contrarium in interpretatione identica evicimus.

§. LXII. Applicatur subinde lex, ubi aliquæ saltem determinationes essentielles eadem sunt, cum iis, quæ casu supposito obtinent: (quam similitudinem legis & facti partialem dicimus) est igitur similitudo legis & facti partialis *fundamentum interpretationis analogicæ*; quam definitio, quod sit actus, quo lex ad factum applicatur propter aliquas saltem determinationes legis essentielles, quas communes habent.

Cum in interpretatione analogica a mente legis recedatur (§. XXVI.); a mente vero legum in applicatione recedere citra legislatoris voluntatem non liceat: patet leges ex interpretatione analogica applicare integrum non esse nisi iis, quæ leges ferendi potestas est; aut quibus expresse vel tacite id concessum intelligitur.

§. LXIII. Per universam jurisprudentiam se diffundit utilissima hæc doctrina de interpretatione legum, & tanta se exerit ejus in omnibus partibus juris utilitas, ut peculiare studium mereatur; siquidem plus quam legulejum, aut rābulam in foro agere velis. Plura de interpretatione trademus,

mus in jurisprudentia civili elementari; quæ propria hujus doctrinæ sedes est, principiis ex veriori Logica, Philosophia prima & politica accersitis. De usuali interpretatione dicere nil attinet, cum speciem a reliquis diversam non constituat; sed tantum denotet interpretationem, qualiscunque fuerit, moribus & usu forensi jam receptam esse.


§. LXIV. Jurisprudens habitu pollet, leges sapienter latas ad facta applicandi, & removendi, quidquid applicationem legum impedire potest. Quapropter cum nihil magis impediat applicationem legum ad facta, quam diversæ determinationes, quæ tum in factis, tum in legibus occurrunt; hæc vero obstacula per genuinam interpretationem simplicem (§. LIII.), restrictivam, vel extensivam, (§. LIV. & LV.), identicam, vel analogicam (§. LXI. & LXII.) tollantur: patet jurisprudentis esse interpretari leges.

Cum vero interpretari leges nequeat, nisi qui rationes earundem perspectas habet (§. LIII.): rationes legum inquirendas esse de novo confirmatur, ut adeo jurisprudentis nomen inane gerat, qui *in L. 10. π. de legibus* ignorantia suæ asylum quærit.

§. LXV. De mediis nunc, atque impedimentis cognitionis juris solidæ atque pragmaticæ agendum erat; ut appareret, qua ratione ad praxin transferenda forent, quæ de cognitione juris hucusque inculcavimus. Enimvero, cum media præcipue a methodo docendi, ordine, atque principiis juris dependeant; impedimenta vero, tum ab ipsâ docentibus, tum discentibus proficiscantur: præsens tractatio tum demum cum fructu institui poterit, ubi partes jurisprudentiæ, earum ordinem, atque principia solide adstruxerimus, & methodum docendi jurisprudentiam ex genuinis methodi regulis derivaverimus. Ex notione partium juris, quas, si Deo placet, dabimus distinctas, eluces-



elucescet, quodnam cuivis pro genere vitæ, quod olim amplexurus est, studium juris præcipuum haberi debeat; ut officio, tum boni viri, tum boni civis, ex asse satisfaciat. Non enim inter minimos sæculi nostri pævos referendum est, quod vana illa persuasio animis hæreat, quasi qui herculæo labore ingens juris Romani volumen memoriæ mandaverunt; casuum atque quæstiuncularum, eo pertinentium, myriadibus suffarcinati, expediendis maxime arduis in vita civili negotiis sufficerent; quæ de jure naturæ, jure gentium, jure publico, tam universali, quam particulari, jure oeconomico, seu camerali, nostro sæculo in Academiis addiscenda inculcantur, vana esse novaturientium Doctorum deliramenta, queis in vita civili facile carere quis possit, non minus inepte, quam præfractæ asserentes. Sed dabunt, spero, veniam, si contrarium ego sentiam. Ita enim in animum induxi meum, non omnem prudentiæ civilis partem studio juris privati contineri; esse & alia, ad civitatem bene regendam non minus utilia, quam necessaria; quæ proinde recte in Academiis tradenda præcipiuntur; ut sic principiis saltem, & notionibus rerum agendarum instructi ad negotia publica Principis & reipublicæ sese applicent: cujus rei oculatam fidem facient, quæ capite sequenti, quod aggredimur, dicturi sumus.



G

CA-

## CAPUT II.

DE PARTIBUS JURIS, EARUM PRINCIPIIS,  
ET ORDINE.

§. I. **P**Artes juris determinaturi notionem juris in genere evolvendam primum nobis sumpsimus; quo palam faceremus, quænam, essentialibus, notionem generis ingredientibus, manentibus iisdem, diverso modo determinari possent, atque diversas sic nancisceremur juris species. Jus hic sumimus pro complexu legum, per complexum indigitantes totam aliquam seriem legum, sub genere, vel specie eadem contentarum; per leges vero intelligentes normas, seu regulas, juxta quas actiones liberas instituere obligamur. Apparet adeo, non de juribus in individuo, sed de eorumdem generibus atque speciebus, quæ totam quandam disciplinam absolvunt, constituendis, nos hic esse sollicitos: atque ideo in determinatione essentiali, quod sit *complexus legum*, nihil occurrere liquet, quod mutari, vel alio modo determinari possit; cum omnes partes juris id commune habeant, quod sunt *complexus legum*. Recurrendum itaque erit ad notionem legis alteram, quæ notionem juris in genere ingreditur, determinationem investigaturis, utrum in ea ulterius quidpiam determinandum occurrat, ex quibus species juris derivare liceat. Notæ, quæ definitionem legis ingrediuntur, sunt 1. quod sit norma sive regula, 2. quod dirigat actiones liberas; 3. quod obliget, sive quod motivum volitionis, vel nolitionis cum actione connexum sit. Quod primum attinet, leges sine exceptione prædicatum hocce commune habent; nec salva legis essentia alias determinationes admittit. Quapropter in notione normæ, sive regulæ, frustra

ra legum aliqua differentia quæritur. Aliud est de actionibus liberis, quas dirigunt, atque de obligatione, sine qua lex nulla neque est, neque intelligi potest. Obligatio, scilicet *activa* legislatori propria, de qua nobis sermo est, in genere dicit connexionem motivi cum actione libera. (§. XXI.) Quare cum legem necessario ingrediatur: eadem erit causa efficiens obligationis, quæ legis. In notione obligationis causa efficiens, seu illius, per quod intelligitur eam esse constitutam, determinatum non est, sed inter ea referri debet, quæ ulterius determinanda sunt: quo ipso diversæ nascuntur obligationum species, quæ notionem generis communem habent, determinationibus vero, a causis earum efficientibus petitis, differunt. Quapropter cum obligatio vel per ipsas rerum essentias, & naturam entis rationalis intelligatur; nec præterea aliud supponat, ut voluntatem liberam moraliter determinet ad agendum, vel non agendum; vel ab ente rationali, sufficientibus viribus, id, quod lege jubet, exequendi instructo, constituatur, nec citra ejusdem voluntatem intelligatur: duæ sese produnt obligationis activæ species; altera, quæ per ipsas rerum essentias, & naturam entis rationalis constituitur, atque ideo *intrinseca* & *naturalis* dicitur; altera, quæ ex voluntate legislatoris actioni superaccedit, nec per essentiam ejus intelligitur, atque *extrinseca* & *positiva* a nobis salutatur. Quamobrem, cum obligatio inter essentialia legis locum obtineat: pro diversa obligationis natura diversæ enascentur legum species; quarum complexus juris species, sive partes diversas pariet, in species, sive partes subalternas, ulterius dividendas, donec ad individua, sive omnimode determinata pervenias. Leges enim tam naturales, quam positivæ, certum entis rationalis, & in specie hominis, statum supponunt, cui leges sunt conformandæ. Quodsi itaque diversos hominis status naturales, morales, & civiles, atque re-

lationes tum ad Creatorem suum , tum ad proximum determines: mira sese prodet legum tum naturalium, tum positivarum , varietas, ut non sine summa voluptate universi hujus sapientissimam oeconomiam uno quasi obtutu contemplari liceat.

Hæcque est illa via , qua utemur in determinandis partibus juris; nec dubitamus, quin, methodi amantes institutum nostrum probaturi sint. Etenim nihil est, quod progressum in scientiis magis promoveat, quam si, quæ in iis pertractanda sunt, in genera & species apte distribuere noveris. Supponimus hic exactam de ente singulari & universali scientiam, qua destituti frustra hunc laborem tentant. Vid. *perill*, L. B. de WOLFF, *Phil. prim. P. 1. S. 3. C. 2.*

§. II. Indicavimus §. *præced.* fontem, ex quo diversa juris genera, & species derivare liceat; obligationem nimirum naturalem & positivam, cum diversis statibus, circa quos tum leges naturales, tum positivæ versantur. Non igitur præter obligationem naturalem alio fundamento opus est, ut juris naturalis notionem in nobis efformemus.

§. III. Etenim ex obligatione naturali, quæ oriuntur leges, *leges naturales*, harumque complexus jus naturæ constituunt. Definiri proinde poterit *jus naturæ*, quod sit complexus legum, juxta quas ipsa natura actiones nostras instituere nos obligat. Non hic definimus jus naturæ, quatenus pro facultate morali, in legibus naturæ fundata, accipitur (§. IX. C. 1.); sed partem illam jurisprudentiæ universalis, a qua ceteras omnes principia sua & fundamenta mutuari ex sequentibus elucescet.

§. IV. In notione juris naturalis status, quem leges naturæ respiciunt, & ad cujus perfectionem tendunt, nullam feci-

fecimus mentionem. Quodsi igitur statum hominis, vel entis rationalis, eique conformes leges naturæ determines: citra difficultatem partes juris naturalis in aprium produces. In statu naturali homo considerari potest absque relatione vel ad suum Creatorem, vel ad alios, quoad id solum, quod essentiam ejus atque naturam absolvit. Quapropter, cum per suam essentiam & naturam homo, citra respectum ad Creatorem, vel ad alios, ad certa officia obligatus sit: fundamentum sufficiens habemus, ex quo jus naturæ ethicum derivemus.

Multum interest in scientiis practicis status diversos hominis probe discernere; cum nulla fere sint jura, nulla officia, quæ non certum & determinatum statum præsupponant, ex quo demonstrari debeant.

§. V. Complexum legum naturalium, quæ actiones hominis in statu naturali, citra respectum ad Creatorem, vel ad alios, determinant, *jus naturæ ethicum* vocare lubet.

Latius accipiunt juris naturalis ethici vocabulum auctores; qui tamen inter se non conveniunt. Plerumque Philosophiam practicam universalem, officia honesti, justi, atque decori ex mente Doctorum complectitur. Ipse *perill.* WOLFFIUS sub jure naturali ethico, præter officia erga se, officia erga Deum, & alios, comprehendit. Verum, cum in re mihi cum ipso conveniat, in verbis, quod scio, erit facilis.

§. VI. In jure naturali ethico homo citra respectum ad alios consideratur. Objectum igitur juris naturalis ethici constituunt leges, & illa officia, quæ ex ipsa hominis natura & essentia immediate derivari possunt: quorsum referimus 1. officia hominis erga se ipsum, quæ potissimum inde derivantur, quod ad perfectiones, tum animæ, tum corporis, homo per naturam suam obligetur. Animæ perfectiones



in duas classes commode dispescuntur, facultatis scilicet cognoscitivæ & appetitivæ, utriusque inferioris & superioris. Hinc officia erga intellectum, cujus perfectiones virtutes intellectuales dicunt Philosophi. Quod vero earum numerum ad quinquenarium cum Aristotele plerique restringunt, omni caret fundamento. Quid enim obstat, quominus præter intelligentiam, sapientiam, prudentiam, scientiam & artem: acumen, ingenium, profunditas, ars inveniendi &c. inter virtutes intellectuales referantur? 2. Officia intuitu sensuum, memoriæ, & reminiscentiæ. Cum tamen hæ facultates animæ ex parte a corpore organico, & structura cerebri dependeant: mixta quodammodo dici possunt. 3. Officia erga voluntatem liberam, cujus perfectiones virtutes morales audiunt, ac infinitæ numero constitui possunt, pro officiorum varietate. 4. Officia intuitu passionum & affectuum. Officia hominis, quæ ex natura corporis derivantur, in tres denuo abeunt classes: ad 1. refero officia ratione victus & alimentorum; ad 2. officia circa vestitum; ad 3. officia circa habitationem commodam. Separatam quandam classem officiorum hominis, in statu naturali considerati, constituunt, quæ intuitu status externi ipsum natura docet: quorsum refero. I. Officia circa bonam fortunam: 1. acquirenda, 2. conservanda, 3. eroganda. II. Officia circa honorem, infamiam &c. III. Officia hominis in fortuna prospera & adversa; quæ tamen, ut honoris & infamiæ naturam, & media patientiæ in fortuna adversa consideranti patet, citra societatem saltem humanam & officia erga Deum vix intelliguntur.

§. VII. Homo, dum in rationem sufficientem existentiam hujus universi, (cujus contingentiam ex Cosmologia demonstratam supponimus) consequenter & sui ipsius inquit, rationem ultimam & sufficientem existentiam, tum uni-

universi, tum sui ipsius, in ente a se, sive Deo, deprehendit. Quare cum ex hoc fundamento, solo rationis lumine, pleræque divinæ essentia perfectiones infinitæ in Theologia naturali demonstrentur : ex divinarum perfectionum contemplatione naturaliter quædam resultant officia homini erga Creatorem suum incumbentia, atque observanda ; quæ, cum absque revelatione homini innotescant, officiorum erga Deum, sive juris naturæ divini fundamentum constituunt.

Dixi, quod pleræque divinæ essentia perfectiones ex solo rationis lumine cognoscantur ; dantur enim & aliæ perfectiones Dei, quas solo rationis lumine non attingimus, sed ex speciali revelatione homini insinuantur : ut de mysteriis fidei, & opere salvationis constat.

§. VIII. Quapropter definiri poterit *jus naturæ divinum*, sive officia erga Deum, quod sint complexus legum naturalium, quæ homini in statu naturali, citra lumen revelatum, intuitu divinarum perfectionum incumbentia officia manifestant.

Cum in ecclesia, non vero in statu naturali, vivamus : supervacaneum videri poterat de officiis erga Deum in statu naturali differere. Verum, cum revelatio naturam officiorum erga Deum, ex lumine etiam rationis innotescantium, non tollat, sed confirmet partim, partim nova superaddat : ubi de jure naturæ perfectam doctrinam tradere velis, nihil eorum prætermittendum erit, quorum in natura atque essentia hominis ratio deprehenditur.

§. IX. Consistunt vero officia erga Deum in statu naturali in actionibus, quarum motiva a perfectionibus divinis desumuntur, quæ proinde cultum divinum naturalem absolvunt. Enimvero, cum actiones aliæ sint internæ, aliæ

aliæ externæ , quæ per signa externa se produnt : cultus naturalis alius erit internus , alius externus. Ad cultum internum referimus 1. honorem Dei , qui consistit in iudicio de magnitudine perfectionum divinarum : 2. timorem filialem , qui circumspecta sollicitudine , ne quidpiam committamus , quod divinæ essentia repugnet , absolvitur : 3. amorem Dei , qui ex voluptate , quam ex contemplatione perfectionum divinarum haurimus , nascitur : 4. gratitudinem & invocationem Dei , quæ ex consideratione bonitatis infinitæ & benefactorum erga homines oritur : 5. fiduciam in Deo , certitudinis assistentiæ , gratiæ , & auxilii divini fructum : 6. acquiescentiam in voluntate divina firmæ per-suasionis , divinam sapientiam in regimine universi optime cuncta disposuisse , necessariam sequelam &c. Ad cultum externum spectant actiones externæ , quarum motiva sunt perfectiones divinæ : huc refer preces , cantus , cærimonias , &c.

§. X. Enimvero ea est hominis conditio & natura , ut , siquidem officiis suis erga Deum , tum erga se ipsum ex asse satisfacere velit , non segregem vel solitariam , sed sociam cum aliis vitam agere debeat : quin & per ipsam naturam hominem in diversis societatibus , v. c. humana , conjugali , paterna &c. constitutum deprehendimus. Nascuntur inde certa officiorum genera , homini intuitu aliorum , quibuscum in societate vivit , observanda ; quæ , cum ex natura humana & societatis indole deducantur , ipsa natura constituta , atque fundamentum *juris naturalis socialis* esse , patet.

Ex quo apparet , in quantum socialitas pro fundamento juris naturæ reputari possit. Socialitas est status hominis , in quo juxta alios vivere ponitur ; non igitur nisi officia erga alios , sive homines , sive cives , sive gentes , ex socialitate derivare licet. PUFFEN-  
DORF

DORFFIUS pro universali principio juris naturalis socialitatem venditat, *vid. J. N. & G. l. 2. c. 3. §. 15.* sed perperam, ut recte monet BARBAYRACUS *in notis ad Puffend. cit. loc.* ibique melius triplex juris naturalis fundamentum ponit 1. religionem, 2. amorem proprium, sive philautiam, & 3. socialitatem: in quo quam proxime sequitur HEDINGERUM *in conspectu Jurispr. nat. q. 4. §. 13. p. 13.*

§. XI. Complexum adeo legum, juxta quas natura hominem, in societate cum aliis viventem, actiones suas instituere obligat, *jus naturæ sociale* dicimus.

§. XII. Prima, in qua hominem per naturam constitutum cernimus, est magna illa generis humani societas. Relatio inde nascitur homini ad alios: quæ cum naturalis sit homini, ipsa quoque officia, quæ per hanc relationem intelliguntur, naturalia erunt. Enimvero, cum societatem generis humani supponant leges naturæ, quibus officia erga alios determinantur: *ad jus naturæ sociale* hominis, in societate generis humani constituti, referendæ erunt.

§. XIII. Hinc definire licet *jus naturæ sociale hominis, in societate generis humani constituti*, quod sit complexus legum naturalium, quibus officia erga alios continentur.

Pars ista juris naturæ præcipua est, quæ in societatibus reliquis, præsertim civili, attendi meretur. Hinc H. GROTIUS in opere suo præstantissimo de jure B. & P. vix alia in medium affert jura hominis & officia, quam quæ ex jure naturæ sociali humano fluunt.

§. XIV. Eadem sunt aliorum officia cum iis, quæ nobis ipsis incumbunt. Quapropter sic in societate generis humani actiones instituendæ erunt, ut neque nostris, neque aliorum, officiis repugnent, sed conjunctis potius vi-

H

ribus

ribus promoveantur. Objectum adeo juris naturalis socialis humani constituit, quidquid de officiis hominis erga animam, corpus, & statum externum in jure naturali ethico demonstratur. Porro homines, quibuscum vivimus, vel amici sunt, vel inimici; resultant hinc officia 1. erga amicos & inimicos, 2. circa honorem, auxilium, & opem aliis præstandam, 3. circa injuriam propellendam, 4. sui, suorumque, necessariam defensionem &c.: imo ipsam dominii & proprietatis rerum necessitatem ex natura hominis & societatis generis humani indole fluere, in jure naturali evincimus. Quapropter in jure naturæ sociali in societate generis humani, 1. de fundamento & origine dominii & proprietatis rerum, 2. de modis acquirendi dominia, tum primitivis, tum derivativis, 3. denique de modis, quibus dominia in alios transferuntur, agendum erit. Enimvero cum acquisitio, tum alienatio, dominiorum ut plurimum pactis & contractibus, ultimis voluntatibus (nam & de suo post mortem disponendi facultatem introducti dominii necessariam sequelam esse, alibi ex professo ostensurus sum) subinde & usucaptionibus nititur. Quapropter in jure naturæ sociali hominum, in societate generis humani viventium, de juribus, & officiis circa sermonem, pacta, contractus, ultimas voluntates, atque usucaptiones, disquisitio instituenda erit.

§. XV. Præter societatem illam magnam generis humani particulares quædam dantur societates, in quas homo, partim ipsa sic disponente natura, ac citra ipsius factum, partim vero accedente ipsius consensu incidit: tales sunt societas conjugalis, societas paterna, herilis, & familia; atque oeconomicæ vulgo audiunt.

§. XVI.



§. XVI. Quapropter, si ex ipsa societatum œconomicarum, & hominis natura, qua ratione sint constituendæ, quæque membris earundem incumbunt, officia determines: erunt leges circa dictas societates naturæ earundem conformes & naturales. *Complexum legum naturalium*, quibus formæ societatum œconomicarum, & officia membrorum, easdem constituentium, determinantur, *jus naturæ sociale œconomicum* vocamus.

§. XVII. Docentur igitur in hac jurisprudentiæ naturalis parte 1. officia mariti & uxoris mutua, & quæ in ipsa constitutione, & duratione societatis conjugalis natura observanda præcipit; 2. officia parentum erga liberos, & liberorum erga parentes, uti &, qui post eorundem obitum ipsorum vicibus funguntur, tutorum erga pupillos, & reciproce; 3. expenduntur, & ex natura societatis herilis deducuntur, officia dominorum erga servos, & servorum erga dominos; 3. quæ in familia tum patris, tum matrisfamilias, & ceterorum membrorum, familiam constituentium, sint officia ex natura familiæ solide adstruitur.

In sequentibus; ubi in principia juris civilis & canonici inquiremus, patebit, quanti sit momenti societatum œconomicarum naturam probe perspectam, & officia inde fluentia familiaria experiri; ut legibus concinnis ad statum civilem adaptentur.

§. XVIII. Videri poterat sufficere societates tum generis humani, tum œconomicas, in quarum fundamenta hætenus inquisivimus, ut homo per omnia tranquillam, beatamque vitam ageret: præsertim ubi plures societatum simplicium in unam domum, sive familiam, coalescerent, atque unitis viribus bonum commune promoverent. At vero si hominum non barbarorum, sed cultiorum, mores,

& vivendi genera penitus introspecias: ne numerosissimam quidem familiam ( siquidem inter familiæ limites subsistas , nec rempublicam pro familia sumas ) sibi soli sufficere deprehendes. Sane si calculum bene in eas eorum , quæ ad domum unicam vel mediocriter instruendam requiruntur : tot hominum operas requiri comperies , quot ne quidem respublica , ne dicam familia caperet. Conjungi itaque oportebat tot societates simplices , sive œconomicas , quot scopo huic assequendo pares essent. Hocque primum est fundamentum , ex quo necessitatem societatum civilium demonstramus. Deinde speciali ratione ex domini & proprietatis inducto jure apparet , separatas domus , sive familias , absque civili nexu juxta se invicem vivere non posse. Cum enim , quibus ad corporis conservationem , & vitæ commoditatem egent homines , non sine duro labore , & indefessa industria parentur : non potuit non evenire , quin inter corruptos adeo hominum mores plurimi , sensuum stantes judicio , laborem , & in parandis ad vitam necessariis solertiam fastidirent ; iis vero , queis alios frui cererent , carere nolentes vitæ adminiculis , aliorum rebus atque fortunis insidias struerent : quibus sane efficacius remedium opponi non poterat , quam plurium in societate civili coadunatæ vires ; ut propellendis nefariorum injuriis pares forent. 3. Denique alienationum & contractuum , ex dominiis rerum resultantium , varietas non poterat non infinitas controversias progenerare , quibus dijudicandis & decidendis consensu plurium domorum vel familiarium , societatem civilem ingredientium , magistratus destinandi , atque potestate , judicata exequendi , instruendi erant. Quæ ratio penes politiores saltem gentes rerum publicarum constituendarum necessitatem arguit : ut proinde in his tribus fontibus , sive rationibus , necessitate scilicet 1. parandi , quæ ad vitæ sustentationem & commoditatem requiruntur ; 2. defen-

defendendi se, suæque ab aliorum injuriis; 3. sopiendi controversias ex contractibus & alienationibus enatas, rerum publicarum, consequenter juris naturæ socialis politici, originem recte quæramus.

§. XIX. Ex his principiis igitur derivandæ erunt regulæ sive leges, quæ in constituendis, regendis, conservandis, ac restaurandis societatibus civilibus ipsa ratio naturalis docet: ut proinde *jus naturæ sociale politicum* definire liceat, quod sit complexus legum naturalium, iuxta quas societates civiles, sive respublicæ, constituendæ, administrandæ, conservandæ, ac collapsæ restaurandæ sunt.

§. XX. Leges juris naturalis politici si expendas, alias quidem circa rerum publicarum constituendarum formas, rite & pro genio cujusvis populi stabiliendas, nec non circa officia & jura, tum imperantium, tum statuum, atque subditorum, inde emanantia, determinanda versari apparebit.

§. XXI. Partem juris naturæ socialis politici, quæ circa formas rerum publicarum, officia & jura tam imperantium, quam co-imperantium statuum, nec non subditorum, inde deducenda versatur, *jus publicum universale* dicimus: ut adeo definiri possit *jus publicum universale* per complexum legum naturalium, quæ in eligendis & constituendis rerum publicarum formis, officiis & juribus imperantium atque subditorum inde determinandis observandæ veniunt.

Retinemus hic usitatum juris publici universalis significatum, quem ipsi auctores tribuunt. Vid. VITRIARII *J. Publ. L. 1. t. 1.* BRUNNEMANNI *Examen J. Publ. L. 1. C. 1. q. 3.* HUBERUM *de J. Civitatis L. 1. sect. 2. C. 1.*

§. XXII. Ex dictis haut erit difficile determinatu, quæ in jure publico universali tradenda sint, atque adeo ejusdem objectum constituent. Cum enim circa modum, quo salus atque tranquillitas publica per summos imperantes procurari atque promoveri debeat, potissimum occupetur jus publicum universale: post generalissima juris naturalis politici principia, 1. summorum magistratuum in republica necessitas demonstranda erit, 2. Determinandi sunt modi, quibus in summos imperantes, sive unum, sive plures, cura salutis & tranquillitatis publicæ conferri possit, ut prodeant rerum-publicarum formæ tam simplices, quam mixtæ, tam primitivæ, quam compositæ, tam regulares, quam irregulares, quarum natura & prærogativæ unius præ altera solide erunt adstruendæ. 3. De modis succedendi in regnis tam hereditariis, institutivis, electivis, & popularibus agendum. 4. Ex forma reipublicæ, & societatis civilis natura deducenda erunt jura, quæ summis imperantibus competunt, atque nomine jurium majestaticorum veniunt. 5. Docendum erit, qua ratione summa majestas limitari, status reipublicæ in communionem jurium majestaticorum vocari, & jura inde particularia, ipsis competentia, determinari possint. 6. Denique officia & jura subditorum ex natura subjectionis, & fine civitatis derivanda sunt.

§. XXIII. Similiter constat, ideo in societates civiles coaluisse homines, ne iis mediis carerent, quibus vita jucunda atque beata efficitur. Alterum igitur, quod post constitutam pro genio cujusvis populi reipublicæ formam, & jura inde in imperantes, tum subditos, emanantia expendendum venit, sunt media, de quibus imperantem sollicitum esse decet, ut cives & subditi finem hunc consequantur; sive ut felicitatem ac securitatem civium pro virili promoveat.

§. XXIV.

§. XXIV. Ut apta eligat media imperans, naturam hominum, & civitatis indolem probe perspectam eum habere juvat. Quomodo enim statui vel publico, vel civium privatorum, legibus prospiceret, cui nec societatis civilis, nec hominum natura atque officia innotescunt? Complexus legum naturalium, juxta quas summus imperans civium & reipublicæ salutem promovere tenetur, *Politica* a me salutatur, atque non incongrue in duas partes dispartitur; generalem scilicet, & specialem. Pars Politices generalis complectitur principia, seu theoriam, eorum, quæ in republica bene ordinanda occurrunt; specialis vero, quæ etiam regimen dicitur, docet, qua ratione, quæ in parte generali traduntur, in republica ad actum transferenda sint.

Strictius Politicæ significatum sumimus, quam quidem usu receptus videtur; plerique enim etiam jus publicum universale ad Politicam referunt, ut Politica ipsis idem sit, quod nos jus naturæ politicum sociale dicimus. Verum, vel ideo has disciplinas distinguendas esse censuimus, ne principia, quæ inde in jure publico speciali & civili petuntur, confundatur. Politicam alii quoque definiunt per scientiam eorum, quæ in civitate ad salutem & tranquillitatem civium administranda, observanda sunt. Sed neque hi a nobis discrepant. Accipiunt illi Politices vocabulum alio sensu, nempe pro habitu, quem Politicus serio reipublicæ studio acquirit; nos vero ipsam disciplinam, quæ leges comprehendit intelligimus.

§. XXV. Unde obscurum esse nequit, quænam in parte generali Politices doceri debeant. Cum enim eadem sint officia hominum, in statu naturali & civili viventium; si ea excipias, quæ ipsius reipublicæ gratia observanda superveniunt: præcipua Politici industria versabitur i. qua ratione scholæ, Academiæ, Universitates scientiarum atque artium, tam liberalium, quam mechanicarum, sint instituendæ; ut pro vitæ genere necessariam quisque cognitionem ex ore & manu ductione docentium haurire queat: quo ipso efficiatur,



cietur, ut officiis erga intellectum cives satisfaciant. 2. Cum internam virtutem non minus, quam externum actionum cum legibus consensum in civitate a summis imperantibus urgendum esse liqueat: ea, quæ virtutis exercitium quovis modo facilitant, sedulo curet. Efficacissima hic esse religionis præcepta, cultum divinum, & sermones publicos etiam aliunde scimus. At vero & imperanti multa circa virtutis propagationem relicta, atque in ipsius potestate sunt: quorsum refero curam de instruenda juventute in disciplinis practicis, inspirando virtutis amore, & in ingenerando odio contra vitia, in quibus non exiguus historiarum, fabularum, comoediarum, atque tragoediarum, (si recte instituantur) est usus. 3. In media erit inquirendum, ut tum in contractibus, tum in læsionibus, suum quisque habeat; hinc 4. De pretiis rerum figendis, poenis, & præmiis constituendis tractatio instituenda. 5. Quid circa paupertatem, morbos, pestem præsertim, & alia civium infortunia avertenda sanior Politica doceat inquirendum: cujus tractationis capita præcipua huc redeunt, ut ne otiosam & ignavam cives vitam agere patiatur imperans, sed fucos, & ignavum pecus procul e reipublicæ limitibus exterminet; mercenariorum operis talia figat pretia, ut vitam inde sustentare possint; agrorum, metallorum, hortorum, sylvarum, rei quoque pecuariæ curam pro virili promoveat; Medicinæ atque Chirurgiæ studium efflorescere faciat; sumptibus superfluis, tum in vestibus, tum in conviviiis, compotationibus & commestationibus ansam præscindat; salubritatis aeris & aliarum commoditatum in exstruendis ædificiis atque urbibus rationem habeat, eaque fini ordinationes architectonicas condant; ne incendia vel inundationes noceant, salutaribus constitutionibus caveat; vias publicas, & commodas & securas præstet, &c. 6. Quæ circa jucunditatem civium, & ornamenta reipublicæ consideranda

da sint, perscrutandum est: quo faciunt pulcritudo ædificiorum, tam publicorum, quam privatorum, hortorum, floribus, arboribus, & plantis rarioribus instructorum, amœnitas, & alia plura innocentis animi oblectamenta, quæ luci, deambulacra, picturæ, fontes, circulatores, musica, tam vocalis, quam instrumentalis, Poetæ, theatra, lusus &c. suppeditant: ut vel ex hoc appareat, utilissimam summæque necessariam esse verioris Politices doctrinam; siquidem de omnibus in republica rationem reddere velis.

§. XXVI. In parte vero Politices speciali occurrit 1. iudiciorum tam inferiorum, quam superiorum, tam civilium, quam criminalium, fundamentum, natura & ordo; non prætermittis, quæ de iudicum officiis, processuum ordine constituendo, eorundem ambagibus amputandis, & circa modos exequendi mandata atque judicata expendi merentur: 2. quid circa commercia, societates mercatorum, cambia, rem monetariam & metallariam, politicæ & publicæ considerationis sit: 3. quoque huc trahuntur, quæ de ærario Principis, & reipublicæ oneribus & collectis imponendis, colligendis & erogandis, nosse oportet Politicum: 4. huc pertinet doctrina de honoris & dignitatum gradibus, cuique pro meritis & muneribus secundum capacitatem conferendis: ex quo diversi civium ordines, & collegiorum instituta, & alia plurima derivantur; quæ specialius hic persequi non licet.

§. XXVII. Perinde, ut ( §. XVIII. ) ostendimus, homines extra societatem civilem vivere non posse, siquidem iis carere nolint subsidiis<sup>1</sup>, quæ ad vitam beate ac jucunde exigendam conducunt: ita similiter, suppositis præter ea, quæ ipsa naturali ratione innotescunt, erga Deum officiis, ex lumine revelato nobis incumbentibus, facile liquet, ex-

tra coetum, sive societatem ecclesiæ, iis ex assè satisfieri nequaquam posse; quod ex multitudine officiorum, lege divina nobis injunctorum, Doctorum, fideles erudientium, atque personarum, sacra administrantium, necessitate, haud prolixa demonstratione deducitur. In coetum itaque congregari oportuit fideles. Quapropter cum præter ipsam divini Numinis voluntatem, nobis manifestatam, tum coetus, sive universitatis Dei, natura, uniformitas religionis & fidei summe necessaria, imo ipsa reipublicæ salus & tranquillitas exigat, ut fideles uno summo rectore gubernentur: ecclesiæ & necessitas atque rationabilitas amplius obscura esse nequit.

Quod dixi ab uno summo Rectore, Salvatoris in terris Vicario, ecclesiam gubernandam esse, id non minus S. pagina, quam sana ratio inculcat, & perpendenti, quantæ in rempublicam & genus humanum ex difformitate religionis propullularint malorum myriades, indubium esse debet. Atque utinam tristitia in Germania exempla non extarent, quibus id confirmatur! Et sane ne quidem rerumpublicarum salus, citra uniformitatem fidei & præceptorum religionis concipi potest. Quamobrem, cum ex jure publico universali, æque ac historia constet, nullas rerumpublicarum formas (est enim reipublicæ universalis quædam species ecclesia) factionibus atque dissensionibus minus esse obnoxias, quam monarchias; nullas etiam proprius & efficacius hostium insidias & machinationes præscindere aptas esse: monarchicam formam ecclesiæ quam maxime convenire liquet. Consentit doctrina nostra ex assè cum iis, quæ Theologi de Christi in terris Vicarii, summi Pontificis, regimine docent.

§. XXVIII. Quapropter definiri poterit ecclesia, sive universitas Dei, quod sit coetus, sive societas, Fidelium sub uno summo rectore, salutis ecclesiæ & fidelium conjunctis viribus promovendæ gratia, congregata.

Theo.

Theologicæ potius , quam politicæ considerationis modo dicta esse videntur. Verum , cum juris canonici fundamenta & principia absque præsupposita notione ecclesiæ non intelligantur : instituti ratio vix improbabitur.

§. XXIX. Leges adeo , in regimine ecclesiæ observandæ , ex ipsa ecclesia & religionis indole derivandæ sunt : ut proinde definiri possit *jus ecclesiæ universale* per complexum legum naturalium , atque divinarum , juxta quarum normam ecclesia constituenda , conservanda atque restauranda est.

Sed has Theologis relinquimus discutendas ; ne in alienam messem falcem nostram immittamus.

§. XXX. In societate civili uniuntur vires , ut , quæ separatæ ad felicitatem hominis promovendam pares non erant , conjunctæ sufficerent. Vires igitur civium singulorum in republica aggregatum quoddam , sive unum , constituunt. Porro cum una itidem in bono communi promovendo omnium debeat esse mens , atque voluntas ; ut ex notione societatis generali patet : respublica corpus unum , anima rationali una animatum , repræsentat. Quare cum corpus , anima rationali animatum , personam moralem constituat : rempublicam instar personæ moralis considerare licet. Enimvero cum superiorem non agnoscant respublicæ ; eas in statu naturali vivere liquet. Plures igitur respublicæ , sive gentes , instar personarum simplicium , juxta se invicem in statu naturali viventium , considerandæ sunt. Quamobrem idem erit fundamentum generale officiorum atque jurium rerumpublicarum , sive gentium , juxta se invicem viventium , quod personarum simplicium , in societate generis humani constitutarum.

---

Utimur hic principio reductionis in arte inveniendi fecundissimo; uti Mathematicorum exemplo dudum comprobatum scimus.

---

§. XXXI. Videri poterat ex reductione rerum publicarum ad personas simplices, in statu naturali viventes, omnia gentium officia derivari posse; cum alia re opus non sit, quam ut, quæ de officiis erga alios in jure naturæ sociali, si-ve in societate generis humani, inculcantur, ad actiones rerum publicarum, & summorum imperantium applicentur: ut proinde justum sit inter status, si-ve respublicas liberas, quod inter privatos justum est; neque alia norma in dijudicandis actionibus earundem liberis opus sit. At vero licet de regulis juris naturæ, præsertim socialis, generalibus extra dubitationis aleam positum sit, quod ad respublicas integras applicari possint: notandum tamen alias esse actiones personarum simplicium, alias compositarum. In determinanda porro æquitate ac justitia actionum, præsertim in statu naturali, omnes omnino determinationes tum generales, tum speciales, attendendæ, ac proinde in discutiendo, quæ inter respublicas, si-ve civitates liberas, æqua sint, vel justa, alia præterea principia a natura societatis civilis, & personæ moralis compositæ indole accersenda sunt; ut exasciatum de actionibus gentium liberarum judicium ferre queas. Multa negotia inter gentes liberas celebrantur, quæ inter personas privatas vix aut nunquam obveniunt: fundamenta igitur aliunde quam ab officiis hominum, in statu naturali consideratorum, petenda sunt.

§. XXXII. Partem adeo juris, quæ jura & officia inter gentes liberas continet, definire licet, quod sit complexus legum, juxta quas gentes liberæ actiones suas instituere obligantur.

Ali-



Aliter jus gentium accipiunt JCti Romani, uti ex definitione Gaji *L. 9. π. de Justitia & Jure* liquet: nimirum per jus gentium intelligunt ea jura, quæ naturali ratione inter homines constituta sunt, & apud omnes peræque custodiuntur. Naturalis ratio est attributum hominis proprium, per quod homo a ceteris animalibus distinguitur: consequenter quæ ex mente JCtorum Romanorum ad jus gentium referuntur, ex natura hominis propria, sive quatenus ratione præditus est, derivantur. Atque eatenus jus gentium distinguunt a jure naturali, quod in natura hominis, cum ceteris animantibus communi, sive animalitate fundant. Ad jus naturæ referunt generis propagationem, maris & feminae conjunctionem, liberorum procreationem atque educationem, corporis sustentationem &c. quæ omnibus animalibus communia sunt: inter jura homini propria recensent religionem, obedientiam parentibus præstandam, dominia, contractus, rerum-publicarum originem, commercia, bella &c. h. e. tum ea, quæ naturalis ratio inter homines privatos inculcat, officia, tum quæ integros populos concernunt; ut proinde jus naturæ & gentium Romanorum simul sumptum, omnem juris naturalis ambitum exhauriat. Enimvero cum animalitas & rationalitas in homine conjunctæ sint; nec separatim existant; neque illa ipsa jura, quæ JCti Rom. juris naturalis esse statuunt, rationis imperio eximantur, sed secundum ejus dictamen gubernanda, & dirigenda sint: recte recentiores, GROTIUS, PUFFENDORFFIUS, & alii, inter jus naturæ & gentium Romanorum non distinguunt, sed utraque & naturalia & gentium jura juris naturæ nomine dignantur, juris gentium nomen iis, quæ respublicas, seu gentes integras, respiciunt, reservantes. Jungantur, quæ hanc in rem doctissime differuit *perith. WOLFFIUS in Hor. subsec. Trim. brum. diff. 2.*

§. XXXIII. Quodsi in delineando jura atque officia intergentes integras nonnisi ad naturam civitatis & personæ moralis compositæ respicias, ac inde, quid inter gentes liberas justum vel injustum, licitum aut illicitum sit, determines: jura & officia illa gentium naturali ratione constituta esse apparet.

§. XXXIV. Complexus legum naturalium, ex quibus jura atque officia gentium, sive rerumpublicarum, deducuntur, *jus gentium naturale* audit.

Ex Sententia GROTII de *J. B. & P. L. 1. C. 1. §. 14. n. 4.* *jus gentium* vim obligandi a voluntate populorum habere, atque proinde arbitrarium, non naturale, esse videtur. Verum cum laudatus auctor consuetudines tantum, inter gentes moratiores receptas, *jus gentium* nomine dignetur; reliqua vero gentium jura ad *jus naturæ* referat, vid. *dict. loc. & L. 3. Cap. VII. & IX.*: assertum GROTII *jus gentium*, quod nos naturale dicimus, non evertit; cum, uti vidimus, prægnantes subsint rationes, cur *jus naturæ* hominum privatorum a *jure naturæ* integrarum gentium distinguendum sit. *Jus gentium*, de quo GROTIUS loquitur, consuetudinarium ego voco, ac proin eatenus cum ipso sentio; nisi quod indistincte GROTIUS consuetudines & mores inter gentes pro *jure* habeat, vide *infra §. XLI.*: ego nonnisi rectæ rationi consentaneis locum concedam. In quantum corruptis hominum moribus ac fragilitati humanæ in casibus specialibus connivendum sit, id prudentia practica docebit.

§. XXXV. Status, sive respublicæ, in relatione ad se invicem spectatæ, vel sunt amicæ, vel inimicæ, vel neutrarum partium. Juxta triplicem igitur hunc respectum tractatio *juris gentium* instituenda erit: & sect. I. quidem, præmissis principiis generalibus officiorum gentium erga alias, de juribus & officiis gentium amicarum, quæ sequentibus capitibus forsan comprehendendi poterunt, disquirere convenit. Cap. 1. jura & officia gentium liberarum mutua intuitu scientiarum & artium, tam liberalium, quam mechanicarum, conjunctis viribus promovendarum, adumbrat; cui fini apprime conducunt Academia scientiarum & artium: ut adeo, quæ circa illas inter gentes officia sint, hic expendi mereatur. Exempla præbent Academia scientiarum Parisiensis, Londinensis, Petropolitana &c, in quas tam inquilini, quam exteri admittuntur;  
ut,

ut, quibus enodandis ac demonstrandis gentis unius litterati non sufficiunt, plurium juncta ope eruatur. 2. Jura & officia gentium liberarum intuitu virtutis, mutua ope propagandæ, & religionis puræ & uniformis conservandæ. 3. Jura & officia gentium liberarum circa honorem sibi mutuo debitum. 4. Jura & officia gentium liberarum de mutuo sibi auxilio contra injustos aggressores præstando. 5. Jura & officia gentium liberarum circa dominia & proprietatem rerum, sive in dominio reipublicæ, sive privatorum, existant. Locus hic erit de usucapione & præscriptione inter gentes disquirendi. 6. Jura & officia gentium liberarum circa ea, quæ ad victum, vel vestitum, aut commodam habitationem necessaria sunt, sibi mutuo communicanda; hinc 7. Jura commercii inter gentes 8. Jura & officia statuum circa sermonem, pacta, conventiones & foedera. 9. Jura & officia gentium liberarum mutua circa Legatos, ex immotis principiis & rationibus demonstrata exhibet. Sect. II. enodanda atque stabilienda sunt jura & officia gentium inimicarum. Proin cap. 1. de juribus & officiis inimicorum in genere. 2. de juribus & officiis gentium liberarum circa defensionem sui, suorumque justam & necessariam; hinc 3. de bello, juribus & officiis statuum belligerantium in genere. 4. de juribus & officiis gentium liberarum in bello declarando. 5. de juribus & officiis gentium liberarum ratione belligerendi. 6. de juribus & officiis gentium liberarum intuitu hostium. 7. de juribus & officiis gentium liberarum ratione bonorum, vel publicorum, vel privatorum, vi bellica occupatorum. 8. de juribus & officiis gentium liberarum intuitu captivorum. 9. de juribus & officiis gentium liberarum circa bellum finiendum. 10. de juribus & officiis statuum liberorum circa conventiones, a privatis tempore & intuitu belli initas. 11. de juribus & officiis statuum circa inducias, foedera, & sanctiones pacis. 12. de juribus &

& officiis statuum, circa mediatores pacis agendum. Sect. III. in jura & officia mutua statuum neutralium erga belligerantes, & belligerantium erga status neutrales inquirendum erit.

§. XXXVI. Conventionum atque pactorum necessitas partim ex dominii, tam inter privatos, quam gentes integras stabilito jure demonstratur, eaque, siquidem justa sint, religiose & sancte custodienda esse, in juris naturalis doctrina docetur: partim vero inde colligitur, quod multa sint hominum officia, ad quæ in genere quidem obligatus est homo, cui vero in individuo exhibenda sint, in casibus particularibus vel prorsus non, aut saltem difficillimum sit determinatu. Expeditissima igitur media, scilicet pacta, ducente naturali ratione, adinventæ sunt, ut, cui in individuo officia atque jura tribuenda forent, ulterius determinaretur. Sic certum est eum, qui granaria frugibus referta possidet, annonæ penuria ingruente jure naturali obligari, ut partem iis vendat, mutuo tradat, aut gratis offerat, qui frugum inopia laborant. Cum vero plures esse possint, qui æquali necessitate premantur; nec tamen omnibus satisfieri queat: per pactum demum individualis illa persona determinatur, cui frumenta vendenda, mutua danda, aut donanda sint. Accedit, quod pacta efficacissimum sint medium, ut de rebus nostris, vita, atque fama, securi reddamur; eum contra expressam voluntatem, nisi insigniter improbi, vix nitantur. Deinde si duo vel plures ad unam eandemque rem, vel physice, vel moraliter indivisibilem æquale jus habeant; consequenter neuter alteri cedere teneatur, nisi bellum Hobbesianum omnium inter omnes, aut perpetuas lites vigere velis: pacto certe, vel mutua conventionem, controversias sopiendas esse liquet. Quamobrem, cum pacta obligationem necessario habeant annexam, atque proinde  
leges

leges inter paciscentes constituent (§. XI. C. I.), quæ neque per solum jus naturale, & absque voluntate paciscentium omnimode intelliguntur; neque tamen a superiori feruntur: (quomodo enim tum pactorum naturam retinerent?) jus quod ex pactis & conventionibus nascitur, genus quoddam intermedium inter jus naturale atque positivum constituit, ac de utriusque natura participat. Cum jure naturæ id commune habet jus pactitium, quod absque superioris voluntate constituitur; cum jure vero positivo in eo convenit, quod neque per naturam, neque citra factum hominis, vel entis rationalis, voluntate sua id constituentis, omnimode & perfecte concipiatur.

§. XXXVII. Habemus adeo modum, quo jura & officia tum privatorum, tum gentium integrarum, in statu naturali viventium, partim determinantur, partim firmentur. In rebus publicis leges civiles, quid in casibus ambiguis agendum vel non agendum, & quod cuique jus competat, ut plurimum disponunt: aliud autem inter gentes liberas, quæ superiorem non agnoscunt, & æquali jure fruuntur, obtinet. Quapropter cum inter gentes liberas a superiore jura sanciri ac firmari, lites sopiri ac judicari nequeant: ad pacta recurrendum, quibus sibi, ac juribus suis prospiciant, aut nova stipulentur. Enimvero cum pacta inter gentes speciem quandam juris positivi constituent (§. XXXVI.), atque, quæ statibus aut rebus publicis in individuo jura competant, declarent: ratio patet, cur a jure gentium naturali, in quo jura ex generalibus atque intrinsicis principiis demonstramus, jus gentium pactitium distinguendum esse consuerimus.

§. XXXVIII. Ex dictis adeo definitio juris gentium pactitii facile eruitur. Sive enim disciplinam juris gentium  
K pacti-



pactitii intelligis ; & tum erit complexus pactorum, sive legum, mutuo gentium consensu stabilitarum, ex quibus earundem jura determinantur : sive jura ipsa, quæ per pacta determinantur, nosse desideras ; & definiri poterit, quod sit complexus jurium, sive facultatum legitimarum, vi pactorum gentibus liberis competentium.

Inferius, ubi in notionem juris civilis inquiremus, palam faciemus, quas rationes finales & intrinsecas jus positivum civile & jus positivum pactitium inter gentes communes habeant, & evidenter monstrabimus, eundem esse effectum pactorum in statu naturali, qui juris civilis in civitate ; nisi quod modus suum defendendi, vindicandi, repetendi &c. in statu naturali, & civili differant. In civitate coram judice secundum leges controversiis finis imponitur, atque jus cuique suum tribuitur : gentes libere autem ut plurimum ad bella, repressalias, aut amicabiles compositiones confugiunt, ubi læsas se sentiunt. Adde, quod pacta facilius quam leges civiles infringantur ; nec enim eadem facilitate gentes, quæ eives in officio continentur, ubi contra leges eos agere contigerit.

§. XXXIX. Jus gentium pactitium omnia prorsus gentium omnium inter se pacta, & conventiones in latissima sua significatione comprehendit ; est enim inter omnes societas aliqua constituta. Verum cum præcipua, & maximi momenti negotia inter vicinos sibi invicem populos gerantur ; quæ vero belli suscipiendi, aut finiendi, vel commercii gratia cum longe remotis gentibus ineuntur pacta, pauca sint numero : ii, quorum fidei & dexteritati negotia cum exteris tractanda atque terminanda olim committentur, ea solum pacta ac jura sibi reddant familiaria, quæ quovis modo patriam eorundem atque summos imperantes respiciunt ; præsertim cum specialis juris gentium pactitii tractatio, perinde ut jus civile, pro diversitate reipublicæ variet. Theoria tamen de natura & forma pactorum in omni jure gentium

tium eadem est. Speciminis loco juris gentium pactitii Imp. Rom. Germ. concisam Sciagraphiam exhibebimus. Com-  
mode vero tribus sectionibus hæc tractatio absolvitur. In  
sect. I agitur 1. de natura & forma pactorum inter gentes in  
genere; 2. de natura & forma pactorum, quibus dominia  
& possessiones regnorum, provinciarum, fortalitorum,  
fluminum ac jurium &c. firmantur; 3. de natura & forma  
tractatum Barreræ, seu limitum; 4. de natura & forma  
pactorum successoriorum inter gentes liberas; 5. de natura  
& forma tractatum commercii; 6. de natura & forma  
tractatum navigationis; 7. de natura & forma tractatum  
mutui auxilii; 8. de natura & forma tractatum pacis; 9. de  
natura & forma tractatum induciarum; 10. de natura &  
forma tractatum Guarantiæ; 11. de natura & forma tra-  
ctatum Mediationis; 12. de natura & forma tractatum  
amicitiæ; 13. de natura & forma tractatum prælimina-  
rium; 14. de natura, necessitate, & forma tractatum,  
quibus jura Legatorum firmantur. Sect. II. ex historia  
imperii, diplomatis, & instrumentis pactorum authenticis  
Imperatoris atque imperii R. G. jura, intuitu regnorum atque  
rerumpublicarum extranearum, adstruenda, atque in suas  
classes distribuenda, quæque pactis solum temporariis  
nituntur, probe secernenda erunt ab iis, quæ perpetua fir-  
mitate roborata sunt. Sect. III. jura Regum, Potentiarum,  
& rerumpublicarum in imperium R. G. discutienda venient.  
Eodem modo jura gentium quarumcunque adornari po-  
terunt. Plurimum huc facit collectio operosissima tracta-  
tum inter gentes, quæ Du MONTII opera prodiit; LEIBNIZII  
Cod. J. Gentium diplomaticus; CHRISTOPH. HERM. SCHWEDERI  
theatrum prætensionum; SCHMAUSII corpus J. G. academi-  
cum: juvat vero notitia negotiorum, quæ quotidie inter  
gentes tractantur.

§. XL. Eandem vim, quam nos pactis tribuimus, gentes moratiores consuetudinibus receptis tribuunt: ut proinde juris gentium censeatur, quod moribus & usu gentium politiorum ab antiquo obtinet; adeoque rationi naturali consentaneum esse præsumitur. Nec vero ratione destituitur, consuetudinibus inter populos vim juris adscribere. Etenim, cum omnia pactis definiri nequeant; gentes integræ autem in plurimis æquali jure frui censeantur: ipse pacis naturalis amor, & rectæ rationis dictamen suavit, ut, quæ pactis vis obligandi inest, eadem & in consuetudines transferretur.

§. XLI. Complexum adeo jurium, quæ moribus & consuetudinibus, inter gentes moratiores receptis, nituntur, *jus gentium consuetudinarium* dicimus.

Talia sunt pleraque, quæ in bello justa esse asserit H. GROTIUS. Enimvero fines juris gentium transgreditur, dum *Lib. 3. c. 4. de J. B. & P.* jus occidendi inimicos indistincte, adeo, ut ne mulieribus quidem & infantibus ex jure gentium parcendum sit; jus prædandi & rapiendi, quidquid apud hostes deprehenditur, ne templis quidem & rebus sacris exceptis, ex consuetudine & moribus gentium juris esse asserit. Sed quis non videt invitis æquitatis & justitiæ regulis ad jus gentium trahi, quæ summam potius injuriam & immanem barbariem sapiunt? Mirum certe, quod perspicacissimus alioquin GROTIUS non agnoverit, quantum a sana ratione abhorreat, gentes, qua gentes, ab usu rationis absolvere, iisque facultatem tribuere jus aliquod chimericum constituendi. Moderatione equidem C. 11. & seqq. utendum, atque de jure suo subinde remittendum esse, insinuat. Verum cum consuetudines, aut potius corruptelæ depravatæ inter gentes juris nomen non mereantur: damnandæ potius, nec aliæ juri gentium annumerandæ erant, quam quæ cum sana ratione concordant. Alia igitur est juris gentium consuetudinarii facies, quam quidem a GROTIUS depingitur. Gentes integræ, summi Imperantes, Belliduces &c. non minus ad æquitatem, in actionibus suis  
suis

suis observandam, obstringuntur, quam personæ privatæ; nec ab illa obligatione quacunque ratione absolvi possunt. Qui facultate pollet, nexum rerum humanarum profundius introspectiendi, facile mecum consentiet, principia GROTII de jure belli obstaculo fuisse, & esse hodiernum, quominus bella etiam inter Nationes, quas dicimus maxime politas, cum ratione gesta fuerint; aut hodie gerantur. In disciplinis, præsertim practicis, id sedulo agendum, ne inculcemus, quæ cum natura humana & gentium salute ac tranquillitate pugnant. Ita saltem evitabitur, ne, qui regulis, a nobis non invita ratione & natura humana stabilitis, in praxi utuntur, a recto tramite per ipsa, quæ hauserunt, principia abducantur.

§. XLII. Præmissa itaque de consuetudinibus, inter gentes receptis, theoria generali, agendum erit 1. de consuetudinibus in bello, tam declarando, quam gerendo & finiendo; 2. de consuetudinibus in Legatorum receptione, admissione ad audientiam, & discessu; 3. de consuetudinibus gentium, intuitu commercii observandis; 4. de consuetudinibus ratione titulorum, honoris, præminentia &c.; 5. de consuetudinibus in congressibus, foederum aut pacis stabiliendæ causa institutis, disquirendum erit.

§. XLIII. Cærimoniarum in genere sunt signa externa, quibus jura nobis competentia, atque officia humanitatis designantur; aut in memoriam revocantur. Fundamentum cærimoniarum in animæ humanæ atque officiorum suscipiendorum natura quærendum est: difficillima proin, ac latissima est juris cærimonialis scientia; utpote quæ in omnes omnino disciplinas practicas, imo ipsum cultum divinum, sese diffundit. Nos hic de iis solum solliciti sumus, quas gentes, sive respublicæ, inter se observant, atque solemnitatum nomine subinde veniunt. Necessitas cærimo-

niarum ex principiis juris naturæ socialis generalibus demonstrari quidem, &, quæ officiis atque actionibus in specie conveniant, ex intrinsecis rationibus deduci non implicat: in constituendis tamen actu plurimum arbitrium populorum & mores gentium regnant. Hinc maxima ex parte in civitate a legislatore, vel usu, in statu naturali, in quo gentes vivunt, pactis partim, partim consuetudinibus, introducuntur, vel roborantur saltem.

§. XLIV. Cærimonix, quibus gentes liberæ in officiis mutuo declarandis, superioritatis vel inferioritatis nexu, juribus atque prærogativis contestandis, utuntur, *juris gentium cærimonialis* nomine veniunt,

§. XLV. Maxime arduum opus est, cærimonias, inter gentes usitatas, in concinnum ordinem redigere. In genere partiri possunt in cærimonias 1. quibus gaudium de successu prospero; 2. tristitiam de fortuna vel casu adverso; 3. odium erga status inimicos; 4. amorem erga status amicos; 5. honorem aliis statibus debitum; 6. dignitatem, vel prærogativam; 7. inferioritatem, aut nexum tributarium, significamus. Observantur vero vel inter Reges vel Principes ipsos, aut eorum Legatos; tempore belli, vel pacis; in congressibus, Legatorum receptionibus &c.; terra vel mari &c. Cærimonias inter gentes usitatas, multo labore congeffit laboriosus CHRIST. LUNIGIUS in *Theatro cærimoniarum*; GODOFRED STIEVE in *Europæo Cærimoniali aulico*; ZACHARIAS ZWANTZIG in *Theatro Præcedentiæ*, & alii plures; ex quibus systema J. G. cærimonialis facile confici poterit.

§. XLVI. Partes juris naturalis, quas hætenus delineavimus, principia quædam generalia communia habent, unde theoria & praxis ceterarum pendet. Perinde igitur  
ut



ut notiones entis generales, quarum in omnibus disciplinis usus est, partem Philosophiæ peculiarem constituunt: principia juris naturalis generalissima, partem generalem juris naturæ absolvent.

§. XLVII. Ea juris naturalis pars, quæ leges seu regulas actionum liberarum generalissimas, continet, Philosophia practica universalis dicitur; eamque *perillustr.* WOLFFIUS definit, per scientiam affectivam practicam dirigendi actiones liberas per regulas generalissimas.

§. XLVIII. Quapropter in hac juris naturalis parte sect. 1. C. 1. de actionibus liberis, earumque affectionibus in genere; 2. de lege in genere; 3. de virtute, ejusque socia felicitate ac beatitudine hominis; 4. de vitio, ejusque socia infelicitate; 5. de conscientia; 6. de culpa ac imputatione actionum liberarum. Sect. 2. C. 1. de modo, ac mediis assequendi felicitatem, cujus homo in hac terra capax est; 2. de impedimentis felicitatis, ac mediis ea removendi; denique sect. 3. de cognoscendis aliorum animis, atque principiis agendi regulæ generales in usum J. naturæ socialis præcipue traduntur.

Fundamenta hic, non ordinem partium juris indicamus; quod ideo monendum censuimus, ne præpostere Philosophiam practicam universalem ultimam juris naturalis partem nos constituisse ex præcipitantia judices.

§. XLIX. Relinquimus campum juris, quod naturalis ratio inter homines, cives, atque gentes constituit, stadium ingressuri juris, quod voluntate superioris introducit, examinaturi scilicet jus positivum. Ratio ac fundamentum generale juris positivi in imbecillitate intellectus, & fragilitate voluntatis humanæ haud dubie quærenda est; etenim ob-  
liga-

ligatio naturalis, ut vidimus (§. 1.) per bonum vel malum constituitur, quod actionem liberam vel absolute, vel sub determinatis circumstantiis necessario consequitur: ut igitur efficax sit obligatio, atque voluntatem moveat, opus est, ut bonum illud vel malum distincte sibi repræsentet intellectus; hoc est, cognitio boni vel mali viva sit oportet. Porro, qui bonum vel malum, quod actionem consequitur, distincte cognoscit, nexum illius cum actione libera, sive modum, quo per actionem liberam determinatur, perspicit. Quapropter cum facultas, nexum rerum & veritatum distincte intuendi, *Ratio* dicatur: qui juri naturali ex affectiones suas conformare desiderat, intellectus & rationis epuratae usu in omnibus actionibus polleat necesse est. At vero eam non esse, neque intellectus, neque rationis humanæ perfectionem, ut intrinsecam in omnibus actionibus moralitatem penetret, vix est, qui negare ausit: quin arctis potius limitibus circumscriptam, atque errandi, & verum pro falso arripiendi, periculo obnoxiam deprehendimus. Hæcque imbecillitas in ipsam dein voluntatem redundat, ut confusa, sæpe erronea, boni vel mali cognitione ducta, sensuum judicio atque affectuum impetu abrepta, in rectæ rationi contraria nitatur omnia; adeo ut ne sapientissimi quidem mortalium plurium annorum indefesso exercitio id consecuti fuerint, ut voluntatem per omnia rationis imperio subjicerent. Quænam igitur in hac, qua maxima pars hominum premitur, caligine atque imbecillitate voluntatis, qua laborant omnes, media adhibenda erant, ut & fragilitati consuleretur, & malitiæ via præscinderetur, felicitas vero hominum quovis modo promoveretur? Si ipsam rationem consulis, duplicia ea media suggerit; gratiæ scilicet divinæ supernaturalem assistentiam, atque legum positivarum vim ac potestatem. Media gratiæ, quibus tum intellectui tum volun-

voluntati succurritur, non sunt præsentis, in quo versamur, fori: de legibus adeo positivis restat ut dispiciamus.

§. L. Non subscribimus iis, qui juris positivi necessitatem ex eo deducunt, quod multa sint, quæ jure naturæ determinata non sunt, quæ proin legislatoris positivi ulteriori determinationi relinquuntur: neque difficile foret a priori falsitatem asserti, utpote primis Philosophiæ principiis contrarii, demonstrare, nisi ipsa experientia suffragaretur, leges, siquidem cum sapientia leges condant, ad illas ipsas rationes intrinsecas respicere, ubi de novo in utilitatem hominum, vel civitatis, aliquid introducendum judicant. Ratio igitur legum positivarum non in defectu determinationum intrinsecarum, sed in cognitione hominis limitata & voluntate depravata deprehenditur. Ex cognitione hominis limitata intelligitur 1. cur legislator positivus ea, quæ infinitis modis jure naturæ determinabilia sunt, uniformiter & in genere determinet; ne ambigua aut difficilis sit actionum civilium norma: 2. cur nova subinde æquitatis civilis ratio inducatur. Ex voluntatis fragilitate atque depravatione fluit sanctio poenarum atque præmiorum, quæ sunt bonum vel malum, quod cum actione connectit legislator. Ex fine legum positivarum de poenarum atque præmiorum indole judicari potest. Namque subsidiariæ cum sint leges positivæ, & intellectum erroribus, voluntatem sensibus obnoxiam, supponant: tales cum actionibus liberis erunt connectendæ poenæ vel præmia, quæ sub sensus cadant, atque affectibus præponderent; ita enim efficietur, ut, qui ex intrinsecis motivis rationis imperio parere nolunt, poenarum metu saltem coerceantur, atque præmiorum spe alliciantur.

Genuinum hoc & naturale est fundamentum legum positivarum in genere: de specialibus earundem rationibus suo loco disquiremus.

L

§. LI.

§. LI. Hinc non obscure colligere licet, cur in gratiæ regno sapientissimus legislatorum Deus, ex paterno erga genus humanum affectu, peculiari ratione legibus prospexerit, quibus saluti hominum, tum præsentis, tum futuri sæculi, consuleretur. Qui profundius rimantur, quæ hic innuuntur solum, non in præmiorum, sed & poenarum, constitutione amorem Dei infinitum erga genus humanum agnoscent, ac patrem potius clementissimum, quam dominum severum venerabuntur.

Fori hæc sunt Theologici, quorsum pertinet præceptorum religionis atque legum divinarum explanatio. Enimvero cum jus canonicum haud dubie ad forum juris spectet, ac partim legibus divinis, partim humanis absolvatur: patet methodo scientifica jus canonicum pertractari non posse, nisi præsuppositis dogmatis religionis, & legum divinarum perfecta noticia.

§. LII. Complexum præceptorum sive legum, immediate & ex libera voluntate Dei latorum, atque hominibus per revelationem manifestatarum, quibus officia tum erga Deum, tum hominis erga se ipsum, tum erga proximum, nec non erga ecclesiam & statuum civilem determinantur, *jus divinum positivum* dicimus.

Canonistæ jus divinum positivum in Mosaicum & Christianum; illud in cærimoniale & morale; morale denuo in ethicum, politicum, & ecclesiasticum, alii aliter dividunt: de quibus ipsos vide canonum Doctores.

§. LIII. In jure publico universali summorum rectorum atque magistratuum necessitatem adstruimus, eorumque officia ex fine societatum civilium in genere eo redire demonstramus, ut salutem ac tranquillitatem publicam pro virili promoveant; h. e. id agant, ut ii, qui officiis, tam ex jure naturali ethico, divino, atque sociali, nec non so-

cietatis



cietatis civilis, & status publici conservatione fluentibus, satisfacere prompti sunt, nec ex morbo reipublicæ statu, nec ex malitia, tum concivium, tum exterorum impedimenta aut obstacula sentiant, sed iis potius media quovis modo subministrentur, ut imperturbate in felicitate progrediantur: ii vero, qui prava libidine ducti in transversum rapiuntur, ac statui publico & concivibus mala, quæ possunt, omnia concitant, tum in divinam, tum in humanam majestatem, in statum publicum, atque concives injurii, poenis, cum aliis salutaribus constitutionibus, in officio contineantur; ut saltem in actus externos non prorumpant depravatæ voluntatis machinamenta. Licet enim, ut in Politica docemus, summum imperantem de interna quoque virtute civium sollicitum esse deceat: ubi tamen de securitate tum publica, tum privata, ut maxime fit, poenarum & præmiorum ope promovenda, agitur, tum satis habet, & habere debet imperans, si nihil eorum committatur, quo publica salus turbetur, aut cives lædantur, virtute atque vitiis internis sub potestatem legislatoris humani non cadentibus; nisi mediate saltem, h. e. per alias salutare ordinationes faciem ad virtutem viam sternendo.

§. LIV. Videmus adeo summi rectoris officium haud mininam sui partem in legibus ferendis occupari; quarum complexus ex eo, quod hominis voluntatem pro fundamento agnoscant, *jus positivum humanum* absolvit.

De diversis juris positivi partibus, quibus tum respublica, tum ecclesia regitur, nunc in genere & in specie, habito respectu ad ecclesiam Catholicam, & imperium Romano-Germanicum, despicere lubet.

§. LV. Evicimus (§. XVII.) necessitatem ecclesiæ, ejusque porro regimen penes summum Pontificem residere,



non minus ex sana ratione, quam S. literis edocemur: *Joan.* 21. *Matth.* 18. Quapropter cum sine legibus nullus ordo, nulla tranquillitas in Universitate, sive sacra, sive profana, concipi possit: summo Pastori, sive Rectori ecclesiæ, potestatem, salutaribus legibus bono ecclesiæ & fidelium prospiciendi, dubiam velle reddere absurdum erit.

Leges sive regulas, quæ bonum ecclesiæ & fidelium pro fine habent, vocabulo græco Canones dixere sacri legislatores & SS. PP. forsan inde, quod sub Imperatoribus ethnicis, gemente adhuc ecclesiæ, sacras constitutiones leges appellare ausi non sint; inde vero juris canonici nomen esse, tralatitium est.

§. LVI. Est ergo jus canonicum in genere complexus canonum, sive legum, auctoritate summorum Pontificum nomine ecclesiæ latorum, juxta quas & ecclesia regitur, & fideles actiones suas, tum salutis æternæ consequendæ, tum justitiæ observandæ gratia, instituere obligantur.

Aliam juris canonici notionem exhibet R. P. Pichler in J. Can. proleg. n. 32. Jus canonicum, inquit, est jus positivum, a summis Pontificibus ecclesiæ Catholicæ nomine traditum, vel constitutum, vel approbatum, quo actiones & mores Christianorum ad cultum divinum, ad ordinem politicum in statu ecclesiastico, ad pacem & justitiam in populo fidei conservandam & augendam, ultimate vero ad finem supernaturalem æternæ beatitudinis diriguntur; quam ideo magni facimus, quod triplicem illam divisionem, in quam jus canonicum dispertituri sumus, clare exhibeat. Percepit nimirum vir plurimum reverendus & perspicacissimus alios esse canones, sive constitutiones sacras Pontificum, quibus præcepta Christiana, omnes fideles æqualiter stringentia, continentur; alios, quibus status ecclesiæ publicus absolvitur; alios denique, secundum quos personis ecclesiasticis indistinctim, & laicis in iis, quæ sunt juris divini, justitia venit administranda.

§. LVII. Ex potestate, Christi in terris Vicario in S. scriptura concessa, haud dubie intelligitur, multa ejus dispo-

dispositioni circa gregis, sibi commissi, salutem relicta esse: uti patet ex 18. *Math. v. 18. & 19.* & ipsa Universitatis Dei natura abunde loquitur; modo cogites non minus in ecclesia, quam in republica, multas sanctiones, atque salutaria statuta a successivis temporum mutationibus perire, quæ in primitiva institutione exprimi, nec necesse, nec consultum, consequenter prudentiæ rectorum relinquenda erunt. Quapropter, quæ auctoritate summi Pastoris pro salute fidelium æterna sancuntur, quoad vim obligandi nihil differunt ab iis, quæ ipso jure divino positivo in S. literis expressa habentur: adeoque ecclesiæ præceptis & sanctionibus vim legum divinarum adscribere nullus dubito.

§. LVIII. Complexum præceptorum atque canonum ecclesiæ, summa Pontificum auctoritate sancitorum, aut confirmatorum, quæ immediate populi Christiani salutem æternam pro fine habent, *jus canonicum divinum* appello.

Nota tamen alia præcepta ecclesiæ esse universalia, quæ universum populum Christianum stringunt; alia particularia, quæ ad certas provincias aut dioceses diriguntur. Ceterum de objecto J. canonici divini non est, quod anxie hic disquiramus; utpote quod ab instituto nostro alienum est.

§. LIX. Reipublicæ Catholicæ atque universalis speciem præferre ecclesiam (§. XXVII.) monstravimus, & ex ipsa reipublicæ notione eruimus. Licet enim ecclesia territorium non habeat, sed potius in regnis & territoriis, salvis Regum atque summorum magistratuum majestaticis juribus, subsistat: constat tamen summo Pontifici non in personas solum, quæ populo Christiano sacra administrant, res sanctas, atque ecclesias &c. sed & in fideles omnes, rationeque, quæ juris divini esse dignoscuntur, absolutum

competere imperium atque jurisdictionem, a nullo alio dependentem, quam per magistratus subalternos exercet. Quæ sane sufficiunt ad societatem, civili per omnia similem, constituendam, nisi in filicibus atque glebis rempublicam quæras. Porro si in omni civitate statum publicum legibus fundamentalibus superstrui convenit: præ aliis in hierarchia publica necessitas atque ecclesiæ stabilimentum exigere videtur, ut status publicus ecclesiæ, jura summi Pontificis, personarum & magistratuum subordinatorum, sacris constitutionibus determinantur, atque suffulciantur.

§. LX. Complexum canonum atque sacrarum constitutionum, tum juris divini positivi, tum humani, quibus status ecclesiæ publicus, summi Pontificis, personarum atque magistratuum ecclesiasticorum jura determinantur, *jus ecclesiasticum publicum* dicere lubet.

§. LXI. Ut appareat, quænam ad jus canonicum publicum; sive ecclesiæ, pertineant, superficiariam ejus sciagraphiam adjicere lubet. Libri forsan, & capita sequentia esse possunt: L. I. C. 1. de J. publico ecclesiæ in genere; 2. de J. publico ecclesiæ Romano-Catholicæ; 3. de principiis & fundamentis ecclesiæ Romano-Catholicæ, quæ in S. scriptura continentur; 4. de conciliis, & eorundem auctoritate; 5. de constitutionibus summorum Pontificum, quibus status ecclesiæ publicus absolvitur; 6. de usu & observantia in regimine ecclesiæ. L. II. C. 1. de summo Pontifice, ejusdem titulis & insignibus; 2. de summi Pontificis electione; 3. de summi Pontificis consecratione atque coronatione; 4. de sancta summi Pontificis majestate; 5. de juribus divino-majestaticis summi Pontificis circa sacra; 6. de juribus divino-majestaticis summi Pontificis circa profana; 7. de modis, quibus summus Pontifex esse desinit; 8. de sede A-  
posto-

postolica vacante. L. III. C. 1. de membris & rectoribus ecclesiæ subordinatis in genere; 2. de Cardinalibus, eorundem prærogativis & juribus; 3. de Patriarchis, & eorundem juribus; 4. de Archiepiscopis metropolitanis; 5. de Episcopis; 6. de reliquis ecclesiæ officialibus, subofficialibus, pastoribus, eorundemque juribus. L. IV. de modis perveniendi ad dignitates ecclesiasticas majores 1. Cardinalatus, Patriarchatus, 2. Archiepiscopatus, 3. Episcopatus &c. 4. hoc libro de collatione dignitatum ecclesiasticarum majorum per manus summi Pontificis, de electione & postulatione, redemptione Pallii, confirmatione, & consecratione erit disquirendi locus. L. V. C. 1. de conciliis & synodis ecclesiæ in genere; 2. de conciliis œcumenicis; 3. de conciliis nationalibus; 4. de conciliis provincialibus; 5. de conciliis diœcesanis aut episcopalibus; 6. de modis exequendi conclusa conciliorum, ubi de banno ecclesiastico. L. VI. de judiciorum ecclesiæ indole, & natura in genere, & in specie. L. VII. C. 1. de Nuntiis Apostolicis, & eorum juribus; 2. de Legatis a latere, Vice-Legatis &c. 3. de ritibus, cærimoniis atque solemnitatibus, in legationibus summi Pontificis observandis; 4. brevis disquisitio de rationibus status ecclesiæ instituitur.

§. LXII. Perinde vero, ut in republica civium privatorum saluti ac tranquillitati salutaribus legibus prospicitur: ex eadem ratione circa membra, personas, & res ecclesiasticas sacris constitutionibus providendum erit; partim, ut personæ ecclesiasticæ rite ordinentur, atque constituentur, officiis sibi incumbendis satisfaciant, & bono ecclesiæ omni studio invigilent; partim ut de rebus ecclesiasticis tam acquirendis, quam conferendis, & alienandis vel testamentis, vel contractibus, de poenis delictorum atque eorundem coercitione, de judiciorum ordine denique, atque foro eccle-



ecclesiastico statui ecclesiæ convenientes leges ferantur. Etenim, si in omni civitate justitia administranda, & suum cuique tribuendum est; quid non de civitate Dei, justitiæ omnis fonte, dicendum erit?

§. LXIII. Complexum canonum, sive legum, a summo Pontifice latarum, approbatarum vel confirmatarum, quibus officia, jura, nec non poenæ personarum atque membrorum ecclesiæ privatorum determinantur, *jus canonicum privatum* appello.

§. LXIV. Ex dictis (§. LXII.) apparet, circa quæ summus ecclesiæ Pastor potestatem suam legislatariam exercere queat: ipsa vero juris canonici pertractatio sequentibus libris comprehendi poterit. Libro I. de origine, auctoritate, & diversa legum atque canonum ecclesiasticorum indole, vi atque potestate differitur. Liber II. status, jura, & officia personarum ecclesiasticarum, sive Clericorum & Laicorum, quatenus sunt filii ecclesiæ, nec non modos, quibus sacri ordines, aliæque dignitates ac status conferuntur, exhibet. Lib. III. jura rerum ecclesiasticarum, spiritualium, atque temporalium, earum divisionem, acquiriti, & alienandi modos ex SS. canonibus adumbrat. Lib. IV. de variis personarum ecclesiasticarum & Laicorum delictis, criminibus, eorundemque poenis. Libro V. de actionibus, quibus in foro ecclesiastico jura persequimur, judiciis & eorum ordine disquiritur. Prolixitatis evitandæ gratia titulos librorum non adjecimus; cum ex compendiis institutionum juris canonici sat superque innotescant. Tantum de civitate Dei,

§. LXV. Quodsi tam antiquas, quam modernas regnorum atque rerumpublicarum historias vel obiter saltem



tem percurras : omnium ferme regiminis formas , jurium majestaticorum limitatum, vel illimitatum, exercitium, succedendi modos tam electivos , quam hereditarios , pactis atque legibus fundamentalibus definitos, aut usu saltem, atque observantia stabilitos, comperies : ut adeo cuivis statui aut reipublicæ suum constet jus publicum speciale, atque determinata regiminis forma. Enimvero si jura majestatica administrandi ratio , atque interna reipublicæ structura non adeo longe a primis & simplicibus juris publici universalis regulis recedat : vix est , ut peculiare studium status politici notitia requirat; quin commode in ipso jure naturæ politico studiosæ eorum , quæ in patria geruntur, juventuti tradi poterunt. Aliter sese res habet de imperio Rom. Germanico , cujus stupenda prorsus , mirabili atque intricatissimo mutationum successivarum nexu enata regiminis forma, statuum, de summo imperio participantium, multitudo, tam quoad potentiam , quam superioritatis jura, inæqualitas, in religionis materia dissensus , dissimilis territoriorum, quoad internam structuram , habitus , laxus ac in multis solutus pene membrorum tam inter se, quam cum Imperatore & imperio nexus, fluctuans, atque difficilis bella gerendi, & negotia publica expediendi ratio , mutua denique statuum renitentia inexplicabili propemodum labyrintho, ante tempora præsertim J. pacis, jura imperii atque statuum publica involverant , ut vix hodiedum omni ex parte in tuto ac certo locata videantur. Atque inde est, quod summi in imperio Imperantes tanta cura atque sollicitudine de statu imperii publico definiendo, juribus Imperatoris , statuum, ac reliquorum membrorum imperii, nec non modis administrandi justitiam determinandis cogitarint, & in hunc usque diem indefesso studio laborent, ut automa politicum imperii R. G. in consensum harmonicum redigatur.

Hinc est, quod a plus quam sæculo legum imperii fundamentalium, atque publicarum studium dignum, imo summe necessarium, judicatum fuerit, quod in Academiis nostris, secus ac in aliis regnis, publice traderetur.

§. LXVI. Complexus legum fundamentalium & publicarum, quibus tum forma imperii Romano-Germanici, tum jura statuum atque membrorum determinantur, jus publicum imperii Rom. Germanicum audit.

Loquimur hic de jure publico totius imperii, seu systematis majoris, quod, ut dixi, ex minoribus illis consociatis, aut vi antiqui nexus vasallitici adhuc coherentibus, componitur. Cum tamen quodvis territorium speciali regiminis forma regatur: patet tot esse in imperio jurium publicorum diversas species, quot diversa territoria comparent: unde difficultas in acquirenda perfecta status atque jurium in imperio notitia elucet.

§. LXVII. Juris publici imperii R. Germanici objectum optime omnium ex annexo schemate apparebit. Retinemus vero in disponendis juris publici capitibus methodum ex naturali & scholæ ordine mixtum; ut, quantum datur, veritates etiam in jure publico connectantur, ac memoriæ insuper consulatur. In prolegomenis proin de jure publico in genere & in specie imperii R. Germanici, ejus indole, origine, & progressu philosophice, juridice, atque historice disquirimus.

PARS I. præcognita juris publici imperii R. Germanici, principia & notitias præliminares historice exhibet. Sectio I. notitiam imperii tam geographicam, quam politicam, atque membrorum divisionem adumbrat. C. 1. originis imperii R. Germanici historica, & brevis notitia; 2. de finibus & divisione imperii geographica; 3. de divisione imperii

perii politica in archiepiſcopatus, epiſcopatus, abbatias, prælaturas, ducatus, palatinatus, marchionatus, landgraviatus, comitatus &c.; 4. membrorum tam imperantium, quam co-imperantium atque parentium hiſtorica deſcriptio; 5. de ſtatibus eccleſiaſticis, atque eorundem origine; 6. de ſtatibus ſæcularibus; 7. de membris imperii reliquis eadem ratione breviter diſſeritur. Sect. II. de principiis, ex quibus jura tam imperantium, quam co-imperantium, atque parentium deducuntur. C. I. de legibus fundamentalibus, & regno, pactis limitato, in genere; 2. de legibus fundamentalibus & publicis imperii R. Germanici; 3. de A. Bulla; 4. de pace Weſtphalica; 5. de capitulationibus, quibus forma potiffimum & ſtatus imperii publicus definitur; 6. de reſſibus; 7. de pace profana; 8. de pace religioſa; 9. de uſu & obſervantia, quibus publica, partim ſtatuum, partim privatorum jura continentur.

PARS II. ſtatum imperii publicum, & jura tam imperantium, quam co-imperantium in ſyſtemate majori adumbrat. Sectio I. de Imperatore, Auguſta, Rege Romanorum, & Vicariis imperii. C. 1. de Imperatore, ejus titulis, & inſigniis; 2. de electione Imperatoris; 3. de coronatione Imperatoris; 4. de modis, quibus Imperator eſſe definit; 5. de Auguſta; 6. de Rege Romanorum, ejus electione, & coronatione; 7. de interregno, & imperii per Vicarios adminiſtratione. Sectio II. de membris imperii co-imperantibus. C. 1. de Electoribus in genere & in ſpecie; 2. de Principibus eccleſiaſticis in genere, & in ſpecie; 3. de Principibus ſæcularibus in genere & in ſpecie; 4. de Abbatibus, Prælatiſ &c.; 5. de Comitibus, Baronibus &c.; 6. de civitatibus imperii liberis. Sect. III. de juribus majeſtaticis imperii in ſyſtemate majori, ſive totius imperii. C. 1. de juribus majeſtaticis ſyſtematis majoris in genere; 2. de juribus majeſtaticis

staticis, quæ Imperator solus exercet; 3. de juribus majestaticis, quæ Imperator cum Electoribus administrat; 4. de juribus comitialibus, communi Imperatoris & trium collegiorum suffragio expediendis; 5. de juribus Vicariorum imperii durante interregno. Sect. IV. de modo administrandi jura majestatica & promovendi salutem imperii R. Germanici in systemate majori. C. 1. de comitiis imperii universalibus; 2. de comitiis imperii particularibus; 3. de indole, juribus, ut & conventibus circulatorum, & negotiis ibidem expediri solitis; 4. de diætiis & conventibus collegii electoralis; 5. de conventibus particularibus ceterorum statuum.

PARS III. indolem, jura, & naturam systematum imperii minorum, seu territoriorum, adumbrat. Sect. I. C. 1. de superioritate territoriali in genere; 2. de superioritate territoriorum imperii R. Germanici; 3. de nexu vasallitico statuum imperii cum Imperatore atque imperio; unde systema majus oritur; 4. de modis, quibus in territoria succeditur. Sect. II. jura superioritatis territorialis exhibet. C. 1. de juribus territorialibus statuum in genere; 2. de jure circa sacra; 3. de jure legendi militem; 4. de jure leges & statuta condendi; 5. de jure magistratus ordinandi; 6. tribunalia justitiæ erigendi; 7. puniendi delinquentes; 8. scholas & Academias adornandi, & restaurandi; 9. jus Archivi; 10. jus indicendi comitia provincialia; 11. jus conferendi dignitatum & honorum gradus &c. 12. jus indicendi collectas &c. Sect. III. de specialibus statuum imperii juribus, nec imperii administrationem publicam nec superioritatis territorialis jura respicientibus. C. 1. de juribus Electorum ecclesiasticorum specialibus, vi legum imperii fundamentalium & publicarum, concessionis imperatoris, pactorum, & observantiæ imperialis; 2. de juribus Electorum sæcularium, quatenus ex legibus imperii fundamentalibus, concessionibus imperatoris, pactis & observantia deducuntur. 3. de



de juribus Principum ecclesiasticorum specialibus; 4. de juribus Principum sæcularium peculiaribus, virtute legum imperii fundamentalium &c.; 5. de juribus Comitum, Baronum &c.; 6. de juribus civitatum specialibus vi legum imperii fundamentalium &c. Sect. IV. de membris imperii, qui status non sunt. C. 1. de Nobilitate imperii imediata; 2. de superioritate territoriali Nobilitatis imperii imediata; 3. de juribus Nobilitatis imperii immediata; 4. de reliquis imperii Sub-Vasallis, membris, & eorundem juribus; 5. de civitatibus imperii liberis, quæ votum & sessionem in comitiis non habent.

PARS IV. Sect. I. de judiciis imp. R. Germanici. C. 1. de origine & indole judiciorum in imperio R. Germanico in genere; 2. de Austregis; 3. de judicio imperii aulico; 4. de judicio imperii camerali; 5. de judicio Rothwilensi; 6. de reliquis imperii judiciis; 7. de modo exequendi mandata atque judicata in summis imperii tribunalibus. Sect. II. consideratio politico-juridica imperii R. Germanici. C. 1. de principiis ad structuram politicam imperii dijudicandam requisitis; 2. de forma imperii R. Germanici; 3. de ratione status imperii R. Germanici.

§. LXVIII. Jus imperii publicum, quam potuimus, brevissime adumbravimus: id nunc superest, ut in legum civilium fundamentum inquiramus. Ex Politices parte tam generali, quam speciali (§§. XXV. & XXVI.) elucet, quæ summi Imperantis tam circa reipublicæ, quam civium privatorum salutem atque tranquillitatem promovendam sint officia & jura: atque (§. XLIX. & L.) fortissimum salutis publicæ Palladium in legibus situm esse ostendimus. Quapropter ea, quæ dicto loco curæ imperantis adscripsimus, ordinationibus atque legibus, naturæ & indoli statûs convenientibus, definienda, jubenda, prohibenda atque ordinanda erunt.

§. LXIX. Definimus proinde *jus civile* per complexum legum, a summo magistratu sancitarum, quibus tum reipub-



licæ, tum civium privatorum salus, securitas atque tranquillitas promovetur.

Est hæc definitio juris civilis generalis; quatenus nimirum totum potestatis legislatoris in civitate ambitum exhaurit. Difficillimum esse cum sapientia leges condere, ex sequentibus, quæ de partibus juris civilis docebimus, palam fiet.

§. LXX. Quodsi, quæ de objecto Politices superius dicta fuerunt, recolligas: multa deprehendes, quæ integræ civitatis, seu reipublicæ, immediate, privatorum vero mediate saltem, quatenus scilicet societas civilis medium est felicitatis singulorum, salutem spectant. Legislatoris adeo circumspecti, atque ordinem in civitate amantis, cura utique digna judicabuntur.

§. LXXI. Complexum legum, auctoritate summi magistratus constitutarum, quibus publica status salus, & utilitas continetur, *juris civilis publici* nomine compellamus.

Leges publicæ Romanorum passim in Corpore juris, præsertim in libris posterioribus Codicis, dispersæ inveniuntur: quam inconcinne autem ad statum imperii præsentem trahantur, & quæ ex sinistra illa applicatione legum forensium mala sentiat Germania nostra, judicent ii, quibus penitior rerum politicarum, & status præsentis imperii nostri notitia animo hæret.

§. LXXII. Pertinent vero ad jus civile publicum 1. ordinationes circa Universitates & Academias scientiarum atque artium liberalium, scholarum, opificiorum & artium mechanicarum; 2. ordinationes ecclesiasticæ, *Kirchen-Ordnungen*: in quantum nimirum sub potestatem civilem cadunt, & quisque territorii dominus ecclesiæ protector & advocatus esse censetur; 3. ordinationes agorense atque taxatoriæ, *Markt- und Tax-Ordnungen*; 4. ordinationes

nes ædiles, **Bau-Ordnungen**; 5. ordinationes circa incendia præcavenda & restinguenda, **Feur-und Lösch-Ordnungen**; 6. ordinationes circa morbos, præsertim pestem avertendam, **Kranken- und Pest-Ordnungen**; 7. ordinationes circa pauperes, **Armen-Ordnungen**; 8. ordinationes circa vestimenta, **Kleider-Ordnungen**; 9. ordinationes sumptuariæ; 10. ordinationes circa viarum publicarum commoditatem, **Beeg-Ordnungen**; 11. ordinationes circa navigationem, **Schiff-Ordnungen**; 12. ordinationes postarum, **Post-Ordnungen**; 13. ordinationes sylvaticæ, pecuariæ &c. **Wald- Viehzucht- Ackerbau- und Garten-Verordnungen**/ & aliæ plurimæ salutare constitutiones, quibus ordo in civitate conservatur. Patet autem, jus civile publicum, moderno reipublicæ nostræ statui conveniens, meditaturus id præterea agendum esse, ut ex legibus & statu civitatis intimo officia & jura eorum, quibus ordo civitatis atque Politicæ committitur, exacte describat.

§. LXXIII. Privatorum non minus quam publicæ civitatis saluti prospicere imperatorium decet officium; ut superius monstravimus. Quamobrem, cum ex societatibus œconomicis, conjugalibus scilicet, paternis, herilibus, & ex his enatis familiis, plerumque coalescant respublicæ; enimvero citra rectam societatum minorum institutionem, ordinem civitatis ac felicitatem privatorum frustra tentaveris: primum, quod circa privatorum salutem meditabitur imperans, eo redit, ut societatum œconomicarum formas, eas constituendi, conservandi, ac resolvendi modos, nec non officia & jura membrorum, eas ingredientium, aptis legibus definiat. Porro ex rationibus juris naturalis politici, præter status hominum naturales, diversos status civiles in rempublicam coalescentibus superaccedere, ac utrosque varia jura ac officia, seu obligationes consequi constat. Tollendis igitur omnibus dissidiorum atque controversiarum, super statu moveri solitarum, causis, jura & officia, ex statibus

tibus hominum, sive naturalibus, sive civilibus, emanantia, legibus circumscribenda erunt.

Nec vero inanem hanc operam existimes, quam in leges civiles, circa societates œconomicas & status personarum statuminandas, impendendam esse innuimus. Nam ut taceam, nullam ferme in jure civili occurrere quæstionem, quæ non certum personæ statum supponat, ex distincta status personarum in republica cognitione unice de sapientia legum & legislatorum judicari potest. Unde oppido liquet, imprudentissime facere eos, qui jura extranea in rempublicam diversa plane regiminis forma, morum, statusque personarum indole præditam, invehere, quam ex domesticis principiis & natura status intima leges cum sapientia condere malunt. Non tamen negamus, aliorum populorum instituta & leges, præsertim si cum sapientia latæ sint, emendationem juris meditaturis insigniter inservire. Pudeat aliquando Germanos nostros, exulta & ad immortalem gentis gloriam ad apicem quasi perfectionis evecta juris naturalis & verioris Politices doctrina, in alienis legum ambagibus fluctuari, quam domi in portu securo navigare, satius ducere.

§. LXXIV. Procedit eodem modo demonstratio, dum legum civilium circa jura, obligationes & actiones hominum privatorum, quæ ex introducto rerum dominio & contractibus, læsionibus, & aliis negotiis fluunt, necessitatem evincere laboras. Etenim, ex quo partim sana ratio, quæ meliorem vivendi modum deteriori præferendum esse ipsa inculcat, partim hominum, in societate civili viventium, multitudo, partim etiam luxus & voluptatis amor impulere homines, ut rudiores ac simpliciores vivendi rationem aspernantes bona naturalia industria sua & arduo manuum labore non perficerent solum, sed & mille modis ad usus vitæ adaptarent, mirum quantum multiplicata fuisse inter homines negotia, acquirendi & alienandi modos, experientia teste comprobatur. Quod si cum his hominum naturam, & corruptos mortalium mores conferas: haud obscuro

obscurè colliges, in tanta hominum & rerum multitudine, innumeras circa meum & tuum controversias, dolos & fraudes infinitas evitari difficulter, aut vix potuisse. Quapropter, vi majestatici, sibi incumbentis, officii, legibus salutis ac securitati privatorum consulere, modos dominia rerum acquirendi, administrandi, transferendi & alienandi definire, contractuum formas, & quid in ambiguis negotiis & circa læsiones juris sit, determinare, legislatoris esse patet.

Plura de his differentem vide *perill.* WOLFFIUM in Politices, idiomate Germanico conscriptæ, P. 2. C. 4. de legibus civilibus, uberiorem tamen de iis pertractationem in jure naturæ politico Latino, quod avidi expectamus, promittentem.

§. LXXV. Definire adeo licet jus civile privatum, quod sit complexus legum, a superiore latarum, quibus jura civibus, tam ratione statuum & societatum œconomicarum, quam ratione bonorum atque læsionum competentia, determinantur.

§. LXXVI. Ex iis, quæ diximus, haud obscure liquet, circa quæ jus civile privatum versetur: atque adeo supervacaneum ducimus, plura de objecto juris civilis privati adducere; præsertim cum ex compendiis juris nullo labore eruatur. De methodo pauca quidem moneri poterant: sed de ea capite quarto acturi sumus.

§. LXXVII. Ad securitatem reipublicæ ac civium potissimum pertinet, ut nefarii hominum deperditorum ausus reprimantur, ac ne quid vel contra rempublicam, vel contra civium salutem, vitam, aut bona intentent, contineantur. Post religionis & gratiæ subsidia, omnium efficacissima, hic deprehendimus virtutis internæ incitamenta, aut præmiorum atque poenarum stimulos. De præmiis &

N

vir-



virtute interna alio loco, nimirum in Politica & jure civili publico disquirimus, eamque omni studio promovendam esse, docemus. Quodsi vero non obstante, quidquid hunc in finem moliatur imperans, affectibus indulgentes rationis imperio se submittere detrectent malevoli: nil superest, quam ut cum actionibus, quibus vel publica vel privatorum salus læditur, poenas connectat legislator. Quapropter non exiguum prudentiæ civilis rectoriæ partem in poenarum sanctione occupari patet.

§. LXXVIII. Complexum legum, a summo magistratu latarum, quibus criminibus atque delictis poenæ statuuntur, *jus civile criminale* compellamus.

§. LXXIX. Quodsi expendas, quæ civibus tum vi legum naturalium, divinarum atque humanarum incumbunt officia, quotque modis iis contraveniri, divina & humana majestas, respublica, civesque privati lædi possint: haud anxius determinabis, quibus, & quæ actionibus hominum poenæ decernendæ sint. Injurii nimirum sunt homines vel in Deum, vel in summos magistratus, vel in rempublicam, vel in concives & proximos, vel in se ipsos. Quapropter, præmissis de jure criminali principiis generalibus atque poenarum natura penitus exposita, 1. de delictis, quibus majestas divina, religio & res sanctæ; 2. de delictis, quibus summi imperantes; 3. jura majestatica; 4. civitatis salus publica; 5. cives, vel in corpore, bonis fortunæ, fama atque honore læduntur; 6. denique de delictis hominum in se ipsos atque poenis, quibus coercentur, disquirendum erit.

§. LXXX. Ad modos, quibus de rebus suis disponunt homines, refertur quoque concessio dominii utilis sub lege fidelitatis, reservato sibi dominio directo; quæ species, de suo dispo-



disponendi, feudum dicitur. Rationes, quæ feudorum institutum suadeant, in republica variæ esse possunt. Nam 1. populi, apud quos rarior aut nullus pecuniæ usus est, vix comòdiori ratione ministris publicis, sive in sago, sive in toga militantibus, stipendia aut salaria constituere poterunt, quam prædia iis sub promissione servitiorum, vel militarium, vel aulicorum ita assignando, ut dominium directum penes rempublicam maneat, dominio utili in vasallum translato. Exempla Sinenses & Japonenses, imo ipsi Germani antecessores nostri suppeditant; 2. deinde ipsa naturalis æquitatis ratio jubet, ut iis, quorum præ ceteris in rempublicam merita extant, condigna laborum præmia retribuantur. Enimvero quis non videt, id cum minimo ærarii publici dispendio fieri, si v. g. devictorum bona militibus, sub lege fidelitatis & servitiorum militarium, concedantur. Hoc instituto Germanos olim usos fuisse, indubia historiarum & feudorum, ad nos usque continuatorum, fide docemur. Porro ex quo hereditaria esse coepere feuda, ac tum in acquisitione, administratione, alienatione, amissione, contractibus & delictis, vasalli non minus ac Domini a civilibus diversis juribus uterentur: ratio patet, cur inter juris partes specialem locum jurisprudentiæ feudali assignaverint J.Cti.

Poterat quidem jurisprudentia feudalis cum civili conjungi; annectendo nimirum ad quemvis titulum, quæ de feudis specialiter constituta sunt jura: plane ut jurisprudentiam de servis Romanorum per omnes corporis juris libros & titulos diffusam conspiciamus. Nos nihilominus Germanorum hac in parte prudentiam non immerito commendamus, genuinis methodi regulis apprime convenire judicantes, ut feudorum instituta separatim tradantur. Utinam eadem ratione, quæ de servis constituta sunt, la ceteris legibus separassent Romani; non intricatis adeo ac maximam partem ad statum nostrum inapplicabilibus legibus laboraret patria nostra. Si Deus vitam dederit, otiumque, specimen jurisprudentiæ servilis Romanorum aliquando publici juris faciemus, hoc ipso modum monstraturi, jura exotica de facienda, atque in usum fori adaptandi.

§. LXXXI. Complexum legum ac consuetudinum, quibus jura dominorum directorum ac vasallorum circa feuda determinantur, *jus feudale* dicimus.

Nota in imp. Rom. Germanico intricatissimam esse jurium feudalium doctrinam; non tantum, quod pro diversitate territoriorum varient, sed quod ipsa territoria imperii immediata antiquam feudalitiam indolem in hunc usque diem conservarint; ex eo vero, quod communes feudorum consuetudines iis omnino applicari nequeant, peculiaris feudorum imperii immediatorum doctrina ex legibus imperii fundamentalibus, & publicis, observantia imperiali, pactis, & subsidiarie ex jure feudali communi repetenda sit.

§. LXXXII. Objectum juris feudalis constituit, quidquid sub lege fidelitatis & servitiorum alteri ita concedi potest, ut dominium directum penes concedentem maneat, utili in vasallum translato; bona scilicet tam mobilia, quam immobilia, corporalia, quam incorporalia, sive jura ecclesiastica & sæcularia, publica atque privata. De methodo & dispositione materiarum non est, quod multis agamus, utpote in compendiis, inter quæ Jo. LAURENTII FLEISCHERI, J.Cti in Hallensium Universitate antecessoris celeberrimi, institutiones juris feudalis ceteris præferimus, passim conspicuas.

§. LXXXIII. Salutem reipublicæ ac civium privatorum absque sumtibus & subsidiis necessariis promoveri nequaquam posse ultro largieris; modo, quæ hætenus de summorum & subalternorum magistratuum necessitate eorundemque officiis dicta fuere, in animum inducas. Quapropter non solum summis imperantibus, & qui vicibus eorum in provinciis funguntur, magistratibus subalternis reditus convenientes constituendos, sed & militi, vel perpetuo, vel temporario, alendo & sustentando, fortalitiis aliisque operibus publicis construendis, conservandis ac reparandis im-

impensas necessarias destinandas esse, patet. Ubi in politicis de contributionibus ad onera reipublicæ agimus, diversos earundem modos sub incudem revocamus. In genere liquet, œconomiam status sic esse ordinandam, ut subditi, quam potest, minime inde prægraventur. Hinc inter politiores gentes domania, sive bona coronæ, a civium prædiis separata, ac seorsim administrata videris, jura quoque, quæ non facile, vel sine reipublicæ detrimento privatorum dominio subjici poterant, v. c. jus venandi, jus metallorum &c. summæ majestati annexa fuisse, omnium temporum historia & sanioris politices principia docent. Quod si nec bona domanialia, nec regalia minora sufficiant: ex bonis privatis civium proportionalia onera colligenda esse, ex iisdem principiis indubia sequela fluit. Quemadmodum autem nihil eorum, quæ justitiæ administrationem, ac jurium, cuiusvis competentium, conservationem respiciunt, legislatoris vigilantiam effugere debet: ita sollicitum esse omnino convenit, ut & summæ majestatis, & reipublicæ, ut & privatorum jura, privilegia & onera circa bona domanialia, regalia minora, & modos contribuendi, legibus determinet.

§. LXXXIV. Complexus legum civilium, quibus jura tum publica status, tum privata subditorum, circa bona domanialia reipub., regalia minora, & modos contribuendi determinantur, *jus civile œconomicum, sive camerale*, compellatur.

Non hic agimus de scientiâ œconomica camerali, quam definitio per habitum, redditus atque modos contribuendi ad reipublicæ onera, ex penitiori status indole determinandi, & merito ad Politicam, propriam hujus doctrinæ sedem, refertur: sed de eo, quid circa redditus principis & modos collectandi juris sit, disquirimus. Prudentissimo consilio in Academiis scientiâ œconomico-cameralis nostris temporibus doceri cœpit; ast tum demum fructum

inde sentiet respublica, ubi cum rerum œconomicarum scientia juris cameralis prudentiam redditus principum olim administraturi conjunxerint; ut sapientes non solum ærarii publici œconomi, sed & iusti sint in controversiis œconomico-cameralibus iudices.

§. LXXXV. Jus civile œconomico-camerale præcipue definit, quæ circa redditus, regalia minora, ærarium, & fiscum tum Principis, tum civium; sint jura, hinc de objecto vix opus est, ut pluribus dispiciamus: celebriora tamen capita ideo adjicere libuit, ut non absque ratione hanc jurisprudentiæ partem a reliquis separasse videamur. Præmissa itaque juris œconomico-cameralis & personarum, ærarium Principis administrantium, generali doctrina; 1. de jure bonorum domanialium Principis & reipublicæ; 2. de jure metallifodinarum, auri, argenti, stanni, cupri, &c.; 3. de jure salinarum; 4. de jure braxandi; 5. de jure circa molendina bannalia; 6. de jure venationum; 7. de jure piscandi; 8. de jure fluminum, riparum & littorum; 9. de jure pontium, passagiorum & viarum; 10. de jure conductus; 11. de jure teloniorum; 12. de juribus & privilegiis Postarum; 13. de jure detractus; 14. de juribus fisci; 15. de jure circa collectas, vectigalia & tributa; 16. de jure circa operas rusticorum & hominum propriorum; 17. de jure circa catastra, & repartitionem onerum publicorum &c. disquirendum erit.

§. LXXXVI. In civitate vindictæ privatæ locum nullum concedendum, nec relinquendum esse, in jure publico universali docemur. Constituendi itaque sunt iudices, & judicia ordinanda, coram quibus de jure suo cuique experiri integrum sit. Quod si judiciorum naturam & indolem penitus intuearis: præter partes litigantes, actorum scilicet & reum, atque iudices, causarum patronos aliasque personas minus principales, ministerio suo cursum justitiæ promovescentes, in iis occurrere comperies, Quapropter cum plurimum



rimum inter sit reipublicæ & civium tranquillitati, ut lites omni modo abbrevientur, earumque numerus imminuatur: definitis per certas & indubias leges negotiis & juribus, de quibus actionem coram iudice instituere licet, ordo præterea, forma & tempus, jus suum in iudicio persequendi, proponendi scilicet, probandi & deducendi, modi iudicata exequendi, nec non jura & officia iudicum, advocatorum, procuratorum, aliarumque personarum adminiculantium, tam in primis quam secundis instantiis, legibus determinare omnino convenit; ut tam litigantibus quam iudici lites protelandi, aut cum partium dispendio perpetuandi, via præscindatur.

§. LXXXVII. Complexum legum, a superiore latarum, quibus ordo iudiciarius & modus, suum in iudicio persequendi, determinatur, *jus civile processuale, sive iudicarium*, vocamus.

Cum vero pro diversitate jurium atque negotiorum, in iudicium deductorum, nec non pro ratione personarum modus procedendi & iudiciarius ordo variet; quod facile demonstrari potest: patet jus civile iudicarium in tot abire partes, quot juris civilis classes constituimus. Hinc alius erit ordo iudiciarius, & modus procedendi in foro & causis ecclesiasticis; alia ratione negotia civilia terminabuntur; alio ordine causæ feudales, alio œconomico-camerales, alio denique criminales disceptabuntur.

§. LXXXVIII. Objectum juris civilis iudicarii esse iudicia, res atque personas, quæ in iudiciis occurrunt, ex antecedentibus liquet: atque adeo 1. post personarum, iudicium constituentium, obligationes, jura & officia 2. causæ, in quibus jurisdictio fundata, probe definiendæ, atque ab iis, quæ forum diversum agnoscunt, probe secernendæ erunt; cum jurisdictionum conflictus quam maxime justitiæ cursum retardet; 3. actus ad disceptationem juris, in foro perficiendam,



dam, necessarii ordinata serie legitima describendi; 4. denique modus, judicata exequendi, sufficientibus legibus stabi-  
liendus erit. Quæ cum ad amissim in ordinatione Came-  
rali, atque recessu imperii de anno 1654. sapientissimi im-  
perii nostri legislatores observarint: illuc lectorem, qui pe-  
nitius ordinis judiciarii partes nosse desiderat, brevitatis gra-  
tia remittimus.

§. LXXXIX. Præcipuas jurisprudentiæ partes, qua-  
rum potissima in regimine civili applicatio est, breviter ex-  
hibuimus, in principia & ordinem, quo tradendæ sunt, nunc  
inquisituri. Ne vero prolixitate & multitudine partium ter-  
reare, id velim advertas: ut varia & multiplicia sunt ma-  
gistratuum officia, unius hominis vires longe superantia; ita  
consultum, imo necessarium esse, ut peculiarem sibi quis-  
que tam in publicis, quam privatis negotiis administrandis  
Spartam seligat, atque leges & jura, eo maxime perti-  
nentia, cum primis sibi familiaria reddat. Ita enim eve-  
niet, ut, cum singuli demandata sibi officia bene admini-  
strant, universæ reipublicæ salus & tranquillitas unitis  
omnium viribus non impedito successu promoveatur. Sic  
e.g. qui ærarii publici curam olim in se suscipere cogitat, satis  
habet, si hausta penitiori juris naturæ & solidioris Politices  
doctrina, in praxin & juris civilis œconomico-cameralis  
scientiam ingenii sui vires intendat; insuper habitis, quæ de  
jure gentium, jure publico speciali, ecclesiastico, aut imperii  
nostri R. G. superius dicta fuere. Magna sane, & deploranda  
ea est temporum nostrorum injuria, quod, quæ juvenes in  
Universitatibus cœco ardore addiscimus, ad praxin vitæ  
progressis non sine labore plerumque dediscenda sint. Atque  
hinc est, quod, qui diuturna praxi veram non fucatam  
civilem prudentiam sibi compararunt, academica studia  
nullo discrimine fastidiant, quæ tamen basis & fundamentum  
totius

totius praxeos vitæ esse debebant. Sed reddetur suus Academiae honos, dum, quæ hucusque de studio juris inuimus, in iis tradenda curabunt, quibus scientias utiles promovere incumbit. Ceterum de jure militari idem velim teneas, quod de jure feudali (§. LXXX.) in notis monuimus: nimirum, si a civili jure admodum discrepant instituta militaria, separatim ea & pertractari & doceri in Academiae posse.

## CAPUT III.

### DE PRINCIPIIS PARTIUM JURIS ET EARUNDem ORDINE.

§. I. **P**rinzipium dicitur id, quod in se rationem continet alterius: id vero, quod rationem sui in altero agnoscit, *principiatum appellatur.*

Cum ratio anteponenda sit, quam id, quod per eam potius est, quam non est: principium principiato prius esse patet.

§. II. Decantata est apud Philosophos principii divisio in *principium essendi, fiendi, & cognoscendi.* *Essendi* principium est id, quod in se continet rationem possibilitatis alterius: quod autem rationem actualitatis, principium *fiendi*: denique propositiones, ex quibus veritas aliarum propositionum intelligitur, principia *cognoscendi* dicuntur.

Nos impræsentiarum de principiis cognoscendi, quæ proprie principiorum nomine veniunt, tantum solliciti sumus, methodum scilicet & ordinem studii juris adumbraturi.

§. III. In partibus juris, quas *cap. præced.* delineavimus, leges occurrunt, quarum veritas demonstranda est.

O

Quod

Quod cum fieri nequeat, nisi in subsidium vocatis veritatibus, & propositionibus aliunde petitis: principiis opus esse patet. (§. II.) Definimus proin *principia juris*, quod sint notiones & propositiones, ex quibus veritas legum & juris demonstratur. Enimvero cum non leges singulas demonstrare, sed partium solum juris principia & ordinem indigitare propositum sit: per principia hic intelligimus disciplinas, aut complexum notionum ac propositionum, quæ in quavis parte juris præsupponuntur.

§. IV. Si notiones ac propositiones, quæ in partibus juris supponuntur, immediate in demonstrationes influant; erunt illæ principia *proxima*: sicut *remota* dicimus, quæ non nisi mediate demonstrandis juribus inserviunt. Porro, cum tam definitiones, quam facta historica antecedanea præsupponi non contingat: principia alia *historica*, sive facti, alia *dogmatica*, sive a priori esse, patet.

§. V. Ordinem in genere definimus per similitudinem obviam in modo, quo res juxta se invicem collocantur, vel se invicem consequuntur. Quodsi igitur partes juris ita pertractes, ut præmittas eas, quæ subsequenter principia suppeditant: tempus & ratio cujusunque partis per eandem regulam generalem determinatur. Erit adeo in modo, quo se invicem subsequuntur, similitudo obvia, consequenter ordo; uti ex definitione ordinis constat. Definiri adeo poterit ordo partium juris, quod sit ea dispositio partium juris, qua cognitio unius viam sternit ad cognitionem alterius.

Sancte custodiendum esse ordinem in studiis, methodi scientificæ regulæ insinuant, & certitudo omnimoda, cui in scientiis studendum, abunde loquitur. Qui præposterum, quo studia imple-  
risque

risque Academiis pertractantur, ordinem expendit, emendat-  
rici hac parte manu opus esse, facile mecum consentiet.

§. VI. Philosophia practica universalis regulas actio-  
num liberarum generalissimas tradit (XLVII.). Quodsi adeo  
methodo demonstrativa tradi debeat: præter Philosophiam  
rationalem, quæ mentem humanam in cognitione omnis ve-  
ritatis dirigit, exasciata animæ ejusque facultatum scientia,  
sive Psychologia, præmittenda est; ut natura actionum li-  
berarum probe intelligatur. Porro in Psychologia sæpissi-  
me ad doctrinam mundi in genere, sive Cosmologiam, re-  
currendum est; nec quæ de legibus, virtute, vitiis, con-  
scientia, mediis & impedimentis felicitatis traduntur, abs-  
que cognitione Dei omnimode & perfecte concipiuntur.  
Quare sine Cosmologiæ & Theologiæ naturalis fundamen-  
tis ad Philophiam practicam universalem aditus vix patebit.  
Denique cum notionum & propositionum directricium in  
omni cognitione indispensabilis sit usus: vide *perill. WOLFF.*  
*diff. de notionibus directricibus, in horis subsecivis, trimest. vern. p.*  
*3. & seq.* nec iis carere poterit, cum fructu in Philosophia  
practica versaturus. Petit adeo Philosophia practica univer-  
salis principia sua, 1. ex Philosophia prima, seu Ontologia;  
2. ex Cosmologia, sive doctrina de mundo in genere; 3. ex  
Psychologia, sive doctrina de anima; & 4. ex Theologia  
naturali, sive doctrina de Deo.

Propria vero, & domestica principia definitiones limatæ & com-  
pletæ terminorum, quæ in Philosophia practica occurrunt, nec  
non propositiones determinatæ suppeditant. Sed de his jam  
non quærimus, cum id saltem intendamus, ut palam faciamus.  
quibus principiis juris studiosum, methodi amantem, instructum  
esse oporteat, antequam ipsas disciplinas, de quibus sermo est,  
aggrediatur.

§. VII. Post disciplinas præliminares, Logicam scilicet,  
Philosophiam primam, Psychologiam & Theologiam



naturalem, Philosophia practica universalis tradi poterit, & primum adeo inter partes juris locum occupabit. Etenim eo ordine disciplinæ tradendæ sunt, ut præmittantur, quæ subsequentiis principia subministrant (§. V.); quod cum de dictis Philosophiæ partibus indubium sit (§. VI.): eas Philosophiæ practicæ præmittendas esse, liquet. Cum autem ex ceteris juris partibus principia nulla mutuetur Philosophia practica universalis; quin potius demonstrandis aliis ipsa inserviat: primum locum in ordine partium juris jure sibi vendicat Philosophia practica universalis.

§. VIII. In jure naturali ethico officia hominis erga seipsum, tum erga animam, tum erga corpus & statum ejus externum, ex natura & essentia hominis derivantur (§. IV. C. 2.), & media virtutum intellectualium, tum moralium, curatius investigantur. Supponitur adeo in jure naturali ethico legum naturalium, officiorum, virtutum & vitiorum, nec non mediorum felicitatis assequendæ, infelicitatis aver-tendæ, h. e. tam theoriæ, quam praxeos Philosophiæ practicæ universalis, perfecta doctrina. Ad quam, cum absque Philosophia prima, Cosmologia, Psychologia & Theologia naturali frustra aspiretur: præter Philosophiam practicam universalem dictas modo Philosophiæ partes juri naturali ethico præmittendas esse, indubium est.

§. IX. Unde per modum corollarii inferimus: post Philosophiam practicam universalem jus naturale ethicum, sive scientiam officiorum hominis erga se ipsum, tradendam esse.

§. X. Officia erga Deum ex natura animæ humanæ atque hominis a Creatore hujus universi dependentia demonstramus (§. VII. C. 2.). Supponimus igitur in hac juris natu-



naturalis parte, tum quæ in Psychologia de anima humana, tum quæ in Theologia naturali de perfectionibus & attributis divinis traduntur; siquidem demonstrationi locum esse velimus. Porro homo in jure naturali divino actiones & officia sua ita instituere jubetur, ne divinis perfectionibus & voluntati Dei adversentur; ut in pertractatione de officiis erga Deum luculentius docemus: supponuntur adeo in J. N. divino officia hominis; consequenter jus naturæ ethicum officiis erga Deum præmittendum erit. Præcognita adeo sive principia juris naturalis divini præter Philosophiam practicam universalem, omnibus partibus juris principia suppetantem, sunt 1. Theologia naturalis, 2. scientia animæ humanæ, 3. notiones generales hujus universi, sive Cosmologia, 4. jus denique naturæ ethicum, sive scientia officiorum hominis erga seipsum.

§. XI. Eo ipso vero, quod Philosophiam practicam universalem & jus naturæ ethicum doctrinæ de officiis erga Deum præmittenda esse diximus: post has juris naturæ partes officia demum erga Deum, sive jus naturæ divinum, demonstrativa ratione doceri posse, patet.

§. XII. In jure naturæ hominis in societate generis humani officia erga alios ex natura hominis & socialitatis notione eruimus (§. X. cap. præc.); dominiorum insuper ac proprietatis rerum, ut & contractuum, juramentis sæpius confirmandorum, necessitatem demonstramus. Officia hominis erga alios eadem sunt cum officiis erga se ipsum. Quapropter ex jure naturali ethico discenda sunt officia hominis erga se ipsum, antequam officiorum erga alios examen instituere detur: potissimum vero præmittenda erit seria pertractatio officiorum hominis intuitu corporis & status externi; cum ex horum consideratione imprimis officia erga amicos

& inimicos, nec non dominii & contractuum origo fluat: Porro ex eo, quod pacta atque contractus juramentis non raro obfirmanda veniant; juramenta autem tum cognitionem divinarum perfectionum, tum officia erga Deum supponant: jus quoque naturæ divinum, sive officiorum erga Deum doctrinam, juri naturæ hominis, in societate generis humani constituti, præmittendam esse, dubio caret.

Necessitatem principiorum remotiorum philosophicorum, & Philosophiæ practicæ universalis, cum in antecedentibus principiis proximis supponi ea evicerimus (§. VIII. IX. & seq.), de novo demonstrare superse demus; quod & in sequentibus tenendum.

§. XIII. Unde ulterius liquet, post Philosophiam practicam universalem jus naturæ ethicum, jus naturæ divinum & disciplinas, quæ in iis supponuntur, viam demum patere ad solidam juris naturalis socialis in societate generis humani scientiam.

§. XIV. Eadem ratione ex fine & objecto societatum œconomicarum, conjugalium scilicet, paternarum, herilium & familiarum intelligitur, officia & jura membrorum societatum œconomicarum ægre demonstrari posse absque principiis, ex Philosophia practica universali, jure naturæ ethico, divino & sociali adscitis. Etenim finis primarius ut in genere omnium, sic in specie societatum œconomicarum, recte constituitur, ut conjunctis viribus homines naturaliter sibi incumbenda officia eo facilius explere queant. Nosse igitur oportet officia hominis, antequam de recta harum societatum forma judicare liceat; quæ nimirum sic instituendæ sunt, ut fini assequendo sufficiant. Quapropter, cum ex iis, quas modo recensuimus, partibus juris naturalis omnium, quæ de societatibus œconomicis docentur, ratio reddi possit:

*prin-*

*principia & ordo iuris naturæ socialis œconomici obscurus esse nequit.*

§. XV. Jus naturæ sociale politicum complectitur jus publicum universale tam civile, quam ecclesiasticum, & politicas disciplinas, quarum notiones capite præcedente eruimus. In jure publico universali civili demonstratur societatum civilium & summorum magistratuum necessitas; ac diversæ regiminum formæ, officia tam imperantium, quam parentium in promovenda salute civitatis communi delineantur (§. 20. seq. C. 2.). Ne adeo in stabiliendis summorum imperantium juribus, ac elucidandis dogmatis politicis a vero aberres: officia utique hominis, in statu naturali & extra societatem civilem constituti, probe tenenda sunt. Unde & ordo & principia juris publici universalis liquent. Præmittenda scilicet sunt 1. Philosophiæ practicæ universalis, 2. juris naturalis ethici, 3. juris naturalis divini, 4. juris naturæ socialis, tam in societate generis humani, quam societatum œconomicarum, fundamenta: siquidem concatenato nexu veritates politicas cohærere, & adæquatitas omnium in jure publico universali rationes reddere velis.

§. XVI. Idem tenendum de juris publici universalis ecclesiastici, sive universitatis Dei, principiis; eo quod civitati per omnia similem esse ecclesiam supra (§. LIX.) evicerimus: præterquam, quod præter solidam Theologiæ naturalis & officiorum erga Deum in statu naturali scientiam, & solidioris politices doctrinam, veritates revelatas prælibare necessum sit, antequam inconcussis fundamentis ecclesiæ necessitatem superstruere valeas.

§. XVII. Neque aliis principiis in politicis disciplinis opus esse, nullo negotio demonstratur. Etenim in Politi-

ea in media inquirimus, quibus & reipublicæ & civium salus pro viribus promoveatur. Salus reipublicæ & civium non interrupto & continuo ad ultiores perfectiones progressu, hoc est, ex parte civium, promptitudine & facilitate exequendi officia, tum hominis, tum civis, sanctione legum & administratione justitiæ, intuitu vero reipublicæ conservatione & emendatione formæ statusque publici absolvitur. Quodsi adeo ex indubiis fundamentis deducendæ sunt veritates politicæ: principiis ex Philosophia practica universali & partibus juris naturalis, a nobis stabilitis, accersitis vix carere poteris. Eo ipso autem locum Politicæ post jus publicum universale assignandum esse, constat.

§. XVIII. Jus gentium jura & officia rerumpublicarum mutua exhibet, ut (§. XXXII. & seqq. Cap. 2. præ.) prolixius docuimus: atque ea partim ex reductione rerumpublicarum ad personas morales simplices, in statu naturali viventes, partim ex domestica & intrinseca societatis civilis natura deducenda esse, monstravimus. Quamobrem, si gentium jura inconcusso & firmo talo stare debent: officia personarum simplicium in statu naturali, hoc est, præter Philosophiam practicam universalem, jus naturæ ethicum & divinum, officia erga alios, tam amicos, quam inimicos, tam proprietatis rerum, quam contractuum jura, juncta penitiori juris naturæ socialis politici scientia, sedulo recolenda venient; nisi invitis methodi regulis ejusdem pertractationem instituere velis.

§. XIX. Præterea in jure gentium pactitio, consuetudinario & cærimoniali jura rerumpublicarum & summorum imperantium ex pactis, consuetudinibus & cærimoniis, inter gentes receptis, deduci *cap. præced.* evicimus. Enimvero tam pacta, quam consuetudines & cærimoniarum inter  
gen-



gentes receptæ; sunt res facti, & historicam rerumpublicarum, mutationum successivarum, revolutionum, bellorum, matrimoniorum, inter summos imperantes contractorum &c., notitiam supponunt: liquet adeo juri gentium pactitio, consuetudinario & cærimoniali, præter generalia juris gentium principia, historiam civilem regnorum atque rerumpublicarum, studium genealogicum & chronologicum &c. præmittenda, aut saltem cum eodem conjungenda esse.

§. XX. Jura adeo gentium cum plene demonstrari nequeant, nisi præmissa Philosophiæ practicæ, juris naturalis, juris publici universalis & Politices, nec non historiæ rerumpublicarum, Genealogiæ & Chronologiæ intimiori cognitione: quando juris gentium studium cum successu pertractare liceat, abunde liquet.

Historiam præterea scientiarum & disciplinarum practicarum summis imperantibus, & qui vicibus ipsorum funguntur, Legatis summo; ere necessariam esse, peculiari ratione evincitur. In cognoscendis aliorum animis id unice agimus, ut regulas generales, quibus in actionibus suis liberis utuntur alii, in aprium extrahamus. Plurimum ad hunc scopum confert, ut, quæ de rebus moralibus alii principia nutriant, nobis innotescat; etenim in plerisque casibus, si non certum; probabile saltem judicium ferre licet, in quamnam partem in dato casu sese sint inclinaturi. Quodsi ex historia litteraria cujusvis regni, aut reipublicæ, speciali, quæ inibi rerum moralium principia vigeant, & in scholis doceantur; nec non quæ sit dogmatum fidei, & religionis indoles, perspectum teneas: actionum liberarum non minus totius reipublicæ, quam singulorum, regulas generales facili negotio erues. Namque qui ad clavum reipublicæ sedent, si divinitus inspiratam scientiam non habent, agendorum principia vel ex dogmatis religionis, vel ex institutione Doctorum, vel ex lectione librorum, aut denique ex ipso usu, ut ajunt, mundi hauriunt. Quapropter cum summorum imperantium anima sit spiritus ille vitalis, qui totam rempublicam animat, dirigis, atque movet, ut regnorum atque rerumpubli-



publicarum principia agendi, & axiomata status, Staats-Maximen/ in apricum protrahas, perquirenda primo venit natura & indoles religionis; hujus enim præcepta omnium fortissime voluntatem trahunt; 2. quæ Doctores in Academiis, aut scriptis publicis de rebus moralibus dogmata foveant; 3. quibus informatoribus atque præceptoribus usi sint summi imperantes; 4. quibus denique consilii secretioris arcana confidant, curatius erit investigandum. Hoc facillime omnium in iis regnis succedunt, ubi summi imperantes eorumque administri exteras terras aut vix aut raro invisunt; neque extranei facile ad officia publica promoventur. Interea perfectam juris gentium scientiam rem arduam esse non diffiteberis; modo penlites, præter exquisitissimam historiæ rerumque moralium cognitionem, summo acumine & facultate, nexum rerum perspiciendi, opus esse, ut cum fundamento de actionibus statuum liberorum inter se eorumque juribus statuere possis.

§. XXI. Jus civile privatum complectitur leges, quibus imperans privatorum jura & obligationes, tam circa statum personarum & societates oeconomicas, quam circa dominia rerum, contractus & læsiones definit (§. LXXV. cap. 2.). Enimvero omnia illa jura per ipsam rerum & hominis naturam determinari non implicat (§. L.); nulla siquidem cogitari potest actio moralis, cui naturalis sua non constet æquitas: ratio igitur legum, sive determinationum civilium, quæ voluntatem superioris pro fonte habent, cum partim in natura hominis, partim in natura civitatis quærenda sit (§. eod.); doctrinam de civitate, hoc est jus publicum universale & Politicam, juri civili privato præmittendam esse, indubie liquet. At vero operam perdit, & in manifestas methodi regulas impingit, qui ad jus naturale politicum, absque principiis Philosophiæ practicæ universalis, juris naturalis ethici &c., sese accingit. Quapropter Philosophiam quoque practicam universalem, jus naturæ ethicum, & sociale in jure civili privato supponi constat. Alia id ratione ex ipsa legum civilium natura demonstratur.

Etenim

Etenim legibus civilibus privatis saluti potissimum & juri-  
bus civium privatorum consulitur, quæ dubia sunt partim  
definiendo, partim statui publico convenienter determinan-  
do; ut dum in controversiam vocantur, normas judex  
præstitutas habeat certas & indubias, juxta quas lites diri-  
mat. Fieri adeo nequit, ut legem cum sapientia ferat legis-  
lator, nisi officia hominum probe noverit, h. e. nisi juris  
naturalis præcepta familiaria experiatur. Enimvero cum  
Jcti sit in rationes legum inquirere, atque interpretari le-  
ges (§. LXI. & passim C. I.): utique in analysi legum civi-  
lium ad juris naturalis doctrinam recurrendum sæpius erit.  
Sunt igitur disciplinæ præliminares juris civilis, seu princi-  
pia dogmatica, Philosophia practica universalis, jus naturæ  
tam ethicum, quam sociale, œconomicum & politicum.

§. XXII. In sanctiones legum civilium sæpiusculè  
influere facta historica atque publici reipublicæ status noti-  
tiam, (§. XX. C. I.) dictum fuit. Quapropter si rationem  
reddere velis legum civilium, non simplici vice ad facta  
historica antedanea recurrendum est. Atque hoc potissi-  
mum de jure civili privato imperii nostri R. Germanici  
subsidiario, scilicet Romano, tenendum esse, necessaria atque  
prudens regularum analyseos ratio suadet. Etenim cum  
leges civiles Romanæ peculiarem reipublicæ & imperii  
Romani statum tam publicum, quam privatum, alias perso-  
narum atque rerum divisiones, diversos alienandi & con-  
trahendi modos, alia etiam principia philosophica supponant,  
quam quidem apud Germanos recepta esse deprehenditur:  
in rationibus sane legum Romanarum enodandis, earumque  
æquitate dijudicanda, cæcutire oportet eum, qui nulla status  
publici, cultus religiosi, morum & principiorum practi-  
corum Romanorum notitia imbutus est. Idem tene de  
consuetudinibus, usu fori & legibus Germanorum; quarum

rationem dum investigas, necessario ad antecessorum mores & in antiquitates Germanicas dilaberis. Unde oppido quam certum est, antiquitatum Romanarum & Germanicarum studio ad solidum juris civilis privati pertractationem præparandos esse discentium animos.

§. XXIII. Ex iis, quæ de principiis juris civilis privati diximus, prona est illatio, post Philosophiam practicam, jus naturæ ethicum, sociale, æconomicum & politicum, antiquitatum, tum Romanarum, tum Germanicarum, studium, demum methodo demonstrativa doceri posse jus civile privatum.

Quod de principiis historicis juris civilis privati in genere monuimus, ad jus civile privatum speciale regni aut territorii cujuscunque applicari poterit. Unde luculenta historiæ particularis, & status publici territoriorum notitiæ in studio juris utilitas elucet.

§. XXIV. In jure civili criminali improbis & nefariis factis, quibus tam publica quam privata tranquillitas læditur, poenæ statuuntur (§. LXXVIII. & seq. C. 2.), atque legibus a summo imperante definiuntur. Theoriam generalem de poenis in Philosophia practica universali, & in ordine ad pacem, in civitate conservandam, in Politica tradimus; neque cum ratione, nisi expensis officiis tum hominis tum civis determinari eas posse, docemus. Quapropter ex iisdem fontibus principia dogmatica haurire jus criminale, ex quibus jus civile privatum sua repetit, expeditum videtur. Nec aliud de principiis historicis tenendum, nisi quod antiquitatum patriarum & status imperii nostri legumque fundamentalium notitia majoris usus sit, quam in iis, quæ in Romanorum legibus de coercitione criminum ad nos pervenerunt. Unde & eodem ordine cum jure civili privato jus civile criminale pertractari poterit.

§. XXV.

§. XXV. Jus canonicum, cujus notiones distinctas supra dedimus, est vel *publicum* vel *privatum* (§. LIX. & LXII.). Jus canonicum publicum, sive ecclesiasticum, statum ecclesiæ, ejus regimen & jura adumbrat. Supponitur adeo in ordine ad intimiorem ejus scientiam exaltatissima ecclesiæ, sive universitatis Dei, doctrina, ex jure naturali divino, ethico & sociali, imo & S. Scriptura repetenda. Præterea in rationes status publici ecclesiæ indagaturo undique aqua hæreat necesse est, nisi successivas ecclesiæ revolutiones & facta, schismatum & hæresum ortus, progressus & extirpationes, ex historia ecclesiastica penitus perspectas habeat. Quia cum imperium ecclesiasticum per omnia regna & provincias, quæ sedis Romanæ auctoritatem veneratione, vires suas extendat; at vero jura summi Pontificis pactis, usu, aut observantia firmari subinde & limitari constet: ut nulla sui parte mutila sit juris publici ecclesiastici doctrina, regnorum quoque & orbis Christiani historiam peragrandam esse, patet. Unde abunde colligitur, quibus principiis imbutum esse oporteat, cui genuinam sibi de statu ecclesiæ publico scientiam comparare constitutum est.

§. XXVI. Jus canonicum privatum leges complectitur, quibus status & officia tam sacra, quam ritualia, & cærimonialia, personarum ecclesiasticarum, earumque æque ac laicorum jura & obligationes ratione rerum ecclesiasticarum, contractuum & delictorum determinantur (§. LXII.). Qui adeo in jure canonico non verba solum canonum tenere, sed eorum vim, & potestatem ex rationibus eruere secum decrevit: is jurisprudentiæ naturalis, ecclesiæ, sive universitatis Dei, juris publici ecclesiastici quale (§. LIX. LX. LXI.) adumbravimus, notionibus instructus veniat, necesse est. Enimvero cum facta historica non minus in canonum, quam legum civilium privatorum, sanctionem



influant: cognitio juris Romani, conciliorum, hæresum, rituum & cærimoniarum, omni ævo in ecclesia receptarum, historia ægre carebit canonum studiosus. His enim prægustatis nexum & rationes sacrarum constitutionum nullo negotio in lucem protrahet, cum prudentia ad casus obvios eas applicaturus.

§. XXVII. Cum studia historica, principia juris naturalis, divini, socialis & juris publici ecclesiastici facem in jure canonico privato præferant: post has disciplinas denique jus canonicum cum fructu & methodo demonstrativa pertractare licet.

Non me latet, non defuturos, qui methodum nostram tanquam impracticabilem sint reprehensuri; eoquod cognitionem præsupponat prolixiorē longe, quam quadriennii spatio, quod studio juris ut plurimum destinatur, absolvi possit: præsertim cum nec reliquis juris tam naturalis, quam civilis partibus insatutatis in ecclesiastici juris doctrina proficere detur. Enimvero non desunt, quæ divertendis hisce dubiis tela obtorqueamus. Primo enim istud expeditum adeo non videtur, an non, modo nonnisi exasciata historiarum cognitione, & solidiori juris naturalis socialis & politici doctrina præparati ad jurisprudentiæ studium admitterentur, omnis difficultas uno ictu concideret. Quæ vero ratione id in Academiis nostris effectui dari possit, nostrum jam non est inquirere: dabimus tamen capite sequenti, ubi de systematibus & compendiis juris acturi sumus, quæ viam forsitan monstrabunt compendiosiorē, quam quæ hætenus trita fuit. Præterea in genere notandum, quod (§. LXXXIX. C. 2.) innuimus. Nimirum uti unius hominis vires longe sunt inferiores, quam ut omnem humanæ cognitionis ambitum exhauriant: ita nec eminentem adeo juris canonici gradum supponi, nisi in iis, quibus salutem & regimen ecclesiæ cum prudentia ac sapientia administrare in officiis datum est.

§. XXVIII. Ex jure feudali constat, feudum esse domi-



minium utile in re, alteri, a reservante sibi dominium directum, concessum, sub lege fidelitatis mutuæ. Quapropter cum feudum sit species de suo disponendi: ut, quæ de feudis traduntur, perfecte intelligantur, ex jure naturæ sociali, doctrina de dominiis rerum, modis alienandi & contractibus repetenda venit. Porro quoniam fidelitas complectitur officia, quæ sibi vel expresse vel tacite stipulantur dominus & vasallus; officia vero illa partim sint humana, de quibus in jure naturæ ethico & sociali, partim civilia, v. c. militaria, aulica &c.: nonnisi ex distincta officiorum, tum hominis, tum civis, scientia ratio reddi poterit, cur ejusmodi dominium utile in vasallum dominus directus transtulerit. Præmittenda adeo est juri feudali juris naturalis socialis & politici scientia. Denique cum leges & usus feudales ex magna sui parte cum legibus civilibus & canonicis conveniant; aut saltem rationes suas legales inde repetant: nec absque juris civilis & canonici principiis feudorum jura perfecte demonstrari poterunt.

§. XXIX. Distinguunt in feudis juris Doctores præter essentialia, naturalia & accidentalia feudi. Naturalia nihil aliud sunt, quam determinationes specificæ feudorum, lege vel usu confirmatæ: uti accidentalia dicunt determinationes específicas, quæ nec lege, nec usu regulariter in feudo esse concipiuntur, sed pacto & speciali providentia adjiciuntur, aut usu contrario inducuntur. Ex historia adeo & legibus eruendum erit, quæ naturalia, quæ accidentalia in feudis esse intelligantur. Porro feudorum, quorum in maxima Europæ parte usus est, instituta a Germanorum moribus derivata esse, ex historia feudorum Doctores unanimi calculo affirmant; idque de feudis imperii nostri indubie liquet. Ut adeo appareat, qua ratione provinciæ, territoria, ditiones & prædia pedetentim feudorum naturam induerint:

rint: antiquitatum insuper Germanicarum iter in jure feudali calcandum venit.

§. XXX. Abunde, ni fallor, hinc elucet, quando nam ad juris feudalis studium accessus pateat. Nimirum cum principia ante ponenda sint, quam id, quod in iis sui rationem agnoscit: vi ante dictorum post juris naturalis, civilis & canonici scientiam, atque antiquitatum Germanicarum notitiam cum fructu demum jus feudale tradi poterit.

§. XXXI. In jure publico imperii R. Germanici formam sive modum, quo augusta ejus membra salutem & tranquillitatem imperii promovent, nec non jura statuum & membrorum, tum intuitu totius imperii, tum intuitu territoriorum, ex legibus fundamentalibus, pactis, usu & observantia imperiali deducimus (§. LXVI. C. 2.). Ne igitur de statu imperii judicia deproperemus, sed genuinas potius legum fundamentalium rationes assequamur: juris publici universalis, atque Politices penitiolem doctrinam præmittendam esse, quis dubitet? Enimvero jus publicum universale tam civile, quam ecclesiasticum, atque Politica Philosophiam practicam universalem, & reliquas juris naturalis partes supponunt (§. XV. XVI. & XVII.). Quapropter nec earundem notitia facile carebit juris publici studiosus.

§. XXXII. Imo, cum superioritate territoriali gaudeant status imperii, & majestatica jura tum in territoriis, tum inter sese, exercent vi inst. P. O. art. VIII.: nil obstat, quo minus status imperii tanquam gentes liberæ & suo modo independentes considerentur. Unde multiplex utilitas juris gentium tam naturalis, quam pactitii, consuetudinarii

narii & cærimonialis in jure publico imperii nostri sese ex-  
rit, atque demonstrandis statuum juribus non vice simpli-  
ci principia subministrat. Porro cum feudalitiam indolem  
antiquam in hunc usque diem retinuerint territoria imperii,  
ac præterea jura statuum controversa coram judiciis impe-  
rii, vi legum fundamentalium & publicarum, ventilanda  
sint: nec juris civilis privati, nec feudalis, præsertim Ger-  
manici, notitia in juris publici studio insuper haberi debet.

§. XXXIII. Forma ac pleraque statuum imperii jura,  
sive ut imperantes, sive ut territoriorum dominos eos con-  
sideres, per mutationes & facta antecedanea actum conse-  
cuta sunt. Ut igitur solidis & inconcussis fundamentis su-  
perstruantur, nec contradictioni obnoxia relinquantur: ne-  
xum historicum & mutationum successivarum statusque  
publici exasciatissimam cognitionem teneas, opus est. Idem  
obtinet in juribus statuum specialibus, jure sanguinis, vel vi  
legum, pactorum aut consuetudinum ipsis competentibus.  
Etenim in applicatione legum subinde major propositio,  
sive lex, plerumque vero minor, sive factum, ex maxi-  
me remotis imperii nostri revolutionibus & antiquitatum  
monumentis fundamenta repetit: atque adeo præter impe-  
rii historiam inter principia juris publici merito refertur stu-  
dium genealogicum, quod statuum imperii & familiarum  
illustrium origines, generationes, agnationes, cognatio-  
nes, matrimonia & affinitates exhibet; chronologicum,  
quod diversas temporum, epocharum, regnorum atque  
rerum notabilium periodos suggerit; heraldicum, diploma-  
ticum & numismaticum, quorum præclaros in demon-  
strandis Principum atque rerum publicarum juribus usus ag-  
noscunt ii, qui vel primo pede juris publici limina saluta-  
runt,

Q

§. XXXIV.

§. XXXIV. Quare cum principia ante ponenda sint, quam ipsæ disciplinæ, quæ per ea demonstrantur: juris naturalis, juris publici universalis, gentium, nec non juris civilis & feudalis doctrina, historia imperii R. Germanici, Genealogia, Chronologia, &c. partim prælibanda, partim conjungenda erunt, ut ad jurisprudentiam publicam imperii R. Germanici, demonstrativa ratione perdiscendam, via pateat.

§. XXXV. Ex definitione juris civilis publici, quam dedimus (§. LXXI. cap. 2.), & iis, quæ de ejus objecto (§. LXXII.) edisseruimus, elucet, quæ ex mente nostra ad jus publicum civile referantur: ea nimirum, quibus publica salus & utilitas status directe & primario, civium vero indirecte & secundo, intenditur. Quamobrem si, quæ juris publici esse censentur, ut sunt ordinationes ecclesiasticæ, agorense, taxatoriæ &c. distincte nosse, atque, an fini obtinendo sufficiant, citra errorem judicare desideras: juris naturalis socialis atque politici cognitionem penitiorē supponi constat; cui jungenda veniet status interni reipublicæ notitia historica, experientiæ fide subnixa.

§. XXXVI. Jus civile œconomico - camerale jura Principis & subditorum circa domania, regalia minora, contributiōes, & onera civium examinat (§. LXXXIV.): in legibus vero œconomico-cameralibus id præcipue spectandum esse innuimus, ne vel cives oneribus prægraventur, aut in juribus suis lædantur, ærarium vero Principis quovis modo, civibus ac reipublicæ innocuo, amplificetur. Quapropter ut tales esse demonstrare valeas, præmittenda utique erit scientia œconomico - cameralis. Quæ cum absque solidioris politici cognitione nulla sit (§. XXVI. C. 2.): & hæc in jure œconomico - camerali supponi evidens est.

Præ-



Prætereo alia multa, quæ experientia, optima œconomix magistra, suppeditat principia. Immo accuratior provinciarum, bonorum naturalium, quæ quævis tellus profert, atque artefactorum, & commercii tam in- quam externi notitia in jurisprudentia œconomico-camerale indispensabilis necessitatis esse videtur. Hinc in omni republica viri eruditi, & pragmatica œconomix status cognitione imbuti, (id quod in Gallia jam effectui datum certo teneo,) constituendi forent, qui vires suas in bonorum naturalium arte, & manufactorum perfectione & commercii incrementum unice intenderent; veritates, eo facientes, colligerent, atque ex earum collatione novas eruerent, praxi vitæ & publico profuturas. Quidquid novitatis habere videtur scientia & jus œconomico-camerale, ego utilissimum, immo summæ necessitatis, esse existimo, ut publice in Academiis tradatur, frustra oggamentibus hic tenebrionibus quibusdam, pulvere scholæ sordidis. Apposite hujus instituti causam agit vir consultissimus, SIMON PETRUS GASSERUS, in Hallensium Universitate Prof. J. celeb. in præfatione zur Einleitung in die œconomische / politische / und cameral-Wissenschaften. Digna sunt ejus verba, quæ hic inserantur: Allein diese und andere so gute Einrichtungen haben es vor diesem dahinzubringen nicht vermocht / daß nur die bloßen Oeconomica auf Universitäten tractiret worden wären; zugeschwiegen daß man in Zeiten und schon auf Academien an andere ungleich mehrere Wissenschaften / das Cameral- und Policiey- Wesen betreffend / solte gedacht haben / damit ein junger Mensch fähig und geschickt gemacht wurde / seinem Herrn und dem Lande rechtchaffen zu dienen: Sondern man hat sich mehrentheils nur zum Advocaten- und Richter- Amt præpariret / keiner aber dafür gesorget / wie er es anzugreifen hätte / wann er in so vielfältige andere Bedienungen kommen möchte: vielmehr hat man sodann die Sache / wie die Ruhe das neue Thor angesehen; gar erschrocklich Lehr- Geld geben / und sich von einem jeden etwas weiß machen lassen müssen. Es würde auch wohl nicht sonderlich ge- fehlet seyn / wenn man die Ursach obbemeldter academischer Negligence darauf mitgründete / daß zu dieser Oeconomischer Profession niemahlen auf Universitäten ein eigenes Salarium gesetzt / und ausgemacht gewesen; sondern die Professores mit vielen Schreiben und Lesen auf dem alten radicirten Fuß ihr Bri- d



sauer und schwer genug verdienen müssen; die grossen Herren aber vormahlen nicht viel erübriget / auch es sich nicht so leicht zuge-  
tragen / daß einer derselben zugleich ein grosser Soldat / ein gross-  
ser Statist, und ein grosser Oeconomus selbst gewesen.

§. XXXVII. Patet itaque, post jus naturale politicum & scientiam œconomico-cameralem cum fructu demum jurisprudentiam œconomico-cameralem doceri posse.

§. XXXVIII. Concludimus tandem curriculum studii nostri juridici solida introductione ad praxin, tradendo scilicet modum applicandi jura ad facta secundum ordinem, in judiciis observandum. Principiis adeo non egemus aliis, quam legum, in partibus juris, hætenus recensitis, occurrentium, perfecta scientia: ubi tamen recolenda veniunt, quæ in politicis de judiciario ordine in genere traduntur; utpote quæ rationes & principia suppeditant demonstrandis iis, quæ in civitate circa judicia sapienter constituta, atque usu recepta sunt.

§. XXXIX. Hæc de principiis partim juris atque earundem ordine sufficiant; specialiora dabimus, ubi de prælectionibus ipsis cujusvis partis uberius differendi otium nacturi sumus. Prævideo equidem non ab omnibus approbatum iri methodum nostram; quod a trita hætenus recedere videatur. Sed sciant illi, me judicia illorum vel ideo contemnere, quod & veritas & prudentiorum suffragia pro assertis nostris militent. Quibus pragmatica rerum & jurium cognitio exosa est: ii leptologiis suis animos lactent, per me licet. Cives Germaniæ nos esse meminisse oportet, queis rerum patriarum notitia prima & præcipua haberi debet; ut de jure publ. celeb. ADAM. FRIDERIC. GLAFFEIUS in præfat. ad theatrum prætensionum & controversiarum illustrium bene monet: Willst du aber dein jus (publicum) dennoch lieber theoretisch / als pra-

practisch / academisch als Weltbrauchbar studiren; oder hast du solches bereits gethan: so werde ich dich mit dem / was ich gesagt habe / nicht befehren; vielmehr wirst du zu urtheilen fortfahren / daß in der Theorie dennoch mehr Erudition als in der praxi anzubringen seyen. An welcher Eitelkeit ich dir dein Vergnügen gar gerne gönne / wo du mich nur bey dem meinigen in rebus modernis & practicis in Ruhe lassen wilt. Ut vero luculentius edoceamus, non implicare, quo minus juvenus academica hac via ducatur: de methodo docendi atque discendi pauca subnectere libet.

## CAPUT IV.

### DE METHODO DOCENDI, ATQUE DISCENDI JURISPRUDENTIAM.

§. I. **D**Ocere in genere nobis hic est, rerum, alteri incognitarum, notiones distinctas verbis, viva voce prolatis, ejus animo ingenerare. Quapropter cum juris scientia sit habitus, leges & jura ex immotis principiis demonstrandi: patet docere jurisprudentiam esse *legum & jurium notiones distinctas discantium animis verbis, viva voce prolatis, communicare.*

Ex. g. Ticius Sempronium docet jus publicum, dum quæ ex legibus fundamentalibus, pactis, observantia & historia imperii demonstrare novit, jura Imperatoris & membrorum imperii distincte in collegiis ipsi explanat.

§. II. Discere vero jurisprudentiam est, *legum, in vita olim applicandarum, atque jurium, cuique competentium, notiones distinctas in animo suo efformare.*

Sic ex. g. Sempronius discere dicitur jurisprudentiam ecclesiasticam, dum legum, quibus feliciter regitur ecclesia, fundamenta perquirat, easque in usum futurum sibi reddit perspectas. Discipulum, cum notiones rerum, de quarum cognitione laborat, nondum teneat, vel manu ductione docentium vel subsidiis librorum opus habere, patet.

§. III. Unde colligere licet, munere docentis jura defuncturum, legum & terminorum, easdem ingredientium, notiones distinctas familiares experiri debere. Patet assertum ex iis, quæ modo diximus. Pone enim docenti non esse, nisi notiones confusas legum & terminorum, eas ingredientium: eas certe cum discipulo non nisi per exempla communicare, & in casibus specialibus proponere (WOLFF. Log. Lat. §. 1120.), minime vero rationes legum in apertum protrahere, ac genuinam earundem mentem eruere poterit (§. XXX. C. 1.). Quod, cum certitudini & fini cognitionis juris scientificæ repugnet (§. XXXVII. seq. C. 1.), utique absurdum erit.

Ex. g. qui in jure publico, quæ de simultaneo religionis exercitio in instrumento pacis religiosæ & Westphalicæ & aliis legibus fundamentalibus disponuntur, & in specie, an contra annum normativum introduci possit, alium docere intendit: notionem *simultanei* completam, & exasciatam eorum, quæ *simultaneum* consequuntur, notitiam teneat necesse est: nec non exacta eorum, quæ in pace religiosa, Osnabrugensi, & aliis legibus imperii fundamentalibus circa religionis materiam decisa comperiuntur, cognitione imbutum esse oportet, antequam questionem an? quando? & sub quibus circumstantiis? simultaneo religionis exercitio contra annum normativum 1624. locus sit, ex genuinis legum publicarum fontibus deducere, alterique demonstrare valeat.

§. IV. Præterea docens jura facunditate, atque facilitate singula, quæ notionem legis ingrediuntur, terminis pro-

propriis enunciandi polleat necesse est. Primum patet ex eo, quod tædium facile subnascatur in animis auditorum ex ingrata vocis articulatione stilique inconcinnitate. Quapropter cum difficulter attentionem defigamus in ea, quæ cum tædio percipimus: evidens est notionibus licet & cognitione legum distincta instructum, nisi & linguæ facundia & orationis suavitas accedat, docendo juri minime aptum esse. Alterum vero ex regulis logicis facile evincitur. Etenim terminos proprios dicimus, qui indigitant res, quibus repræsentandis destinantur. Quodsi igitur iisdem aliud quid diversum ab eo, quod significare debebant, donotetur: alter significatui proprio assuetus mentem docentis minime assequetur; quin in erroneas opiniones ipse prolabetur, aut tales sæpe docenti affinget. Quod ut evitetur, in docendo jure terminis propriis utendum esse, constat.

Conferantur exempli loco, quæ *perill.* L. B. de WOLFF *in hor. subsec. ad ann. 1730. Trim. vern. spec. 2. de notione genuina obligationis edisserit.*

§. V. In numerum principiorum demonstrandi non assumuntur, nisi definitiones exasciatæ, experientiæ indubitatæ, axiomata, & propositiones jam demonstratæ (WOLFF. Log. Lat. §. 562.). Quapropter, cum methodus demonstrandi in omnibus disciplinis eadem sit: nec alia principia in demonstrationibus legum & jurium locum habebunt, quam definitiones terminorum, axiomata juris, experientiæ actionum moralium indubitatæ, leges & propositiones in antecedentibus jam demonstratæ.

Egregio specimine præcognita circa principia juris nuper delineavit *Clariss.* D. BUCKY in *Prolegomenis jurisprudentiæ civilis privatae*, quæ modo in manus inciderunt. Tanto avidius libellum perlegi, quod eadem mecum principia tenere *clariss. auctorem persentiscerem.*

rem. Faustam tandem periodum jurisprudentiæ instare, non levia sunt, quæ me inde conjecturari fecerunt, rerum atque temporis nostri argumenta.

§. VI. Definitiones ut in omnibus disciplinis, sic in jure sunt prima principia, in quæ demonstrationes legum & jurium resolvuntur. Quapropter cum error, in principiis latens, per omnes propositiones, quæ inde demonstrantur, sese diffundat: id primo curandum, ut definitiones, quæ in jure admittuntur, regulis logicis genuinis sint exacte conformes; *hoc est*, non aliis, nisi quæ sint completæ, exasciatæ, foecundæ, totque notas rei, non vero plures exhibeant, quam quot ad eandem cognoscendam, & ab aliis discernendam sufficiant, locus concedatur.

Maxime hac parte laborat jurisprudentia nostra, atque adeo, si ullibi sane hic emendatrici manu opus habet, siquidem certa, demonstrativa, utilis & in vita applicabilis esse debeat. Viam & modum, definitiones in jure emendandi, commonstrat *perillust.* WOLFF. *in hor. subsec. d. loc.* ubi speciminum loco definitiones *obligationis, tutela, libertatis, servitutis*, non emendat modo, sed genuinas, juxta regulas logicas exasciatas, substituit; ita tamen, ut nec mentem Jctorum, nec sensum legum immutaret, sed clariorem planioremque reddiderit.

§. VII. Neque negotium nobis facessit *L. 202. π. de R. J.*, omnem definitionem in jure civili periculosam esse pronuntians. Etenim res ipsa loquitur, Jcto sermonem non esse de notionibus distinctis completis terminorum, in jure civili occurrentium, quas nemo sanus improbabit: intelligenda igitur erit lex de ipsa sanctione, definitione, seu determinatione legum civilium, quam periculosam esse non diffitemur. Leges civiles a naturalibus subinde recedunt, & quæ jure naturæ infinitis modis, pro varietate circumstantiarum, determinata sunt, in civitate a superiore genera-



neraliter atque uniformiter determinari convenit ; uti in politicis docemur. Quare, cum difficillimum fit in illas præciſe determinationes incidere, atque eas robore civili donare, quibus conſenſus, qui poteſt maximus, cum legibus naturæ conſervetur, immo & ratio temporis & ſtatus reipublicæ diverſus diverſas ſæpius efflagitet leges: non poteſt non eſſe periculosa legum civilium definitio; præſertim ubi juxta earum normam ita judicare tenetur judex, ut ob rationes aut circumſtantias peculiareſ in caſu obvias ne latum unguem ab iis recedere ipſi integrum ſit. Præterea, ſive circumſtantias peculiareſ, ſub quibus legem obligare præcipit imperans aut ſuperior, circumſpecta ſollicitudine definiat; ſive generaliter legem concipiat: nunquam non ſubterfugiis, quibus actiones legi contrarias juſtificare quærunt ſubditi, legum contemtores, nec non corruptelis judicis amplius relinquetur campus. Ut adeo nihil ferme ſit, quod a malevolis ſubverti, & in tranſverſum trahi non poſſit: quorſum collimant verba dictæ legis finalia. Non eſt adeo, quod a definitionibus, quales hic ſupponimus, in jure nobis timeamus. Utinam aliquando cum Philoſophis noſtri ævi oculos aperirent Jcti, ac ſepoſitis præjudiciis auctoritatis, unicam veritatem, æquitatis ſociam, ſpectarent, tenebrasque, quæ paſſim adhuc in jure regnant, unitis viribus diſpellerent.

§. VIII. Utimur definitionibus, partim ut res in ſua genera & ſpecies apte diſpeſcamus, eaſque a ſe invicem diſcernamus; partim ut in demonſtrandis iis, quæ rei conveniunt, principia præſto ſint. Quare cum ſolæ completæ & exaſciatæ genuinarum definitionum nomen tueantur; mancarum vero & abundantium in applicatione & demonſtrationibus, vel nullus, vel difficilis uſus ſit (WOLFF. *Log. Lat.* §. 856. *ſeq.*): patet nonniſi definitionibus completis & exaſciatis in jure locum eſſe.

R

§. IX.

§. IX. De incommodis, quæ in disciplinis creant definitiones mutilæ & abundantes, late egit *perill.* L. B. de WOLFF in opere *Log. Lat.* *Manca* sive *mutilæ* definitiones dicuntur, quæ pauciores continent notas, quam quidem ad rem agnoscendam, & ab aliis discernendam, sufficiunt. Species definitionum mutilarum in jure sunt etiam illæ, in quibus pauciora de re enumerantur, quam quidem vi legum inesse jubentur. Quare si definitione mutila tanquam principio demonstrandi utaris: pauciora de re demonstrabis, quam quidem eidem conveniunt. Quodsi porro (ut non raro evenit,) definitionem in jure pro lege & fundamento decisionis habeas: siquidem mutila fuerit, jura negabis, quibus vel maxime ea competunt, vel adjudicabis, quibus oportebat minime. Eadem incommoda in earundem applicatione senties. *Abundantes* contra dicuntur definitiones, in quibus cumulantur, quæ per se invicem determinantur; consequenter quæ per alia, quæ definitioni insunt, demonstrabilia sunt. Propositiones adeo cum definitionibus confundentur; applicatio earundem reddetur prolixa & difficilis; judicia formabuntur non accurate determinata &c.

§. X. Exempla definitionum mancarum in jure haud rara sunt: sic manca est definitio nuptiarum sive matrimonii, quod sit: *virī & mulieris conjunctio, individuum vitæ consuetudinem continens.* Neque enim ex eo, quod vir & mulier jungantur, sive societatem ineant, per vitæ tempus etiamnum duraturam, procreatio sobolis intelligitur, cujus gratia tamen primario matrimonium initur. Adeoque finis hujus matrimonio essentialis merito in definitione fieri debebat mentio. Taceo quod vi hujus definitionis nonnullis societatibus inter virum & mulierem matrimonii nomen tribuendum foret; quibus tamen id tribuere leges vetant. Manca est definitio furti, quod sit: *contrectatio fraudulosa, luc-*  
*ri*

*ri faciendi causa, vel ipsius rei, possessionisve, quod lege naturali prohibitum est, admittere.* Neque enim ex eo, quod contrectatio, id est, rei motio a loco, fraudulosa sit, i. e. falsis & suppositis persuasionibus nitatur, evincitur, rem invito ac inscio domino fuisse ablatam: id quod tamen essentiam furti absolvit. Multæ contrectationes fraudulosæ sunt, nec tamen inde furti nomine veniunt: sic e. g. qui falsis persuasionibus alterum inducit, ut rei alicujus mobilis dominium ipsi relinquat, haud dubie rem alterius fraudulose contrectat; nec tamen furtum admittere dicitur. Ut adeo completa fiat definitio furti, dicendum erit, quod sit *contrectatio fraudulosa rei alienæ, inscio ac invito domino.*

Manca itidem est definitio status imperii, quam VITRIARIUS in institutionibus *J. publici L. 1. Tit. XII. §. 1.* suppeditat, statum imperii definiens, quod sit: *civis imperii R. Germanici, qui jus voti & sessionis in comitiis habet.* Licet enim jus voti & sessionis sit essentielle status imperii requisitum & differentia specifica, qua status a reliquis imperii membris, tam mediatis, quam immediatis, contradistinguuntur, atque adeo in applicatione errorem nullum pariat; cum tamen civibus imperii superaccedat jus voti & sessionis, atque inter determinationes específicas locum sibi vendicet: posito pro genere proximo termino *civis imperii*, notio status imperii necdum sufficienter determinata est. Nec enim inde demonstrare poteris, quibusnam imperii civibus, num mediatis, num immediatis, an vero utrisque, concedi possit jus voti & sessionis in comitiis. Sumta igitur hac definitione pro basi & fundamento decisionis juris voti & sessionis in comitiis, membra tam mediata quam immediata capacia pronunciabis, contra manifestas imperii sanctiones & capitulationes Imperatorum Ferdinandi III. *art. 46.* Ferdinandi IV. Leopoldi *art. 44.* Josephi *43.* Caroli VI. *art. 1.*

verb. Auch keine Fürsten / Grafen / und Herrn in Fürstlichen oder Gräflichen Collegiis an; und aufzunehmen / sie haben sich dann vorhero darzu mit einem immediat Fürstenthum resp. Graf oder Herrschafft genugsam qualificirt 2c. quod ipsum etiam, nescio quo errore ductus, Vitriarius *d. l.* affirmat. Argumentis a Comitatu, nunc Principatu, Waldecensi, & olim a Ducatu Wurtembergico & aliis desumptis, haud difficile est respondere.

§. XI. Nec minus frequentia sunt in jure definitionum abundantium exempla: talis est ex. g. definitio matrimonii Canonistarum nonnullorum, quatenus est naturalis & civilis conventio, quod sit: *conventio, sive contractus, legitimus quo mas & femina, nullo jure impediti, mutuo sibi tradunt jus in corpora, atque ad actus, ex se aptos ad generationem prolis, & ad individuum vitæ societatem se obligant.* Nam 1. eo ipso quod contractus dicatur matrimonium, legitimum esse debere intelligitur; vix enim est, ut contractus nomen mereatur contra leges inita conventio. 2. Ex eo quod sobolis procreandæ gratia ineatur matrimonium, sufficienter demonstrari potest natura actuum ad generationem aptorum; ut adeo præter necessitatem aptitudinis hujus in definitione fiat mentio. Denique, si, uti oportebat, definias matrimonium, quod sit *societas inter marem & feminam* (secundum leges civiles) *inita, sobolis procreandæ atque educandæ gratia*: individua vitæ societas ex definitione recte exulat; cum ex positis legitima consequentia demonstratur.

Abundans est definitio comitiorum imperii Rom. in BRUNNEMANNI examine juris publici obvia, *comitia*, inquit, *esse conventus Imperatoris & statuum ad negotia, totum imperium concernentia, Cæsaris ac statuum aliquando omnium, sæpius plurium, consensu definienda.* Ubi enim in notas tantum



tum inquirimus, quibus comitia a reliquis conventibus statuum distinguamus: frustra laboramus de modo, quo negotia in iisdem expediantur, an omnium, an paucorum, vel majoris partis suffragia requirantur. Melius igitur comitia imp. dici poterant *conventus Imperatoris atque statuum, negotiorum, salutem imp. publicam concernentium, communi consensu & auxilio definiendorum gratia, instituti.*

§. XII. Axiomata juris sunt *propositiones theoreticæ, quas in systemate juris absque demonstratione sumere licet.*

Tales sunt e. g. propositiones: *is damnum dat, qui dare jubet: non debet alteri per alterum iniqua conditio inferri: in omnibus quidem, maxime tamen in jure, aequitas spectanda est: culpa caret, qui scit, sed prohibere non potest.* Evidens enim adeo est harum propositionum veritas, ut a nullo in dubium vocari possit. Atque adeo iis tuto utimur in demonstrandis legibus vel juribus.

§. XIII. Inter axiomata referuntur 1. propositiones, in quibus de definito prædicatur aliquid sigillatim, quod in definitione continetur; 2. propositiones identicæ; 3. propositiones, quibus idem negatur esse diversum a se ipso; 4. definitiones, si iis utamur tanquam propositionibus; 5. definitiones inversæ; 6. propositiones, quas formamus, dum de definito, sumto ut subjecto, prædicamus quidpiam, quod notis, ad definitionem spectantibus, in ejus notione animo præsentem indivulso nexu cohæret. Sed omnes præfatæ propositiones sunt indemonstrabiles: uti patet ex notione demonstrationis (WOLFF. *Log. Lat.* §. 498.). Axiomata adeo, (§. XII.) eaque indemonstrabilia, sunt propositiones, quas dicto modo deducimus ex definitionibus.

Ex. g. substitutio definitur, quod sit institutio heredis secundi, tertii &c. in locum deficientis primi, *L. 1. pr. L. 36. pr. L. 43. §. 2. π. de vul. & pupill. substitut.* Inde concludis: 1. substitutio



est institutio heredis; 2. substitutio fit in casum deficientis primi heredis &c. Quarum propositionum prædicata, cum in ipsa definitione includantur, axiomatum, & quidem indemonstrabilium, nomine merito veniunt. Similiter si monarchiam definias, quod sit ea regiminis forma, ubi unus absolute imperat, h. e. absque aliorum consensu negotia publica expedit; indeque inferas monarchiam non esse, ubi plurium consensu publica negotia expediuntur: hanc propositionem axiomatis locum in J. publico universali subire evidens est.

Ita circulus imperii definitur per complexum statuum & membrorum imperii, juxta recessum de anno 1512. & præscriptum aliarum legum fundamentalium unitorum, ut ea, quæ salutem ac tranquillitatem imperii tangunt, matura deliberatione expendantur, atque commode executioni mandentur. Propositio, quam inde colligis: circulos esse partes imperii R. Germanici, axioma erit. Consequenter, quæ de partibus seu membris imperii in genere prædicantur, ad circulos tuto applicari poterunt.

§. XIV. Axiomata etiam dicuntur 'propositiones, quæ licet demonstrari non implicet, tuto tamen ob indubiam earundem veritatem absque demonstratione assumuntur; præsertim in disciplinis, ubi easdem demonstrare minime licet, aut expedit. *Axiomata hæc demonstrabilia* vocare lubet.

Talia aximata sunt in J. civili ex. g. *cum quid prohibetur, prohibentur omnia, quæ sequuntur ex illo: quod ob gratiam alicujus conceditur, non est in ejus dispendium detorquendum: quæ contra jus fiunt, debent utique pro infectis haberi* &c. Etsi enim præfatas regulas in jure naturæ ex inconcussis, & intrinsicis rationibus demonstratas demus: si quis tamen, insuper habito juris naturalis studio, ad jus civile aut canonicum accedat; ejusmodi regulas axiomatum loco tanquam certas & absque demonstratione assumere poterit exemplo Mathematicorum, qui ex. g. in Arithmetica & Geometria tanquam axiomata admittunt propositiones indubias, in aliis tamen disciplinis v. g. Ontologia aut Cosmologia, demonstrabiles & actu a perill, WOLFFIO demonstratas.

§. XV.

§. XV. Patet autem, axiomata demonstrabilia abire in theoremata, si demonstratio iis accedat; uti ex notione theorematum liquet. Sic axioma: *si quid prohibetur, prohibentur omnia, quæ sequuntur ex illo*: theorema evadet, si sequentem in modum exhibeas demonstratum. Positis determinantibus ponuntur, sublatis vero iisdem, tolluntur determinata, quæ rationem sufficientem in determinantibus agnoscunt (WOLFF. Ontol. §. 115. seqq.). Sed quæ sequuntur ex actione libera sive absolute, sive sub data hypothese, sunt determinata: actio vero libera est determinans. Sublata ergo, sive cessante actione libera, cessant quoque, sive tolluntur determinata; sive ea, quæ actionem liberam consequuntur: uti patet ex iis, quæ in Ontologia docentur de principio rationis sufficientis. Enimvero per prohibitionem cessat, & in sensu saltem morali tollitur actio libera: (namque prohibere est omissionem actionis lege imperare,) ergo quoque per prohibitionem tolluntur, sive cessant saltem de jure omnia, quæ sequuntur ex actione, sive, quod idem est: *si quid prohibetur, prohibentur omnia ea, quæ sequuntur ex illo*. Q. E. D.

De novo hic apparet, frustra tentare demonstrationes in jure, nisi qui probe fuerit versatus in principiis logicis & ontologicis. seu Philosophiæ primæ atque rationalis.

§. XVI. Axiomata juris sunt principia, demonstrandi tum jura, tum leges ( §. V. XII. ). Enimvero principia demonstrandi debent esse certa: ergo & axiomatis sua constare debet certitudo.

Idem ex alio principio demonstratur. Utimur sæpissime axiomatis juris pro legibus & fundamentis, ex quibus jura deducimus atque probamus; quod vel axiomata juris civilis palam loquuntur. Nulla vero cum sint jura, quæ vel  
in-

incertis vel erroneis principiis nituntur : certa esse debere juris axiomata , nullus dubitabit.

Exempla axiomatum certorum dedimus in superioribus.

§. XVII. Incerta sunt juris axiomata , de quorum veritate nondum constat : erronea vero dicuntur , quæ falsa sunt ; h. e. quæ veritatibus aliis , in jure demonstratis , repugnant. Priore casu principia juris erunt precaria ; posteriori falsa : utraque , cum certitudini , cui in jure studendum , obstat , e systemate juris eliminanda erunt.

Proprie axiomata dici nequeunt propositiones incertæ atque erroneæ.

Verum cum non pauca sunt , quæ in jure axiomatum nomine circumferuntur principia , ulteriori demonstratione indiga atque erronea : axiomatum nomen , quod falso ipsis tribuitur , retinere placuit. Exempla axiomatum incertorum & erroneorum in jure passim obvia sunt. Sic erroneum est axioma juris feudalis , quod de successione feminarum promiscue in feudis ecclesiasticis circumfertur : *Krumstab schleust niemand aus* ; cum successio feminarum in feudis ecclesiasticis perinde ac secularibus facti sit , neque regulariter obtineat , nisi specialiter successionis femineæ receptio doceatur ; quod quidem de feudis Fuldensibus plerique Feudistarum asserunt. Similiter incertum , immo si vis , erroneum est , axioma , a Publicistis nonnullis noviter excoctum : ejus esse religionem , cujus est regio. Ut enim de falsitate ejus secundum principia nostra Catholica taceam , nec ipsi Protestantes in veritatem ejus omnes consentiunt. Videatur *Auctor Meditationum de origine , indole , effectibus atque historia juris reformandi P. I. C. 2.*

§. XVIII. Axiomata juris sunt propositiones , quas sine demonstratione ob earundem evidentiam admittimus ; licet forsan demonstrationem omnem non respuant. (§. XII.). Quam ob rem , cum determinatas dicamus propositiones , in quibus prædicatum ex notione subjecti sufficienter intelligitur (WOLFF. *Log. Lat.* §. 320.) : determinata erunt axiomata juris ,

juris, in quibus ex notione subjecti prædicatum eruere licet: *indeterminata* contra dicuntur, in quibus notio subjecti vaga, vel sub iis circumstantiis *non* exhibetur, ut, quod de eo prædicatur, sufficienter inde cognosci possit.

**Ex. g.** axioma juris determinatum est: *impossibile nullum est obligatio*: ex ipsa enim notione subjecti, definitione scilicet impossibilis, evidenter patet, ejusmodi obligationem inter non entia referendam esse. Indeterminatum contra axioma juris est: *Imperitia culpa adnumeratur*: neque enim notio subjecti, scilicet imperitiæ, ita exhibetur, ut ex ea intelligi possit, cur culpæ adnumeranda sit. Ad culpam referimus ea, quæ præcavere vel antevertere in potestate nostra erat; imperitiā porro rerum evitandi non semper in potestate nostra esse, in moralibus docemur, & experientia docet. Non adeo imperitia omnis simpliciter posita, sed ea saltem, quam superare poteramus, in culpam imputari licet. Hinc, ut determinatum evadat axioma, subjecti loco imperitia vincibilis ponenda erit.

§. XIX. Utimur axiomatis juris tanquam principiis, tum in demonstrando jura atque leges, tum in decidendis controversiis. Enimvero principia debent esse certa & determinata, siquidem citra errandi periculum iis in demonstrationibus uti velis. Quam ob rem axiomata memoriæ mandanda non erunt, nisi quæ certa & determinata esse noveris.

Quomodo certitudo axiomatum, & utrum determinata sint, in apicem protrahatur, in Logica docetur; quam adeo nec in ipso studio juris insuper haberi suademus. Ceterum incommoda axiomatum juris erroneorum, incertorum atque indeterminatorum haud levia sunt. Quæ enim veritas? quæ jurium certitudo? quæ justitiæ administratio ex principiis spuris & vagis proficisci potest? Hinc in admittendis axiomatis summa circumspexione opus, præsertim si circa materias speciales versentur, ac plures determinationes supponant, sub quibus demum iis locus sit.



§. XX. Postulatum dicitur propositio practica indemonstrabilis. Est ergo postulatum juris propositio practica, qua aliquid in jure absque demonstratione fieri posse sumitur.

E. g. postulatum juris est: *qui potest facere, ut possit conditioni parere, jam posse videtur*: sumimus enim absque demonstratione, eum conditionem implere posse, in cujus potestate sunt media eam implendi. Postulata ab axiomatis non satis distinguunt, qui differentiam propositionum theoreticarum & practicarum non attendunt. Neque anxie de ea laborandum censemus in jurisprudentia; sufficit enim utraque & axiomata & postulata esse certa, indubia & evidentia.

§. XXI. Lemmata in genere dicuntur propositiones demonstrativæ, quæ ad demonstrandas propositiones ex alia disciplina absque demonstratione sumuntur. Nomine adeo *lemmatum* e. g. in jure veniunt propositiones, quas ex aliis disciplinis, jure e. g. naturæ, gentium publico universali &c. mutuamur, ut vel vicem legis subeant, vel demonstrandi leges civiles principia suppeditent.

Qui ad juris naturalis studium sese accingunt absque Ontologiæ, Cosmologiæ, Psychologiæ & Theologiæ naturalis studio, multas propositiones, in dictis disciplinis demonstratas, admittere tenentur, quarum ipsi demonstrationem nullam capiunt; siquidem juris naturalis dictamina intelligere, eorundemque veritatem aliquantulum saltem contueri desiderant. Similiter qui jus publicum in imp. R. Germanico aggrediuntur absque juris publici universalis scientia: lemmata quam plurima ex hac disciplina mutuari coguntur; uti experientia comprobatur.

§. XXII. Exempla lemmatum in jure civili passim occurrunt. Sic inter lemmata refero *L. 184. π. de R. J. Vanitatis iusta excusatio non est*: neque enim in jure civili, sed naturali hanc legem demonstrare datur; ubi enim ex genuina



na vani timoris & excusationis notione deducimus, excusationi locum non esse, ubi quid vano timore inducti patravimus. Item, siquod *Novell. 22. c. 24.* legitur: *erubescere legem castigatores filios genitoribus statuere*: absque demonstratione sumimus, lemma id in jure civili dicimus in jure naturæ politico & œconomico demonstrabile. Neque rariora deprehenduntur lemmata in jure publico, canonico & feudali, modo rigorem in demonstrando serves.

§. XXIII. Regulam in moralibus in genere definimus, quod sit propositio practica, juxta quam actiones liberas instituimus. Unde citra difficultatem eruitur, quid regularum juris nomine in jure veniat: nimirum propositiones generales, certæ & determinatæ, quibus tanquam principiis & norma in dijudicandis actionibus, atque decidendis controversiis utimur.

*Ex. g. regula juris est: qua propter necessitatem recepta sunt, non debent in argumentum trahi: jure natura æquum est, neminem cum alterius damno & injuria fieri locupletiores: in pari causa possessor potior haberi debet: Imperator in statuum territorii nihil agere potest, quod superioritati ipsorum territoriali præjudicet: vim vi repellere licet &c.* Insignis est usus regularum juris, præsertim ubi determinatæ fuerint: secus enim principiorum erroneorum & vagorum incommoda secum vehunt.

§. XXIV. Axiomata, postulata & lemmata juris sunt regulæ juris. Etenim axiomata & lemmata juris sunt propositiones determinatæ, partim demonstrandis juribus, partim dijudicandis atque decidendis controversiis principia suppeditantes (§. V. XII. XX. XXI.). Inter regulas adeo juris referenda sunt (§. XXIII.).

Regulas juris, quæ in *D. Lib. L. Tit. fin.* extant, examinans eas partim axiomatum, plerasque vero lemmatum, ex J. *N.* vel J. *P. spe.*

P. speciali Rom. adscitorum, nomine venire comperiet. Lemma e. g. ex J. N. adscitum est: *nihil consensui tam contrarium est, quam vis & metus*. Ex jure N. politico: *non erit decens, ut quæ bene exclusæ sunt, in rempublicam rursus introducantur*. Ex statu publico Romanorum desumptum: *qui in servitute est, usucapere non potest*; demonstraturus enim hanc propositionem fundamenta & principia repetit ex natura & statu servorum Romanorum peculiari.

§. XXV. Notandum tamen, quod, si partes juris eo ordine, quem præcedenti capite delineavimus, tradantur, non opus esse, ut regulæ, axiomata & lemmata juris absque demonstratione assumantur. Etenim dicto capite docuimus, eas partes juris esse præmittendas, ex quibus ceteræ principia sua mutuuntur. Propositiones adeo, quæ in sequentibus principiorum loco sunt, in antecedentibus demonstrantur. Neque adeo regulæ, axiomata aut lemmata juris absque demonstratione sumere necessum est, ubi dicta methodo jurisprudentiæ operam navas.

Sic qui jure naturæ, publico & universali, historiarum cognitione imbuti ad jura statuum imperii enucleanda accedunt, in demonstrando jure pub. R. G. utuntur quidem propositionibus & veritatibus, in jure publico universali demonstratis: gratis tamen eas largiri minime tenentur. Idem tenendum de jure civili, canonico & feudali. Reliqua, quæ de certitudine definitionum, axiomatum & lemmatum supra monuimus, ad regulas juris quoque velim applices. Cum tamen moris necdum recepti sit, methodo scientifica jurisprudentiam tradere: non inutile foret in gratiam discipulorum definitiones, axiomata & propositiones, in J. N. & publico universali demonstratas, in unum congerere, easque demonstrandis legibus inservituras, discipulis memoriz mandandas tradere.

§. XXVI. De propositionibus, iis præsertim, quibus tanquam legibus vel præmissis in demonstrandis legibus utimur in genere observandum, notionem subjecti, sive definitio

finitio ea sit, aut determinationibus partim essentialibus, partim arbitrariis absolvatur, accurate esse determinandam; ita ut prædicatum juxta veras ratiocinandi regulas inde deducere liceat. Ordo vero is custodiatur, ut præmittantur, quæ sequentium demonstrationes tanquam præmissæ ingrediuntur, ac leges eæ priori ponantur loco, quæ posterioribus intelligendis inserviunt. Patent hæc ex methodi regulis generalibus, quæ in Logica traduntur.

§. XXVII. Unde liquet, demonstraturum leges eas ante in propositiones determinatas resolvere debere; ut pateat, ex quibus principiis probatio petenda sit: idque in demonstrandis legibus, tum naturalibus, tum positivis, observandum est. In naturalibus notionem subjecti absolvent determinationes, tum absolutæ, tum hypotheticæ, per quas prædicatum, sive id, quod sub iis agendum, licitum, vel illicitum, determinatur: in civilibus vero & positivis, quoniam a superiore feruntur, subinde eædem, subinde & aliæ determinationes arbitrariæ, quæ simul sumtæ casum constituunt, notionem subjecti ingrediuntur.

Ex. gr. inst. pacis. art. V. §. 36. sequens lex, seu constitutio occurrit: *Quodsi vero subditus, qui nec publicum, nec privatum religionis exercitium anno 1624. habuit, vel etiam, qui post publicatam pacem religionem mutabit, sua sponte emigrare voluerit; aut a territorii domino jussus fuerit: liberum ei sit, aut retentis bonis, aut alienatis, discedere, retenta per ministros administrare, & quoties ratio id postulat, ad res suas inspiciendas, vel persequendas lites, aut debita exigenda, libere & sine litteris commensus adire.* Expositurus hanc legem, eam in plures propositiones resolvat, quarum subjectum tot contineat determinationes, quot ad determinandum prædicatum vi legis requiruntur. Prodibunt adeo propositiones determinatæ sequentes: I. *Si subditus, qui nec publicum nec privatum religionis exercitium anno 1624. habuit, sua sponte emigrare voluerit: liberum ei est retentis bonis &c.* II. *Si subditus post pacem Osnabrug. religionem mutabit, & sua sponte*  
S ;
emigra-

*emigrare voluerit : liberum ei sit , &c.* III. *Si subditus nec publicum nec privatum religionis exercitium anno 1624. habuit , territorii domino jussus fuerit migrare : liberum ei sit , &c.* IV. *Si subditus , qui post pacem Osnabrug. religionem mutabit a territorii domino jussus fuerit migrare : liberum sit , &c.* Cum autem prædicatum plura contineat , a se invicem distincta , quæ sub circumstantiis , in subjecto cujusvis propositionis obviis , ponuntur : patet , quatuor has propositiones in tot alias abire , quod sigillatim de subjectis earundem prædicari possunt. Quis vero neget determinatas eas esse , in quarum subjecto nec plura nec pauciora occurrunt , quam quæ ad determinandum prædicatum sufficiunt ? Imò tum applicationem , tum demonstrationem instituta hac resolutione legis facilitari nemo ibit inficias.

§. XXVIII. Resolutis in propositiones determinatas legibus , in earundem rationes erit inquirendum ; ut eluceat , quæ principia in subsidium sint vocanda , quæ leges præcedant , quidque ad cognoscendum eas intimius faciat. De rationibus legem egimus ( Cap. 1. §. XVI. seq. ) : hinc plura de iis addere superfedemus.

Propositionum ex. gr. , in quas dictam legem resolvimus , demonstrationem contexturus , sigillatim rationes earundem *legales* , in eodem ipso *art. inst. pacis* , & aliis legibus imperii fundamentalibus obvias , *historicas* ex iis , quæ a tempore reformationis in Germania , religionis intuitu , acta fuere , *politicas* ex J. publico imperii R. Germ. & superioritati territoriali , *morales* ex jure naturæ & gentium eruat. His enim in apricum protractis , & mens dicti §. I. plana evadet , & ipsa probatio legis nullo negotio conficietur ; uti in prælectionibus nostris ad instrumentum pacis palam monstrabimus.

§. XXIX. Dubium non est , quin hac ratione certam legum cognitionem consecuturi sint discipuli. Verum cum difficilis admodum labor sit , atque non historię solum & juris naturalis ethici atque politici , sed & legum exaustissima notitia præsupponatur : vix est , ut hanc analysin  
cum

cum fructu instituere initio possint discentes. Docentium adeo erit, nimium in demonstrando leges rigorem initio devitare, atque ita in earum explanatione versari, ut ne proferant, quæ captum tyronum effugiunt.

§. XXX. Quodsi leges dicto modo ex principiis certis & evidentibus, definitionibus, axiomatis, propositionibus demonstratis, legibus & factis antecedaneis demonstrantur: veritas unius legis per alias, tanquam per principia, eruitur; connectuntur adeo inter se leges (WOLFF Log. Lat. §. 877.). *Complexus legum, inter se & cum principiis suis connexarum*, systema juris audit; quod pro diversitate legum varia sortitur nomina: sic aliud erit systema juris naturalis, aliud publici, aliud canonici, aliud civilis, &c.

Ex ipsa hac definitione systematis patescit, sermonem nobis esse de systemate veri nominis, in quo naturæ, aut mixtus saltem, non scholæ ordo observatur: h. e. in quo libri, tituli & leges ita disponuntur, ac sese subsequuntur, prout veritas & cognitio unius pendet a cognitione alterius; ita tamen, ut, quantum methodi regulæ sinunt, ad idem caput aut titulum referantur, quæ circa idem objectum observanda lege jubentur. Methodi & systematis notionibus prorsus destitutos esse oportet, qui ordinem naturalem aut scientificum in Corpore juris Justiniano sibi deprehendere somniant: quin tamen in talem redigi possit jus Romanum, cum perillust. WOLFFIO, in horis subsecivis anni 1730. *specim. II.* plane sentio.

§. XXXI. Si in systemate juris nullæ leges prætermittantur, sed omnes omnino tum inter se, tum cum suis principiis, connectantur: systema juris dicitur *completum*. Quodsi vero in certum finem e. g. in usum lectionum academicarum condatur: in suo genere completum erit, si nec plura nec pauciora contineat, quam quæ ad finem consequendum

re-



requiruntur. Unde patet, quando vel simpliciter, vel in suo genere incompleta sint systemata juris.

Notari hæc merentur, ne in dijudicando systemate judicia deperes.

§. XXXII. Si in systema juris congerantur plura, quam quæ intelligendis & demonstrandis legibus, aut fini, quem in condendo systemate nobis proposuimus, assequendo, sufficiunt: erit systema juris *prolixum*: ea vero, quibus superfedere poterat systematis conditor, *superflua* dicentur.

§. XXXIII. In systemate juris leges & jura inter sese connectuntur, atque lex una ex alia demonstratur (§. XXX.). Inter scripta adeo scientifica referendum est systema juris (WOLFF *Log. Lat.* §. 751.). Eadem ergo, quæ in scripto scientifico, in systemate quoque juris concinnando observanda sunt. Nimirum 1. termini omnes accurate definiendi, qui vel definitiones alias, vel determinationes tanquam præmissæ ingrediuntur; vel vicem legis subeunt. 2. Quod si in systemate juris propositionibus & legibus utamur, ex alia disciplina adscitis: eas minime demonstrare tenemur; sed demonstratas suo loco supponimus. 3. Definitiones eo ordine collocentur, ut eæ anteriori loco ponantur, quarum definita ingrediuntur alias. 4. Præter axiomata, postulata & lemmata juris, propositiones nullæ absque demonstratione adsumantur. 5. Indicandum tamen, quo loco lemmata seu propositiones, ex alia disciplina adscitæ, demonstrata habeantur. 6. Leges omnes in propositiones determinatas resolvantur. 7. Casus, sive circumstantiæ, sub quibus lex aliquid jubet vel prohibet, justum vel injustum declarat, accurate determinetur. 8. Siquæ leges obscuriores videntur: exemplis & casibus illustrentur. 9. Denique si  
leges

leges facta historica peculiaris & arcana supponant: scholia addantur.

Dico, hac ratione conditum systema scripti scientifici & dogmatici nomen tueri: cujus demonstrationem vide *in Log. perill.* L. B. de WOLFF. §. 790. Equidem quis non videt inter desiderata esse systema juris, quale adumbravimus? Cave tamen, inter impossibilia id referas. Agnovere defectum systematis juris completi, reipublicæ præsertim & imperio nostro adaptati, JCti celebres, & inter alios TITIUS, JCtus Lipsi., ejus emendationem tentavit. Nec spernenda sunt, quæ in præfatione ad *jus privatum Romano-Germanicum* de necessitate, in meliorem ordinem redigendi prudentiam juris, differit: sed dolendum, quod nec in condendis definitionibus satis accuratus, nec in methodo scientifica satis exercitatus, opus arduum aggressus fuerit.

§. XXXIV. Quamdiu ordine mixto in condendo systemate utimur, idem qui in toto, in quovis titulo ordo servandus venit: ita ut primo loco definitiones, 2do axiomata & lemmata, 3tio denique leges, in propositiones resolutæ, cum probationibus, scholiis & illustrationibus ponantur.

Conscripsit hac methodo celeb. HEINECCIUS *elementa juris civilis* juxta ordinem institutionum: in quibus tamen merito id reprehendas, quod definitionibus nec satis exasciatis, nec ad demonstrandum aptis non uno loco usus fuerit.

§. XXXV. Quodsi ex majori systemate juris seligantur, quæ fini proposito inserviunt, atque inde minus componatur: *compendium* illud sive *epitomen* vocare lubet.

In concinnandis igitur compendiis ad finem & usum respiciendum, cui destinantur. Alia enim e. g. sunt compendia academica in usum candidatorum, & lectionum publicarum conscripta: alia quæ in subsidium memoriæ adornantur &c.

§. XXXVI. Scripta juris alia sunt *scientifica*, sive *dogmatica*, alia *historica*, alia *dogmatico-historica*; uti ex Logicis patet. Quodsi adeo in contexendo compendio nexus legum & veritatum rationem habeas, easque, quantum in compendio licet, demonstratas exhibeas: erit *compendium juris*, ex systemate majori excerptum, *scientificum* & *systematicum*. Si autem nexu legum & earum demonstrationibus insuper habitis, in unum locum congeras, quæ ad idem subjectum pertinent, & variis in locis in systemate majori demonstrata exhibentur: compendium juris dogmatico-historicum; denique si non nisi casus speciales atque facta contineat, ad quæ leges applicantur, compendium juris historicum dicere lubet.

Compendia, in quibus principia solum, definitiones, & præcipua doctrinarum capita breviter & absque demonstratione enarrantur, Synopses, item Enchiridia vocantur.

§. XXXVII. Usus compendiorum pro diversitate finis, quem in iis conscribendis sibi proponit auctor aut lector, non unus, potissimus tamen est, ut lectionibus & studiis academicis inserviant. Quod de scientificis atque systematico ordine conscriptis velim intelligas.

§. XXXVIII. In systemate juris majori omnes omnino leges suo ordine disponuntur, & ex suis principiis demonstrantur, conclusiones inde deducuntur, scholiis & casibus illustrantur (§. XXXIII.). Unde facile colligitur, systemata juris majora in ampla volumina excrecere, demonstrationes etiam evadere prolixas & copiosas. Enimvero præstitutum studiis academicis tempus, nec non ingens discendorum copia, vix ferre videtur tantam in explanando systemate prolixitatem: adde, quod longa propositionum demonstrativarum series discentibus nauseam facile

facile creet. Usui adeo academico seu lectionibus publicis minime conveniunt systemata juris majora. Quis enim e. g. non rideret, qui in lectionibus juris publici *FECIALEM EUROPAEUM*, aut *LIMNÆI* jus publicum, in jure vero civili *JOAN. VOETHI*, aut similis molis commentarium, ad *Pandectas* explanandum, sibi sumeret.

§. XXXIX. Minime omnium autem ferendum id erit in *Academiis Germaniæ nostræ*. Præterquam enim, quod in jure naturæ, ethico, politico & gentium hospitalitatem esse non deceat studiosum juris, in imperio *R. Germ.* præter jurisprudentiam ecclesiasticam & civilem, publica imperii & feudorum jura addiscenda veniunt. Quodsi in alterutra juris parte majora sibi systemata, aut scripta, compendiorum modulum excedentia, pro cynosura habeant: ultra quam fas est, discentes detinentur, ut ceteras jurisprudentiæ partes, vel negligent plane, vel non ea saltem, qua oportet, industria pertractent. Obvia hæc sunt, & tristes ipsi sæpius horum abusum spectatores fuimus. Augentur incommoda, ex indigestis compendiis propullulantia, si obscuritatis vitio laboret auctor, cujus ipse *celeb. ZOESII* Commentarius ad *Digesta* non immerito arguitur. Taceo quod compendii academici limites longe excedat.

§. XL. Nec a vero aberravero, si historiarum, juris publici, naturæ & gentium neglectum prolixioribus ejusmodi compendiis, vel potius voluminibus, quæ explananda sibi sumunt docentes, adscripserim. Primo enim de pane lucrando cogitandum esse, anxia cura tenellis juvenum animis inculcatur. Et bene hætenus; modo ne de mediis panem lucrandi erronea judicia suggererent. Implantatur enim discipulis erronea illa persuasio, jus civile atque canonicum solum mereri, cui seriam operam navent, reliqua

esse parerga, decoris, conversationis, benevolentiae captandae, favorisque conciliandi gratia tractanda. Hinc quibus benignior Minerva favit, aut quorum praeter reliquis major solertia est, initio statim curriculum juridici in spissis voluminibus sese volutant, nec ante dimittunt, quam ingenti farragine cerebri memoriamque obruerint. Et haec ipsa, inquit T. PETRONIUS, tolerabilia essent, si ad *jurisprudentiam* iturus viam facerent: nunc & *legum* tumore & *questiuncularum* vanissimo strepitu hoc tantum proficiunt, ut cum in forum venerint, putent se in alium terrarum orbem delatos. Et ideo ego adolescentulos existimo *hac ratione* stultissimos fieri; quia nihil ex iis, quae in usu habemus, aut audiunt, aut vident &c. Qui inter haec nutriuntur non magis in politicis rebusque imperii sapere possunt, quam bene olere, qui in culina habitant.

§. XLI. Verum non est, ut aliquam in studiis academicis emendationem nobis promittamus; nisi I. qui summi magistratus officio funguntur, seria & matura deliberatione inquirant, quae in usum futurum boni tum privati, tum publici promovendi gratia, discenda sint & docenda. II. Publice ea tradenda, lege definiant. III. Compendia succincta, methodo scientifica conscribenda, ac praelegenda curent. IV. Non nisi in disciplinis, quas pro ratione functionum obeundarum necessarias judicarint, exercitatis ad publica munia viam faciant, & V. saluberrimas constitutiones circa studia summa vigilantia curaque custodiant.

§. XLII. Nec est, quod libertati docendi atque discendi inde metuas. Nec enim hoc fine limitatam eam volumus, ut novis veritatibus systemata & compendia augendi atque ditandi facultas praecisa sit: quin potius necessitatem academiarum scientiarum, non mathematicarum  
solum



solum & physicarum, sed & moralium atque politicarum, ipsi adstruimus. Et dum compendia in usum academicum conficienda esse diximus: eum laborem viris exercitatissimis demandandum esse intelligimus. Deinde nil obstat, quo minus, ubi ex libertate docendi vitium nascitur, intra justos limites eam contineat imperans. Quod facile largieris, ubi, quæ de uniformitate juris breviter adjiciemus, probe expenderis.

§. XLIII. In civitate summus imperans lege definit actiones civium, & quid sub his vel illis circumstantiis justum vel injustum, agendum omittendumve sit, determinat. Quodsi determinationes illæ actionum, sive leges, semper & in omnibus reipublicæ partibus, & sub iisdem circumstantiis eadem sint: leges civitatis dicuntur *uniformes*.

§. XLIV. *Difformes* contra erunt, si in diversis reipublicæ provinciis aut dicasteriis actionibus & controversiis dijudicandis normæ diversæ præstitutæ sint.

Sic e. g. leges circa furtum difformes erunt, si sc. furtum, sub iisdem circumstantiis admissum, in uno dicasterio laqueo, in altero multa pecuniaria, coercendum lege jubeatur.

§. XLV. In politicis, ubi de legibus civilibus agimus, difformitate legum administrationem justitiæ impediri, racularum tricis januam aperiri, summum denique jus in summam injuriam degenerare, evincimus. Quod cum fini civitatis, seu reipublicæ, repugnet: utique leges in republica difformes ferendæ non erunt.

§. XLVI. Summa itaque sollicitudine eo annitendum erit, ut, cui legum ferendarum aut conservandarum cura

demandata est, ut in omnibus dicasteriis uniformes introducat; h. e. uni eidemque actioni, seu casui, unam eandemque applicare legem jubeat.

§. XLVII. Frustra tamen uniformitatem legum in Germania præstolamur, nisi abusus quidam insignes, in Academiis haud infrequentes, tollantur, inter quos præcipuus est, quod docentes in explicandis legibus legislatoriae similem sibi sumant facultatem, dum mentem legum pro lubitu quisquis interpretatur. Inde enim fit, ut, cum Doctorum effata pro norma & regula habeant discentes, futuri olim judices: in tribunali de una eademque actione, sive casu, diversissimas foveri videris sententias, quas tamen easdem & conformes menti legislatoris esse oportebat. Hinc docentes 1. de concordibus & uniformibus juris principiis laborent; 2. in explicanda mente legis ad rationem legislatoris respiciant; 3. crebro inter se conferant de dubiis legum interpretationibus, easdemque, antequam ipsi tanquam normas eas discantibus proponant, Principi confirmandas, ac robore legali donandas, offerant. Hac ratione leges tandem ad uniformitatem perducere quis non videt?

Conferri hic merentur, quæ superiori sæculo de uniformitate juris, in Camera imperialis judicio introducenda, in comitiis consilia agitata fuere. Vid. *Deliberatio comitalis, anno 1641. in Act. publ. Londorpii pag. 583. seqq. & inter alia*

#### Votum Saxonicum Altenburgicum.

Das Justiz-Weesen würde auch mehrers befördert/ wann den Herren Cameralibus, weil ohne das anderer Sachen halben derro Berichten/ und Gutachten/ dem nächsten Concluso gemäß/ solte erfordert werden/ zeitlich würde zugeschrieben; inmassen auch neulich Hessen-Darmstatt erinnert/ daß sie solten die wider einander lauffende opiniones Cameralium, oder doch nur die vornehmste/ dergleichen bey Gailio, Mynsingero, und anderen

deren zu finden sind / zusammen tragen / und in parato halten damit man hiernächst darinnen eine Vergleichung treffen / und vermähleins gewiß seyn möge / auf welche Opinion der Judex, und die litigirende Parthenen sich könten verlassen; dann es der edlen Justiz sehr schimpfflich ist / daß man in offenen Schrifften vorgiebt: quod hodie jus nostrum fere sit incertum, præjudicia præjudiciis contrariantur: Daher die sententiæ judicum von etlichen inter casus fortuitos heut zu Tage wollen gerechnet werden.

§. XLVIII. Plura non addimus de uniformitate legum & principiorum juris; de qua ex professo alio tempore agendum erit. Unicum monemus uniformitatis principium in politicis palmarium esse, & fontem, unde negotia intricatissima decisionem expectant. Heu quæ fata difformitas religionis, legum, vestitus & morum peperit! Horret mens, memoria terret. Faxit Deus, ut sicut una vera fides, sic una sint & concordia nostra in salute publica promovenda studia.




OPUS-

## OPUSCULUM II.

DE

### ARCTIS JURIS TALIONIS LIMITIBUS IN STATU HOMINUM GENTIUMQUE NATURALI.

§. I.  Uris talionis justitiam & æquitatem ex jure naturali derivant plerique sanctissimi hujus juris Scriptores: (a) adeo ut *Illust. HENRICUS de COCCEIUS* in allegata dissertatione (b) neget, *pœnam talione unquam minorem; bene vero majorem esse posse, affirmet: immo jus talionis, ut scilicet minimum tantundem reparetur, jus natura constitutum, jus immotum, inviolabile & sacrosanctum, quo & Deus ipse uti soleat, jus inter omnes gentes ab omni memoria receptum esse, asseveret*: de quorum effatorum veritate dubius non una vice animo hæsi; quippe qui prono alveo confectaria rectæ rationis dictaminibus e diametro adversa exinde promanare, nec non justæ defensionis in statu naturali limites bellorumque, rite gerendorum, normas non mediocriter turbari deprehenderem. Serio itaque ac iterata opera talionis naturam scrutandam mihi sumsi, ac tandem genuinos ejusdem limites arctiores multo offendi, quam quidem passim eidem a DD. adsignantur: id quod specimine præsentis, lectionum mearum præliminari, pro modulo virium commonstrare, atque huic meo asserto fidem facere in animum induxi.

§. II.

(a) Samuel Stryk. *in dissert. de rector. juris, cap. 1. n. 4. & 5.* Thadd. Joseph Seddler *in dente pro dente in Tridente dissertat. 3. cap. 1. §. 2.* *Illustr. Henricus de Coccejus in dissert. de sacrosancto talionis jure. §. 27.*

(b) §. 26. & 54.

§. II. Haud refragari æquitati naturali, ut damnum malitiose alteri inferens damno vicissim dato coerceatur, ipsa naturalis ratio inculcat, & a nemine, quantum scio, in dubium vocatur; quod adeo congenitum ipsi homini principium, cui omnis justæ retorsionis æquitas innititur, fundamenti loco hic tanquam demonstratum & indubium supponere liceat. Damnum tamen, hoc jure reciprocatum, pro læsione proprie dicta cave accipias. Læsis est actio officiis erga alios adversa; quod de relatione damni iusta dici nequit: adeoque damnum pro læsione saltem materiali, non pro formali & ex actione officiis alterius adversa profluente hic accipimus.

§. III. Quodsi damna data cum damnis reciprocatis compares, & quantitatem unius cum quantitate alterius conferas: variæ & diversæ resultant unius ad aliud rationes, pro diversa damnorum quantitate. Quando inter damnum, lædenti a læso datum, intercedit ratio æqualitatis: relatio hæc damnorum utrinque datorum *Talio* dicitur. Pone e. g. damnum a lædente datum esse ut  $5 + 3$ ; damnum a læso reciprocatum esse ut  $9 - 1$ : erit damnum lædentis ad damnum læsi ut  $9 - 1 : 5 + 3 = 8 : 8$ . Dicta fuit talio a tali; quod scilicet sit damnum ejus naturæ, aut quantitatis, quale nobis datum fuit. (a)

§. IV. Simile damnum lædenti a læso datum, *repressalium* nomine venit. Differunt nimirum *repressalium* & *talio* in eo, quod 1. in talione determinata observetur ratio damni dati unius ad alterum; scilicet, quod utrumque debeat esse æquale; a qua damnorum æqualitate in similitudine eorundem, quam repressalium requirunt, abstrahimus; si-

U milia

---

(a) Vid. Sam. Stryk. *alleg. L. cap. 1. v. 5.* Coccejus *all. L. §.*



milia quippe damna non necessario æqualia sunt. Ea enim similitum natura est, ut salva similitudine quantitate differre possint (a). 2. In talione damnorum æqualitas in rebus diversæ etiam naturæ obtinetur: in repressaliis econtra regulariter id spectatur, ut in re ejusdem speciei & simili ratione alteri vicissim noceamus. Pone e. g. Titium merces meas, ex Indiis venientes, in portu suo detinere, meque vicissim ejusdem naves mercibus onustas e littore meo, quo minus solvant, impedire, nulla habita ratione, quanti meæ, aut quanti ipsius merces æstimentur, ad solam similitudinem offensæ respiciens: damnum a me reciprocatum, haud dubie ad repressalias referendum erit. Quodsi autem, qui centum meos frumenti modios aqua merfit, tantundem eidem ego aqua mergam, aut flamma disperdam, aliave ratione damnum æquivalens referam: talionis id jure fieri, evidensest (§. III.).

§. V. Quodsi in referendo & retorquendo damno non tantum ad rationem æqualitatis, sed insuper ad damni referendi identitatem respicias: species talionis oritur, quam *simplicem* seu *identicam* dicere, atque definire lubet, quod sit identitas damnorum, a lædente atque læso sibi mutuo datorum. Sic si me aggrediens hostis manum mihi amputet, eidem vicissim ego manum præscindam; si in vicem centum jugerum frumenti exustorum centum jugera ego itidem exuram: hæc damnorum æqualitas & identitas ad talionem, eamque simplicem, pertinere liquet.

§. VI. Talionis simplicis exempla in lege divina Moisaicaprehendunt, qui verba S. Scripturæ secundum rigorem & juxta sensum verborum literalem accipiunt: sic enim

---

(a) Perill. Wolffii *Elem. Mathes. Lat. T. I. p. 22. §. 22.* Ontolog. Latin. P. I. S. 3. C. 1. §. 196.

nim divinus legislator enuntiat Exod. 21. v. 23. *Reddet animam pro anima, oculum pro oculo, dentem pro dente, manum pro manu, pedem pro pede, adustionem pro adustione, vulnus pro vulnere, livorem pro livore &c.* Levit. 24. v. 17. 18. *Hominem pro homine, bestiam pro bestia; item v. 19. 20. sicut fecit, ita fiet ei, fracturam pro fractura, oculum pro oculo, dentem pro dente restituet, qualem maculam inflixerit, talem sustinere cogetur.* Deut. 19. v. ult. *Nec misereberis ejus, sed animam pro anima, oculum pro oculo, dentem pro dente, manum pro manu, pedem pro pede exiges.* Immo nec Græcis, nec Romanis talio simplex incognita fuit; uti infra pluribus monstrabimus, atque talionis simplicis æquitatem ac justitiam ex genuinis suis fontibus derivabimus.

§. VII. Talionis speciem, ubi nonnisi ad rationem æqualitatis attenditur, ad differentiam talionis simplicis, ubi præterea identitatem damnorum requiri diximus (§. VI.), *talionem proportionatam* vocare lubet. Quæ tamen vocabula non eo pertinere velim teneas, quasi talio simplex non simul sit proportionata: quin potius contrarium ex ipsa notione generali talionis, (§. III.) stabilita, elucescit; ubi inter essentialia talionis requisita in genere rationem æqualitatis collocavimus.

§. VIII. Quodsi *retorsionem* in genere definias damni pro damno relationem: sub *retorsione* tanquam genere duæ species collocari poterunt, *repressaliae* & *talio*. *Repressaliae* scilicet sunt similis damni aut offensæ pro damno, aut offensæ relatio: *Talio* vero relatio damni pro damno æqualis, quæ *talionem simplicem* tanquam speciem inferiorem sub se continet, uti ex antecedentibus liquet.

§. IX. Jus talionis quid sit, ex dictis facile colligitur:  
U 2
est

## 156 Opusc. II. De arctis juris talionis limitibus

est nimirum facultas moralis & legitima, læso competens, lædenti damnum vel æquale, vel idem & æquale simul referendi. De juris hujus justitia in statu hominum & gentium naturali impræsens paucis disquirendi animus est.

§. X. Fundamenti loco supra (§. II.) posuimus, jure naturali mala nobis inferentes damno vicissim dato coercere integrum esse; id quod pro ratione damni intentati, aut actu illati triplici potissimum ratione contingit:

I. Dum vitam, membra, honorem, & res nostras a violentis invasoribus defendimus.

II. Quando quod ab altero citra jus & fas ablatum nobis est, mediis violentis recuperamus; aut deprædatores eo adigimus, ut damnum datum in æquivalenti resarciant.

III. Denique quando iis, qui nullum læsionibus, deprædationibus & invasionibus modum ponunt, aut damnum datum nulla æquivalenti compensatione resarcire valent, vi armisque, securitatis obtinendæ intuitu, damna inferre cogimur.

§. XI. Atque huc redeunt omnes causæ justæ belli tam offensivi quam defensivi. Addunt quidem alii quartam causam, vindictam scilicet, cujus sumendæ gratia vim & arma in hostes convertere liceat. Enimvero cum vindictæ vocabulum sit anceps admodum, & vulgo pro malo sumatur, quod alteri iræ, & concepti contra ipsum odii explendi gratia infertur; adeoque principium sui agnoscat naturali juri plane incognitum: vindictam seu ultionem a causis mali alteri inferendi justis potius excludendam esse ratus sum. Quæ enim justa est vindicta & ultio, poenæ vicem subeat  
neceffe

neceſſe eſt; uti pulchre docet vir ſummus HUGO GROTIUS & cum ipſo TESMARUS (a), plene nobiſcum ſentiens. Adeoque ad cauſam tertiam alteri nocendi vindicta non inepte hoc caſu referri poterit.

§. XII. Quapropter, in rectam talionis normam inveſtigaturis nobis, & genuinos ejusdem limites adumbraturis, præcipue monſtrare incumbit, quænam in quovis caſu proportio damni referendi ad damnum datum obſervanda veniat, unde facile erit concludere an, quando, & in quantum talio locum habeat.

§. XIII. Vitam, membra, honorem & res ſuas ab injuſtis invaſoribus defendere congenitum non minus rationali, quam naturæ animali dictamen eſt. Juſtum proinde erit media ad ſe, ſua, vitamque ſuam defendendam apta, h. e. talia eligere, in quibus contineatur ratio ſufficiens, quod vita, membra, honor & res noſtræ in ſalvo collocentur. Cui conſequens eſt, ut, ſi alia ratione ab impio nocendi propoſito deterreri nequeat temerarius invaſor niſi illato ipſi gravi aliquo malo, illud ſine injuſtæ offenſionis labe infligi poſſit.

§. XIV. Ex eo autem quod ſufficientia oporteat eſſe media, (revera enim quæ ad finem propoſitum conſequendum ſufficientia non ſunt, media dici nequeunt, uti ex ipſa medii noſione liquet.) per ſe patet, in electione (b) mediorum ad vitam, corpus, reſque noſtras defendendas præcipue ad hanc ſufficientiam eſſe attendendum; eaque juſta, maloque depellendo proportionata cenſeri media, quæ ſufficientia.

U 3

§. XV.

(a) De J. B. & Pacis L. 2. C. 20. §. 10. ibique Tesmar. in notis.

(b) Perill. Wolffii Moral. C. 3. §. 151. ſeqq.

§. XV. Hinc ulterius consequitur, ad avertendum damnum intentatum non nunquam majus, sæpe etiam levius malum, quam quod nobis imminet, nocituro inferendum esse. Sic si pedem, manum, aut oculum ab hoste eum mihi præscindere, aut eruere intentanti non nisi cum ipsius internecone defendere valeam: quis dubitat me ceteris paribus ad extremum hocce medium provolare posse? Idem dicendum, si res meas ab improbo prædone non nisi cum mutilatione membri aut pro circumstantiis etiam cum ejusdem internecone conservare valeam.

§. XVI. Ex eadem ratione subinde ad mitiora longe mala in defensione nostri rerumque nostrarum provolandum erit. Neque enim eum qui necem mihi intentat, absque discrimine trucidare licet; nec Puffendorffianum illud principium probamus, contra hostem omnia licere, quam primum sese mihi hostem declarat: sed videndum primo, an non fuga evadendi, inermem reddendi, mutilatione aliave ratione potestatem, mihi ulterius nocendi, adimendi facultas sit. In leges enim sanctissimas juris naturæ socialis, & officia proximi, immo in regulas sapientiæ impingeret, qui, dum leviora prostant, ad duriora media recurreret.

§. XVII. Idem igitur, aut æquale malum me invadenti hosti tum demum referre poterò, cum vicem illud medii, mei rerumque mearum defendendarum subeat: non ideo quod idem aut æquale malum sit, sed quia sufficiens est ad vitam bonaque conservanda illud eligere fas est. In æqualitate aut identitate, abstrahendo ab hac sufficientia, nulla ratio sufficiens continetur, cur æquale potius aut idem eligere debeam: ac proin inæqualitatem illam in hoc casu mere accidentalem non necessariam esse, apparet.

§. XVIII.



§. XVIII. In æqualitate aut identitate damni, a læso lædenti relati, natura & essentia talionis consistit (§. II. seqq.): neque ubi ea abest talio amplius, sed aut repressaliæ, retorsio, aut justa sui defensio in genere dicetur mali relatio. Quare cum æqualitatem, aut identitatem mali pro malo avertendo referendi per accidens tantum locum invenire §. *precedenti* sufficienter fuerit demonstratum: talionis jus per se & ex natura sua in justa sui & rerum suarum defensione minime tanquam medium unicum & per omnia sufficiens, sed per accidens tantum adhiberi poterit.

§. XIX. Immo cum talio supponat damnum datum, non vero inferendum & futurum (§. III. seqq.): ex ipsa talionis notione elucescit, eidem non nisi improprie in justa sui defensione a malo futuro, nondum illato, locum esse.

§. XX. Sola igitur & constans ratio, mali ad avertendum damnum referendi, regulariter ea observanda erit, quæ est sufficientis medii, ad finem consequendum. Quæ sufficientia cum in casibus specificis infinitas progeneret rationum species ita ut nunc ratio æqualitatis, nunc dupla, nunc tripla, nunc subdupla, subtripla &c. resultet: per se dici nequit, quod abstrahendo a casibus specificis, una ratio præ altera eligi debeat; nisi prius utrum sufficiens simul medium ad hostem depellendum aut ad nos defendendum constituat, perpendaris.

§. XXI. Dixi *regulariter* ad sufficientiam medii in determinando malo, hosti inferendo, esse respiciendum; nec casum collisionis defensionis mei rerumque mearum cum aliis regulis fortioribus insuper habuisse videar. Cum enim in casu collisionis generalis regula obtineat: *ex duobus malis eligendum esse minus*: sequitur, si minus malum ex jactura mei, rerum-

rerumque mearum sit consecuturum, multo vero majus ex malo, vi regulæ §. *præcedenti* stabilitæ tanquam medium sufficiens eligendo, resultaret, a defensione mei & rerum mearum exceptionem faciendam, ac potius damnum subeundum esse, quod non nisi insigniter majori malo declinare licet; id quod in lectionibus ipsis fusius exponemus, addituri & suppleturi quæ ex ardua maxime atque utilissima exceptionum recte instituendarum Philosophia præsupponuntur. Exemplo dicta illustrasse juvat. Pone furem improbum diviti & opulento cuidam malitiose panes aliquot subtrahere, quos parata, quam penes se habet, pecunia comparare poterat; nec aliud medium suppeditare domino recuperandi panes suos, quam si aut sclopeto furem trajiciat, aut crura frangat: colliduntur hic duæ obligationes; una, quæ vult, ut vitam alterius conservet dominus; altera, quæ rerum suarum curam ipsi injungit. Quæ cum ex hypothese una consistere & observari nequeant, quæstio oritur utra cedere debeat? Cum levidense damnum sit diviti panibus aliquot carere, quos ipsos ad sublevandam alterius inopiam in casu necessitatis gratis elargiri debebat; ingens econtra malum, quod alter hic subire cogeretur: utique ex regula exceptionum recte instituendarum generali patet, illi officio esse satisfaciendum, per quod major perfectio, minus autem malum consequitur. Dominus adeo furem cum panibus potius aufugere sinet, quam ut ipsum in hoc casu sclopeto trajiciat.

§. XXII. In secundo casu, quo alteri malum referre jure naturali licere diximus (§. X.), aut res mea ab altero mihi surripitur; vel alia ratione in corpore bonisve damnum æstimabile datur: distinguendum hoc casu utrum res mea apud eum qui eandem mihi surripuit, extet, vel an  
saltem

saltem tantundem in bonis habeat, quo damnum datum æqua lance compensari valeat.

Si res mea apud alterum extet, jus mihi competit rem præcise meam repetendi, non ultra; cum eatenus tantum ex supposito læsus sim: tollitur autem læsio, si id, quod e re mea mihi abest, integre restituatur.

§. XXIII. Ast nemo non videt, hanc nostri recuperationem non talionis, verum dominii nobis competentis effectum esse. Ex evoluta supra talionis notione liquet, damnum utrinque tam ex parte lædentis, quam ex parte læsi in talione æquali æquale aut idem dari (§. III. IV. seqq.): id quod in casu præsentis dici nequit, nisi dicere velis furi aut violento raptori damnum inferri, dum ipsi, quod injuste ex re nostra possidet, eripimus; id quod manifestam absurditatem involveret.

§. XXIV. Pone porro, invasorem furem, aut prædonem vi & armis resistere, quo minus meum consequi valeam: & hoc casu frustra ad talionis jus recurritur, ut rationem veram mali determinemus, quo, tanquam medio nostrum recuperandi, utendum sit. Siquidem eodem prorsus modo, quo supra (§. XIII. seqq.) ex sufficientia medi, armorum & virium malique, pro re mea recuperanda inferendi, qualitas & quantitas dimetienda erit; tale scilicet ei inferendum est, quo compellatur ad rem suo domino restituendam. Unam adeo certam & determinatam rationem æqualitatis in malo, alteri inferendo, frustra rursus ex natura justæ rerum nostrarum recuperationis eruere tentamus.

§. XXV. Ac proin in hoc casu etiam constans illa ratio æqualitatis, seu jus talionis, tanquam norma perpetua exulabit, & ut ante, non nisi per accidens locum inveniet.

§. XXVI. Eodem modo sese res habet, si res mea apud alterum non amplius extet; aut injuria talis illata sit, quæ non nisi justa æstimatione facta in re æquivalenti compensari valeat: ut in vulneratione, verberatione, & aliis nonnullis injuriarum speciebus contingit. Suppono autem, eum, qui me læsit, tantum habere in bonis, ut compensari damnum possit; alias casus ad causam nocendi tertiam pertineret ut infra videbimus, & aliam expectaret decisionem. Posito igitur illum, qui me læsit, tantum habere in bonis, unde prævia justa æstimatione, quod e re mea mihi abest refarciri possit: eodem prorsus jure, & modo quo ante (§. XXII. XXIII. & XXIV.) meum repeto, citra necessitatem ad justalionis confugiendi. Neque proprie talio dici potest, ubi tantum id ago, ut, quod nullo jure e re mea apud alterum est, in æquivalenti æstimatione consequar. Jure talionis adversarius debet reddere animam pro anima, oculum pro oculo, dentem pro dente: neutiquam vero hæc ejus mens est, ut alterius oculus in vicem oculi mei subintret, ut dens pro dente mea mihi restituatur; utpote quæ restitutio læsum parum juvaret. Adeoque & hoc casu nulla aut exigua admodum erit talionis applicatio.

§. XXVII. Ad casum tertium propero, in quo frequentissime omnium juris talionis applicatio etiam in statu naturali locum habere; immo ipsa natura, tanquam norma mali referendi, constituta esse videtur; quando scilicet damnum ab altero datum per se aut per accidens, veluti propter inopiam lædentis, æquivalente compensatione refarciri nequit. Hoc casu unicum medium superesse videtur, ut qui non habet in ære, luat in cute; sive, ut tantundem quis patiatur, quantum passus est alter, ut idem aut æquale sentiat damnum, quod alteri intulit; in qua reciproca damnorum æqualitate & identitate veram talionis naturam consistere



stere, supra dictum fuit (a). Differt utique hic casus a primo & secundo; a primo quod hic non in urgente illa necessitate, vitam resque nostras defendendi, versemur; neque conservationem nostri rerumque nostrarum directe, ut in primo, sed indirecte & per obliquum, securitatem autem directe intendamus; a secundo quod de recuperandis rebus hic cogitatio nulla sit, sed tantum de conservandis. Quapropter cum diversorum diversa sit ratio: fundamentum cur in casu tertio damnum damno referre liceat, utique diversum erit. Antequam igitur de ratione damni referendi ad damnum acceptum plura in medium proferamus, in rationes, cur hoc casu alteri nocere liceat, paucis inquiremus, quo ipso in genuinam ejus proportionem incidemus.

§. XXVIII. Notandum igitur, homini in statu naturali jus esse, non tantum mala præsentia avertendi, sed etiam, quæ certo aut probabiliter futura sunt, mediis sapienter electis præcavendi. Id quod dum efficit homo, in statum securitatis sese collocat. Unde planum est, jus esse homini in statum securitatis plenariæ sese collocandi. Status securitatis omnium maxime ab hominibus nefariis, nulla malefactorum conscientia tactis, turbatur, vel ipsa experientia teste. Quapropter in statu naturali eo potissimum studia nostra dirigenda sunt, ut ab ejusmodi infestis societatis humanæ hostibus securi præstemur; id quod obtinetur, si aut plene exterminentur, aut in talem statum redigantur, ut pravam nocendi desiderium amplius ad actum perducere nequeant; aut saltem qualicunque castigatione edoceantur, non impune alios laceSSI. Malum, quod alteri ob perpetratum facinus eo fine infligitur, ut vel ipse, vel alii ejusdem exemplo edocti a læsionibus & malo abstineant; consequen-

---

(a) Conf. COCCEJUS *alleg. Diff.* §. 8.



## 164 Opusc. II. De arctis juris talionis limitibus

ter ut securitas humani generis, aut reipublicæ obtineatur, poena audit. Ex quo patet, poenas efficacissima esse remedia in statu etiam naturali, queis efficiamus, ut a læsionibus & invasionibus nefariorum hominum securi vivamus.

§. XXIX. Neque enim audiendi sunt, neque naturam poenarum recte intelligunt, qui in statu naturali nullum eis locum concedunt, easque non nisi a superioris magistratus constitutionibus proficisci opinantur. Nulla sane inter poenas illas naturales & civiles hæc, seu positivas, intercedit differentia, quam quod hæc a magistratu civili & a superiore; illæ vero, pro ratione exigentiæ, ex arbitrio hominum vel rerumpublicarum, in statu naturali viventium, determinantur: qui diversus poenas determinandi modus id tantum efficit, ut poenæ in genere in duas species, positivas scilicet & naturales, discesci valeant. Essentia generica, & finis utrinque idem, securitas scilicet generis humani, & populorum, quæ in statu naturali perinde ac in statu civili, subinde plenaria invasorum extirpatione variis modis ad terrendum alios aptis effectui data, subinde carceris mancipatione, servitutis impositione, proscriptione e finibus ditiorum nostrarum, mutilatione membrorum, aliisque, pro malitiæ, damni que dati gradu, majoribus minoribusve malis inflictis impetratur; prout in lectionibus Grotianis, *Lib. 2. Cap. de Poenis*, fusius demonstrabitur.

§. XXX. Stabilita hac poenarum in statu naturali existentia & necessitate, earumque cum poenis civilibus similitudine, prono alveo fluit, cum iisdem in statu naturali utamur securitatis obtinendæ, aut conservandæ gratia; seu, cum malum alteri referimus, ut a malo imposterum abstineat, pravumque ejus nobis nocendi desiderium coerceamus: eandem prorsus rationem inter malum datum, a læso

læso referendum, observandam esse, quæ in statu civili in poenarum irrogatione tenenda est. Quas enim in statu civili summus magistratus pro tranquillitate & securitate subditorum statuit & infligit poenas: eas haud dubie hominibus & gentibus, suo juri relictis, casu exigente proprio arbitrato irrogare liberum esse debet. Est is finis societatum constitutarum, ut quod homines vel plane non, vel non nisi cum summa molestia sejunctis viribus in statu naturali consequi valent: id unitis in societate viribus, & ope magistratus consequantur; cujus jura ab eo, quod in statu naturali omnibus licet, paucis exceptis, quæ ipsam societatis conservationem respiciunt, dimetienda veniunt.

§. XXXI. Poenæ rationem sufficientem continent, cur malevoli a pravis actionibus abstineant, hominesque ab eorundem invasionibus securi vivant; uti ex fine earundem constat. Unde tales erunt sanciendæ atque infligendæ, ex quibus plena nobis securitas obveniat; nam frustra alioquin & sine ratione sufficiente constituerentur. Poenæ, si ve mala, cum pravis aliorum actionibus connexa, tanquam earundem confectaria, sunt media securitatis obtinendæ, quam tanquam finem iis mediantibus stabilire cogitamus. Unde cum in casu tertio malum nos lædenti infligendum tanquam poenam, & medium eligamus, ut nocere nobis imposterum desinat (§. X.): consequens est, inter malum illatum & referendum in hoc casu eam proportionem tenendam esse, quæ est inter sufficientiam medii, & finem consequendum; quæ sufficientia medii alterum coercendi subinde in majori, subinde in minore, nonnunquam etiam in malo æquali deprehendetur. Sicut enim in necessaria sui defensione demonstravimus, æquale malum, alteri referendum, non constituere perpetuam & constantem mensuram moderaminis in inculcata tutela observandi: ita mul-

to minus æquale malum, alteri relatum, sufficiens semper medium erit, quo securitatem consequamur; sed subinde majus multo eligendum veniet: uti hodie in bellis & in sanctionibus poenarum civilium cernimus; uti pariter, si minus malum, alteri inflicturn, ipsius desiderium nocendi retunderet, stolidum foret ad duriora procedere.

§. XXXII. Talionem in identitate & æqualitate mali illati & referendi consistere supra evicimus (§. III. seqq.). Non igitur nisi in casu unico securitatis contra malignos, vitæ bonorumque turbatores obtinendæ gratia, ad talionem, tanquam medium sufficiens, confugere licet: scilicet, quando malum idem aut æquale præcise rationem sufficientem continet, hostem coercendi & debellandi. Pone e. g. hostem, qui improbo ausu sæpius ditiones meas infestavit, nulla amicarum admonitionum, nulla sæpe leviorum, sæpius æqualium malorum regestorum habita ratione, 20. pagos meos misere devastare, mille & plus subditorum meorum truculenta nece perimere, &c.: an tu sufficere putas, & satis coerceri hostem existimas, si jure talionis totidem ipsius villas devastem, tot subditos ejus eodem mortis genere puniam; & an non potius extrema me tentare æquum erit? An non centum etiam pagos & villas flammis consecrare licitum erit, quo tanquam medio sufficienti, securus tandem ab ejusdem incursionibus vivam? Pari ratione si minori malo inflicto, e. g. servitute, nonnullis suorum imposita, idem consequeretur; nemo sanus ut ad duriora descenderem auctor foret. Quod autem aliquando æquali regesto malo finem meum obtineam, id non nisi per accidens erit, adeoque regulam & normam constantem minime constituet.

§. XXXIII. Unde præcipitanter nimis illi mihi statuer  
re

re videntur, qui indistincte & simpliciter justam proportionem in æqualitate aut identitate mali dati & referendi quærunt; consequenter talionis limites justo latiores constituunt, quos ad unicum illum casum, quo scilicet talio rationem sufficientem, vitæ bonorumque conservandorum, rerum recuperandarum & securitatis consequendæ continet, restringere oportebat: quod ipsum, cum per accidens solum contingere monstraverimus; in statu naturali mere accidentalem & arctam admodum esse talionis justitiam, abunde liquet.

§. XXXIV. Erroris autem vulgaris causa fuisse videtur, quod incauti talionem, sacris Literis & jure Romano constitutam, cum talione, in statu naturali observandam, confuderint; nec satis attenderint, quid sacræ paginæ, & civilia jura positivi & forensis habeant. Etenim quæ in sacra Scriptura locis memoratis occurrit talio, seu simplicem eandem, seu proportionatam intelligas, eam omnem ex hæcenus dictis juris divini positivi esse, facile colligitur.

§. XXXV. Cavetamen ne propterea minus justas has divinas talionis leges existimes. Nemo rerum moralium & politicarum vel mediocriter peritus ignorat, difficillimum esse in iis, quæ in specialibus casibus infinitis quasi modis determinata sunt, unicam veramque, sub mille forsitan circumstantiis involutam, recte agendi normam eruere; immo in hacce nostra mentis caligine sæpius per vires naturales id prorsus impossibile erit. Atque hanc difficultatem maxime sentiunt ii, qui justæ defensionis exceptionumque, in casu collisionis recte instituendarum, regulas demonstrare intendunt. Ne igitur electus Dei populus scrupulosa & anxia mentis disquisitione premi necesse haberet, quæ justa præcise in casibus specificis in malo, alteri, tanquam medio & poena

poena ejus malitiam coercendi inferendo, proportio observanda foret: sapientissime omnino summus Legislator modo unico & uniformi determinavit, quod in statu naturali, & per se infinitis prope modis determinatum erat. Neque secundum regulas sapientiæ justior proportio eligi poterat, quam quæ in medio seu æqualitate consisteret. Sic enim effectum, ut in plerisque casibus talio fieret medium & poena sufficiens, neque tamen, nimius erga delinquentes rigor juste inculpari potuerit. Ex regulis prudentiæ legislatoris generalibus demonstrari potest, latere in talionis sanctione specimen legis positivæ sapientissime latæ.

XXXVI. Nec minus illam, quam LL. XII. Tabul. stabiliverant, talionem ad sanctiones positivas referendam esse patet. Talionis scilicet jus ab Hebræis ad Græcos, & in leges Atticas translatum, ab his in leges XII. Tabularum migravit, lege sic data: *Si membrum rupit, ni cum eo pacit, ex pacto Talio esto (a).*

§. XXXVII. Posito tamen, talionis legem ad sanctiones positivas referendam esse: rarius nihilominus exercitium & justitia erit talionis simplicis quam proportionatæ. Quippe proportionata talio in omnibus delictis, quæ poenam & compensationem damni in qualicunque re recipiunt, e. g. furto, adulterio, calumnia &c. locum invenit; simplex vero talio illis tantum casibus poenam justam constituit, ubi citra notam turpitudinis & absque labe peccati malum idem referri poterit; e. g. in fractura, vulneratione &c. non in incestu, adulterio, &c. de quibus vide Pufendorff (b).

§. XXXVIII.

---

(a) Conf. GELL. Noët. Att. Lib. 20. Cap. 11.

(b) J. N. & Gentium L. 8. C. 3.



§. XXXVIII. Id tamen silentio præterire non possum, non recte PHAVORINUM apud GELLIUM in *Noctibus Atticis*, & ex eo PUFFENDORFFIUM (a) acrius talionis simplicis æquitatem & justitiam perstringere; quod in illis etiam casibus, ubi absque turpitudinis labe idem malum referri posset, vix concipiatur, quomodo præcisa illa æqualitas & identitas damnorum obtineri possit. Quis enim e. g. membri pariter rumpendi, oculi vicissim eruendi perfectum æquilibrium efficiet? Pone, rupto vicissim membro alterum, gangræna superveniente, diem obire: en maximum juxta præfatos AA. mali accepti cum malo relato inæqualitatem! qua stante talio, ut putant, nulla erit.

Enimvero non recte meo judicio in malo, læsionem subsecuto, statum æquilibrii quærunt citati AA. Æqualis utriusque tam lædentis, quam læsi conditio est, si uterque tantundem mali non tantum sentiat, sed & sentiendi periculum subeat, quantum alter. Imputet sibi, cui iure talionis membrum rumpitur, si minorem forsitan quam alter membri rupti curam habuerit; aut aliud quid per accidens contigerit, quo deterior ipsius conditio quam læsi effecta fuit: sufficit, quod par & æqualis utriusque fuerit expectatio, & quod idem malum, quod lædenti contingit, læso etiam obvenire potuisset.

§. XXXIX. Hæc de talionis recta indole, ejusque limitibus in statu naturali lectionibus meis, in jus naturæ & gentium juxta HUGONIS GROTII *Tractatum de Jure Belli & Pacis* instituendis, præmittere libuit; quo monstrarem, sum-

Y

ma


---



(a) *alleg. Loco.*

ma cura & sollicitudine in eruendis genuinis fundamentis & principiis juris naturalis versandum, eoque annitendum potissimum esse, ut exasciatam & numeris suis absolutam legum naturalium scientiam consequantur, qui usui vitæ negotiisque publicis non inanem olim operam litare gestiunt. Id præprimis cavendum, ne, quæ cum sapientia a divino Legislatore aut a summo Magistratu in republica stabilitæ sunt leges, præcipitato iudicio naturali jure perinde obtinere existimemus; quo ipso non potest non summa juris positivi cum naturali confusio oriri, quæ evitatur, si, quæ juris naturalis sunt, determinatis propositionibus efferrantur, atque ex suis fundamentis demonstrantur. Tardior, fateor, hæc via est, sed simul etiam securior, eaque voluptate sociata, quam ex rite demonstratis veritatibus percipimus (a), eamque utilitatem post se trahens, quam ex solida agendorum cognitione sperare licet (b).

(a) L. B. de WOLFF *horæ subsecivæ, trimest. æstivo de anno 1729. Specim. I. de voluptate ex cognit. veritatis percipienda.*

(b) *Idem Trimest. Brum. Specim. I. de habitu Philosophia ad publicam privatamque utilitatem apta.*





---


# OPUSCULUM III.

DE

## UNIONE PROLIUM DUCATUS FRANCONIÆ STATUTARIA.

### CAPUT I.

#### DE FUNDAMENTO, ORIGINE, ATQUE NOTIONE UNIONIS PROLIUM, EJUSQUE SUBJECTO ET OBJECTO.

§. I.  Uamvis secundæ & ulterius reiteratæ nuptiæ tam civili, quam canonico jure permissæ reperiantur: favore tamen easdem neutiquam dignas judicarunt legislatores; quin quod odiosas semper, legibusque inimicas easdem habuerint, nemo, nisi prorsus in jure nostro hospes, ignorare potest.

§. II. Sic constat, jure civili Romanorum mulieres, ad secunda vota transeuntes, præter eas, quæ nuptias, intra annum luctus initas, comitantur, plures subire poenas, & commodo non uno privari. Removentur enim

Primo a tutela suorum liberorum impuberum, immo adhuc dum ante celebrationem secundarum nuptiarum alium petere tutorem, gestæ autem primo tutelæ rationes reddere tenentur; quod si neglexerint, simul educatione suorum liberorum privatæ, tanquam indignæ propter neglectam charitatem liberorum a successione eorundem, si impuberes

morianitur, in totum excluduntur, omniumque poenarum, quas mulieres, intra terminum luctus nubentes, sustinent, se reas faciunt (a), bonis vitrici præterea in solidum ratione tutelæ maternæ obligatis (b).

(a) *Auth. Sacramentum. C. quando mulier offic. tut. Nov. 22. C. 40.*

(b) *L. 6. C. in quibus caus. pign. & d. Nov.*

§. III. Secundo matribus, quæ in secundi matrimonii foedus nupserint, donationem, liberis prioris matrimonii factam, ex causa ingratitudinis revocandi facultas denegetur (a).

(a) *L. 7. C. de revoc. donat.*

§. IV. Tertio prohibent leges, quo minus in novum conjugem plus conferat dotis, donationis, legati, aut alio quocunque titulo lucrativo, quam reliquerit uni ex liberis prioris matrimonii, cui minimum dedit (a); ut etiam profusæ ejus ac immaturæ liberalitati in secundum maritum obveniat.

(a) *L. 6. C. d. secund. nupt.*

§. V. Et hæc quidem quoad bona matri propria obtinent. Quoad bona prioris conjugis amittit usumfructum, a prædefuncto sibi relictum, qui liberis prioris matrimonii obvenit (a). Quippe quæ maritus ususfructus titulo uxori testamento relinquit, alio jure censi debent, quam quæ pleno proprietatis jure a marito uxori semel donata fuerunt (§. VII. inf.); ut nil faciat, quod lex in his usumfructum matri reservet (b).

(a) *L. un. Cod. si secund. nupt.*

(b) *Gothofred. in Cod. Theod. ad d. l. un.*

§. VI. Dubium hic oritur, an hæc lex extendenda sit ad dotalitium, *Wittib; Siß?* quod quidem negat CARPZOVIVS (a): contrarium tamen juri & praxi Germaniæ magis convenire arbitror; cum ad casum viduitatis restrictum videatur dotalitium in solatium viduitatis (b). Accedit quod mutato viduitatis statu uxor jura prioris mariti perdat, & in domum, sacra, potestatem, forum & dignitatem novi mariti transeat (c): sententiam tamen CARPZOVII lubens admitto in casu, quo dotalitium dotem absorbet, ejusque in compensationem, non unice in solatium viduitatis concessum est (d); siquidem hoc casu non lucrativo, sed satis oneroso titulo dotalitium tenet.

(a) *In lib. 6. Respons. 55. n. 10. LUDOVICI ad D. §. 14. d. f. dot. AYBLINGER ad D. n. 20. solut. matr.*

(b) MYLERUS ab EHRENBACH. *Gamolog. Princ. ac Statuum Imperii.*

(c) L. 22. §. 1. D. *ad Municip.*

(d) Naturam dotalitii ejusque originem pulchre exposuit STRYK. *ad us. mod. Tit. de f. dot. §. 19. & seqq.*

§. VII. Denique ut Imperatores in omnibus plene prospicerent liberis prioris matrimonii, matrem, ad secundas nuptias provolantem, proprietate bonorum, ex facultatibus prioris matrimonii qualicunque titulo lucrativo adquisitorum, excidere decreverunt, retento quidem usufructu ad dies vitæ, proprietate vero liberis prioris matrimonii reservata (a). Quodsi vero nullos ex priori matrimonio habuerit liberos, vel natus native decesserint: ex benignitate, tanquam cessante causa, Imperatores (b) voluerunt, ut omne, quod quoquomodo perceperit, pleno proprietatis jure, obtineat, atque in hoc liberam transferendi, testandique, erga quem voluerit, facultatem indulserunt.

(a) L. 3. C. d. *sec. nupt.*

(b) *cit. l. §. 1.*



§. VIII. Non eadem olim severitate nuptias secundas patrum notatas fuisse, ex eo apparet, quod THEODOSII M. temporibus patrum, ad secundas nuptias convolantium, dispar fuerit ratio. Gloriosissimus dictus imperator pietati potius, pudori, religioni, & verecundiæ patrum curam, & amorem liberorum prioris matrimonii relinquere voluit, non præsumens eos tam facile cessuros novercalibus delinimentis & instigationibus. At at! quam cito cedent novis novæ conjugis blanditiis ac adulationibus? quam facile mutato thoro mutabitur pietas paterna? His justissimis causis motus THEODOSIUS JUNIOR hoc avi sui consilium in legem & necessitatem transformavit (a). Proin novo hoc jure patres & matres æqua lege tenentur, ejusdemque juris vinculo ligantur (b).

(a) Nov. Theodosii 7. unde desumpta l. 5. C. de sec. nupt. Nov. 22, Cap. 23. verb. & hac communis,

(b) GAIL. l. 2. obs. 98. n. 3.

§. IX. Has poenas putativas (ut ita eas appellem cum GOTHOFREDO, cum favorem potius liberorum, quam odium secundarum nuptiarum contineant,) auctores admodum augment, & interpretatione extendunt; inter quos videatur JOHANNES A GERRONIBUS *de septuaginta sex pœnis secundarum nuptiarum*.

§. X. Sat graves profecto, atque odiosæ videntur prædictæ poenæ: longe tamen acerbiores sequuntur nuptias, intra annum luctus præmature contractas. Siquidem 1. talis femina, contra honestatem ad secunda vota festinans, perpetua infamiæ nota notatur, honestioris, nobilisque personæ & decore, & jure privatur (a): excidit 2. commodis & bonis omnibus tam quoad usumfructum, quam proprie-

prietatem; nec ullam distinctionem facimus, an liberi ad-sint, nec ne; utpote quibus deficientibus ad proximum heredem prioris mariti omnem utilitatem devolvendam statuerunt Imperatores *in dd. LL.* illud desuper adjicientes, quod via successionis ab intestato ultra tertium gradum ipsis præclusa esse debeat (b).

(a) L. 1. & 2. C. de sec. nupt.

(b) d. l. 1. verbis: eandem quoque mulierem infamem redditam hereditatibus ab intestato, vel legitimis vel honorariis non ultra tertium gradum sinimus vindicare.

§. XI. Quod interpretes optima ratione ad viduas luxuriose viventes extendunt (a). Etenim quomodo se benigna legis memoria dignam credet, quæ tam turpiter neglexit memoriam mariti sui?

(a) GAIL, l. 2. obs. 98. n. 15.

§. XII. Vix clementiores fuere sancti Patres secundis nuptiis, aliis tamen ex principiis. Licet enim secundas nuptias non damnarit penitus primitiva ecclesia juxta dictum Apostoli (a), *Si dormierit (inquietis) vir ejus, liberata est; cui vult, nubat tantum in Domino: beatior autem erit, si sic permanferit.* Continentiæ tamen, & vitæ asceticæ studium odia gravissima iisdem concitavit. Mentem & sententiam communem Christianorum his expressit verbis ATHENAGORAS (b): *vel ut natus est unusquisque nostrum manet, vel in unicis nuptiis; secundæ quippe speciosum sunt adulterium.* Paulo aliter MINUCIUS FELIX de Christianis ait (c): *Nos pudorem non facie, sed mente præstamus; unius matrimonii vinculo inhaeremus; cupiditate procreandi, aut unam scimus, aut nullam: ut taceam alia multa testimonia, quibus veritas asserti nostri subniti-tur (d).*

(a) PAU.

- (a) PAULUS *ad Rom. c. 7. v. 2. & ad Corinth. c. 7. v. 39.* Confer etiam CHRYSOSTOM. *Homil. V. 32.* Patres Concilii Nicæni *c. 1.* qui secundo nubentes ad communionem admittendos esse contra Novatianos statuunt.
- (b) *legat. pro Christianis p. m. 97.*
- (c) *in Octavio C. 31. p. 327.*
- (d) CLEMENS ALEXAND. *lib. 3. Strom.*  
 ANTIOCHENUS *lib. 3. ad Autolycum.*  
 TERTULLIANUS *lib. 1. ad uxores c. 7.*

§. XIII. Recentiori canonum jure severior illa Patrum disciplina correctæ est, & non tantum secundæ & ulteriores nuptiæ quocunque tempore permissæ sunt (a), sed ecclesia insuper poenas infamiæ, aliasque jure civili contra secundo nubentes decretas sustulit (b), reservatis nihilominus iis, quæ in favorem liberorum prioris matrimonii justissime constitutæ sunt. Neque enim præsumendum est, S. PAULUM quidquam favori liberorum derogare aut leges publicas jura parentum, atque liberorum julte moderantes, tollere voluisse (c).

- (a) *c. 10. Caus. 31. q. 1.*
- (b) *c. 4. & 5. de sec. nupt.*
- (c) *van ESPEN J. Eccles. p. 2. Tit. 15. c. 3. n. 14.*

§. XIV. Videtur nihilominus ex disciplina & sententia Patrum primitivæ ecclesiæ de secundis nuptiis profluxisse, quod hodiebigami a sacris ordinibus excludantur (a), & secundo nubentibus benedictio sacerdotalis denegatur (b); licet consuetudine aut statuto in pluribus diocesium secundæ etiam nuptiæ benedicantur. *De quo vide Canonistas, & ritualia Diocesana.*

- (a) *Totus titulus in Jure Canon, de bigamis non ordinandis.*
- (b) *C. 3. de secund. nupt.*

§. XV.

§. XV. Variæ igitur fuere causæ, propter quas tam civilia, quam sacra canonum jura exosas habuerunt secundas nuptias. Justissimæ haud dubio inter illas habendæ sunt, quæ respiciunt favorem liberorum (a), quorum binubus aut binuba ut plurimum charitatem negligit (b), & in matre fides nulla, sed negligentia & fraus in liberos præsumitur, quæ prioribus liberis vitricum superinducit, dum mutato concubitu ab amore liberorum prioris matrimonii plerumque abalienatur.

(a) *Caus. 17. Q. 4. can. fin. causa liberorum favorabilior, quam causa pia, etiam jure poli.*

*L. 1. §. 15. ff. de ventre in poss. mit. liberi non tantum parentibus, sed etiam reipublica nascuntur.*

(b) *Nov. 22. Cap. 40.*

§. XVI. Restat, ut paucis in usum modernum dictarum constitutionum inquiramus. Id enim juris studioso præcipuum esse debet, ut, præposita theoria legum, in eandem usum practicum solertius inquirat. Quod constitutiones attinet, quibus poenæ statuuntur in conjuges, prædefunctum maritum, non, uti oportet, lugentes (§. X. sup.), eas quidem totius imperii desuetudine sublatas esse, haud pauci Jctorum asserunt (a): minus recte tamen, mea opinione, id ita generaliter adseritur. Sit enim, in uno alterove territorio eas ab usu recessisse, aut receptas nunquam fuisse: an generalem inde per totum imperium abrogationem, aut nullibi eas receptas esse, inferes? Illud admitto lubens, dictas constitutiones ad amissim juris Romani vix in imperio observari: in totum vero sublatas esse, est, quod nego, & pernego, illustre hac in re testimonium præbente jure nostro Franconico, circa parentes ad secunda vota nimis mature, violata verecundia, ante luctus exitum properantes (b), superaddita insigni differentia a jure Romano, quod mari-

tus sub dicta poena etiam per tres menses expectare teneatur (c), cum jure Romano uxores viri lugere non compellantur (d).

(a) FLECK. *Biblioth. Juris. L. 1. Tit 55. n. 10.* SICHARDUS *ad rubric. Cod. de secund. nupt.*

WESENBECIUS *in apostil. ad Schneidervv. de hered. qua ab intest.*

(b) Landg. Ord. P. 3. Tit. 107. §. 4.

Begebe sie sich aber darüber in Ehe-Stand (intellige: So sie schwanger / bevor sie der Geburt entlediget / und aus dem Kinder-Bett kommen ist (d. Tit. §. 2.); so sie nicht schwanger / vor Verfließung dreyer Monath) so sollen sie alles dasjenige / so ihr von des Manns Güter / vermög der Heyrathlichen Abrede / gebühret hat / hierdurch verwürcket haben / und solches den Kindern anwachsen; oder da keine Kinder vorhanden / auf des Manns nächste Freunde fallen.

(c) cit. Tit. §. 5. gleicher Gestalt soll der Mann zu Ehren des heiligen Sacraments der Ehe / und um schuldiger Gedächtnus willen seines verstorbenen Ehe-Gemahls innerhalb gehörter Zeit der dreyen Monathen sich zu verheyrathen auch nicht Macht haben / bey obgesetzter Straff.

(d) L. 9. D. de his qui not. infam.

§. XVII. Multo minus de usu practico illarum legum dubitandum erit, quæ bonis liberorum prioris matrimonii consultum volunt. Neque crediderim, minus hodie incumbere summis imperantibus, novercalibus blanditiis & periculis, queis bona liberorum, parentibus eorum ad secundas nuptias transeuntibus, exposita esse noscuntur, salutaribus constitutionibus obviam ire, quam pridem a Romanis Imperatoribus id factum esse monstravimus (a).

(a) STRYCK *ad us. mod. Pandect. Tit. de ritu nuptiarum.*

§. XVIII. Verum cum status non tantum imperii, sed etiam singulorum territoriorum a statu reipublicæ & imperii



rii Romani veteri haud parum differat: mirum videri non debet, leges civiles non nisi in quantum statui publico, & moribus patriæ ac territoriorum conveniunt, in imperio nostro receptas, vel saltem iis æquivalentes & similes ab ipsis Germanis legislatoribus latas, atque introductas fuisse.

§. XIX. Quapropter cum non tanto in discrimine educatio versetur, quanto bona liberorum exposita sunt: enixius prospiciendum esse rati sunt legislatores, ne quidpiam ansæ relinquatur parentibus, in bonis liberorum impune grassandi. Hinc statutis multorum locorum cautum, ut, conjugum altero ad secunda vota transeunte, liberorum bona a substantia conjugis superstitis probe separentur, atque hoc facto tutelæ curatelæve cognatorum suorum, aut aliorum virorum fide dignorum, committantur.

§. XX. At ne sic quidem satis consultum fuisse liberis prioris matrimonii, docuit & ratio & ipsa experientia. Quid enim, si prædefunctus conjux inops, superstes vero locuples extiterit? Hoc sane casu parum commodi sentient liberi prioris matrimonii, si facta separatione parenti superstiti plena facultas sit in liberos suos posterioris matrimonii omnem suam substantiam, sive inter vivos conferendi, aut post mortem, excepta fors legitima, liberis prioris matrimonii debita, relinquendi.

Quod incommodum, separationem consequens, ne liberis primi thori eveniat, statutis hinc inde sapienter provisum, atque portio totius massæ bonorum, tam maternorum, quam paternorum, determinata est, præstanda liberis, ipsorum parentibus ad secunda vota convolantibus, & aliis nonnullis casibus, de quibus consulenda statuta peculiariorum locorum.

Portio hæc statutaria in Ducatu Franconiæ consistit in duabus tertiis, in casu separationis liberis in vicem legitimæ extradendis, relicta superstiti conjugi una tertia, de qua pleno jure disponit (a). Qua dispositione sapientissima egregie consulitur liberis, & incommoda secundarum nuptiarum, bonis ipsorum maxime infesta, efficaciter præcaventur.

(a) De hac legitima sive portione statutaria Ducatus Franconiæ vid. Landg. Ordnung P. 3. Tit. 29.

§. XXI. Enimvero cum portio hæc statutaria magnam inde substantiæ partem parentis superstitis absorbeat, præsertim si repetitis sæpius nuptiis iterato hæc separatio instituenda sit; 2. tota massa propter diffusas negotiationes, aliasque ob causas absque summo dispendio & periculo separari nequeat, neque propalari bonorum quantitatem forsitan consultum sit; 3. aut denique bona ob tenuitatem separationem non admittant, nisi & alimenta liberis, & parenti superstiti honestam sese sustentandi viam præcludere velis: apparet, gravissimam subinde parentibus accidere bonorum separationem.

§. XXII. Immo subinde minus proficua etiam liberisprehenditur; ut accidit in casu, ubi ob tenuitatem totius massæ & numerum liberorum duæ tertiæ ad alimenta ipsis præstanda haud sufficiunt. Adde, quod eveniat sæpius, ut incuria & negligentia tutorum & curatorum assignatam ipsis portionem antequam ad maturam ætatem perveniant, consumtam, aut dilapidatam comperiant, (a) ita, ut quod salutariter in liberorum utilitatem constitutum erat medium, in summam ipsorum injuriam cedat.

(a) Vid. Consult. DEMERAD. in diff. J. com. & statuta. Franc. P. 4. diff. 6. n. 8. 9. 10. & 11. succincte & pulcre hæc innuente.  
§. XXI.

§. XXIII. Ast si nihilominus rei domesticæ ratio superstitem conjugem extra conjugium vivere non ferat, corporis habitus & naturæ indoles ipsum non sine scandalo aut periculo animæ vitam sine thori socio transigere patiatur? Optimum haud dubie in hac officiorum collisione judicabis, si salvis liberorum bonis & illæsa substantia parenti superstiti ad secundas nuptias transeundi via commonstretur: id quod præstitere leges patriæ in pactis, quibus primi & secundi thori liberi quoad successionem in utriusque parentis bona ita parificantur, ac si ex iisdem legitimis nuptiis prognati essent.

§. XXIV. Atque ita naturali quasi ductu legislatores nostri incidere in pactum unionis prolium (*Germanice Eine Findschafft*) æquissimis, firmissimisque suffultum rationibus, atque medium aptissimum, quo salvis secundis nuptiis earundem incommoda evitentur. Parificatis enim utriusque conjugii prolibus parum jam interest, quid quantumve in posteriorem conjugem transferant parentes superstites, utpote cui & ipsi anterioris matrimonii liberi heredes existunt; cessat periculum fore, ut substantiam bonorum augeant parentes cum privignorum dispendio; cum jam eodem & pari jure ad eandem vocentur; denique, cum utrique conjugum privigni liberorum loco fiant, mediante hoc pacto unionis, potissimæ etiam neglectæ educationis privignorum causæ concidunt.

§. XXV. Aliam adhuc rationem introducti hujus pacti suggerit laudatus supra *Clariff. DEMMERAD (a)*. Nimirum expeditum est injure, defunctis parentibus liberos ipsorum legitimos simul & naturales heredes ab intestato fieri, atque ita defuncta matre liberos ipsius solos substantiam ipsius, & quidem jure Germanico etiam acquæstus partem di-

midiam acquirere: id quod itidem de patre præmortuo dicendum. Quodsi jam contingat e. g. patrem, nulla prævie instituta separatione bonorum, matrem privignam liberis primi thori, immo tertiam, & quartam matrem liberis secundi & tertii matrimonii superinducere. Cum cujusvis conjugii liberi suæ matri succedant (b), tam in propriis ipsius bonis in matrimonium illatis, quam receptitiis, & in acquæstus parte jure Germanico: quanta quæso confusio bonorum! quot inventaria conficienda! quæ difficultates in acquæstu cujusvis conjugii determinando! Quis non videt infinita hic litium semina propullulare, uno ictu rescanda pacto unionis, provide & juxta leges patrias, fraudes omnes hic abesse jubentes, inter liberos primi & ulteriorum conjugiorum inito.

(a) DEM. *l. cit.*

(b) *Novell. de consanguineis & uterinis fratribus. L. Matris D. ad Senatus Consult. Tertull.*

§. XXVI. Et mirari sane subiret, qua ratione Romanos Legislatores, de præcavendis secundarum nuptiarum incommodis & conservatione bonorum, pupillis ex priore conjugio obvenientium, summe sollicitos, pactum hocce unionis prolium fugere potuerit, nisi ipsum Romanorum jus publicum pacta qualiacunque de futura successione detestans (a), hujus rei rationis suppeditaret. Modi quippe, bona sua post mortem in alios transferendi, publicis legibus determinati cum essent, & ipsa testamenti factio speciem legislationis præ se ferret (b): per pacta privatorum successoria juri publico derogari credidere; id quod piaculo a Romanis habitum esse constat (c). Alias rationes, sed minus adæquatas, suggerit Justinianus (d), quas suo loco relinquimus.

(a) *L.*

- (a) *L. 5. C. d. pact. convent. l. 19. & ult. C. de pactis.*  
 (b) HEINEC. *Antiquit. Rom. ad lib. 2. Inst. Tit. 10. & 11. §. 2.*  
 (c) *L. ult. D. de suis & legit hered. L. 38. D. de pact.*  
 (d) *L. ult. C. de pactis. ZOES. ad tit. de pactis.*

§. XXVII. Enimvero hæc juris Romani de pactis successoriis principia nunquam, aut saltem non sine aliqua limitatione adoptavit Germania nostra (a). Hinc mirum non est, quod unionem prolium, tanquam pactorum successiorum speciem, receperint, & approbarint Legislatores nostri, cum inter privatos etiam pacta de futura successione, nisi fors in uno alterove territorio jus Rom. obtineat, valide celebrari, quotidiana doceat experientia (b).

- (a) STRYCKII *Usus mod. in Tit. de pactis §. 13.* ubi pacta successoria, eorumque usum modernum usque ad finem tituli diligenter inquirat.  
 (b) Teste protocollo judicii provincialis.

§. XXVIII. Quando primum introductæ fuerint uniones prolium difficilis est perquisitionis, nec certo definire licet. Puto ego, eandem esse antiquissimam & consuetudine primum, ut fieri solet, a privatis introductam, post etiam publica, ac legali auctoritate in multis Germaniæ provinciis stabilitam fuisse (a). Primus, qui hujus pacti mentionem facit, est GIPHANIUS J Ctus sæculi XVI (b).

(a) RICK. *de Un. prol.*

GAIL. *l. 2. obs. 125.*

STRYCK. *us. modern. §. 9. d. adoptio.*

Landa. *Ord. P. 3. Tit. 108. & seq.*

- (b) GIPHANIUS *in tit. 11. d. adopt. ad instit. princ.* ejus verba hæc sunt: *alter adoptionis modus per matrimonium hodie nostris moribus est usitatus, quo liberi dicuntur dari in Morganaticam seu Morgengabam; nam sæpe fit, ut instrumento nuptiali pactum inferatur, quo liberi antea suscepti ex altero duntaxat, communes fiant.*



*fiant, & quasi adoptentur. Refert ibidem septem adoptionis modos.*

§. XXIX. Quando vero superius allegato loco STRYCIUS & THOMASIIUS (a) rarissime in praxi occurrere pacta unionis prolium asserunt: id quidem eidem quoad partes & provincias Saxoniae & Germaniae inferioris concedimus, neutiquam vero de Ducatu Franconiae & adjacentibus provinciis, ubi teste experientia pacta unionum prolium sunt frequentissima, & quotidie celebrantur.

(a) THOMAS. *in diss. d. adopt. §. 6. lit. f.*

§. XXX. Justitiam hujus pacti sat firmis rationibus supra (§. XXIV.) evicimus. Neque obstat, quod propter mediocritatem bonorum novi conjugis bonis liberorum prioris matrimonii longe superioribus, his per ejusmodi pacta parificatoria praëjudicium, & inæqualitas accrescat. Videbimus enim in sequentibus, quod & hic cautæ fuerint leges nostræ Reservatum & Præcipuum constituentes iis, quorum bona alterius bonis longe sint pinguiora (a).

(a) Landg. Ord. P. 3. Tit. 121. Von dem Voraus/ auch wie und wovon derselbig gemacht/ und wenn er gegeben werden soll. & inferius Cap. 3. §.

§. XXXI. Pactum hoc unionis prolium in genere definiri potest, quod sit pactum inter parentes binubos, de liberis, ex diverso matrimonio natis, aut nascituris, utriusque conjugis parificandis initum.

§. XXXII. Enimvero cum in societate civili legeslatores naturalibus negotiorum & contractuum determinationibus civilia insuper requisita addere & formam novam superinducere soleant, cujus rationes jurisprudentia legislato-

latoria suggerit (a): in definiendis negotiis, & pactis civilibus ad determinationes civiles utique respiciendum, & ea definitionibus inferenda, quæ ex sola voluntate legislatoris, non per se invicem determinantur. Definitio itaque unionem prolium juxta jus nostrum Franconicum, quod sit actus, sive conventio legitima, qua causa cognita, judicii provincialis auctoritate, eorumque, quorum interest, consensu accedente, parentes, ad secundas nuptias transeuntes, liberos ex diverso matrimonio susceptos, vel suscipiendos, utriusque conjugis parificant. (b)

(a) L. B. de WOLFF. *Politic. Cap. 6.*

(b) Landg. Ordn. P. 3. Tit. 108. §. 1. Und also alle zu gleicher Erb-  
gerechtigkeit stehen sollen/nicht anders als wann sie alle aus einer  
Ehe geboren wären &c.

§. XXXIII. Pactum hoc unionis prolium multa cum adoptione juris Romani, qua in locum filii vel nepotis adsciscitur is, qui natura talis non est, communia habet. Sic ratione modi unio prolium convenit cum adoptione; quod consensus parentum, & certa ratione liberorum, utrinque accedere debeat; quod neutra absque auctoritate magistratus fieri queat; quod sicut adoptio, ita & unio prolium tribuat jus succedendi, illa quidem ab intestato, hæc ex pacto &c.

(a) Propter hanc similitudinem in vicem adoptionis juris Romani successisse unionem prolium haud pauci existimant.

(b)

(a) De similitudine unionis prolium fusius agit RICKIUS *dictotrac̃t. d. un. prol. c. 9.* ubi enumerat 36. articulos, in quibus cum adoptione conveniat.

(b) THOMASIUS *in diff. d. adopt. §. 6. lit. D.*

§. XXXIV. At si rem rem propius pensites, finem & effectus utriusque negotii accurate perpendas; magnam

A a

sub-

subesse differentiam deprehendes. Id solum recollige, adoptionis finem esse 1. conservationem familiarum, ne sacra privata, foci, & aræ domesticæ interirent; 2. ut orbitatis & legis Papiæ Poppææ poenam effugerent Romani cives, πολυπαιδίας præmia participarent; 3. quibus accedebat ambitio dignitatum e. g. Tribunitiæ dignitatis, cujus patricii ordinis cives incapaces erant, nisi plebejo sese adoptandos dedissent. (a) Cogita effectus prorsus esse diversos unionis prolium, neque jus agnationis neque gentis, sicut in adoptione contingit, (b) imo secundum pleraque locorum statuta nequidem patriam potestatem tribuere (c), & centum inde deduces consecutaria, quæ in unionis nostræ pactum neutiquam quadrant (d): ut debilis & imperfecta admodum sit comparatio adoptionis cum unione prolium, quæ nihil aliud est, quam pactum successorium juris Germanici.

(a) Causas adoptionis solide demonstrat HEINECCIUS *Antiq. Rom. Tit. 11. §. 1. & seqq.*

(b) vid. *tot. tit. Inst. de adopt. & HEINECCII Elementa Fur. Civ. juxta ord. Inst. d. tit. §. 175.*

(c) De jure tamen Franconico aliud dicendum. Nam cum juxta demonstranda *cap. 3. §. 2.* effectus hujus unionis in Franconia sit patria potestas: multa sane consequuntur, quæ & adoptioni communia sunt.

(d) Has differentias collegit idem RICK *cit. loc. n. 38.* JO. WILHELM. HART. *d. un. prol. C. 7. Th. 11. & alii.*

Præcipuæ sunt. 1. quod feminæ unire quidem, non vero adoptare possint, nisi ex indulgentia Principis in solatium liberorum amissorum. 2. Privignus frater sororem privignam unitam durante unione uxorem ducere potest, non adoptatam. 3. Ut uniens unitam plena pubertate excedat non requiritur. 4. Unio etiam fiat liberorum nasciturorum. 5. Unio semper supponat matrimonium: quæ omnia secus se habent in adoptione. *§. 10. Inst. de adopt. §. 4. Inst. de nupt. §. 3. de adopt.*

§. XXXV. Subjectum, sive personæ, inter quas pactum  
tum

tum hoc unionis celebratur, sunt personæ unientes, & uniendæ. Personæ, quæ primas in unione hac perficienda partes gerunt, sunt conjuges, ad secundas nuptias transeuntes, qui liberos ex priori matrimonio superstites habent. Unio enim prolium necessario supponit matrimonium secundum contractum, aut contrahendum; nec minus liberos uniendo adesse debere ex ipsa definitione liquet (§. XXXII.). Nec refert, utrum amborum conjugum, an alterutrius tantum sint secundæ nuptiæ. Nuptiarum etiam secundarum nomine hic intelligimus omnes, quæ non sunt primæ; itaque etiam tertias, quartas, & ultiores comprehendimus.

§. XXXVI. Inter quos igitur secundæ nuptiæ esse possunt, & qui liberos ex priori matrimonio superstites habent: eos unire posse constat.

§. XXXVII. Unde nec sexagenario facultatem proles uniendi denegamus; quia sola senectus non impedit matrimonium, quod in multis, ut in senibus, legis est obsequium & humanitatis solatium (a).

(a) *Can. 13. Caus. 31. 2. 1.*

§. XXXVIII. De Spadone idem dicendum. Ita nemoribundus excluditur; cum ipsius matrimonium subsistat (a).

(a) *ZOES. ad f. Can. L. 4. tit. 17. n. 14. & gloss. qui filii sint legitimi n. 9.*

§. XXXIX. Ex adverso castrati, & qualescunque alii ad matrimonium ineundem inhabiles a facultate, pactum hoc ineundi, excluduntur.

§. XL. De Judæis quæritur, an liberos suos unire possint? quod haud dubie affirmandum. Est enim inter eos verum matrimonium, saltem legitimum, & quatenus est contractus civilis; id quod sufficit ad effectus civiles ipsi im. pertiendos (a).

(a) Idem confirmat *Reformat. Francofurt. hoc. tit. thes. 32.*

§. XLI. Inter Nobiles haud adeo frequens occurrit unio prolium; cum plerumque pactis familiæ, & hereditatum conservativis, & renunciativis sibi, & liberis suis prospicere soleant. Adde, quod plerumque feudalia bona teneant, quorum successio jure feudali, aut pacto, & providentia ordinata est. Interim inde arguere non licet, unionem prolium inter Nobiles prorsus cessare, aut sublatam esse. Quid enim obstat, quominus in bonis allodialibus, aut feudis mere hereditariis, si ita visum fuerit, nec pacta familiæ repugnent, liberos suos uniant?

§. XLII. Major dubitatio est, an vitricus, aut noverca privignos, ex priori matrimonio sibi unitos, reiterato in sequentibus nuptiis unire possit? Affirmat id expresse ordinatio judicii provinc. Franc. (a). Verum cum ejusmodi privigni captionibus, ita & insidiis vitrici & novercæ expendantur (b); quippe deficiente affectu, & amore naturali magis amore bonorum, quam liberorum unio in hoc casu peti præsumitur. Speciali igitur cautela hic opus esse judicaverunt legislatores, & saluberrime ordinarunt, ejusmodi unionem non nisi coram judicio provinciali valide fieri (c); cum alias etiam extra judicium, aut aliis coram judiciis, accedente solum confirmatione judicii provincialis, celebrari possit, uti infra videbimus.

(a) Landg.



- (a) Landg. Ordn. P. 3. tit. 115. §. 1. Nun begiebt es sich aber oft / wann derselbig recht Vater / oder Mutter hernacher auch gestorben / daß der überbleibende Stief-Vater / oder Mutter sich wiederum verheyrathen / und abermahl eine Einkindschaft auf künftige Kinder aufrichten wollen / dadurch die Kinder unter allerdings Stief-Vater / und Stief-Mutter eingestekt werden.
- (b) *Ibid.* §. 2. Weil dann solches denselben Kinderen ganz gefährlich ic.
- (c) *Ibid.* §. 3. Als wollen / sehen / und ordnen wir / daß zu mehrerer Sicherheit solche Einkindschaften weder in Ehe-Vettheilungen / noch Verträgen / sondern allein vor Unserm Landgericht sollen aufgerichtet werden.

§. XLIII. Porro ex eo, quod in hoc contractu exacta cognitio, utrum unio liberis expediat, præcedere debeat (§. XXIV.): facile colligitur, non valere unionem ad parentes futuros, & incertos; quia sic iudex scire nequit, an liberis sit proficua(a). Hinc tales uniones expresse reprobant jura statutaria Ducatus Franconiaë.(b)

- (a) Eandem rationem assignat Landg. Ordn. P. 3. tit. 112. §. 1. viel weniger bedenken mögen / ob die Einkindschaft den Kindern nützlich / oder nachtheilig / also das fürnehmste *Requisitum* der Einkindschaft nicht gehalten / noch erwogen worden.
- (b) *cit. tit. §. 2.* So wollen Wir solche Unordnung / und eingeschlichenen Mißbrauch hiermit abgethan / verworffen / und weiter statuiren / verordnet / und befohlen haben / daß keinem auf ein künftig Weib / oder Mann / und also ungewisse und unbekannte Personen ein Proclamation gegeben / vielweniger solche Einkindschaften an Unserem Landgericht gemacht und bestätiget werden sollen.

§. XLIV. Porro uniendi facultas non tantum patri, & matri, verum etiam avo & avia, qui parentum loco habentur, competit; ut proin libere nepotes suos unire valeant, & hoc non tantum, si ipsi ad secundas nuptias

convolent; sed tum quoque, si illorum liberi, ad secundas vota transeuntes, accedente avi, aviæque consensu, ita liberos suos uniant, ut avo, aviæque, perinde ut sui nepotes, succedant (a) Ubi tamen avi, aviæque consentire debent; nam unio prolium alioquin ipsis præjudicio non esset. (b)

(a) Landg. Ord. P. 3. tit. 119. §. 5. Burden aber 2c.

(b) Plura circa hunc casum vide in cap. 3. de effectibus.

§. XLV. Personæ uniendæ sunt liberi sive puberes, sive impuberes, sive nati, sive nascituri (a), sive primi, sive ulterioris gradus; modo ex justis, diversis tamen nuptiis sint procreati. Ubi enim nullum præcessit matrimonium, ex quo liberi adsint ex parte alterutrius conjugis: unio prolium locum non habet. Hinc vel ab utraque, vel ab una saltem parte & matrimonium, & liberi ex eodem superstites requiruntur.

(a) RICKIUS *cit. loc. cap. 9.*

§. XLVI. In uniendis liberis tres diversi casus occurrunt. Aut enim tam ex parte matris, quam ex parte patris matrimonium antecessit, ex quo liberi supersunt, vel ex una tantum parte, matris vel patris scilicet. Primo casu dupliciter fit unio: vel enim 1. privigni inter se tantum parificantur; vel 2. privigni ex utroque latere cum liberis ex novo matrimonio nascituris peræquantur: ut e.g. pater cajo ex priore matrimonio habens liberos Sempronium, & Mævium, mater Florentia ex priore matrimonio habens Florianum, & Julianum: Cajo & Florentia matrimonio junctis, id tantum agi poterit, ut Sempronius, Mævius, Florianus, & Julianus mediante unione prolium parificentur, vel ut hi liberi conjunctim cum liberis nascituris ex nova hac conjunctione uniuntur. Vel 3. si ex una tantum parte conjugium fertile, & ex quo liberi supersunt, antecessit: hic non potest unio  
aliter

aliter fieri, quam ut hujus conjugis liberi extantes cum liberis nascituris uniantur. Libuit hic innuere diversos hos casus, licet quoad effectus parum momenti in unione prolium habere videantur.

§. XLVII. Cum liberi naturales matri perinde ut legitimi succedant (a): a matre etiam uniri posse naturales liberos verius est; præcipue quia unio successionis maxime æqualis commodum spectat. De patre non idem videtur, nisi legitimated fuerint; neque enim pater censetur, nisi quem nuptiæ demonstrant.

(a) *L. 2. D. unde cognati.*

§. XLVIII. Objectum unionis prolium constituunt bona tam paterna, quam materna, præsentia & futura, talia tamen, quæ dependent a libera dispositione parentum, & liberorum. Unde non procedit hoc pactum in bonis avitis, extra familiam alienari prohibitis; (a) nec in bonis majoratus, primogenituræ, nec in feudis antiquis non ex substantia patris, sed ex provisione primi acquirentis provenientius. (b) Si enim novum foret feudum, a patre pro se, & heredibus emtum, aliud dicendum foret; cum dependeat adhuc ab arbitrio patris: (c) nec etiam procedit in fideicommissis familiarum. Talia enim fideicommissa pro familiæ & agnationis conservatione constituuntur; unio vero jus sanguinis, & agnationis non operatur (d).

(a) Ad unionem non sunt trahendæ res, quas liberi præcipuas habent, ut sunt feuda &c. RICK. c. 5. n. 54. HAHN *de Jur. rer. cap. 10. n. 4.*

(b) *Idem* RICK. cap. 5. n. 11. & 12.

(c) NICOL. BETS. *de pact. famil. illustr. cap. 5. sub fine.*

(d) *Arg. L. 24. de pact. & L. 8. ff. R. J.*

CAPUT

## CAPUT II.

## DE MODIS CONSTITUENDI UNIONEM PROLIUM.

§. I. **U**Nionem prolium pactum esse diximus, est tale, quod non inter simplices & naturales conventionum limites subsistit, sed quod insuper propter prægnantes rationes (a) modo, & forma civili vestitum est, uti ex ipsa ejus definitione (cap. I. §. XXXII.) elucescit. Quod si noveris, tum ea, quæ ad pactum hoc stabiliendum essentialiter, & ex ipsa sui natura requiruntur, tum quæ in eo constituendo leges civiles, & statutiariæ observari jubent: modum intelliges, quo unio prolium erigitur. Est etenim modus determinatio eorum, quæ ad rem aliquam actui dandam requiruntur. Enimvero cum varie requisita ista determinari non implicet, tam ratione personarum, temporis, loci, quam auctoritatis superioris: varios modos uniendi proles constitui posse constat.

(a) Landg. Ord. P. 3. tit. 108. §. verb. und aber darbey leichtlich allerhand Schaden und Nachtheil/ einer/ und anderer Ehe-Kindern zuwachsen kan/ wo nicht sowohl die Obrigkeit/ als Freundschaft/ und Angewannte der Vater- oder Mutterlosen Kinder/ ein gutes Aufsehen haben/ damit dieselbe nicht vernachtheilet werden: als haben Wir/ wie/ und welcher Gestalt solche Einkindschaften/ in unserm Stifft Würzburg/ und Herzogthum zu Franken aufzurichten/ diese folgende Verordnungen thun wollen.

DEMMER. p. 4. diff. 6. n. 19. GAIL. lib. 2. obs. 125. n. 5.

RICK. de Un. prol. Cap. 9. n. 19.

§. II. Determinationibus essentialibus, sine quibus ens in rerum natura neque esse, neque concipi potest, in legibus

legibus positivis æquivalent determinationes legales, h. e. tales, quæ non secus, ac ipsa negotii essentialia intrinseca, requiruntur ad id, ut actus civilis vim & effectum sortiatur, eaque de substantia negotii esse dicuntur. Dubium itaque non est, quin ea, quæ in constituenda unione prolium necessario observari præcipiunt leges, sint de ejus substantia, eaque neglecta totum actum, sive unionem prolium, infirmant, seu potius impediunt (a): id quod eatenus cum celeberr. & consultiss. D. DEMERAD (b) extendimus, ut unio nullo modo rata, aut firma pronuntiari valeat, licet postea appareat, eandem liberis non damnosam fore (c). Omissa enim debita & formali sollemnitate, totus actus vitiatur (d); nec iudex actum validum pronuntiare potest, qui ipso jure nullus est.

(a) RICKIUS *ibid.* n. 49.

(b) DEMMER. p. 4. diff. 6. n. 15.

(c) Ita de rigore juris; qui, quin accedentibus specialibus æquitatis rationibus in uno, alterove casu temperari possit, ipsa æquitas dicitur.

(d) L. 5. Cod. de LL.

§. III. Variant requisita in unione prolium observanda (§. I.): hinc & modi uniendi proles non uni sunt, iidemque in omnibus locis. (a). Consulenda hic, ut in arbitrariis omnibus, & juribus non uniformibus, nec generaliter receptis, statuta locorum diversa. Nos prætermisiss aliarum provinciarum usibus, & consuetudinibus ex statutis Ducatus Franconici modos istos determinatum imus.

(a) *Reform. Worm. von Einkindschaften Württembergis. Landg. Ord. eod. Statut. Francofurt. eod. &c.*

(b) De modis uniendi proles agit pars. 4. Landg. Ord. tit. 9. 10. & 11.



§. IV. Id faltem monemus, unionem in uno loco rite, ac legitime celebratam, etiam valere in alio loco, ubi plures, vel aliæ sollemnitates requiruntur ex communi, & recepta opinione DD. id statuentium, quod lex, sive statutum, disponens circa sollemnitates actus, effectus etiam suos extendat extra territorium (a). Principium enim generale est, quod quoad sollemnitates semper inspiciatur locus, ubi res agitur, tam circa contractus, quam circa ultimas voluntates, & præsertim actus, quos vocant voluntariæ jurisdictionis (b).

(a) *Arg. L. 6. de Evict. vid. de hoc themate ULR. HUBER. in dissert. de conflictu legum in diversis imperiis: subjuncto tit. ff. de legibus in prælectionibus suis Fur. Civ. ubi doctissime hanc sententiam ex jure gentium demonstrat.*

(b) GAIL. L. 2. Obs. 123.

§. V. Quid si parentes cum liberis suis unitis in aliud territorium migrent, ubi unio plane non, vel non eo modo recepta est, an parificatio sustineatur? id quod similiter affirmandum esse existimo; quia ex hoc pacto utrimque jam modo jus quæsitum est, quod non sine justa causa iis auferendum erit.

§. VI. Uniuntur autem proles in Franconia vel extra judicium, vel in judicio. Si extra judicium, tunc unio constituitur vel ante matrimonium in ipso nuptiali contractu, vel stante matrimonio per pactum speciale. Hinc triplicem modum, sive potius tres species unionis prolium constituerunt leges nostræ provinciales (a).

*Primus modus, sive species est, quando initur ante matrimonium, & partem ipsius contractus nuptialis efficit (b). Alter modus, quando quidem post nuptias primo consti-*  
tui-

tuitur, rursum tamen extrajudicialiter (c): *tertius* denique, quando in ipso iudicio erigitur sive ante, sive post nuptias contractas (d). Præter hos nullos in Franconia uniendi modos agnoscimus, ita ut ne quidem in testamento parentes liberos suos unire queant (e).

- (a) Landg. Ord. P. 3. tit. 108. §. 3. verb. nämlich/ und erstlich/ als bishero auf dreyerley unterschiedliche Weisen / die Einkindschaften in unserm Stift / und Herzogthum aufzurichten herkommen; bey öffentlichen Heyraths - Bethaidigungen / sodann ohne dieselben durch absonderliche Vergleichung/ Pacta, oder Beding zwischen den Aeltern / und der Kinder Freundschaften; und dann letztlich vor unserm Landgericht Herzogthums Franken: Als lassen wir es bey demselben Herkommen auch nachmahls bewenden.
- (b) De hoc agit tit. 109. wie in Heyraths - Bethaidigungen die Einkindschaften aufgerichtet werden.
- (c) Tit. 110. von Einkindschaften / so außershalb der Ehe - Bethaidigung durch Verträge aufgerichtet werden.
- (d) Tit. 111. von Einkindschaften / so am Landgericht aufgerichtet werden.
- (e) Landg. Ordn. P. 3. tit. 116. p. 101.

§. VII. Hisce modis, sive potius speciebus unionis prolium peculiaris sua forma, & requisita ad excludendas fraudes, & dolum præscripta sunt. Horum quædam generalia sunt omnibus modis communia, quædam propria. Nos primo requisita communia ordine recensebimus, subjuncturi, quæ in quovis modo peculiariter observanda occurrunt.

§. VIII. Omnes conventiones ex consensu paciscantium validitatem suam nanciscuntur. Quare cum parentes in unione prolium sint paciscentes (C. 1. §. XXXV): ex ipsorum consensu utique ejusdem validitas pendet: cui accedit alia ratio juris civilis, ne scilicet parenti invito suus agnascatur

B b 2

heres

heres (a). Hinc primum requisitum generale est consensus parentem unientium.

(a) *Arg. §. 7. Inst. de adopt.*

§. IX. Hic consensus omnino liber esse debet. Libertas enim pactis essentialis est. Atque ita ne quidem auctoritate judicis parentes ad liberos uniendos compelli queunt; cum invitus nemo cogatur contrahere (a).

(a) *L. 19 C. de f. deliberandi.*  
*L. 11. C. de contrah. emt. & vend.*

§. X. Cum unio prolium damnum, aut emolumentum liberorum respiciat, prout vel in præjudicium, aut in utilitatem eorum contrahitur: non mirum, si leges consensum liberorum adhibendum esse necessario voluerint. Necessitas hujus requisiti ex ipsa etiam definitione unionis prolium elucescit (C. 1. §. XXXII.)

§. XI. Consensum tamen liberorum intelligi velim, qui ejus sunt ætatis, ut consentire possint; quam distinctionem probe observat jus nostrum provinciale, ad id attendens, utrum liberi majorennēs, puberes, an impuberes sint. Impuberum consensus non requiritur; cum nondum consensus in jure nostro habeant (a): valide nihilominus uniuntur, nec puberes facti eam impugnandi facultate gaudent (b); quæ enim ipsis deest consentiendi facultas, affatim aliunde suppletur. Majorennium autem assensus necessario, requiritur, ita quidem ut indistincte absque ulteriori inquisitione ex illorum consensu, aut dissensu unio vel subsistat, vel concidat (c). Quod puberes attinet, eorum quidem consensus de jure Franconico expressè requiritur (d). Cum vero inter omnes constet, fragile esse, & infirmum minorennis ætatis

ætatis consilium (e): eorum consensus non sufficit, nisi stipatus sit consilio, & consensu cognatorum, aliorumve bonorum virorum. (f)

(a) videantur Auctores ad Titulum de *auctoritate Tutorum*.

(b) Landg. Ord. P. 3. Tit. 111. §. 11. *versf.* und mögen hernacher durch die gleichgemachte Kinder / so sie mündig / und zu ihren vollen Jahren kommen sind / mit nichten hintertrieben werden.

(c) *cit. loc.* §. 15. wann auch Kinder / welche eines vollkommenen Alters / und Verstandes vor unser Landgericht kommen / und eine Einkindschaft begehren / und willigen / die sollen Landrichter / und Besizer ohne fernere Inquisition zu bestrafen schuldig seyn.

(d) *cit. tit.* §. 13. jedoch ist 2c.

(e) L. 1. ff. de *Min.*

(f) Landg. Ord. *cit. tit.* §. 14. es sollen aber auch nichts desto weniger / derselben Kinder nächste Blutsfreunde / von dem verstorbenen Vater / oder Mutter / oder in Mangel deroeselden / andere zwen / oder mehr ehrliche Männer / so wie oben gehöret / aller Umstände / und Gelegenheit Wissenschaft haben / erfordert / gezogen / und auf deroeselden Gutachten / mit Aufrichtung der Einkindschaften verfahren werden.

§. XII. Quemadmodum autem leges, quæ consensus requirunt in negotio, aut contractu, de consensu libero, & spontaneo intelligendæ sunt: ita neque in unione qualiscunque consensus sufficit, sed & libere, & expresse liberi consentiant, necesse est.

§. XIII. Minime itaque sufficiet consensus, vi metuque extortus. Licet enim vi adactus velit, non tamen spontaneè vult, neque propter motiva rei in-sed extrinseca, ab alio sibi obtrusa, qualia ad obligationem producendam neutiquam sufficiunt. Illegitima est talis voluntas, neque jus facit, nisi jam ante vim, metumve illatum, tale pactum perfectum

fuerit. Quare cum consensus liberorum vi metusque extorqueatur, si pater eos minis atrocioribus, vel verberibus ad consentiendum trahit: non erit ratihabendum ejusmodi pactum.

§. XIV. Quo autem dicta obtineant, requiritur, ut metus ille non sit vani hominis, sed qui in constantem virum cadit (a). Non itaque sufficiunt minæ leviores (b), nec metus levis. Sibi enim, & pusillanimitati suæ hoc imputet; quod in casibus occurrentibus prudenti judicis arbitrio relinquendum, qui pro varietate circumstantiarum, sexus, & ætatis determinet, an metus ad excludendum consensum sat gravis fuerit, nec ne. Inde huc referri nequit, si quis fors ex reverentia erga parentes unionis pactum inierit. Liberi enim libere parentes reverentur. Eapropter si ex reverentia consenserint, consensus eorum utpote omnis coactionis expers pro libero utique habendus, pactumque nihilominus validitate sua subsistet.

(a) *L. 6. Tit. quod metus caus.*

(b) *L. 9. Cod. cod.*

§. XV. Plerumque tamen, cum uniones prolium fiunt, liberi in ea ætate constituti sunt, qua vel omnino non; vel saltem minus perfecte ob imbecille animi judicium consentire valent. Hinc tertium descendit requisitum, scilicet consensus cognatorum, præsertim illorum, qui liberis conjuncti sunt ex parte parentis prædefuncti (a); hi enim ob naturalem & innatum amorem utilitati liberorum omnium optime vigilare censeantur.

(a) *Sandg. Ordn. P. 3. Tit. 109. §. 1. vers. fürnemlich aber diejeniger so von dem verstorbenen Vater/ oder Mutter herrühren.*

§. XVI.



§. XVI. Sin autem tales cognati reperiri nequeant? ad minimum duo alii boni viri, tanquam tutores, & curatores liberis uniendis adjungendi erunt<sup>(a)</sup>; ut horum stipati præsidio omnem fucum, & collusionem fraudulentam ab unionis actu suscipiendo abesse judicem edoceant.

(a) Landg. Ordn. cit. §. vers. sonst andere ehrliche / verständige / unverdächtige Männer.

§. XVII. Horum partes in eo potissimum versantur, ut sincere, & fideliter omnes circumstantias trutinent; facultates liberorum uniendorum, & parentum unientium rite explorent; in vitam, & mores novi conjugis diligenter inquirent; nihil denique eorum prætermittant, quod ad emolumentum liberorum spectare quavis ratione possit (a).

(a) Landg. Ordn. P. 3. tit. 109. §. 1. & 2. Tit. III. §. 5.

§. XVIII. Ut autem eorum vigilantia, & cura erga liberos uniendos eo minus sit suspecta, & ex ipsorum etiam parte omnis fraudis opinio removeatur: religione jurisjurandi eos adstringendos esse voluere leges nostræ (a); quod putent, & sincere credant, hoc unionis pactum liberis in universum salutare futurum.

(a) Landg. Ordn. P. 3. cit. tit. §. 2. verb. diese Freunde / oder darzu sonderlich verordnete Männer / sollen bey ihren Pflichten / damit sie den Herrschaften verwandt sind / ohne allen Respect der Personen / dasjenige handeln / und machen / daß in Bedenken allerley Umstände / und Gelegenheit der Personen / auch deroselbigen Vermögens / sie dafür halten / und achten / das den Kinderen am nüttesten / und besten seye; es werde gleich dadurch die vorhabende Einkindschaft geschlossen / oder wann dieselbig den Kinderen vor nachtheilig befunden / die Abtheilung der Güter verabschiedet.

§. XIX. Ex officio, quod bonis ejusmodi viris incumbit, consequitur, tales eos esse oportere, qui exasciatam tam liberorum uniendorum, quam parentum unientium notitiam habeant (a). Minime igitur admittendi erunt nuntii judiciales, aut alii, qui aut nulla, aut levi saltem notitia sunt instructi, cujus defectus liberis maxima damna parere posset (b).

(a) Landg. Ordn. P. 3. cit. tit. §. 1. vers. so der Aelteren / auch der Kinder Wandel / Wesen / Nahrung / Reichthum / und aller ihrer Gelegenheit halber / nothwendige Wissenschaft haben.

(b) Landg. Ordn. P. 3. tit. III. §. 4. vers. und nicht (wie ein Zeitlang / nicht mit geringem Nachtheil der Kinder beschehen) Landgerichts-Bothen / oder andere Leute / so weder die Aelteren noch Kinder bekannt.

§. XX. Quodsi nec boni viri, quales descripsimus, inveniri queant: parentes unientes adeant magistratum loci, ubi degunt, & clausas ab eo literas impetrent, in judicio provinciali producendas; ut ex his eluceat, utrum magistratus municipalis, & loci ejusmodi unionem liberis proficuum existimet, an secus (a).

(a) Landg. Ordn. P. 3. Tit. cit. §. 8. verbis: im Falle aber die Eheleute weder Freunde / noch andere ehrliche Personen / wie oben verordnet / zu Aufrichtung ihrer vorhabenden Einkindschaft / könnten mitbringen 2c. p. 101.

§. XXI. Enimvero licet omni adhibita cautela, & fidelissime pactum unionis fuerit perfectum: contingere tamen ex post poterit, ut parentes helluationibus, computationibus, aliisque dilapidationibus non propriam tantum, sed liberorum insuper unitorum substantiam deperdant, & absument. Hisce ut obicem ponerent legislatores nostri,

pru-

prudentissime prospexerunt, ut prædicti tutores, boni viri, cognati, magistratus municipales etiam post perfectam, & numeris suis absolutam purificationem (eorum officio in tantum perdurante) parentum moribus, & vitæ rationi invigilent, & si fors eam liberis, eorumque bonis damnosamprehenderint, judici parentum competenti id absque mora denuntient (a). Quo casu judicis officium erit, parentes a prodigalitate, minusque frugali eorum vita dehortari, poenis, carceribus, aliisque remediis abstrahere, aut hisce nihil proficientibus iudicio provinciali id denuntiare (b).

(a) Landg. Ord. P. 3. Tit. 117. rubric. daß zum Fall übel Hausens/ der gleich gemachten Kinder Freunde/und Vormünder/der gemachten Älteren Unwesen/ an die Obrigkeit bringen sollen.

(b) cit. tit. §. 2. es sollen jezt gemeldte jede vorgesezte Obrigkeit und Diener für sich selbstn bey ihren Pflichten auf solches ein fleißiges Aufmerken haben/ und diejenige gemachte Väter/ oder Mütter/ so sie/ wie gehöret/ des beschwährlichen Hausens mit ihren angenommenen Kinderen/ und derselben Güteren schuldig seyn befinden werden/ nach Gelegenheit der Sachen/ mit Verweisen ihres Hausens/ auch mit Straff/ und Gefängnus/ und dergleichen Wege/ von ihrem unfugsahmen Wesen abhalten; und da über solches a les bey ihnen kein Aufhörensseyn wollte/ die Sachen samt deren Beschaffenheit umbständlichst an unser Landgericht bringen.

§. XXII. Quodsi vero viri probi, tutores, curatores, aut consanguinei aliive magistratus municipales in eo negligentes extiterint: non tantum actiones, in casu tutelæ, aut curatelæ male gestæ, jure proditæ, contra eos conceduntur; sed præterea poena arbitraria pro negligentia, & culpæ gradu in eos constituta est (a).

(a) Landg. Ordn. P. 3. cit. tit. §. 4. würden aber die gehörte Vormünder/ Freunde/ oder unsere verorducte Diener/ und vorgesezte Obrigkeit in deme/ wie oben gesezt/ säumig/ oder nachlässig

läßig befunden: Sollen sie vorderst derjenigen Sprüchen/ welche die Rechte gegen die saumseelige Vormünderen / oder Obrigkeiten verstaten/ so wohlernstlicher unnachlässlicher Straff/ zu uns sich zu versehen/ und endlich zu gewarten haben.

§. XXIII. Quid si consanguinei in unionem consentire nolint, pater vero eos unire velit, an unio sit confirmanda? Regulariter id affirmandum esse censeo, (a) cum nullus amor vincat paternum (b). Non igitur iudex nimium consanguineis credat, qui nonnunquam lucri sui gratia, aut odio patris asseverare quid solent; quo casu iudex aliquid, præcipui convenientis nomine, liberis appropriare, unionemque confirmare poterit, si liberis ita expedire visum ipsi fuerit. Quod si vero iustas dissensus consanguineorum causas invenerit; unionem parenti arbitrio suo discreto denegabit.

(a) *Ita decisum fuit am Landgericht nach Invocarvit, den 5ten Martii 1723. in Sachen Hansß Görg Brandenstein / Amts Carlstadt / contra Friederich Mittnacht / und Niclas Bartenstein zu Neßbach.*

(b) *L. furiosis §. 1. C. de Curat. furios.*

§. XXIV. Quarto in omnibus unionibus requiritur, ut instrumentum, sive proclama, super unione prolium conficiatur. (a) Est autem proclama scriptura, quæ continet modum, & conditiones, sub quibus parentes hoc pactum inire intendunt, iudicio provinciali exhibenda, ut illud approbet, & publicari faciat.

(a) *Landg. Ordn. P. 3. tit. 113. Rubr. über alle Einkindschaften sollen Proclamata ausgehen.*

§. XXV. Ut itaque proclama legitime fiat, requiritur præter ea, quæ diximus, ut in iudicio provinciali approbetur, proximis consanguineis intimetur, ac denique in ecclesia

sia cathedrali, aut parochiali, cui liberi, & parentes subsunt, publice legatur; quo omnibus, & singulis idem innotescat, ut, si fors unus, alterve quidpiam contramonere velit, id mature indicet, id quod cuilibet de populo competere nemo dubitat arg. desumpto ab accusatione suspecti tutoris (a); quippe favor pupillorum publicus est. Hac publicatione peracta denuo proclama simul cum attestato parochi de publicatione judicio provinciali ad confirmationem transmittendum erit (b).

(a) Vid. tit. in Inst. de suspectis Tutoribus.

(b) De requisitis proclamatis legatur die Landg. Ordn. cit. tit. 113.

§. XXVI. Hisce præviis accedat 5to necesse est auctoritas, consensus, & confirmatio magistratus, qui tamen non simpliciter auctoritatis gratia adhibendus, sed cum exacta causæ cognitione. Judex enim hac in parte vices parentum, & consanguineorum agere, ac geminatum pietatis officium præstare debet, (a) ut si in prædictis defectus aliquis resideret, per magistratum, qui vere paternum, & maternum animum induere tenetur, suppleatur; nec nimium tutoribus, vel consanguineis credat. Hinc rejecto consilio cognatorum, aliorumque ponderatis circumstantiis, ceterisque motivis, pro variis, qui accidere possunt, casibus, quod sibi optimum factu videbitur, amplectatur (b).

(a) Arg. L. 19 ff. de rit. nupt. L. 7. C. qui admitt. ad bon. poss.

(b) Landg. Ordn. P. 3. tit. 109. §. 3. vers. daselbsten auch / ob solche abgeredte Einkindschaft den Kinderen nuß / oder nicht nuß sey / mit allem Fleiß inquirirt / bedacht / erwogen / und also nach Befindung der Sachen die Einkindschaft confirmirt / und bestätigt / oder annulliret / aufgehoben / und dagegen die Theilung auferlegt werden solle.



§. XXVII. Qui unionem prolium ad actus jurisdictionis voluntariæ referunt, coram incompetente iudice qualicunque eandem fieri posse asserunt (a): at nobis coram iudice competente eam necessario perficiendam rectius videtur. Non enim hic actus est simpliciter voluntariæ jurisdictionis, sed quodammodo mixtæ; cum cognitionem non vulgarem, sed accuratam exigat; talia vero quæ sunt, in iudicio competenti debent exerceri. Confer STRYK (b). Nec obest, quod Comitibus Palatinis facultas confirmandi uniones prolium plerumque indulta sit. Has enim confirmationes expediunt, non quia voluntariæ jurisdictionis, sed quia speciatim hæc facultas ab Imperatore ipsis concessa est. Accedit, quod in ducatu Franconiæ confirmatio Comitis Palatini haud quaquam admittatur, quod etiam novissime per mandatum de Anno 1707. expresse confirmatum est.

(a) HAHN. *de iur. rer. concl.* 73. n. 6. RICK. *de un. prol. cap.* 6. n. 27. MUSCULUS *d. membr.* 3. n. 69. CARPZ. *lib.* 5. *Resp.* 6. n. 16.

(b) STRYCK. *in us. mod. ad. Pand. de adopt.* §. 12.

§. XXVIII. Iudex competens in Franconia est solum iudicium provinciale, das Kaiserliche Landgericht / coram quo in universum omnes uniones prolium vel confici, vel ad minimum confirmari debent (a) sub poena nullitatis. Forma enim a lege præscripta ad amussim est observanda, eaque non observata actus ponitur nullus (b).

(a) Landg. Ord. P. 3. tit. 114. Rubr. Alle Einkindschaften sollen am Landgericht confirmirt / oder aufgerichtet werden.

(b) Occasionaliter hic quaeritur, si confirmatio proclamatis, condonationis, & comparisonis ob dissensum cognatorum, arbitriumque iudicis subsecuta non fuerit, an non liberis dein mortuis condonationis saltem pactum, quod consensu cognatorum non indiget, ratihaberi debeat, licet unus conjux amplius consentire nolit? Respondetur neg. quia contractus nondum erat

erat perfectus; nec etiam parentes condonationem tantum, sed hanc simul cum unione celebrare voluerunt. Et ita iudicatum est nach Lætare den 7ten April 1734. in Sachen Peter Bolts contra Annam Ebam Catharinam sein Eheweib/ beyde zu Neustatt.

§. XXIX. Requisitis cuique modo propriis in specie enumerandis non immorabimur, cum alia pene non sint, quam quod primo casu pactis nuptialibus; secundo post nuptias extra iudicium provinciale, tertio denique in iudicio provinciali celebretur, ex quo differentia nonnullæ in modis constituendi, præsertim circa instrumentum & proclama conficiendum, in cognatis, viris probis, tutoribus, & curatoribus adhibendis sese exerunt, quæ tamen melius ex ipso ordinationis textu perspiciuntur, & ex præxi promptius addiscuntur.

## CAPUT III.

DE

### EFFECTIBUS UNIONIS PROLIUM.

§. 1. **I**Nsignes sane admodum effectus ex hoc parificationis pacto rite confecto profluere constat, quos partim ex fine suo naturaque generali, partim ex statutis locorum, eorumque consuetudinibus, partim ex adjectis conventionum legibus facile intelligere poteris; quippe in omnibus & singulis liberi ex diverso conjugio comparantur, perindeque in omnibus habentur, ac si unius, ejusdemque sanguinis, ac cognationis essent. Vitricus induit personam veri patris, noverca veræ matris, privignus & privigna germanorum liberorum & filiarum vices adsumunt; reveren-

tiam ac obsequium debitum parentibus unientibus non secus, ac si essent proprii, præstare tenentur (a).

(a) Landg. Ord. P. 3. tit. 118. §. 1. verb. Und werden die eingefetzte Aelteren gegen den angenommenen Kinderen/ desgleichen die Kinder gegen ihnen den Aelteren/ in Erb-Gerechtigkeiten/ und allen anderen Stücken dermassen geachtet/ und gehalten/ als wann die Kinder ihre rechte natürliche Kinder/ und sie der Kinder recht natürliche Aelteren wären/ so lang und so viel/ bis sie wieder von einander vertheilet werden.

§. II. Hinc inter primarios effectus unionis prolium in ducatu Franconiæ merito referri meretur jus patriæ potestatis. Afferit quidem STRYKIUS (a) cum RICKIO (b) nullatenus patriam potestatem inter effectus unionis computandam esse, etiamsi pacto unionis hoc expresse insertum. Verum laudatus STRYKIUS opinionem suam ipsemet eo restringit, nisi statutum unionem prolium confirmans patriam potestatem expresse comprehendat. Namque statuti regulariter eadem vis, quæ legis est (c). Cum igitur in ordinatione ducatus Franconiæ inter effectus parificationis patria potestas expresse referatur (d): me ab opinione allegati auctoris nequaquam recedere existimo.

(a) STRYCK. *ad us. mod. Pand. de adopt. n. 15. Idem de success. ab Intest. Diff. 8. c. 6. §. 24.*

(b) RICK. *de un. prol. c. 8. n. 1. & seqq.*

(c) BACHOV. *ad Treutl. vol. 1. D. 2. Th. 11. Lit. E.*

(d) Landg. Ord. tit. 118. §. 2. verb. dann erslichen werden die gemachte Aelteren/ und Kinder vermittels solcher Einkindschaft dermassen einander verwandt/ und vereiniget/ daß derselbige gemachte Vater/ oder Mutter diese Kinder/ gleich ihren rechten/ und natürlichen Kindern/ in ihren NB. Gewalt/ Zucht/ und Gehorsam bekommet. Dagegen sind die Kinder solchen Aelteren zu gehorsamen/ und gegen ihnen gleich/ als wären sie ihre rechte natürliche Aelteren/ sich zu erzeigen schuldig.

§. III.

§. III. Ex quo facile deduces, parentes hos fictitios liberis suis comparatis, non minus ac naturalibus & legitimis de alimentacione necessaria, victu ac vestitu prospicere teneri (a); transeunt enim in officium vere paternum, quod ipsa ratione & natura duce parentes omnium primo ad honestæ, necessariæque sustentationis præstationem adstringit (b), ad quod eos refractarios mediante judicis imploratione (c) compellendos esse, nemo dubitat.

(a) Landg. Ord. tit. 118. §. 4. verb. Hingegen sind die Aelteren dieselbe/ wie ihre leibliche Kinder zu erziehen/ und zu unterhalten/ auch auf dem Falle des Abtheilens / ihnen ihr Angehör der Zwentheils / oder ab intestato die ganze Erbschaft verfolgen / und zukommen zu lassen schuldig.

(b) GROTIUS de F. B. & P. lib. 2. cap. 7. §. 4. n. 2. *Ea de causa instinctu scilicet naturali cetera quoque animantia proli suæ, quantum necesse est, alimenta suppeditant.*

*L. un. §. 5. C. de rei ux. act.*

*L. 4. ff. de agnos. & alien.*

(c) Alimenta officio judicis petenda esse, asserit gloss & BART. incit. *L. 4. vide STRYCK. de actionibus invest. p. 1. c. 2. §. 5.*

§. IV. Inde etiam sequitur, quod unitus sumtus alimentacionis, vestitus, studiorum, aut opificii in divisionem haud quaquam conferre tenetur. Et ita in judicando hic observari testantur quotidiana præjudicia (a): bene vero in collationem veniunt sumtus itineris; quia hi ad necessariam educationem non pertinent.

(a) *Ita judicatum fuit am Landgericht nach Letare den 7. April 1734. in Sachen Balthasar Uhl contra den mündeljährigen Christoph Zahn seinen Stief Sohn zu Würzburg &c. &c.*

§. V. Nec minus exinde concipitur obligatio affiliatis perinde, ac propriis dotem convenientem, donationem-

ve

ve propter nuptias constituendi; cum dos non minus, quam alimenta pro favorabili causa habeantur (a). Immo in certis casibus favorabilior est causa dotis, quam alimentorum (b): quibus tamen casibus dotem veris liberis denegare jura concedunt, iisdem & fictitiis absque ulla injuria denegare a majoritate rationis licebit; æqua enim lege cum germanis judicantur, nec melior conditio fictitiorum, quam verorum esse poterit.

(a) Landg. Ord. P. 3. Tit. 98. §. 1. verb. Die rechte natürliche / oder NB. eingefetzte / und rechtgemachte Aelteren / so die Kinder noch in ihrem Gewalt / oder bey sich noch unabgetheilet haben / sind denselben nach Größe und Gelegenheit ihrer Haab und Güter / wo sie sich mit Wissen und Willen ihrer Aelteren / und im rechtmäßigen Alter / wie hieunten geordnet / verheyrathen / ein ziemlich Heyrath Gut als *dotem*, *vel donationem propter nuptias*, zur Zeit des Verheyrathens zu geben schuldig.

(b) GAIL. L. 2. Obs. 95. n. 1.

§. VI. Quodsi vero liberis ex una parte præcipuum assignatum fuerit, quæri posset, an nihilominus dos ipsis porrigenda sit? id quod omnino affirmandum erit. Quæ enim ipsis foret utilitas ex præcipuo, sin ejus intuitu unius, alteriusve juris jacturam sustinerent? Nec illo fine dici potest præcipuum assignari, cum merum commodum, ac favorem liberorum ab una parte contineat, ceteris omnibus in suo statu salvis manentibus, juxta vulgatum juris bo-cardicon: *quod in favorem alicujus introductum, in ejus odium retorqueri nequit* (a). Corroborat etiam id jus nostrum Franconicum (b).

(a) L. 6. C. de LL.

L. 5. C. de Secund. nupt. in fine.

(b) Landg. Ord. P. 3. Tit. 98. §. 2. verb. Da auch die Kinder Voraus hätten / sollen zu Zeit der Heyrath ihnen dieselbige alsobalden gegeben



gegeben / und gereicht / und wann die Aelteren vermöglich / sie den Kinderen nicht allein solche Voraus / sondern auch / nach Gelegenheit ihrer Nahrung / von andern Gütern etwas ferners darzu zur Aussteuer / und Heyrath Gut zu geben / auch wann sich Aelteren / und Kinder / oder deroelben Freunde deswegen zweyen würden / unsers Landgerichts Entschieds deswegen zu gewarten schuldig seyn.

§. VII. Eadem ex ratione ad legitimam iisdem æque ac naturalibus, ac legitimis obligantur: & quidem jure communi in casu divisionis sufficeret ipsis bona, ab illorum parente illata, adjudicare. Cum vero pactum illud comparationis differentias præprimis in ordine ad diversitatem bonorum ad unam omnes sustulerit: eandem legibus assignatam portionem legitimam (Ihr Angebühr des Zwenttheils) peræque ac naturalibus, & legitimis assignandam ipsis esse & rationi juris Franconici, & textibus convenit (a).

(a) Landg. Ord. P. 3. Tit. 118. §. 4. verb. auch auf dem Fall des Abtheilens / ihnen ihr Angebühr / des Zwenttheils / oder ab intestato die ganze Erbschaft verfolgen / und zukommen zu lassen schuldig.

§. VIII. Denique quidquid liberi tempore comparationis possident, in parentum potestatem transferunt ad exemplum arrogatorum, quos simul cum liberis, & bonis quibuscunque in arrogatoris potestatem, & familiam transiisse palam est (a).

(a) §. 2. & 11. Inst. de adopt. L. 40. ff. eod. tot. tit. Inst. de Acquisit. per arrog. Landg. Ord. P. 3. Tit. 118. §. 3.

§. IX. Quidquid etiam stante unione acquirunt, parentibus acquirunt; immo, quod plus est, pleno jure, liberissima de iis tanquam de propriis disponendi facultate parentibus

tibus concessa; id quod jure civili Romano recentiori intelligendum foret juxta diversam peculiorum naturam (a). At toto coelo ab eo recedit jus nostrum Franconicum (b), quod potius hac in re antiqua Romanorum jura resuscitasse videtur, quibus non tantum ususfructus, sed etiam pleno proprietatis jure, quidquid acquirebant liberi, parentibus accedere jus erat (c).

(a) HEINECC. *ad Instit.* §. 473. & *seqq.* & *Auctores passim in Tit. Inst. per quas personas cuique acquiratur.*

(b) Landg. Ord. P. 3. Tit. 118. §. 3. *verb.* Zum andern / so werden alle die Haab / und Güter / so die Kinder seho haben / oder künstiglich / da sie noch bey ihren Aeltern unabgetheilt wären / ererben / bekommen / und erlangen mögten / der Aeltern eigen; haben auch mit solchen / wie mit anderen ihren Gütern zu gehahren / zu thun / und zu lassen: und wo solche Kinder hernacher / ehe sie von ihren gemachten Aeltern abgetheilt werden / einige Güter gewinnen / oder bekommen / in denen sind diese gemachte Aeltern dieser ihrer Kinder ( wann dieselbe ohne eheleibliche Kinder absterben ) Erben *ab intestato*.

(c) *Videat.* HEINECC. *ad Inst. Tit. per quas pers. acquir.* §. 472. §. 1. *Inst. in text. d. tit.*

§. X. Quodsi vero liberis ea conditione donatum, relictumve quidpiam fuerit, ne parentibus acquiratur: jus proprietatis ejusmodi bonorum apud liberos salvum remanere decreverunt sapientissimi legislatores Ducatus Franconiæ; cujus rationem suppeditat Imperator noster Justinianus: ne, quod prospera fortuna eisdem accesserit, hoc in alium transferri contueri debeant (a). Ne vero parentibus in eo omnem utilitatis, atque commodi viam præcludere videantur: usumfructum iisdem nihilominus salvum, incolumemque retinere (b). Sic etenim & parenti nihil derogabitur, usumfructum rerum possidenti; nec filii lugebunt, si, quæ

quæ prospera fortuna sibi obvenerunt, ad se, non alios, translata viderint.

(a) §. 1. *in f. Inst. per quas pers.*

(b) Landg. Ord. Part. 3. Tit. 118. §. 5. *verb.* Wird aber diesen verglichenen / und gemachten Kindern von jemand etwas verschaffet / vermachtet / geschenkt / gegeben / es geschehe gleich durch einen letzten Willen / oder in andere Wege / mit der ausdrücklichen Condition, und Maaß / daß dasselb nicht der Aeltern / sondern des / oder der Kindern eigen seyn / und bleiben solle: alsdann ist das Eigenthum derselbigen Kinder / und bekommen die Aeltern nur den Usumfructum, oder Nießung / so lang solche Kinder noch unberheyrathet / oder unabgetheilet bey ihnen sind.

§. XI. Jus illud usufructuarium leges Romanæ, ut notum est (a), ad dies vitæ patris extendunt. Competit enim patri, liberis in potestate sua existentibus, vi patriæ potestatis, cujus effectus est; durat liberis emancipatis in præmium emancipationis; continuatur mortuis etiam liberis (b), ne mors filii noceat patri. Longe aliter hæc decisio reperio in statutis Ducatus Franconiæ. Absit hoc jure usumfructum in dies vitæ continuari; etenim quantocyus liberi matrimonium celebrant; religionem ingrediuntur (c); aut divisio suscipitur: quidquid ita donatum, parentes iisdem restituendum sciant, nec quidpiam in successione parentum futura id ipsis præjudicabit, ne vel minimum etiam ex iisdem bonis, utpote quæ ab omni collatione exempta sunt, conferre tenentur (d); cum ejusmodi bona non e substantia patris ad eos proficiantur. Quid? quod plus est, usumfructum quoque, patre in totum excluso, liberis expressa hac conditione reservari posse, iidem legislatores concedunt (e), moti haud dubio jure Novellarum, quo arbitrio domini relinquitur determinare, quem modum rebus suis esse velit (f).

(a) SCHNEIDEW. *ad Instit. n. 47. D. patria potest.*

(b) *L. ult. §. 5. C. de bon. qua lib.* BRUNN, *ad Cod. d. Tit. L. 4. n. 6.*

(c) Namque validum est argumentum de matrimonio carnali ad spirituale, adeoque a pari procedunt. *Cap. Sicut vir caus. 7. 2. 1. Quia nubere dicitur, qui nubit in Christo.* GAIL. *Lib. 2. obs. 94. n. 16.*

(d) Landg. Ord. P. 3. Tit. 118. §. 6. verb. Aber zur Zeit des Verheyrathens/ Abtheilens / oder so sie sich sonst zu ehrlichen Sachen/ oder Händlen begeben/ sind die Aeltern ihnen dieselbige ohne Abgang ihres Zweit- oder Erbtheils einzunantworten/ und verfolgen zu lassen schuldig.

(e) Landg. Ord. d. Tit. §. 7. verb. Auf den Falle aber mit dem Eigenthum der *Ususfructus in specie*, und ausdrücklich den Kindern obgesetzter Massen verschaffet/ oder vermacht würde: So haben die Aeltern an demselben Gut auch der Niessung halb nichts.

(f) *Nov. 117. cap. 1.*

§. XII. Eadem facultas, hereditatem dicta lege nepotibus relinquendi, avo aviaque, non ita distincte ex jure nostro civili Franconico attribuenda venit, quo jure distinguendum, an liberis suis (intellige parenti nepotum) legibus determinatam portionem, nempe duas tertias jam modo tribuerint, necne? Priori casu avum aviamque nullatenus prohiberi suam substantiæ partem tali conditione nepotibus adjudicare, dubitari nequit. Quid mirum? divisione facta scilicet ne vel obulum liberis parentes relinquere tententur, & disponendi, testandi, cuicunque velint relinquendi facultatem, eamque liberrimam consequuntur (a). Posteriori casu aliter judicandum foret (b); transeunt enim in omne jus liberorum, consequenter & in spem, portionem suam consequendi, portionis adoptivis parentibus vivis (c) adventuræ, quod jus ipsis dispositione tertii haud absque injuria auferri potest. Accedit, quod, an liberis suis legitimam con-



conferre , illive onus adjicere velint , nec ne, nullatenus ab arbitrio parentum dependeat.

(a) Landg. Ord. P. 3. Tit. 39. §. 14. *vers.* Wann die Aeltern die Kinder / sie seyen gleich rechte / und natürliche / oder durch aufgerichtete Einkindschaft gemachte Kinder / von sich zu Grund hinweg , und abgetheilet : haben dieselbige Aeltern Macht / ihren ganzen dritten Theil / und was sie weiter bekommen / ihrem Gefallen / und Willen nach / zu verschaffen / und zu verestiren / und sind den Kindern etwas weiters zu lassen / oder zu verschaffen nicht pflichtig.

(b) Landg. Ord. P. 3. Tit. 118. §. 7. *vers.* Jedoch sollen die Anherren / Anfrauen / und andere *ascendentes*, die ihre Kinder als ihre Noth-Erben ihrer *Legitima* des Zwentheils noch nicht vergnügen / jetztgehörte Vermächtnuß gegen ihren Dichtern anderst nicht / dann aus erheblichen Ursachen / und auf Erfindung unsers Langerichts zu thun Macht haben.

(c) *Dixi: vivis parentibus* : Hoc bene notandum ; mediante patre enim succedunt avo , ita ut eo præmortuo unioneque dissoluta, soli nepotes proprii, exclusis unitis, ad successionem avi vocentur.

§. XIII. Quoniam vero hujusmodi parificationis pactum juribus avi, aviæque nequidquam derogare valebit, nisi ad talem defectum expressum consensum suum præbuerint: testandi facultatem ipsis minime ademptam esse, sanæ juris rationi magis congruere existimo, in tantum, ut sufficiat unitorum parenti duas tertias, sibi competentes, ab omni onere vacuas relinquere; in reliqua vero tertia libera facultate iisdem competente, eandem relinquendi, aut suis naturalibus nepotibus solum, aut cui voluerint. Ita enim inter liberos naturales, & legitimos disponere valent (a): quidni etiam inter nepotes unitos, quibus sufficere debet, si parenti adoptivo sua legibus portio salva obvenerit.

(a) Landg. Ord. Tit. 39. §. 16.



§. XXIV. Accedit etiam, quòd parentes unitorum unitos exheredare possint, si id promeriti fuerint; partim quia eodem modo, quo naturales, & legitimi in patriam potestatem transeunt; partim quia de jure nostro Franconico in omnibus & singulis æquali lege cum naturalibus, & legitimis censentur (a).

(a) Landg. Ord. P. 3. Tit. 50. §. 6. Wann ein Kind oder Dichter/ die wären gleich durch die Einfindschaft angenommene NB. Kinder oder nicht/ sich zu dem Stief-Vater oder Stief-Mutter gelegt ic.

§. XV. Consideravimus effectus prolium, quatenus ex patria potestate proficiscuntur: sequuntur effectus successionem tam parentum, quam liberorum unitorum respicientes; inter quos præcipuus est, quod liberi uniti succedant parentibus pariter ac si ex iisdem procreati essent; quippe de hoc principaliter conventum; hic finis unionis prolium. Speciem enim ultimæ voluntatis hæc unio præsert (a), nec minus irrevocabile succedendi jus ex conventionem, adjectis tamen pactis modificabile, liberis utrimque attribuit.

(a) Landg. Ord. P. 3. Tit. 80. §. 1. Wann die Eltern / Väter / oder Mütter Einfindschaft / immassen hieunten geordnet / mit ihren beyderseits habenden Kindern / oder mit eines Theils Kindern / und denjenigen / so sie miteinander ehelichen erzeuget hätten / oder erzeugen würden / aufrichten / und sich hernacher begeben / daß dieselbe Aelteren mit Tod abgiengen: So erben solche angenommene Kinder mit den eheliblichen Kindern ihre Aelteren zugleich / und anders nicht / als wären sie aus deren Leib geböhren.

§. XVI. Itaque hoc succedendi commodum ad omnia bona parentum tam præsentia, quam futura, tam corporalia, quam incorporalia, tam mobilia, quam immobilia,

lia, modo parentum dispositioni subiecta sint (a), sese indistincte extendit; nisi tamen parentes dispositioni liberæ portionem sibi reservando, quæ vulgo reservatum, die *Ausnahm* / dici suevit, hoc ipsimet limitaverint; id quod eosdem facere posse & ratio (b) & lex permittit.

(a) *Cap. 1. §. ult.*

(b) Si nimirum bona unius conjugis alterius bona longe exsuperent.

§. XVII. Quamvis etiam in tali reservato facultas testandi, donandi, quocunque modo de eo disponendi, sat magna parentibus competat: non tamen perpetuam eam esse praxis nostra testatur. Etenim expirat 1. liberis ex illo thoro procreatis; cum ad hunc solum casum restrinxisse parens reservatum videatur, quo deficiente, tanquam corruente conditione, corruet & simul reservatum (a). Nec magis attenditur reservatum in divisione bonorum cum liberis suscipienda. Quod si contigerit, conjux, reservans præcipuum, minime tenebit suum reservatum, sed universæ bonorum massæ, nullis exceptis, duas tertias liberis in divisione adjudicandas fore, statuta Franconia dubitare nos neutiquam patiuntur (b).

(a) Hanc limitationem ita observari, a viris, in judicio nostro cæsareo Franconico judicantibus, accepi.

(b) *Landg. Ord. P. 3. Tit. 29. §. 1. vers. Sogar der Ältern Herrath Güter dotem, & donationem propter nuptias, auch die NB. Ausnahm / so bißweilen die Ältern thun / mit eingerechnet.*

§. XVIII. Quod ulterius hæc conventionalia succedendi jura attinet, in tantum extenduntur, ut comparati simul cum germanis invicem concurrentes æqualiter in capita (a), concurrentes vero cum nepotibus ex fratre unito  
in

in stirpes succedant (b) perinde, ac in successione fratrum naturalium, & legitimorum determinanda; tantundem enim unitis tribuit conventio, quantum leges germanis liberis.

- (a) Landg. Ord. P. 3. Tit. 80. §. 1. *vers.* So erben solche angenommene Kinder mit der eheleiblichen Kinderen ihre Aeltern NB. zugleich / und anderst nicht / als wären sie aus derselben Leib geboren.
- (b) *Cit. loc.* §. 3. *vers.* So erben dieselbige gemachte Dichter / und Urdichter / sie seyen gleich in gleichem / oder ungleichem Grad an ihres verstorbenen Vater / oder Mutters Statt / in die Stammen.

§. XIX. Ita etiam quod si evenerit solos fictitios concurrere, forsitan cum nulli secundo in conjugio parentibus liberi nascantur (a), aut etiam posito, liberos veros, & naturales decedere (b): non minus eos, quam naturales succedere clare innuunt statuta ducatus Franconiae. Nec quidquam facit, quod liberis mortuis unio expirare dicatur (c); cum textus seipsum solvat, si omnes mortui fuerint (d).

- (a) Landg. Ord. P. 3. Tit. 80. §. 2. *verb.* Da auch gleich andere eheleibliche Kinder nicht vorhanden wären / so nehmen sie doch gleichwohl ihrer gemachten Aelteren Erbschaft.
- (b) Landg. Ordn. P. 3. tit. 119. §. 6. *vers.* Oder dieselbe vor den Aeltern alle mit Tod abgiengen: So bleiben nichts desto weniger altem Herkommen / Landrechten nach / diese angenommene / und gemachte Kinder / und Dichter / derselben Aelteren Kinder / und Dichter Erben.
- (c) Landg. Ordn. P. 3. Tit. 119. §. 15. *verb.* Letztlich werden die Einkindschaften durch den zeitlichen / natürlichen Tod der verglichenen Kinder zerschlagen / und aufgelöset.
- (d) *cit. loc.* Dann wann die Kinder NB. alle vor ihren Aelteren Todes versterben: So hat die Einkindschaft keine Wirkung mehr zwischen den Aelteren / und derselben Gütern.

§. XX. Quoniam vero liberis unius, alteriusve thori non mediocre in hac æquali successione præjudicium variis in casibus immineret: haud raro ipsis per constitutionem præcipui subvenitur (a). Fac enim parentem, liberis superinducendum, facultatibus imparem; fac eum numero liberorum locupletiolem; aut pone liberis aliunde amplas hereditates, aliave commoda probabiliter obventura fore (b): maxima sane tum foret inæqualitas, si successio æqualis. Quod ut evitetur, salubrius sane, aut consultius remedium excogitari non potuit, quam ut præ aliis uniendis vel natis, vel nascituris præcipui (zum Voraus) aliquid ipsis adstipuletur.

(a) Landg. Ord. P. 3. tit. 121. §. 2. Damit dann in Ertheidigung der Einkindschaften/ aller der Kinder Nachtheil vermieden bleibe: Sollen derselben Freunde/ oder Vormündere alle Umstände fleißig bedenken/ und sonderlich betrachten/ was vor Güter von den verstorbenen Vater oder Mutter herkommen/ was das im Leben bleibende Ehe-Mensch allbereit hat/ was die Kinder für Anfälle zugewarten/ auch was der Stief-Vater/ oder Mutter herzubringen/ und noch zu gewarten haben/ und darauf nach Gelegenheit/ und Grösse derselben/ auch befunderer Ungleichheit der Nahrung/ den Kinderen einen billig-ziemlichen Voraus bedingen/ und machen.

(b) Cap. 1. §. 30.

§. XXI. Designatio præcipui variis casibus varie fieri potest, aut in pecunia aut in aliis rebus immobilibus, aut mobilibus, veluti vestibus, vino, pecoribus, &c. (a); vel etiam tota quædam hereditas obventura v. g. avi, aviæque ipsis præcipua assignari poterit (b).

(a) Landg. Ord. cit. §. und darauf 1c.

(b) Landg. Ord. cit. tit. §. 4. Zum Fall 1c.

§. XXII. Quanta autem quantitas ejusdem esse debeat, nobis determinare non licet. Determinabunt eam fideliter pro diverso numero liberorum, diversitatem bonorum, variarumque aliarum circumstantiarum, simul cum consanguineis liberorum parentes (a), aut iis invicem discrepantibus, iudicium cæsareo-provinciale Franconicum (b).

(a) Landg. Ord. cit. §. per tot.

(b) Landg. Ord. cit. tit. §. fin. Auf den Falle auch in Nachung und Bedingung des Voraus zwischen den Kindern/ und Freunden/ oder Vormünderen Treuen einfallen/ also daß ein Theil mehr zum Voraus haben/ der ander aber weniger/ oder gar nichts geben wollte/ und sich dessen nicht vergleichen könnten: Hat unser Land-Richter samt den Besizeren Macht/ nach guter Erfahrung des Handels/ und Gelegenheit der Güter ein mehrers/ oder sonders zu machen/ und was also durch sie gemacht würde/ dabey solle es bleiben.

§. XXIII. Jura liberis in præcipuo sat nobilia competunt, inter quæ præcipua sunt, quod 1. de eo testari possint, quamprimum illud acceperunt (a). Quamvis enim jure communi filiofamilias testandi facultas denegata fuerit: legibus Franconiæ tamen filiisfamilias ea conceditur, modo quid proprii habeant (b). Extenditur 2. quod dicta etiam procedant in casu, si parentes præcipui debitam præstationem retardare conentur (c). Accedit 3. quod in divisione, cum reliquis unitis fratribus suscipienda, præcipuum suum haud quaquam uniti conferant, sed æquis partibus concurrant ad hereditates, unionis pacto subjectas (d).

(a) Landg. Ordn. P. 3. tit. 39. §. 8. verb. Von ihren gemachten Voraus/ den sie noch nicht empfangen; ergo arg. a contrario, si acceperint, testari poterunt.

(b) Consult. DEMMER. p. 3. diff. 4.

(c) Cit. §. verb. Es wäre dann/ daß die Aelteren an Bezahlung des schuldigen Voraus säumig wären.

(d) Landg.



(d) Landg. Ord. P. 3. tit. 121. §. 6. verb. Es sollen auch die Kinder zur Zeit der Abtheilung von ihren Aelteren / oder zur Zeit der Erbtheilung solchen Voraus zum Vordersten hinwegnehmen / und alsdann erst ihren angebührenden Theil des Zweit- oder Erbtheils gleich den anderen / so keinen Voraus haben / empfangen.

§. XXIV. Quapropter ut omnis suspicio fraudis, ceteraque controversiæ, circa præcipuum alioquin futuræ, caute evitentur: id monere volui, ut omnes res, omnes conditiones, præcipuum illud constituentes, accurate, & specificè in proclamate determinantur (a).

(a) Landg. Ord. P. 3. tit. 121. §. 7. verb. Den Kindern soll ihr Voraus deutlich ausgedrückt / und benennet werden / was und wie der an Baarschaften / liegenden oder fahrenden Gütern / und auf obgesetzte Fälle gegeben werden solle: aber die andere Haab und Güter / so beede Eheleute zusammen bringen / ist nicht vonnöthen zu specificiren / ob es liegende oder fahrende / ahn- herrlich / ahnfräulich / väter- oder mütterlich / brüder- oder schwesterlich / oder dergleichen seyen; dann alle diese Güter / wo sie gleich herkommen wären / oder nachmahls kämen / sind / und heißen / alten Gebrauch und Landrechten nach / ein gemein Gut des Vaters / und der Mutter / so viel und lang die Einkindschaft währet / wie auch oben angedeutet.

§. XXV. Posset cuipiam nihilominus primo intuitu videri, nullatenus parentes obligatos esse universam bonorum suorum massam liberis unitis simul cum naturalibus post mortem relinquere; cum ordinarie parentes, de bonis suis testantes, relinquendo liberis determinatam legibus portionem officio suo satisfacere dicantur (a) juxta vulgatum illud: *arbitrium patris sequitur substantia cetera*; & eo magis, cum illud in Franconicis statutis de naturalibus, & legitimis ita decisum reperiatur (b). Verum eodem loco testamenti factionem, donec divisionem susceperint stante

unione in totum ipsis denegandam esse, expressis verbis decernitur (c). Ratio, quæ movit legislatores, utique hæc fuit, ut omnis ansa liberis propriis magis, quam unitis favendi, parentibus quoad omnia præscindatur.

(a) *Vid. ZOES. & al. auct. ad ff. in lib. 5. tit. 2.*

(b) *Landg. Ord. P. 3. tit. 39. §. 16. legatur.*

(c) *Landg. Ord. cit. tit. §. 15.* Da aber die Aelteren / ihre Kinder / und Dichter noch in ihrem Gewalt / und nicht abgetheilt hätten: Sollen die legitimi parentes, das ist / welche durch die aufgerichtete Einkindschaft den Kinderen zu Aelteren gemacht worden / vor gethaner Abtheilung de sua legitima, das ist / von ihrem Dritttheil / oder von dem ganzen Gut / etwas hinweg zu versteckiren / und einige Testament aufzurichten nicht Macht haben.

*RICK. de un. prol. c. 3. n. 18.*

*MUSCUL. de success. convent. lit. R. n. 155.*

§. XXVI. Cum vero pactum hoc unionis regulariter stricti juris dicatur (a); ac proinde extra res & casus in eo expressos non absque injustitia traheretur (b): exinde sequitur, avorum & reliquorum cognatorum successiones huic pacto nullatenus subjacere, aut sub eo ordinarie comprehensas esse (c); cum pactum unius alteri præjudicare non debeat, nec vicissim avi ex virtute correlativorum ab iisdem successione commodum sperabunt (d).

(a) *DEMMEER. Diff. 6. p. 4. n. 47. & gloss. ibid. cit.*

(b) *L. 27. §. 4. in f. ff. de pactis: ante omnia enim advertendum est, ne conventio in alia re facta, aut cum alia persona, in alia re, aliave persona noceat.*

(c) *Landg. Ord. P. 3. Tit. 119. §. 1. vers. als wollen wir / daß solches pactum unionis prolium, der Einkindschaften / andere Personen nicht obligiren / binden / oder betreffen / noch sich weiter erstrecken solle / oder möge / dann auf diejenige / zwischen welchen die Einkindschaft gemacht / und aufgerichtet worden / nämlich*

lich auf Vater / Mutter und die *unirte* Kinder / die zusammen bringen / miteinander allbereit erzeugt / oder hinfürter erzeugen werden.

Quod tamen ita intellige, si pater unicus sit præmortuus, neque avus consenserit.

(d) DEMMER. P. 4. diff. 6. n. 52.

RICK. de un. prob. C. 7.

§. XXVII. Quodsi tamen idem expresse agatur, ut sint tanquam veri nepotes: dubitandum non est, hanc etiam quoad avorum, aviarumque successionem effectum operari, cum ex conventionem legem accipiat. Ut autem id procedat, generalis consensus in unione liberorum non sufficit (a), nisi consensus avi, aviæque, aliorumque, de quorum hereditate quæritur, expressus, & ad hunc finem determinatus accedat (b).

(a) Landg. Ord. P. 3. Tit. 119. §. 3. *vers.* wo nur schlechtliehen ohne weitere Bedingung / und Abredung ic.

(b) Landg. Ord. P. 3. cit. tit. §. *verb.* würden aber dieselbige Anherren / Anfrauen / und dergleichen Personen aufsteigender Linien / mit ausdrücklichen *specificirten* Worten willigen / abreden / und bedingen / daß diejenige Kinder / so ihren gegenwärtigen / oder künftigen Dichtern durch die Einkindschaft verglichen / nicht allein ihrem Sohn oder Tochter zu rechten Kinderen gemacht / und angenommen / sondern auch sie selbst derenselben Anherren / und Anfrauen seyn wollen: Dießfalls sollen solche gleich gemachte Kinder / den gehörten Personen aufsteigender Linien / zu Dichtern gemacht / und in Erb-Fällen derselbigen Güter / den rechten natürlichen Kinderen oder Dichtern gleich gehalten werden.

§. XXVIII. Quemadmodum etiam jura succedendi reciproca regulariter, & vicissitudinaria determinari solent (a): ita non immerito, unione stante liberis unitis decedentibus, parentes vicissim ad eorum hereditatem vocabuntur

(b), ex generali tam naturæ, quam divini, & humani juris principio: *quod quisque juris in alterum statuerit, ut ipse eodem jure utatur* (c): Nec quidquam illustr. STRYK. *ad us. mod.* mihi refragatur, cum ille negativam defendat ex supposito deficientis statuti, aut conventionis: mihi autem in præfenti propositum est juxta statuta ducatus Franconiae, jura, & effectus unionis prolium enucleare.

(a) *L. 11. C. de legit. hered.*

*Ibid.* BRUNNEMAN.

(b) RICK. *de un. prol. C. 6. n. 76.*

MUSCUL. *de memb. 3. n. 129.*

Landg. Ord. P. 3. tit. 85. §. 1. verb. *die gemachte Aelterer / die ihre per unionem angenommene Kinder von sich nicht abgetheilet / noch ihrer legitima vergnüget haben / erben altem Gebrauch und Unsers Stiffts Landrechten nach / solche ihre Kinder in aller massen wie oben von ehelicher Kindern statuiret / und besordnet worden ist.*

(c) *Tot. tit. in D. l. 2. tit. 1. & Auct. ibid.*

§. XXIX. Ex eodem fundamento laud. STRYKIUS defendit, quod unio prolium non inducat effectum successionis quoad ipsos unitos inter se (a), quam eandem sententiam amplectitur RICKIUS (b) & KNIPSCHILD (c), adeo ut BESOLDUS (d) nec expresso pacto fieri posse asserat, ut uniti inter se succedant. Verum quidquid dici posset præscindendo ab omni statuto, aut conventionem, in ducatu Franconiae certo certius, usquequo manet unio, manet invicem inter unitos perinde ac inter germanos mutua successio (e); cum Legislatores nostri in omnibus, & singulis comparatos naturalibus, & legitimis adæquare voluerunt.

(a) STRYCK. *cit. tit. §. 14.*

(b) RICK. *c. 7. n. 4.*

(c) KNIPSCHILD *de fideicom. famil. illust. c. 8. n. 438.*

(d) ad

(d) *ad jus Wirtenb. disp. 3. th. 91.* Sed huic optime satisfacit STRYCK. *cit. §. 14.* Imbellis, ait, ratio, quod nulla ex unione oriatur agnatio, ergo nec successio; non enim ex cognatione, sed conventionione successionis ratio petitur.

(e) Landg. Ord. P. 3. tit. 119. §. 13. *vers.* Erben sie in Kraft solcher gemachten Einkindschaft einander mit den rechten natürlichen Geschwistigten/ oder ohne dieselbe &c.

§. XXX. Id quod in ducatu Franconiæ in tantum extendimus, ut, licet parentes mortui, aut etiam liberi a parentibus separati fuerint: nihilominus inter unitos jus mutuum succedendi in vigore suo conservetur, donec actuali divisione cuivis liberorum sua pars assignata fuerit (a), quo demum perfecto vinculum illud tollitur.

(a) Landg. Ord. P. 3. *cit. tit. & §. vers.* Aber doch ihre Güter bey einander und ungetheilt haben.

§. XXXI. An etiam inter conjuges mutuam successionem liberis præmortuis producat? quæritur. Id quidem ex simplici comparisonis pacto concipi haud poterit; quoniam de unicendis liberis, non parentibus uniendis agitur. Inspiciendus igitur necessario, & substantia & tenor proclamationis, quod triplex esse constat: condonationis tantum; condonationis & comparisonis simul; denique comparisonis tantum. Quæ duo priora proclamata utique effectum mutuæ successionis inter conjuges involvunt; cum id etiam expresse cum iis agatur: tertium vero mutuam inter conjuges successionem haud operari verius est; cum id nec ex conventionione, nec ex natura pacti in substrato casu concipiendum sit.

§. XXXII. Eximios vides B. L. in ducatu Franconiæ effectus comparisonis, non tamen tanti sunt, ut jura sanguinis, aut agnationis operaretur. Proinde nobilitatem, licet pater nobilis, in unitos transferre nequit; cohæret enim ista sanguini, cum quo per traducem quasi, interveniente



niente legitimo matrimonio, propagatur ad posteros; non tamen vi nativitatis, sed vi concessionis imperatoriæ, qua ad posteros nobilitas extensa (a), nec magis unitus sororem unitam etiam constante unione ducere impeditur.

(a) *Dn. STRUV. syntagm. d. adopt. th. 65.*

§. XXXIII. Progredior ad decimum parificationis effectum, quod scilicet mox unione prolium perfecta tutela curatela ve finiatur, cum uniti in patriam potestatem parentis per unionem talis effecti transeant, quacum potestas tutricia stare nequit (a), reservatis tamen iisdem oneribus, quæ consanguineis, tutoribusve imposita manere superius asseruimus (b).

(a) *Patrem habenti tutor non datur.*

*L. 239. pr. ff. de V. S.*

*L. 6. §. ult. ff. de tutelis,*

(b) *Cap. 2. §.*

§. XXXIII. Ultimum porro effectum perquam notabilem absolvunt actiones, ex unione prolium profluentes tam personales, quam reales. Quoad personales

1. Datur condictio ex moribus<sup>3</sup>, quæ competit liberis pro consequenda portione hereditaria ex bonis parentum unientium.

2. Remedia possessoria e. g. utile remedium *quorum bon.* (a)

3. Actio realis, sive petitio hereditatis conventionalis, cujus prædicatum est jus illud hereditarium conventionale, quod vi unionis prolium constituitur (b). Habet enim unio hæc vim ultimæ voluntatis, in qua liberi heredes declarantur, & hereditatis dilatio illis hoc pacto non minus, ac lege, aut testamento obvenit.

4. Deni-

4. Denique contra fratres & sorores unitos producit utilem familiaë erciscundæ actionem.

(a) *Dn. STRYCK. in tr. de S. A. J. diff. 8. cap. 6. th. 22.*

(b) *cit. STRYCK. de S. A. J. diff. 8. cap. 6. th. 22.*

Hi regulariter in ducatu Franconiaë ex unione prolium effectus promanant, quibus tamen haud raro pactis quidquam adjicitur, aut detrahitur: cujus ut in casu speciali edocearis, inspice B. L. cujusvis proclamatis tenorem. Quod enim in illo non expressum invenitur, in judicando pro omisso habebitur, testante id ita praxi episcopatus & ducatus Franconiaë.

## CAPUT IV.

DE

### MODIS, QUIBUS UNIO PROLIUM TOLLITUR.

**Q**uibus modis contrahatur, quosque effectus post se trahat unio prolium *Cap. 2. & 3.* exposuimus: restat, ut dispiciamus, quibus modis eadem dissolvatur.

§. II. Tollitur primo morte unitorum, non quidem unius, alteriusve, sed omnium (a). Deficiunt enim hoc casu personæ, sine quibus unio nulla consistere potest, h. e. liberi (*Cap. 1. §. pen.*); idque in tantum procedit, ut ne quidem inter parentes unientes aliquis ex unione effectus remaneat (b); quippe qui inter unientes, & unitos, non vero unientes tantum sese exerunt.

(a) Landg. Ordn. P. 3. tit. 119. § 15. vers. Dann wann die Kinder alle vor ihren Aelteren Todes versterben: So hat die Einkindschaft keine Wirkung mehr zwischen den Aelteren/ und deroelben Gütern.

(b) Landg. Ordn. cit. tit. §. ult. verb. Es ist auch keine weitere Vererbung der Aelteren zusammen gebrachter Haaben und Nahrungen/ sondern diese Güter/ so ein jedes Ehegenoff vor dem zusammen heyrathen gehabt/ oder hernacher in stehender Ehe bekommen/ sind wiederum sein eigen: Allein diese Güter/ so beyde Eheleute bey einander gewonnen/ und von den gemeinen Nahrungen/ und Zinsen ihrer Nahrung erspart/ und erobert haben/ die sind/ und bleiben Ehegenossen zu gleichen Theilen.

§. III. Minime vero morte parentum solvitur; fit enim eum in finem, ut post mortem conjugum unientium liberi uniti pari jure succedant. Hoc igitur subsecuto unio effectum suum sortita est: alterutro autem conjuge defuncto, quoad superstitem durat obligatio, & jus liberis ex pacto quaesitum, ut pluribus demonstratum dedimus supra Cap. 3.

§. IV. Quodsi autem superstes conjux ad secundas nuptias convolarit: unionis pactum non tam tollitur, quam effectum suum consequitur; cum liberi uniti duas suas tertias, seu legitimam mox petere possint (a), nisi fors cum novi conjugis nascituris liberis rursus parificati fuerint: id quod juri Franconico licitum esse supra demonstravimus.

(a) Landg. Ordn. P. 3. tit. 31. §. 3. vers. Alsdann ist dasselbig Ehegenoff/ das also seinen Wittibstand verrucket hat/ seinen Kinderen/ Dichteren/ oder Urdichten/ sie seyen gleich rechte und natürlich/ oder gemachte Kinder/ oder Dichter/ den zweyten Theil/ aller ihrer Haab und Güter/ so zur Zeit des verrückten Wittibstandes vorhanden/ sowohl von seinen eigenen/ als des verstorbenen Ehemenschen Güteren verfallen/ und alsobald nach gebrochener Hand ihnen denselben völlighen zu reichen/ und zu geben schuldig.

§. V. Eadem ratione 3. per realem divisionem bonorum, durch die Grundtheilung/ qualicunque tempore factam, unionis pactum finitur (a); per hanc divisionem enim communio tollitur, & liberi uniti, quod vi unionis ad ipsos pertinet, in effectum consequuntur (b).

(a) Landg. Ordn. P. 3. tit. 85. §. 2. verb. Aber wann dieselbige Kinder oder Dichter von ihren gemachten Aeltern abgetheilet / und ihrer *legitima* vergnügt worden sind: Alsdann ist das *vinculum unionis* erloschen / und können diese gemachte Aeltern ihre Stief- oder angenommene Kinder oder Dichter / weiter nicht erben / sondern kommet deren Verlassenschaft auf der Kinder andere Gesippen / und nächste Bluts-Freunde.

(b) Consult. DEMMER. p. 4. diff. 3. n. 63.

§. VI Quæri autem poterat, an divisio hæc bonorum, liberis legitimam acceptare detrectantibus, ad petitionem parentum officio judicis decerni valeat? & resp. affirmative ex eo, quod ultra legitimam liberis a parentibus non debeatur, non obstante unionis pacto, quod jura parentum confirmat magis, quam tollit: neque textus in jure nostro contrarius invenitur. Hinc hoc passu juri communi standum erit, cui se conformant jura nostra provincialia (a), praxis & observantia corroborat (b).

(a) Landg. Ordn. P. 3. tit. 39. §. 21. verb. Da auch die Aeltern / den Kinderen die Theilung anbiethen / dieselbige auch wohl geschehen könnte / die Kinder aber solche gefährlicher fürseßlicher Weise verziehen / oder nicht annehmen würden: Alsdann mögen die Aeltern / wie auch von Aeltern herkommen / nach gethanem Anbiethen / in denen Fällen / da die Kinder den Zweytheil anzunehmen schuldig sind / von ihrer *legitima* ihrem Gefallen nach / wohin / und wem sie wollen *testiren* / *disponiren* / und Geschäfte thun in aller massen / als wann die Theilung gründlich geschehen / und verwürket wäre.

(b) Un *judicatum* am Landgericht nach Kiliani den 14ten Julii 1734.  
F f 2 in

*in causa der Schnaussischen Wittib zu Rißingen contra ihr Stief-  
Töchterlein Jacobäusinn allda.*

§. VII. Nec quidquam refragatur textus in *tit. 39. §. 15.* quod parentes unientes testari non valeant : ergo nec invitis liberis dividere. Nam si textum penitus inspicias, id tantum inde fluere apparebit, quod parentes testari non possint ante divisionem (*vor gethaner Abtheilung*). Hinc divisionem petendi facultas non excludi verius est; accedente textu expresso sub *lit. a. §. preced.* Ratio autem disparitatis est, quia testamentum non alio fine, quam in merum odium unitorum fieri præsumitur: econtra divisionis inter vivos instituendæ aliæ multæ justæ causæ subesse possunt.

§. VIII. Unde prono alveo consequitur, tot modis finire unionem prolium, quot casibus jure provinc. Franco- nicq liberi a parentibus legitimam jure petunt: id quod contingit 1. si conjux superstes vitam reprobam & luxuriosam agat (a). 2. Si parentes continuis inter se rixis, & contentionibus pacem domesticam conturbent (b). 3. Facta separatione quoad thorum, & mensam (c). 4. Si parentes ob delictum quoddam publicum v. g. homicidium, vel adulterium poena pecuniaria mulcentur (d). 5. Dum liberis honestam educationem, quæ ex qualitate status demerenda, malitiose denegent (e). 6. Si in venditione aliove contractu, cum suis simulate inito, liberos parificatos defraudare studeant (f). 7. Si liberos in legitima lædere contentur (g). Id quod etiam 8. tum fieri apparet, cum conjux superstes bona dilapidare incipiat (h). 9. Dum parens sibi alimenta in Hospitali, aliove loco ad dies vitæ emere intendat (i); quo tamen in casu si tertia pars bonorum parenti non sufficeret, liberi pro arbitrio judicis aliquid contri-



tribuere tenentur (k). Liberorum enim est, parentes suos inopes alere (l). Denique 10. ob sævitiam, castigationis paternæ limites excedentem, parentes ad separationem bonorum recte compelluntur (m). His adde 11. clausulam generalem: si qua justa judici causa videbitur (n).

- (a) Landg. Ord. P. 3. tit. 31. §. 5. verb. Wann nach Absterben des einen Ehegenossen / das ander und überbleibend sich in unehrliche Benwohnung begiebt / und also wider die Ehre des Wittibstandes handelt / oder sonst den Wittibstand nicht halten / und in Unehren brechen thät : Hat dasselbige auch dadurch *ipso facto* , alsbald den Zwenytheil verwürkt / und verfallen.
- (b) *cit. tit. §. 15. vers.* Wann die Eheleute stetig miteinander in Zank / und Hader liegen / auch der Ehescheidung halben gegeneinander in Rechtfertigung stehen.
- (c) *cod. §. 16. verb.* Wann die Aelteren / *ex legitima causa* divorciert werden / sollen sie alsdann den Kinderen die *legitimam* zu geben auch schuldig seyn.
- (d) §. 18. verb. Wann die Aelteren von wegen begangener *Maleficij* als Todtschlag / Ehebruch / und derogleichen Mißhandlungen / mit Geld gestraffet werden.
- (e) §. 19. vers. Wann Aelteren / sonderlich aber die Stief-Aelteren / aus Untreu / Kargheit / oder Mißgunst einem Kind zu ehrlichen Sachen / mit ziemlicher Hülff / nach Gelegenheit ihrer Nahrung nicht wollen zu Steuer kommen ; oder so die Kinder etwann in ein Krankheit fallen / oder schadhast werden / dieselbe ohne Pfleg / und Hülff wollen verlassen.
- (f) §. 17. vers. unterstehen sie sich ihnen ein stattliches liegend Gut / um ein viel geringere Summa Geldes / dann es sonst verkauffet werden möchte / darzu auch auf geringe Ziel / Kauffs-weise zuzuwenden ; oder sonst was stattliches den Kinderen zum merklichen Nachtheil und Betrug zuzustossen. Wo solches geschehe / sollen die Aelteren dadurch den Kinderen den zweyten Theil auch verwürken / und zu geben schuldig seyn.
- (g) §. 7. vers. so die Aelteren / es seyen gleich rechte natürliche / oder gemachte Väter / Mütter / oder andere aufsteigender Linien / in ihrem Ehe- oder Wittib- Stand / vor der Abtheilung / ihren

dritten Theil den Kinderen / Dichteren / oder Ur - Dichteren zu entziehen / sich unterstehen.

(h) §. 8. *vers.* wann beyde rechte natürliche / oder gemachte Aelteren / oder aber nach Absterben deren eines / das ander und überbleibende Ehe - Mensch / den Güteren übel vorstehet / dieselbige verschwendet / vergeudet / oder sonst unnützlich zu bringet. De quo casu jam superius (C. 2.) cognatorum, tutorum, Magistratusve municipalis officium esse monuimus, ut huic diligenter invigilent Landg. Ordn. tit 117. §. 3.

(i) §. 11. *vers.* von den gemeinen unabgetheilten Güteren / ein Pfünd in ein Spital / oder sonst andere Ort kauffen ic.

§. 12. *vers.* wann die Aelteren von unabgetheilten Güteren / um ihrer Leibs - Nahrung willen / mit jemanden *pacificiren* / sich vergleichen / oder dessenthalben Vermächtnus thun.

(k) §. 13. *verb.* jedoch / und auf den Fall die ganze Erbschaft so groß oder stattlich nicht wäre / daß die Aelteren von ihrem dritten Theil / sich in ein Spital / oder sonst andere Orte / wie gehöret / könnten einkauffen / und also ihre Leibs - Nahrung und Unterhaltung nicht haben möchten / und doch die Kinder ihren zweyten Theil haben wollten : Solle es alsdann bey des Landgerichts Ermäßigung stehen / nach Gelegenheit aller Umstände / zwischen den Aelteren und Kinderen die Billigkeit zu verschaffen / und in allewege dahin zu sehen / damit die Aelteren in diesen Fällen was zu Unterhaltung ihres Leibs vonnöthen ist / von sich zu geben nicht gemüßiget / noch gedrungen werden.

(l) §. 20. *verb.* wann die eingesezte Aelteren / die angenommene Kinder / ohne rechtmäßige Ursachen übel halten / von ihnen hinweg jagen / oder sonst zu Krüppeln / und lahm schlagen : Sollen sie dadurch solchen Kinderen / den zweyten Theil auch verwürket haben.

*Arg. L. fin. ff. si a parent.*

(m) *Cit. §. 20.*

(n) §. 21. *verb.* und in was mehrten / außershalb obgesetzten Fällen / die Aelteren den Kinderen den zweyten Theil verwürken / und zu geben schuldig werden / stellen Wir zu Unsers Landrichters Erkenntnus / wie dann die *Moderation* in obgeschriebenen Fällen gleichermassen dahin gestellet bleibt.

§. IX. Sed quid, si parentes pacifice legitimam dictis casibus extradere nolint, liberi vero ob inopiam, & paupertatem in judicio jus suum persequi nequeant? Resp. tum a parentibus expensæ litis iis suppeditandæ erunt, quas tamen in divisione bonorum deducere poterunt, nisi parentes ex justa causa in expensas insuper condemnati fuerint (a).

(a) Landg. Ordn. cit. tit. §. 22. vers. So wollen wir/ daß in solchem Fall die Aelteren schuldig seyn sollen/ gehörten ihren Kinderen/ so aus bescheimlichen Ursachen den zwenten Theil/ oder ihre Gebührnus daran/ als vermürket/ erforderen wollen/ ziemliche Gerichts-Kösten/ expensas litis genannt/ jedoch weiter und mehr nicht/ bis die Beweisung durch sie/ die Kinder/ geschehen/ zu reichen/ und zu geben schuldig seyn sollen.

§. X. Utrum ex capite læsionis rescindenda veniat unio prolium, disquiritur? Putem ego distinguendum esse, an in favorem parentum, an in favorem liberorum rescissio petatur? Primo casu rescissio plane deneganda erit; etenim non posset non vergere eo casu in præjudicium, & damnum liberorum, cui tamen consultum voluere leges, & jura mediante unionis pacto. Imputent sibi parentes, quod in re tanti momenti non magis providi fuerint; idque eatenus extenditur, ut quamvis parentes, & consanguinei una cum liberis consentiant, unionem tamen inde dissolvi haud patiatur judex, ubi dissolutionem præjudicio fore liberis apparuerit (a); talis enim consensus & renunciatio præsumitur magis extorta, quam spontanee emissæ. Quod si autem liberi majorennæ fuerint, maturi, & sani judicii: aliud dicendum erit. Posteriori vero casu unionem rescindi æquitati congruit. Neque enim sub alia conditione inita, & comprobata fuit, quam quod liberis eam fore proficuum ipsi parentes, tutores, boni viri, & consanguinei crediderint; hoc tamen eatenus limitationem patitur, nisi

pa-

parens naturalis læsionem stante matrimonio sciverit, & post mortem alterius conjugis demum de rescindenda unione agere velit, quo casu non audietur; fieri enim præsumitur in merum odium liberorum unitorum (b).

(a) *Et ita conclusum est in causa des Rnaus zu Ochsenfurth contra seine Kinder am Landgericht.*

(b) *Ita judicatum fuit in causa Johann Bovery zu Würzburg contra seine Stief-Töchter allda am Landgericht nach 3. Regum den 14ten Januarii 1733.*

§. XI. Exspirat 5to ob ingratitudinem talem, ob quam exhereditatio jure Novellarum (a) est permessa, interveniente tamen cognitione magistratus, cujus auctoritate ingratus a successione repellitur, & sic unionis vinculum quoad hunc solvetur (b).

(a) *Nov. 115. C. 3.*

(b) *Arg. l. fin. de alend. lib. & parent.*  
RICK. C. 10. n. 40. & seqq.

§. XII. Rescinditur denique 6to unio prolium speciali pacto, dum certus modus dissolvendi pactum parificationis proclamati insertus fuerit; ita enim conveniri posse testatur experientia (a).

(a) *Ita judicatum fuit am Landgericht Anno 1733. den 17ten Augusti in proclamate Casparis Seufferth, & Catharina Sponsa zu Diepelsdorff.*

§. XIII. Atque hæc de unione prolium episcopatus & ducatus nostri in medium attulisse sufficiat; quæ si accurata minus methodo elaborata, & deproperata tibi videantur, veniam dabis B. Lector, & temporis angustiiis, & feriis appropinquantibus coarctato. Tu interim mihi fave & vale.



# OPUSCULUM IV.

DE

## LÆSIONE ENORMI IN CONTRAC- TU EMTIONIS VENDITIONIS RECTE COMPUTANDA.

### PRÆFATIO.

**I**nter probabilia vite humanæ negotia refero exactam  
 determinationem veri pretii rerum, queis publicis  
 civitatis legibus certus valor præfinitus non est, idque  
 haud gravate largientur omnes, qui pensiculatus animo  
 revolvunt, quam probe singulas rei, de cujus pretio qua-  
 ritur, qualitates intrinsecas oporteat habere perspectas;  
 quam accurate ad circumstantias extrinsecas loci & tem-  
 poris, raritatem, artem, affectiones contrahentium & in-  
 finita alia veniat attendendum, si ad amissum verum rei  
 valorem definire cogites. In contractu emtionis vendi-  
 tionis duo sunt contrahentes, emens atque vendens, quo-  
 rum verum rei pretium perspectum habere perinde inter-  
 est, ne lucretur contrahentium unus cum damno & jac-  
 tura alterius, & sic contra justitiæ commutativæ regulas  
 ex alieno locupletetur. Fortunæ aleam jussum pretium  
 ex asse attingendi atque periculum, ab eodem aberrandi  
 utrinque aequale versari, eundem esse læsionis metum,

G g

ean-



eandemque lucri spem ex parte emtoris, quæ est ex parte venditoris, luculenter hocce specimine comprobatum dedi, ut nulla prorsus excogitari queat ratio sufficiens, quare, quod circa læsiones, ex erronea pretii rerum, in contractum deductarum, definitione resultantes, sive ferendas, sive resarciendas in venditore juris est, idem illud in emtore justum reputari non debeat, ipsa hujus contractus natura omnem inæqualitatem respuente. Quapropter merito displicuit communis illa Jctorum & DD. sententia, qui in eodem emtionis venditionis contractu terminum a quo læsionum enormium in venditore dimidium, in emtore vero alterum tantum justæ & veri pretii constituunt. Cum tamen praxi plerorumque Dicasteriorum in Germania inveterata sit illa opinio: non male operam me collocaturum esse existimavi, si genuinum læsionem in utroque contrahente computandi modum ex indubiis principiis demonstrarem, atque errorem huncce communem solide confutarem, in ejusdemque originem penitus inquirerem. Quod an in præsentī hocce specimine præstiterim, tuum esto judicium B. L. Id adhuc monere volui, quod inter paucos DD., qui nobiscum sentiunt, celeberrimi Practici DAVID. MEVII (a)

§. XLVII. mentionem facere debueram. Vale interim, & conatibus meis fave.

(a) P. 6. Decis. CCXXII.

DE  
LÆSIONE ENORMI IN CONTRACTU EM-  
TIONIS VENDITIONIS RECTE COMPU-  
TANDA.

§. I. **I**Ntroducito rerum dominio ex necessaria qua-  
dam consequentia ad permutationes recurren-  
dum fuit generi humano, ut mutuas suas in-  
digencias sublevarent ii, quibus jam non indistincte in res  
quaslibet jus competit; sed illas solum, quas justo titulo, &  
modo dominii acquisitivo suas fecerunt, in usus suos con-  
vertere integrum est. Nimirum cum infinitæ sint rerum  
species, quæis vita hominis sustinetur: impossibile erat, ut  
stante rerum proprietate singuli rebus omnibus affluerent.  
Mutuis igitur alienationibus efficiendum fuit, ut quod dees-  
set uni, suppeditaretur ab altero, recepturo vicissim, quod  
ipsi abesset. Est enim hæc notio *permutationis* in genere,  
quod sit contractus, quo rei nostræ dominium aut jus ali-  
quod ita transferimus in alterum, ut rem aliam in vicem ejus  
ab eodem recipiamus. Ita e. g. permutatio est, quando Ti-  
tio triticum trado, ut in ejus locum vinum recipiam.

§. II. In permutationibus id agimus, ut in vicem re-  
rum nostrarum, in alios translatarum, res alias recipiamus.  
(§. I.) Suppono enim nec gratis quidpiam in alterum con-  
ferre, nec donare aliquid nos in animo habere. Pro rebus  
igitur nostris tantundem recipere intendimus. Quando pro  
re aliqua in alterum translata tantundem recipitur, serva-  
tur *æqualitas*; uti ex ipsa æqualitatis notione patescit (a). In  
permutatione itaque servatur, & servanda est æqualitas; h.  
e. effici debet, ut facta permutatione status utriusque per-  
mutantis quoad rerum permutatarum valorem idem sit,

qui fuit ante contractum, & unus in alterius locum salva quantitate bonorum substitui possit.

(a) *Perill. WOLFFII Elem. Arithm. Latin. Edit. I. Tom. I. Oper. Mathem. §. 15.*

§. III. Quo autem in contractu permutationis constare queat, utrum pro re nostra tantundem habeamus, an vero plus, aut minus receperimus, determinanda sunt rerum pretia, sive quod idem est, assumendæ sunt certæ quantitates ex bonitate, usu, necessitate, affluentia, aut raritate earundem determinandæ, singulis individuis, aut certæ cuiusdam speciei massæ, numero, mensuræ, aut ponderi assignandæ, ut his mediantibus inter se invicem comparari valeant, atque facta comparatione aptæ efficiantur, ut una pro alia commutari possit. Sit e. g. vinum commutandum cum lana; hoc casu certæ vini mensuræ v. c. amphoræ pro bonitate ac qualitate ejusdem certum pretium v. c. 3. statuendum erit. Quod si porro juxta easdem regulas certæ lanæ quantitatis e. g. libræ unius pretium deprehendatur esse 1.; comparari jam inter se poterunt vinum, & lana. Habebit scilicet amphora vini ad massam lanæ unius libræ, sive in genere pretium vini ad pretium lanæ ut 3: 1. sive in ratione tripla. Commutaturus igitur vinum cum lana sic, ut ratio æqualitatis emergat, (§. II.) loco unius amphoræ vini tres lanæ libras in vicem ejus recipiet, quo vinum datum sit ad lanam, loco ejus receptam, ut  $3 : 3 = 1 : 1$ . nulla ex alterutra parte remanente inæqualitate.

§. IV. Enimvero quantis involutum sit difficultatibus, pretia rerum ex vero determinare, vel ex hoc apparet, quod omnes omnino rei, de cujus pretio quæritur, qualitates tam in quam extrinsecæ, usus ejus & utilitas in societate & com-  
mer-

mercio hominum, raritas, ars, affectio, aliæque circumstantiæ temporis, loci, & personarum accuratissime veniant attendendæ & explorandæ (a); adeo ut, si omnem in vero pretio statuendo errorem evitare velis, divini potius, quam humani intellectus negotium id reputari debeat. Quæ nos in vita humana pro veris rerum pretiis habemus, non nisi probabiliter talia sunt, eo propius ad vera pretia accidentia, quo majori solertia in iisdem rite investigandis atque determinandis versamur. Experientia rerum & usus commerciorum hic plurimum facit.

(a) PUFFENDORFF *J. N. & G. Lib. 5. Cap. 1. per tot.*

§. V. Verum non sola hæc est difficultas, quæ rerum permutationes premit: occurrunt & aliæ non minus graves. Nam præterquam quod in dato quolibet permutationis instituendæ casu pretia rerum, utrinque permutandarum, explorare, & rationem unius ad alteram indagare necessum sit (§§. III. & IV.): illud præterea in rebus frequentis usus molestum & grave accideret, quod ratio pretii earundem ad quaslibet alias, quæ nos vicissim indigemus, determinare oporteret; id quod in tanta rerum, ad vitam jucunde beateque transigendam comparatarum, copia immensos pareret labores ac molestias: prout unusquisque facile intelliget, modo, quæ diximus, penitus ruminet, & calculi hujus tædia tentet. Sit e. g. vinum cum lana permutandum: hoc casu palam est, tam vini quam lanæ pretia, & unius rationem ad alterum debere esse cognita (§§. III. & IV.). Ast pone, non habere aliquem nisi vinum, rebus tamen aliis, tritico, corio, carne, ligno, ferro &c. indigere sæpius: hoc casu omnium harum rerum pretia ipsi exploranda & eorundem rationes ad pretium vini investiganda forent, siquidem promte, & sine læsionis periculo vinum suum cum illis commutare intenderet. Quod, quam

difficile foret, nisi nummis uteremur, acutioribus relinquere  
dijudicandum.

§. VI. His accedit, quod in tanta rerum varietate atque copia, quæ non ad necessitates tantum humanas sublevandas natura produxit, sed & ad vitæ commoditatem atque jucunditatem homines perfecerunt, & in formam artis redegerunt, non sine difficultate sæpe fuisset, eo præcise momento temporis, quo re aliqua opus habuissimus, invenire, qui rem nostram, ipsi forsan nulli usui futuram, accipere voluisset: quo ipso aut rebus necessariis destitutos nos egere oportuisset; aut easdem cum magno dispendio & jactura permutare dura nos necessitas adegisset.

§. VII. Quapropter non minus rationis lumine, quam experientia edocti fuerunt homines, non sufficere permutationes simplices, ut stante rerum dominio omni tempore pro rebus suis alias, sibi ad vitam necessarias atque utiles acquirerent. Ad pretium itaque commune, nummum scilicet, sive pecuniam, ex necessitate quadam naturali deventum fuit. Hæc pretium & mensura communis rerum omnium constituta fuit, ut ea mediante quodvis, quandocunque libuerit tempore, habere sibi, & comparare integrum esset. Pretio omnium rerum communi semel introducto, non amplius rei unius pretium cum pretio rerum aliarum omnium, sed cum sola pecunia conferre necessum fuit. Quin ne duarum quidem rerum permutandarum, sed unius saltem pretium nunc explorandum venit; quippe alterius, quæ in vicem datur, scil. pecuniæ valor per se certus & fixus esse supponitur. Immo quæ hodie dum fiunt permutationes, proprie ita dictæ, multo perficiuntur facilius, utriusque rei permutandæ pretio ad nummos reducto, vel ipsa experientia teste.

§. VIII.



§. VIII. Alia hinc species permutationis orta est, qua rem nostram in alterum ita transferimus, ut in vicem ejusdem non rem aliam, sed pretium commune, certam scil. pecuniæ summam, recipiamus. Dico *non rem aliam*. Licet enim, stricte loquendo, etiam pecunia res sit: non tamen ut talis in vita humana, & in commercio consideratur, sed ut quantitas, & communis rerum aliarum mensura, quam homines servant & custodiunt, dant, & recipiunt; non ut ex eadem immediate utilitatem percipiant, sed ut ea mediante necessitatibus atque commoditatibus suis mutuo prospiciant. Hanc permutationis speciem propter insignem ejus & frequentem usum peculiari nomine *Emtionem Venditionem* vocare placuit.

§. IX. Nimirum, quoniam in permutatione simplici uterque, alienans & transferens rem tradit, aliam in ejus vicem recipiens, ambo contrahentes non nisi uno nomine permutantium insiguntur; neque contractus alio quam permutationis vocabulo effertur, atque eo ipso ex utraque parte actum eundem scil. permutationem celebrari indigatur. Ast in emtione venditione diversi interveniunt actus ex parte venditoris atque emtoris. Ille rei suæ dominium in alterum scil. emtorem transfert pro certa pecuniæ summa: hic pro eadem pecuniæ summa rei istius dominium sibi acquirit. Qui emit, non vendit, & qui vendit, non emit: contra in permutatione uterque permutat. Quoniam tamen concipi nequit venditio absque emtione, neque emtio absque venditione, atque harum rerum mutua inter se relatio est: contractus hic conjunctis plerumque emtionis atque venditionis terminis efferri solet. Hinc definitur *emtio venditio*, quod sit contractus, quo venditor rei suæ dominium in emtorem transfert, sive, quod idem est, quo

## 240 Opusc. IV. De læsione enormi in contractu

quo emtor rei alicujus dominium sibi acquirit pro certa pecuniæ summa.

§. X. Dixi §. *præcedenti*, per contractum emtionis venditionis transferri dominium in emtorem: hoc tamen de jure tantum naturali intellectum velim, quo solo consensu serio domini, rem suam in alium transferre volentis, præcedente dominium transire omnino cum viris summis, HUGONE GROTIUS (a) & ULRICO HUBERO (b) existimo. Enimvero cum jure nostro sola conventionem neque dominium neque aliud jus, quod rem afficiat, & devinciat, adquiratur (c); sed tantum jus ad rem nascatur: *emtio*, *venditio* jure civili paulo aliter definienda erit; quod scilicet sit contractus, de rei nostræ dominio aut jure aliquo in alterum transferendo; five quod idem est, de rei alicujus dominio, aut jure aliquo, ab altero acquirendo pro certa pecuniæ summa. Ita enim intelligimus, jure civili non solo contractu emtionis venditionis transferri, aut adquiri dominium; sed jus nasci ad dominium acquirendum ex parte emtoris, atque obligationem ex parte venditoris ad idem in emtorem transferendum.

(a) *Lib. 2. de J. B. & P. c. 6. in pr. & §. 1. item c. 8. §. 25. nec non in Introduct. in jus Holland. 2. Cap. 5.*

(b) ULR. HUBER. *Digress. Lib. 4. c. 8.*

(c) *L. 20. C. de pactis.*

§. XI. Licet ergo jure civili ex consensu ementis atque vendentis jus & obligatio civilis nascatur, atque ea de causa ad contractus consensuales referatur emtio venditio: non tamen omnis ei vis & effectus, quem habebat jure naturali, in civitate relictus est (§. X.); immo alia plura in eodem hoc contractu occurrunt, quæ jure naturali paulo aliter se habent: ut exemplo læsionum corrigendarum infra

fra pateſcet. Eatenus igitur recte pro civili negotio habebitur, licet ceteroquin ex aliis rationibus contractus juris gentium haud inconcinne dici queat.

§. XII. Emtio venditio eſt ſpecies permutationis late acceptæ (§§. VII. & VIII.). In permutatione ſervanda eſt utrinque æqualitas (§. II.). Servanda itaque æqualitas inter emtorem & venditorem. Atque adeo, quod emtor dat, pretium exacte reſpondere debet merci, ſive rei, quam in vicem ejus recipit, ita ut venditoris conditio maneat prorsus eadem quæ fuit ante venditionem, neque plus, neque minus habeat; & ita viciffim merx, quam accipit emtor, pretium datum ex aſſe adæquare debet, uti volunt, & exigunt regulæ juſtitix commutativæ, (a) juxta quas ex utraque contrahentium parte æqualitas arithmetica obſervanda venit, ita, ut quod ex una aut altera parte plus æquo deprehenditur, ſubtrahatur, atque alteri, qui minus habet, addatur, inæqualitate omni procul amota. Pone mercis pretium deprehendi eſſe 6.: ab emtore itidem pretium 6. conſtituendum & in vicem mercis acceptæ ſolvendum erit, ut æqualis maneat utriusque ementis & vendentis conditio, & unus tantundem habeat, quantum alter.

(a) L. B. de WOLFF *hora ſubſeciva An. 1729. Trimeſ. vern. num. II. §. 10. p. 256. ſeq.*

§. XIII. Ut igitur exacta illa æqualitas ad amiffim cuſtodiatur: rei vendendæ pretium quam poterit accuratiſſime utrinque explorandum erit (§. III.). Venditori incumbet veras rei qualitates, virtutes & vitia candide & ſine diſſimulatione ulla emtori manifeſtare, niſi fors talia fuerint vitia, quæ in omnium oculos & ſenſus incidunt; hoc enim caſu ſupervacuum haberi debet de iisdem emtorem, ceteroquin prudentem commonefacere; nulla aget fraude, nulla callidi-

tate utetur ad decipiendum emtorem suum: & vicissim emtor caute & circumspēcte singula exploret; ad qualitates, quas præcipue in re vendenda supponit, attendat; conditiones & qualitates extrinsecas, si quas velit adjectas, distincte & sine cavillatione exprimat; nec dolo, neque falsis representationibus aut quibuscunque machinationibus efficiat, ut minus justo pretium rei suæ statuere venditor inducatur.

§. XIV. Quod de officio emtoris atque venditoris dixi, non velim trahi ad circumstantias temporis, loci, personarum, aut alias occasiones favorabiles, alterutri contractuentium solum perspectas. Has enim, ut unus alteri pro-  
palet, nulla eos stringit obligatio; nec charitatis leges jubent, si ceteroquin dolus malus, calliditas, & inhumanitas omnis absit. Necdum enim alteri jus quæsitum est favore istarum circumstantiarum lucrum aliquod ex pecunia aut mercibus suis acquirendi; quin potius lucrum illud & utilitas ista haberi adhuc potest pro re nullius, quæ fit primo occupantis. Quando igitur occasione loci, favore temporis, aut compendio aliarum circumstantiarum, mihi soli cognitatarum, in solam meam utilitatem utor, dum nullam in contractu de iis mentionem injicio; non magis alteri injuriam facio, quam dum rem nullius occupo, eamque in usus meos converto. Atque ex hoc fundamento decidi potest difficilis hæc & spinosa quæstio, de qua vide pluribus PUFFENDORFFIUM (a) in opere suo de J. N. & G.

(a) *Lib. 5. c. 3. §. 4.*

§. XV. Quando hæc, quæ modo innuimus, in contractu emtionis venditionis mutuo observant emtores atque venditores, dicuntur agere ex *fide bona*. Est enim *fides bona* in contractibus habitus, sive constans animæ voluntas  
nemi-



neminem in contractibus lædendi, sed damna omnia, inde in alterutrum resultatura, avertendi. Quod cum fiat, si singula, quæ (§. XIII) diximus, ad effectum deducantur; notionum nostrarum veritas abunde elucescit.

§. XVI. Qui ex *fide bona* in contractu agit, non vult, ut alteri ex negotio, quod cum ipso celebrat, ullum damnum obveniat (§. XV.); omnem curam & industriam eo impendit, ne qualicunque ratione lædatur, aut imminutionem in bonis suis sentiat. Merito ergo *fide bona* contrahens ea voluntate esse præsumitur, quod non solum fraudem, dolum, & culpam omnem procul abesse velit, verum quod emerguras etiam post contractum læsiones qualescunque, modo ex vitio, tempore contractus existente, aut ex errore tum admissio proveniant, reparare atque resarcire in animo habeat; ut exacta illa, quam his contractibus inesse volumus (§. XII.), æqualitas ad amissim conservetur & officiis *boni viri*, non minus quam justitiæ commutativæ satisfiat (§. XIII.).

§. XVII. Prono alveo inde fluit, quod, quæ dolo malo, fraude, cavillatione, aut machinatione qualicunque, negligentia, aut culpa dantur damna, aut causantur læsiones, in contractu emtionis venditionis de jure naturæ veniant resarciendæ, & corrigi debeant. Sunt enim læsiones istæ proprie tales, & formales, quæ pravam voluntatem nocendi, aut culpam saltem, & negligentiam in lædente supponunt. Quare cum aliunde etiam damna dolo, culpa, ve data resarcienda sint: quin idem in emtione venditione locum habeat, eo minus dubium est, quod fidem bonam sibi mutuo præstare debeant contrahentes. (§§. XIII. & seq.). Sed & idem statuendum erit de læsionibus improprie talibus, siue materialibus, quales dico, quando unus, aut al-



ter contrahentium sine prævio dolo, aut culpa, propter vitium rei inhærens, aut propter errorem in pretio damnum sentit. Nam cum ex notione bonæ fidei monstratum a nobis fuerit, quod contrahentes has etiam læsiones corrigere velle præsumantur (§. XVI.): quin ad damna & læsiones ejusmodi, quatenus in ipsorum potestate est, corrigendas teneantur, dubio caret. Quis enim diceret in bona fide esse illos, qui, dum post contractum vitium rei advertunt, aut veri pretii notitiam accipiunt, consequenter plus æquo apud se esse comperiunt, ejusdem restitutionem denegarent? An non potius in mala eos fide hæere dicendum foret? Confirmant hanc nostram sententiam jura nostra (§. XVIII.), licet & culparum præstationibus, & læsionibus improprie talibus certos limites posuerint. Quid enim aliud sibi volebant sollemnes in ejusmodi contractibus usitatæ formulæ: *Ex fide bona: ut inter bonos bene agier oportet: ne propter te, tuamque fidem frauder: quantum æquius melius:* De quibus vide celeberrimum HEINECCIUM, (a).

(a) *Antiquit. Rom. secundum ordinem Instit. Lib. 4. Tit. 6. §. 36.*

§. XVIII. Mirum itaque videri non debet, si non solum ob mutuum contrahentium dissensum (a), propter pacta adjecta, & conditiones, emtioni venditioni appositas, non impletas (b) propter dolum, vim, & metum (c) partim rescindatur, partim annulletur emtio venditio: sed si idem quoque leges nostræ juris esse voluerint, quando ex errore in contractu aut emtorem, aut venditorem læsos esse contigerit. Scilicet non videntur consentire, qui errant (d). Cum tamen alius sit error in corpore, alius in nomine, alius in sexu, alius in qualitate, alius in pretio: non uno eodemque in omnibus modo in contractu errantibus succurrunt. Aliis ipsæ emti & venditi actiones præsto sunt: emtori-

toribus in specie ædilitia edicta comparata sunt; de quibus videantur commentatores *ad Digesta tit. De rescindend. vendit.* interque eos vir eximius GERARDUS NOODT pulchre pro more suo exponens, quibus casibus, & quando ob errorem læso emtori aut venditori succuratur. Nobis impræsenti tantum de læsis ex errore in pretio dispiciendum, quibus in promptu est notissimum remedium *L. 2. Cod. De rescindend. vendit.* De quo, quomodo ad utrumque tam venditorem, quam emtorem adplicandum sit, paulo penitius indagare juvat.

- (a) *L. 35. π. de R. J. & arg. Leg. 3. π. de rescind. vendit.*
- (b) *Tot. Tit. Cod. de pactis inter emtorem & venditorem.*
- (c) *L. 1. L. 5. L. 8. Cod. de rescind. vendit. L. 1. π. Quod metus causa. L. 3. L. 4. & ult. Cod. cod. & potissimum GERARD. NOODT. Lib. singulari de Forma emendandi doli mali C. 7. & seq.*
- (d) *L. 116. de Reg. J.*
- (e) *Tom. 2. Operum ad Tit. de Rescind. vendit. p. 319. seq.*

§. XIX. Liquet igitur, & in aprico jacet ex *d. L. 2. §. 8. Cod. De rescind. vendit.* quod bonæ fidei contrarium judicaverint legislatores, tolerare inæqualitatem, quæ ex errore in definiendo pretio justo resultat. At vero, cum pretium ex rei veritate, & ad punctum determinare vix homini datum sit (§. IV.); & innumeræ utrique possint esse rationes peculiares, cur emtor minoris, venditor majoris rem æstimet: infinitarum litium semina relinquebantur, si in societate civili quarumlibet, putativarum sæpe læsionum refarcitionem coram judice petendi facultas integra fuisset. Nulla propemodum celebrari pōset emtio venditio, quam non quilibet contrahentium pro libidine & beneplacito suo everteret; jurgia & litigia plura ex uno hoc contractu, si minimæ quævis læsiones attenderentur, propullularent, quam ex quibuslibet aliis hominum negotiis. Quin ne in statu qui-

dem naturali, stabilito semel rerum dominio, omnes promiscue læsiones in censum trahere, & in contractibus dominii rerum, & jurium translativis attendere, earumque refarcitionem petere, suasit tranquillitas humani generis, & socialitatis amor. Si necessarium fuit proprietatem rerum introducere: necesse etiam erat, consentire in id, sine quo aut plane non, aut difficile subsisteret. Naturali itaque, & tacito quodam consensu de levioribus læsionibus, in contractibus ex errore provenientius, insuper habendis convenisse inter homines censendum est: sicuti ex naturali dictamine, & hypothetica quadam necessitate præscriptionum jura fluxere, & testamenta condendi facultas indulgenda fuit; ut dominia in certo consisterent, & lites evitarentur. Eadem ratione naturaliter placuit, leviores errores in contractibus sibi mutuo condonare, & pro lucro licito habere, quod plus æquo apud alterum esset. Hinc non minus vere ex civili, quam naturali jure ait POMPONIUS (a): *in pretio emtionis & venditionis licere naturaliter contrahentibus se circumvenire*: quod Iustus PAULUS ex paritate emtionis etiam in locationibus conductionibus juris esse enunciat (b). Quippe non id dicere volunt Iusti, quasi dolose, & data opera in hisce contractibus id agere naturaliter liceret, ut justo majori pretio venditor venderet, æquo minori emtor emeret. Quid enim magis a bona fide, (§. XV.) aut quid tam civilibus legibus refragaretur, quam dolos probare, & fraudes licitas enunciare? (§. XVII.). Id solum volunt, & insinuant, eam esse commerciorum naturam, tantas in inveniendis veris rerum pretiis occurrere difficultates, tot circumstantias speciales, quæ aut pretium minuant, aut intendunt, ex utraque parte contrahentium intervenire, atque insciis sæpe ex fortuito & inopinato eventu nasci, ut, siquidem inæqualitates omnes, quæ perfecto contractu fors sese exerunt, ad unguem refecare, emendare ac corrigere velint, omnia com-

mer-

mercia, & fides in contractibus haud dubie essent corrutur-  
ra. Æquum itaque esse inopinati sunt, ut minuscultas illas  
circumventiones in contractibus, præsertim si nullus aut  
dolus, aut vafrities subfuerit, æquo ferrent animo contra-  
hentes, contenti, si dolos, vim, & fraudes coercerent, &  
notabiles ex errore enatas inæqualitates ad æquum reduce-  
rent iudices. Atque hoc est, quod DIOCLETIANUS ait: *Sub-  
stantiæ hujus contractus congruere, quod emptor viliori comparan-  
di, venditor cariore distrabendi votum gerentes ad hunc contrac-  
tum (scil. emtionem venditionem) accedant.* (c)

(a) *Lib. 16. §. 4. π. de Minorib.*

(b) *L. 22. §. ult. π. Locat. cond.*

(c) *L. 8. C. de rescindend. vendit.*

§. XX. Quod si itaque, ultra quam bona fides, & na-  
tura commerciorum patitur, & socialitatis amor jubet, in  
pretii determinatione ab æqualitatis tramite aberratum fue-  
rit, justitiæ commutativæ regulæ volunt, ut lucrum im-  
modicum sive emptori, sive venditori subtrahatur, & dam-  
num passo resarciatur (§. XVII.). Læsiones minoris mo-  
menti, ex errore inculpabili natas, insuper habere præcipiunt  
civiles LL. & suadet naturalis ratio (§. XIX.); enormes ve-  
ro tolerare nulla jura volunt. Est nimirum *læsis enormis* in  
contractibus (si a determinationibus civilibus præscindimus)  
damnum notabile, sive alicujus momenti, uni alterive con-  
trahentium ex contractu obveniens. Cum vero in ejusmo-  
di damna nullo modo consentire contrahentes monstrave-  
rimus (§. XVI.): læsiones quoque enormes a contractu  
qualescunque abesse voluere. Notam & differentiam spe-  
cificam læsionis enormis gradum ejusdem intensiorem con-  
stituimus; hic igitur in casu quolibet specifico & individua-  
li ex quantitate bonorum, ex pretio vero, læsi divitiis, aut  
indigentia &c. ulterius determinandus venit: uti evenit in  
iis



## 248 Opusc. IV. De læsione enormi in contractu

iis omnibus e. g. *culpīs*, quæ gradu & diversa ad extra relatione inter se differunt. Quod si igitur hac ratione aliquis enormiter se in contractu læsum esse probare poterit: ut aut damnum sibi resarciatur, aut a contractu recedatur, jure postulat; in læsiones enim immodicas consensisse nemo censendus est (§. XVI.).

§. XXI. Immodicas has five enormes læsiones jure civili ante DIOCLET. & MAXIMIN. tempora ex clausulis & formulis generalibus *fidei bonæ* (§. XVII.), correctas fuisse vero est simile, & colligi quodammodo potest ex LL. 78. & 79. § seq. π. *Pro socio*, ubi PROCULUS in proposita quæstione (convenerat scilicet inter socios, ut amicus partes societatis constitueret,) arbitrium *boni viri* sequendum esse existimat, subjecta ratione generali, omnibus contractibus B. F. communi: *quod* scil. *judicium pro socio bonæ fidei sit*. Unde porro ex eadem illa ratione generali concludit PAULUS, quod si amici sive arbitri judicium ita prævum sit, ut manifesta ejus iniquitas appareat: idem corrigi per judicium B. F. Neque opus est, ut nodum hic in scirpo quæramus. Læsiones ex errore jure C. emendatas fuisse, etiam ante DD. Impp. probat manifeste L. 36. π. *de V. O.* ibi: *idem est, & si dolo nullus intercessit stipulantis; sed ipsa res in se dolum habeat, cum enim quis petat ex ea stipulatione, hoc ipso dolo facit, quod petit.* Quis dubitat rem in se dolum habere, non solum, dum vitiosa deprehenditur, verum etiam cum talis sit, in quam majus constitutum pretium, aut minoris solutio non quadret? An non dolo facit ille, qui, dum minoris rem esse comperit, majus nihilominus pretium petit, aut solutum retinet? Et ita vicissim in emtore (a). (§. XVII.) De stricti juris negotio loquitur alleg. lex: sed an minus in B. F. judiciis operabitur bona fides quam in stricti juris contractibus, qui arctius formulis suis & verborum conceptionibus inclu-

de-



debantur? Atque hanc sententiam nostram pluribus firmant viri de jurisprudentia summe meriti CUIACIUS (b) & GERARDUS NOODT (c): neque eandem convellunt, quæ vir celeberr. JACOB. THOMASIIUS (d) & alii nonnulli in contrarium afferunt.

(a) *Confer omnin. L. 1. §. 47. & L. 2. π. depositi L. 47. π. de Evict.*

(b) *Lib. XXIII. Obser. XXIV.*

(c) *In Commentar. ad digest. tit. de rescind. vend. p. 319. seq.*

(d) *In Dissert. de aequitate cerebrina L. 2. c. de rescindend. vendit. c. 2. §. 7. seq.*

§. XXII. Quod autem differentiam hic inter venditorem & emptorem faciat CUIACIUS (a) in priore admittens, correctam fuisse læsionem enormem; in emptore secus: in eo plane non cum ipso sentimus. Neque enim ulla est probabilis dubitandi ratio, quin idem in emptore, quod in venditore observari voluerint LL. nostræ. Par est utriusque conditio: par utriusque difficultas pretium ex vero determinandi: iisdem errandi periculis subjectus emptor, quibus expositus venditor: venditor vult magni vendere, emptor parvi emere juxta illud PLAUTI *perfa* 4. 4.

*SA. Vin' bene emere? DO. Vin' tu pulbre vendere? TO. Ego scio bercle utrumque velle.*

Necessitate subin venditor ad res vendendas, subinde etiam emptor ad res emendas adigitur. Et si disparitatem hic confingit CUIACIUS (b) & alii cum eo sentientes, dum aliam venditoris, aliam emptoris conditionem statuunt, illum ex necessitate vendere, hunc sine necessitate emere, aliquando luxuriæ indulgentem, sæpe affectioni opportunitatis, aut vicinitatis, aut cœli &c: eos tamen res ipsa redarguit, & nemo non videt hæc perinde, immo sæpius in venditorem quadrare. Ignorat quandoque verum rei pretium venditor,

I i

ut

ut minori rem tradat : sæpe etiam ignorat emtor , ut majori accipiat. Non ferunt subinde circumstantiæ venditoris, ut omnes rei qualitates , raritatem , artem , occasionem loci & temporis ex affe exploret , sed idem sæpe ratio temporis aut aliæ circumstantiæ non sinunt in emtore , ut ita uterque haud raro a vero pretio aberret. Quidni igitur utrumque commiseratione æquali dignum LL. judicent, si alterutrum in pretio enormiter læsum esse contigerit ? ut , quod ex errore innocuo damnum sensere , officio *boni viri*, *judicis* intelligo , resarciri jubeant. Subsunt utrinque eadem æquitatis rationes , ut ovum ovo non tam sit simile. Nimirum quantum igitur in principium rationis sufficientis impingeret Legislator , qui aliud in emtore , aliud in venditore læso statueret. Quid ! an minus imputandum venditori , quod rem suam , cujus tamen ipse qualitates omnium optime perspectas habere debebat , justo minoris æstimaverit , quam emtori , cui , quod qualitates rei alienæ minus habuerit perspectas , condonandum videbatur , si innocenti errore ductus eandem justo majoris habuerit.

(a) *Lib. XVI. Obs. 18.*

(b) *Ibidem.*

§. XXIII. Patet ulterius assertum nostrum ex formulis in actionibus B. F. adhiberi solitis (§. XVII.), quæ utique tam emtori quam venditori communes fuere , nec pro uno plus quam pro altero valuerunt , ex regula generali , quam tradit JUSTINIANUS noster (a) : in B. F. judiciis permitti videri judici ex *bono & æquo* æstimandi , quantum aëtori restitui debeat (b). Immo æqualitatem hancce ex utraque parte tam emtoris quam venditoris probe observandam esse inculcat ICTUS PAULUS, æquitatis summus arbiter (c). Licet enim in *alleg. L. fraus liberti* intervenerit : noluit tamen,

men, quia emtor fraude caruit, eundem minus quam venditorem jure ac facultate gaudere, utrum a contractu emtionis venditionis recedere, an rem justo pretio retinere, aut sibi habere malit. Neque solida subest disparitatis ratio, quare, quæ hic propter dolum liberti intervenientem inter emtorem & venditorem custoditur utrinque æqualitas, minus locum habere debeat, si ex errore læsio obvenerit (§. XXII.) Hinc acute non minus quam recte conjicit vir consultiss. GERARD. NOODT (d), DIOCLET. & MAXIM. ad vetera hæc jura & LL. respexisse, cum in L. 2. C. de rescind. vendit. emtori libertatem relinqueret, an recedere a contractu, an justo pretio rem suam esse cupiat. Confirmantur hæc ulterius ex L. 12. π. de jure dot. quippe dotis datio & ipsa venditio est (e).

(a) *Inst. Lib. 4. Tit. 6. §. 30. de Acq.*

(b) *Vid. HEINECCII Antiquit. Rom. secundum Ord. Inst. L. IV. Tit. 6. §. 36. BARNAB. BRISSON. de Formul. Lib. V. §. 159.*

(c) *In L. 1. §. 12. & 13. π. siquid in fraud. patron.*

(d) *Alleg. lo. p. 322. in fin.*

(e) *L. 10. §. 4. L. 12. §. 1. L. 16. π. de J. Dotium.*

§. XXIV. Evicimus itaque, tam in emtore quam in venditore læsionis enormis rationem fuisse habitam. Ast qualis illa? quibus ea terminis circumscripta fuit? nimirum vagis illis & indeterminatis, quos §. XX. innuimus, lubricis nimium, si civiles rationes & judiciorum nostrorum indolem serio expendas. Jure scilicet antiquo hæc res ex mero judicis arbitrio, ex fide bona judicantis, pendebat. Illius erat ex circumstantiis specialibus in casu dato obviis metiri, utrum immodica fuerit læsio, nec ne. Ex quo non poterat non summa sæpe judici suboriri in judicando difficultas, inter contrahentes irreperere inæqualitas, & turbari judiciorum ordo. Quid enim, si judex corrumpi se aut donis, aut par-

tium blandimentis passus fuerit? quid, si uni præ altero magis fuerit addictus? quid denique si lucrum ex lite sperabat? an non in tanta pretiorum, ex vero determinandorum, difficultate (§. IV.) & vaga læsionis enormis notione (§. XX.) amplissimus judici campus patebat, læsiones enormes pro lubitu suo citra fas & æquum statuendi? si quidem a tramite recte deflectere in animum induxisset. Quid? quod in tanta incertitudine læsionis immodicæ ipsis contrahentibus, præsertim si cavillandi, & litigiis alios vexandi desiderio pungerentur, latissima fuerit licentia, lites impune movendi, judicia temere adeundi, tam jus dicentibus, quam aliis molesti futuri. Hinc ex iisdem civilis prudentiæ regulis, quæ Legislatores induxerunt, ut pubertatis & minorennitatis annos definirent, præscriptionum tempora certa ponerent, terminos judiciales fixos redderent, & certis limitibus circumscriberent, permoti fuerunt Legislatores nostri DIOCLET. & MAXIM, ut vagam antea læsionis enormis summam cancellis certis definirent, atque læsiones, in contractibus tolerandas, ad certam quantitatem restringerent. Dimidium justî & veri pretii pro termino a quo constituisset Legislatores nostros, in sequentibus videbimus. Atque hætenus omnia nexu optimo cum principiis universalibus prudentiæ civilis, & scientiæ legislatoriæ regulis cohærent, quidquid in contrarium sentiat vir *celeberr.* JACOB. THOMASIVS (a), ceteroquin mea laude major.

(a) *In alleg. dissert. de æquitate cerebrina L. 2. C. de rescind. vendit.*

§. XXV. Ex maxime momentosis & prægnantissimis rationibus §. præcedenti evicimus, læsionem enormem ad certum, a quo incipiat, terminum adstringendam, nec amplius vagam, & indeterminatam relinquendam fuisse. Quare cum eandem non minus in emtore, quam in venditore

cor-



corrigendam esse demonstratum a nobis fuerit (§. XXII.): eadem haud dubie militant rationes, ut in emtore, immo in omnibus contractibus dominii, aut jurium translativis certus læsioni enormi statuatur terminus *a quo*: Quapropter, cum eundem ad dimidium iusti & veri pretii fixerint Legislatores nostri in venditione: idem quoque fecisse censendi sunt in emtione, locatione, conductione, permutatione, societate, &c. Neque obstat, quod in *d. L. 2. & L. 8. Cod. de rescind. vendit.* DIOCLET. & MAXIMIN. hanc suam legalem voluntatem in casu specifico venditionis proposuerint. Id enim ex accidenti est; neque rationem legis generalem destruere valet. Idem haud dubie responsuri erant Impp. si ab emtore, locatore, conductore, permutante, socio &c. in casu læsionis simili preces fuissent oblatae.

§. XXVI. Separandæ nimirum sunt in dictis legibus rationes intrinsecæ, legales, finales & politicæ, a rationibus earundem occasionalibus & accidentalibus. Facta proposita a LUPO & EVODIA occasionem solum & ansam subministrarunt, ut ex rationibus, fuse supra a nobis (§. XXIV.) adumbratis, læsionem enormem certam redderent, & in genere tam contrahentibus, quam iudicibus normam constituerent, quam imposterum in læsione immodica determinanda iudices observandam sibi esse scirent. Facta speciales venditionum casus continent: rationes autem earundem universales sunt, & b. f. contractibus omnibus communes. Quin cum nulla ante *d. LL. 2. & 8.* inter emtorem & venditorem subfuerit differentia (§§. XXII. & XXIII.): ipsa legum antecedentium ratio pro extensione *d. LL. 2. & 8.* ad emtorem, aliosque b. f. contrahentes pugnare videtur. Nec ab hac sententia te dimoveat, quod *dd. leges* sub venditionis schemate fuerint propositæ. Namque id novum non est in jurisprudentia veteri, & Legislatori-



bus sollemne fuit, sanctionem generalem sub schemate casus specialis proponere (a); idque pluribus exemplis firmare possem, nisi diutius immorari pigeret in re, in qua concordant JCTi plerique, paucis cum CUJACIO (b) contrarium tenentibus, quorum rationes adeo debiles sunt, ut ne confutari quidem mereantur.

(a) *Vid.* CASP. ZIEGLER *de Jur. Maj. C. 6. §. 16.*

(b) *Lib. XVI. Obs. 18.*

§. XXVII. Luculenter hucusque demonstratum dedimus, læsiones enormes ex errore in pretio resultantes non in venditore solum (§. XX. & XXI.), verum etiam in emtore, aliisque contractibus, ubi æqualitatem mutuam intendunt contrahentes (§. II. & XII.), esse attendendam, atque corrigendam (§. XXII. & XXIII. seq.). Evicimus præterea læsionis enormis modum antea vagum & indeterminatum, *Lege 2. & L. 8. alleg.* fixum, & certo termino adstrictum in iisdem contractibus non minus, quam in venditione locum sibi vindicare (§. XXV. & XXVI.), ut nulla amplius ambiguitas relicta esse videri possit. Enimvero cum in modo computandi læsionem non conveniant DD. & aliter eam in venditore, aliter in emtore instituant: dispiciendum nunc erit, quænam genuina ratio in computanda læsione servari debeat, ut neutri fiat injuria, & justitiæ commutativæ regulæ sancte custodiantur. Atque in hoc eo erimus curatiores, quo majus decisio hujus controversiæ in praxi momentum præbet, & quanto enixius, eo operam nostram quantulamcunque impendere decet, ut in certitudinem juris omnem e jurisprudentia nostra eliminemus.

§. XXVIII. Ut autem sententiam nostram de computanda læsione in emtore, atque venditore eo stabiliamus  
firmius,

firmius, non abs re fuerit principia quædam fundamenti loco præmittere, quibus veritatem dicendorum tanquam basi immotæ superstruamus.

§. XXIX. Tenendum itaque *primo*, quod in contractu emtionis venditionis, omnis alea, & periculum erroris, qui in determinando pretio committi potest, se teneat ex parte rei, a venditore in contractum deductæ. Hujus tantum valor & pretium quæritur; de hoc ex vero determinando laborant ambo contrahentes (§. VII.). Emtor enim loco rei pecuniam tradit (§. VIII.); hujus autem valor ex natura sua certus est, & publica lege definitus esse supponitur (§. eod.). Nullam adeo aleam subit, ut minoris eam expendat: neque venditor habet, quod timeat, ne majoris justo eandem accipiat; &, siquid tale (quod tamen raro evenit) fors ab alterutra parte ex errore contigerit, minima tamen indere resultans inæqualitas atque læsio corrigenda venit; uti in omnibus iis, quæ valorem a publica lege definitum habent, juris esse apud omnes constat. Læsiones itaque, quæ circa pecuniam, ab emtore traditam, contingunt, huc non pertinent; quævis quippe læsio, quæ in errore monetæ contingit, enormis censeretur debet: ita e. g. si emtor aureum Hungaricum venditori ex errore traderet pro 4. flor. Rhen. poterit jure repetere 10. aut 12. *crucigeros*, quos hic terrarum aureus Hung. pluris valere noscitur; & vicissim, si venditor aureum Hungar. ex errore acceperit, pro 4. flor. Rhen. & 30. *crucig*: 18. suos, aut 20. *crucigeros*, qui justum aurei Hungarici valorem excedunt, optimo jure ab emtore sibi reddi postulat, non attento, quod longe infra dimidium læsus sit. Hæc praxis quotidiana confirmat. Nec magis hoc casu, quam in emtionibus, venditionibus frumenti, panis, atque carnis, quando publicum iis pretium a magistratu præfixum est, remedio *L. 2. c. de rescind. vendit.*  
opus

## 256 Opusc. IV. De læsione enormi in contractu

opus est. Cessant hic omnes rationes, propter quas læsiones quasdam tolerandas esse diximus (§. XIX.). Nulla itaque hic ferenda inæqualitas.

§. XXX. Aliter se res habet in permutantibus. Nam cum uterque hic rem tradat, aliam in ejus vicem recipiens, (§. I.) & utriusque rei pretium definiendum sit (§§. III. & IV.): uterque duplicem subit aleam, sive periculum læsionis; 1. dum aberrat in vero pretio rei suæ; 2. dum aberrat a vero pretio rei alterius permutantis. In casu autem emtionis venditionis uterque contrahens non nisi simplici aleæ, ac læsionis periculo expositus est. Sit enim e.g. fundus vendendus P. Hoc casu venditor aut justum fundo suo statuit pretium; aut pluris eundem, aut minoris æquo æstimat. In duobus casibus prioribus nullum damnum sentit; cum primo casu suum habeat, secundo casu lucretur etiam. Solo igitur casu tertio, quando scil. minoris eundem facit, læsionem sentit. Et ita vicissim emtor aut verum fundo statuit pretium, aut minoris, aut majoris æquo eundem æstimat. In duobus casibus prioribus nihil perdit; cum primo casu suum in salvo habeat, altero vero lucretur. Solus igitur casus tertius superest, quo damnum in ipsum redundat, scil. quando fundo justo majus pretium statuit: e.g. sit pretium fundi P. 100. *aur.* si uterque 100. *aur.* eundem æstimet, neuter læditur. Pone vero venditorem eundem æstimare tantum 80. *aur.* atque pro hoc pretio eundem emtori tradere: hæret hoc casu emtor in lucro 20. *aureorum*; venditor autem damnum sentit itidem 20. Quodsi autem emtor fundo pretium statuatur 120. *aur.* atque pro hoc pretio eundem accipiat: tunc læsio emtoris est 20. *aur.* & lucrum venditoris itidem 20. *aur.* Liquet igitur, ex utraque parte non nisi unicum esse casum generalem, quo læsionis aleam subeat aut emens, aut vendens

dens. Sit contra in permutatione fundus permutandus P. domus in vicem recipienda D.: hic uterque duplex subit periculum imo quando dominus fundi permutandi P. iusto minoris eundem aestimat; 2do, quando domum in vicem sui fundi recipiendam iusto majoris facit. Atque ita vicissim se res habet in domino domus tetradendæ D. Pone enim fundi pretium verum esse 1000. *aur.* pretium domus itidem 1000. *aur.*: hoc casu permutans fundum læditur, si aut minoris e. g. 900. *aur.*, aut majoris domum v. g. 1100. *aur.* domum aestimaverit. Utrouque enim casu læsio est 100. *aur.* & ita pariter in permutante domum, si domum suam 900. aut fundum P. 1100. pretio judicaverit. Scil. tota ratio disparitatis in eo sita est, quod in emtione venditione in pretio, pro fundo suo recipiendo a venditore, exsolvendo ab emtore, scil. pecunia, nullum in aestimatione periculum versetur. (§. XXIX.) Atque ad hanc disparitatem probe velim attendas, Suppeditabit ea solidam diversitatis rationem, quare in computatione læsionis enormis in permutantibus res se paulo aliter habeat, quam in emtione venditione. Præterea fons & origo erroris adversariorum clare ex hoc fundamento elucescet, & infra ad oculum demonstrabitur.

§. XXXI. Totum itaque erroris in pretio committendi periculum versatur circa rem, sive mercem in contractum deductam. (§. XXVIII.) Videamus porro cuius præ altero hic sit melior conditio? an emtor magis a vero pretio aberrare possit, quam venditor? an contra huius præ altero sit pronior lapsus? Ambo de vero pretio inveniendi solliciti sunt, (fide bona enim eos agere supponimus) (§. XV.) difficultatem in eo perquirendo sentiunt parem (§. XXII.); tot, immo pluribus, casibus a vero aberrandi expositus est emtor, quot venditor, ita ut pari saltem, si non meliore eun-

K k

dem



dem cum venditore conditione & in statu æquali censere omni jure debeamus. Neuter læditur, si æquum attigerint pretium; in lucro hæret emtor, si venditor minoris vendiderit; lucratur venditor, si emtor majoris emerit; læditur emtor, si majoris justo emerit; læditur venditor, si minoris æquo vendiderit; expectatio lucri & damni utrinque æqualis. Sit e. g. merx vendenda A. cujus pretium verum contrahentibus incognitum sit 10. *aur.*: hoc casu æque possibile est, ut emtor solvat venditori 11. quam ut hic emtori mercem relinquat pro 9., ut emtor 12. 13. 14. 15. 16. & ita porro ex errore rem æstimans solvat loco 10. hic pro 8. 7. 6. 5. 4. & ita porro pariter ex errore in pretio aberrans rem emtori vendat. Non major est possibilitas horum casuum in emtore, quam in venditore. Licet enim disparitas nonnulla in eo se sistat, quod emtor ultra alterum tantum etiam lædi possit; venditor autem ultra quantitatem pretii veri vix circumscribi queat: illud tamen æqualitatem & identitatem casuum, quos hic supponimus, non destruit. Sufficit, quod usque ad quantitatem veri pretii eadem utriusque sit conditio. Quæ in emtore læsionis alea ultra integrum justum pretium, sive alterum tantum deprehenditur, ad favorem potius ejus pertineret, & meliorem ipsius conditionem faceret: at nos eandem ne in computum quidem impræsenti trahemus, nec videntur traxisse legislatores, moti haud dubie rationibus (§§. XIX. & XXIV. ) adductis.

§. XXXII. Quarti fundamenti loco suppono, non posse legislatorem citra manifestam injuriam partium in casibus prorsus æqualibus diversum jus statuere, obstante hic principio *rationis sufficientis*. Multo minus igitur ille, cui æqualitatem inter contrahentes omni modo conservare incumbit, inæqualitatem absque ullo juris colore inter eosdem introducere poterit. Quæ enim major foret injustitia quam



quam e. g. venditori indulgere actionem ad pretium ab emtore petendum; emtori vero ad petendam mercem emtam nondum traditam nulla ratione succurrere?

§. XXXIII. Ex eo igitur, quod æqualis sit conditio emtoris atque venditoris in contractu emtionis venditionis (§§. XXI. & XXXII.); consequenter æqualia quoque ipsis jura indulgenda sint; nec majori favori venditor, quam emtor dignus haberi possit salvis justitiæ regulis (§. XXXII.), sponte sua sequitur, quod si læsiones quasdam in contractu emtionis venditionis ferre cogatur emtor: quasdam etiam ferre debeat venditor (XIX.); quod si attendatur ac corrigatur læsio enormis ex parte venditoris (§. XX.): attendi quoque eadem debeat ex parte emtoris (§. XXII.); si suavisit iudiciorum ordo, & litium finiendarum studium, ut in venditore ad certam summam restringeretur læsio enormis, a qua tanquam termino suo *a quo* inciperet (§. XXIV.): idem quoque in emtore sanciri oportuit; quot numero casus læsionum in emtione venditione legeslatores statuunt ferendos esse venditori, antequam civile ipsi impertiantur remedium: tot numero casus, & non plures emtorem tolerare æquum erit, antequam de resarcitione damni jure experiri ipsi liceat. Pone e. g. ad quintum usque casum impune in pretio lædi venditorem; sexto ipsi succurri, & læsionem corrigi: æquum sane est, ut vicissim non nisi quinque læsionum casus emtor ferat, sexto civile ipsi pateat remedium. Si in casu tertio, quarto, quinto, sexto, septimo &c. læsio venditoris corrigitur: iniquum profecto esset, si in tertio, quarto, quinto, sexto, septimo &c. casu diversum quid statueretur in emtore (§§. XXXI. & XXXII.). Atque ita, si in genere, legislator dimidiam, vel tertiam, quintam &c. veri & justii pretii partem terminum *a quo* læsionum velit esse in venditore: nulla adest ratio, quare non

## 260 Opusc. IV. De læsione enormi in contractu

candem dimidiam, tertiam, quartam, aut quintam justī & veri pretii partem terminum *a quo* constituere velit; aut debeat in emtore, pecunia, quam emtor dat, ad determinandam in eodem læsionem enormem plane nihil faciente (§§. XXIX. & XXX.). Justī & veri pretii mercis hic solum habenda est ratio: ab hujus majore vel minore æstimatione læsio enormis dimetienda venit. Hæc si serio expendas, veritatem nostræ computationis anticipato percipies.

§. XXXIV. Atque hæc eo firmiori, ac inconcusso magis stabunt talo, si demonstratum dederimus casus læsionum in emtore esse eosdem cum casibus correspondentibus læsionum in venditore quoad quantitatem læsionis, & ejus, quod in effectu utrinque accipitur. Prius nemo facile vocabit in dubium. Pone enim venditorem accipere pro merce sua 4. 5. 6. 7. aut 5. *aur.*; si verum mercis pretium sit 10.: patet venditorem læsum esse in 6. 5. 4. 3. aut 2. *aur.* Quod si vero ex adverso (quod æque facile fieri potest (§. XXXI.) ponas emtorem pro merce valente 10. dedisse 16. 15. 14. 13. aut 12. *aur.*: patet læsionem ejus, perinde ut venditoris, esse 6. 5. 4. 3. aut 2. *aur.* consequenter æqualem cum læsione venditoris. Q. E. D.

Quoad secundum, quod scilicet perinde, sicut venditor in casibus, ubi accipit 4. 5. 6. 7. aut 8. *aur.*, 4. tantum, 5. 6. 7. aut 8. *aur.* in salvo habet, emtor in casibus, ubi pro merce illa solvit 16. 15. 14. 13. aut 12. *aur.*, non nisi 4. 5. 6. 7. aut 8. *aur.* in salvo habeat; & sic utriusque conditio prorsus sit eadem: id sequenti modo demonstro.

Sit primus casus, ubi venditor pro merce valente 10. accipit  $4 = 10 - 6$ ; in casu opposito, ipsi correspondente, emtor pro merce solvit  $16 = 10 + 6$ ; ipse vero in merce tantum 10 recipit. Est igitur in his casibus ratio differentię, sive arithmetica

in-

inter id quod dedit venditor, & id quod accepit  $= 10 - 4 = 6$ , & ratio differentiæ inter id, quod dedit emtor, & id quod accepit  $= 16 - 10 = 6$ . Nimirum  $10 - 4 = 16 - 10 = 6$  læsio, sive differentia communis inter data utrinque & accepta. Cum autem in ratione differentiæ  $16 - 10$  nihil immutetur, si utrinque, scilicet a 16, & a 10, æqualia subtrahas (a): manebit eadem ratio differentiæ inter id, quod dedit emtor, & id quod accepit, si a dato 16, & ab accepto 10 utrinque 6 subduxeris.

$$\begin{array}{r} 16 - 10 \\ 6 = 6 \text{ subtr.} \\ \hline 10 - 4 \end{array}$$

Consequenter erit adhuc, sicut ratio differentiæ inter id quod dedit venditor & id quod accepit  $= 10 - 4 = 6$ : ita pariter ratio differentiæ inter id quod dedit emtor & id quod accepit, sicut  $10 - 4 = 6$ . Enimvero cum in casu priore venditor non nisi 4 in salvo habeat juxta demonstrata: perinde emtor in casu posteriore itidem non nisi 4 in salvo, sive in effectu habebit, manente eadem læsione 6. Q. E. D. Et ita demonstratio procedit de casibus omnibus sibi mutuo respondentibus, quotquot concipi possunt. Scilicet venditor, qui accepit 16 pro merce valente 10, habet  $4 + 6 + 6$ , emtor vero  $4 + 6$ . Quod si jam auferas utrinque 6, &ingas emtorem mercem tantum 4. aur. habere: venditor nihilominus adhuc habet  $4 + 6$ , consequenter tantum, quantum in casu altero habebat emtor, quo venditor pro merce 4 accepit, & in salvo habuit. Cum vero facta hac subtractione emtor pariter tantum 4 in salvo habeat, & venditor 10 habeat, sicut in casu opposito emtor, pater, quod eadem utrinque læsionis quantitas subsit & maneat, quæ ante fuit. Quæ a DUARENO hic dubia moveri possent, infra (§. LII.) solvantur. Ceterum cui difficiliora hæc videntur, eo quod

principiorum Mathematicorum nonnullam cognitionem supponant : is se teneat in parte prima reductionis nostræ ; nimirum in læsionum identitate , ex qua non minus evidenter veritas computationis nostræ elucescit.

(a) *Celeberr. WOLFFII Elem. Mathes. Lat. edit. 1. Arithm. §. 84.*

§. XXXV. Memoriae tamen juvandæ gratia, & ut casus læsionum, earundemque identitatem eo promptius nobis repræsentare valeamus, tres tabulas hic placuit annectere, quarum prima continet casus 10 quibus venditor læditur, & emtor in lucro hæret, Tab. tertia 10 casus repræsentat, ubi emtor læditur & venditor in lucro hæret. Compendii gratia in hac Tab. notavimus quid emtor in effectu habeat subducta ejusdem læsione; inter utramque autem media casum unicum æqualitatis continet.

§. XXXVI. Ad oculum itaque patet, tot casibus, & in eadem quantitate lædi, aut lucrari emtorem, quot venditorem lædi, aut lucrari contingit. Si venditor vendit mercem  $10 - 1 = 9$ , qui est casus primus Tab. I. emtoris lucrum est 1, venditoris damnum pariter 1. Quodsi autem casum primum in Tab. II. ipsi respondentem, atque æque possibilem supponas, ubi venditor accipit  $10 + 1 = 11$ : erit ipsius lucrum, sicut emtoris damnum pariter 1. Eandem utrinque æqualitatem omnes casus possibiles ita percurrendo invenies. Nullo itaque jure excusari poterit legislator, qui alium in emtore, alium in venditore terminum a quo læsionum enormium statueret (§. XXXIV.). Quis, obsecro! tantam ferat injustitiam, ut in pari causa, in pari errandi periculo, nulla commiserationis ratione pro uno plus militante, quam pro altero, venditori e. g. in casu sexto, ubi læsio ejus est 6, succurreret; in casu autem opposito in emtore, ubi scil.

sol-

## TAB. I.

*Casus inequalitatis, quibus venditor  
ladiur, emtor vero lucratur.*

	<i>Si venditor mercem ven- dit</i>	<i>Ladi- tur</i>	<i>Si mercis venditæ pretium verum</i>	<i>Emtor autem in effectu ha- bet</i>	<i>Conse- quen- ter lu- cratur</i>
10	$10 - 10 = 0$	10	10	$10 + 10 = 20$	10
9	$10 - 9 = 1$	9	10	$10 + 9 = 19$	9
8	$10 - 8 = 2$	8	10	$10 + 8 = 18$	8
7	$10 - 7 = 3$	7	10	$10 + 7 = 17$	7
6	$10 - 6 = 4$	6	10	$10 + 6 = 16$	6
5	$10 - 5 = 5$	5	10	$10 + 5 = 15$	5
4	$10 - 4 = 6$	4	10	$10 + 4 = 14$	4
3	$10 - 3 = 7$	3	10	$10 + 3 = 13$	3
2	$10 - 2 = 8$	2	10	$10 + 2 = 12$	2
1	$10 - 1 = 9$	1	10	$10 + 1 = 11$	1





solvit 16, consequenter læsio itidem est 6, immo perinde (§. XXXIV.) ut venditor 4 tantum in salvo habet, auxilium emtori denegaret, atque lucrum penes venditorem relinqueret? quod tamen in casu plane simili, immo eodem, (§. eod.) ab emtore avocatur. Quæ æquitatis ratio, ut plus oneremus, & duriores simus in emtorem, quam in venditorem?

§. XXXVII. Certa igitur, & inviolabilis regula in constituendo termino *a quo* læsionum enormium hæc custodienda est: *Quod ab eodem casu læsionis, sive aberrationis a vero & justo pretio læsio enormis debeat incipere in emtore, a quo incipit in venditore.* Sit e. g. determinatio istius termini *a quo* tertia pars justii & veri pretii: hoc casu læsio enormis erit, quæ transcendit partem tertiam justii & veri pretii, consequenter, si nequidem  $\frac{2}{3}$  in salvo habet venditor. Eadem igitur tertia pars norma & terminus *a quo* læsionis enormis erit in emtore. Pone mercis pretium esse 9, si venditor ab emtore accipiat 6, nondum erit enormiter læsus, cum habeat  $9 - 3 = 6 = \frac{2}{3}$  justii & veri pretii; neque læsio terminum *a quo* 3. excedit. Quodsi vero venditori tantum soluti fuerint 5, habebit  $9 - 4 = 5$ , læsio autem erit  $\frac{4}{9}$  adeoque tertia parte veri pretii sive  $\frac{3}{9} = \frac{1}{3}$  major, & consequenter ex hypothesi enormis: & vicissim, si emtor dederit  $12 = 9 + 3$ , læsio est  $3 = \frac{3}{9} = \frac{1}{3}$  talis, scilicet, quæ terminum *a quo* nondum transcendit. Cessat igitur adhuc, nec datur hoc casu remedium. Quodsi autem solverit  $13 = 9 + 4$  læsio est  $4 = \frac{4}{9}$ , major termino *a quo*, sive  $\frac{3}{9} - \frac{1}{9}$  adeoque corrigenda erit. Idem dicendum erit, si terminus *a quo* fuerit pars dimidia, pars quarta, duæ tertiæ &c. justii & veri pretii. Uti enim primo casu inciperet læsio enormis ab ea, quæ excedit dimidiam; in altero ab ea, quæ transcendit quartam, in tertio casu, quæ esset supra duas tertias justii & veri pretii:  
ita

ita pariter idem terminus *a quo*, atque eadem quantitas iusti & veri pretii spectanda foret in emtore, si æqualitatem, quam toties inculcavimus, in utroque contrahente observare velis.

§. XXXVIII. Restat nunc, ut dispiciamus, utrum ab hoc tramite recti abeant leges nostræ, & alium in venditore, alium in emtore statuant terminum *a quo* læsionum enormium; & an non potius eandem æqualitatem in emtore, & venditore sancte custodiri voluerint. Ajunt Imperatores. *L. 2. C. de rescind. vendit. Rem majoris pretii si tu vel pater tuus minoris distraxerit : humanum est, ut vel pretium te restituente emtoribus, fundum venundatum recipias auctoritate judicis intercedente; vel si emtor elegerit, quod deest justo pretio, recipias. Alius autem pretium esse videtur, si nec dimidia pars veri pretii soluta est. Et L. 8. C. eod. verb. profecto perspicies, neque bonam fidem, quæ emtionis atque venditionis conventionem tuetur, neque ullam rationem concedere rescindi propter hoc consensu finitum contractum, vel statim vel post pretii quantitatis disceptationem, nisi minus dimidia iusti pretii, quod fuerat tempore venditionis datum esset, electione &c.* Ex verbis harum legum luculenter apparet, terminum *a quo* læsionum enormium, in venditore constitutum, esse dimidium veri & iusti pretii; ad rescindendum contractum agere ipsum posse, si nec dimidium rei suæ habeat; corrigi læsionem venditoris, si nec dimidia pars iusti pretii soluta sit, eam, quæ infra est, non attendi. Nullam ansam leges hic reliquerunt disceptandi, aut alienam legislatoribus mentem affingendi. In dato quolibet casu cognito pretio statim patescit, utrum venditor enormiter læsus sit, ne ne? utrum remedio civili locus sit, an ferenda ipsi læsio? Pone pretium iustum esse 6, venditorem accepisse 4: patet, repelli eum a limine iudicii, si quidem dimidiam, aut dimidia maiorem veri pretii accepit. Quod  
si

si vero ponas ipsi ab emtore tantum 2. data esse: jam pater, ne dimidium quidem scil. 3. ipsum habere; consequenter enormiter læsum actione civili emtorem pulsare posse. Similiter, si pretium verum fuerit 10.: casus enormis læsionis existet, si vel minimum a dimidio veri pretii scil. 5 absit. Adhuc enim verum est juxta *dd. LL.* ipsum nec dimidium veri pretii habere: cum contra *nulla ratio concedat rescindi contractum emtionis venditionis*, si dimidium pretii veri venditor in salvo habeat.

§. XXXIX. Patet itaque inveniri terminum *a quo læsionum enormium* in venditore, si inquiratur in verum rei pretium; ab hujus enim summa dimidia incipiunt læsiones immodicæ: sic Titius scire volens, utrum in domo vendita ultra dimidium læsus sit, exploret verum domus pretium; quod, quibus modis in republica fieri queat, dicere hic non attinet. Ponamus illud deprehendi esse 2000. *aur.*, dimidium ejus erit 1000. terminus ultimus læsionum ferendarum, & terminus *a quo læsionum refarciendarum*. Quod si itaque tantum 999. ipsi fuerint soluti: læsio justam querelæ causam facit. Sit denique in genere merx qualiscunque vendita  $M$ , pretium ejus verum  $p$ : erit dimidium  $\frac{1}{2}p$  terminus *a quo læsionum enormium*, quarum series erit  $\frac{1}{3}p - a$ ,  $\frac{1}{2}p - b$ ,  $\frac{1}{2}p - c$ ,  $\frac{1}{2}p - d$ , & ita porro usquedum  $\frac{1}{2}p - n = 0$ , quæ est omnium maxima in venditore, cum hoc casu plane nihil ex re sua habeat.

§. XL. Ast vero, quid de emtore nostro faciemus, de quo *alleg. LL.* silent? Num alium, quam dimidium veri & justii pretii terminum *a quo læsionum enormium* in ipso constituisse Impp. nostros dicemus? Non puto; nec tam oblitos æquitatis ipsos fuisse crediderim, ut adeo enormiter in justitiæ commutativæ regulas impingerent (§§. XXXII. & XXXVI.)

XXXVI.): neque ex *dd. LL. 2. & 8. Cod. de rescind. vendit.* contrarium elicitur, dicitur ibi: *Minus pretium esse si nec dimidia pars veri pretii soluta, aut data est.* At demonstratum dedimus (§. XXXVII.), iisdem casibus, ubi nec dimidia pars venditori soluta est, ex adverso neque emptori dimidium veri pretii in effectu datum esse (§. cit. & Tab. I. & III.). Perinde igitur alleg. LL. ad emptores & venditores pertinent. Deinde verba: *Soluta est, datum esset*, casibus propositis venditorum adaptata sunt, neque generali determinationi, & menti legislatorum, qui haud dubie dimidium veri & justii pretii pro termino communi a quo læsionum enormium esse voluerunt, quidpiam præjudicant. Voluere saltem Impp. læsioni enormi in genere terminum fixum statuere, qui perinde tertia, quarta, quinta, aut sexta pars justii & veri pretii esse potuisset: sed magis placuit in dimidio justii pretii eundem consistere, quo & læsionibus immodicis obex poneretur, neque tamen nimis litibus fora & judicia pulsarentur. Mensura læsionum ferendarum utrinque eadem est: licet paulo aliter in venditore, quam in emptore enuncianda fuerit. In venditore dicendum fuit: *Læsionem enormem, aut minus justo pretium esse, si nec dimidia veri & justii pretii pars data, aut soluta esset.* In emptore contra sic enunciandum fuerat: *Læsionem enormem, aut majus justo pretium esse, si præter verum rei pretium ultra dimidium ejusdem justii pretii datum aut solutum esset.* Verba diversa, res eadem. Quod in casu venditionis legislatores mentem suam declaraverint, & justum læsionum terminum sanxerint, id per accidens est. Absit, ut aliud in emptore legislatoribus placuisse sine ulla necessitate effingamus, & mentem ipsis obtrudamus nullibi in legibus obviam, & quam, si casus similis ab emptore fuisset propositus, non potuissent non abhorre (§. XXXII.).



§. XLI. Quare, cum idem dimidium justī & veri pretii sit terminus *a quo* læsionum enormium in emtore: facile est in casu quolibet dato invenire, utrum emtor enormiter læsus. Inquirendum scil. ut ante in venditore (§. XXXIX.) in verum rei pretium, idque in duas partes æquales dividendum erit. Quo facto si appareat, emtorem præter verum rei pretium ultra dimidium justī & veri pretii dedisse: patebit ipsi remedium *L. 2. Cod. alleg.* perinde, ut venditori, & ad corrigendam læsionem æqualiter actionem instituere poterit (§§. XXVI. & XXVII.). E. g. in emtione domus sit pretium ejus verum 1000. *aur.* dimidium erit 500: si præter pretium verum 1000. minus dimidio v. c. 499 emtor dederit, nondum enormiter læsus est; erit tamen, si præter verum pretium 1000. ultra dimidium e. g. 501, & ita porro solverit. Atque ita, si verum rei pretium in genere ponatur esse  $p$ : erit dimidium  $\frac{1}{2} p$ , consequenter  $p + \frac{1}{2} p$  terminus *a quo* læsionum enormium in emtore, ipsæ vero læsiones enormes  $p + \frac{1}{2} p + a$ ,  $p + \frac{1}{2} p + b$ ,  $p + \frac{1}{2} p + d$ , & ita porro in infinitum. Unde differentia aliqua hic apparet inter venditorem & emtorem. Illius enim læsiones enormes habent terminum *ad quem*  $\frac{1}{2} p - a = 0$ : hujus vero scil. emtoris nullum talem agnoscunt (§. XXX. *in fine.*).

§. XLII. Emtioni venditioni similis est locatio conductio (a). Locator venditoris, conductor vero emtoris loco est: res locata mercis, locarium pretii vicem subit. Quare cum evictum a nobis fuerit (§§. XXVI. & XXVII.) remedium *LL. 2. § 8. Cod. de rescind. vendit.* in locatione conductione, permutatione &c. peræque locum habere: patet, eadem ratione, qua in contractu emtionis venditionis, læsionem enormem in locatore & conductore computandam, easdemque prorsus observandas esse regulas. Sit e. g.

locarium pro fundo añuum verum & justum 100. *aur.* Quod si locatori minus dimidio justī & veri locarii, e. g. 49 ex errore datum fuerit: erit locator perinde læsus, ac si venditor pro merce valente 100. *aur.* tantum accepisset 49 *aur.*; sicut enim hic dimidium veri & justī pretii non haberet, ita in locatore verum est, eundem dimidiam justæ & veræ mercedis, si-ve locarii partem non habere. Et ita vicissim, si ponas conductorem ex errore dedisse præter justum & verum locarium ultra ejus dimidium e. g. ultra 100 *aur.*: adhuc 52. h. e. 552 suberit hic pariter læsio enormis. Perinde enim, ut locator, ultra dimidium justī & veri locarii læsus est. Repetenda hic sunt, quæ de identitate casuum læsionum in emtore & in venditore fusc supra (§. XXXIV.) demonstravimus.

(a) L. 2. π. *Locat. conduct. Pr. Instit. eod.* LAUTERBACH *Colleg. Theoret. pract. ibid.* §. 1.

§. XLIII. In contractu permutationis uterque permittans ut emtor, & ut venditor considerari potest; hinc duos in utroque permutante casus generales, quo lædi possunt, locum habere (§. XXX.) monstravimus. Semel læditur, quatenus consideratur ut emtor, semel quatenus consideratur ut venditor. Cum autem rationem computationis in emtore, & venditore eadem ratione fieri, si-ve mensuram læsionis enormis eandem in utroque esse dimidium justī & veri pretii, evictum dederimus (§§. XXXIII. & XL.): idem etiam in permutantibus locum habere debet. Sit e. g. fundus Titii permutantis unius P.; domus Caji permutantis alterius D; pretium verum utrinque 1000, *aur.* Ponamus 1. Titium fundum suum ex errore æstimare 480 *aur.* & quod 1000 *aur.* deest, scil. 520 alia ratione supplere: considerari hic potest Titius ut venditor, qui nec dimidium veri & justī

justi pretii sui fundi ab altero recipit. Nam cum 520 *aur.* in aliis rebus datis cum totidem *aur.* in domo compensentur: revera loco 1000. tantum 480 habet. Læsum itaque enormiter esse apparet. Pone 2. eundem Titium domum Caji ex errore æstimare 1520, atque præter fundum reliquos 520. *aur.* aliunde supplere: considerari hic potest Titius ut emtor, qui rem valentem 1000. emit pro 1520. Cum vero hoc casu emtorem ultra dimidium læsum esse evicerimus (§. XL.): Titius perinde & hoc casu ultra dimidium læsus erit, & justam querelæ causam habebit. Idem dic de Cajo, si ex adverso ipsum hac ratione circumscriptum esse appareat. Atque hæc læsionem in permutante computandi ratio non mediocrem lucem affert sententiæ nostræ, hætenus a nobis stabilitæ; cum nulla ab adversariis hic possit confingî disparitatis ratio, cur permutanti Titio in primo potius casu, ubi 520. ipsi absunt, ipsi succurri debeat, quam in secundo, ubi itidem in 520. *aur.* ex errore læsus est, & par utrumque errorem committendi subsit periculum. In contractu societatis eadem ferme ratione calculus læsionis enormis instituitur: ut pluribus exemplis hanc nostram computandi rationem confirmare merito supersedeamus.

§. XLIV. Illud adhuc monendum erat, observato hoc, quem adstruximus, computandi modo in emtore & venditore æquali, perfectam custodiri æqualitatem inter contrahentes; non queri potest emtor, quod plus venditori, quam ipsi leges indulgeant; læsionum casus, quos uterque ferre cogitur, utrinque sunt iidem (vid. Tab. I. & III.); si quod lucrum immodicum revocatur ab emtore, idem illud in casu opposito leges revocant a venditore; æqualis ergo, & prorsus eadem utriusque est conditio, qualem inter commutantes custodiendam esse, abunde a nobis demonstratum est (§§. II. & XII. & alibi passim.).

§. XLV. Justum dicimus id , quod officiis erga alios est conforme ; sive quo tribuitur cuique , quod ipsi debetur. Quare cum nostra computandi ratio tribuat venditori, pariter ac emtori quod ipsis ex errore in pretio abest : justam eandem esse apparet. Præterea justum etiam illud dicitur , quod inæqualitates injustas tollit. Unde alia etiam ratione elucescit, quare computandi ratio , quam in utroque contrahentium parem & æqualem constituimus , pro justa sit reputanda.

§. XLVI. Quod vero eadem etiam legibus congruat, abunde (§§. XXVI XXVII. XL.) evicimus. Frustra saltem laborant, & alienam mentem legislatori affingunt, qui eandem ex dictis legibus impugnant ; veram Impp. mentem eruimus ( d. §. XL. ), ut proin computationis hujus instituendæ æquitas ( §. XLIV. ), justitia ( §. XLV. ), & ejusdem cum legibus consonantia firmo stet talo , & immotis fundamentis suffulta sit.

§. XLVII. Hoc fateor , si Jctorum auctoritate , & numero magis , quam ex sanis verioris jurisprudentiæ principiis sententiam nostram firmare velimus , quod longe inferiores palmam & victoriam adversariis relinquere nos oporteat. Pauci enim sunt , qui nostrum computandi modum probent , si veteres juris interpretes excipias , quorum tamen haud raro sublesta fides est. Inter eos , qui hunc nostrum computandi modum defenderunt, primas tenet ACCURSIUS ad L. 2. C. de rescind. vend. ubi ait : *Sed quæ est hæc dimidia ? Dic in emtore decepto, si rem valentem decem emit pro 16 , licet alii dicant, emit pro 21 : quod non placet, quia tunc non dimidium justii pretii, sed duplum egreditur. In venditore: sicut si rem valentem 10 , vendidit pro 4 : Et probantur hæc in f. d. L. Et in fin, eod. L. si voluit Et c. PINELIUS ad L. 2. Cod. de rescind. ven-*



*vendit. P. 1. C. 2. n. 6. GUTTIEREZ lib. 2. pract. 133. SCACCIA, BARBOSA, & HISPANI communiter omnes; itemque J. Württembergicum P. 2. Tit. 14. §. und soll das ibi: Als wann zur Zeit des Contractseins Gut dem gemeinen Werth nach 60. Flor. werth gewesen / und der Verkäufer weniger als 40. Flor. das vor empfangen / oder der Käufer 80. Flor. oder mehr davor bezahlt hätte. Licet enim hic tertia justii pretii pars pro termino læsionis enormis constituta sit: idem tamen sapientissime non minus in emtore, quam in venditore juris esse voluerunt (a).*

(a) LAUTERBACH. *Coll. Theor. pract. Pandect. ad Tit. de rescind. vendit. th. 10. in fine.*

§. XLVIII. Ab hac nihilominus læsionem in emtore computandi ratione optima abeunt Jcti recentiores vix non ad unum omnes, tum demum in emtore læsionem enormem subesse admittentes, quando ultra alterum tantum justii & veri pretii læsus est: sic si fundi venditi verum pretium fuerit 1000. aureorum, atque emtor eum ex errore æstimaverit 1600. 1700. 1800. 1900. immo 2000. nondum conqueri eundem posse, se enormiter læsum esse, sed tum demum ipsi ex *L. 2. Cod. de rescind. vendit.* succurri, si 2001. &c. solverit. Id quod ex paritate rationis itidem in conductore admittere coguntur (§. XLII.), ita ut, si conductor fundum, cujus verum locarium sit 100, pro annuo locario 156. 160. 170. 190. imo 200. conduxisset, nondum ex capite læsionis enormis rescindatur locatio conductio, sed tum demum, si 201. &c. pro annuo locario dedisset, læsio corrigatur.

§. XLIX. Ex verbis ACCURSI, quæ supra (§. XLVII.) retulimus, patet, non nostris demum temporibus erro-  
neam



neam hanc sententiam irrepsisse in jurisprudentiam nostram sed multis retro sæculis a Jctis eandem fuisse propugnatam. Defendunt eandem præter DUARENUM (a), & CUIACIUM (b), MOLINÆUS (c), MYNSINGERUS (d), MEIERUS (e), FRANKIUS (f), ZOESIUS (g), BRUNNEMANNUS (h), STRUVIUS (i), PETRUS MÜLLERUS (k), SCHILTERUS (l), ARUMÆUS (m), HAHN (n), LAUTERBACHIUS (o), JCTI SAXONICI (q), Jus PRUSSICUM ELECTOR. (r), & recentiores plerique, nostram computandi rationem veteris erroris nomine insignientes, suam vero communem Jctorum opinionem esse asserentes: id quod eisdem, si ex numero magis, quam rationum pondere eandem æstimare velis, lubentes concedimus.

- (a) *Ad L. 36. π. de V.*
- (b) *Lib. XVI. Obs. XVIII.*
- (c) *Tract. de Usuris.*
- (d) *Cent. IV. Obs. 73.*
- (e) *Colleg. Jur. Argent. ad Tit. de rescind. vend. Th. 6.*
- (f) *Lib. 3. Resol. 3. n. 14.*
- (g) *Ad Digesta Tit. de rescind. vend. n. 6.*
- (h) *Ad Tit. π. de rescind. vendis.*
- (i) *Exercis. XXIII. Tit. V. Thes. 86.*
- (k) *Ibidem in notis.*
- (l) *Exercitat. ad π. 30. §. 94. seq.*
- (m) *Ad L. 2. Cod. d. Tit. disp. 1. Th. 8.*
- (n) *Ad WESSENBEC. Tit. cod. n. 6.*
- (o) *Colleg. Theor. pract. cod. Tit. §. 10.*
- (p) *BRUNNEM. d. L. 4. π. cod. Tit.*
- (q) *CARPZOV. P. 2. C. 34. d. 8.*
- (r) *Lib. 4. Tit. VI. Art. XV. §. 7.*

§. L. Id mirere, eandem æquitatem sententiæ suæ prætexere adversarios; eandemque, quam pro nostra adstruximus, eosdem obtendere computationis suæ cum jure & legibus consonantiam. Ita enim DUARENUS (cujus ver-

bis,

bis, etsi prolixioribus adversariorum fundamenta proponere lubet) ea de re cit. l. differit: Proinde quod de venditore a DIOCLETIANO rescriptum est, ad emtorem ita producere necesse est, ut inter emtorem & venditorem aequalitas & proportio servetur. Idque ut commodius facere possimus, ex ea hypothesis thesis facienda est, & generaliter constituentum, ei, qui ita deceptus est, ut ne dimidium quidem acceperit ejus, quod accipere debuit, subveniendum esse: vel ita, quoties id, quod datur, altero tanto amplius est, quam quod accipitur. rel. Quam ob rem si ponamus, inversa specie mercem valore 4, pretium esse 10: dubitandum non est, quin succurratur emtori; quia verum est, eum altero tanto amplius dare, quam accipiat, & ne dimidium quidem ejus, quod dat, accipere. Quodsi ponas pretium esse septem: aliud dicendum erit, quia hic non dat emtor altero tanto plus, quam accipiat. Item si ponamus mercem valere decem, & emtorem pretii nomine dedisse viginti: non rescinditur venditio; quia verum est eum dimidiam partem accepisse ejus, quod dedit, quodque acciperet, si aequalitas in commerciis exacte servaretur. Quodsi unum & viginti dederit emtor venditori: tunc deceptionis ratio habebitur; cum ne dimidium quidem acceperit. Sunt, qui existiment emtori etiam tunc succurrendum esse, cum sedecim solvit venditori; quoniam par est ejus jactura, & venditoris, qui ab emtore quatuor accepit, & emtoris, qui sedecim solvit; utrique enim absunt sex aurei. Sed illi non animadvertunt magis decipi eum, qui dat decem pro quatuor, quam qui dat viginti pro decem; eandem esse proportionem viginti ad decem, quæ est decem ad quinque. At certum est ei non succurri, qui decem pro quinque dedit; quod tunc dimidium accepisse dicatur. Ex quo consequens est, ne ejus quidem rationem habendam esse, qui viginti dat, & decem accipit. Si cui autem iniquum videatur, & absurdum, cum utrique sex aur. amiserit, utrique pariter non succurri: is cogitet velim & animadvertat, gravitatem damni in quaque specie ex eo, quod mutuo datur & accipitur, aestimandam esse. Ex quo fit interdum, ut facilius ei succurratur, cui minus, quam cui plus abest.

## 274 Opusc. IV. De læsione enormi in contractu

Exempli loco: Titius rem valentem 10 vendidit 4.; Sempronius rem valentem 20 vendidit 10: hic succurritur Titio, cujus damnum est sex tantum, non Sempronio, cujus damnum est 10.

§. LI. Habes hic in compendio, quidquid pro sententia contraria afferri potest. Existimant nimirum adversarii, perinde, ut in venditore constituitur læsio enormis, si nec dimidium rei suæ acceperit, sic in emtore rationem læsionis immodicæ collocandam esse, si nec dimidium pretii dati, sive pecuniæ suæ habeat; adeoque generalem hanc regulam obtinere: *quod ille censeri debeat læsus esse enormiter, qui nec dimidium ejus, quod dedit, in salvo habet*; ac proinde in venditore inquirendum esse in verum rei pretium, cujus dimidium si acceperit venditor, querelæ locum non esse, perinde ut supra (§. XLI.) docuimus. Neque enim quoad venditorem inter nos dissensio est: in emtore contra hanc constituunt regulam: *Quod scilicet inquirendum sit in pretium mercis verum, & in pretium solutum ab emtore: hoc dividendum in partes æquales duas: quodsi dimidia pretii soluti pars superet pretium verum, læsionem enormem esse, secus, si vel adæquet, aut infra sit.* E. g. sit pretium mercis 10, pretium solutum 16: huius dimidium erit 8. Cum 8 nondum adæquet pretium verum 10: ex hypothesis diversariorum nondum læsio enormis subest. Quodsi vero pretium solutum fuerit 24: dimidium erit 12. Quod, cum superet pretium verum 10 duobus *aur.*: juxta ipsos læsionem enormem esse patet. Unde apparet, ipsos terminum a quo læsionum enormium in emtore alterum tantum justi & veri pretii constituere. *Perinde, ait SCHILTERUS (a), uti pretium minus solutum ab emtore bis debet contineri in justo pretio mercis datæ, & solvendo, ac præterea aliquid plus: vicissim ut rescissio ab emtore locum habeat, debet merx vilioris pretii data a venditore bis contineri in pretio injuste soluto, ac præterea aliquid plus: uti in casu, ubi pro merce*

ce 10 *aur.* fuere soluti 4, pretium minus scil. 4. continetur in vero scil. 10 bis & aliquid plus, nimirum  $2\frac{1}{2}$ : item si pro merce 10 *aur.* dati fuerunt 21, merx vilior seu pretium verum continetur in 22, bis & aliquid plus sive  $2\frac{1}{10}$ .

(a) *Cit. loco* §. 97.

§. LII. Enimvero hæc scrupulum non movent, neque veritatem computationis supra a nobis stabilitæ infringunt. Illud enim gratis omnino sumitur, enormiter læsum censi eum, qui nec dimidium ejus, quod dedit, in salvo habet, nisi juxta hypothesin reductionis nostræ (§. XXXIV.) casus in emtore ad identitatem casuum, ipsis correspondentium, in venditore reduxeris. Facta quippe reductione universaliter verum est, tam in emtore, quam in venditore, enormiter lædi eum, qui nec dimidium rei suæ integrum & salvum habet. Sic verum est, venditorem lædi enormiter, si pro re valente 10. accipiat tantum 4; quia nec dimidium scil. 5. in salvo habet. Similiter si casum, quo emtor solvit 16, ad eundem casum reduxeris, quo monstravimus ipsum tantum 4 in salvo habere (§. XXXIV.): æque verum est, eum enormiter læsum; quoniam ultra 5, dimidium scilicet 10 *aureorum* ipsi absunt. Ast, ubi emtorem supponis dedisse 16 *aureos*, & in merce eundem accepisse 10, atque huic casui regulam illam adplicare velis: eadem cum juris & æquitatis ratione consistere nequit. Impp. non dimidium ejus, quod datum esset, sed dimidium veri & justii pretii rei in venditionis atque emtionis contractum deductæ voluerunt esse terminum a quo læsionum enormium (§§. XXXIX. & XL.). Res, quæ in contractum emtionis venditionis deducitur, solum est objectum erroris, & lapis offensionis, ubi uterque, tam emtor, quam venditor æqualiter impingere possunt; ille statuendo majus; hic præfigen-

do rei suæ minus justo pretium. Unius lapsus in hujus determinatione æque facilis est, & possibilis, quam alterius (§§. XXIX. XXXI. & XXXII.). Cur igitur erroribus in venditore plus faverent leges, ultra dimidium justii pretii læsiones non ferentes, quam erroribus emtoris, quem altero tanto pluribus casibus sine spe refarcitionis ferendis subjicerent? At audio te regerere cum DUARENO, emtorem, cum læsio ejus verum pretium rei sive mercis acceptæ adæquat, habere adhuc dimidium rei suæ, scil. pretii dati; consequenter æquali eundem esse conditione cum venditore. E. g. si venditor mercem dat 10. aureorum, emtor vero solvat 20: emtor in merce, quam recipit, 10 *aur*, sive dimidium ejus, quod dedit, in salvo habet, neque adeo enormiter læsum se esse conqueri potest. Enimvero procul abest, ut hac ratione servetur æqua utriusque conditio, ut maxima potius sit inæqualitas. Venditor in merce valente 10. (supponimus nimirum lucra & damna progredi in numeris integris) decem habet casus, quibus lucrari, & totidem ex adverso sunt casus, quibus emtor perdere potest. Quod si enim venditor pro merce sua accipit 20, lucratur 10, quos ex adverso emtor perdit: contra, emtor in eodem contractu tantum quinque habet casus, quibus lucrum sibi promittere valet, sine obligatione aut necessitate civili idem restituendi. Quare cum in his tantum casibus venditor perderet: evidens est, quinque tantum esse casus, quo venditor perdere potest. Pone venditorem mercem 10 *aur*. dare pro 5 *aur*. qui est terminus maximus læsionum, ab ipso tolerandarum: lucratur hoc casu emtor 5 *aur*. quos ex adverso venditor perdit. Habet igitur se lucrum maximum venditoris ad lucrum maximum emtoris ut  $10 : 5 = 2 : 1$ , sive in ratione dupla; damnum maximum ad damnum maximum emtoris ut  $5 : 10 = 1 : 2$  sive in ratione subdupla; damnum scilicet maximum venditoris altero tanto minus est damno maximo emtoris: hujus contra



tra lucrum maximum altero tanto minus est lucro maximo venditoris. Quæ an non sit inæqualitas e contractu, ubi par est periculum, par utrinque alea aberrandi a vero pretio, judicio relinquo eorum, quibus veritates penitus animo comprehendere datum est.

§. LIII. Videntur scilicet DUARENUS, & qui eum sequuntur confundere contractum emtionis venditionis cum contractu permutationis, in quo regula dicta quodammodo tolerari & admitti potest. Nam cum in permutatione utrique permutantes ut emtores, & ut venditores considerari possint (§§. XXX. & XLIII.): in casibus, ubi habentur pro venditoribus, utrinque verum est, eos læsos esse enormiter, si nec dimidium ejus, quod dederint, habeant. Sit e. g. *Titii* permutantis triticum 100 *aur.* *Sempronii* permutantis alterius vinum itidem 100 *aur.*: læditur *Titius* enormiter, si pro tritico nequidem 50 habeat; similiter *Sempronii* læsio enormis est, si ipse pro vino ne quidem 50 in salvo servet. Utroque enim casu verum est, eos ne dimidium quidem habere ejus, quod dederunt. Nec ratio in obscuro est; servatur enim hic exacta æqualitas, & par est utriusque lucrandi, aut perdendi periculum: potest *Titius* triticum suum æstimare 150 *aur.* & sic lucrari 50 in permutatione facta cum *Sempronio*: potest idem *Titius* triticum suum facere tantum 50 *aur.* & sic ex adverso in eodem contractu perdere 50. Sed eandem aleam habet *Sempronius*. Quod si enim vinum suum æstimet 150 *aur.*, lucratur 50, quos perderet, si pretium eidem tantum 50 statueret. Nimirum in re, quam hic in vicem tradit *Sempronius*, scilicet vino, manet ipsum, sicut periculi & damni ita & fortunæ æqualis alea. Ast in emtione venditione aliter se res habet. Unica tantum hic res est, circa quam errare potest aut emtor aut venditor (§§. XXIX. & XXX.): ambo æqualiter (§. XXXI.): circa pecuniæ æstimationem

alea nulla est (cit. §§.): eam tamen in hypothefi adversariorum sentit emtor, dum periculo ipsum subijciunt perdendi pecuniam usque ad quantitatem veri pretii mercis contractum deductæ, sine spe, sine alea pari tantundem a venditore lucrandi. Justum est, ut venditor dimidii veri & justii pretii jacturam ferat; quoniam parem habet aleam dimidium veri pretii lucrandi. Quippe æque possibile est, ut emtor plus dimidio veri pretii solvat, quam ut iste minus dimidio rem suam tradat. Ast in emtorem duplum solventem hæc ratio non quadrat. Perderet hic dimidium pecuniæ suæ, in qua nulla spes est, fore, ut venditor eam duplo pluris æstimet. Frustra expectat emtor, ut venditor aliquando ex errore 10 *aureis* pretium 20 *aur.* statuatur, & præter mercem in alia re, aut alia moneta 10 *aureos* ipsum lucrari faciat. Obstant hic quæ supra (§. XXIX. & XXX.) dicta & demonstrata fuere: æqualis tamen fortunæ alea necessaria foret, si in hypothefi sententiæ contrariæ æqualis utriusque conditio & status idem esse deberet emtoris & venditoris. Venditor in merce 10 *aur.* quam tradit, potest lucrari 5, si eam vendat 15; hanc enim læsionem ferre cogitur emtor: emtor a pari 5 lucratur, si mercem emat pro 5, ferente reciproce læsionem venditore. Ast venditor 10 lucraretur, si emtor pro merce 10 *aur.* solveret 20 *aur.*: cum contra emtori, neque, si mercem 10 *aur.* acciperet pro 5, consequenter 10 lucraretur, lucrum retinere liceat, obstante ipsi *L. 2. C. de rescind. vendit.* Neque fortunæ casum sibi promittere valeat, ut venditor vicissim in pecunia sic aberret, ut 10 emtoris *aureos* 20 *aureor.* pretio æstimet; cum, si id per errorem forsan a venditore fieret, illud emtori parum proficeret, quippe obstricto ad minimum in moneta errorem corrigendum (§§. XXIX. & XXX.). Ast in permutatione in re utrimque tradita & permutata eandem aleam, eandem fortunam experiuntur ambo permutantes. Deteximus adeo felici-

hic iter errorem, qui JCtos haftenus seduxit, ut sententiae adstipularentur, a qua ego semper ductu quodam naturali abhorruī. Cadit jam cum decantata adversariorum regula omne sententiae contrariae robur. Sed pergamus, quae restant rudera, solo æquare.

§. LIV. Non aliis opus est fundamentis, ut SCHILTERI proportionem geometricam termini *a quo* læsionis in venditore ad pretium verum, ita pretium verum ad terminum *a quo* læsionum enormium in emtore, sive in hypoth. mercis 10 aur. ut  $5 : 10 = 10 : 20$ , consequenter etiam læsionum enormium e. g.  $4 : 10 = 10 : 25$ , & ita porro, destruamus. Illam proportionem enim in diversis emtionibus venditionibus inter læsiones enormes venditorum & emtorum locum habere admittimus, in quibus sunt sicut terminus *a quo* læsionum enormium ad pretium verum unius, ita terminus *a quo* læsionum enormium ad pretium verum alterius. E. g. in venditoribus

*term. a quo ad pret. verum* ita *term. a quo ad pret. verum*  
*primi* *secundi*  
 ut 5 : 10 = 10 : 20.  
 In emtoribus

*term. a quo ad pret. verum* ita *term. a quo ad pret. verum*  
*primi* *secundi*  
 ut 15 : 10 = 30 : 20.  
 Et ita inter ipsas quoque læsiones proportionales progreditur proportio. In contractu vero emtionis venditionis inter emtorem & venditorem illud largiri non possumus, ubi non geometricam, sed arithmeticam proportionem observandam esse, ex superioribus liquet, ita, ut sit, sicut

Diff. *term. a quo* & *p. ver.* ita diff. *p. ver.* & *term. a quo.*  
 venditoris emtoris  
 5 — 10 = 10 — 15.  
 h. e.

h. e. ut differentia inter terminum *a quo* læsionum enormium in venditore & pretium verum, ita differentia inter pretium verum & terminum *a quo* læsionum enormium in emtore. Par enim ita servatur distantia, seu differentia æqualis a termino communi, scilicet pretio vero, uti vult justitia commutativa, & regulæ (§§. XXXIII. XXXIV. seq. & §§. LII. & LIII.) a nobis adstructæ. Hæsit nimirum SCHILTERUS in erroneo supposito, quod emtor considerandus sit, aut considerari possit, cum pecunia sua, quam dat venditori, sicut venditor cum merce, quam tradit emtori, quem errorem §. *precedenti* refutavimus. Stante illa hypothese vera esset laudati auctoris proportio. Sed cum numus sive pecunia, quam emtor dat, in hoc contractu in ordine ad constituendum terminum *a quo* læsionis in emtore nihil faciat, sed solum pretium rei in contractum deductæ justo minus, aut majus attendatur (§§. XXIX. & XXX.): fundamentum quoque, cui præfatus auctor sententiam suam superstruit, corrui.

§. LV. Insistit DUARENUS, magis decipi eum, qui dat 10 pro 4, quam qui dat 20 pro 10; eandem esse proportionem 20 ad 10 quæ est 10 ad 4: at vero in ultimo hoc casu ex parte venditoris nondum subesse læsionem enormem: ergo nec in priore. Verum respondeo, si de duobus venditoribus, consequenter duobus numero diversis contractibus loqueretur DUARENUS, vera essent, quæ objicit; esset e-

2½

nim pretium verum primi ad ejusdem læsionem ut 10 : 4 :  
 pretium verum, sive merx secundi ad ejusdem læsionem ut  
 20 : 10. Cum vero ratio 10 : 4 major sit ratione 20 : 10:  
 læsionem quoque primi majorem esse apparet læsione po-  
 sterio-



sterioris, quæ tum demum proportionalis foret, si esset

2

2

$10 : 5 = 20 : 10.$  = five  $20 : 10 = 10 : 5$  : cum autem DUARENUS eundem supponat contractum emtionis venditionis, in quo venditor a vero pretio aberrat 6., emtor vero 10.: aliud utique dicendum erit. Longius a vero pretio abit, qui dat 20, quam qui accipit 5. Illius distantia a pretio communi est 10, huius tantum 6. Cum autem eandem non maiorem unus præ altero aleam habuerit verum attingendi: eadem, si non potior, est ratio, ut succurratur ei, qui in 10 læsus est, quam illi qui 6 tantum *aur.* læsionem sentit. Loquitur DUARENUS ex falso suo supposito, quod emtoris læsio ex pecunia, quam dat, dimetienda sit, & ipse non secus ac venditor aut permutans considerari debeat: quod tamen in contractu emtionis venditionis aliter se habere demonstravimus. Repetenda hic sunt, quæ (§§. LII. & LIII.) probata dedimus.

§. LVI. Quando ulterius ait DUARENUS, gravitatem damni in quaque specie ex eo, quod mutuo datur & accipitur, æstimandam esse: id in permutationibus, nequaquam vero in emtionibus venditionibus locum habere ex iis, quæ supra diximus (§§. XXIX. XXX. LIII. LIV.), abunde constat. Permutantes habent utrinque parem lucrandi & perdendi aleam: quod in pecunia secus est. Perderet hic emtor; lucraretur venditor: sed non vicissim (§. LIII.). Quando vero ad elidendam objectionem, quam ex disparitate læsionis in emtore & venditore sibi ipse formarat, ad exemplum provocat: quodsi *Titius* rem valentem 10 vendiderit pro 4, *Sempronius* vero rem valentem 20 vendiderit 10, illi succurratur, non huic, licet ipsius læsio sit læsione huius minor, cum 6 sit minus 10.: quis non videt magnam hic subesse rationem disparitatis? Alius numero est contractus & merx *Titii* venditoris: alius numero contractus & merx venditoris *Sempronii*. Non hic agitur de pretio rei cuiusdam me-



diæ, ad quam pari uterque fortunæ & emtor & venditor eventu accedat, sed de pretiis rerum diversarum. Sicut ergo in omni contractu emtionis venditionis verum est, ex parte venditoris subesse læsionem enormem, si nec dimidium veri pretii habeat; dimidium autem ex quantitate pretii veri determinationem suam nanciscatur: patet dimidium illud in diversis emtiorum venditionum contractibus subinde majus, subinde minus esse pro quantitate majori vel minori veri & justii pretii. In emtionibus venditionibus, ubi pretium minus est, citius perveniri ad terminum læsionis enormis, quam in emtionibus venditionibus, ubi res pretii majoris interveniunt, res ipsa loquitur. Nimirum uti jam (§. LIV.) monuimus, habent se uti pretia, ita termini a quo & ipsæ læsiones enormes, h. e. in casu supposito  $10 : 5 = 20 : 10$ . Unde mirum non est, in priore corrigi læsionem 6. *aur.* non autem corrigi in secundo læsionem 10 *aur.*; 6 enim dimidium 10 excedit, non perinde 10 excedit dimidium 20. *aureorum.*

§. LVII. Demonstravimus (§§. LII. & LIII.), quod stante computatione adversariorum lucrum maximum emtoris se habeat ad lucrum maximum possibile venditoris ut  $5 : 10 = 1 : 2$ , sive in ratione subdupla; consequenter damnum maximum possibile emtoris ad damnum maximum possibile venditoris  $10 : 5 = 2 : 1$  sive in ratione dupla. In eodem igitur contractu emtionis venditionis emtor duplum sive alterum tantum damni expectare debet ejus, quod expectat venditor: dimidium contra lucrum, quod sperat venditor, tantum emtori sperare licet. In hypothese ergo sententiæ contrariæ conditio venditoris altero tanto melior est, conditione emtoris, hujus vero altero tanto deterior, quam conditio venditoris. Pone vendi fundum, cujus pretium verum est 1000 *aur.* In hac venditione lucrum maximum em-

emtoris (quod scilicet nullo remedio civili ab ipso avocetur) potest esse 500 *aur.*; quando scilicet venditor fundum emtori tradit pro 500 *aur.* lucrum vero maximum venditoris potest esse 1000 *aur.*; quando nimirum emtor fundum emit 2000. *aur.* Quare, cum 1000 duplum sit 500, lucrum venditoris patet hoc casu esse duplum lucri emtoris. Vicissim damnum maximum venditoris potest esse 500 *aur.* quando venditor fundum vendit pro 500, damnum maximum emtoris 1000 *aur.* dum fundum emit 2000. Liquet igitur damnum emtoris hoc casu duplum esse damni, quod sentit venditor. Unde constat, quod diximus, in hypothesei adversariorum summam induci inæqualitatem inter emtorem & venditorem. Nam, cum casus isti æque sint possibiles (§. XXXII.): in sententia contraria emtor altero tanto majori alee, & periculo damni expositus est, quam venditor; spem lucri contra altero tanto minoris fovere ipsi integrum est (§§. LII. & LIII.).

§. LVIII. In emtionis venditionis contractu utrinque intenditur, & servari debet æqualitas (§§. II. & XII.). Quare, quod inæqualitates inter emtorem & venditorem inducit, & fovet, huic contractui contrarium esse, & contrahentes inde lædi, dubio caret. Læduntur itaque ementes in hypothesei adversariorum (§. LVII.). Læsiones injustas esse nemo non agnoscit (§§. XV. & seq.). Læsiones itaque, quæ oriuntur ex inæqualitate in sententia contraria, injustas esse, consequenter ipsam sententiam injustitiæ nemo non incusabit, cui præcepta justitiæ commutativæ in contractibus inviolata servare in animo sedet.

§. LIX. Ex eo denique, quod nostram computandi rationem cum legibus, & mente legislatorum optime consentire (§. XL.) evicerimus, sponte sua consequitur, Recen-

tiorum rationem, læsionem enormem in emtore computandi, cum iisdem legibus consistere non posse; id enim sequeretur absurdi, quod duæ sententiæ contrariæ ex iisdem legibus demonstrarentur. Quod si objiciant contrariæ sententiæ patroni, de emtore in *dd. LL.* nihil reperiri constitutum: respondemus nos, quod, sicut ipsæ rationes intrinsecæ & legales *dd. LL.* voluerunt, ut ad emtores eadem extenderentur (§§. XXV. & XXVI.); ita ex iisdem rationibus eundem terminum *a quo* læsionum enormium in emtore & venditore, nimirum dimidium justî & veri pretii, constituendum fuisse demonstraverimus (XL.). Interpretatio, & extensio legum & voluntatis legislatorum ita fieri debet, ut evitetur absurditas (a); ipsa interpretatio non pugnet cum legibus (b); neque justitiæ regulis adversetur (c). Quare cum computationem contrariam partus hos secum ferre ad nauseam in præsentî specimine evictum dederimus: legibus eandem refragari, & cum sana ratione pugnare utique dicendum est.

(a) *L. 4. §. 6. π. de Offic. Procons. L. 22. π. de negot. gest. L. 1. §. 4. π. de publ. & vectig. L. 5. pr. π. ad L. Aquil.*

(b) *L. 15. π. de condit. Instit. L. 55. π. de Legat. I.*

(c) *Vid. pluribus C. H. HORNIUM de interpret. C. 2. §. 16.*

§. LX. Concludimus computationem, quæ vult, ut læsio enormis in emtore inchoetur ab altero tanto, tanquam termino suo *a quo*, in praxi neutiquam ferendam, aut sequendam esse. Nam licet ab opinionibus DD. facile recedendum non sit (a): sanctius tamen nobis hic esse debet efatum CELSI (b): *quod non ratione introductum, sed errore primum, deinde consuetudine obtentum est, in aliis similibus non obtinere.*

(a) *DD. Communiter ad Cap. 1. de constitut. EVERHARD. loco ab auctoritate, n. 14. BARBOSA Thesaur. locuplet. Lib. XIII. C. 29.*

*§. 12. & 13. ubi vide alleg. AA. plures.*

(b) *L. 39. π. de LL. cui junge L. 15. π. cod.*

# OPUSCULUM V.

DE

JURE STATUUM IMPERII EXPEL-  
LENDI ATQUE TRANSPLANTANDI SUBDI-  
TOS, DIVERSAM A TERRITORII DOMINO RE-  
LIGIONEM AMPECTENTES.

## PRÆFATIO.

**I**nterpretationis, qualis docentes decet, regulæ eo potif-  
simum spectant, ut ex rationibus legum intrinsecis,  
moralibus atque politicis, legalibus & historicis genui-  
num earundem sensum & mentem legislatorum inter-  
pretaturus indaget; terminorum, leges ingredientium, no-  
tiones distinctas eruat, & significatus verborum prop-  
rios in apricum protrahat; ex adverso studiose caveat,  
ne legi sensum affingat, atque conclusiones inde deducat  
ab intentione & mente legislatorum prorsus alienas, ra-  
tione ab ambiguitate quadam imaginaria verborum, con-  
structionis inverso ordine, aut aliis ejus farinæ prætensæ  
obscuritatis indiciis petita: quem cavillandi pruritum a  
pragmaticis imperii sanctionibus & in specie ab Instru-  
mento Pacis procul abesse voluere summi in imperio  
Rom. Germ. legislatores; ne, queis publica in imperio  
pax & salus communis suffulta est, constitutiones salu-



*berrima malevolorum hominum ausu infringantur. Hinc Art. V. §. 50. Instr. P. injunctum utriusque religionis magistratibus, ut severe, & rigore prohibeant, ne quisquam publice privatimve concionando, docendo, disputando, scribendo, consulendo pacem Passaviensem, religiosam, & Westphalicam uspiam impugnet, dubiam faciat, aut assertiones contrarias inde elicere conetur. Utrum in presenti specimine regulis his recte interpretationis ex amussi satisfecerim, & scopulos adversos omni ex parte devitaverim: tuum B. L. judicium esto. Id minimum sollicitate cavi, nequid admitterem in sequentibus, cujus veritas ex præmissis aut alibi demonstratis propositionibus non elucesceret: neque caute minus in stabiliendis facti veritatibus processu, modestiæ limites nequaquam egressus. Methodo usus sum Mathematicorum, seu ut rectius loquar, Philosophorum. Perperam enim hucusque creditum fuit alia ratione Philosophos, alia Mathematicos, alia deque  $\text{I}^{\text{ctos}}$  demonstrare veritates suas. Quacunque in disciplina verseris, methodi demonstrandi regulæ ex notione certitudinis deducendæ erunt. Ubi igitur eadem quæ in Matheſi certitudo, eadem utique methodus adhiberi poterit: uti indubiis argumentis evictum dedit perillustriſ WOLFFIUS operis sui Logici Cap. 4. Prol. §. 139. Quod si hunc laborem meum tibi non displicere intellexero: plura juris publici capita eadem hac methodo discussa, demonstrataque publici juris me facturum promitto. Tu interim conatibus fave & vale.*



DE  
JURE STATUUM IMPERII  
EXPELLENDI ATQUE TRANSPLANTANDI  
SUBDITOS, DIVERSAM A TERRITORII DOMI-  
NO RELIGIONEM AMPECTENTES.

DEFINITIO I.

§. I. *Jus emigrandi* dicitur facultas, subditis competens, abdicato civitatis jure in aliam rempublicam concedendi, ibique domicilium & fortunarum sedem constituendi.

COROLLARIUM.

§. II. Qui emigrat civitatis jus abdicat (§. I.). Civis ergo & membrum societatis civilis, unde discessit, esse definit.

SCHOLION.

§. III. Quoniam tamen sola bonorum in republica possessio proprie & regulariter civem aut subditum non efficit (a): nil obstat, quo minus, qui emigrant (si modo lex aut observantia in contrarium nulla militet) in civitate, quam relinquunt, bona possideant; quæ habuere antea, retineant; retenta per ministros administrent, &, quoties ratio id postulat, ad res suas inspiciendas, vel persequendas lites aut debita exigenda libere adeant.

(a) MAUL. *de Homagio* Tit. 1. n. 16.

RITTER *de Homagio* Concl. 101.

KAUFFMANN *de Juribus Dominorum Territorialium in subditos* Tit. 2. n. 12.

## DEFINITIO II.

§. IV. A jure emigrandi differt *jus transmigrandi civium*, quod est facultas e provincia seu loco uno in alium, eidem summo imperio subiectum, domicilium transferendi.

## COROLLARIUM I.

§. V. Qui transmigrant, eidem summo imperio obnoxii, & subiecti manent (§. IV.); jus igitur civitatis communis non abdicant, sed retinent.

## COROLLARIUM II.

§. VI. Unde patet differentia inter *jus emigrandi* (§. I.), & *jus transmigrandi* (§. IV.). Illo jus civitatis in totum perit (§. II.): hoc in communi imperio subsistit (§. V.).

## SCHOLION I.

§. VII. Tales videntur fuisse transmigrations civium Romanorum, cum e civitate una in aliam concederent, eademque sese adscribi paterentur (a), aut colonias suas in devictorum terras transducerent; hoc ipso enim prioris quidem civitatis, non tamen orbis Romani jura amittere (b).

(a) HUGO GROTIUS *de J. B. & P. Lib. 2. Cap. 5. §. 24. n. 1.*

(b) HEINECC, *Antiquit. Rom. Adpend. ad lib. I. §. 72.*

## SCHOLION II.

§. VIII. Vulgo inter jus emigrandi & transferendi non distinguunt, nisi quod Jcti ab iis, qui emigrant, regulariter, ab iis vero, qui domicilium tantum, non civitatem mutant nonnisi extra ordinem, & ubi consuetudine aut peculiari statuto id introductum est, censum emigrationis, qui ex parte aliquota substantiæ exportandæ plerumque definitur, pendendum esse statuunt (a).

(a) JO.

(2) JO. JODOC. BECK *de Jure detract. & emigrationis Cap. 5. Obs. 1. §. 5. n. 3. seqq.*

WEHNER *Obs. pract. voce Nachsteuer.*

BERLICH *P. 3. Concl. 52. n. 20. & 21.*

L. B. de LYNKER *Cent. 2. decis. 262.*

### DEFINITIO III.

§. IX. Facultas summo magistratui competens, membra societatis civilis e numero civium ac subditorum expungendi, atque ut solum vertant adigendi, *jus expellendi, sive ejiciendi subditos audit.*

### COROLLARIUM.

§. X. Prono hinc alveo consequitur *primo*, quod expulsi, aut ejecti e civitate cives esse desinant; *secundo*, quod intra fines reipublicæ consistere, ibique domicilium ponere integrum ipsis non sit.

### DEFINITIO IV.

§. XI. Jus majestaticum, seu summæ in republica potestati competens, imperandi subditis, ut ab una provincia aut a loco uno in alium, eidem summo imperio subjectum, domicilia, & fortunarum sedes transferant, *jus transplantandi subditos dicitur.*

### COROLLARIUM.

§. XII. Effectus juris transplantandi, quod summo magistratui proprium est (§. XI.), idem est, qui juris transmigrandi, quod subditis competit (§. IV.); ut ex utriusque juris definitionibus inter se collatis patescit. Quapropter sicut cives, qui transmigrant, communis reipublicæ membra esse non desinunt: ita illos, qui transplantantur, sub eodem summo imperio permanere evidens est.

## SCHOLION.

§. XIII. Ex hocce transplantandi jure colonias deducendi vetus institutum intelligimus, quo præ aliis populis Romani tanquam invento callidissimo usi sunt, tum, ut veteres populos coercerent, victos dominationem & leges Romanorum ferre adsuefacerent, defectiones impedirent, hostiumque incursiones reprimerent: tum præterea, ut hoc pacto fæx urbana, & sentina plebis exhauriretur, atque seditionibus fomentum subtraheretur; quæ omnia latius persequitur & explicat celeberrimus HEINECCIUS in *antiquitatibus suis Romanis* (a), quas in usum, & penitiorum intellectum institutionum Justinianearum opera non satis laudanda adornavit.

(a) *Adpend. ad lib. 1. §. 124. seq.*

*Confer etiam omnino JO. FRID. ROSTII differt. de Stratagematibus politicis, seu variis dominandi artibus, sect. II. §. 2. & 3.*

## AXIOMA I.

§. XIV. *Finis societatum civilium primarius est, ut cives secure, beateque vivant* (a).

(a) L. B. de WOLFF *Polit. P. 2. C. 1. §. 214.*

## AXIOMA II.

§. XV. *Ad securitatem, atque beatitudinem vitæ civilis omnia & singula reipublicæ membra, ut pro viribus concurrant, obligantur* (a).

(a) *Idem cit. loco §. 216.*

## AXIOMA III.

§. XVI. *Bonum civium privatum collisione facta publico, seu communi totius civitatis bono, cedit* (a).

(a) *Idem*

(a) Idem cit. loco §. 218.

Item Novell. 39. Cap. 1. pr. vers. Sancimus.

### AXIOMA IV.

§. XVII. Collidentibus inter se duorum, aut plurium juribus, & obligationibus exceptio facienda non est, si collisio tolli, & amborum juribus aut obligationibus satisfieri queat (a).

(a) Idem perill. WOLFF. Ontolog. Latina P. 1. sect. 3. C. 6. §. 510.

### LEMMA I.

§. XVIII. Obligatio, qua cives ad promovendam salutem totius reipublicæ, atque summo magistratui nexu subiectio, & vicissim summus magistratus ad procurandam civium, totiusque cætus civilis felicitatem obstringuntur, pactitia est, atque ex primævo illo, quod in civitatum genesi concipitur, pacto fluit (a).

(a) HUGO GROT. de J. B. & P. Lib. 1. C. 4. §. 7. n. 3. & alibi passim.

ULRICUS HUBERUS de jure civitatis Lib. 1. sect. 2. C. 2. §. 1. Cap. 10. per tot. Item ex professo sect. 10. C. 5.

PUFFENDORFF J. N. & Gentium Lib. 7. C. 2. §. 3. seq. §. 1.

L. B. de WOLFF Polit. P. 2. C. 2. §. 230. seq.

KOELER Exercit. Jur. N. & Gent. P. 2. specim. 5.

### SCHOLION.

§. XIX. Pactum hocce, quod in primæva civitatum genesi concipitur, esse pactum inæquale, ex quo summa in imperante in subditos potestas, in his vero civilis subjectionis vinculum, & parendi necessitas suboritur, ex ipso societatum civilium ortu, natura & indole abunde intelligitur; nec æquatorio idem, sed rectorio omnino jure æstimandum



## 292 Opusc. V. De jure transplantandi subditos,

est. Id quod monendum ideo censui, ne in perversa Monarchomachorum, sub flabro mutuae hujus obligationis, & æqualitatis schemate summam in Imperantibus potestatem enervantium, principia lemma nostrum divergere videatur.

### LEMMA II.

§. XX. *Supremo magistratui jus competit, ea omnia in re publica constituendi, ordinandi, atque exequendi, sine quibus civilis societatis securitas, atque tranquillitas publica consistere nequit, & vicissim prohibendi atque removendi, quæcunque civilem ordinem, atque salutem publicam turbare apta sunt (a).*

(a) HUGO GROT. *de J. B. & P. Lib. I. C. 3. §. 6.*

L. B. de WOLFF *Polit. P. 2. C. 2. §. 229. Item C. V. §. 433. seqq.*  
KOELER *cit. loco specim. V. §. 520.*

### LEMMA III.

§. XXI. *Status Imperii Rom, Germ. in territoriis suis tam in subditos, quam in bona, intra fines territorii sui sita, pleraque & potissima supereminens potestatis jura exercent, imperio majestati analogo, ab Imperatore tamen, & imperio dependenti gaudentes (a).*

(a) Instr. P. Westph. Osnab. *Art. VIII. §. Ut autem provisum sit &c.*

*Capitul. CAROLI VI. Art. 1. n. 1. §. & 6.*

### COROLLARIUM.

§. XXII. Quapropter, quæ de jure emigrandi, transmigrandi, atque transplantandi subditos mox demonstraturi sumus, ea omnia de statibus imperii, eorumque subditis, salvo tamen subordinationis nexu erga Cæsarem & imperium, salvis sanctionibus imperii pragmaticis, salvo denique

imperantis, & parentium in imperio circumscripto semper ordine intelligenda esse constat.

### HYPOTHESIS.

§. XXIII. *Status imperii tam Catholici, quam Augustanæ Confessioni addicti, ut & qui Reformati dicuntur, in pacificatione Westphalica in compositione gravaminum ecclesiasticorum alium finem non intenderunt, quam ut suæ, & subditorum statuum imperii, eadem cum ipsis sacra colentium, religioni, & respectu liber-  
tati conscientiæ lege pragmatica prospicerent.*

### SCHOLION.

§. XXIV. De hypotheseos veritate non ambigent, qui acta pacis religiosæ & Westphalicæ vel defunctoria lectione perlustrarint.

### THEOREMA I.

§. XXV. *Quamdiu cives in republica & territorii securitate atque tranquillitate vitæ fruuntur: jus emigrandi ipsis non competit.*

### DEMONSTRATIO.

Cives reipublicæ ad vires suas, in commune civitatis bonum pro possibili conferendas (§. XV.), ex pacto, & subjectionis civilis vinculo obligantur (§. XVIII.). A pacto rebus sic stantibus, & ubi nulla ab eodem recedendi causa subest, recedere non licet (a). Ergo neque civibus ab hoc pacto recedendi, & subjectionis civilis nexum dissolvendi facultas erit, quamdiu justa & sufficiens causa non suberit. Enimvero justa & sufficiens causa nulla subesse concipitur, quamdiu finem, ob quem in civilem coetum coaluere, salutem

scilicet, securitatem atque tranquillitatem vitæ conjunctis in republica viribus consequi valent : tamdiu itaque a pacto illo recedere, & subjectionis nexum exuere non poterunt. Quapropter cum emigratio sit modus, quo a pacto illo receditur, & civilis subjectionis nexus dissolvitur (§§. I. & II.): emigrandi jus civibus, seu subditis minime competere constat, quamdiu secure & tranquille in republica ipsis vivendi facultas suppetit. Q. E. D.

(a) L. 1. §. si conveniat π. Depos.

L. 1. π. de pactis.

L. 7. π. Eod.

## THEOREMA II.

§. XXVI. *Quando subditi, seu cives in republica nec secure amplius, nec feliciter vivere valent : jure emigrandi gaudent.*

## DEMONSTRATIO.

Ideo in civilem societatem coivere cives, ut securitate vitæ fruerentur (§. XIV.); ipsa ergo civilis societas recte consideratur ut medium, quo mediante finem hunc suum conjunctis viribus consequi intendunt (§. XV.). Enimvero ex hypothese theorematis civitas medium aptum & sufficiens esse desiit, quo finem communem obtineant; cessat igitur ratio, cur in eadem ulterius persistant, utpote, quod stoliditatis potius (a), quam sapientiæ (b) argumentum foret. Quin itaque hoc casu subditis alio extra rempublicam domicilia sedesque suas transferendi, consequenter emigrandi (§. I.) facultas integra sit, dubium non est. Q. E. D.

## SCHOLION.

§. XXVII. In civitatibus bello subjugatis ex arbitrio victoris dependet, quid populo devicto fieri, quaque eum liber-

libertate vitæque beatitudine frui velit (a). Victi igitur, belloque subacti populi regulariter hoc emigrandi jure non magis gaudent, quam ii, qui servitutis mancipiique nexu supremis suis magistratibus obstricti vivunt, voluntatem dominorum suorum unicam actionum externarum civilium regulam agnoscentes (b). Multo minus illis discedere integrum erit, qui huic emigrandi juri in specie datis reversalibus renunciarunt. Unde quas (§§. XXV. & XXVI.) demonstravimus propositiones, de rebus publicis, regulari & voluntario subjectionis pacto initis, intelligendæ sunt: si quid diversum obtineat, arctiorique nexu cives constricti teneantur, id omne ex peculiari pacti, & subjectionis formula explicandum venit.

(a) H. GROTIUS *de J. B. & P. Lib. 3. c. 20. §. 49.*

(b) Ulr. HUBERUS *de Jure civit. Lib. 1. c. 3. n. 15. 16. 17. & 18.* ubi regnorum despoticorum naturam, & eorundem a regis ordinariis differentiam dilucide exponit.

## DEFINITIO V.

§. XXVIII. *Sigillatim emigrare* cives dicimus, quando intra notabile temporis spatium non nisi unus aut pauci e civitate discedunt,

## DEFINITIO VI.

§. XXIX. *Turmatim contra, sive gregatim emigrant* subditi, quando simul, vel saltem intra brevius temporis intervallum cives agmine facto territorium, sive rempublicam deferunt, ita ut notabile inde respublica decrementum sentiat (a).

(a) Confer TESMARUM *in notis ad GROTIUM Lib. 2. c. V. §. 24. n. 2.*

QB-

## OBSERVATIO I.

§. XXX. Licet regulis (§§. XXV. & XXVI.) a nobis stabilitis sua constet veritas, nec, stricto juri inhærendo, sub aliis determinationibus subditis sive sigillatim, sive turmatim discedendi facultas competat: testantur nihilominus mores gentium plerarumque, & in specie Germaniæ nostræ, quod singulis alio Lares translaturis (XXVIII.) raro obstaculum objiciatur, sed sine multa rationum allegatione liber discessus pateat (a); modo quem vocant censum emigrationis persolvant (b); neque arctiori servitutis, aut subjectionis nexu constricti teneantur (§. XXVII.) (c); nec juri emigrandi in specie renunciarint (§. eod.); nec denique inque intempestiva sit emigratio, cum singulorum etiam discessus insigne bono publico damnum inferre queat (d). Observantiæ hujus hæc videtur esse ratio, quod in tanta civium hominumque affluentia unius paucorumve abscessum vix sentiat respublica, & siqua est jactura, ea aliunde confluentibus, aut accersitis incolis facile refarciri valeat; immoderato autem hujus juris abusui per exceptiones hic indiguitas sat superque consultum sit.

(a) Testantur de hac observantia HUGO GROTIUS *de J. B. & P.*

*Lib. 2. C. V. §. 24. n. 2. & 3.*

GAIL. *Lib. 2. Obs. 36. n. 7.*

MEVIUS *ad Jus Lubecense Lib. 1. Tit. 2. Art. 2. n. 69.*

SCHEFFERUS *de Jure Detractus §§. IX. & X. Illustr.* RHETIUS

*Instit. Jur. Publ. Lib. 2. tit. 14. §. 6.*

JODOC. BECK *tract. de Jure detract. & emigrat. Cap. 1. Obs. 4. n. 3.*

BESOLD *Thef. Pr. Voce Abschoß.*

KNIPSCHILD *de Jur. Civit. Imper. Lib. 2. c. 20.*

(b) JODOC. BECK *alleg. loco.*

COCCEJUS *dissert. de Censu emigrat. Tom. I. Disp. 42.*

(c) *Recess. Imp. de anno 1555. §. 24. Wo aber unsere 2c. ibid. doch Oberkeiten an ihren Gerechtigkeiten und Herkommen der Leibe*



Leibeigenen halben/dieselben loß zu zehlen/oder nicht hierdurch nichts abgebrochen / oder benommen seyn.

(d) HUGO GROTIUS *ibid.* n. 2. *ibique* TESMARUS *in notis.*

COCCEJUS *alleg. loc.* §. 7.

HILDEBRAND *Dissertat. de intempestivo civium discessu cohibendo per totum.*

### COROLLARIUM.

§. XXXI. Ufu igitur & observantia Germaniæ Domini territoriales civium singulorum, vel paucorum discessum regulariter prohibere nequeunt (a), nisi in casibus exceptis, quos §. *præc.* indigitavimus,

(a) HENR. KLOCK *de Vestig. Concl.* 63.

MYLER ab EHRENBACH *de Princip. & Statib. Imp. p. 2. c. 63. §. 4.*

SCHEFFER *cit. l.*

### THEOREMA III.

§. XXXII. *Subditi regulariter libero transmigrandi jure gaudent.*

### DEMONSTRATIO.

Transmigrantes ejusdem communis civitatis subditi, eidemque summo Imperanti subiecti manent (§. V.). Facta itaque transmigratione eadem reipublicæ in universum spectatæ facies & conditio manet. Neque enim aliquam virium & civium jacturam patitur. Cumque in omnibus reipublicæ partibus census, atque tributa a civibus pendenda sint: juribus fisci regulariter ex transmigratione nullum damnum adcrefcere per se patet. Quare, cum summis Imperantibus ea tantum ordinandi atque præcipiendi jus competat, quæ publicam salutem promovent; prohibendi contra, quæ eandem impediunt (§. XX.): transmigrationes subditorum de

P p

regno

regno in regnum, de provincia in provinciam, vel de civitate in civitatem, quæ unum eundemque communem summum Imperantem agnoscunt, regulariter prohibere nequit. Transmigrationes igitur in regula ad actiones non prohibitas, seu licitas subditorum referendæ sunt. Quod prohibitum non est, atque jure licet, illud quo minus subditi pro libitu agant, ratio nulla obstat. Unde subditos regulariter libera transmigrandi facultate gaudere, constat. Q. E. D.

### SCHOLION.

§. XXXIII. In determinatione theorematis studio addidi, transmigrationes *regulariter* pro licitis reputandas esse; quin enim eadem ob rationes in casibus peculiaribus obvias a summo Imperante inhiberi queant, dubium non est. Quid si enim certas opificiorum species in una potius quam alia provincia aut civitate exerceri reipublicæ intersit, atque communis salutis & utilitatis ratio certum subditorum genus glebæ quasi adscribat? His sane casibus summus Imperans regulam salutari exceptione merito temperat.

### THEOREMA IV.

§. XXXIV. *Dominis territorialibus jus competit emigrationes quascunque prohibendi subditis 1. servitutis, aut alio simili nexu illigatis; 2. bello devictis; 3. denique qui juri emigrandi in specie renuntiaverunt.*

### DEMONSTRATIO.

Tam in bello devictos, quam in eos, qui despotica reguntur potestate, aut arctiori servitutis & subjectionis vinculo constricti sunt, subditos domini territoriales pleno utuntur imperio, & pro arbitrio quidlibet aut jubendi, aut  
pro-

prohibendi jure gaudent (§. XXVII.). Pro arbitrio itaque, ne devicti solum vertant, neve arctiori subjectionis nexu illigati, vel sub dominica potestate constituti subditi alio domicilia transferant, præcipiunt. Enimvero hoc ipso emigrationes quascunque prohibent. Unde Dominos territoriorum & summos magistratus in genere dictis suis subditis emigrationes quascunque prohibendi jure gaudere evidens est. *Quod erat primum & secundum.*

Juri pro se introducto libere quisque renuntiat (a). Enimvero facta renuntiatione eodem amplius uti nequit (b); eique, in cujus favorem facta renuntiatio, exercitium juris renuntiati prohibendi facultas competit (c). Quare illi, qui juri emigrandi libere renuntiavit, ad emigrationis beneficium recursus amplius non patet, & quo minus eo utatur, recte a territorii Domino prohibetur. *Quod erat tertium.*

(a) *L. si quis in conscribendo 29. C. de pactis L. penul. C. de Transact. Cap. super hoc de Renunt.*

(b) *L. 17. §. 1. de acquir. hered. L. Quaritur 14. §. 9. de Aedilitio Edict.*

(c) *Arg. §. 5. verb. si quis itaque. Instit. de Bon. Possess. L. cum quidem 26. C. de Admin. Tut.*

MENOCH. *Conf.* 16. n. 18.

## THEOREMA V.

§. XXXV. Domini territoriales civium singulorum emigrationes recte prohibent, siquidem ingens ex emigratione eorundem damnum in rempublicam redundet.

## DEMONSTRATIO.

Domini territoriales vigore supereminentis, quo polent, imperii, & superioritatis territorialis (§. XXI.) ea omnia

nia, quæ civitatis bonum commune promovent, agunt atque præcipiunt, & prohibent contra, quibuscum publica salus consistere nequit (§. XX.). Ex hypothese theorematis cum emigratione singulorum salva respublica non subsistit. Recte itaque hoc casu summus magistratus & Domini territoriales civibus sigillatim discedendi facultatem adimunt (a); consequenter emigrationes singulorum prohibent, Q. E. D.

(a) Confer, omnino HUGO GROTIUS *de J. B. & P. Lib. 2. C. 5. §. 24. n. 2.* ubi casus aliquot speciales enumerat, in quibus illicitam singulorum emigrationem pronunciat. e. g. Si civis abire velit, dum boni publici causa magnum contractum est æs alienum; si fiducia multitudinis bellum sit susceptum; si obsidio immineat &c.

### SCHOLION.

§. XXXVI. Abstrahendo tamen, nec promulgata a territorii Domino lege hac prohibitoria ex ipsa nihilominus civilis obligationis natura abunde colligitur (§§. XV. XVI. & XVIII.) jure his casibus cives emigrare non posse.

### THEOREMA VI.

§. XXXVII. *Domini territoriales jure gaudent prohibendi emigrationes civium, quæ turmatim, seu gregatim fiunt, quam diu civibus secure atque beate in republica vivendi copia est.*

### DEMONSTRATIO.

Emigrationes turmatim, seu gregatim factæ (§. XXIX.) maximis rempublicam damnis afficiunt; potentiam, & vires enervant; jura supremorum imperantium imminuunt; quin totius societatis civilis coagulum prorsus dissolvunt (a).

(a). Omni modo itaque a summo Imperante & territoriorum dominis præcavendæ, & impediendæ sunt (§. XX.); præsertim si salvis idem subditorum juribus fieri possit. Quare cum cives, quamdiu secure beateque in civitate vivendi ipsis facultas suppetit, jure emigrandi non gaudeant (§. XXV.); nec proin prohibendo emigrationes juribus ipsorum quidpiam adversum statuatur: dominos territoriales hoc casu emigrationes turmatim, seu gregatim suscipiendas optimo jure inhibere evidens est. Q. E. D.

(a) *Conf.* HUG. GROTIUS *cit. l. §. 24. n. 3.* & ULR. OBRECHT *in notis ad d. l. ubi sententiam GROTII contra PUFFENDORFIUM J. N. & G. Lib. 8. c. 11. n. 4. nervose defendit.*

### COROLLARIUM.

§. XXXVIII. Argumento a contrario patet, emigrationes a summo imperante, etiamsi turmatim fiant, jure prohiberi non posse, siquidem cives in republica nec secure amplius, nec tranquille subsistere valeant; nisi fors in casibus supra (§. XXXIV.) recensitis, in quibus juri dominorum territorialium prohibendi emigrationes, quoad jus saltem externum, limites nullos posuimus.

### THEOREMA VII.

§. XXXIX. *Domini territoriales expellere nequeunt subditos, quamdiu sinistri nihil adversum rempublicam moliantur, sed morigeros se, & legibus obedientes præstant.*

### DEMONSTRATIO.

Civibus pacto, saltem tacito, jus quæsitum est, mediante civili societate conjunctis viribus securitatem, & tranquill-



quillitatem vitæ suæ procurandi (§§. XIV. XV. & XVIII. ). Hoc pactum inter summum imperantem, & subditos reciprocum est (§. XVIII. ), atque in illo, scilicet summo imperante, majestaticum, publicam salutem quavis ratione promovendi jus & officium, in his vero, scilicet subditis, passivam obligationem ad eundem cum summo imperante scopum pro modulo virium concurrendi, ac proin jussu ejusdem debito obsequi; cultu venerandi exequendique, active vero jus, communi cum convicibus quiete & tranquillitate fruendi involvit (§. XIX. ). Unde ex parte imperantis concipitur huic juri correspondens obligatio permittendi, minime vero impediendi, quo minus subditi pacatam atque tranquillam in republica vitam vivant. Cui cum violenta eorundem expulsio, & sine ratione sufficiente imperata emigratio quam maxime obstet (§. IX. ); nulla autem ad expulsionem sufficiens ratio prosteret, quamdiu probos se, & morigeros erga rempublicam, summum eorundem magistratum & concives exhibent, atque legibus prompti parent (§. XX. ): patet supremo magistratui, & dominis territorialibus cives suos & subditos, quamdiu sinistri nihil adversum rempublicam meditantur, sed morigeros se & legibus obedientes præstant, expellendi jus non esse. Q. E. D.

### SCHOLION.

§. XL. Hæc tamen ad subditos illos, de quibus (§. XXVII.) mentionem injecimus, trahi nolumus (§. XXXIV.); multo minus summi magistratus potestati, etiam illos subditos, qui sub pallio simulatæ ad speciem actualis obedientiæ periculosa ac perniciose reipublicæ consilia agitant, quorum detestabiles effectus nonnisi in tempus opportunum differunt, cauta quadam & provida diffidentia ad arcendum communis salutis patriæque exterminium a reliquo corpore resecandi, quidpiam nos velle derogatum, addita in demon-

monstratione theorematis verba : *sine ratione sufficiente* : luculenter indigitant. Quis enim dubitaret, justissimam hoc casu subesse causam, cur territoriorum domini emigrationem hisce suis subditis imperent?

### THEOREMA VIII.

§. XLI. *Domini territoriales jure gaudent expellendi subditos, qui pacem publicam turbant, atque legibus patriis sese conformare renuunt.*

### DEMONSTRATIO.

Etenim summus magistratus jure constituit atque ordinat, quo sine publica quies conservari aut subsistere nequit (§. XX.). Recte itaque ejicit, atque e finibus territorii sui proscribit subditos, qui pacem internam & quietem publicam turbant, debitamque legibus obedientiam præstare temerario ausu renuunt. Q. E. D.

### THEOREMA IX.

§. XLII. *Quodsi subditi publicæ quietis turbatores lenioribus mediis in viam reduci queant; aut intersit reipublicæ, ne civibus denudetur: ad ejectionem præcise deveniendum non est, sed aut leniora illa media adhibenda, aut poenis aliis æque gravibus coercendi.*

### DEMONSTRATIO.

Perinde ut civibus incumbit, legibus se, & voluntati summi imperantis conformare: ita vicissim summi magistratus officium postulat, ut pro viribus civium salutem promoveat (§§. XIV. & XXIX.). Licet itaque malos poenis recte coerceat, & bonum publicum privato præferat (§. XVI.):

ea tamen exceptio locum non habet, si amborum, scilicet reipublicæ & singulorum jura integra servari queant (§. XVII.). Enimvero ex hypothefi incolumitati reipublicæ leniori, quam expulsionis via, prospici, & publicæ quietis turbatores aliis mediis, quam ejectione, in tramitem rectum reduci possunt. In data itaque hypothefi, & sub his circumstantiis ad ejectionem præcise deveniendum non est. *Quod erat primum.* Quodsi interfit reipublicæ, ne civibus denudetur, atque ingens ex emigratione damnum eidem adcreseat: dominis territoriorum emigrationes prohibendi jus competit (§. XXXV.), & officium postulat (§§. XVIII. & XX.), præsertim, si ea prohibitio jura subditorum non lædat (§. XXXVII.). Summo itaque magistratui emigrationes tum prohibere integrum erit, quando publici ratio pacis & quietis turbatores ejici non patitur, sed aliis poenis pro arbitrio summi imperantis, atque ex utilitate publica determinandis coerceri suadet (§. XX.). *Quod erat alterum.*

### COROLLARIUM.

§. XLIII. Unde sequitur, quod, qui factiones & turbas concitant, bella intestina moliuntur, dogmata perniciofa propalant, atque a religione publice recepta desciscunt, pro arbitrio summæ potestatis aut ejiciantur (§. XLI.), aut si reipublicæ interfit, mediis, poenisque efficacibus aliis coerceantur (§. XLII.).

### THEOREMA X.

§. XLIV. *Domini territoriales gaudent jure transplantandi subditos, si publica civitatis quies idem postulat.*

### DEMONSTRATIO.

Si salva pace interna cives & incolæ in civitate<sup>1</sup>, oppido,

do, aut pago consistere: ac tolerari nequeant: dominis territoriorum eosdem expellendi jus competit (§. XLI.). Enimvero ad ejectionem seu expulsionem præcise deveniendum non est, quamdiu leniora media prostant; aut si reipublicæ intersit, ne civibus denudetur (§. XLII.). Leniora igitur potius hoc casu media adhibenda, aliisque poenis coercere subditos convenit. Quare cum lenius sit medium & reipublicæ magis consulatur, si ab uno reipublicæ loco in alium, a regno uno in alterum transportentur subditi, in quo & pacate ipsis vivendi necessitas incumbat, & ad vitæ sustentationem necessaria omnia suppetant; ac præterea id inde emolumenti consequatur, quod communis respublica imminutionem civium nullam, nec damnum fiscus sentiat (§§. XI. XII. & XIII.): ad transplantationes potius his casibus, quam ad ejectiones deveniendum esse constat. Unde Dominos territoriorum his casibus, & ubi publica id quies exigit, subditos transplantandi jure gaudere indubium est (§. XX.). Q. E. D.

### COROLLARIUM.

§. XLV. Factiosos igitur & rebelles cives, item illos, qui publicam toleratamque religionem mutant, Domini territoriorum optimo jure in alia sibi subjecta regna, territoria, aut provincias distribuunt, aliasque in urbes transplantant, ubi nulla motuum concitandorum occasio supersit, aut etiam religionis illius, quam subditi amplexi fuere, exercitium publice toleretur.

### THEOREMA XI.

§. XLVI. *Idem jus Dominis territoriorum competit in subditos bello devictos, servitutis nexu illigatos, similive vinculo constrictos.*

Qq

DE-

## DEMONSTRATIO.

De bello devictis, servis, similive nexu constrictis subditis eorumque bonis pleno arbitrio disponit summus Imperans (§. XXVII.), adeo ut non solum emigrationes ipsis pro lubitu prohibeat (§. XXXIV.), sed & si ita visum fuerit, eosdem plane ejiciat (§. XLIX.). A potiori ergo tales subditos transplantandi facultas Dominis territorialibus integra erit. Q. E. D.

## SCHOLION.

§. XLVII. Transplantationum his ex causis factarum exempla non pauca suppeditat historia Romana (a), & Germanica, præsertim Caroli M., qui Saxones devictos in Franciam transplantasse dicitur (b): neque invitis sanioris Politices regulis easdem a summis magistratibus imperari supra (§. XIII.) monuimus.

(a) LIVIUS *Lib. XXXIX. §6.* CICERO *pro A. CÆCINA XXXIII.*  
*Item pro domo XXX. Conf. HEINECC. Ant. Rom. Adp. Lib. I.*  
*§. 129. seq.*

(b) ANNALES FRANCICI LAMBECIANI T. 2. C. 5. p. 374. v.  
 28. KARLUS *in Saxoniam Francos collocat, Saxones inde e-*  
*ducens cum uxoribus & liberis, id est tertium hominem.*

ANNALES LAURISHEIMENSIS ad A. 804.

CAROLUS *omnes, qui trans Albim & in Wihmuodi habita-*  
*bant Saxones cum mulieribus & infantibus transtulit in Fran-*  
*ciam, & pagos Transalbianos Obotritis dedit. Conf.*

HAHN *Reichs-Historie P. I. C. I. §. XV.*

## THEOREMA XII.

§. XLVIII. Si tantus in territorii loco aut provincia sit civium numerus, ut iisdem alendis atque sustentandis ea non sufficiat: Domini territoriorum partem eorundem jure transplantant.

DE-



## DEMONSTRATIO.

Rerum ad vitæ sustentationem necessariarum penuria felicitati civium, & fini reipublicæ quam maxime contrariatur (§. XIV.). Quare cum summi Imperantis sit, civium felicitatem pro viribus promovere (§. XX.): ipsius erit, prospicere modis omnibus, atque efficere, ne cives penuria premantur. Quodsi ex nimio civium in territorii aliqua parte numero ea indigentia proveniat: aut ejiciendi quidam erunt, aut transplantandi in loca ejusdem imperii alia, ubi commodè subsistere valeant. Prius durum, neque ferendum, si subditis alia ratione, consuli possit (§. XLII.). Transplantandi igitur potius, & in colonias deducendi erunt (§. XIII.). Non immerito itaque Dominis territorialibus hoc casu partem subditorum transplantandi jus adscribitur, Q. E. D.

## COROLLARIUM I.

§. XLIX. Hæc ultima transplantationis species nullum in subditis delictum supponit, sed ex mero summi Imperantis paterno officio atque amore in subditos proficiscitur.

## COROLLARIUM II.

§. L. Unde quando nimius est civium numerus, ad transmigrandum cogendi non sunt subditi, si in terris, quas adire jubentur, misere nimium vivendum, aut pereundum ipsis foret; liberum potius hoc casu emigrandi beneficium iisdem indulgendum, si alibi pinguiore fortunarum sedes inveniant.

## COROLLARIUM III.

§. LI. Ex eodem principio fluit, transmigrantibus, aut potius transplantandis hoc casu subditis, si non ex de-

bito, saltem ex humanitatis & commiserationis ratione sumtus itineris ex ærario publico in totum aut pro parte suppeditandos, aliaque subsidia subministranda esse, quo sine multa molestia in novis suis sedibus domicilia figere & commorari valeant.

### SCHOLION.

§. LII. Hæcque potissima illa jura sunt, quæ ex naturæ atque gentium placitis, & ex moribus Germaniæ tam territoriorum Dominis, quam subditis circa emigrationes, transmigrations, ejectiones, atque transplantationes competere dignoscuntur.

### LEMMA IV.

§. LIII. *Quodsi nimia casuum atque determinationum juris & legum naturalium varietas in republica confusionem pariat, atque legum applicationem reddat difficilem: ad pauciores casus eadem restringendæ sunt (a).*

(a) L. B. de WOLFF *Polit. p. 2. c. 4. §. 401.*

### LEMMA V.

§. LIV. *Quodsi pacis & publicæ salutis ratio postulat, æquum est, ut summi Imperantes majestaticorum jurium, & officii summi magistratus rigorem nonnihil leniant, & majorem, quam quæ alias de jure competeret, subditis libertatem indulgeant.*

### SCHOLION.

§. LV. Veritas hujus propositionis inde luculenter patescit, quod bonum majus, quale est pax & conservatio totius reipublicæ, præferendum sit bono minori, quale respectu

specū illius censendum est privatum summi Imperantis commodum, aut minor in rempublicam redundans utilitas, quæ majus malum aut exterminium totius civitatis comitem habeat.

## OBSERVATIO II.

§. LVI. Ante diffidia religionis sub Carolo V. suborta, jus emigrandi, transplantandi, & ejiciendi subditos a Dominis territoriorum juxta jura gentium & consuetudines patrias aut statuta peculiaris locorum exercebatur, legibus publicis alios eidem limites non assignantibus. Neque enim in A. B. (a) alias, quam fraudulentas & dolosas emigrationes prohiberi constat.

(a) *Tit. 16.*

## COROLLARIUM.

§. LVII. Ante religionis diffidia itaque ob professionem religionis in territoriis minime receptæ, aut toleratæ Domini territoriales subditos optimo jure ejiciebant (§§. XLI. & XLII); vel, si illud territoriis, & bono publico minime expedire judicarent, eos mediis aliis sufficientibus adigebant, ut ad pristina sua sacra reverterentur, aut saltem ipsorum liberi publice toleratis religionis dogmatis imbuerentur (§§. XLII. & XLIII.).

## OBSERVATIO III.

§. LVIII. Enimvero succrescentibus religionis controversiis durum videbatur Catholicis, subditos, antiquam religionem in statum Protestantium territoriis profitentes, eandem experiri sortem. Quapropter lege publica, in comitiis Augustanis anno 1530. lata, sibi prospexere, qua cautum fuit, quod Catholici libero emigrationis jure gaudere,

& non obstante prohibitione dominorum territorialium, August. confess. addictorum, in alias Catholicorum statuum terras concedere, integrum ipsis omnino & liberum esse debeat, nulla nec gabella, nec censu emigrationis persoluto: §. Und nachdem Wir. 60. Dazu wollen Wir aus Kayserl. Macht / denselben Burgern / Burgerinnen / und Einwohnern / so noch in des alten Christlichen Glauben seynd / und darauf verharren / ihrer Gelegenheit nach mit ihrem Leib / Haab und Gütern einen freyen Ab- und Zuzug der obgemelten Obrikeitlichen Städte / Orth oder Flecken / ohne Beschwerde einiger Nachsteuer / oder Abzug ihrer Güter / und unverbindert männiglich zugelassen / und bewilliget haben.

## COROLLARIUM.

§. LIX. Catholicis igitur territoriorum dominis pristina jura, & liberum arbitrium subditos sacra mutantem aut ejiciendi, aut retinendi, aut mediis aliis in viam reducendi (§. LVII.), leges & Recessus Imperii in salvo adhuc, atque intacta reliquere.

## OBSERVATIO IV.

§. LX. Ast vero, cum gravate admodum ferrent A. C. addicti, hac ratione deterioris se conditionis haberi, atque religionis suæ consortibus beneficium emigrationis non denegari tantum, sed & mediis aliis coactivis eosdem ad religionem Catholicam retrahi: sicut pacis publicæ & quietis inter membra imperii amore Augustanæ confessionis sociis libertas conscientiæ, & liberum in territoriis suis religionis exercitium in comitiis August. de anno 1555. concessum fuit; ita in eadem pace religiosa obtinere, ut statum Catholicorum Augustanæ confessioni addictis subditis libe-

liberum emigrandi beneficium perinde ut Catholicis pateret (a).

(a) *Art. XI. Pac. Relig. vel §. 24. Recess. Imp. d. anno 1555.*

Wo aber Unseren / auch der Churfürsten / Fürsten und Stände Unterthanen der alten Religion , oder Augspurgischen Confession anhängig / von solcher ihrer Religion wegen aus Unseren / auch der Churfürsten / Fürsten und Ständen des Heil. Reichs Landen / Fürstenthüme / Städten und Flecken mit ihren Weib und Kindern an andern Orth ziehen / und sich niederthun wollten: Denen soll solcher Ab- und Zuzug / auch Verkaufung ihrer Haab und Gütern gegen ziemlichen billigen Abtrag der Leibeigenschaft und Nachsteuer / wie es jedes von Alters anhero üblich hergebracht / und gehalten worden ist / unbehindert mannißliches zugelassen und bewilligt / auch an ihren Ehren und Pflichten allerdings unentgolten seyn; doch soll denen Obrigkeiten an ihren Gerechtigkeiten und Herkommen der Leibeigenen halben / dieselbige ledig zu zehlen / oder nicht / hierdurch nichts abgebrochen oder benommen seyn.

### COROLLARIUM.

§. LXI. Post hanc constitutionem pacis religiosæ , August. confessioni addicti perinde , ut Catholici , libero emigrationis beneficio gavisi sunt : ita tamen , ut utrinque consuetus emigrationis census penderetur ; ac proin eatenus Recessui Imp. de an. 1530. (§. LVIII.) derogaretur, quod emigrantes Catholici a solutione hujus census , uti ante dicti Recessus, non amplius immunes haberentur,

### DEFINITIO VII.

§. LXII. *Beneficium emigrandi*, seu potius *emigratio necessaria* dicitur, quando jubente domino territorii eandem declinare nequeunt subditi.



COROLLARIUM I.

§. LXIII. Emigratio necessaria supponit jussum, seu præceptum domini territorialis de emigrando ( §. LXII.). Juris itaque territorialis expellendi effectus est ( §. IX.).

## COROLLARIUM II.

§. LXIV. Emigrationes necessarias etiam nolentes subditi suscipere tenentur ( §. LXII. ). Libertati igitur contraria est. Quod libertati contrarium est, onus esse nemo ambigit. Quare, sicut emigratio necessaria in domino territoriali jus infert ( §. XLI. & XLII. ): ita intuitu subditorum merito pro onere potius, quam beneficio reputatur.

## DEFINITIO VIII.

§. LXV. *Jus emigrandi voluntarium* vocatur, quando subditis, prohibente licet territorii domino, emigrare integrum est.

## COROLLARIUM I.

§. LXVI. Beneficium ergo emigrandi voluntarium de iis casibus proprie hic intelligitur, in quibus alias ob prohibitionem summi magistratus nullum subditis emigrandi jus competit ( §§. XXXIV. XXXV. & XXXVII ).

## COROLLARIUM II.

§. LXVII. Porro, cum jus emigrandi voluntarium subditis contra prohibitiones etiam dominorum territorialium e civitate discedendi, alioque domicilia sua transferendi facultatem faciat ( §§. LXV. & LXVI. ) : idem intuitu subditorum beneficii loco recte habetur; unde a Publicistis passim *beneficium emigrandi* salutatur.

SCHO-

SCHOLION.

§. LXVIII. Quoniam nihilominus subditi veteres suas sedes , & patriam derelinquere coguntur: a scriptoribus J. Pub. *beneficium flebile , triste , & lamentabile dicitur* (a).

(a) Vide RUMEL. *ad A. B. P. 2. dissert. 5. §. 5.*  
SCHEFFERUS *de J. Detractus c. 2. §. 11.*

OBSERVATIO V.

§. LXIX. Augustanæ confessioni addicti *beneficium emigrandi religionis causa* , seu *emigrationem necessariam* , eo , quo Catholici , sensu accipiunt ( §. LXII. ); *beneficium vero emigrandi voluntarium* dicunt , quando in arbitrium subditorum confertur , iisque libera electio relinquitur , utrum abdicato civitatis jure alio secedere , an remanere contra , & cultu privato in ædibus suis contenti vivere velint (a).

(a) CORTREJUS *Obs. ad P. Rel. Art. XI. n. 4. p. 227.*  
DECKHER *Consult. Lib. 1. p. 1. c. 31. n. 4.*  
HENNIG. *Medit. ad Instr. P. §. 36. lit. d.*  
SCHWEDER *Introd. in J. Publ. P. Speciali sect. 2. c. 7. §. 3.*

SCHOLION.

§. LXX. De beneficio emigrandi voluntario hoc sensu accepto intelligendi sunt Publicistæ , quando quærunt : *utrum beneficium emigrandi religionis causa sit necessitatis , an vero voluntatis ?* ita ut sensus membri prioris quæstionis sit : *an jubente territorii domino , ut subditi religionis causa migrent , subditi parere atque solum vertere necessum habeant ?* posteriori autem membro id quæratur : *an , domino territorii subditis publicum aut privatum religionis exercitium denegante , pro arbitrio in loca alia , ubi plena conscientie libertate gaudeant , discedendi facultas*

*cultatem habeant : an vero, siquidem ita lubet, in territorio, locoque domicilii, invito etiam territorii domino, remanere possint, sola conscientiae & cultus privati domestici libertate fruituri.*

### THEOREMA XIII.

**§. LXXI.** *Beneficium emigrandi voluntarium utroque sensu, quo idem Catholici (§. LXV.), & Augustanae confessioni addicti (§. LXIX.) accipiunt, juri territoriali prohibendi, atque imperandi emigrationes civium limites ponit.*

### DEMONSTRATIO.

In significato, quo Catholici jus emigrandi voluntarium accipiunt (§. LXV.), idem jus dominorum territorialium prohibendi emigrationes limitat (§§. LXVI. XXXV. seq.): in significato altero, quo Aug. confessioni addicti idem sumunt (§§. LXIX. & LXX.), non jus solum emigrationes prohibendi, sed & jus eminens expellendi atque ejiciendi subditos (§§. LXIX. XLI. & XLIII.) pro parte saltem enervat. Unde patet, jus emigrandi voluntarium utroque sensu juri prohibendi, atque imperandi emigrationes civium limites ponere. Q. E. D.

### COROLLARIUM I.

**§. LXXII.** Quoniam tamen jus emigrandi voluntarium in sensu Catholicorum jus solum prohibendi, in sensu vero A. C. addictorum tam jus prohibendi, quam imperandi emigrationes limitat: illud jura dominorum territorialium magis, quam hoc in salvo collocare per se patet.

COROL-



esse novimus, utrum, quod pace religiosa concessum fuit subditis, emigrandi beneficium *necessitatis* sit, an *voluntatis* (§. LXX.); illis necessarium, his vero voluntarium juxta sensum (§. LXIX.); idem esse propugnantibus. Inter plures alias, potissimas asserti sui rationes desumebant Protestantes ex ipso textu pacis religiosæ (§. LX.) verbis: *Mit ihren Weib und Kindern an andern Orth ziehen / und sich niederthun wollten*; ex quibus emigrationes liberrimi esse arbitrii inferrebant, ita ut amplectendi easdem, aut manendi subditis pro lubitu jus competeret. *Secundo*, ex declaratione FERDINANDI I. de dato 24. Septemb. anno 1555. (a), vigore cujus pax religiosa non minus subditorum, quam statuum libertati religionis & conscientię consulat. Catholici contra constanter in ea perstiterere sententia, quod verba præallegata de emigratione voluntatis juxta eorum mentem (§. LXV.) intelligenda sint; ita ut jussi emigrare remanere quidem invito territorii domino nequeant, uti vicissim spontaneæ religionis causa emigraturis impedimentum nullum objici possit; hancque suam sententiam argumentis & rationibus ponderosissimis munivere, objectiones adversariorum solide confutantes. De quo acta Pacis religiosæ luculenta testimonia perhibent.

(a) CORTREJUS *ad P. Relig. Art. XI. p. 227. seq.*

### SCHOLION.

§. LXXVII. Alias rationes Protestantium plures occurrunt apud HENR. ANDR. CRAN *de P. Relig. pag. 2. probl. 1. pag. 178.* apud CORTREJUM *d. l. p. 228.*, præcipue adductum ibi scriptum Auctoris *des kurzen Begriffs der fundamenten / warum man die Catholischen zur ejection ihrer Evangelischen Unterthanen nicht befugt zu seyn erachtet?*

Ca-



Catholicorum rationes & fundamenta ex professo propugnavit FRANCISCUS BURCKHARD. in *Autonomia sua*, oder *Grenstellung der Religion*; DILINGENSES in *Composit. Pacis*; Ipse denique IMPER. FERDINAND. II. in declaratione hujus §. scil. 24: *Pacis Relig.* quæ extat apud CORTREI *all. l.*, & desumpta, ac conformis esse dicitur ipsis actis publicis & protocollis P. religiosæ.

## SCHOLION II.

§. LXXVIII. Utriusque tamen partis argumenta & rationes singulas ponderare, aut sub examen revocare hic non vacat; nec præfixi nobis speciminis limites patiuntur.

## OBSERVATIO VII.

§. LXXIX. In pacificatione Westphalica ea lis recruduit, acerrime inter utramque partem ventilata. Insistebant quippe Protestantes pro pleno emigrandi, aut, si subditi simplici conscientię libertate & cultu domestico contenti vivere vellent, non emigrandi arbitrio (a): Catholicis contra pro migrandi necessitate, siquidem subditi sacramutantes a territoriorum Dominis jussi fuerint, fortiter pugnantibus (b).

(a) Illustr. de MEIERN *Acta P. Westph. publ. Tom. II. Lib. XV. §. III. ad Grav. III. p. 577.* ubi provocant ad *Acta P. Relig. ibid. in Deput. de an. 1646. d. 14. April. ad Grav. 3. n. 3. p. 613.* ubi, quid sub nomine Libertatis Conscientię intelligant Protestantes, explanant: So könnten sie / Evangelischen / doch davon nicht abste-  
hen / daß den Unterthanen die Libertas conscientię verstat-  
tet / sie zur Emigration nicht gedrungen / sondern ihnen frey ge-  
lassen werde / zu bleiben / und das Exercitium ihrer Religion in  
der Nachbarschaft zu suchen / auch in ihren Häusern Gott  
mit Lesen / Singen und Betten zu dienen / ihre Kinder in die  
benachbarte Evangelische Schulen zu schicken / oder ihnen

*Evangelische Privat-Præceptores zu halten; auch zu Tröstung der Bräutchen mit dem h. Nachtmahl zu versehen / ingleichen zu Kindtraffen / und Copulationen Evangelische Priester aus der Nachbarschaft zu hohlen. Item p. 622, ad Grav. III.*

(b) *Idem Tom. II. Lib. XV. §. 3. ad §. 3. p. 553. Item §. 9. ad Grav. III. p. 582.*

## SCHOLION.

§. LXXX. Penitio<sup>rem</sup> totius controversiæ notitiam, & , quæ sint rationum, pro una alteraque parte militantium, pondera , cognitionem haurire licet 1. ex disquisitione , quam de hoc arduo argumento in favorem Protestantium concepit D. PLATNER *Consiliarius olim Saxo-Vinariensis* apud CORTREJUM *all. l. 2.* Ex D. de MEIERN *Actis P. Westph. L. XVI. §. I. (a).*

### (a) Beilage VII.

*Bedenken von wegen beyderseits Unterthanen / welche ihrer Obrigkeit Religion nicht zugethan seyn / Inhalts des Religion-Friedens §. Es soll auch. §. Wo aber.*

### Nr. VIII.

*Gründliche Antwort auf der alten Religion zugethanen Stände Fundamenta , der Unterthanen Religions-Freyheit betreffend.*

### Nr. IX.

*Fundamenta Catholicorum, die Emigration der Unterthanen betreffend.*

### Nr. X.

*Fundamenta der Augspurgischen Confessions-Verwandten, das jus emigrandi betreffend.*

### Nr. X.

*Refutatio fundamentorum Romano-Catholicorum, das Jus emigrandi betreffend.*

OB-

## OBSERVATIO VIII.

§. LXXXI. Enimvero , cum Catholici in principiis , atque in sententia sua firmiter persisterent , & potius omnes tractatus pacis abrupturos se esse minarentur , quam in enormem adeo conscientiae libertatem , & superioritati territoriali summopere noxiam religionis tolerantiam consensuri essent (§.LXXIV) : hinc conventum tandem inter utramque partem.

### ART. V. INSTR. PACIS.

§. XXXIV. Placuit porro , ut illi Catholicorum subditi, Augustana Confessioni addicti , ut & Catholici, Augustana Confessionis Statuum subditi , qui anno 1624. publicum vel etiam privatum religionis suae exercitium nulla anni parte habuerunt ; nec non , qui post pacem publicatam deinceps futuro tempore diversam a territorii Domino religionem profitebuntur , & amplectentur , patienter tolerantur , & conscientia libera domi devotioni suae sine inquisitione , aut turbatione privatim vacare ; in vicinia vero , ubi , & quoties voluerint , publico religionis exercitio interesse , vel liberos suos exteris suae religionis scholis , aut privatis domi praeceptoribus instituendos committere non prohibeantur ; sed ejusmodi Landsassii , Vasalli , & subditi in ceteris officium suum cum debito obsequio & subjectione adimpleant , nullisque turbationibus ansam praebeant.

§. XXXV. Sive autem Catholici , sive Augustana confessionis fuerint subditi , nullibi ob religionem despiciantur , nec a mercatorum , opificum aut tribuum communione , hereditatibus , legatis , hospitalibus , leprosoriiis , elemosynis , aliisque juribus aut commerciis , multo minus publicis coemeteriis , honoreve sepultura arceantur , aut quicquam pro exhibitione funeris a superstitionibus exigatur , prater cujusque ecclesiae parochialis jura , pro demortuis pendi solita , sed in his & similibus pari cum contrahentibus jure habeantur , aequali justitia , protectio neque tuti.

§. XXXVI."

§. XXXVI. Quodsi vero subditus, qui nec publicum, nec privatum suae religionis exercitium anno millesimo sexcentesimo vigesimo quarto habuit; vel etiam, qui post publicatam pacem religionem mutabit, sua sponte emigrare voluerit, aut a territorii domino jussus fuerit: liberum ei sit, aut retentis bonis, aut alienatis discedere, retenta per ministros administrare. & quoties ratio id postulat, ad res suas inspiciendas, vel persequendas lites, aut debita exigenda libere, & sine literis com meatus adire.

§. XXXVII. Conventum autem est, ut a territoriorum dominis illis subditis, qui neque publicum, neque privatum exercitium religionis sua dicto anno habuere, & tamen tempore publicatae praesentis pacificationis in unius vel alterius religionis Statuum immediatorum ditioribus habitare deprehenduntur; quibus illi etiam annumerandi erunt, qui ob calamitates bellicas evitandas, non tamen animo transferendi domicilium alio emigrarunt, & facta pace in patriam redire volunt: terminus non minor quinquennio; illis vero, qui post publicatam pacem religionem mutant, non minor triennio, nisi tempus magis laxum, & spaciosum impetrare potuerint, ad emigrandum praefigatur: neque siue voluntarie, siue coacte emigrantibus nativitatis, ingenuitatis, manumissionis, noti opificii, honestae vitae testimonia denegentur, aut iidem reversalibus inusitatis, vel decimationibus substantia secum exportata plus aquo extensis prae graventur, multo minus spontaneam suscipientibus emigrationem, servitutis, aut ullo alio praetextu impedimentum inferatur.

#### THEOREMA XIV.

§. LXXXII. Vigore pragmatice hujus legis jus emigrandi ob professionem religionis, quam subditi anno 1624. nulla anni parte habuere, est necessitatis.

#### DEMONSTRATIO.

In adductis modo sanctionis pacis Westphalicæ Art. V. §. XXXVI. verbis: Sua sponte emigrare voluerit, aut a territorii domino jussus fuerit &c. Item §. XXXVII. verbis: Siue  
volun-

*voluntate, sive coacte emigrantibus &c.* duo distincti casus exprimuntur, *primus*, quo voluntatis proprio motu, *alter*, quo in vim jussi aut mandati a territorii domino promulgati emigrant subditi. Non minus itaque liberam emigrandi facultatem in subditis, quam jus ac potestatem in territoriorum dominis eosdem expellendi, & si religionem, quam anno 1624. nulla anni parte habuerunt, amplexi fuerint, ad emigrandum cogendi, integram, & in salvo supponunt summi Paciscentes. Sine ratione enim de coacte emigrantibus mentionem injecissent, si nullum coactioni locum reliquum voluissent. Subditos ergo religionem amplectentes, cujus exercitium anno 1624. nulla anni parte habuere, juberi, atque ad emigrandum cogi posse constat. Jus jubendi atque cogendi dominis territoriorum competens in subditis parendi atque agendi necessitatem involvit (§§. XIX. XX. XXI.). Emigrare igitur jussis parendi necessitas incumbit. Unde ipsam emigrationem post latam hanc legem necessitatis esse apparet. Q. E. D.

### SCHOLION.

§. LXXXIII. Neque frustra duorum casuum, quibus subditi, scilicet aut spontanee, aut coacte migrant, mentio fit. Nimirum præsens constitutio subditis præsidio est tam contra jus territoriale prohibendi, quam contra jus præcipiendi, seu injungendi emigrationes: contra jus prohibendi, quod invitis etiam territoriorum dominis, siquidem iisdem exercitium religionis, quam amplexi sunt, concedere nolint, ad emigrationis beneficium confugere valeant; cum alias territoriorum domini mediis violentis eosdem retinere, vel non nisi confiscatis bonis dimittere potuissent (§§. XXXV. XLII. & XLIII.): contra jus injungendi emigrationes, seu expellendi diversa sacra profitentes, ea-



tenus lex auxilio est, quod, cum abstrahendo ab hac lege integrum sit statibus imperii, diversam a territorii domino religionem amplectentes tanquam criminis (in foro saltem externo & politico) reos & quietis publicæ turbatores subito, sine mora, sine licentia quidpiam de sua substantia secum exportandi expellere, atque e finibus territorii proscribere (§. XLI.), id jam lata hac lege nonnisi data mora scilicet quinquennii, aut triennii spatio cum facultate vendendi, aut retinendi bona &c. fieri debeat, quod beneficium sane non leve reputandum est. Sed cessere status Imperii huic suo, ut multis aliis juribus quietis & publicæ totius Imperii salutis amore (§. LIV.).

### SCHOLION II.

§. LXXXIV. Veritatem theorematis confirmant acta Pacis Westphalicæ præsertim de an. 1647. & 1648. apud D. de MEIERN *Tom. IV. Lib. XXV. XXIX. & seq. usque ad Lib. XXXIII.* ex quibus luculenter apparet, ipsos Protestantes emigrandi necessitatem, quoad illos subditos, qui post publicatam pacem sacra mutaturi essent, agnovisse; litem tantum adhuc fuisse de illis subditis, qui quidem a. 1624. nullum nec publicum, nec privatum religionis exercitium habuere, tempore tamen publicatæ pacis in unius alteriusve status territorio habitasse deprehensi sunt; his emigrandi, aut manendi & domi privatim devotioni suæ vacandi facultatem liberam, reliquis vero, qui impostero religionem mutaturi essent, terminum quindecennalem ad emigrandum concedi voluere, uti ex actis & protocollis ipsis plenius perspicui potest. Qua ratione lis sopita sit, ipse tenor Instr. P. (§. LXXXI.) & d. acta publica insinuant.

SCHO-

SCHOLION III.

§. LXXXV. Consentiant præterea , atque vim demonstrationis penetrant ex Protestantibus publici juris DD. celeberrimi , quos inter nominasse sufficiat HENNIGESIIUM in *Meditationibus ad Instr. P. Art. V. §. XXXVI. lit. d. ibi idemque jussus migrare detrectare imperium non potest, ut frustra sint, qui ex præcedenti §. XXXIV. existimant, emigrationem a parte subditorum semper esse voluntariam, eosque ad emigrandum cogi non posse, quamdiu tranquille, & pacifice vivunt &c.* RHETIUM *Inst. Jur. Publ. Lib. II. Tit. I. §. XXVII.* DECKHER. *Consult. Forens. de P. Relig. Lib. I. p. I. c. 35. num. 22. verbis: Ratione domini vero pura necessitatis &c.* THOMAS. *Fürsten-Recht. p. 204. seq. verb.* Wenn man nun diese beyde Meinungen nach dem Recht der Natur / und nach dem Christenthum ansiehet: So gestehe ich gerne/ daß die erste diesem näher kommen/ als die letztere. Weilen aber alle Pacta müssen erklärt werden aus der Intention der Parthenen selber; diese aber aus den circumstantiis historicis, die sie zum Vergleich betrogen/ und aus dem Context des Vergleichs selber muß hergehohlet werden: So kommt mir die letztere wahrscheinlicher für. Dann wann ein Fürst kein Recht hätte / die Unterthanen wider ihren Willen zur Emigration zu zwingen / sondern müßte sie toleriren: was wäre nöthig gewesen / solche Terminos zu setzen; und wäre ja genug gewesen insgemein zu setzen / daß sie sollen durchgehends geduldet werden. Die unruhig leben/ meritiren gar nicht / daß man ihnen ein so langes Spatium ihre Sachen fertig zu machen einräume. Wann man die Tractaten liest / die man wegen dieses Punkts gepflogen: So siehet man daraus die Erklärung dieses Streits gar deutlich/ und was ihre Meinung gewesen seye. Die Catholische Stände wollten sich gar nicht dazu verstehen, daß sie den Evangelischen Unterthanen die geringste Zeit verstaten wollten: die Schweden hingegen und andere Protestirende urgirten

15. Jahr aus Liebe zu den Lutherischen Unterthanen/ und hat sich sonderlich der bekannte LAMPADIUS, als damaliger Abgesandter von dem Hauß Lüneburg diese Sache angelegen seyn lassen. Woraus man deutlich erkennt/ daß die Catholische Stände auf die emigrationem necessariam gedrungen. Was aber die Protestirende sowohl gegen die Catholische / als auch unter sich betrifft / lerner man dieses / daß/ wie sie für ihre Glaubens-Genossen die Emigration aus Catholischen Orten gerne hätten ganz aufheben wollen: sie soviel an ihnen denen Catholischen Unterthanen gerne wieder in ihren Landen dergleichen hätten verstaten wollen; denn ohne diese Intention hatten sie ja von den Catholischen Ständen für ihre Glaubens-Genossen solches nicht pretendiren können. Und also / wenn man nach diesem Grund gehet/ so haben zwar Evangelische Fürsten gegen Catholische Unterthanen nach dem Instrumento Pacis und Jureretorionis Recht / die Emigration auf besagte Art anzubefehlen: aber / sie haben sich dabey wohl zu prüfen / damit sie nicht wider den Grund handeln/ aus welchen sie bey den Friedens-Tractaten die Emigration hätten gerne aufgehoben; 2c. THEOD. AUG. SCHELER in Dissert. sub presid. consultiss. viri ACHATII BECK anno 1728. Jenæ habita; de eo quod justum est circa emigrationem civium religionis causa.

#### SCHOLION IV.

§. LXXXVI. Nec praxis Imperii contraria est, de qua exempla novissima in Archidioecesi Salisburgensi, aliisque Statuum territoriis dubitare non sinunt.

#### THEOREMA XV.

§. LXXXVII. Jus emigrandi non est voluntatis juxta sensum §. LXXIX., quo Protestantes idem accipiunt.

DÉMON-

DEMONSTRATIO.

Si emigrandi jus esset voluntatis eo sensu , quo idem §§. LXIX. & LXX. accipitur; tum penes subditos arbitrium foret , jubente territorii domino emigrandi , vel non emigrandi & domi privatæ devotioni quiete vacandi (§§. iisdem). At vero hoc arbitrium & alternativa hæc electio subditis non competit (§§. LXXXII. seq.). Ergo neque jus emigrandi eo sensu voluntatis esse dici poterit. Q. E. D.

THEOREMA XVI.

§. LXXXVIII. *Est tamen voluntatis juxta sensum §. LXV.*

DEMONSTRATIO.

Subditi diversam a territorii domino religionem professantes, non obstante prohibitione domini, ad beneficium emigrationis confugere possunt , siquidem territorii dominus nullum , nec publicum , nec privatum religionis exercitium concedere velit ( *Art. V. Instr. P. §. XXXVII. supra §. LXXXI.* ). Emigrationem itaque eo, quo diximus, sensu voluntatis esse constat. Q. E. D.

COROLLARIUM.

§. LXXXIX. Domini igitur territoriales, qui subditis diversam ab ea , quam anno 1624. habuere , religionem amplectentibus liberum religionis exercitium publicum aut privatum concedere nolunt , emigrationes prohibere nequeunt.

SCHOLION I.

§. XC. Exinde colligimus , quod summi Paciscentes in §. XXXIV. art. V. Instr. P. supra (§. LXXXI.) allegato de-

clarare solum voluerint, qua ratione status Imperii sive Catholici, sive A. C. addicti, & sic dicti Reformati habere subditos suos, & agere cum iis debeant, qui anno 1624. nullo nec publico, nec privato religionis, quam ex post amplexi fuere, exercitio gavisi sunt, nec tamen a territoriorum dominis migrare iussi aut eiectioni fuerint. Nimirum, cum alias ex principis, juris gentium, & vigore ex communi totius Imperii praxi competentis juris reformandi statibus, subditos suos diversa sacra amplectentes aut ejicere, aut poenis, mediisque aliis coercere integrum fuisset (§§. XLII. & XLIII.): durum esse rati sunt summi nostri Legislatores poenis in receptarum & toleratarum in Imperio religionum focios animadvertere (*Instr. P. Art. V. §. XXXV.*). Hinc, siquidem status Imperii concessio, aut potius relicto sibi per idem Instr. P. expellendi subditos beneficio uti nolint, stabilitis suis ante principis conformiter & sapienter statuunt, quod patienter eosdem tolerare debeant, ita ut conscientia libera domi devotioni suæ sine inquisitione, aut turbatione privatim vacare, in vicinia vero ubi & quoties voluerint, publico religionis exercitio interesse, vel liberos suos exteris suæ religionis scholis, aut privatis domi præceptoribus instituendos committere non prohibeantur.

## SCHOLION II.

§. XCI. Idem de illis subditis intelligendum esse, qui intra terminum emigrationi præfixum in territoriis subsistunt, ex actis Pacis Westphalicæ liquido constat: neque id ab una alterave parte in dubium vocatum est; ac, ne me omnia fallunt, ad hos præcipue d. §. XXXIV. verba pertinent. Unde his cohærenter Protestantes in declaratione in puncto gravaminum Legatis Suecicis d. 27. Febr. anno 1647. exhibita apud D. de MEIERN Tom. IV. Lib. XXV. §. XIII.



*XIII. n. 1. art. XV. p. 96. sub finem: Subditi præterea, quibus migratio, uti dictum est, necessaria, pendente quindecennio eodem jure fruuntur, quo ceteri, qui migrationis libero gaudent arbitrio. Id quod p. 106. in projecto germanico repetunt. Item D. Plenipotentiarum Cæsareani in Declaratione exhibita Legatis Suecicis d. 5. Mart. stil. vet. 1647. ibid. §. XVI. art. XV. p. 125. Ulterius conventum esto, quod subditi Catholicorum Augustanæ Confessioni adherentes, ut & hujus Confessionis Statuum Catholici subditi, quibus alias nec pacto, nec usu diuturno, nec privilegio suæ singularis religionis exercitium permissum deprehenditur, cum rerum & fortunarum suarum præcipiti jactura emigrare non teneantur; sed interea, dum superiorum suorum clementia & gratia tolerantur, nullis novitatibus nec publice, nec privatim ansam præbeant, interea nullibi ob religionem despicatui habeantur, nec a mercatorum, tribuum, societatumque communiōe &c. arceantur &c. Item Lib. XXIX. §. VIII. n. 1. Der Kaiserliche Aussatz de Autonomia per Imperium ibi p. 517. Hoc modo autem coacte emigrantibus idem beneficium competat, quod paulo ante iis, qui sua sponte emigrant, concessum est. Et ita in sequentibus, usquedum hanc in formam conventum fuerit, passim, quæ singula hic adducere ratio instituti non patitur.*

## LEMMA VI.

§. XCII. *Unam ex tribus in Imperio receptis, ac toleratis religionibus amplecti, publiceque profiteri, in Imperio Rom. Germ. quoad forum externum, seu politicum in crimen non incidit.*

## SCHOLION.

§. XCIII. *Quid quoad forum internum hic juris sit, non patitur pax religiosa & Westphalica, quam unice præocu-*

oculis habeo , ut discutiam. Neque enim opus est, cum de effectibus solum civilibus professionis unius ex tribus religionibus nobis sermo sit.

### COROLLARIUM I.

§. XCIV. Ex lemmate itaque nostro sua sponte consequitur , quod , qui unam ex tribus in Imperio receptis ac toleratis religionibus profitentur , nullibi despiciatui habendi , neque a mercatorum , opificum , aut tribuum communione , hereditatibus , legatis , reliquisque , quæ in *art. V. §. XXXV.* enumerantur , jurebus excludendi sint.

### COROLLARIUM II.

§. XCV. Ulterius inde intelligitur , cur religionis in Imperio toleratæ causa emigrantibus nativitatis , ingenuitatis , manumissionis , noti opificii , honestæque vitæ testimonia deneganda haud sint ; item , cur inusitatis reveralibus , decimationibus , & censibus emigrationum plus æquo eosdem gravari non conveniat ( *Instr. P. Art. V. §. XXXV. II.* ).

### THEOREMA XVII.

§. XCVI. *Qui religionis causa emigrant subditi , bona in territoriis , unde discedunt , possidere non probibentur.*

### DEMONSTRATIO.

Qui ob professionem unius ex receptis in Imperio religionibus sponte ( §. LXXXVIII. ) aut coacte ( §. LXXXII. ) migrant , cives quidem esse desinunt , & subditi ( §§. I. & II. ) ; ob crimen tamen non emigrant , aut ejiciuntur ( §. XCII. ) ;  
excep-

exceptis igitur domicilii, & civitatis juribus, libero religionis exercitio, & conscientiae libertate, quo minus in reliquis gentium juribus fruantur, nulla obstat ratio. Quapropter, cum ad gentium quoque jura haud dubie pertineat, bona in aliena republica seu territorio possidendi facultas, restantibus idem moribus populorum ferme omnium; possessio autem sola bonorum nec subditum proprie efficiat, nec domicilii jus, aut conscientiae & religionis libertatem tribuat (§. III.): nil sane obstat, quo minus, qui propter religionem in Imperio receptam, aut toleratam emigrant, bona in territorio, unde discedunt, possideant (Art. V. §. XXXVI.) Q. E. D.

### COROLLARIUM I.

§. XCVII. Quæ igitur habuere ante emigrationem, alienare non coguntur, sed jure, libereque retinent, retentaque per ministros administrant (Art. V. §. eod.),

### COROLLARIUM II.

§. XCVIII. Nec minus ex theoremate consequitur, quod subditis, qui religionis causa discesserunt, nullo non tempore liber ad pristinum territorium aditus & commerciorum usus pateat (Art. V. §§. XXXVI. & XXXVII.); cum & hæc ad jura gentium referri, apud omnes in confesso sit.

### SCHOLION.

§. XCIX. Quodsi consuetudo, aut lex peculiaris territorii aut loci non patiat, ut extranei in eodem prædiorum, & immobilium bonorum possessores sint: eam ego non obstante theorematis & legis nostræ generali enuncia-

tione observandam nihilominus esse existimem. Nam cum illa bonorum possessio ad jura religionis directe non pertineat; neque emigrantes, ut suppono, in odium religionis ab eadem arceantur: quare civilis illa de possessione bonorum dispositio etiam contra illos vim suam exercere non debeat, causa solida apparet.

### THEOREMA XVIII.

§. C. *Administratores<sup>1</sup>, quos emigrantes bonis suis in territorio, unde discessere, præficiunt, debent esse religionis in illo territorio toleratæ, vel receptæ.*

### DEMONSTRATIO.

Pone eos non esse religionis, in territorio vi anni decretorii, aut ex alio capite toleratæ; ad emigrandum ergo, & ad vertendum solum perinde ut domini ipsorum, seu præficientes cogi poterunt (§. LXXXII.). Quod cum scopo & intentioni præficientium repugnet, uti per se patet: administratores, quæis bonorum suorum curam committunt, toleratæ in territorio religionis esse debere evidens est. Q. E. D.

### SCHOLION.

§. CI. Nobis de administratoribus, qui in territorio domicilium habeant, sermonem esse, res ipsa loquitur. Ceterum hæc ipsa propositio in ultimato cæsareanorum puncto grav. exhibito d. 5. Mart. 1647. apud D. de MEIERN Tom. 4. *Act. Pacis Westph. Lib. XXV. §. 16 p. 125.* claris verbis legitur: *Quodsi vel justa Superioris iussione, vel sua sponte emigrare subditus, cujuscunque sortis, voluerit, aut quod suum est, vendere: liberum ei sit aut retentis bonis, aut alienatis decedere, retenta per*  
mini-

*ministros religioni in loco, unde discessit, addictos administrare &c. quæ verba tamen in sequentibus, imo ipso Instr. Pacis, fors tanquam supervacua, omissa fuere.*

### THEOREMA XIX.

§. CII. *Quæ de beneficio emigrandi in instrumento Pacis Westph. constituta sunt, ad subditos illos non pertinent, qui an. 1624. vel publico, vel privato religionis exercitio gavisi sunt.*

### DEMONSTRATIO.

Per ea, quæ de beneficio & jure emigrandi in instrumento Pacis constituta sunt, subditorum religionis & conscientię libertati prospicitur; ne scilicet, denegato ipsis libero cultus publici, aut privati exercitio alio migrare, atque sic conscientię suæ consulere prohibeantur; neve, dum migrare jubentur, ob mutatam religionem, tanquam si criminis rei forent, bonis famaue mulctentur, aliisque poenis afficiantur (§§. XLII. XLIII. & LXXXIII.). Subditi, ci-  
ves & incolæ, qui anno 1624. quacunque anni parte sive publicum, sive privatum exercitium religionis habuere, in eodem turbari a nemine, nec, quo minus publica cultus sui, & conscientię libertate fruantur, prohiberi, multo minus ad emigrandum religionis causa ullo prætextu cogi, privari bonis, aut poenis coerceri possunt (*Art. V. Instr. P. §§. XXXI. & XXXV.*). Auxilio itaque & beneficio emigrationis non indigent, utpote aliunde satis tuti. Quæ proinde eodem in Instrumento Pacis constituta leguntur, ad subditos illos, quos annus normalis securos præstat, minime pertinent. Q. E. D.



### COROLLARIUM.

§. CIII. Quare, quæ de emigratione Pax Westphalica *Art. V. §. XXXIV. seq.* constituit, in eorum gratiam tantum sancita sunt, qui anno 1624. nullo, nec publico, nec privato religionis exercitio frui, duris expulsionis, seu ejectionis effectibus (§. LXXXIII.) obnoxii forent. (*Art. V. §. XXXVI.*).

### THEOREMA XX.

§. CIV. *Subditos, quos annus normalis in exercitio religionis, & libertate conscientiae tuetur, quo minus emigrent, a domino territorii probiberi nil impedit.*

### DEMONSTRATIO.

Subditi, quos annus normalis tuetur, nullam, vel sufficientem saltem rationem non habent, cur ad beneficium emigrationis confugiant, utpote queis lex ipsa contra turbationes quascunque satis auxilii præstat, nec, quæ de emigratione Pax Westphalica constituit, ad eosdem pertinent (§. CII.). Jus itaque prohibendi emigrationes, dominis territorialibus competens, intuitu horum subditorum alios, quam quos naturæ & gentium jura, & leges peculiare locorum ponunt (§§. XXXVIII. & XXXIX.), limites non agnoscit. Quin igitur, si publica idem salus postulet (§§. XXXV. & XXXVI.), neque jura, & subditorum qualitas refragentur, emigrationes tam turmatim, quam sigillatim (§§. XXVIII. & XXIX.) suscipiendas subditis anno normali securis jure prohibeant, dubium non est. Q.E.D.

SCHO-

## SCHOLION.

§. CV. Quoniam tamen juxta consuetudines & mores Germaniæ (§. XXX.) emigrationes singulorum absque ratione prægnanti (§. XXXV. ), & regulariter non prohibentur (§. XXXI.): patet, si cives singuli cujuscunque in imperio receptæ vel toleratæ religionis, five anno normali tuti sint, five non, e territorio migrare cogitent, eosdem regulariter impediendos non esse.

## THEOREMA XXI.

§. CVI. *Subditi, quibus domini territoriales liberum religionis, quam post annum normalem 1624. amplectuntur, exercitium seu publicum seu privatum ex pacto & gratia concedunt, non debent esse melioris conditionis quam illi, qui anno normali securi sunt.*

## DEMONSTRATIO.

Finis, quem summi Paciscentes in instrumento & tractatibus Pacis Westphaliæ præfixum habuere, eo collimavit, ut subditorum, unam ex tribus religionibus profitentium, conscientis, atque libero religionis exercitio consulerent (§. XXIII. ). Finem hunc perinde obtinent subditi diversam a territorii domino religionem, quam anno 1624. non exercuere, amplectentes, dum ex beneficio & gratia domini territorialis liberum ipsis religionis suæ exercitium non indulgetur tantum, sed & pacto publico, & lege territorii firmatur, quam illi, queis Pax Westphalica & annus normalis præsidio est. Neque enim, quæ de majori Pacis Westphaliæ, quam pactorum & legum territorialium firmitudine regeri possent, hic attendi merentur; cum recedente domino territorii a pacto suo, aut pristina subditi, qui anno 1624. nullo religionis exercitio gavisi sunt, jura sua

recuperent, aut pro observantia pacti ad civilia remedia iisdem recursus pateat. Ea igitur utrorumque, tam qui Pace Westphalica, quam qui pactis dominorum territorialium securi sunt, quod ad libertatem & exercitium religionis attinet, conditio est. Quare sicut in illorum gratiam præter cultus religiosi exercitium & conscientiæ libertatem nil aliud intendere summi Paciscentes (§. XXIII. alleg.); neque ipsi subditi rationabiliter prætere potuere: ita pariter qui post annum normalem religionem mutant, concessio sibi a territorii domino religionis suæ exercitio aliud quidpiam neque prætere, neque ad amplius jus adspirare poterunt. Unde non melioris hos, quam illos conditionis esse censendos, indubie constat. Q. E. D.

## SCHOLION.

§. CVII. Veritas hujus propositionis etiam inde elucescit, quod in pacificatione Westphalica ipsi Protestantes alternative solum petierint, ut aut liberum subditis religionis exercitium concederetur, aut discedendi alio, remanendive privata domi devotione contentis vixuris facultas, & arbitrium relinqueretur, testantibus idem actis P. Westph. apud D. de MEIERN Tom. II. Lib. XV. §. 5. pag. 570. n. 3. verb. *Ersuchen sie die Catholischen höchlich / ihren Evangelischen Unterthanen / oder die , , , , noch zur Evangelischen Religion treten mögten / oder auch aus Evangelischen Landen unter Catholischen Obrigkeiten sich zu begeben Vorhabens / das privatum Exercitium der Evangelischen Lehren zu verstatten &c.*

## THEOREMA XXII.

§. CVIII. *Domini territoriales subditis suis religionem mutantibus liberam emigrandi libertatem concedere non obligantur,*  
*si*

*si aut publicum iis, aut privatum religionis exercitium permittere parati sint.*

### DEMONSTRATIO.

Subditi, qui diversam a territorii domino religionem, profitentur, nec tamen anno normali tuti sunt, pari jure non melioris conditionis esse censentur cum illis, qui vigore regulæ & anni normalis exercitio religionis gaudent, siquidem dominus territorii ipsis cultus sui & religionis exercitium permittere paratus sit (§. CVI.). Enimvero subditis quos annus normalis tuetur, facta a territorii domino iusta de causa prohibitione, emigrandi facultas non competit (§. CIV.). Ergo neque illis, qui religionem ex post mutant contra prohibitionem Superioris emigrare integrum erit, siquidem dominus territorii cultum religiosum publice aut privatim exercendi libertatem iisdem concedere paratus sit. Q. E. D.

### COROLLARIUM.

§. CIX. Cultus igitur publici, seu privati concessio medium est, quo domini territoriales juris emigrandi voluntarii, sub dictis circumstantiis alioquin competentis, effectum impedire, & subditos in territorio retinere valent.

### SCHOLION I.

§ CX. Utrum porro, & quando subditis diversa sacra profitentibus religionis suæ exercitium concedere potius, quam ad emigrandum eosdem cogere consultum sit, politicæ disquisitionis, nec huius loci est, cujus decisionem circumstantiæ peculiares temporis & loci facile suggerent.

SCHO-

## SCHOLION II.

§. CXI. Id adhuc velim advertas, differre inter se *cultum privatum simpliciter talem*, & *cultum privatum domesticum*: Ille hoc latior patet. Qui exercitio religionis privato gaudent, convenire in loco aliquo privato, ibique, sine strepitu tamen, sine pulsu campanæ, sine instrumentis musicis &c., actus religiosos peragere, & Deum secundum ritum suum colere possunt. At vero, quæ domestica tantum devotio, & conscientiæ nuda libertas (§. LXXIX. in not.) permixta est, domi tantum cum familia sua, non vero cum vicinis, aliisque, qui ad eandem non pertinent, libros suæ religionis legere, canere, & preces ad Deum fundere integrum est; quæ differentia probe observanda est. Etenim quando §. præced. CIX. diximus, concessionem liberi religionis exercitii, etiam privati, esse medium, quo dominus territorii emigrationes subditorum suorum impedire valeat, id de cultu privato latiori, non strictiori illo, seu domestico intellectum volumus.

## THEOREMA XXIII.

§. CXII. *Subditis diversam a territorii domino religionem, quam anno 1624. nulla anni parte habuere, amplectentibus per transplantationes in loca alia eidem supremo territorii domino subiecta, ubi plena conscientiæ libertate fruuntur, & libero religionis suæ exercitio gaudeant, æque bene, quin haud raro efficacius longe, consulitur, quam emigrationis beneficio.*

## DEMONSTRATIO.

Transplantationes, quæ fiunt propter professionem unius ex receptis ac toleratis in imperio religionibus crimen,



men, aut delictum quoad forum civile pro sui causa non agnoscunt (§. XCII.). Partim igitur ex amore paterno Principis erga subditos suos (§. XLIX.), partim ex quietis, & pacis internæ, inter cives omni modo procurandæ, majestatico officio (§. XLIV.), partim denique ex jure expellendi & ejiciendi subditos, diversa extra annum normalem sacra profittentes (§. LXXXII.), proficiscuntur. Curant ergo, & prospiciunt domini territoriales, ut, quos religionis causa transplantare volunt, subditi sine magno bonorum suorum dispendio, &, quam potest minima cum molestia, in assignatas ipsis novas suas sedes transportentur: quin pro ratione circumstantiarum, fisci etiam & reipublicæ utilitate id suadente, adminicula indigis atque vitæ sustentamina ex gratia subministrant, pro paterno in rempublicam communem affectu eo præcipue intenti, ut transplantandi in novis suis sedibus ea, quæ habuere ante, vitæ commoda inveniant, sub pristina Principis sui protectione ac clementiæ alis securi (§. LI.). At vero emigrationum, sive spontanee a subditis suscipiantur, sive a territorii domino injungantur (§. LXXXII.), longe alii effectus sunt. Incerti quo Lares transferant, bona vilissimo sæpe pretio divendere coguntur; sæpius sine stabili mansionis loco huc illuc errantes in extremam paupertatem delabentes. Pone etiam ante discessum certa ipsis constituta esse domicilia. Cum non possint emigrationes, quæ cum magno subditorum numero fiunt, non esse damnosæ reipublicæ: adminicula territorii domino, remissiones decimationum & census consueti, aliasque similes gratias frustra expectant, qui aut spontanee, aut coacte migrant. Ut jam incommoda plura alia, quæ emigrationum solent esse comites, silentio præteream; id minimum ex dictis abunde elucescit, majoribus multo difficultatibus premi, ac deterioris fortunæ aleam experiri emigrantes, quam qui transplantantur, neque tamen aliud priores, quam

posteriores, scilicet religionis suæ liberum exercitium, & conscientię libertatem consequi. Unde non existimo, fore quempiam, qui transplantationem emigratione pinguius beneficium esse non reputet. Atque adeo subditis, post annum normalem unam ex receptis in imperio religionibus amplectentibus, transplantatione efficacius quam emigratione consuli indubium est. Q. E. D.

#### THEOREMA XXIV.

§. CXIII. *Transplantationem subditorum, diversam a territorii domino religionem amplectentium, tam jura dominorum territoria- lia, quam reipublicæ communis salus & securitas in salve consistunt.*

#### DEMONSTRATIO.

Transplantati subditi cives manent ejusdem communis reipublicæ, eidemque, cui ante, superiori Magistratui subiecti (§§. XI. & XII.). Eidem ergo, cui ante, collectas, tributa & onera pendunt, eandemque rempublicam communem necessitatis casu pro viribus defendunt. Neque adeo summi Magistratus, & fisci juribus per transplantationem, regulariter saltem (§§. XXXII. & XXXIII.), quidpiam decedit; neque securitas, & quies publica minori quam ante virium collatione sustinetur. Utriusque itaque, tam domini territorialis, quam reipublicæ communis jura, salus, & securitas per transplantationes subditorum, diversa sacra contra annum normalem profitentium, in salvo collocantur. Q. E. D.

#### SCHOLION.

§. CXIV. Accedunt subinde justissimæ transplantationum causæ: quod scilicet nimius quandoque in parte quadam

dam reipublicæ sit civium seu subditorum numerus, quorum in provincia aut parte reipublicæ alia defectus reperiatur. Quo casu bono rei publicæ per transplantationes eo enixius consuli constat : ut taceam, jura dominorum territorialium in homines proprios sic facta & illibata servari.

## THEOREMA XXV.

§. CXV. *Transplantationes sunt medium, quo & subditis, diversa post annum normalem sacra amplectentibus, efficaciter consulitur, Statuum vero territoriorum jura integra servantur.*

## DEMONSTRATIO.

Efficaciter subditis, diversam a territorii dominis post annum normalem religionem amplectentibus, consulitur, si tum conscientię libertatem, & liberum religionis exercitium consequantur, & cum minima bonorum suorum jactura alio sedes suas & domicilia transferre necessum habeant. Enimvero hæc omnia per transplantationes (§. CXII.), & multo quidem efficacius, quam per emigrationes (§. eod.) consequuntur subditi. Per transplantationes itaque efficaciter consulitur subditis. Enimvero per easdem has transplantationes dominorum territorialia, fisci, aliaque eminentia jura conservari (§§. CXIII. & CXIV.) evictum dedimus. Unde patet, easdem optimo jure pro medio haberi, quo tam subditorum, diversa sacra post annum normalem profitentium, quam juribus dominorum territorialium consulatur. Q. E. D.

## COROLLARIUM.

§. CXVI. Sunt igitur transplantationes medium, quo collisio inter jura dominorum territorialium, & subditorum tollatur (§. XVII.).

THEOREMA XXVI.

§. CXVII. *Transplantationes subditorum, post an. 1624. religionem mutantium, neque Instrumento pacis Westphalicæ, neque intentioni summorum Paciscentium adversantur.*

DEMONSTRATIO.

Instrumento pacis, atque intentioni summorum paciscentium refragari nequit, quod neque jura Statuum territorialia & circa Sacra imminuit; neque juribus subditorum, quæ circa liberum religionis exercitium, conscientiæ libertatem, & emigrandi beneficium vigore Instrumenti pacis ipsis competunt, quidpiam adversum statuit, aut indirecte etiam eadem infringit (§. XXIII.). At vero transplantationes subditorum in loca ejusdem territorii, aut eidem cōmuni reipublicæ subjecta, in quibus libero religionis suæ exercitio gaudeant, neque juribus Statuum (§§. CXIII. CXIV.), neque juribus subditorum (§. CXII.), consequenter neutrius juribus (§. CXV.) adversantur. Unde neque Instrumento pacis, neque intentioni summorum Paciscentium easdem refragari dici poterit. Q. E. D.

COROLLARIUM.

§. CXVIII. Cum multo pinguius sit transplantationis, quam emigrationis beneficium (§. CXII.): summorum Paciscentium intentioni conformes potius dicendæ sunt (§. XXIII.).

THEOREMA XXVII.

§. CXIX. *Status imperii, & territoriorum domini jure gaudent transplantandi subditos, post annum normalem 1624. diversam*

*versam a territorii domino religionem amplectentes, in loca sua ditionis alia, ubi plena religionis libertate, liberoque exercitio gaudeant.*

### DEMONSTRATIO.

Status imperii & domini territoriales in subditos diversæ a se religionis, quam A. 1624. nulla anni parte habuere, jure constituunt, quod neque Instrumento pacis & paci religiosæ repugnat; neque subditorum ibi firmata jura lædit, quin potius libertati conscientiæ maximopere favet, & cum minima bonorum, ac substantiæ exportandæ jactura conjunctum est; uti facile largientur omnes. At vero transplantationes comparatæ cum necessitate emigrandi, quæ hoc casu subditis incumberet, subditorum incolumitati, religionis & conscientiæ libertati enixissime favent (§. CXII.). Nil adeo obstat, quo minus territoriorum domini loco emigrationis transplantationem tanquam medium & sua, & subditorum jura illibata servandi (§. CXVII.) arripiant. Proindeque territoriorum dominos subditos suos religionem, uti dictum, mutantes transplantandi jure gaudere indubium est. Q. E. D.

### SCHOLION.

§. CXX. Poterat etiam theorema præsens brevius sic demonstrari: Status & territoriorum domini dictos suos subditos religionem mutantes expellendi jure gaudent (§. LXXXII.). Ergo a potiori eosdem transplantare ipsis integrum erit; cum transplantatio idem, quod emigratio, subditis præstet, ac cum longe minori molestia conjuncta sit (§. CXII.).



THEOREMA XXVIII.

§. CXXI. *Transplantationes sunt gratia & effectus principalis clementiæ.*

DEMONSTRATIO.

Subditos, post annum normalem religionem mutantes, ejiciendi jure gaudent territoriorum domini (§. LXXXII.); nec, ut eosdem transplantent præcise coguntur. Quodsi ergo transplantationem tanquam medium lenius præ ejectione eligant: gratiam utique subditis præstant. Quare transplantationes pro gratia & principalis clementiæ effectu merito reputantur. Q. E. D.

THEOREMA XXIX.

§. CXXII. *Transplantationes sunt medium, quo emigrationes subditorum impediunt territoriorum domini.*

DEMONSTRATIO.

Collidentibus statuum, seu dominorum territorialium, & subditorum juribus, exceptio facienda non est, si utriusque jura integra, & illibata servari valeant (§. XVII.). Quodsi igitur cum emigratione subditorum collidantur jura dominorum territorialium, quæ alia ratione, qua subditis æque immo efficacius consultum sit (§. CXII.), servari possunt: medium illud, collisionem tollendi, arripere iis omnino integrum erit; præsertim si Instrumento pacis, & intentioni summorum Paciscentium nihil adversum statuunt. Enimvero transplantationibus subditis, Sacra mutantibus, æque immo efficacius, quam per emigrationes, consulitur (§. CXII.); nec Instrumento pacis, aut intentioni summorum Paciscentium repugnant (§. CXVII.). Quapropter, si territoriorum domini transplantando subditos jura sua integra servare valent,

valent, transplantationem recte tanquam medium arripiunt, quo & sua, & suorum subditorum jura integra servant, atque collisionem tollant (§. XVII.). Enimvero, qui transplantantur subditi, emigrare nequeunt, ut per se patet. Sunt igitur transplantationes medium, quo emigrationes subditorum impedianter territoriorum domini. Q. E. D.

## COROLLARIUM.

§. CXXIII. Perinde igitur, ut subditis, queis liberum religionis suæ exercitium concedunt territoriorum domini, libera emigrandi facultas præclusa est (§§. CVIII. & CIX.): ita transplantandis ad emigrationem via non patet (§. XVI.); id quod a potiori de subditis bello devictis, servitutis, aliæve simili nexu illigatis dicendum erit (§. XXVII.).

## SCHOLION I.

§. CXXIV. Quoniam tamen professio unius toleratarum in imperio religionum in crimen non incidit (§. XCII.): transportandos subditos dure haberi non convenit; neque in loca aspera, inculta prorsus, & barbara tanquam in exilium ablegandi erunt: quin potius proprium imperantium commodum, & publica utilitas suadet, ut ea, quæ (§. CXII.) iunimus, omnia probe observent, atque sic subditorum suorum animos ad parendum, & debitum obsequii cultum præstandum efficiant proniores. Atque his omnibus probe custoditis non puto, fore quempiam, qui transplantationes improbet, aut legibus imperii publicis easdem adversari iudicet. Refractarii sæpe sunt subditi, & imaginariis suis iuribus ita pertinaciter insistant, ut cum jactura potius bonorum omnium, miseria summa comite, alio secedere, quam & sibi, & reipublicæ salutare medium eligere malint: quod an ferendum sit, prudentiorum esto iudicium.

SCHO-

## SCHOLION II.

§. CXXV. Id adhuc disquirendum, utrum terminus triennalis (nam quinquennalis, iis indulti, qui ab anno normali usque ad tempus conclusæ pacis religionem mutarant, deficiente objecto hodie vix usus aliquis superest.) ad emigrandum præfixus, iis etiam, qui transplantantur, concedendus sit? an vero subditos religionem mutantes breviori temporis spatio, & ante triennii lapsum transplantare dominis territorialibus integrum sit. Si ipsos tractatus pacis, & acta publica inspicimus, concessi ad emigrandum termini rationem eam præcipuam fuisse deprehendimus, ut subditi interea, quo sedes suas transferant, & domicilia figant, prospicere valeant (a). Enimvero qui transplantantur subditi ab hac sollicitudine immunes sunt; cum ab ipso territorii domino constitutas sedes, & domicilia habeant. Cessare itaque videtur ratio, consequenter ipsa etiam dispositio legis. Quam sententiam tanquã dubio omni vacuam admitterem, nisi obstaret altera in iisdem tractatibus (b) adjecta ratio; ut nimirum emigrantes bona sua vendere interea temporis valeant. A decisione itaque quæstionis ἀπεχῶ, iis eam relinquens queis dubia legum publicarum interpretandi jus leges publicæ imperii tribuunt (c).

(a) Vid. D. de MEIERN *Acta P. Westph. publica* Tom. IV. Lib. XXIX. §. 8. p. 517. pr. Lib. XXX. §. 2. p. 571. in fine §. 3. p. 602. & alibi passim.

(b) *Ibid.*

(c) *Instr. P. Westph. art. 8. §. gaudeant.*  
*Capitulat. CAROLI VI. art. 2. §. Dergleichen auch andere.*

## SCHOLION III.

§. CXXVI. Non putem tamen gravaminibus ansam relictum iri, si æquitatis, & justitiæ temperamentum hic observent, qui transplantant subditos, secundum ea, quæ Status Catholici in tractatibus pacis Westphalicæ, ante quam de termino emigrationis adhuc conventum fuerat, declararunt (a). Welchenfalls (Scilicet si migrare jussi) die Unterthanen schuldig / da sie zu der alten Catholischen Religion zu treten nicht gesinnet / an anderen Orth zu ziehen / und sich all da nieder zu thun / jedoch / mit dieser Bescheidenheit / daß bey den angekündigten Emigrationen nicht allzugeringer Termin gesetzt / sie verkürzt / noch wider Recht und Billigkeit beschwehrt / sondern hierinn gehörige Moderation, und Temperamenta gebraucht werden sollen.

(a) *Tom. II. Lib. XV. §. 9. ad Grav. III. p. 582.* Unborgreiffliche Gegen-Vorschläge der Herren Catholischen auf der Herren Augspurgischen Confessions-Verwandten in puncto Gravaminum eingegebene vermeinte media Compositionis.

*Conf. Idem ibid. §. 3. ad Grav. III. p. 557. Item Tom. III. Lib. XX. §. 24.* Weiter- und endliche Compositions-Vorschläge puncto Gravamin.




X x

OPUS.

# OPUSCULUM VI.

## DE ILLICITIS MILITUM CONQUISITIONIBUS IN TERRITORIO ALIENO, EARUMQUE POENIS.

§. I. nter eximia, quæ summum imperium consequuntur, majestatica civitatis jura haud postremum sibi locum jus belli atque pacis vendicat. Neque enim consistere, aut salva esse respublica potest, nisi, qui summam *δύναμιν πολιτικὴν* exercent, vim injustam, in tanta hominum, aliorum bonis inhiantium, malitia frequentissimam, armis propulsandi, securitatemque publicam modis omnibus procurandi facultate instructi sint. Bellum uti non sine armis, ita nec sine milite geritur; quod per se patet. Quare rempublicam recte ordinatam armato in patriæ defensionem milite carere haud posse evidens est.

SCHOLION. Non est, quod rem claram, atque a scriptoribus politicis pro dignitate excussam pluribus prosequamur. Pertinet quippe militia armata lectusque exercitus juxta cum bene instructo ærario ad appatum belli necessarium, de quo teste VEGETIO *de re militari Lib. III. cap. 3.* Imperantem, antequam inchoetur bellum, præprimis sollicitum esse convenit. Add. *Novell. VIII. cap. 10. §. 2. verbis: Scientibus vobis &c.*

§. II. Atque inde summæ in republica potestati facultatem competere intelligimus, e civium, sive subditorum numero sufficientem armatorum manum colligendi, curasque eo dirigendi, ut lecto milite respublica instructa sit; quam *jus delectus*, sive *conquirendi milites* dicimus.

SCHO.



**SCHOLION.** Jus hocce delectus sive conquirendi milites, *Soldaten zu werben*/ pars est & sequela juris belli, seu Armandiæ; quod tanquam genus plura alia jura, ad finem belli conducentia, sub se complectitur: veluti *jus exstruendi fortalitia*; hisdemque *præsidia imponendi*; *jus fabricandi arma*; *instituendi armamentaria*; *jus Metatorum*; *Apertura* & similia; de quibus pluribus edisserere instituti ratio haud patitur. Videatur interim PFEFFINGER *Vitriar. Illustr. Tom. IV. tit. 19. §. 46. sequ.* MYLER AB EHRENB. *de Princip. & Statibus Imp. P. II. Cap. 75. sequ. usque ad Cap. 83.*

§. III. Porro, quæ ad civitatis defensionem, & belli gerendi gratia conquiruntur copiæ, duplici sese habere ratione dignoscuntur. Aut enim *perpetuo & constanti milite* utitur respublica, ita ut militiae adscripti nullis præterea aliis functionibus vacent, solis rebus militaribus tam belli, quam pacis tempore operam navantes suam; vel *temporario*, in casu necessitatis ingruentis subitanee collecto, quique pacatis reipublicæ temporibus ad suos revertatur, atque agrorum cultum, nec non aliorum negotiorum domesticorum curam uti ante gerat, & exerceat.

**SCHOLION.** Utrum constans & perpetua, an temporaria militia in republica præferenda? in universum definiri nequit; sed ex peculiari reipublicæ statu, aliisque circumstantiis dijudicandum. Habet sua tam militia constans, quam ad tempus lecta tum commoda, tum incommoda; in specie miles perennis vel ideo minime probandus esse videtur, quod pacatis reipublicæ temporibus subditi citra necessitatem oneribus belli prægraventur, quodque cum insigni publici boni dispendio valida juvenus in otio ætatem terat; quæ omnia cessatura sint, si ingruente vi hostili collectæ militares copiæ, reducta pace, ad agriculturam, aliosque consuetos labores redire jubeantur. Enimvero, si hostiernos bella gerendi modos, si præsidiorum, fortalitorum, & limitum custodiendorum necessitatem, quodque in exercitato milite plus roboris, valoris atque dexteritatis, quam in recens lecta rudique turbaprehendere detur, penitiùs expendas: abs-

que perenni milite recte defendi rempublicam haud posse facile largieris. Utraque interim haud inconcinne conjungitur; cum præter regulares & ordinarias militares copias, aliæ habeantur temporariæ & extraordinariæ, in casu necessitatis convocandæ, quas copias provinciales, vulgo den Sand-Muschuß nuncupant.

§. IV. Ex iis, quæ de necessaria patriæ defensione, atque belli jure (§. I.), nec non milite in republ. constanti vel temporario (§. III.) innuimus, patet porro: summo Imperanti jus esse, ingruente vi hostili subditos evocandi, iisdemque, invitis etiam, arma imponendi (a); quod *jus sequelæ militaris* dicimus, atque a jure conquirendi milites in eo diversum est, quod vigore posterioris nonnisi volentes militiæ adscribantur (§. II.); quodque jus sequelæ, vix, aut saltem non ita facile, uti jus conquirendi, das Werben/ exteris in territorio alieno juxta mox dicenda concedi, aut competere soleat.

(a) Vid. *Lexicon jur.* CALVINI. voce. *Sequela jus*. MYLER ab EHRENB. de *Princip. & Statibus Imp.* tot. Cap. LXXVI.

§. V. Summa totius Imperii R. G. potestas, atque inde promanantia majestatis jura differunt ab iis, quæ Status Imp. in suis territoriis vigore superioritatis territorialis exercent (a); non equidem, quod ratione objecti admodum inter sese discrepent, utpote quod utrinque regimen civile constituit, sed, quod priora independenti, posteriora vero dependenti, & subordinato nexu exercentur. Unde utrinque ex jure belli, seu Armandiæ descendens jus conscribendi milites aliud *Imperii universim considerati*, aliud *territoriale* esse apparet.

SCHOLION. Miles quippe imperialis ad defensionem totius Imperii, sicuti territorialis ad territorii tuitionem, primario & principaliter comparatus est.

(a) Vid.

(a) Vid. infr. *Opusc. IX. de eo, quod J. Publ. univers. & particulari Imp. R. G. circa venationes juris est. Cap. I. §. 2. seq.*

§. VI. Jus belli atque pacis in Imperio Rom. Germ. vigore legum fundamentalium & constitutionum publicarum nonnisi in comitiis exercendum (a). Quapropter, cum jus conscribendi, seu legendi militem juris belli effectus sit (§. I.): idem quoque nonnisi in comitiis Imperii publicis exerceri posse liquido constat.

SCHOLION I. Idque regulariter cum consensu omnium Satuum (b), extra ordinem vero, & in casu urgentioris necessitatis solo adstipulante electorali Collegio (c). Quin, si adversum invasiones subitaneas defendendum Imperium: Imperator militem imperii solus quoque conquirere poterit (d).

SCHOLION II. De modo conquirendi militem Imperii consulendi STRYCK. (e). celeberr. D. MASCOV. (f) alique. Hodie determinatus in comitiis numerus secundum matriculam Imperii per Circulos, indeque pro rata inter Status singulos dispescitur, atque ab his conquisitus miles primum Circulo, inde Imperio omni apparatu bellico, nec non commeatu instructus, in designato loco sistitur; fusius hæc explanante celeberr. D. MASCOV. d. l.

(a) *Instr. P. Osnabr. Art. VIII. §. gaudeant &c. Capitulat. Casarea noviss. Art. IV. §. Wir sollen und wollen auch Uns ic. ibi: dergleichen Reichs-Kriege sodann nach Inhalt der Reichs Constitutionen ic.*

(b) *Instr. P. d. l. verbis: Nihil horum aut quidquam simile posthac unquam fiat vel admittatur, nisi de comitali, liberoque omnium Imperii Statuum suffragio & consensu &c. Item Capitul. Casar. d. l. ibi: Es geschehe dann solches mit der Churfürsten / Fürsten und Ständen Consens auf offenen Reichs-Tag ic.*

(c) *Ibid. Oder zum wenigsten der samtllichen Churfürsten Vorwissen / Rath / und Einwilligung ic.*

(d) *Ibid. sub fin. Wo wir aber des Reichs wegen angegriffen würden / mögen Wir Uns aller dem Reich ohnnachtheiligen Hülfe gebrauchen.*

(e) *Dissert. de militia Imper. Cap. II.*

X x 3

(f) *Dissert.*

(t) *Dissert. de bello solenni Imperii §. XXV. & XXXI. seq.*

§. VII. Cum Status Imperii belli, saltem defensivi(a), atque foederum ineundorum jure gaudeant (b); nec non in suis territoriis fortalitia omni belli apparatu instructa, praesidiisque munita rite habeant (c): quin vigore ejusdem superioritatis territorialis necessarium quoque militem conquirendi facultate polleant, dubio caret (§. I. & II.).

SCHOLION. Atque hoc ipsum notoria Imperii praxis abunde comprobatur; alio titulo, scilicet nomine totius Imperii, Status idem jus in territoriis suis exercent, quando imperialem sive circumlarem militem pro rata matriculari in provinciis suis legunt; uti supra (§. 6. Schol. II.) innuimus.

- (a) MYLER ab EHRENB. *d. l. P. II. Cap. LXXXI.* STRYCK. *Dissert. de milit. Imp. Cap. II. §. 11.* cum communi Publicistarum Schola. Confer M. Wsch. *d. a. 1555. §. LIV.* Nachdem aber 2c. in medio: dazu nicht wenig eripriesslich 2c. *Ord. Camer. P. II. tit. 9.*  
(b) *Instr. P. Osnabr. art. VIII. §. gaudeant.* Capitulatio Caesar. noviss. *Art. VI. §.* Soviel aber die Stände des Reichs insgemein belangt 2c.  
(c) *D. Capitul. art. IV. §.* Jedoch sollen und wollen Wir 2c. *sub fin.* Inmassen dieses (scilicet fortalitia in territoriis extruere) allein die Lands-Herren nach denen Reichs-Sagungen in ihren Territoriis zu thun befugt/ und berechtiget sind.

§. VIII. Principes atque Status imperii vigore foederum cum exteris, sive etiam cum constatibus (a) initorum, foederatis suis copias militares jure suppeditant; uti ex ipsa foederum natura intelligitur. Neque etiam dubium est, quin oppressis, aut periclitantibus imperii membris ex lege amicitiae armata manu succurrere queant, pace profana, & Re-cessibus Imperii id undique inculcantibus. Quare, cum id aliqua saltem ratione fiat, si foedere junctis, aut oppressis, sive exteris, sive Statibus militem in territorio conquirendi fa-  
cul-



cultas tribuatur : patet, nullis Imperii legibus prohiberi Status Imperii, quominus conquisitionem militum in suis territoriis etiam aliis, sive constatibus, sive exteris permittant (b).

SCHOLION. Idem porro fieri poterit ex ratione militiæ conductæ & stipendiariæ, quando pro pacta certa pecuniæ summa alii militem in Statuum territoriis legere permittuntur. Confer. HORNII *Disquisitio de Libertate Statuum militandi exteris*. Item celeberr. D. MASCOV. *Princip. Juris Publ. Lib. VI, Cap. IV. §. 5.*

(a) *Capit. Casar. d. art. VI. d. §.* Soviel aber 2c. ibi : Solle denselben (nimirum Statibus) allen und jeden das Recht/ Bündniß unter sich / und mit Auswärtigen zu ihrer Sicherheit und Wohlfahrt zu machen dergestalt frey bleiben.

(b) *Ibidem art. IV. §.* Und dieweil denen frembden Potentaten je zu Zeiten im Reich ihre Werbungen anzustellen wohl verstatet wird 2c. MYLER ab EHRENB. *d. L. Cap. LXXIX. §. 3.*

§. IX. Enimvero, cum Principes, & Status imperii indissolubili fidei atque subjectionis nexu Imperatori & imperio obstricti vivant, salutemque ejusdem publicam pro viribus promovere teneantur (a) : conquisitiones militum quasunque, præcipue vero, quæ aliis Principibus in statuum territoriis permittuntur, salvis per omnia Imperatoris atque imperii juribus, nec non pace ejusdem publica instituendas, atque concedendas esse, oppido liquet (b).

SCHOLION. Perinde nimirum, uti jus foederum in Instrumento pacis, & Capitulationibus cæsareis eo restrictum : ne sint contra Imperatorem & imperium, pacemque ejus publicam, fiantque salvo per omnia juramento, quo quisque Imperatori & imperio obstrictus est : ita a pari, ut conquisitiones militum Imperio innocuæ sint, legibus Imperii publicis salutariter prospectum fuit (c).

(a) *Instr. P. Osnab. art. VIII. §. gaudeant &c. sub fin. Capitul. Cæs. art. VI.*

(b) *Ibid.*



(b) *Ibid.* Und dieweil denen fremden Potentaten ꝛc.

(c) Vid. inter alias LL. Imp. publ. R. *Imp. de an. 1570. §. 4. ibi* : Haben Wir Uns mit ihnen zu forderist erinnert / wie es im Heil. Römischen Reich deutscher Nation von Alters eine löbliche Gestalt deutscher Freyheit / um Ehr und Ruhm mit ritterlichen Thaten fremden Potentaten ohn alles Beleydigen des Vatterlands / und dessen Angehörigen zu dienen ꝛc. Item *Recess. Imp. de an. 1576. §. 37. seq. de an. 1582. §.* Ferners obwoblen ꝛc. *de an. 1641. §. 81. seq.* ubi hæc verba notatu digna reperiuntur : Dieses aber keineswegs zu verantworten / daß sich die Deutsche zu Unterdrückung ihres eigenen Vatterlands frembden Nationen mit dergleichen Hülfe pflichtig machen / und dasselbe zu betrüben Mittel selbst an die Hande geben ꝛc.

§. X. Atque ex hoc fronte concipimus', cur secundum constitutiones Imperii publicas conquestiones militum haud permittendæ : I. Si hominibus inde ad arma gerenda idoneis exutum iri Imperium periculum subsit (a) ; II. cur nonnisi cum consensu Imperatoris eadem instituendæ, simulque numerus indicandus, & officiales (b); III. cur idonee cavendum, conquestos milites adversus Imperium, eosque, qui sub ejus tutamine vivunt, haud militaturos (c) ; IV. cur status Imperii metatis, hospitationibus, transitu, aliave ratione conquesto milite haud prægravandi (d) ; V. cur, per quem delectus agitur, Germanum, & in Germania possessionatum esse oporteat, quo facilius damni forte causati reparatio impetrari valeat (e); VI. cur denique lectus in Imperio miles in Statuum territoriis lustrandus, nec cætervatim, sed sigillatim aut per manipulos deducendus (f); aliave plura pro securitate tum Imperii tum Statuum fancita fuerint : de quibus uberius videndi ipsi Recessus, aliæque LL. Imp. fundamentales & publicæ (g).

(a) *Capitular. Noviss. Art. IV. §.* Und dieweil ꝛc. verbis : so sollen / und wollen Wir / dafern etwa von Uns / oder andern einiges Volk im Reich / oder in seinen eigenen Landen / zu ausländischer Potent

Potentaten Diensten geworben würde/ zuborderist dahin sehen/ daß das Reich der Mannschafft nicht entblößet werde 2c.

(b) *Recess. Imp. de a. 1570. §. 7.* Diemeil dann solcher einreissen/ den Frechheit 2c. *Recess. Imp. de a. 1576. §. 38.* Sehen/ ordnen/ und wollen/ daß hinführo ein jeder frembder Potentat/ wer der seye/ so im Heil. Röm. Reich Kriegs-Leuthe werben lassen wollen/ zuborderist bey Uns/ als Römischen Kaysern/ darum ansuchen solle.

(c) *Eod. Recess. de a. 1570. §. 7. verbis:* Darneben diese Erklärung/ und Zusage thun/ daß solch Kriegs-Volk 2c. *Item R. I. de a. 1576. §. 39. ibi:* Die Kriegs-Leuthe ihren Fuß auf des Reichs/ und dessen angehörigen Schirms, Verwandten keineswegs/ es seye defenlive oder offenlive mit Gegenwehr/ oder Angreifen setzen 2c.

(d) *Capitul. Cesar. d. art. IV. verbis:* Auch die Verfügung thun/ daß die Churfürsten/ Fürsten/ und Stände des Reichs/ sambt allen dessen Angehörigen bey obbemeldter Werbung/ mit Versammlung/ Durchführen/ Einquartierungen/ Musterplätzen/ oder sonst in einige Wege wider die Reichs-Constitutiones, und das Instrumentum Pacis nicht beschweret werden.

(e) *d. Recess. de a. 1570. & 1576.*

(f) *Ibid.*

(g) *Confer quoque præter alleg. Recess. Imp. de a. 1582. §. 32. & 33. de a. 1594. §. 27. de a. 1641. §. 81. sequ. Instr. P. Osm. art. XVII. §. 9. Recess. Imp. noviss. §. 7. & 126.*

§. XI. In publicam imperii tranquillitatem, nec non statuum, & membrorum ejusdem securitatem graviter impingunt, qui insuperhabitis, spretisque, quas modo memoravimus (§. X.), constitutionibus publicis delectum in Imperio, atque statuum territoriiis vel ipsi instituunt, aut, ut ab aliis instituatur, permittunt; de quo nemo dubitat. Non mirum itaque, si in transgressores hisce ipsis imperii legibus condignæ sancitæ pœnæ, earundemque vigore pro modo admissi, conquistores isti vel ut hostes atque perduelles puniantur (a), vel tanquam pacis publicæ violatores banno

imperiali subdantur, processu contra eosdem juxta ordinationem executionis, aliasque imperii leges formando (b).

SCHOLION. Pro modo admissi impingentes in hasce imperii leges puniendos esse diximus. Gravius etenim peccant, qui e. g. publicis imperii hostibus copias militares subministrant, quam qui alia ratione circa modum conquirendi milites delinquant; uti per se patet, & latius persequitur HORN. in d. *Disquisit. de libertate Statuum Imp. militandi exteris. thes. 40. sequ.*

- (a) *Arg. L. 1. 3. π ad Leg. Jul. Majest. Recess. Imp. de a. 1541. §. 69. 1544. §. 72. & 73. Capit. Joseph. art. 15.* Wollen wir wider denselben / als des Reichs Feind / mit Confiscirung aller seiner Haab und Güter / auch sonst nach Anleitung der Executions / und anderer Reichs-Ordnungen auch gemeinen Rechten nach aller Schärffe verfahren; dergestalten / daß selbiger auch an seinen Erb- und Lehenjschaften / Anwartungen und Rechten / auch Haab und Gütern / Aemtern und Dignitäten / oder auch da man ihn ertappet / an Leib und Leben . . . abgestraft werden solle &c.
- (b) *Recess. Imp. de a. 1570. §. 15.* Da aber einiger Obrister / Rittmeister &c. ibi: soll derselbig nicht allein mit der That ohn weitere Erklärung in der Acht seyn; sondern auch alsobalden durch den Crayß • Obristen Zu- und Nachgeordnete in Bestrickung genommen / ihm seine Werbung niedergelegt / das Kriegs-Volck / da es allbereit vorhanden / getrennet / und sonst weiters / was des Reichs Executions-Ordnung vermag / fürgenommen werden &c. Eadem repetuntur in *Recess. Imp. de a. 1576. §. 46.* Da aber einiger Obrister &c.

§. XII. Milites conquirendi potestas ad superioritatis territorialis complexum pertinet (§. XVII.). Enimvero superioritatis jura citra domini territorialis consensum in alieno exercere nefas (a). Non minus itaque in Principis aut Status Imp. territorialia jura injuriosum erit, qui invito eodem intra territorii sui limites delectum instituere præsumserit.

**SCHOLION I.** Idque tam de Exteris, quam de Constatibus intellige; cum pari utrinque ratione in superioritatis territorialis jura impingatur, & intuitu domini territorialis perinde omnino sit, siue a constatu, siue ab extero Principe turbationes proveniant.

**SCHOLION II.** Aliud tamèn dicendum, si quis in territorio alieno jure Armandiæ, aut sequelæ instructus sit (§. IV.); quo casu non tam alieno, quam proprio nomine miles conquiratur: licet diffidendum haud sit, mutilam admodum eam esse superioritatem, quæ absque Armandiæ & sequelæ militaris jure intra solos jurisdictionis terminos sese continet.

(a) *Instr. P. Osnabr. art. VIII. §. Unanimi quoque &c. ibi:* "In antiquis suis juribus prærogativis, libertate, privilegiis, libero juris territorialis tam in ecclesiasticis, quam politicis exercitio, ditionibus, regalibus eorumque omnium possessione ita stabiliti, firmatique sunt, ut a nullo unquam sub quocunque prætextu de facto turbari possint vel debeant., *Capitul. Casarea. art. I. §. Und wollen nicht gestatten &c.*

**§. XIII.** Cum in fractæ pacis publicæ crimen haud dubie incidat, qui vi aperta, coadunatis hominibus alieni territorii limites ingreditur, inibique superioritatis territorialis jura cum violentia exercet (a): eum, qui invito, immo prohibente territorii domino militem intra ditiones ejusdem violenta manu colligit, a fractæ pacis publicæ crimine absolvi haud posse, evidens est.

**SCHOLION.** Nec interest, utrum per se quis, an per alios ejusmodi delectus violentos instituat; cum non ii tantum pacem publicam frangere censeantur, qui vim publicam ipsi inferunt, sed etiam, qui consentiunt, etsi non intersint, atque mandatum solum dederint aliis, vel per suos vim inferri curent, aut etiam sinant (b). Ceterum vim hic loci præcipue intelligimus, quæ domino territorii, non vero, quæ ipsis subditis inferitur; utpote de qua mox pluribus ex professo disquisituri sumus.



- (a) Vid. Land-Friede de an. 1548. pr. §. 1. verbis: Daß auch keiner den andern seiner Possession, Inhabens oder Gewehr/ es wären Schloß/ Stadt/ Dörffer/ Kirchen/ Clöster/ Clausen/ Zins/ Gülden/ Zehenden/ liegend oder fahrend Haab/ und Güter/ Regalia, Jurisdiction, Gericht/ Hoch- und Obrigkeit/ geistlicher und weltlicher Zöllen/ Wasser/ Weide/ und aller anderer Gerechtigkeiten/ nichts ausgenommen/ mit gewährter Hand/ und gewaltiger That freventlich entsehe/ noch seine Untertanen abziehe zc. Confer quoque BLUM. ad Process. Cameral. tit. 29. §. 41. & 42. Omnequippe factum, publicam securitatem violans, pro violatione pacis publicæ merito habetur.
- (b) Land-Friede d. an. 1548. tit. 6. Von aufgerichteten Land-Frieden §. 1. verbis: Daß hinführo unser keiner dem andern zc. aliiisque locis passim.

§. XIV. Consequitur: quod, quæ in pacis publicæ violatores poenæ sancitæ sunt, eæ omnes adversus violentos militum conquestores in territorio alieno, wider gewalts thätige Werber in fremder Herren Landen/locum sibi vindicent; ac proin tum ad banni poenam, tum ad multam 2000. marc. auri puri, pro re nata etiam gravius supplicium, nec non ad interesse judicio sive criminali, sive civili agi queat. (b).

- (a) Videatur de hisce poenis ipsa *Pacis Publ. Constitutio de a. 1548. tit. 3. Die Pön der Friedbrecher* zc. GAIL de Pace Publ. BLUM. cit. l. tit. 29.

§. XV. Quodsi militem in alieno territorio conqui-  
rentes, publicam adversus territorii dominum vim quidem nullam adhibeant; eo tamen invito delectum instituant: tanquam temerarii jurium superioritatis violatores (§. XII.) pro circumstantiis sive aggravantibus, sive mitigantibus arbitrariis poenis subjiciendi erunt (a): quæ, quin propter rationes supra allatas (§. X.) ad mortem usque protendi vacent, dubium nullum subest.

SCHO.



SCHOLION I. Puta, si ad iterata mandata inhibitoria, spretisque poenis, in iisdem contentis, conquisitores illi contra audentius eant, adeoque crescente protervia poenæ quoque exasperandæ sint, plerumque carceri mancipantur, aut ad operas publicas in ergasteriis & domibus correctoriis in *Werk- und Zucht-Häusern* condemnantur: quin quod haud raro fustigari, relegarique cum infamia soleant, exemplis in statuum territoriis id passim comprobantibus. De injuriarum actione, dominis territ. competente, vid. BLUM, *Cap. XXIX. §. 31.* GAIL. *de P. Publ. C. XVI. n. 26.*

SCHOLION II. Hæc equidem ita obtinent, si nulla alia delicti ratio concurrat. Quod si aliæ insuper criminum publicorum rationes supervenerint: ad easdem quoque in determinandis poenis attendendum erit; uti ex sequentibus dilucidum evadet.

(a) Vid. LAUTERBACH *Colleg. Theor. Pr. ad π. Lib. XLVIII. tit. 7. §. 2.* STRYCK. *U. M. ad eund. tit.*

§. XVI. *Plagii crimen* dicimus, quando quis hominem, sive liberum, sive servum dolo malo supprimit; celat, aut, sive vendendi, sive alterius utilitatis captandæ, lucrive faciendi gratia abducit (a).

SCHOLION I. Plagia tam apud Germanos, quam Romanos olim fuisse frequentissima (b), nomen haud dubie inde sortita; quod improbi hi *ἀνδραποδιστῶν* (c) hominibus veluti plagis retibusque insidientur: aut quod fiant *πλάγιον*, id est *δολίως*, fraudulenter ac dolose subducendo vendendoque homines.

SCHOLION II. Committitur plagii crimen variis modis, quos jam enucleatius hic recensere haud vacat. Illud prætereundum non est, quod, licet in servos non minus, quam liberos homines delicti huius reatus quadret (d): peculiaris tamen ejusdem enormitas ex liberi aut ingenui hominis suppressione descendat; servorum quippe fraudulentis subductionibus aliis criminalibus judiciis haud raro vindicatis (e). Germanice *Menschen, Mauer bereyten*/ dici suevere ejusmodi hominum plagia,

- (a) *Tot. tit. π. & Cod. ad Leg. Fabiam de Plagiariis.*  
 (b) Vid. celeberr. HEINECII *Element. juris Germ. Tom. II. Lib. II. §. XXX. seq.*  
 (c) *Ad Timoth. 1. vers. 10.*  
 (d) *L. 6. π. ad d. Leg. Fab. de Plagiar.*  
 (e) *Ibid. pr. verbis: Plane autem scire debemus, posse aliquem furti crimine ob servos alienos interceptos teneri, nec idcirco tamen statim Plagiarum existimari. Conf. quoque Lexicon CALVINI; voce Plagium. MERCKLINI Dissertat. de Plagio militari. Cap. I. §. II. & III.*

§. XVII. Militum in alieno territorio conquisitores, quando liberos homines vel servos dolo malo, clandestinis machinationibus, aut adhibita plane vi abducunt, atque ad amplectenda servitia militaria invitos adigunt, aliisve eum in finem divendunt, præterquam, quod juxta tradita superius (§. XII. & XIII.) pacem publicam, nec non territorialia Principis jura nefario, severissimisque poenis coercendo (§. XIV. & XV.) ausu violent, juxta cum patria, libertate quoque, quæ ingenuo cuilibet pretiosissima merito habetur, subditos exuunt, eosque in miseræ servitutis statum detrudunt; aut Principem saltem, & rempublicam civibus, dominos servis spoliant. Enimvero qui liberum hominem (a) vel servum (b), dolo malo (c) eundem abducendo, rapiendo, emendo, vendendo, celandove (d) supprimit, plagium admittit (§. XVI.). Conquisitores itaque militum, in alieno territorio subditos vi vel clam invitos ad militiam trahentes, atque furtive subducentes, in plagii crimen incidere dubio caret.

SCHOLION. Violentiæ, doli, atque machinamenta, quibus conquisitores illi utuntur, ut meditata prædas in retia sua pelliciant, infinita pene sunt numero. Sæpe vi aperta nil tale cogitantes in viis publicis adoriuntur, victosque ac ligatos rhedis imponunt, & sic peregre in terras externas abducunt. Allecti alii extra territorii limites eadem fata subeunt. Quin quod pa-

gos

gos vicosque veluti nocturni fures, atque latrones haud raro subintrent, quo parentibus liberos, liberis parentes, uxoribus maritos immani facinore surripiant, miserandas utrisque orbitates infligendo (e). Ita ante annos non multos Scriniarium feretro, jussu conquisitoris a se confecto, callido invento, ut, an iusta esset longitudinis exploraret, immissum, superinducto operculo, respirandi aeris ergo hinc inde perforato, oclusum, si- que curru impositum, ex patria sua ad exteras oras exportatum ferunt.

(a) L. 1. L. 4. π. L. 7. L. 15. C. ad L. Fabiam de Plagiar.

(b) L. 3. L. 5. π. L. 2. L. 9. C. cod.

(c) L. 3. L. 6. §. 2. π. cod.

(d) L. 1. L. 2. pr. L. 4. L. 5. L. 6. §. 6. π. L. 2. L. 5. L. 15. C. cod.

(e) L. 16. C. pr. cod.

§. XVIII. Neque est, quod quis obmoveat, clandestinas hasce, aut violentas etiam militum conquisitiones ad plagii crimen vel ideo referri haud posse, quod essentiale plagii requisitum, liberum nimirum hominis, aut servi suppressio desideretur. Neque enim suppressum, aut in servitutem detrusum recte dici, qui, invitatus licet, servitiis militaribus addicitur; cum libertatis potius insigne & nobile *τελευτήριον* militia habenda sit, cui addictus honore dignitateque præfulgeat (a).

(a) L. inter alias 12. C. de Palatin. L. 3. de re milit. BRUNNEM: Comment. in C. 1. ad h. t. L. quamvis §. 1. pr. de Decur.

§. XIX. Enimvero, utut suum militiae honorem decusque dubium haud faciamus; neque etiam a civilis imperii rationibus abhorreat, ut ingruente vi hostili, & in necessitatis casu cives, invitati etiam, arma capeßere jubeantur (a): id tamen tum demum locum obtinebit, si quis aut sponte sua militiae nomen dederit; aut a summo magistratu in necessariam patriae defensionem armatus fuerit (§. IV.). Aliud

liud omnino dicendum, quando subditi ab exteris militum conquestoribus abrepti longe e patriæ finibus, velut in exilium, ablegantur, ac sine spe, nativum unquam revisendi solum, invitæ militiæ jugum subire coguntur, injuria atque jactura libertatis haud leviori, ac si durissimam quamlibet aliam servitutem servire juberentur. Ecqua enim major servitus esse potest, quam illa, qua procul ab omnibus vitæ commodis, inter continua militaria exercitia, verbera & plagas inviti, nullaque publica urgente necessitate, ærumnosum spiritum trahere compellimur? cujus acerbitas inde augeatur, quando clam ita subducti cives juxta cum conjugibus, parentibus atque liberis, ipsis quoque avitis suis Sacris & religionis libertate exuuntur, ac proin cum corporis, animæ insuper periculo exponuntur. Unde satis elucescit, conquestores hosce perinde plagii criminis notam contrahere, atque illos, de quibus *L. 6. Codicis ad L. Fabiam de Plagiariis* edicatur: “ quod servos ex urbe alienarint, atque ita “ interdum eorum scelere ingenui homines asportati fuerint. „ Quodsi honoratam conquestores illi suam militiam velint: tantis eandem sceleribus coinquinare haud debent.

(a) *Arg. Reichs-Abtschieds* de a. 1555. §. und demnach etc. KLOCK. *de Contributionibus* Cap. III. n. 232. MYLER ab EHRENBACH. *de Pr. & Stat. Imp. P. II. C. LXXV. §. 1.*

§. XX. Hodiernis Germaniæ, nec non reliquarum gentium Europæ moribus milites plerumque ad dies vitæ militaribus servitiis adscribuntur (§. III. Schol.). Unde perennes patriæ defensores, proprietatis quodam jure civitati adstrictos, in iisdem agnoscit respublica. Quodsi itaque conquestores exteri, milites jam lectos clandestina fraude, vel vi abducant, aut ad deferendum sua signa dolose persuadeant:



deant: eo enormius plagii crimen admisisse dicendi erunt (§. XVII.), quod præter communes hujus delicti notas (§. XVI.) publici insuper boni gravissima offensa superaccedat (§. XII.).

SCHOLION. Dolosas persuasiones ad plagii criminis reatum contrahendum sufficere, lege Fabia manifesto continetur. Ita enim L. 6. §. 2. *π. h. t.* edicatur: *ut liber, qui hominem ingenuum vel libertinum invitum celaverit; invinctum habuerit; emerit sciens dolo malo; quive in earum qua re socius erit, quique servo alieno, servave persuaserit, ut a domino, dominave, fugiat; vel eum eamve, invito vel insciente domino dominave, celaverit, invinctum habuerit (emerit) sciens dolo malo; quive in ea re socius erit: ejus pœna teneatur.* Quæ verba ad milites nostrates, salvo ceteroquin militaris cinguli honore, optimo jure trahuntur; præsertim, cum in plagio dolose subducentium malitia potius, quam subductorum qualitas attendenda veniat.

§. XXI. In omni delicto idem fere mandantis, atque mandatarii crimen (a); siquidem quod quis per alium facit, ipse fecisse censeatur (b), nihilque intersit, ipse quis occidat, an vero causam mortis dolo malo præbeat (c). Conquisitores itaque militum in alieno territorio, licet ipsi in subduendis subditis manum haud admoveant, sed conducta aliorum ad id opera utantur, atque violentas hasce hominum deprædationes mandent solum: nihilo tamen secius pro plagariis habendos esse nemo non perspicit.

SCHOLION. Neque infrequentia sunt hujusmodi plagia; cum passim videamus, conquistores, severioribus Principum mandatis territoria ingredi prohibitos, sgraviori scelere subditos promissis largis criminum præmiis corrumpere, & quæ ipsi nequeunt, per alios ad effectum deducere infanda liberorum hominum plagia.

(a) CARPZ. *Pr. Crim. P. 1. Q. 37. n. 46.* BARTOL. *in L. sed si unius §. servus meus n. 5. π. de injuriis.* CYN. *in L. non ideo minus*  
Z z



*minus C. de Accusat. TIBER. DECIAN. in tr. Crim. Lib. IX. C. 33. n. 1.*

(b) *Cap. qui facit 72. de R. l. in 6. L. is damnum 169. π. de R. l. SALYCET. in L. non ideo C. de Accusat.*

(c) *L. nihil interest §. 1. ad L. Corneliam de Sicariis. L. non solum 11. §. si mandato 3. π. de Injuriis CARPZ. Pr. Crim. P. 1. Q. 4. n. 20. cum allegatis.*

§. XXII. Atque iisdem prorsus ex rationibus pro plagiaris reputandos (§. XX.) esse constat, qui violentas ejusmodi atque clandestinas hominum subductiones mandato in se suscipiunt, aut prodicionis pretium ab exteris militum conquisitoribus sibi stipulantur, sociamve iisdem operam commodant (a); eo excusandi minus, quod mandatum in delictis nullo modo, ne juramento quidem confirmatum, obliget (b).

SCHOLION. Idem de receptatoribus ejus generis conquisitorum statuendum (c); quorum, uti & mandatariorum crimen cum omnium enormissimum, si ipsi subducendorum concives, amici, aut sanguine juncti fuerint, ac proin inhumano prorsus prodicionis scelere fidelitatis, amoris, & amicitiae vincula rumpant.

(a) *L. 6. §. 2. ibi: quive in ea re socius erit, ejus (scil. plagii) poena teneatur. π. ad L. Fab. de plagiaris.*

(b) *L. 6. §. 3. & 7. L. 12. §. 11. L. 23. §. 6. π. Mandat. Cap. 58. & de R. l. in 6.*

(c) *PROSP. FARINAC. Tr. Crim. P. 7. Q. 168. n. 56. sequ. MYNSINGER. in §. ex maleficiis n. 16. Inst. de Action. GAUDIN in rubr. de Furibus & Latronibus.*

§. XXIII. Poenarum in republica magnitudo partim ex delictorum frequentia, & delinquentium incorrigibilitate; partim vero, & maxime ex eorundem gravitate dimetienda (a). Quapropter, cum omnium gravissima offensa sit,

fit, qua luxato societatis civilis coagulo, interna quies, & quod quisque pretiosissimum habet, patria, & libertas subditis violento, aut clandestino scelere adimitur (§. XVI. sequ.): plagiarios, eos præsertim, qui liberos homines supprimunt, severissimis poenis coercendos, ac proin regulariter inflictâ ad exemplum aliorum capitali poena e medio tollendos esse, liquet.

SCHOLION. Uti in omni delicto, ita in plagio quoque specialior poenæ determinatio summo magistratui relictam esse, haud abnuimus (b): interim, juris publici universalis, & prudentiæ legislatoriæ regulas exterminium suadere eorum, qui veluti generis humani hostes, finem, cujus causa in civilem societatem coaluere homines, temerariis ausibus impediunt, nemo facile inficias iturus est. Nullam sane aliam ob causam tam divinæ, quam humanæ leges, homicidas, latrones, proditores, perduelles, fures, aliaque ejus furfuris reipubl. noxia membra morte puniri jubent. Quidni igitur eandem generalem regulam de plagiaris, in quibus omnia hæc delicta veluti in colluvie concurrunt, formare liceat?

(a) *Perillustr.* WOLFF. *Politic.* §. 343.

(b) ZIEGLER *de Furib. Majest. Lib. I. Cap. V. §. 55.*

§. XXIV. Atque hanc ipsam regulam firmant leges divinæ forenses, neci tradendos esse jubentes eos, qui homines furati fuerint (a), aut qui alia ratione interceptos pretio vendiderint (b).

SCHOLION. In novo testamento poena quidem plagii nullibi definita: enormitatem tamen facinoris ex Apostoli verbis colligere licet (c). Ac quantumvis proditor plagiaris Judas ob iniquitatem judicium de proditoris ac plagii crimine inculatus, aut reus postulatus haud fuerit: ipse tamen laqueo necem sibi maturando, quam poenam promeritus fuisset, veluti in semet lata sententia, luculenter offendit.

## 364 Opusc. VI. De illicitis militum conquisitionibus

- (a) Exod. Cap. 21. v. 16. *Qui furatus fuerit hominem & venderit eum: convictus noxa morte morietur.*  
 (b) DEUTERON. Cap. 24. v. 7. *Si deprehensus fuerit homo sollicitans fratrem suum de Israel, & vendito eo acceperit pretium: interficietur, & auferes malum de medio.*  
 (c) Ad Timoth. 1. v. 10.

§. XXV. Nec aliud legibus civilibus, atque canonicis circa plagii poenas constitutum. Etenim, licet antiquis reipublicæ Romanæ temporibus arbitrariæ magis & pecuniariæ eadem fuerint (a): recentiores tamen Principum constitutiones plagariis regulariter capitis poenam irrogant (b), sacris canonum juribus cum legibus divinis (§. XXIII.) omni ex parte sese conformantibus (c).

SCHOLION. De diversis poenarum in plagii crimine periodis videndus SCHILTERUS *Exercitat.* ad π. XLIX. §. 147. 148. & 149.

- (a) *L. ult. π. ad L. Fab. de plag.*  
 (b) *L. 7. Cod. eod. ibi: Horum tibi delictorum licentia majore severitate occurrendum esse decernimus: ac propterea, si quem in hujusmodi facinore deprehenderis, capite eum plectere non dubitabis &c.* Item *L. 16. Plagarii, qui viventium filiorum miserandas infligunt parentibus orbitates, metalli poena cum ceteris ante cognitis suppliciis teneantur. Si quis tamen hujusmodi reus fuerit oblatas, posteaquam super crimine claruerit: servus quidem, vel libertate donatus, bestiis subjiciatur; ingenuus autem gladio consumatur.*  
 (c) *Cap. 1. §. de furtis. Qui furatur hominem, & vendiderit eum: convictus noxa, morte moriatur. Item Cap. 4. §. de raptoribus.*

§. XXVI. Haud mitiores in plagii puniendis Germanorum antiquas leges fuisse deprehendimus: sic ex LL. Wisigothorum (a) parentibus ingenuis ob liberos surreptos plagarios occidendi potestas fuit. THEODORICUS Ostrogothorum Rex capitale delictum effecit (b); siue suppressum peregre quis vendiderit; siue cui donaverit; siue sibi servi-

re coegerit. Idem factum a CAROLO M. pœnam capitalem, lege divina sancitam, confirmans (c): nec abludunt speculum Saxonicum (d) atque Suevicum (e), quorum posteriori præcipue plagii crimen, quoad pœnam, furto per omnia exæquatum fuit.

(a) *Lib. VII. Tit. III. §. 3.*

(b) *In edict. LXXVIII.*

(c) *Lib. VI. §. 19. edit. LINDENBROG.*

(d) Ita enim Gloss. Juris Saxonici *Lib. II. Art. XVI. n. 9.* Der einen freyen Mann wißentlich vor einem eigenen verkauft / oder vorhalt / oder beredet / daß er ihme darvon lauffen soll: dem soll man seinen Leib vertheilen.

(e) *Art. CCX.* Da ein Mensch den andern Menschen stihlet / das ist auch ein Diebheit / und wird es in seiner Gewalt begriffen / man schiebet es auf ihn / als andere Diebheit / und wie jung er ist / wie arm er ist / man soll ihn darum hengen.

§. XXVII. Idem hodiernis Germaniæ moribus obtinet, siquidem usu fori plagia capitali plerumque pœna puniuntur, & teste HEINECCIO (a) Icturum nostri seculi facile Coryphæo; extremis temporibus eo deventum, ut jus Romanum sequerentur Germani: ita ut si celandi liberi hominis causa plagium admissum, ultimum supplicium; sin ob alias causas, fustium ictus, aliave pœna arbitraria decerneretur.

SCHOLION. Probant hancce capitis pœnam, & præjudiciis firmant THEODORIC. *Colleg. Crim. Disp. 9. Thes. 8. lit. e.* PETR. HEIGIUS *P. II. Q. 32. p. 101.* FERDINANDEISCHE peinliche Lands-Ordnung alleg. 2. MERCKLINO *Disp. de Plagio milit. Thes. 8. ubi de plagiariis hæc habentur:* Sollen von denen Land-Gerichts- und Grund-Obriegkeiten durch fleißiges Nachforschen in Verhaft gebracht / und durch die Land-Gerichte mit dem Schwerdt vom Leben zum Tod gebracht werden. CARPZOV. *Pr. Crim. P. II. Q. 83. n. 90. seq.* PHILIPPI *U. M.*

*Instit. Ecclog. 92. PROSPER FARINAC, Tract. Crim. P. VII. Q. 167. n. 95. seq. ÆGID. BOSS. tr. Crim. tit. de Plagiariis p. m. 154. ubi Mediolani hoc crimen capitale esse asserit. MENOCH. de A. J. Q. Cas. 536. Ut jam de exemplo plagii Kauffungani, ejusque, quo filius nobilis Domini de Westphal furtivo scelere subductus fuit, quæque HEIGIUS, PHILIPPI, CARPZOVIIUS alique cit. l. in medium proferunt, nihil dicamus.*

(a) *Element. J. Germ. P. II. §. 330. seq.*

§. XXVIII. Ceterum, cum mandantes non minus, quam mandatarii atque socii plagii criminis notam contrahant (§§. XX. & XXI.); hujus vero rei regulariter capitali supplicio afficiantur (§. XXII. seq.): mandantes æque ac mandatorios, auxiliores & socios plagii criminis, nisi aliud circumstantiæ peculiares suadeant, capite plectendos esse constar.

SCHOLION. Idque leges civiles manifesto definiunt; utpote quibus, socios plagii eadem cum plagiariis poena teneri, expressis verbis comprehensum est (a), adstipulante communi interpretum, potissimum Criminalistarum sententia (b); salvo ceteroquin prudentis judicis moderamine, atque circumstantiarum, delicti poenam sæpe augmentium, sæpe minuentium, æquo ponderamine neutiquam excluso.

(a) *L. 5. L. 6. π. ad L. Fab. de Plag. L. 10. C. cod.*

✓(b) BRUNNEM. *add. L. 10. C. h. t.* HEIG. *d. P. II. Q. 32.* CARPZ. *P. Cr. P. II. Q. 83. n. 93. seq.* PHILIPPI *U. M. Inst. d. Eccl. 92. n. 10.* ubi a Scabinis Lipsiensibus ita pronuntiatum fuisse, pluribus exemplis probant.

§. XXIX. Qui milites in Principum atque Statuum Imp. territoriis modis illicitis conquirunt, atque subditos clandestina fraude, dolo, vel vi secum abducunt, pro veris plagiariis recte reputantur (§. XVII.). Enimvero poena  
regu,



regulariter capitalis est (§. XXII.). Conquisitores igitur in alieno territorio plagarios capitali regulariter poenæ subjiciendos esse, nemo dubitat.

SCHOLION I. Rationes peculiares, quæ uti enormitatem, ita poenam quoque sceleris hujusce adaugent, supra (§. XVII. seq.) inculcavimus. Atque inde patet, in plagii militaris in alieno territorio admissi crimine rarius, quam in plagio ordinario, gratiæ locum dandum esse. Confer COEPEN *Lib. II. Obs. 35.*

SCHOLION II. Poena regulariter gladii esse solet: nisi enormitas facinoris, ex circumstantiis dijudicanda, rotæ supplicium, aut in partes dissectionem, veluti in plagio Kauffungano complici cuidam evenit (a), irrogandam esse jubeat; quæ omnia prudens judicis arbitrium ex æquo moderabitur. Ceterum hæc capitis poena tum potissimum, & a fortiori locum obtinebit, quando conquisitores illi milites Principis lectos, & in numerum relatos plagario crimine subduxerint (§. XIX.), aut ad deferendum sua signa dolose induxerint.

SCHOLION III. Quodsi fractæ præterea pacis publicæ, aut violati territorii (§. XIII. seq.) crimen accedat: contra conquisitores plagarios, eorumque auctores tanquam fractæ pacis, aut violati territorii reos ad poenas insuper, legibus Imp. publicis definitas (§. XIV.), agi poterit.

(a) Confer. CARPZ. PHILIPPI, HEIGIUS *cit. l. (§. XXVII.)*.

§. XXX. Porro, cum in delictis, potissimum vero capitalibus, vix personarum dignitas, prærogativa, aut merita attendantur (a), facile colligitur: perinde esse, siue gregarii milites, siue officiales, siue nobiles, siue ignobiles plagia in alieno territorio admiserint; ut potius eidem utrique supplicio capitali subjiciendi sint, nisi fors ex rationibus peculiaribus eam poenam Principes mitigandam duxerint.

(a) *L. 1. in fin. C. ubi Senator. CARPZ. Pr. Crim. P. III. Q. 148. n. 38. 39. & 40. REUSNER. Lib. 2. decis. 15. n. 20. cum allegatis cit. l.*

§. XXXI,

## 358 Opusc. VI. De illicitis militum conquestionibus

§. XXXI. Neque illud obscurum est, quod, cum delictum forum fundet (a), & jurisdictionem in facinorosos det ei, qui alioquin rei iudex non est (b): conquistores militum plagiarios, in territorio deprehensos, Principi, sub quo stipendia merent, extradendi nulla obligatio aut necessitas subsit; ut potius in ipso loco delicti ad exemplum aliorum capite eosdem plectere conveniat (c).

(a) L. 3. π. de Offic. Præsid. L. si cui 7. §. penult. & L. fin. π. de accus. L. 1. & Auth. qua in provincia C ubi de crim. agi oportet. Novell. 69. Cap. 1. L. 1. C. ubi Senator.

(b) Cap. licet. & de foro competente.

(c) L. 7. C. ad L. Fab. de Plagiar. ubi ratio additur: Ut pœna genere deterreri possint ceteri, quo minus istiusmodi audacia vel servos, vel liberos ab urbe distrahere vel alienare audeant.

§. XXXII. Mandatarii socii, complices auxiliores, atque receptatores, in plagii crimine in pari regulariter reatu deprehenduntur (§§. XX. & XXI.). Quin igitur regulariter pari quoque capitis pœna puniendi sint, dubio caret.

SCHOLION. Idque potissimum de subditis, concives suos Iatronum more capientibus, atque exteris hisce hominum coemptoribus, condicto ad mensuram pretio, dividentibus dicendum (§. XVII.); utpote quibus allegati supra (§. XXIII.) ex S. Scriptura textus præcipue applicandi. Confer. omnino CARPZ. HEIGIUS PHILIPPI *cit. locis* (§. XXVII.).

§. XXXIII. Atque ex iis, quæ de illicitis, præprimis autem plagiaris, militum in alieno territorio conquestionibus pro ratione instituti dicta demonstrataque dedimus, affatim elucescit, quantum pestilentissimo hocce hominum genere purgari rempublicam intersit (a): quin cum per publicos huiusmodi civium, liberorumque hominum prædones pax & securitas civitatis interna penitus evertatur (§. XIX.);

(§. XIX); omnem in eo curam Princeps recte ponit, ut plagiaras hasce militum conquisitiones supprimat, & severissimis, ubi opus, pœnis coerceat, (§§. XXII. sequ.). Quæ si nihil proficiant, nec conquisitores a clandestinis subditorum subductionibus arcere valeant; omnis iisdem ad territorium aditus præcludendus erit, ne transitu quidem concessio iis, qui, dum omnem humanitatem exuunt, ne vulgaribus quidem humanitatis officiis digni (b); sed pro vagabundis potius habendi, atque inusta infamiæ nota ad suos remittendi erunt. Quodsi ne sic quidem conquisitiones plagiaræ cessent: nil superest, quam ut in publicum territorii bannum dentur, & pro patriæ communibus hostibus declarati, omnium ultioni atque vindictæ exponantur (c), veluti generis humani abominanda, modisque omnibus exterminanda opprobria,

SCHOLION. Id quod de exteris potissimum, & armatis militum conquisitoribus dicendum. Subditos enim ipsa pœnarum acerbitas sat superque cohibere poterit. Sed nec illud dubium est, ab ejusmodi plagariis impetitis, impune eosdem occidendi jus competere, ipso naturali jure vitæ libertatisque defensionem, cum internecione etiam aggressorum, imperante (d).

(a) *L. 3. π. de Off. Præsid. ibi: Nam & in mandatis Principum est, ut curet is, qui Provincia præst, malis hominibus provinciam purgare; nec distinguitur unde sint.*

(b) FRITSCH. *de Transf. milit. Opuscul. P. IV. tr. XII. Cap. II. §. 2.* ubi cum FELDENO, ZIEGLERO, PUFFENDORFF. aliisque late evincit, transitum haud concedendum esse illis, a quibus incolumitati & securitati publicæ graviter metuendum.

(c) *Arg. Pacis Publ. de a. 1548. art. III. ibi: Also in die gemeldte Acht gefallen zu seyn / declarirt / und erklärt werden / ihr Leib und Gut erlaubt seye / und niemands dran freveln / oder verhandeln soll oder mag.*

(d) CARPZ. *Pr. Crim. P. I. Q. 32. n. 14. sequ.*

## OPUSCULUM VII.

DE

### VERO INTELECTU VERBORUM:


Eheliche männliche Leibs- Erben: IN DIS-  
POSITIONE TESTAMENTARIA.

---

*Nulla juris ratio, aut benignitas patitur, ut quæ salubriter  
pro utilitate hominum (Agnatorum) introducuntur, ea  
nos durior interpretatione contra ipsorum commodum pro-  
ducamus ad severitatem. MODESTIN. L. 25. D. de LL.*

---

### CASUS.

 Usebius, antiquissima Nobilium de Rhodis prosapia  
oriundus, cum ob vitæ clericalis, quam profite-  
batur, institutum liberos ab intestato suos futu-  
ros heredes nullos agnosceret, condito testamen-  
to agnatum Alexandrum de Rhodis heredem scribit for-  
ma atque tenore sequenti:

Sehe zu meinem wahren rechten Erben den  
Hoch- Edelgebohrnen Gestrengen Alexander von  
Rhodis: Also und dergestalten/ daß in berührten  
Gütern seine eheliche männliche Leibs- Erben ihm  
succediren sollen. Im Fall aber der Rhodische  
Stamm

Stamm gänzlich verlöschen/ und meines gemeldten  
Vettern Alexanders Söhne/ ohne Hinterlassung  
ehelicher männlicher Leibs- Erben/ mit Tod abge-  
hen/ und von ihren Schwestern eine oder mehrere  
übrig verbleiben sollte: Solchen Schwestern/ies seyen  
gleich etliche oder nur eine allein/ meine frey eigen-  
thümliche väterliche und Stamm Güter/ adelich o-  
der unadelich/ sie haben Namen wie sie wollen/  
allein verbleiben sollen.

Quoniam testator Eusebius scripto heredi Alexandro  
bona sua sub expressa hac conditione reliquit: quod non-  
nisi heredes ejusdem masculi in iisdem succedere, nec ad fi-  
lias eadem, nisi extincta penitus familia Rhodia, pervenire  
deberent: dicta bona, fideicommissio affecta fuisse nemo non  
perspicit; utpote quæ per prohibitam alienationem, & ad  
quosdam, exclusis reliquis, restrictam successionem non  
minus, quam per verba directa introduci, noti atque expe-  
diti juris est. (a).

(a) *L. 32. §. 6. π. de legat. 2. L. fin. C. de V. S. MASCARD. de  
probat. conclus. 776. n. 7. VINCENT. FUSAR. de fideicomm. jub-  
stit. qu. 499. n. 1. VULTEI V. 4. Marp. Conf. 54. n. 90. KNIP-  
SCHILD. de Fideicomm. famil. illustr. Cap. VI. n. 101. seq. cum  
allegatis.*

Sed nec de hoc admodum controvertitur. Id potius  
dubitationem habere videtur, curatori disquisitione, quam  
impræsens sumus instituturi, haud indignam:

Quousque testator Eusebius scriptum testamen-



to heredem fideicommissio gravare voluerit? An in perpetuum, dum Rhodiorum familia in Alexandri posteris superstes erit? An vero ad tempus solum, ita ut cum Alexandri heredibus ex corpore masculis, seinen ehelichen männlichen Leibs-Erben / fideicommissaria substitutio expirasse censenda sit?

*Rationes, quæ pro fideicommissio personali, & ad proximos solummodo Alexandri heredes restricto, militant.*

## I.

POSTeriori equidem sententiæ, nimirum cum filiis, atque substitutis hisce filiabus Alexandri omnem dispositionem fideicommissariam evanuisse, non mediocriter suffragari videtur, *primo*. Quodsi fideicommissa in genere, utpote heredes gravantia, atque liberam eorundem, de bonis hereditariis pro lubitu disponendi, eademque alienandi (b) & administrandi (c), facultatem restringentia, odio plena (d), modis proin omnibus, & in quantum dispositionis testamentariæ tenor patitur, coarctanda sint (e).

(b) KNIPSCH. *cit. l. Cap. 11. p. tot.* ALEXAND. in *L. filius familias* §. *divi*. & ibi JAON π. *de legat. 1.* PARIS. *consil. 32. n. 16.* & 82. ROLAND a VALLE *conf. 43. n. 45. lib. 4.* DECIAN. *consil. 10. n. 53.* & *conf. 55. n. 58. lib. 3.*

(c) *L. Dudum C. de contrahend. emt.* BESOLD. *consil. 11. n. 7.* & *consil. 232. n. 25.* DECIAN. *conf. 625. n. 7.* SOCIN. *consil. 112. n. 11.* & *consil. 143. n. 23.*

(d) *L. cohæredi* §. *cum filia* 2. π. *de vulg. & pupill. substit.* GLOSSA in *L. precibus C. de impuber. & alius substit.* GAL. *lib. II. obs. 137. n. 2.* MENOCH. *conf. 95. n. 20. lib. 1.* CEPHAL. *conf. 268. n. 28. l. 2.* & *conf. 620. n. 1. l. 5.* CONSIL. MARP. *Vol. 1. conf. 29. n. 132.* CRAVETTA *conf. 180.*

(e) DD.

- (e) DD. communiter cum SOCIN. *sen. conf.* 113. n. 8. vol. 1. CORNE. *conf.* 186. n. 11. & *conf.* 304. n. 14. vol. 3. & post ALCIATUM in *L. centurio* n. 58. π. de vulg. & pupill. substit. NAT-TAM *conf.* 206. n. 8. PEREGRIN. de Fideicomm. art. 1. n. 39. seq. KNIPSCH. de Fideicomm. Cap. VII. n. 82. HERTIUS *Consil.* & *Respons.* Tom. 1. Resp. 8. n. 10. Resp. 41. n. 4. Resp. 69. n. 4. Resp. 419. n. 6.

## II.

Quapropter, cum Eusebius in dispositione hacce sua testamentaria agnato heredi, id est, Alexandro de Rhodis, heredes solummodo corporis, seine eheliche männliche Leibs-Erben / substituerit; Leibs-Erben autem heredes natos ex generatione, quæ est sine medio, sive immediatos significant (f); nec de heredibus ulterioribus, seu nepotibus, nisi forte præmortuis heredibus primis atque immediatis corporis ii solum superstites fuerint (g), intelligi queant (h): prono alveo consequi, fideicommissum ad solos Alexandri filios, & quæ his substitutæ fuere, filias restringendum, utraque primi gradus descendentes neutiquam protendendum esse.

- (f) WEHNER *Observ. Pract.* voce Erben.

- (g) Idem *cit. l. p.* legem: qui liberis. in fine π. de vulgar. substitut. probante BARTOLO in *L. cum filius* 113. π. de condit. & demonstrat.

- (h) Idem WEHNER *cit. l.* pro explicatione doctrinæ BALDI. in *L. 1. de constit.*

## III.

Indubitati quippe juris esse, quod, si fideicommissum ordinans aut instituens ad certum personarum numerum, quavis ratione determinatum, veluti ad generationem primam vel secundam respectum habuerit, ultra illas fideicommittentis dispositio haud porrigatur, utut plures adsint ejus-

dem familiæ(i). Neque enim in substitutione fideicommissaria extensionem de persona in personam , aut de casu ad casum locum habere (k), licet a testatore expressa conservandæ agnationis atque familiæ ratio militet (l) ; eo quod conservandæ familiæ & agnationis ratio haud efficiat , testatorem disposuisse, quod tamen revera non disposuit (m) : quin potius expressa a testatore ratione illa, ipsum favorem familiæ suæ tantum in casibus expressis considerare, atque bona in agnatione & familia eatenus saltem, quatenus substituit, conservare voluisse censendum ; ac proin rationem illam secundum terminos dispositionis intelligendam esse (n).

(i) L. 38. §. 2. π. de legat. 3. Consil. TUBING. Tom. Consil.

(k) L. si quis ita 16. §. pen. π. de testament. tutela. CUMAN. in L. commodissime 10. π. de liberis & posthumis. TIRAQUELL. in L. si unquam verb. Libertas n. 23. C. de revocand. donat. CRAVETTA Vol. I. consil. 161. n. 16. MENOCH. consil. 171. n. 15.

(l) Ita post RUINUM, DECIUM, PARISIUM, CRAVETTAM, NATTAM, ROLANDUM, GABRIELEM, MENOCHIUS consil. 175. n. 8.

(m) IDEM & DECIANUS Vol. 2. Resp. 26. n. 86.

(n) Pro declaranda doctrina BARTOLI post ALEXANDRUM, CORNEUM, DECIANUM & alios, ALCIATUS in L. si pater fuerit vers. tertius est casus.

#### IV.

Nec ad rem facere, quod filiis Alexandri absque heredibus masculis decessuris : Im Fall der Rhodische Stamm gänzlich erlöschen / und des gemeldten Alexandri Sohne/ ohne Hinterlassung ehelicher männlicher Leibs/ Erben/ mit Tod abgehen / und von ihren Schwestern eine oder mehrere übrig verbleiben sollte / filiæ ejusdem demum vocatæ, atque fratribus substitutæ fuerint, ac proin testatorem Eusebium omnes ab Alexandro descendentes successores masculinæ prosapiæ fideicommissi vinculo ligare voluisse, vero admodum simile evadat.

evadat. Perperam enim hunc sensum testamenti verbis affingi, mentione heredum masculorum filiorum Alexandri alium plane in finem facta, quam ut ipsi quoque fideicommissi onere gravarentur. Ad fratres potius ipsos, seu filios Alexandri, eam dispositionem referendam esse, quos, quoniam alias cum ipsis fideicommissi institutio penitus evanisset, consequenter bona illa ex eorundem voluntate facile ad extraneos, aut filias saltem proprias pervenire potuissent, testator eo hic onere gravare voluit, ut sororibus, in vitam existentibus, tanquam magis dilectis testatoris cognatis, bona testamentaria restituerent; masculis heredibus non in substitutione, sed in conditione solum (o) vel ideo positus, ne horum quoque intuitu dictis Alexandri filiis ligatæ manus, atque facultas, liberis suis masculis ea bona relinquendi, adempta fuisse videretur. Hoc etenim quantum ab agnationis favore abiisset, neminem non videre.

(o) *L. 16. §. 1. de Vulg. & Pupill. substit. L. 1. §. 8. ad Leg. Falcid. L. 8. π. Siquis omiff. COCCEJI Jus Controvers. Lib. 23. tit. 6. §. 19.*

**V.**

Hæc Eusebii testatoris mens, cum clara sit & dilucida, totusque testamenti contextus commonstret, quod scripto heredi Alexandro primum ejusdem filii, dein filiæ, sed sub conditione saltem, si earundem fratres absque prole mascula legitima decessuri essent, substitutæ fuerint; de ulteriorum autem heredum gravamine ne γὰρ quidem appareat: frustra ad conjecturas & præsumptiones confugit; utpote quibus fideicommissa neutiquam introducantur (p), nisi vim probandi certam, & indubiam habeant, & necessaria velut consequentia disponentis inde intentio eliciatur (q).

**VI.**

(p) PEREGRIN. *de fideicomm. art. 11. n. 33.* GRIVELL. *decis. 125. n. 82.* COCCEJI *Consil. Tom. 1. p. 746, n. 70. & 71.*

(q) *Arg. L. 19. C. de R. V.*



## VI.

Liquido itaque patescere, non perpetuum, sed personale solum fideicommissum in præmissis testamenti verbis contineri; nec ultra heredem Alexandrum ejusque filios quempiam gravatum esse; proin filiabus, haud verificata conditione, sub qua ipsis bona restituenda erant, jam dudum emortuis, Alexandri posteros nepotes, atque abnepotes, quo minus de hisce suis bonis, extra familiam etiam eadem alienando, disponant, absque omni juris colore, & refragante prorsus Eusebii dispositione testamentaria prohiberi, factasve dispositiones testamentarias eo obtentu tanquam invalidas impugnari.

*Rationes, quibus perpetuitas fideicommissi in stirpe Alexandri de Rhodis masculina evincitur.*

**V**erum enimvero, utut hæc veritatis quandam speciem habeant, atque incautis facile fucum facere apta sint: nihilominus testatorem Eusebium in linea masculina descendenti Alexandri de Rhodis fideicommissum perpetuum ordinasse, pluribus longe, iisque gravissimis rationibus corroboratum sistimus.

## I.

Primo namque, heredis appellationem per multas successiones accipi, nec tantum ad proximiorum heredem, sed & ad ulteriores referri, ita ut heredis heres & deinceps ea appellatione contineatur, explorati ac certi juris est (a). Quapropter cum Eusebius in ordinatione fideicommissi, seu, si mavis, substitutione facta Alexandro heredi suo, generali voce *ehelicher männlicher Leibs Erben* usus fuerit: de omnibus Alexandri posteris masculinæ prosapiæ eundem cogitasse, quis dubitet?

(a) L. 69.



(a) L. 65. L. 170. π. de V. S., ibi: *Heredis appellatione omnes significari successores credendum est.* CALVINI *Lexicon jurid.* voce: *Heres.* SCHURFF. *Cent. 1. Consil. 64. n. 7.* CARPZOV. *Resp. Lib. VI. tit. 9. Resp. 92. n. 11.*

**II.**

Neque etiam, heredum nomen in substrato casu per adjectam vocem **Leibs / sive corporis**, ad heredes immediatos, sive filios Alexandri restrictum fuisse, aut in his omne fideicommissi onus, atque substitutionem desiisse, credendum est. Reclamat siquidem genuina *heredum corporis* notio; vi cuius tam nepotes, pronepotes & reliquos posteros, quam filios a patre, avo, proavo reliquisque ascendentibus sanguinem trahere constat, licet posteriores immediate, illi vero mediate, generatione una alterave intermedia. Proin tam nepotes, quam filii voce **Leibs : Erben** indubie continentur; id quod confirmat generalis usus, praxis & observantia omnium locorum, atque curiarum notorius stilus. Atque per **Leibs : Erben** heredes, in linea recta descendentes, indigitari, infinitis instrumentis, investiturarum literis, aliisque documentis evincitur (b); adstipulante universo Jctorum ordine (c), quorum vix cuipiam, ea verba de filiis solummodo accipere, unquam in mentem venit, si WEHNERUM (d) excipias, qui tamen vel invitus hanc suam sententiam diversimodelimitare coactus fuit; tum nimirum nepotes & ultteriores sanguinis heredes hac quoque voce comprehendendi admittens, quando tempore contractus hi soli extiterint (e). Ut ut sit, forte an de eo casu vir jurium alias peritissimus locutus est, quando *heredis corporis* in singulari numero mentio facta, ubi in uno tantum, eoque proximo ea institutio verificari possit; illud quoque, *heredibus corporis*, in plurali numero vocatis, locum habere, ut credam, nunquam me induci patiar. **Eheliche männliche Leibs, Erben** certe aliquid plus, quam filios indigitant, testatore a-

lias inutilibus adeo & superfluis circumlocutionibus nunquam usurpatur, & per quatuor voces declaratur, quod per unicum aut duo verba: *Söhne/ eheliche Söhne/* æque facile fieri potuisset.

(b) KLOCK. *Consf. Tom. III. Consf. 172. n. 465. & sequ. passim*; ubi in causa fideicommissaria Comitum de KÖNIGSTEIN, per verba: *männliche eheliche Leibs-Erben/* descendentes heredes masculos intellectos fuisse, late deducitur. De BERGER *Consil. 409.* HORN. *Resp. Class. 7. Resp. 25.* quo loco *Leibs-Erben* manifesto pro descendentibus accipiuntur. KNICHEN. *de Vestiturarum pact. P. I. C. 2. n. 26. sequ.* COEPPEN *decisf. 39. n. 25. & 25. item decisf. 54.* BESOLD. *Thes. pract. voce Leibs-Lehnbare Erben*; ubi plures investiturarum formulas adducit, ex quibus *Leibs-Lehns-Erben/ männliche Leibs-Lehnbare Erben* descendantem lineam primi acquirentis comprehendere elucescit. CONSIL. TUBING. *Tom. II. Consil. II. per tot. Consf. 28. n. 4.* ubi per *Leibs-Erben* descendentes clare intelliguntur. RÜDIN. GER *Obser. Cent. II. Obsf. II. verbis: de jure feudorum.*

(c) Confer modo All. DD.

(d) *Rat. Dubitat. II. lit. f.*

(e) *Ibid. lit. g. & h.* RUIN. *Consil. 159. n. 19.* KLOCK. *Tom. IV. Consf. 14. n. 54. verbis: non attingam &c.*

Interim specialior determinatio *heredum ex corpore, Leibs-Erben/* in feudis, & fideicommissis, ubi ex mente concedentis, aut disponentis, bona non nisi ad descendentes in linea recta pervenire debent, minime pro abundanti reputanda est. Excluduntur quippe per hanc adjectionem omnes heredes adscititii, extranei, adoptivi, & qui a primo acquirente sanguinem haud trahunt: sicut per vocem *eheliche/* illegitimos & naturales, per verbum *männliche/* feminas a successione arceri, nemo non videt (f).

(f) KLOCK. *cit. Consil. n. 465. item Tom. IV. Consil. 8. n. 3. ibi: geben die Worte: ohne Leibs-Erben zu verstehen/ qua notanter*

*ter posita, ut alium heredem, qui natus est ex alieno corpore, petitus excludant.* allegans FERRAR. in form. libel. quo agitur ex substitutione in verbis: *ex suo corpore. n. 1.*

IV.

Prono hinc consecutionis filo deducimus, Eusebium de Rhodis in dispositione hac sua testamentaria, instituendo Alexandrum de Rhodis heredem, eidemque substituendo seine ebeliche männliche Leibs : Erben / totam lineam descendantium masculinam fideicommissario nomine vocasse: ita tamen, ut non admitterentur 1. filii, aut descendentes inde nepotes, naturales & illegitimi; 2. ut, dum superstites masculi forent, excluderentur feminæ; 3. ut soli hic vocati intelligerentur corporis & sanguinis heredes, adoptivis, adscitiis & extraneis nullum in hisce bonis, donec linea Alexandri mascula vigeat, sibi unquam jus arrogare auluris,

V.

Hoc significatu, hoc sensu testatoris Eusebii verba omnes, æqui bonique amantes, mecum accepturos, eo magis confido, quod de substitutione fideicommissaria, seu fideicommisso familiæ agnatico, non introducendo (hoc namque quoad primos heredes ne ipsi quidem adversæ sententiæ castra sequentes in dubium vocant) sed conservando, atque ex verbis claris, & ut vidimus, comprehensivis extendendo quæstio sit. Quantus in jure (g), potissimum, ubi de splendore familiarum illustrium amplificando atque conservando agitur (h), agnationis favor sit (i), neminem latet. Excluduntur, aut renuntiant saltem, hoc intuitu hereditatibus alias sibi debitis filiæ nobiles; sequiores natu filii modicis portionibus contenti primogenito bona hereditaria relinquunt; ac pleræque inde feudorum & fideicommissorum prærogativæ (k), quæ, cum familiæ & agnationis stabili-

mentum præferant, illibata custodiri jura volunt, in iisdem inducendis extendendisque facillima (l); præcipue, si eam fuisse disponentis mentem, si hunc eundem sibi præfixisse scopum, ex conjecturis haud temnendis appareat (m).

- (g) Instit. §. 1. de Fideicom. heredit. ibi: *tantusque favor eorum factus est &c.* Item L. cogi poteris &c. 16. pr. π. ad SCtum Trebell. ibi: *in ambiguo tamen magis de successione sensum dico, ne intercidas fideicommissum.*
- (h) Illust. D. de WERNHER. Tom. V. Obs. 156. p. 472. Nob. D. de BERGER Conf. 419. COCCEJI Conf. Tom. I. p. 764. n. 186. cum multis ibi allegatis; potissimum MARZAR. in tr. de fideicom. P. II. n. 7. sub finem concludens: *parum curandam esse illam DDrum assertionem, qui contrarium inadvertenter forsam dixerunt, prout enim dicere solebat JASON in L. divorcio. col. 6. π. soluto Matrim. cum habeat leges claras, illis potius inharendum, quam Glossæ & DDbus.* HERTIUS Resp. Tom. I. Resp. 8. n. 9. Resp. 29. n. 4. Resp. 41. n. 13. Resp. 554. n. 6. PARIS Consil. 57. n. 9. MASCARD. Concl. 775. n. 5.
- (i) KNIPSCHILD. de Fideicommiss. Famil. Illustr. Cap. VII. p. totum; potissimum n. 85. sequ.
- (k) Idem cit. l.
- (l) MEVIUS P. VII. Decis. 16. & 18. n. ult. RIMINALD. Jun. 4. Consil. 57. in pr. BESOLD. Consil. 137. n. 23. KNIPSCHILD. de Fideicom. Cap. 7. n. 98. p. *Legem ex facto §. siquis autem π. ad SCtum Trebell.* TUBING. Tom. I. Resp. 92. n. 23. FUSAR. de Fideicom. substit. Qu. 276. n. 5. recte statuens, quod si de fideicommissio introducto agatur, etiam leves præsumptiones sufficiant; cum vir nobilis nihil magis desiderare credendus sit, quam suæ familiæ favere, eamque in viridi splendore propagare. ZAS. Consil. 2. n. 13. in f. & n. 14.
- (m) Illustr. D. de WERNHER d. Tom. V. Obs. 156 p. 472. ultima quippe testatoris voluntas ceu cynosura ac norma sequenda. Ibid.

## VI.

Eccui vero, Eusebio aliam, quam conservandæ agnationis & familiæ Rhodiæ, mentem fuisse, vel per somnium  
in-



incidat. Iustituit ille Alexandrum agnatum suum heredem; sed hac adjecta expressa conditione: Daß in berührten Gütern seine eheliche männliche Leibs-Erben ihm succediren sollen. Heredibus hisce Alexandri masculis ulterius substituit ejusdem filias; ast non alia ratione modoque, als im Fall/ da der Rhodische Stamm gänzlich/ quod probe velim notes, verlöschen/ und Alexandri Söhne ohne Hinterlassung ehelicher männlicher Leibs Erben mit Tod abgehen würden: manifesto indicio, Eusebium totum in eo fuisse, totamque ejusdem dispositionem testamentariam eo collimasse, ut stirpi masculinæ, & agnationi consuleret; ne filiabus quidem Alexandri, tum viventibus, quas tamen enixe dilexisse videtur Eusebius, superstite stemmate Rhodio, & heredibus masculis fratrum suorum ad bona fideicommissaria admissis.

VII.

Quodsi, uti ex adverso obtenditur, verba testamenti: eheliche männliche Leibs-Erben: ad filios solummodo pertineant, ita ut heredi Alexandro his tantum testamentaria bona restituendi necessitas imposita fuerit: cur obsecro! masculis substituendo filias non eodem hoc vocabulo Leibs-Erben addita ad distinctionem voce weibliche/ usus est? cur filias, sive sorores Schwestern hic expresse nominat? nisi, ut delatis, verificata conditione, ad ipsas bonis hereditariis, in earundem personis hoc ipso expirasse ordinationem fideicommissariam innueret, omni in filiarum heredibus descendantibus agnationis favore, & familiæ conservandæ ratione cessante? Quæ omnia in agnatis secus se habent; atque ea propter ad hos solos in linea descendanti respexisse testatorem vero est simillimum, filiabus Alexandri, quas tum viventes testator ipse forte noverat, videratque sæpius, ex speciali affectu in subsidium deficientis familiæ Rhodiæ masculæ ad bona hereditaria vocatis, onere injuncto ipsarum fra-



tribus, ut si masculos heredes nullos relinquerent, fideicommissaria hæc bona sororibus suis, in vita eo tempore extituri, contraderent.

## VIII.

Tria nimirum Eusebius in hocce suo testamento constituit. 1. Heredem sibi scripsit Alexandrum. 2. Huic quoad bona, in testamento nominata, in vim fideicommissi substituit heredes suos in linea descendenti masculos *per demonstrata*. 3. Tandem filiis Alexandri sine prole mascula decessuris, ne bona ad extraneos transferrentur, sorores eorundem, in vivis tum futuras, substituit, & ad eas tanquam magis dilectas potius, quam ad fratrum suorum filias hereditatem pervenire voluit. Hæc mens, hæc testatoris intentio, & declarata voluntas adeo clara, certa, atque indubia est, ut nodum in Scirpo, in luce meridiana solem quærere opus haud sit. De instituto namque herede res certa: sed & substitutionum casus in antecedentibus non minus evidenter demonstrati fuere.

## IX.

At at, demus etiamnum, in dicto Eusebii testamento per verba *eheliche männliche Leibs-Erben* primi tantum gradus heredes significari. An inde melior adversæ sententiæ patrocinantium causa evasura est? Neutiquam. Idque ambabus, quod ajunt, manibus largieris, si modo expendas, quæ de universali fideicommissorum familiæ favore supra (n) in medium allata fuere. Sane licet alias fideicommissum injunctum primis heredibus non censeatur repetitum in sequentibus, id tamen haud procedit in fideicommissis familiarum illustrium, & quando testator bona penes familiam manere voluit (o); idque sive verbis expressis declaraverit, sive ex conjecturis colligatur (p). Quales, an in præsentī  
Eusebii

Eusebii testamento prostant, æqui bonique amantes ex hac-  
tenus deductis judicent.

(n) Vid. supra *lit. I. K. L.*

(o) Quippe filiorum nomine, ubi de favore non ipsorum tantum,  
sed totius agnationis agitur, uti in fideicommissis familiæ osten-  
dimus, nepotes quoque, & reliqui descendentes continentur.  
*arg. L. filii appellatione 84. L. justa. 203. L. liberorum 270. π. de*  
*de V. S. L. filium 14. π. ad SCtum Macedon. L. filium 6. π. de his,*  
*qui sui vel alieni juris. L. quodsi nepotis π. de testam. tut. TUSCH.*  
*lit. F. concl. 376. n. 18. & 21. ZAS. Consil. 7. per tot. Vol. 1. DE-*  
*CI. Cons. 54. n. 4. & 5. Vol. 2. Potissimum in fideicommissis fa-*  
*milix, vid. MOLINA de Hispan. primogen. lib. III. cap. 5. n. 36.*  
*& 50. MARZAR. de fideicomm. 2. 19. FUSAR. de fideicommiss.*  
*Substit. q. 480. n. 20. seq. LYNCKER Tom. I. resp. 175. n. 26. seq.*  
(p) CURTIUS *Fun. Cons. III. n. 5. JASON Consil. 52. vol. 3. PA-*  
*RIS. Cons. 63. n. 17. CRAVETTA Consil. 155. MANTIC. de Con-*  
*ject. ultim. volunt. lib. VIII. tit. 8. n. 12.*

### Decisio.

**F**irma inde atque immota profluit conclusio: quod, qua-  
licunque in sensu dicta testamenti verba capiantur, he-  
redes atque posterī, ab Alexandro descendentes, perpetuo  
fideicommisso gravati, aut potius insigni, & ad conserva-  
tionem familiæ sapienter ordinato beneficio mactati fue-  
rint. Quapropter cum illustris familia de Rhodis in Ale-  
xandri posteris masculis hodiedum subsistat, filiabus in te-  
stamento substitutis dudum emortuis: bona illa, utpote fi-  
deicommisso familiæ masculino affecta, nulla ratione sive  
inter vivos, sive per dispositionem ultimæ voluntatis alie-  
nari aut in extraneas personas transferri posse aut potuisse, li-  
quido patescit. Cui sententiæ & ego calculum appono  
meum.

Re-

*Respondetur ad rationes , pro personalitate & restrictione fideicommissi ad heredes primi gradus, supra in medium prolatas.*

## Ad I.

**A**Tque æquissimæ huic, tam verbis testamenti, quam menti testatoris Eusebii consonæ decisioni minime obstant argumentæ, quibus personalitas fideicommissi aut substitutionis evinci, sententiaque contraria corroborari voluit. Etenim, quæ initio statim de fideicommissorum odio, & nonnisi stricta in iisdem admittenda interpretatione adducta fuere, uti ad fideicommissa vulgaria tantum ac plebeja (a), nullatenus vero ad fideicommissa privilegiata familiarum illustrium, in agnationis & nobilitatis favorem introducta pertinent (b): ita de fideicommissis introducendis, neutiquam vero de introductorum ampliacione, atque extensione capienda sunt (c); mente potissimum & intentione testatoris, veluti in casu præsentis, ex omni parte clara atque perspicua. Si libera esse inter privatos commercia; & rerum alienationes, quantum potest, minime restringi expedit: aliud omnino de familiis illustribus dicendum; in quibus bonorum avitorum, & ad splendorem, ac decus familiæ comparatorum possessoribus manus ligari, & alienandi facultatem restringi oppido, quam utile ac proficuum est (d); ne proptet immoderatam unius alteriusve familia, bona avita ac paterna dilapidandi, libidinem tota posteritas sub indigno paupertatis iugo gemere necessum habeat, & cum rerum gerendarum nervo ipse quoque ab antecessoribus derivatus nobilitatis splendor langueat, juxta illud Poëtæ:

(a) KNIPSHILD. *de fideicom. famil. illustr. Cap. 6. n. 335. seq. Cap. 7. v. 81. & 94. Cap. 16. n. 354.*

*Heu quam saepe gemit rerum indiga virtus !  
Quam contempta jacet , si sacra pecunia desit !*

Utrum igitur fideicommissorum familiarum illustrium saluberrima instituta ex mente adversariorum coarctanda , & non potius omni meliori modo dilatanda , promovenda , atque amplianda sint , ii judicent , queis

*De meliori luto finxit praeordia Titan.*

(b) COTHMANN *Tom. V. Resp. 4. n. 138. Item Resp. 11. n. 467.* Ex receptissima interpretum sententia , quæ habet , quod fideicommissa favore agnationis & familiæ introducta & ordinata excellenti gradu favorabilia intelligantur , & per interpretationem adjuvanda , longiusque producenda , denique per jurisdictionem magistratus conservanda , & propaganda sint , in *L. testamentis* π. de R. J. FULGOS. *Consil. 79. circa fin.* CUMAN. *Consil. 2. n. 4.* PETRUS ANCHORAN. *Consil. 27. n. 6.* MARIAN. SOCIN. JUN. *Consil. 181. n. 39.* MAZAR. in *Epitome fideicomm. P. 2. q. 9. 1.* HONDED. *Consil. 63. n. 101. lib. 1. P. 4.* FRIDER. PRUCKMANN. *Consil. 1. n. 164. & seq. Vol. 1.* MARZAR. *Consil. 1.* MENOCH. *Consil. 97. n. 117. Consil. 117. n. 36. Consil. 150. n. 17. la. se.*

(c) Vid. supra *rat. decid. v.*

(d) KNIPSCH. & COTHMAN. *dictis locis* , cum communi DD. rum & interpretum schola ; sunt quippe fulera familiarum *L. quisquis &c.* cum ibi notatis C. ad *L. Jul. Majest.* SOCIN. SEN. *Consil. 30. & Consil. 90. Vol. 1.* & agnatio atque posteritas pari cum vita passu ambulant *L. Advocati in fin. C. de Advocat. divers. Jud.*

## Ad II.

Per verba eheliche männliche Leibs-Erben non proximos heredes aut filios tantum , sed universam descendentium in linea recta masculorum propaginem intelligi , in rationibus , pro perpetuitate fideicommissi supra (c) prolatis , ad nauseam usque adstruximus. Ita concordēs , ita unanimēs sunt Jcti in acceptione horum verborum pro *descendentibus* ( f ) , ut

C c c

mi.

mirari subeat, qua ratione dispositio hæcce testamentaria dubia cuiuspiam videri potuerit, adhibitis in ordinatione fideicommissi a testatore verbis, ex proprio & nativo suo significatu, perpetuitatem fideicommissi arguentibus, eo potius in præsentī casu admittendam; quod de conservandis bonis familiæ illustris quæstio vertatur, cuius favore a recepto etiam vocabulorum usu recedendum est, modo ne intentio testatoris aut fideicommittentis intervertatur, aut pereat (g).

(e) Vid. *supr. Rat. decid. II. III. & seq.*

(f) KLOCK *Tom. IV. Conf. 10. n. 25. & passim.* Item *supra rat. decid. II. lit. b. alleg. Tom. 3.* HARTM. PISTOR. *Lib. II. Q. 3. n. 66.* ibi: *quamvis itaque in proposito aliqua fuerint addita vocabula, quibus significatur dictionem: heredibus: de solis filiis accipiendam esse: hoc tamen obstaculo esse non poterit, quo minus feudum ex proprietate dictionis heredibus filiis, ut heredibus concessum, atque inde hereditarium existimetur.* Idque ad dictionem: *Legitimis ex corpore descendantibus ehelichen gebornen Leibs-Erben*, quod attinet, ex iis, quæ supra firmavimus, manifestum est. Nam de hisce expresse dictum, & tam rationibus, quam auctoritatibus probatum fuit, vocabula ista nihil derogare proprietati dictionis *heredibus*. COTHMAN. *Tom. V. resp. 4.* in causa fideicommissi B. a RECHBERG *n. 110. seq.* ubi ex iisdem rationibus fideicommissum perpetuum introductum fuisse evincitur, ac ex voce *männlicher Leibs-Erben* / testatorem de masculinitate sive sexu masculino cogitasse, satis apparere concluditur; nihil ad rem faciente, quod verbum *Lebens Erben* diversitatem aliquam innuat; id enim falsum esse erudite ostendit MATHIAS POLENIUS *ibid. Resp. 10. n. 149.* nimirum *τὸ Leibs* ad excludendos heredes transversales, solumque includendos descendentes in linea recta appositum fuit. Unde sequelam ducit, Georgium a Rechberg fideicommissum solum inter descendentes ordinare; ad collaterales vero id protendere non voluisse, idque ipsum *rat. XIII.* ex his verbis: *Leibs-Erben* confirmat. Confer. *ibid. rat. XXVII.* ibi: *und werden die Töchter ferner nicht zugelassen / dann im Fall beyde Söhne ohne Leibs-Erben abgiengen.* Item *n. 169.*

ver-



verbis: *non obstat igitur*, ubi postquam dixisset feminis masculos antepositos esse, quærit: *Quos autem masculos?* & responderet: *Solos descendentes per verba manifestissima recte männliche Leibs Lebens-Erben.* Vid. quoque illust. B. a LYNCKER *Resol. jurid.* 96.

(g) *L. cogi &c. in pr. §. & siquis tibi* BARTOL. n. 1. & 2. *L. ex facto §. fin.* & ibi ALEXANDR. n. ad SCtum Trebell. MANTIC. *de conject. ultim. voluntat. lib. 7. tit. 1. n. 24.* COTHMANN. *T. V. Resp. 4. n. 139. Tom. II. Resp. 8. n. 91.* HIPPOL. RIMINALD. *Consil. 544. n. 35. vol. 5.*

### Ad III.

Unde jam sponte sua concidunt, quæ ratione dubitandi tertia pro evincenda fideicommissi personalitate congesta fuere. Fallunt quippe ea omnia in fideicommissis familiarum illustrium, agnationis favorem respicientibus. Fallunt autem vel maxime in casu substrato, ubi testator Eusebius usus est verbis generalibus *Leibs-Erben* / & nomine colectivo, totam heredum seriem significatu suo complectente (h); ita ut, dum Alexandri descendentes masculos in infinitum fideicommissi vinculo ligatos asserimus, non ea verborum testamenti extensio, sed clara potius comprehensio dici mereatur: utut in causis fideicommissorum illustrium extensio etiam de persona in personam omnino locum sibi vindicet, si modo ad agnationem respexisse ordinantem pateat (i), intentione ordinantis tum magis, quam verborum proprietate attendenda (k). Quare cum in dispositione testamentaria Eusebii hanc testatoris mentem in aprica luce constituerimus: reliqua quoque adversæ sententiæ in eadem hac ratione dubitandi adducta argumenta corrumpere, quis non videt?

(h) Post RIMALDUM, JAC. MENOCHIVM, FRANC. BURSATUM, SURDUM, & alios COTHMANNUS *d. Resp. IV. n. 111. seq. late*, CONSIL. TUBING. *Tom. II. Conf. 11. ubi inter-*

minis fere terminantibus pro perpetuitate fideicommissi pronuntiant, & ad rationes in contrarium allatas solide respondent. Vid. inter rationes alias n. 16. verbis: Und wann der verstorbene Sohn eheliche männliche Leibs-Erben hinterlassen solte: So hat der Testator ferner gewollt / und verordnet / daß die quæstionirte Güter auf diese des Sohns eheliche männliche Leibs-Erben / *sine gradus distinctione* kommen sollten; quo ipso er wiederum seine *descendentes masculos*, quibus *agnatio conservatur*, & *propagatur*, & quidem, *uti dictum*, *sine omni gradus distinctione* ad hæc bona vocirt / und die Töchter / oder andere *feminas descendentes filii sui*, von der Succession der besagten Güter *excludirt*. Cujus nulla alia reddi potest ratio, quam amor & conservatio agnationis sue descendents, ac ut bona quæstionis in illa sint, & perpetuo maneant &c. & paulo post n. 19. Hæc inquam maxime procedunt in nostro casu, quo testator non tantum filios suos instituit, sed etiam illorum descendentes masculos, ihre eheliche männliche Leibs-Erben nondum in rerum natura existentes, atque sic sibi plane ignotos, exclusis non tantum propriis, sed etiam filiorum suorum filiabus, ac aliis descendens feminis; - certe ex nulla alia ratione, quam agnationis testatoris descendens conservanda gratia. Et ita porro.

(i) INGOLSTAD. apud COTHMANN. Resp. Tom. V. Resp. 5. n. 64. p. L. 2. C. Commun. de Legat. L. in Legatis C. de Legat. Item Resp. 4. n. 147. ubi multis auctoritatibus & legibus probatur, ex conjecturis probabilibus pro fideicommissis pronuntiandum esse. Atque ita in omnibus fere tribunalibus decusum fuit teste Rota Romana in causa Castrorum de 23. Maji 1635. coram Coccino &c. nec dici potest &c. ubi hæc opinio receptissima dicitur. Rota Avenionensis apud HIERON. & LAURENT. decis. 214. n. 11. & audientia Regni Lusitaniæ teste GAMMA decis. 224. n. 9. Similiter decusum Paduæ & Venetiis affirmante PEREGRINO Consil. 49. p. tot. Lib. 1. Consil. 47. n. 5. ad fin. Per Senatum Pedemontanum, ut videre est apud THESAUR. Decis. 96. n. 3. ubi testatur de receptissima DDorum opinione, subditque quod aliud vel le asserere sit subvertere & non interpretari testatorum voluntates, quod a viro bono alienum.

(k) L. non aliter &c. in pr. 69. n. de Legat. 3. KLOCK. Consil. Tom. IV. Consil. 9. n. 3. p. 153.

Ad IV.

Ad IV.

Majoris forte an ponderis erit, id quod ratione dubitandi quarta assertum fuit? Alexandri scilicet de Rhodis filiis, nullo ceteroquin fideicommissi onere gravatis, solas eorundem sorores, in casu extinguendæ cum hisce suis fratribus familiæ Rhodiæ, ipsisque sine heredibus masculis corporis e vita excessuris, substitutas fuisse, non ut nominati hi sui heredes in substitutione quoque comprehenderentur, sed ut in conditione saltem positi intelligerentur (l), eo sensu, quo supra explicatum fuit; atque ita heredibus masculis existentibus, & sic conditione negative adimpleta omnem substitutionis casum evanuisse, tam filiis, quam nepotibus aliisque posteris Alexandri liberrimo de bonis testamento Eusebii comprehensis disponendi arbitrio, & plena potestate relicta. Enimvero, uti neminem æqui bonique amantem, & qui vel limis oculis testamenti verba inspexerit, contortam adeo dispositionis testamentariæ interpretationem probaturum esse existimo: ita falsitatem hujus suæ sententiæ vel ex eo solo intelligere poterant adversarii, quod juxta concordem Jctorum doctrinam liberi, in conditione positi, tum saltem, si testatoris agnati aut cognati sint, in dispositione quoque positi intelligantur (m). Tunc enim, ut illustr. D. SAMUEL. de COCCEJ. (n) verbis utar, conjectura voluntatis vocati ex testamento videntur præ extraneis, sive substitutis, sive fideicommissariis, & testator intelligitur rogasse suum heredem, simulque cognatum, ut liberis hereditatem restituant. Cum enim fideicommissa etiam ex præsumpta testatoris voluntate eliciantur; & ita interpretatio fieri soleat: ut ex conjecturis quoque animus fideicommissum relinquentis colligatur (o), nulla magis rationi conveniens est conjectura, quam illa, quod testator proprias successiones alienis præferre voluisse videatur; legibus

hanc præsumptionem clare probantibus (p). Adeo autem hæc interpretatio voluntatis obtinet, ut liberi præferantur substitutis, licet in conditione plane positi non sint, sed testator simpliciter dixerit: si filius intra trigesimum annum moriatur, Cajus heres esto; quam conjecturam pietatis leges nuncupant (q), in favorem liberorum promptissimæ (r). Fideicommissio itaque gravati fuere filii Alexandri, sororum substitutarum fratres, ut liberis, seu, ut verba sonant, *heredibus suis legitimis masculis ex corpore* bona testamentaria relinquerent, tanquam in substitutione aperte positis. Quapropter cum verba: *Heredes ex corpore masculi legitimi*, *eheliche männliche Leibs Erben*: totam lineam descendantium complectantur; uti in antecedentibus in longum & latum deduximus: totam descendantium masculorum propaginem substitutam, consequenter omnes Alexandri posteros masculos fideicommissi vinculo ligatos fuisse, evidens est. In posterioribus nimirum verbis *im Fall aber* &c. repetitum velut, & uberius elucidatum, quod in antecedanea heredis Alexandri institutione, ibique adjecta fideicommissaria clausula: *also und dergestalten/ daß in berührten Gütern seine eheliche männliche Leibs Erben ihm succediren sollen*: dispositum jam fuerat, mente testatoris undique manifesta, quod scilicet agnationi Rhodiæ & descendantibus Alexandri masculis ante omnia prospectum, filiasque solum extincta stirpe mascula superstites in subsidium vocatas voluerit; quo ipso substitutionem filiarum tantum personalem fuisse liquido patescit. Sed cum conditio substitutionis femineæ adimpleta haud fuerit: hiſce diutius non immoror, genuinam testatoris & verborum testamenti mentem demonstrasse contentus.

(l) Ita DD Commun. p. L. 16. §. 1. π. de Vulg. subst. L. 1. §. 8. ad L. Falcid. L. 8. π. si quis omiff. STRUVE. Exercit. 32. Thes. 31. HOTTMAN. illust. Quæst. 9. 13. WISEMB. Disp. 57. ad tit. π. de Vulg. & Pupill. substit.

(m) L.



- (m) L. 85. π. de hered. Inst.
- (n) *Jur. Civil. Controv. Tom. II. Lib. 28. tit. 6. q. 19. p. 297.*
- (o) L. 64. de Leg. 2. L. 69. ad SCtum Trebell. L. 17. pr. cod.
- (p) L. 30. C. de fideicomm. L. 74. pr. ad SCtum Trebell.
- (q) L. 101. π. de Condit. & demonstrat.
- (r) L. 8. C. de Revoc. donat. ALCIAT. 1. Praef. 9.

Ad V.

Cum porro hoc ipso, quæ ratione dubitandi quinta de non inducendis ex conjecturis fideicommissis afferuntur, partim in fumum abeant; partim in fideicommissis familiarum illustrium juxta demonstrata (s) locum non habeant:

(s) Vid. *Supr. Rat. Decid. V. & IX.*

Ad VI.

In testamento Eusebii fideicommissum perpetuum ordinatum, nec ulli ex descendantibus Alexandri posteris masculis, donec fratres aut agnati, ab Alexandro sanguinem trahentes, superstites erunt, bona ab Eusebio relicta alienandi; aut de iis quacunque ratione extra familiam disponendi fas & integrum esse, indubio atque firmo veritatis robore consistit. Et sicuti perillustrem Rhodiorum profapiam in omne ævum floridam perennaturam summi Numinis bonitate confidimus: ita pro conservatione splendoris ejusdem sapienter ordinatam hancce fideicommissariam dispositionem.

*Nec poterit ferrum, nec edax abolere vetustas.*


OPUS-



# OPUSCULUM VIII.

## DE

### EO, QUOD JURE NATURALI CIR- CA VENATIONES JURIS EST.

§. I.  *O*minium rei definitio, quod sit jus, sive facultas, re aliqua sic utendi, atque abutendi, ut alius perinde eadem uti, atque abuti nequeat.

SCHOLION. Differunt nimirum inter se *uti*, atque *abuti re aliqua*. *Ut*imur re, quando salva ejusdem substantia utilitatem inde percipimus. *Abutimur* eadem, quando aut consumendo, aut immutando, aut disperdendo ipsam rei substantiam, eandem in usus nostros convertimus. Sic e. g. ædibus, atque fundis utimur; quoniam salva sua substantia utilitatem nobis præstant: abutimur contra frugibus, vino, oleo; eo quod, dum in usus nostros hosce fundorum fructus convertimus, ipsam eorundem substantiam aut prorsus absumamus, aut, quoad formam saltem essentialem, plane immutemus, aliamque speciem induamus. Ceterum usus vocabulum in sensu latiori hic accipimus, quatenus fruendi quoque facultatem includit; cum arctior alias usus notio necessitate, atque indigentia circumscripta esse dignoscatur.

§. II. *Dominium involvit jus excludendi alios ab usu, atque abusu rerum nostrarum.*

Pone dominium tale jus non involvere: jam nihil obstabit, quominus alii re nostra perinde atque nos pro lubitu utantur, & abutantur, uti per se patet. At vero hoc notioni dominii e diametro adversatur (§. I.). Jus igitur, alios ab usu & abusu rerum nostrarum excludendi, cum dominio necessario conjunctum est.

SCHO-

SCHOLION. Unde dominium recte quoque definiri poterat, *quod sit facultas de re cum exclusione alterius libere disponendi*. Alias aliorum domini definitiones, quæ aut incompletæ, aut abundantes plerumque sunt, non curamus. Communiter verba: *nisi lex vel conventio obsistat*, adjicere solent. Enimvero, quoniam, quæ lege naturali excluditur, de re disponendi facultas ad jura domini prorsus non pertinet; qui autem civili lege, aut conventionem eidem ponuntur limites, extrinseci, & nonnisi ex accidenti insunt: in regulas rectioris Logices peccare mihi videntur, qui terminis atque adjectionibus plane superfluis definitionem domini onerant. Quod domini usus, & exercitium neque legibus, neque pactis adversari debeat, per se patet, nec in definitione monere opus erat.

§. III. Quando in dominium transeunt res, physica in iis mutatio nulla contingit; bene vero moralis iisdem accedit affectio, seu adjectitia qualitas, ex jure seu facultate morali hominibus in easdem competente resultans; quæ id efficit, ut res in dominio existentes considerari possint tanquam diversæ ab illis, quæ qualitas ista non adhæret, quæque in dominio non existunt, sed vel nullius, vel communes sunt. Affectio hæc, seu qualitas moralis rei, ex dominio in eandem competente resultans, sive potius ipsum dominium, quatenus ut rei inexistentis consideratur, *proprietas rei* vocatur.

SCHOLION. Atque ita in aprico jacet, quid domini (§. I.), quid proprietatis (§. III.) nomine veniat, quæque inter duo hæc differentia sublit. *Dominium* scilicet de personis magis, *proprietas* de rebus, in dominio existentibus, potissimum prædicatur. Quoniam nihilominus utrinque eadem res denotatur: mirum non est, si promiscue hosce terminos Jcti accipiant, atque *dominium* & *proprietatem* pro synonymis habeant (a). Quod proprietatis verbum subinde etiam dominium directum, seu jus in ipsam rei substantiam competens significet, hic loci advertere nil attinet.

(a) HAHN ad WESENBEC. *Tom. II. Tit. de Acqu. Rer. Dom. not.*  
3. p. 271.

§. IV. *Res propria est, quæ in dominio existit (§. I.). Qui vero rem sibi propriam habet, proprietarius, item dominus audit.*

§. V. *A re in dominio existente alii jure excluduntur (§. II.), nec nisi domino eadem utendi, aut abutendi facultas competit (§. I.). Unde patet rem propriam ad dominium ita pertinere, ut eadem ratione ad alios non pertineat.*

§. VI. *Dominio opponitur communio rei, sive jus re aliqua sic utendi, atque abutendi, ut alius eadem utendi, atque abutendi perinde jure gaudeat.*

SCHOLION. *Sic in aere communionis jure fruimur; aere enim utendi, atque abutendi perinde omnes jure instructi sunt.*

§. VII. *Res communis dicitur, in qua communionis jura obtinent; sive qua utendi, atque abutendi uni non plus juris, quam alteri competit (§. VI.).*

§. VIII. *Quoniam in re communi nemo sibi plus juris, quam alter adscribere valet (§. VII.): res communis ita ad unum pertinet, ut ad alios eadem ratione pertineat.*

§. IX. *Atque inde ulterius confit, quod a rei communis usu aut abusu, saltem partiali, jure nemo excludatur.*

SCHOLION. *Intelligimus nimirum rem positive & actu communem, quæ utilitatem omnibus perinde præbere apta sit. An in præsentî rerum statu dentur ejusmodi res communes, & quæ tales sint: ex infra dicendis elucescet.*

§. X.

§. X. Res propriæ vel in singulorum dominio existunt, vel ad totius alicujus coetus atque corporis proprietatem pertinent. *Illæ dicuntur res singulorum. Hæ vero res publicæ, seu universitatis appellantur.*

§. XI. Res universitatis, seu corporis, ad singula universitatis, seu corporis membra æquali jure pertinent (§. X.). Horum intuitu igitur *res universitatis pro communibus recte reputantur (§. VII.).*

SCHOLION. Quod dixi, res universitatis ad singula universitatis seu corporis membra æquali jure pertinere: id cum grano salis accipiendum. Neque enim aut pacto, aut conventionem, aut observantia etiam inæquale communionis jus introduci repugnat.

§. XII. Porro res universitatis in dominio existunt totius coetus (§. X.), communes nihilominus singulis ejusdem membris (§. XI.). *Unde modo ut propriæ, modo ut communes considerari queunt.*

SCHOLION. Intuitu scilicet aliarum societatum atque corporum *propriarum*, intuitu vero membrorum ejusdem coetus *communium* jure censentur.

§. XIII. Quando usus rerum respective communium singulis societatis seu corporis membris haud patet, sed in societatem, seu corpus qua tale, directe redundat, atque ita singula ejusdem membra non nisi indirectam inde utilitatem percipiunt: tunc res *in patrimonio universitatis* esse dicimus. *In publico vero usu* sunt, quando singula societatis, seu universitatis, membra immediatam inde utilitatem hauriunt.

SCHOLION. Alias divisiones rerum respective communium, a diversitate societatum atque corporum desumptas, studio præmittimus. Neque enim universam de divisione & dominio rerum doctrinam exhaustire animus est. Id solum addo, quod, li-

cet ab usu rerum, in dominio publico existentium, alii, qui membra societatis non sunt, jure excludantur (§. XII.): usus tamen, & mores gentium pene omnium perhibeant, hæc quoad usum rerum, in dominio publico civitatis existentium, sæpe non ita stricte accipi; quin viarum, fluminum, portuum, riparum, atque litorum usus omnibus pateat. Quo sensu ejusmodi res juris gentium esse GROTIUS statuit (a).

(a) *De J. B. & P. Lib. II. Cap. 2. §. 12.*

§. XIV. Ea hominum conditio, qua introductis inter se rerum dominiis (§. I.) vivunt, dicitur *status proprietatis*, seu *dominii rerum*.

§. XV. Cum dominio jus, alios ab usu rei in dominio existentis excludendi, conjunctum est (§. II.). *In statu igitur proprietatis rerum homines sese mutuo ab usu, atque abusu rerum suarum excludendi jure pollent.*

§. XVI. Qui statui proprietatis opponitur *status communionis rerum*, ea hominum conditio vocatur, qua absque introductis rerum dominiis, rebus, æquali jure ad omnes spectantibus, vivunt (§. VIII.).

§. XVII. Ex eo, quod a rei communis usu jure nemo excludatur (§. IX.), *in statu communionis rerum nemini ab usu aut abusu rerum alterum excludendi jus esse*, facile colligimus.

§. XVIII. Conveniunt inter se res communes (§. VII.), atque propriæ (§. IV.), quod in utrisque jus utendi, & abutendi hominibus competens concipiatur, illinc omnibus commune (§. VIII.), hinc ad unum, aut paucos (§. X.) restrictum. Quatenus igitur utræque tam communes, quam  
propriæ



propriæ utilitatem hominibus præstant: eatenus *in bonis esse* non incongrue dicuntur. Res autem propriæ, quæ ad unum solum aut paucos pertinent (§. V.), & substantiam quasi eorundem absolvunt, *in patrimonio* præterea existunt.

SCHOLION. Aer. e. g. aut lumen solis non minus *in bonis* hominis est, quam fundus, aut prædium, quod jure proprietatis possidetur. Nec enim illa minus, quam hæc usibus hominum inserviunt: prædium tamen, quoniam ex supposito ejusdem utilitas ad unum aut paucos restricta est, præterea *in patrimonio* esse recte dicitur. Ceterum *in patrimonio esse* paulo latius hic sumitur, quam quando §. XVI. res respective communes alias *in publico usu*, alias *in patrimonio* societatis, seu corporis esse, diximus.

§. XIX. Ex dictis sequitur, *res proprias & in bonis, & in patrimonio existere; res autem communes in bonis quidem, non autem in patrimonio censeri* (§. XVIII.),

SCHOLION. Res, quæ in patrimonio nostro sunt, *pecuniam* Jcti vocant (a).

(a) L. 5. π. de V. S.

§. XX. A rebus in bonis, atque patrimonio nostro existentibus, id est communibus & propriis (§. XVIII.), differunt *res nullius proprie tales*; id est, quæ neque in dominio, neque in usu communi hominum sunt, esse tamen non implicat.

SCHOLION I. Tales sunt e. g. gemmæ in mari, a nemine adhuc occupatæ, aut repertæ. Has etenim in patrimonio non esse per se liquet (§. XVIII.): sed nec in bonis easdem esse, vel inde patet, quod usum nemini mortalium actu præbeant (§. eodem).

SCHOLION II. Porro, licet *res nullius proprie tales*, neque ad  
D d d 3 res

res proprias, neque ad res communes recte referantur, uti ex definitione earundem elucescit: quoniam tamen easdem suas faciendi regulariter omnibus hominibus æquale jus comperit, hinc communes a Jctis vocari non infrequens est: ita HUBERUS in *prælectionibus suis juris civilis* (a) ait: Igitur primo res communes sunt, quarum jus ex æquo ad totum genus humanum pertinet, non modo negative, sed etiam positive. Mox enim cum genere humano hoc jus natum & fundatum est. Sed res nullius plerumque vocantur, §. 5. in fin. h. t. quia in potestatem singularum non sunt redactæ; vel quia non possunt, ut aer, & mare; vel quia non contigerit, ut feræ, ut volucres &c.

(a) *Ad Inst. de Rer. Divis. §. 5.*

§. XXI. Alia est divisio rerum, quod sint vel *dominii capaces*, vel *dominii incapaces*. Illas dicimus, quæ in dominio esse non repugnant, sive actu jam propriæ sint (§. IV.), sive nullius, quas in proprietatem redigi non implicat (§. XX.). *Res dominii incapaces* sunt, quæ propriæ fieri plane respuunt.

§. XXII. Res dominii incapaces vel in bonis hominis sunt (§. XVIII.), vel in bonis nullius existunt. Illas dicimus *res communes proprie tales*, quales supra (§. VII.) definivimus, quæ quoad usum in bonis omnium, quoad proprietatem nullius in patrimonio sunt, quo intuitu etiam *res nullius* non raro a Jctis salutantur (a). Res dominii incapaces, quæ ne in bonis quidem hominis existunt, *res nullius stricte tales* nuncupantur.

SCHOLION I. Res nullius stricte tales citra legem positivam, si-  
ve divinam, sive humanam, vix dantur. Quæ enim ex lege naturali oritur dominii incapacitas, vix alia est, quam quod res  
usibus omnium sufficiat. Consequenter, ut communis maneat,  
optima ratio jubet.

SCHOLION II. Hæcque ideo paulo curatius enucleanda fuere;  
quo

quo omnem ab hisce terminis ambiguitatem removeremus, & quantum licet, ad fixum reduceremus. Nimirum si jus naturale spectemus, summa rerum divisio huc redit: quod aliæ sint *dominii capaces* (XXI.), aliæ *dominii incapaces* (§. eod.). *Dominii capaces* rursus vel *proprie* (§. IV.), vel *nullius proprie tales* (§. XX.), propter jus eas occupandi omnibus commune, *communes* etiam dictæ (§. eod. Schol. II.). Res propriæ denuo sunt vel *singulorum*, vel *universitatis*, seu *corporis*, (§. X.), quæ ad communes respective referuntur (§. XI. & seq.). Res *dominii incapaces* aut *communes* sunt, scilicet *absolute* & *proprie tales*, (§§. VII. & XXII.), aut *nullius strictè dictæ*, quales potissimum lege positiva efficiuntur. Ut alias jam divisiones rerum in *corporales* & *incorporales*, *mobiles*, & *immobiles*, & siquas alias jus naturale aut positivum suggerit, silentio prætermittamus.

(a) HEINECCIUS. *Instit. Lib. II. Tit. I. §. 325.*

§. XXIII. *Res inexhausti usus* vocantur, quæ sufficientem omnibus omni tempore utilitatem præstant: *exhausti* vero *usus* esse dicimus, quæ quibusdam saltem ad usus vitæ sufficiunt.

SCHOLION. Aer e. g. mare, atque aqua profluens *inexhausti* usus sunt; omnibus enim harum rerum usus sufficit. Fundi contra atque ædes nonnisi quibusdam ad necessitates & usus vitæ sufficiunt; hinc ad res *exhausti* usus recte referuntur.

§. XXIV. *Dominia rerum, in statu etiam naturali, quoad res exhausti usus, actu necessitatibus hominum inservientium, ex absoluta; quoad fundos vero & res limitati usus, alias ex hypothetica necessitate introducta fuere.*

SCHOLION. Demonstrationem propositionis hujus complexæ impræsens nullam addo. Ex systemate juris naturalis eadem repetenda; cum principia præponat longe plura, quam in specimine hocce stabiliri poterant. Interim veritatem ejusdem facile percipient, qui animo serio revolvent, res quamplurimas, usibus homi-

hominum inservientes, nonnisi ingenti labore, atque industria parari; quin nec ipsos agrorum fructus absque cultura & custodia haberi. Hæc artefacta, & parti labore fructus si communes relinquerentur omnibus: amplius hominibus otiosis, & fruges consumere natis, campus pateret, quo ex alieno sudore ignavam vitam traducerent; id quod iniquissimum esse nemo non pronuntiaturus est. Ut jam de continuis altercationibus, litibus, jurgiis, cædibus, aliisque incommodis longe plurimis, ex communione rerum in societate generis humani prono alveo consecuturis, nihil commemorem; sane ut emuncti judicii quivis, loco communionis (§. VI.), dominia rerum introducenda atque communi hominum consensu stabilienda fuisse, facile collecturus sit. Qui plenius de his, quæ diximus, convictus esse cupit, evolvere poterit HUGONIS GROTIJ. (a), PUFFENDORFII (b), CHRISTIANI WOLFFII (c), ULRICI HUBERI (d), aliorumque virorum celeberrimorum tractatus, in quibus de dominiorum origine penitus eruenda ex professo solliciti sunt.

(a) *J. B. & P. Lib. II. C. .2 §. 2.*

(b) *J. N. & G. Lib. IV. C. 4. §. 14.*

(c) *Moral. P. IV. C. 3. §. 88. seq.*

(d) *Digress. Lib. IV. C. 11.*

§. XXV. Juri itaque naturali omnino consentaneum est, ut, quantum ad res exhausti usus attinet, homines in statu proprietatis (§. XIV.), neutiquam vero in statu communionis rerum (§. XVI.) vitam degant.

§. XXVI. Causas dominii dicimus, ex quibus intelligimus, cur, & quomodo res aliqua dominii capax in proprietatem atque dominium transeat.

SCHOLION I. De causis dominii efficientibus necessariis sermonem hic esse per se patet; ex his enim proprie, cur res existat, concipimus.

SCHOLION II. Quin & illud monendum, causas dominii hic in abstracto, non vero in concreto considerari; cum alias quoque ho-

homines ad causas dominii efficientes referendi forent; utpote quos & subjecta dominii, & causas proprietatis rerum esse, constat.

§. XXVII. Quoniam ex causis dominii, cur res aliqua in dominio existat, intelligimus (§. XXVI.); iisque positum dominium quoque, seu proprietas, rei ponitur; *causae dominii ejusdem determinantia recte salutantur* (a).

(a) L. B. de WOLFF *Ontol. P. I. Sect. II. C. 2. §. 114.*

§. XXVIII. Id, ex quo intelligimus, cur res aliqua in dominium transire, & propria fieri nequeat, *impedimentum dominii* vocatur.

§. XXIX. Res dominii incapax est, quæ in dominio existere nequit (§. XXI.). *Impedimenta igitur dominii rem dominii incapacem reddunt* (§. XXVIII.).

§. XXX. Quod res in dominio esse nequeat, vel ex intrinseca rei natura, vel ex lege est. Primo casu *impedimenta dominii physica*, altero casu *legalia*, seu *moralia*, vocamus.

SCHOLION. Physica dominii impedimenta moralia ut plurimum impedimenta post se trahunt. Quam enim rem per naturam suam, meam facere non possum, eam quoque regulariter lex naturalis in proprietatem redigere vetat. Dominium e. g. in aerem, aut lumen solis physicam implicantiam involvit. Sed nec salvis naturæ legibus eorundem proprietatem quempiam sibi adscribere posse, facile conficitur.

§. XXXI. Neque illud obscurum, cum leges aliæ sint naturales, aliæ positivæ, impedimenta dominii, alia esse *juris naturalis*, alia *positivis legibus* suam debere originem.

SCHOLION. Quænam in specie sint impedimenta dominii ex se-  
E e e quæ-



quentibus, ubi de causis dominii plenius disquisiverimus, elucescet.

§. XXXII. Dominium, seu proprietas, rebus essentialis non est, sed extrinsecus saltem accedit (§. III.); necessario tamen introducenda (§. XXIV.): & cum indeterminati nihil in hocce mundo existere queat (a), quid, quantumque cuivis in individuo proprium esse debeat, determinandum fuit. Hæc individualis determinatio, seu dominii assignatio, neque per ipsam rerum naturam, neque etiam immediate a Deo facta fuisse dignoscitur. Licet enim Deus homini in prima statim creatione facultatem dederit non solum in vegetabilia, sed & in animantia in coelo, terra, ac mari nata (b): quas tamen harum rerum, & quantum quilibet in individuo possidere, sibi que proprium habere debeat, nullibi divina lege cautum legimus. *Facto igitur hominum opus fuit, quo, quid quantumque pro necessitate, ac indigentia quilibet sibi proprium esse vellet in individuo determinaretur.* Factum hocce liberum, consequenter morale esse, nemo ambigit. *Legi igitur cuidam conforme sit, necesse est.* Neque enim actio hominis libera in individuo indifferens concipitur.

(a) L. B. de WOLFF *Ontol. P. I. Sect. III. Cap. 2. §. 226.*

(b) *Genes. I. 28. 29.*

§. XXXIII. Unde duo sunt, ex quibus *dominii, seu proprietatis* rei individualis existentiam concipimus; *factum* scilicet *hominis*, & *lex*, cui factum istud conforme instituitur. Factum illud dominii acquisitivum *Modus*, lex vero *Titulus* vocatur. *Modus* recte definitur, quod sit factum, ex quo intelligimus, quomodo res individualis, dominii capax, propria fiat: *Titulus* vero, quod sit lex, ex qua moralitas, seu non repugnantia modi cum recta ratione concipitur.

§. XXXIV.

§. XXXIV. Lex efficit, ut actui alicui existentiam largiri, aut non largiri valeamus. *Titulus igitur, ut modus existere queat, efficit.*

§. XXXV. Titulus atque modus rationem continent, cur res individualis in dominio existat, atque propria fiat (§§. XXXII. & XXXIII.). *Causas itaque dominii (§. XXVI.), easque efficientes, sufficientes (a), & necessarias esse, apparet.*

(a) L. B. de WOLFF *cit. l. P. II. Sect. III. C. 2. §§. 886. & 897.*

§. XXXVI. Cumque positis causis efficientibus sufficientibus, effectum quoque poni necesse sit (a): *posito titulo atque modo dominium quoque poni, evidens est.*

(a) Perill. WOLFF. *ibid. §. 898.*

§. XXXVII. Ulterius inde confit: *titulum & modum esse determinantia dominii & proprietatis rerum individualium (§. XXVII.).*

§. XXXVIII. Porro quoniam modus ex titulo intelligitur (§. XXXIV.): *titulus modum præcedit. Unde modus dominii causa proxima; titulus ejusdem causa remota non immerito audit.*

§. XXXIX. Titulus jus seu facultatem tribuit, vi cuius per-factum dominii acquisitivum rem nostram faciamus (§. XXXIII.). Quare, cum ambo, tam titulus, quam modus dominii causæ sint (§. XXXV.): *illum causam juris, hunc causam facti salutabimus (a).*

(a) Vid. KOEHLER, *Exercit. J. Nat. VII. §. 1511.*

§. XL. *Absque titulo nulla intelligitur, nec procedit domini acquisitio.*

Titulus est causa efficiens (§. XXXV.), & condeterminans necessarium domini (§. XXXVI.) Absque causa efficienti constitutiva, & determinante necessario existentia causati, seu effectus non concipitur (a). Absque titulo igitur acquisitio domini nulla intelligitur.

*Aliter.* Pone absque titulo dominium acquiri. Dabitur igitur factum morale liberum absque lege, seu norma morali (§. XXXII.); quod absurdum.

**SCHOLION.** In aerem e. g. aut universum oceanum ut dominium introducatur, nulla lex, nullus titulus concipitur. Unde nec aer, nec oceanus facto aliquo hominis in proprietatem venire poterunt. Neque obstat, quod præscriptionem longissimi, & immemorialis temporis absque titulo procedere] Cui statuant (b); id enim de titulis domini acquisitivis ordinariis, & præscriptioni extrinsecis, neutiquam vero de titulis ejusmodi præscriptionibus propriis intelligendum. Eo ipso enim, quod præscriptionem longissimi & immemorialis temporis justum domini acquirendi modum esse admittis: titulo quoque eandem justo & proprio subniti, largiari necesse est.

(a) L. B. de WOLFF *Ontol. P. II. Sect. III. C. 2. §. 898.*

(b) L. 8. §. 1. *C. de Præscript. 30. vel 40. ann.*

HEINEC. *ad π. P. VI. §. 223.*

§. XLI. *Nec sine modo dominium cuipiam acquiritur.* Demonstratio eodem modo procedit, quo in propositione antecedenti (§. XL.). Est enim modus perinde ac titulus causa domini efficiens, & determinans necessarium (§§. XXXV. & XXXVII.), quo sine dominium, aut proprietas rei in individuo nulla concipitur (§. XXXVI.).

*Aliter*

*Aliter.* Quodsi absque modo procederet dominii acquisitio; solus titulus cum aliis etiam communis plenam rei proprietatem tribuere aptus foret; nec quidpiam obstaret, quo minus e. g. gemmarum in oceano latentium, a nemine hætenus occupatarum, dominum se quisquam venditaret. Id quod absurdum esse nemo non perspicit.

**SCHOLION I.** At vero his valde obflare videtur, quod saltem de jure positivo dentur acquisitiones dominii ex lege (a), in quibus modus, seu factum hominis, dominii acquisitivum nullum concipiatur, &, siquod forte superveniat, id mere per accidens sit. Enimvero hæc veritatem propositionis, a nobis demonstratæ, minime feriunt. In ejusmodi namque dominia acquirendi modis voluntas legislatoris factum dominii acquisitivum supplet; aut potius loco personarum acquirentium explicat. Sicut, juxta mox dicenda, solo consensu dominia ab uno in alium recte transferuntur: ita mirari non debemus, si, dum publica id ratio suadet, voluntas legislatoris eundem effectum habeat, atque certis in casibus sola legis virtute dominia ab uno in alium transeant; quale quid in successione ab intestato offendimus.

**SCHOLION II.** Veritas harum propositionum (§§. XL. & XLI.) eo apparebit evidentius, si modo perpendamus, quod de certitudine atque justitia dominii acquisiti aliter constare nequeat, nisi mediante ratiocinio, cujus *major* propositio est titulus justus dominii acquisitivus; *minor* propositio modus, seu enunciatio, factum dominii acquisitivum in casu dato rite & in conformitatem tituli fuisse perpetratum; ex quibus deinde *conclusio* de dominio actu, legitimeque acquisito inferatur. Sic demonstraturus, se gemmæ, in mari repertæ, atque occupatæ factum fuisse dominum, ita ratiocinatur:

*Titulus.* Qui rem nullius, dominii capacem, occupat: is ejusdem rei fit dominus.

*Modus.* Hæc gemma fuit res nullius, dominii capax, eamque facto meo occupavi.

*Dominii existentia.* <sup>ergo</sup> Gemmæ hujus factus fui dominus.

Ecc 3

Quodsi

Quodsi aut titulum, aut modum abesse ponas: conclusio amplius de dominio vere acquisito inferri nequit; uti ex regulis logicis notum est (b). Aut igitur dominium nullum: aut legitimis idem ex causis (§. XXX.), scilicet titulo & modo prævio acquiri, concedas opus est.

(a) HEINECC. *ad π. P. VI. §. 167. in not.*

(b) Conf. KOEHLER. *J. N. Exercitat. VII. §. 1511.*

§. XI II. *Dominium acquiritur originarie*, quando primum in rem nullius (§. XX), domini capacem, (§. XXI.) introducitur. *Derivative idem acquiritur*, quando dominium, quod penes unum jam existit, transfertur in alium.

SCHOLION. Unde, quæ acquisitio domini originaria, quæ derivativa sit, facile intelligitur. Derivativa ideo dicitur, quod dominium ab uno ad alium quasi derivatur & propagatur.

§. XLIII. Omnis domini acquisitio & titulum, & modum præponit (§. XXXII. seq.). *Tam originarias igitur, quam derivativas domini acquisitiones neque titulis neque modis suis destitui, patet.*

§. XLIV. *Titulus domini acquisitivus originarius est lex*, ex qua intelligitur, quod in rem nullius, domini capacem, dominium, seu proprietas, introduci valeat.

§. XLV. *Titulus acquirendi dominium originarius hac propositione absolvitur:*

*Rem nullius, domini capacem, suam facere licet.*

Res nullius in dominio non existit (§. XX.); domini tamen



tamen ex supposito capax est (§. eod.). Quando igitur in proprietatem redigitur, nullius jus læditur; nec, quo minus propria fiat, impedimentum subest (§. XXVIII.). Nil igitur prohibet, quo minus rem nullius, domini capax, nostram faciamus. Propositio, sive lex, ex qua intelligimus, quod rem aliquam modo legitimo nostram facere possimus, titulus (§. XXXIV.); &, siquidem in rem nullius dominium introducit, originarius (§. XLIV.) dicitur. Unde hanc propositionem titulum domini originarium absolvere, liquet.

§. XLVI. Porro, quoniam hæc propositio ad res nullius quascunque, accedente facto, seu modo domini acquisitivo, suas faciendas sufficit: *eandem titulum originarium universalem, atque unicum esse apparet.*

§. XLVII. *Titulus acquirendi dominium derivativus est propositio, sive lex, ex qua concipimus, quod dominium ab uno in alterum iuste transferatur.*

§. XLVIII. *Titulus acquirendi dominium derivativus generalis hac propositione absolvitur:*

*Dominium rei ab uno in alium facto, sive spontaneo, sive invito, transferri, non implicat.*

Dominus qui est, de re sua libere disponit (§. II.). Quidni igitur dominium quoque rei suæ in alium libere transferat? siquidem rem suam alienandi potestas haud postremum inter jura domini locum occupat. Sed nec invito etiam domino pro re nata rei suæ dominium adimi, & in alium transferri juri naturali adversatur: id quod vel sola justitia occupationis bellicæ, & præscriptionum æquissima  
jura

jura sat superque testantur; ut proinde tituli a nobis asserti veritate dubium nullum supersit.

SCHOLION. Titulos derivativos speciales, translationum scilicet domini pactitiarum, dispositionum testamentariarum, successio-  
num ab intestato, præscriptionum, occupationum, quæ bello  
justo fiunt, aliarumque, quæ vel cum ipsis rerum dominiis na-  
tæ, vel juris civilis fœtus sunt, ulterius jam non prosequimur;  
cum perspecto titulo domini derivativo generali (§. XLVIII.)  
nullo negotio eruantur. Neque enim alia re opus est, quam ut  
possibilitatem, seu non repugnantiam, per unum ex prædictis  
modis rem alterius nostram faciendi, adstruamus; hoc ipso  
namque de titulo satis constat. E. g. in jure naturali indubiis  
argumentis solo pacto, seu declaratione animi seria, de re  
nostra alterius facienda, subsecuta hujus acceptatione, transferri  
dominium evincimus. At vero hoc ipso titulus in aprico ja-  
cet; cum nihil desideretur amplius, quam ut possibilitatem at-  
que æquitatem hujus modi propositione universali, scilicet: *So-  
la animi declaratione seria dominium rei nostræ in alium accep-  
tantem transferri*, enunciemus. Atque idem dicendum de cæ-  
teris.

§. XLIX. Titulis domini acquisitivis sui modi re-  
spondent (§. XXXII. seq.). Perinde igitur, ut tituli (§.  
XLIII.), ita modi alii sunt *originarii*, alii *derivativi*. Illos di-  
cimus facta, ex quibus intelligimus, quomodo res nullius,  
dominii capaces, actu in dominium nostrum transeant.  
*Hi*, scilicet *modi acquirendi derivativi*, sunt facta, ex quibus  
concipimus, quomodo res ex dominio unius, actu in do-  
minium, sive proprietatem alterius transeat.

§. L. *Ad modos acquirendi derivativos refero I. transla-  
tionem domini pactitiam, sive seriam animi declarationem, a do-  
mino factam, se velle, ut dominium rei, quod penes ipsum reside-  
bat, jam penes alium acceptantem resideat.*

Do-

Dominium enim in jure consistit (§. I.): nec proprietas aliud quidpiam est, quam ipsum dominii jus, quatenus ut rei cohærens consideratur (§. III.). Quapropter, cum nihil magis naturale sit, quam ut jura, quæ in animo præcipue consistunt, sola animi declaratione in alium acceptantem transferantur: dominium rei sola animi declaratione seria in alium acceptantem transferri, evidens est.

§. LI. *Quin igitur a potiori II. traditio, eadem animi intentione facta, eundem effectum habeat, dubium non est.*

SCHOLION. Quando itaque leges civiles solum paciscentium consensum, utut serium, ad dominium acceptanti tribuendum sufficere negant (a): id ex jure positivo est; neque ita jure naturali obtinet (b), quod modum dominii translativum pactitium, tanquam maxime naturalem, in immobilium præprimis translatione vel maxime probat. Cave tamen legislatores Romanos oscitantæ ideo, aut imprudentiæ arguas. Cur enim in translationibus dominiorum pactis nudis, id est, traditione ipsius rei non stipatis, eam vim adimerent, causas habuere gravissimas: neque meliori ratione infinitis litigiis obviare, aut imprudentibus rerum suarum moderatoribus efficacius consulere poterant. Sed hæc ad prudentiam legislatariam pertinent, nec hujus loci sunt.

(a) L. 20. C. de Pactis.

(b) HuG. GROTIJ. *J. B. & P. Lib. II. C. VI. §. 1 & 2.* HUBERUS, *Digress. Lib. IV. Animadvers. C. XVI. per totum.*

§. LII. *In eundem censum venit III. testamentaria de rebus suis dispositio, seu declaratio seria, quem quis post mortem rerum suarum velit esse dominum.*

SCHOLION. Veritas hujus modi, licet hic demonstrari nequeat, iisdem tamen, quæ translatio pactitia, fere fundamentis subnititur: &, utut intra vitæ humanæ terminos sese continere videatur de rebus nostris disponendi facultas: ea nihilominus ratio-

ne a genere humano introducenda fuisse dominia rerum, ut effectus eorundem ultra vitæ se se protenderent, naturali juri omnino consentaneum esse, alibi solide evinco (a). Quidni igitur acceptans res defuncti heres actu earundem dominium acquirat?

(a) Prælect. J. naturalis, mox lucem visuris *L. III. Sect. III. C. 7.*

§. LIII. *Huc pertinent IV. successiones ab intestato. V. acquisitiones domini per usucapiones, & præscriptiones. VI. occupationes bellicæ, alique modi, quibus alios, invitos etiam, dominiis rerum suarum juste exuimus.*

SCHOLION I. Neque hosce modos acquirendi derivativos extra systema juris naturalis demonstratos damus. Siquid tamen dubii circa eorundem veritatem cuipiam animo sedeat: illud omne suo loco, & tempore dissipabimus.

SCHOLION II. Cognitæ præterea sunt acquisitiones domini *ex lege*, quibus ipso jure, sola legis efficacia, & absque facto accedente alio dominium acquiritur. Enimvero, cum summæ potestatis civilis effectus potissimum sint: impræsens, ubi intra campum juris naturalis nos continemus, de iisdem penitus dispicere superfedemus. Adeat, cui volupe est, celeberrimi SAM. BRUNQUELLII eruditam dissertationem, *de acquisitione domini ex lege*, ubi modos acquirendi dominium civiles plerosque solide enodatos offendet.

§. LIV. *Modus acquirendi originarius unicus est.* Modus acquirendi sine titulo nullus (§. XXXII. seq.). Quare, cum titulus domini acquisitivus originarius non nisi unicus sit (§. XLVI.): nec modum acquirendi originarium nisi unicum esse, patet.

§. LV. *Apprehendere rem est eandem in potestatem suam redigere; hoc est, efficere facto aliquo suo, ut rem, quæ antea nullius omnibus patuit, jam solo nostro nutu at-*  
que

que arbitrio gubernare, regere, tractare, & adversum alios defendere valeamus. Unde, quid sit *apprehensio*, obscurum non est; scilicet actus, quo rem in potestatem nostram redigimus.

SCHOLION. Id tamen velim teneas, *in potestatem suam redigere* non ita crude, & stricte accipiendum esse, quasi singulas rei partes manibus contingere, aut alia ratione inclusas in perpetua velut custodia tenere debeamus. Ita enim res paucissimæ plene in potestatem nostram redigi; aut in eandem redactæ servari valerent. Laxius itaque, & cum effectu quodam juris idem intelligendum, ita ut in ordine ad dominii effectus nobis tribuendos sufficiat, si actu quodam corporali in re nullius, dominii capaci, exercito, e. g. rem nullius contingendo, eidem insistendo, limites designando, agros colendo, & factis similibus manifestum faciamus, nos eandem ita penes nos velle existere, ut penes alios ita non existat; quodque solis nobis cum exclusione aliorum jura dominii in eadem adscribamus. Hac ratione insula nullius in potestatem nostram redacta esse reputabitur, quamprimum pedem in eadem fixerimus, aliisve signis rem illam dominio vacuam amplius censendam non esse, declaraverimus.

§. LVI. *Occupatio* est factum, quo rem nullius, dominii capacem, animo eandem nostram faciendi, apprehendimus (§. LV.).

§. LVII. Rem nullius, dominii capacem, optimo jure nostram facimus (§. XLV.). Quare, rem nullius, dominii capacem, occupantis fieri dubium non est (§. LVI.). *Est igitur occupatio modus acquirendi originarius (§. XLIX.), isque unicus (§. LIV.).*

SCHOLION. De occupatione in genere, quæ occupationes alias, ceu species, sub se comprehendit, hanc propositionem intelligendam esse, per se patet.



§. LVIII. Occupatio absque apprehensione nulla (§. LVI.). Quare, cum apprehendere sit rem in potestatem suam redigere (§. LV.): *qui rem occupat, eandem in potestatem suam redigat, opus est.*

SCHOLION. Dubium moveri poterat, cur, cum solo domini consensu, accedente alterius acceptatione, dominium transferri supra (§. L.) evicerimus, non idem in occupatione originaria obtineat, ita ut solo, rem nullius suam esse volentis, animo res occupata, & in dominium redacta esse censeatur. Enimvero magna inter duo hæc disparitatis ratio subest. Qui rei suæ dominium in alterum transfert, de re ipsi jam pleno jure quæsitæ, & arbitrio ipsius subjecta (§. I.) disponit. De existentia igitur dominiis nulla, sed solum circa ejusdem translationem oriri potest. Quæ cum probari facile queat: (ipsa enim consensus, de re sua in alium transferenda, declaratio facti esse dignoscitur) inde resultantia incommoda tanti non erunt, aut inter paucos saltem vertentur. Econtra in occupatione originaria de introducendo in rem nullius dominio agitur. Quod si solo animo fieri posse ponas: jam incerta & litibus obnoxia erunt omnia, pluraque ex dominio, quam ex ipsa rerum communione (§. XXIV.) oritura erant incommoda; uti consideranti obvium esse debet. Quare animo, de re nullius sua facienda, factum aliquod facile demonstrabile, id est apprehensio, & in potestatem redactio accedat, necesse est. Siquidem dominia introducere voluere homines, eos in iis introducendis & transferendis modos servare voluisse censendi sunt, quibuscum pax & concordia inter homines subsisteret, quique non plurium molestiarum & litium, quam ipsa rerum communio, feraces forent. Atque hoc principium probe velim advertas; cum inde pleraque dominiis jura hypothetica prono alveo consequantur.

§. LIX. Apprehensio, seu in potestatem redactio, non adeo stricte, sed cum effectu quodam juris sumitur (§. LV. Schol.). *Qui igitur rem nullius universim apprehendit, singulas quoque ejus partes apprehendisse quo minus censeatur, nil obstat.*

SCHOLION I. Qui e. g. fundum nullius occupat, non opus habet, ut singulas arbores, singulas glebas, herbas, lapides &c. speciali actu corporali apprehendat; sed sufficit, si fundum universum actu quodam corporali in potestatem suam redegerit, ut, quas diximus, res omnes tanquam fundi partes, & accessoria occupasse censeatur.

SCHOLION II. Quid autem, & quantum in re individuali occupata actu suum facere, consequenter apprehendere quis velit: id quoad res dominii capaces omnino arbitrarium, & occupantis libertati relictum est, qui modo plura, modo pauciora in re occupata jura dominii sibi adscribit; prout aut instituta totius alicujus populi ferunt, aut privatis quilibet utilitatibus suis id expedire judicat; id quod ex circumstantiis specialibus facile colligitur. Sed de his latius infra.

§. LX. *Ut res apprehensa dicatur, manibus eandem, & actu corporis immediato præcise contrectari opus non est.*

Res apprehensa esse intelligitur, quando actu quodam corporali effecimus, ut eandem pro nutu, & arbitrio nostro regere, jura dominii in eadem exercere, & adversum alios defendere valeamus (§. LV.). Enimvero hæc omnia per instrumenta, & machinas efficere possumus; nec opus præcise est, ut ipsi rei immediate præsentem, actu pariter corporis immediato & physico eandem contrectemur, vel ipsa quotidiana experientia teste. Quapropter, ut res apprehensa dicatur, eandem actu corporis immediato contrectari necesse non est.

SCHOLION. Hinc recte HUBERUS (a): *apprehensione quando jus occupandi definimus, non eam manibus vel actu immediate corporali duntaxat definimus: instrumentis quoque, velut retibus & laqueis aque commodè perfici potest.* Et HUGO GROTIUS (b): *sed possessio illa potest acquiri non solis manibus, sed instrumentis, ut decipulis, retibus, laqueis &c.*

(a) *Digress. Lib. IV. C. XVII n. 2.*

(b) *J. B. & P. Lib. II. C. VIII. §. 4.*

§. LXI. Atque inde duplicem concipimus rei nullius apprehensionem; aliam scilicet *immediatam*, quæ fit actu corporis immediato; aliam *mediatam*, seu *instrumentalem*, quæ fit actu corporis mediato per machinas nostras, & instrumenta, opera nostra posita.

SCHOLION. Sic, quando gemmam nullius in litore maris inveniam, manibus prehendemus, *apprehensio corporalis*: quando autem cervum nullius, sclopeto elonginquo prosternimus, *apprehensio instrumentalis* dicetur.

§. LXII. *Occupatio absque titulo nulla est, nec esse potest.*

Occupatio est modus acquirendi (§. LVII.). Modus acquirendi absque titulo nullus est, nec esse potest (§§. XXXII. XXXIV. & sequ.). Quare nec occupatio absque titulo ulla erit; aut concipi poterit.

SCHOLION. Ut occupatio procedat, atque occupanti dominium tribuat, res occupabilis sit necesse est. At vero talis sine titulo esse nequit. Quamprimum titulum tollis, ipsum jus occupandi simul tollitur. Ecquis autem sine jure occupandi occupationem effectum suum sortiri, & acquisitionem dominii operari diceret? Quod si sine titulo, id est jure (§. XXXIX.), occupatio procedit: nil amplius obstat, quo minus quis res alienas, id est, in alterius jam dominio existentes, occupatione suas faciat; quod nemo sanus dixerit.

SCHOLION II. De occupatione, proprie sic dicta, quæ actu dominium occupanti tribuat, præsens theorema intelligendum esse, non est, quod moneam.

§. LXIII. Per occupationem dominium in rem aliquam introducit (§§. LVI. & LVII.). Enimvero in res do-

dominii incapaces dominium introduci nequit (§. XXI.).  
*Rerum igitur dominii incapacium occupatio nulla est.*

SCHOLION. Idque tam de rebus physice, quam moraliter (§. XXX.) tam jure naturali, quam positivo (§. XXXI.) dominii incapacibus procedit; cum omnis titulus dominii acquisitivus rem dominii capacem supponat; uti ex ipsa tituli notione manifestum est (§. XXXII. seq.).

§. LXIV. *Res inexhausti usus (§. XXIII.) sunt dominii incapaces.*

Res inexhausti usus sufficientem usum omnibus hominibus præstat (§. eod.). Absque ratione igitur faceret, qui alios a rei inexhausti usus excluderet; quin potius in jure suo perfecto eosdem læderet. Salvis igitur justitiæ legibus in res ejusmodi dominium introduci nequit. Enimvero, quando ipsa justitiæ lex, & naturalis æquitas dominium in rem aliquam introducere vetat: impedimentum dominii legale adest (§. XXX.). Quod cum rem dominii incapacem efficiat (§. XXVIII.): res inexhausti usus dominii incapaces esse liquet.

SCHOLION. Adde, quod rem inexhausti usus physice etiam ut plurimum in dominium redigi repugnet.

§. LXV. Inde confit, quod rerum, usum inexhaustum omnibus præstantium, tanquam dominii incapacium (§. LXIV.) nulla sit occupatio (§. LXIII.), consequenter nec dominii acquisitio (§. LVI.).

SCHOLION. Occupationem intellige totalem; pro partibus enim minutis, & in usum præsentem venientibus, res inexhausti etiam usus proprias fieri non implicat.

§. LXVI. *Rerum occupari prohibitarum nulla est occupatio, nec dominii acquisitio.*  
Res

Res occupari prohibitas occupandi, suasque faciendi jus nullum concipitur; etenim, quos leges actus improbant, eosdem suscipiendi facultas moralis non est. Enimvero in jure occupandi, & facultate rem nullius apprehensione propriam sibi faciendi, titulus dominii originarius consistit (§§. XLIV. & XLV.). Res igitur occupari prohibitas occupandi, suasque faciendi titulus nullus prostat. Quapropter, cum absque titulo neque occupatio (§. LXII.), neque dominii acquisitio procedat (§. XL.): patet propositionis assertæ veritas; neque res occupari prohibitas occupans in dominium suum rediget.

SCHOLION. Atque hæc de jure naturali indubio veritatis robore consistunt; nec quempiam facile adversarium experiemur. Quas enim res jus naturale occupare, & in dominium redigere vetat: eas intrinseca dominii incapacitate laborare nullo negotio evincitur. Quare nullam earundem occupationem, aut dominii acquisitionem esse constat (§. LXIII.). Sed nec prohibitionum, quæ sunt legibus positivis, alius effectus est; modo, qua intentione legislator, quamque ob causam rei cujusdam occupationem prohibuerit, discernas: an nimirum id voluerit, ne in dominio plane existat, sed nullius maneat; id quod inde colligere licet, quod ipsa rei acquisitio, & in dominio existentia publicis civitatis commodis & juribus repugnet, neque cum communi bono recte consistere valeat: an vero non tam ipsa rei in dominio existentia, & proprietatis in eandem introductio, quam actus, per quos ea introducitur, publico, & civitati noxia sit, consequenter non tam illam, quam hos legislator vetare voluerit. Casu hoc posteriori dominii acquisitio, si res ceteroquin dominii capax sit, non impediatur, sed factum solum, contra leges admissum, promerita poena coercebitur: bene vero priori, cum alias finis legis, & mens legislatoris effectum suum, qui est, ut res dominio sit vacua, non consequeretur. Idem igitur hoc casu erit, ac si naturali res dominii incapacitate laboraret; &, siquidem ob publicam utilitatem ea prohibitio facta, non minori vinculo subditos stringet. Ita si summus Imperans communis utilitatis & jucunditatis gratia prohibeat, ne lusciniæ capiantur, & in do-

minium



minium a quocunque redigantur : apparet , non tam actus , quibus in proprietatem rediguntur , quam ipsam lusciniarum in dominio existentiam improbari. Occupans igitur lusciniam , stante ea prohibitione legis , suam eam non faciet ; sed eam libertati naturali quocunque tempore restituere obligabitur , vi a legislatore , ubi opus , adhibita , ut hoc juris , aut legis illius vim nullam esse , statuas oportet (a). Cogita ex adverso lege publica prohiberi , ne fraga in sylvis colligantur ; forsan quod aut gramina devastentur , aut sub hoc prætextu ligna auferantur : acquisitionem ipsam fragorum non improbari , sed introitum solum in sylvam inhiberi constat. Quare fragorum collectores eorundem dominos fieri nil obstat : licet propter transgressionem legis aliis poenis affici queant (a).

(a) Confer. ZIEGLER *de Fur. majest. Lib. II. Cap. 14. §. 24.* allegans ANT. de PADILLA *ad L per agrum C. de servitut. & aqua.* ubi *in f.* addit : *Sed est tamen istorum interdictorum recepta hac explicatio, ut ex nuda prohibitione simul dominii acquisitio exclusa censeatur, idque Principi vindicetur &c.*

§. LXVII. Quoniam porro occupatio non est , nisi rerum nullius ( §. LVI. ) : multo minus rem , alterius in dominio existentem , occupando suam facere integrum erit.

§. LXVIII. Unum tantum , vel paucos , res quasdam dominii capaces intra definitum districtum cum exclusione aliorum occupandi , titulo instructos esse , non implicat.

Quo minus jus aliquod privative , & cum exclusione alterius habeatur , atque exerceatur , contradictionem nullatenus involvit ; quin contrarium quotidiana experientia docet , & vel ipsa dominii jura , in re nostra privative nobis competentia , abunde testantur. Pone dari res nullius , dominii capaces , quas per certos districtus occupandi , jura , perinde ut dominia rerum ( §. XXIV. ) , propria fieri , & privative uni vel paucis adscribi variis ex causis expediat ; pu-

ta, quod, in ordine ad res illas habendas, custodia & cultura opus sit; quod instrumenta & machinæ, in locis illis figendæ & struendæ; aut quod communio juris, ubilibet locorum ejusmodi res occupandi, eadem, quæ communio rerum exhausti usus aliarum incommoda post se trahat: hoc sane supposito nulla solida assignari valet ratio, quare jus, res ejusmodi occupandi, unus vel pauci, ad instar rerum aliarum, sibi proprium facere, & quasi in dominium redigere nequeant, iisdem hic, quæ pro dominio militant, rationibus pugnantibus. Quapropter, cum in jure, res ejusmodi dominii capaces suas faciendi, titulus consistat (§. XXXIII.): titulum res quasdam dominii capaces in certo districtu privative, & cum exclusione aliorum occupandi, penes unum, aut paucos residere nullatenus implicat.

SCHOLION I. Nil igitur obstat, quo minus gemmas in certa fluminis parte legendi, aut aurum in definito terræ tractu effodiendi jus privative aliquis sibi adscribat. Perinde sane, ut rerum dominii capacium proprietas, ita exclusiva aliorum hujus juris possessio possibilis censenda est; præsertim si nullius inde jus actu acquisitum lædatur. Neque magis qui ab auro hoc casu, & gemmis occupandis excluduntur, conquerendi causam habent, quam ii, qui introductis in res dominiis, ab eorum usu & abusu jure arcentur. Cumque in limitibus suis circumscriptis tractibus privativæ horum jurium possessioni locum saltem faciamus: considerari ea poterunt tanquam dominii effectus; utpote quod ipsum non nisi in juribus consistit (§. I.). Ut taceam, quod simili quodam jure fructus fundorum nostros faciamus. Licet enim regeri hic posset, fructus, ut primum nascuntur, dominio nostro subjici: idem tamen de rebus, quas occupandi privative jure gaudemus, similiter asseri posse infra solide demonstraturi sumus. Hæc privativa juris occupandi assertio cum demum iniquitatem saperet, si ad totam rei speciem, e. g. ad omne aurum, aut ad omnes gemmas ubicunque locorum, in mari vel terra latentes, se se protenderet. Verum, cum ad certos

tos districtus idem restrinxerimus: iisdem, quæ dominia rerum singularum, æquitatis & justitiæ rationibus subnititur.

SCHOLION II. Ceterum, qua ratione, quoque modo titulus ejusmodi privativos ad unum vel paucos pervenire queat, jam non disquirimus. Tam occupatione originaria, quam conventionem, sive expressa, sive tacita eorum, quorum interest, idem posse fieri facile liquet. Pone incolas insulæ cujusdam, quibus conjunctim sumtis alios quoscunque a juribus in eadem exercendis excludendi facultas est, uni vel paucis cum exclusione aliorum metalla effodiendi, atque per occupationem sua faciendi potestatem facere: hoc casu unum illum, vel paucos, ex conventionem metalla privative sua faciendi titulo gaudere evidens est. Pone ex adverso, in prima statim insulæ occupatione in certo quodam districtu unum vel paucos idem jus sibi adserere: non minus certe hoc, quam priori casu, alios ab occupationem metallorum excludendi facultas ipsis competet; cum alios in re occupabili, & privative possideri non repugnante, præveniendi nequaquam lasisse dici possint. Veritatem hujus propositionis enixius adstruere ideo necessarium duximus, quod sequentium multarum fere basin & fundamentum constituat.

§. LXIX. *Complete res in dominio existit*, quando prævio titulo justo actu in dominium redacta esse dignoscitur. *Incomplete autem rem aliquam propriam, sive in dominio esse dicimus*, quando actu quidem & quoad modum propria nondum facta; titulus, tamen eandem propriam faciendi, penes unum privative residet (§. LXVIII.).

SCHOLION I. Complete igitur in dominio nostro existunt fundi & agri, quos prævio titulo justo, modo dominii acquisitivo legitimo nostros fecimus. Incomplete dominio nostro subjecta sunt metalla, quæ in certo districtu privative effodiendi, & in proprietatem nostram redigendi jure gaudemus.

SCHOLION II. Cave tamen, *incomplete*, & *in actu primo in dominio existere*, unum idemque reputes. In actu primo, seu potentia in dominio existunt res nullius, dominii capaces qualescunque: incomplete vero quæ in dominio existunt, pro parte jam propria sunt; cum titulus in dominium eadem redigendi jam ita penes unum sit, ut penes alium perinde non existat (§§. V, & LXIX.).

§. LXX. *Res ab uno tantum, aut paucis occupabiles incomplete jam, & remote in dominio existunt.*

Duæ sunt dominii causæ, ex quibus ejusdem existentia concipitur (§. XXXIII.). Ut res propria evadat, solitarie neutra sufficit, sed utraque concurrat opus est (§. eod. & sequ.). Quodsi ponas rem ab uno tantum, aut paucis occupabilem esse: unum illum vel paucos titulo eandem suam faciendi, consequenter causa efficiente dominium determinante una privative instructos esse apparet (§§. XXXVI. & XXXVII.). Incomplete igitur jam in dominio existit (§. LIX.).

Porro, quoniam titulus causa dominii remota dicitur (§. XXXVIII.): rem ab uno, vel paucis occupabilem remote jam in dominio existere, evidens est.

SCHOLION. Unde in specie etiam exempli, a nobis (§. LXIX. Schol. I.) allegati, veritas elucescit; id quod in sequentibus de feris, in certo districtu ab uno vel paucis occupabilibus, luculentis argumentis confirmabitur.

§. LXXI. Res nullius, quoad titulum, omnibus communes; quoad proprietatem, nullius in patrimonio censentur (§. XX. Schol. II.). Enimvero res ab uno tantum, vel paucis occupabiles, licet quoad proprietatem completæ, & mediante occupatione actu acquisitam, neminis adhuc esse dici queant: ratione tituli tamen privative uni vel paucis competentis in dominio (§. LXX.), consequenter unius jam, vel paucorum esse constat. *Res igitur ab uno tantum, vel paucis occupabiles nullius esse dici nequeunt (§. XX.).*

SCHOLION. Scilicet ut cum effectu alterius fieri queant (§. XXXIV.), sicuti notio rerum nullius insinuat. Ita e. g. aurum intra definitos limites ab uno vel paucis occupabile minus recte nul-

nullius esse dicitur; utpote quod, quoad titulum, proprium jam esse dignoscitur. Ac proin falsa omnino reputanda Doctorum sententia, qui non obstante privativa illa tituli possessione vel quasi, rem nihilominus nullius esse statuunt; consequenter talem, quæ accedente facto occupatio, a quocunque explicato, propria fieri non implicet. Quos hic error errores alios generaverit, ex sequentibus palam fiet.

§. LXXII. *Res ab uno tantum, vel paucis occupabiles ab alio, quam qui eas occupandi jure gaudet, occupatæ, occupantis non fiunt.*

Occupatio non est, nisi rerum nullius (§. LVI.). Enimvero res ab uno tantum, vel paucis occupabiles non sunt res nullius (§. LXXI.). Ex supposito enim uni vel paucis quoad titulum jam propriæ sunt. Quare nec occupatio ab alio, quam qui eas occupandi titulo instructus est, facta, occupanti dominium tribuet.

*Aliter.* Sicut acquisitio domini (§. XL.), ita occupatio absque titulo nulla (§. LXI.). At vero rem ab uno, vel paucis occupabilem præter unum illum, vel paucos nemo occupandi titulo gaudet (§. LXVIII.). Præter hos igitur, si quisquam eandem occupet, minime eam suam faciet (§. LXII.).

SCHOLION. Quod si igitur in fundo, in quo privative metalla effodiendi jure polleo, alius metalla, animo etiam ea sua faciendi, effoderit: nihilo magis ea in dominium suum rede gisse censetur.

§. LXXIII. *Quin potius res ab uno tantum, vel paucis occupabiles ab alio occupatæ ejus fient, qui eas occupandi privative jure gaudet.*



Qui ad rem ab uno tantum, vel paucis occupabilem occupandam accedit: moraliter, & salvis alterius juribus alio animo factum illud occupatitium suscipere nequit, quam ut rem illius faciat, qui privative eandem occupandi jure instructus est; uti per se patet. Quodsi de facto alium animum induat, & rem sibi acquirere cogitet: contraria ea voluntas, & prava animi affectio, utpote juri adversa, desideratum acquisiti dominii effectum minime producet; prout ex alio etiam fonte modo demonstravimus (§. LXXII.). Quapropter ex ipsa obligatione legis, & dictamine rectæ conscientiæ occupans rem ab uno tantum, vel paucis occupabilem, illius, vel eorum eam fecisse reputandus est, qui privative eam occupandi jure gaudent. Et cum eorum, queis titulus ille privativus competit, plerumque intersit, ne res, cum injuria licet, occupata rursus dimittatur; uti in casibus specificis facile demonstrari posset; unus ille, vel pauci suam eam rem factam fuisse suffragante optima æquitatis ratione censebunt.

SCHOLION I. Perinde, ut damnum alteri dans, invitus etiam, & retinente licet voluntate, ex naturali obligationis vinculo ad damni dati refarcitionem adstringitur: ita a pari, licet occupans rem, quam unus tantum jure occupare valet, animum eam suam faciendi habeat, nihilominus eam privativi tituli possessoris faciet; cum effectum hujus occupationis legitimum contraria sua voluntate tam parum evertere queat, quam fur rem alterius auferendo verum dominum rei suæ dominio exuere potis est. Invitam potius ejusmodi occupans privativo tituli domino quasi operam navat, uti ait PUFFENDORFIUS (a), & ministri involuntarii, ratione consequentiæ tamen & effectus, necessarii vicem subit.

SCHOLION II. Crassum proin rursus errorem errant, qui rem ab uno tantum, vel paucis occupabilem occupantis fieri; nec ejus, qui eam occupandi titulo gaudet, dominio subjici contendunt: in quem errorem male perspecta dominii indoles eos de-

deduxisse videtur. Ceterum, quando dixi: alios rem ab uno, vel paucis occupabilem occupantes nonnisi animo eandem privativi tituli domini faciendi ad occupationem accedere posse: non eo velim verba interpretare, quasi justum hocce factum pronuntiem. Utut enim animus alteri suum intervertendi desit: in jura tamen aliquatenus ejusdem adhuc injurius est, qui sine consensu & voluntate privativi tituli possessoris ad rem occupandam accedit, nec turbatoris notam, aut pœnam defugiet.

(a) *J. N. & G. Lib. IV. C. V. §. 7.*

§. LXXIV. Quodsi igitur rem ab uno, vel paucis tantum occupabilem occupans detineat: *rem alienam detinet*; si consumat: *rem alienam consumit*; si in alios transfert: *rem alienam transfert*; si perdat aut destruat: *rem alienam perdit aut destruit*.

§. LXXV. Porro, cum domino rem suam a quocunque possessore vindicandi facultas competat; & si restitui nequeat, ejus resarcitionem in simili sibi fieri jure postulet: patet, eum, qui solus rem occupandi titulo instructus est, si alius invito eo eandem occupaverit, tanquam rei istius effectum dominum (§. XXXVII.) eandem non solum ab occupante, sed a tertio quocunque possessore vindicare, & si quamcunque ob causam restitui nequeat, damni dati resarcitionem in simili repetere.

SCHOLION. Alios hujus dominii effectus recensere supersedeo, cum ex ipsa proprietatis & dominii natura facile eruantur: insequentibus tamen, ubi de venatione specialius disquisituri sumus, enucleatiores eos dabimus.

§. LXXVI. Ad occupationis species refertur quoque *Venatio*, quæ, quatenus est modus acquirendi originarius, definitur, quod sit factum, quo fera animalia nullius, animo ea nostra faciendi, apprehendimus (§. LVI.).

SCHO-

SCHOLION I. Animalium mansuetorum nullius non tam venatio, quam inventio esse dicitur. Quod si tamen acciderit, ut, quæ nos mansueta animalia vocamus, feram naturam induerint; aut plane necdum exuerint: horum quoque animalium, supposito quod nullius sint, venatione acquiri dominia cur dicamus nil prohibet.

SCHOLION II. Venationis vocabulum subinde etiam jus venandi, sive titulum, animalia fera sua faciendi; subinde ipsos actus physicos, qui in investigandis, persequendis, & capiendis feris suscipiuntur, denotat: quo sensu intelligendus JULIUS CÆSAR (a), quando de Germanis ait: *Vita omnis in venationibus, atque in studiis rei militaris consistit*; item, hoc sensu venationibus nos delectari dicimus, &c.

(a) *De bello Gallico Lib. VI. C. 21. p. m. 159.*

§. LXXVII. Cum autem tria potissimum sint animalium ferorum genera, scilicet terrestria, quæ & reptilia, volatilia, & aquatica; hinc tres quoque venationis species constituunt: nimirum *venationem in specie ita dictam*, quæ est occupatio animalium nullius terrestrium, sive ferarum, in specie ita nuncupatarum; *aucupium*, sive occupationem animalium nullius volatilium; & *piscationem*, seu occupationem piscium, qui nullius esse dignoscuntur.

SCHOLION. Quæ inter tres hasce venationis species differentia occurrit, fere in actibus physicis, seu modis diversis, quibus fera animalia apprehenduntur, consistit; quoad jura parum aut nihil interest. Hinc, quæ de feris in specie ita dictis demonstraturi sumus, ad pisces quoque & aves trahenda erunt.

§. LXXVIII. *Feræ, pisces, & aves nullius esse dicuntur*, quæ neque actu propriæ sunt, nec ab uno tantum, vel paucis occupabiles existunt (§. LXVIII.); *in dominio nostro completo* esse dicimus, quæ facto quodam dominii acquisitivo in potestatem nostram redactæ (§. LXIX.); *incomplete nostræ* sunt,

sunt, quas occupandi, nostrasque faciendi privative titulo instructi sumus (§. eod.).

§. LXXIX. *Feras, pisces, atque aves nullius (§. LXXVIII.) occupando nostras facimus.*

Res nullius, dominii capaces, fiunt occupantis (§. LVII.). Unde *idem quoque de feris, piscibus, & avibus nullius*, (utpote dominii capacibus) *dicendum erit.*

§. LXXX. Porro ex eo, quod qualitatem rei nullius res non exuat, nisi aut actu in dominium redigatur, aut uni vel paucis eandem occupandi jus competat (§. LXXVIII.); rei autem nullius occupationem (§. LVI.), & dominii acquisitionem (§. LVII.) neque ad locum, neque ad tempus adstrinxerimus: patet, *occupantem rei nullius, ubicunque & quandocunque apprehensæ, fieri dominum.*

§. LXXXI. *Feræ igitur, pisces, & aves nullius (§. LXXXVIII.), alieno licet in fundo occupatæ, nostræ fiunt (§. LXXX.).*

§. LXXXII. Prohibitio occupationis effectum acquisitionis dominii tum demum impedit, quando prohibens aut ipsum occupandi titulum prorsus perimit (§. LXVI. Schol.); aut privative sibi, & cum exclusione alterius iustis ex causis adscribit (§. LXVIII. & infra §. CI.): neutiquam vero, si non acquisitionem dominii, quam actus, queis mediantibus ad eam devenitur, intermitti velit (§. LXVI. Schol.) prohibens. Unde patet, *quod feras, pisces, & aves in fundo alieno occupando adhuc nostras faciamus, etiamsi dominus ob causas, titulum ipsum non perimentes, fundi ingressum prohibuerit.*

SCHOLION I. Tales causæ e. g. sunt, quod ejusmodi occupatio fructibus & satis, herbis & graminibus noxia sit; quod aratro subacti agri conculcentur; aut aliud damnum domino fundi ex actibus in venatione suscipi solitis immineat. Harum neutra obstat, quo minus alienum fundum contra prohibitionem ingrediens, feramque prosternens suam eandem faciat. Arcere quidem ingredi molientem, vi etiam, sicubi opus est, adhibita poterit fundi dominus, & si venandi gratia ingressus damnum dederit, ejusdem resarcitionem via legitima repetere integrum ipsi est: at vero feram captam, in hypothese præsentis, occupanti sub prætextu, quod propria effecta non sit, nullo jure auferet. Conferantur, quæ supra (§. LXVI. Schol.) de rebus occupari prohibitis edisseruimus.

SCHOLION II. Quoniam juxta mores, & instituta populi Romani feræ, pisces, & aves non inclusæ, sed in libertate sua naturali vagantes nullius esse reputabantur (a); neque etiam rempublicam, aut privatos fundorum possessores privativum easdem occupandi titulum sibi adscripsisse constat: mirum non est, quod secundum jus Romanum occupans feram, piscem aut avem, in actuali alicujus dominio non existentem, sive in proprio, sive in alieno, suam fecerit (b). Ad res enim, ut diximus, nullius proprietates (§. XX. Schol. II.), consequenter occupabiles (§. LVI.) pertinere. Quod an Germanorum moribus perinde obtineat, & an hæc Romanorum placita ad statum præsentem Germaniæ quadrent, & cum effectu applicari queant: de eo suo loco discipiemus. Id interea ex dominii & proprietatis, in fundos competentis, indole facile conficitur, quod dominis ingressum in fundos alios prohibendi jus fuerit, adversum eos, qui prohibitionem spernerent, actione injuriarum (c), quin, si damnum insuper dederint, actione legis Aquiliæ (d) comparata.

(a) §. 12. *Instit. de Rer. Div.* ibi: *quod enim ante nullius est, id naturali ratione cedit occupanti.*

(b) §. *eod.* verbis: *nec interest, feras, bestias & volucres utrum in suo quis capiat, an in alieno.*

(c) L. 13. *in fin. π. de injuriis.*

(d) L. 27. §. 5. *π. ad L. Aquiliam.*



§. LXXXIII. Absque apprehensione porro cum nulla intelligatur rei occupatio (§§. LVI. & LVIII.): *ut ferae bestiae occupatione nostrae fiant, apprehensione opus esse constat.*

§. LXXXIV. Apprehensio alia fit actu corporis immediato, alia mediato, seu instrumentis (§. LXI.). *Fera igitur animalia nullius, non solum apprehensione corporis immediata, verum etiam mediata, sive instrumentali nostra fiunt.*

§. LXXXV. Cui consequens est, quod laqueis, decipulis, retibus, sclopetis, cassibus, similibusque instrumentis peraeque atque manibus, feras, pisces, & aves apprehendamus (§. LV.), actuque in potestatem nostram redigamus (§. eod.).

SCHOLION. Quin ex eo, quod animalium ferorum regulariter ea natura sit, ut conspectum hominum, interque eos versari defugiant: vix alia feras occupandi, apprehendendique, quam per instrumenta, via prostat. Ac proin cum recta ratione neutiquam consistit illorum sententia, qui ad id, ut fera nostra dicatur, actuali manuum contrectatione & apprehensione corporis immediata opus esse existimant (b).

ULR. HUBERUS *Prælect. J. Civil. ad Instit. tit. de R. Divis. n.*

<sup>21.</sup>

HUGO GROTIUS *de J. B. & P. Lib. II. C. 8. §. 4*

(b) Illustr. BERGER. *Dissert. de J. venandi feras §. 25.*

§. LXXXVI. Trajectus itaque, atque prostratus telo, aut sclopeto nostro cervus, aliave fera bestia, nullius dominio subiecta, ante actualem etiamnum apprehensionem manibus factam, nostra est.

Sequitur hæc propositio ceu corollarium ex §§. LXXXIV. & LXXXV. . Apprehensam siquidem, & in potestatem nostram redactam esse hoc casu feram, dubium non est (§.

cod). Enimvero rei nullius, dominii capacis, animo eam nostram faciendi apprehensæ, dominium consequimur (§§. XLV. & LVII.). Unde feræ sclopeto nostro, aut telo prostratæ, antequam eandem manibus contrectemus, & dum e longinquo adhuc jacet, dominium nos consequi apparet.

§. LXXXVII. Porro, cum a re nostra occupanda, aut surripienda alios mediis competentibus jure arceamus; raptam & ablatam repetamus; a tertio vindicemus; si restitui nequeat, in simili ut damnum resarciatur, postulemus: patet, *quod a cervo, aliave fera telo, aut sclopeto nostro prostrata occupanda alios vi justa arceamus; ablatam, raptamve optimo jure repetamus; a tertio vindicemus; denique, si restitui nequeat, ut a fure, aut raptore damnum in simili nobis sarcitur, summe equitatis ratio postulet.*

§. LXXXVIII. *Retibus nostris irretita fera, nostra est.*

Coincidit demonstratio cum demonstratione §. LXXXVI.; retibus etenim irretita fera opera nostra in eum statum redacta est, ut potestatem amplius nostram, & manus effugere nequeat. Perinde igitur, ut cervus sclopeto trajectus, & prostratus, in dominium nostrum pervenisse reputabitur.

§. LXXXIX. Consequens est, *quod, qui retibus nostris irretitam feram aufert, rapit, consumit, alienat, aut in libertatem dimittit: rem non suam, sed nostram auferrat, rapiat, alienet, consumat, atque in libertatem dimittat; ac proin recte a quocunque vindicetur; si restitui nequeat, in simili damni resarcitio petatur (§. LXXXVII.).*

SCHOLION I. Quibuscum fere consentiunt, quæ PROCULUS, (a) in casu plane simili consultus respondit: *Summam tamen hanc esse puto, ut, si (aper) in potestatem meam (loquitur autem de casu, quo laqueo se se irretiverat) pervenit; meus factus sit: sin autem aprum meum ferum in suam naturalem laxitatem di-*

*dimisisset; eo facto meus esse desisset, & actionem mihi in factum dari oportere. Et plane ex mente hujus legis ULR. HUBERUS (a): Quare, qui aprum laqueo, per alium posito, harentem abstulit, cum non facit suum, sed, si aper ita fuit irretitus, ut expetere se nequivisset, tum, qui laqueum posuit, pro domino habetur, & in id, quod interest, adversum eum, qui feram dimisit, agere potest.*

**SCHOLION II.** Supponimus itaque feram ita fuisse irretitam, ut extricare se non potuerit. Quid? ergone, qui intricatum aprum aliamve feram, de qua dubium erat, num se extricata fuisset, in libertatem dimisit, nullam sui facti pœnam feret? nec ad interesse domino retium tenebitur? Si jus naturale spectemus, utique etiam hoc casu ad damni probabiliter dati, ex regulis probabilitatis definiendi, restitutionem obligabitur: in civitate judicis ea res arbitrio committetur, qui spectata dimittentis malitia & dolo, & perpensis probe circumstantiis specialibus ex æquo litem dirimet.

(a) L. 55. π. De acquirend. rer. domin. sub finem.

(b) Praelect. jur. civil. Inst. Tit. de R. Divis. n. 21. Item Digress. L. IV. C. 17. n. 2.

§. XC. Quoniam pro avibus, quæ in retia, decipulas, caveas, aut laqueos inciderunt, item pro piscibus, quos cassibus aut nassis intercepimus, eadem prorsus rationes militent: idem quoque de his animalium ferorum generibus dicendum veniet; *quod scilicet hisce casibus dominio nostro subiecta sint.*

**SCHOLION.** In contrariam hic nonnulli sententiam abeunt (a), & non solum feras, per retia & instrumenta venatoris illaqueatas, sed & aves nostris laqueis comprehensas, & inventas, item pisces in retibus, cassibus & nassis captos, occupatoris, non domini retis, seu cassium, fieri statuunt, ea haud dubie ratione moti, quod ferarum apprehensionem nonnisi manibus, & actu corporis immediato perfici crederent. Enimvero, cum contrarium supra (§§. LX. LXI. LXXXIII. & LXXXIV,) abunde a nobis

evictum fuerit : iisdem refutandis non insistimus; præsertim cum ipsam praxin & consuetudinem, ubivis fere locorum receptam, refragentem habeant (b).

(a) Vid. allegatos in GEORG. MOHR *tractatu de f. venando* P. I. C. VII. n. 1. seq.

(b) Idem *cit. l. n. 5. seq.*

§ XCI. *Feræ in vivario, & sylva circumsepta inclusæ nostræ sunt.*

Vivario conclusæ feræ in potestate nostra sunt; pro lubitu siquidem capi, prosterni, atque in usus nostros converti valent (§. LV.). Quapropter, cum modo præterea domini acquiritivo legitimo, originaria scilicet occupatione, aut acquisitione translativa in vivarium pervenisse supponantur: in dominio easdem nostro existere (§. XXXVI.), consequenter nostras esse, evidens est. *Quod erat primum.*

Sylva circumsepta a vivario nonnisi magnitudine differt. Quid enim aliud sylva circumsepta, quam ingens quoddam vivarium? Quare, cum vivario comprehensæ feræ nostræ sint, juxta demonstrata: idem quoque de feris sylva circumsepta, animo eas sibi habendi, inclusis dicendum erit. *Quod erat secundum.*

SCHOLION. Dissentit quoad sylvam circumseptam ex JCto PAULIO (a) NERVA filius: *Sed eos pisces, qui in stagno sunt, aut feræ, quæ in sylvis circumseptis vagantur, a nobis non possideri; quoniam relictae sunt in libertate naturali.* Atque hanc PAULI sententiam de jure etiam naturali veram esse pronuntiat HUBERUS (b) JCtus alias limati judicii; hac ratione, quod ad id, ut res aliqua nostra dicatur, apprehensam eam esse oporteat, sive manibus, sive instrumentis, quorum neutrum ab eo, qui sylvam circumsepsit, factum sit. Eandem ex eadem ratione cum HUBERO sententiam fovet PUFFENDORFIUS (c). Verum enimvero ego  
discer-

discernendum esse putem, quo quis animo sylvam suam cinxerit; an, ut ne promiscuus in sylvam aditus pateat; ne gramina conculcentur; ne feræ in sata & fruges grassentur: an autem, ut feras sylvæ conclusas dominio & potestati suæ subjiceret sylvæ dominus; utque pro arbitrio easdem capiendi, & in usus suos, si-ve necessitatis, si-ve jucunditatis convertendi facultas foret. Si primum: vera omnino est Pauli sententia; cum ferarum occupatio, quæ sine animo rem sibi habendi non consistit (§. LVI.), nulla sic facta esse intelligatur; consequenter quoad dominium libere in easdem introducendum, in libertate sua naturali relictae sint, utut physica iisdem libertas ademta sit. Sin alterum supponas, quæ etiam theorematis nostri, & ex mente commentatorum JULII PAULI hypothesis est: liceat mihi pace tantorum virorum in adversa HUGONIS GROTII castra secedere (d). Instrumentis æque ac manibus apprehensionem & occupationem fieri posse, ipse HUBERUS non abnuic (§. LXIX. in not.). At vero quis sepem, quis murum, quo sylvæ cingitur, instrumenta esse neget, quæis mediantibus feræ apprehendantur (§. LXXXIV. & LXXXV.), & in potestatem nostram redigantur? Quare, qui sylvam suam muro, pariete, aut sepe munit, supposito titulo habili, & animo, feras in eadem vagantes suas faciendi, utique earundem dominium acquirit, ac proin neque morali amplius, neque physica, quod omnes largiuntur, libertate fruuntur. Neu me omnia fallunt, sylvam circumseptam ex priori destinatione intellexit JCTus, consequenter cujus dominus de feris suis faciendis ne cogitarit quidem; eoque intuitu vivarium a sylvæ circumsepta cum cura discernit.

(a) L. 3. §. 14. De acquir. vel amitt. Possess.

(b) Digress. Lib. IV. C. 18.

(c) F. N. & G. Lib. IV. C. 6. §. 11.

(d) F. B. & P. Lib. II. C. 8. §. 2. ibi: *pisces non minus stagno privato includuntur, quam piscina; & feras non minus coercent sylvæ bene circumseptæ, quas Anglorum & Græci vocant: nec alio hac differunt, quam quod altera angustior, altera laxior custodia est.*

§. XCII. Ex eadem prorsus ratione pisces in piscinis, stagnis & lacubus, item aves in ornithotrophis, e. g. phasianis, in phasianotrophis nostris vagantes, nostri sunt.

SCHO-



SCHOLION. Quoad stagna, & lacus dissentiunt iidem, uti ex allegata legis verbis colligerelicet. Verum iisdem quoque armis vincuntur; cum, ut GROTII allegata modo (§. XCI. not. d.) verba mea faciam, pisces non minus stagno privato, quam piscina includantur: ad destinationem tamen, & animum domini hic quoque attendendum esse, per se patet.

§. XCIII. Qui igitur feras e vivariis & sylvis circumseptis (§. XCI.), pisces e piscinis, stagnis & lacubus, aves ex caveis, & ornithotrophiis (§. XCII.) aut vi, aut clam auferunt; consumunt; vel foras emittunt: non suas, sed res nostras auferunt, aut emittunt, ac proin omnia ea juris erunt, quæ supra (§. LXXV.) adversus rerum nostrarum invasores, & raptores licita esse pronuntiavimus.

SCHOLION. De poenis adversus ferarum & piscium fures, raptores, & turbatores in republica constituendis amplior dicendi campus in Opusc. IX. de eo, quod jure publico universali circa venationes juris est, suppeditabitur.

§. XCIV. Fera nullius, lethaliter a nobis vulnerata, aut ita mutilata vel lassata, ut effugere amplius nequeat, nostra est.

Fera eo, quo diximus, modo vulnerata, lassata, vel mutilata, opera nostra in eum statum redacta est, ut evadere amplius nequeat, sed dispositioni potius & arbitrio nostro plene subjecta sit. Quæ enim in eadem persequenda, & manibus arripienda adhuc facienda restant, in censum vix veniunt. Apprehensa igitur intelligitur (§. LV.). Quare, cum apprehensio rei nullius, animo eandem suam faciendo, apprehendenti dominium tribuat (§. LVI.): eum, qui feram lethaliter vulnerat, vel ea, qua diximus, ratione mutilat, aut lassat, ejusdem fieri dominum apparet.

SCHOLION. De Cervo lassu lex Salica Tit XXXVI. ita loquitur; Si quis cervum lassum, quem alterius canes moverunt, &  
in-

*involaverit, aut celaverit: DC. den. qui faciunt solidos XV. culpabilis judicetur. Siquis aprum, quem alieni canes moverunt, & adlassaverunt, occiderit, vel furaverit: DC. den. qui faciunt solidos XV. culpabilis judicetur.* Porro ex dictis, atque demonstratis satis liquet, juri & æquitati naturali apprime consentaneum esse TREBATII sententiam, qui de fera vulnerata idem nobiscum juris esse statuit (a). Nec praxi aliud observatur (b); licet JUSTINIANO contraria magis sententia placuerit (c), his haud dubie inducto rationibus, quod difficulter constet, utrum fera lethaliter vulnerata, aut ita, ut effugere amplius nequeat, mutilata, lassatave sit, nec ne. Quare, ut infinitis litigiis circa has quæstiones facti orituris ansam præscinderet, feram vulneratam posterioris occupantis fieri, generali lege in republica sciendum esse ratus est. Quæ tamen JUSTINIANI sanctio non ita crude intelligenda, quasi feram etiam, post inflictum vulnus statim procumbentem, posterior occupans suam fecerit. Etenim enormiter adeo a juris naturalis tramite deflexisse Imperatorem vix verosimile est. Miror proin illustrem BERGERUM (d) hanc posteriorem sententiam suam facere voluisse; ex ratione, quod non nisi reali captione in feras dominium acquiratur. Etenim, si per realem captione non nisi eam, quæ manibus fit, intelligit: falso omnino supposito innititur, quando instrumentis & machinis eam captione (§. LXXXV.), & domini acquisitionem æque ac manibus perfici posse, abunde evictum dedimus (§§. LXXXIV. & LXXXV.). Quid dubio existente vulnere, vel mutilatione jus naturæ doceat: infra (§. XCVI. Schol. II.) notabimus.

(a) §. 13. *Inst. de Rer. divis. L. 5. §. 1. π. de Acquir. Rer. Dom.*

(b) *Gloss. ad d. L. naturalem §. §. 1. π. d. Acquir. Rer. Dom.*

SCHILTERUS *exercitat. ad π. XLV. d. tit. §. 5. HARPPRECHT*

*ad d. §. Inst. n. 86. ibique allegati DD.*

(c) §. *cod. Inst. & d. L. 5. §. 1.*

(d) *Dissert. de F. venandi feras §. 25.*

§. XCV. *Feram lethaliter vulneratam, aut ita, ut effugere amplius nequeat, mutilatam vel lassatam, soli vulnerantes, mutilantes, vel lassantes cum exclusione aliorum persequendi jure gaudent.*

Etenim feræ in eum statum opera nostra redactæ, nost-

ræ sunt (§. XCIV.). De rebus nostris pro arbitrio disponendi, easque cum exclusione aliorum arripiendi jure gaudemus (§. I.). Quin igitur feras lethaliter vulneratas, &, ut hypothesis sonat, mutilatas vel lassatas, persequendi, privative nobis jus competat, dubium non est.

*Aliter.* Ex hypothesis theorematis certum est, feram longe fugere, aut saltem evadere, nisi casu prorsus extraordinario, non posse. Eodem ergo res recidit, ac si fera in ipso loco, ubi percussa fuit, procubuisset: nec alio hæc differunt, quam quod paulo longius in nostro, quam in altero casu in ordine ad feram manibusprehendendam progredi necessum habeamus. Enimvero feram instrumentis nostris, & armis prostratam soli, cum exclusione aliorum, arripiendi jure gaudemus (§. LXXXVII.). Ergo idem quoque in casu præsentis de feris vulneratis, lassatis, & mutilatis juris esse statuendum erit; cum *persequi feram*, nil aliud, quam ad eandem manibus apprehendendam gressum movere, significet.

SCHOLION. Nec praxis & observantia abhorret. Consuetudine pene universali privativum hocce persequendi jus receptum esse, testantur allegati modo AA. Confer. GEORG. MOHR, in *cit. tractatu de f. venandi* (a), ubi ait: *receptum esse inter saltuarios, & venatores, ut liceat feram bombardæ sphaera, seu globo ictam, & vulneratam, (welche schweist) fugientem extra proprium domini venantis saltum vel sylvam 24. horis uno cursu non intermisso persequi, vulgo nacheylen / nachsetzen / & in alieno saltu vel sylva capere.*

(a) P. I. C. 8. n. 4. sequ.

§. XCVI. Unde confit, quod adversum eos, qui in persecutione feræ, a nobis lethaliter vulneratæ, mutilatæ, vel lassatæ (§. XCIV. & XCV.) impedire nos moliuntur, vim etiam adhibere  
in-

*integrum sit; item, quod feram lethaliter vulneratam &c. nobis surripiens, retinens, atque consumens, non feram suam, sed nostram (§. XCIV.) surripiat, retineat atque consumat.*

SCHOLION I. Applicentur huc omnia juris remedia, quæ adversum rerum nostrarum turbatores, raptores, atque detentores jure naturali prodita esse monuimus (§. LXXV.).

SCHOLION II. Sed quid, si dubium sit, utrum fera lethaliter vulnerata, vel ita, ut effugere amplius nequiverit, mutilata lassatave fuerit, nec ne? Quid si duo eandem vulnerarint; neque, uter lethale vulnus inflixerit, exploratum habeatur? Ego præsupposito, quod veritas in apicem protrahi non possit, feram dividendam esse censeo: uti alias sæpius in dubio ad divisionem, aut, si res divisionem non recipiat, sortem, seu extrema litium terminandarum media, recurrimus. Similiter, qui alteri inscio etiam in persecutione feræ difficili bona fide operam præstitit, non sine navati laboris mercede dimittendus fuerit.

SCHOLION III. Ceterum, quæ de jure persequendi feras hucusque demonstrata dedimus: ea in civitate varias tum modificationes, tum limitationes patiuntur; in quarum rationes, & fontes opusculo de *J. venandi* subsequenti penitus sumus indagaturi.

§. XCVII. *Feræ, e custodia nostra dilapsæ, neque facile discernibiles, aut recuperabiles, præsumtive pro rebus derelictis habentur.*

Dominiam, quod in feras, in potestatem nostram reductas, nobis competit, a dominio rerum aliarum, quantum ad proprietatis jura attinet, non differt. Quare sicut res aliæ, licet naturali earundem possessione aut casu, aut facto alterius exciderimus (§. LV. Schol.), nostræ manent: ita pariter, licet feras manibus comprehensas, alligatas, aut inclusas actuali custodia amplius non coerceamus, eæ nihilo-



minus nostræ erunt; neque propterea, quod evaserunt, possessione juris, aut dominio excidimus (a). Enimvero ferarum ea ut plurimum natura est, ut custodia elapsæ celeri, promptaque fuga oculis & conspectui se nostro subtrahant: quo fit, ut difficilis earum persecutio vix easdem recuperandi spem reliquam faciat. Accedit, quod commixtæ rursus feris suæ speciei aliis, quæ nostræ fuerint, difficulter discernere liceat. Quodsi jam ponas, dominum feræ, e custodia elapsæ, utut conspectum effugerit; utut difficilis ejusdem persecutio, & vix speranda recuperatio sit; utut, quo terrarum se contulerit, & quædam inter innumeras, in sylva vagantes sua sit, ignoret, ejusdem nihilominus dominium in salvo retinere: id consequetur, quod, qui ex titulo universali omnibus hominibus communi, aut quibusdam proprio (§. LXVIII.) ad feras in sylva aut campis occupandas accedunt, in perpetua velut incertitudine, & timore versari necessum habeant, ne non fera, quam occuparunt, alterius dominio subjecta sit, qui eandem avocaturus, atque sic opera eos & labore frustraturus sit. Porro, cum feras vix a se invicem discernibiles supponamus, non poterit ea res sine multis litigiis inter eum, qui se dominum dicit, & occupantem transire. Quæ, an cum sana ratione, & recto dominiorum usu consistent: prudentiores judicent. Sane, qui cum introductis rerum dominiis vitæ humanæ tranquillitatem, pacem, & concordiam salvam esse volunt, nobiscum haud difficulter consentientes habebimus, quod, quorum feræ e custodia, & conspectu diffugere, quasque nec persequi, aut recuperare, nec discernere facile licet, earum quoque dominium, & tanquam proprias possidendi animum deposuisse justissimis ex causis præsumantur. Quapropter, cum res pro derelictis censeantur, quas proprias habendi animum exuimus: feras quoque custodia



stodia elapsas, nec discernibiles facile, aut recuperabiles, ex justa præsumptione pro rebus derelictis reputari, constat.

SCHOLION. Recte proin vir summus HUGO GROTIUS (b) amissi in feras domini rationem in præsumpta hac derelictione quærit. *Quare (ait) verius est, non per se amitti dominium, eo quod fera custodiam evaserint, sed ex probabili conjectura, quod ob difficillimam persecutionem eas pro derelictis habere credamur, præsertim cum internosci, quæ nostra fuerint, ab aliis non possint.*

- (a) L. 13. π. de acquir. Possess. L. 2. §. 8. L. 8. π. ad Leg. Rhodiam,  
(b) De J. B. & P. L. 11. C. 8. §. 3.

§. XCVIII. Res pro derelictis habitæ dominum habere definunt; uti ex ipsa earundem definitione elucescit (§. XCVII.). Aut igitur primi occupantis fient (§. LVII.): aut ejus, qui privative rem in certo districtu occupandi jure gaudet (§. LXXIII.). Quapropter feras quoque, quæ custodiam nostram evaserunt, neque recuperabiles facile, aut discernibiles sunt, primi occupantis, ejusve, qui titulo eas in certo districtu privative occupandi instructus est, fieri, evidens est.

SCHOLION I. Consentiant fere LL. civiles: *Quidquid autem eorum ceperis (ait Imp. Justinianus (a)) eo usque tuum esse intelligitur, donec tua custodia coercetur: cum vero tuam evaserit custodia, & in libertatem naturalem sese receperit; tuum esse desinit, & rursus occupantis fit.* Unde minime se nobis probat TESMARI sententia (b), quando indistincte, evadente licet, nec facile discernibili aut recuperabili fera, domini jus & proprietatem in salvo subsistere autumat, adeo, ut occupari ab altero, & teneri invito domino salva conscientia non magis possit, quam servus fugitivus (c), aut res amissæ, vel in necessitatis casu projectæ aliæ quæcunque (d). Etenim quod servum fugitivum attinet, is a servis aliis facile discernitur: adeoque, uti nulla incertitudo, ita lites nullæ metuendæ. Neque ad hypothesein theorematism nostri hoc exemplum quadrat (§. XCVII.). Deinde servus non in sylvis & desertis vagatur, sed inter homi-

nes degit, qui errantem sine domicilio, sine manumissionis nota, sine libertatis indicio majori longe cum ratione pro transfuga & fugitivo alterius mancipio habent, quam qui elapsam e custodia feram occupant, pro qua, quod nullius, aut a paucis saltem occupabilis sit, generalis præsumptio militat. Cessat itaque in servo fugitivo præsumptæ derelictionis & depositi dominii ratio (§. eod.): nec, qui dominium in servum bona etiamnum fide acquirit, aliud, quam quod bonæ fidei possessoris est, scilicet revocabile consequetur. Rerum quoque amissarum in incendio, vel tempestate projectarum, diversa omnino ratio est. Hæ sive loco se non facile movent; vel si animalia mansueta sunt, conspectum hominum non defugiunt. Quare, cur de iisdem recuperandis desperare, ac propter difficilem earum persecutionem dominio renunciassæ censeri debeant proprietarii, causa nulla subest. Quin, licet pro perditis etiam eas res habeant: propterea tamen earundem dominium abjecissæ credendi non sunt; quoniam, qui in eas incidunt, ex sanæ rationis dictamine concludere possunt, ac debent, eas res minime dominio vacuas, sed invito domino amissas esse. Huic proinde restituendæ veniunt. Contrarium plane in feris accidit, quas, qui in sylva venantur, optimo jure pro rebus nullius, aut a domino tantum sylvæ occupabilibus æstimant. Sic e. g. qui cervum in sylva offendit, in locis, ubi promiscua venatio licita est, recte eundem pro re nullius habet, licet forsan ex alterius vivario evaserit: non perinde qui bovem aut equum sine custode, aut lupum cum hædo aut agno fugientem videt; bovem enim aut equum amissum, hædum aut agnum de grege abreptum, consequenter in dominio esse, non potest non conjectari. Idem igitur his casibus, quod de rebus inventis, juris erit. Alias disparitatis rationes, quas acutiores facile pervidebunt, ulterius jam indagare desino.

(a) §. 12. *Instit. de R. Div. L. 5. pr. π. de Acq. Rer. Dom.*

(b) *In Not. ad Grot. cit. l.*

(c) *Tit. Cod. de serv. fugit.*

(d) *Alleg. L. 13. pr. π. de Acq. Possess. & L. 2. §. 2. L. 8. π. ad Leg. Rhod.*

§. XCIX. Quoniam feræ mansuefactæ, quam diu tales

les sunt, facilius recuperantur, & ab aliis discernuntur: tacitæ in iis derelictionis præsumtio cessat. *Custodia igitur licet evaserint, non tamen occupantis fient.*

§. C. *Idem ex paritate rationis dicendum de feris facile discernilibus, animalibus & avibus peregrinis, leonibus e. g. & psytacis; item de animalibus signatis, quasque propter peculiarem usum, vel artem nostras fecimus, aut educavimus.*

SCHOLION I. HUGO GROTIUS. *cit. l. : Sed hac conjectura (scil. derelictionis) per alias conjecturas elidi potest: ut si addita sunt feris γροισματα, sive crepundia, qualia scimus habuisse cervos quosdam, & accipitres, atque inde agnitos & dominis redditos. Putem tamen hæc eo moderanda, si viva ejusmodi animalia ceperimus. Vix enim, ut mortua reddantur, dominorum intererit: uti ab exemplis psyttacorum, accipitrum, falconum, avium, quæ modulari ad artem didicerunt, &c. facile liquet.*

SCHOLION II. Repetantur & applicentur huc, quæ supra (§§. LXXIV. & LXXV.) adversum ferarum nostrarum detentores juris esse diximus.

§. CI. *Jus occupandi feras, pisces, & aves in certo districtu uni, vel paucis privative competere non implicat.*

Jus, res quasdam privative, & cum exclusione aliorum intra certum districtum occupandi, uni vel paucis competere posse supra (§. LXVIII.) evictum dedimus. Cur non idem ad jus venandi, & occupandi feras applicemus, nulla specialis ratio obstat. Etenim feras dominii capaces esse nemo dubitat; nec intra certum districtum easdem occupandi jus pro re inexhausti usus, quæ omnibus sufficiat, ac proin propria fieri respuat (§. LXV.), reputandum: neque etiam ejus naturæ est, ut physice in potestatem redigi, & adversum alios defendi refragetur; uti consideranti obvium est.

est. Quidni igitur intra definitum tractum unus aut pauci jus occupandi feras, pisces, aut aves, salvis ceteroquin aliorum juribus, ad similitudinem jurium dominii in rebus aliis, ita suum faciant, sibi que adscribant, ut alios ab exercitio ejusdem excludendi facultate polleant?

SCHOLION. Nec est, quod facultatem, sive jus occupandi feras juris naturalis, & in prima statim creatione hominibus a Deo concessum esse objicias: " Utroque enim argumento (ut  
 „ verbis HUBERI (a) utar) nihil aliud evincas, quam quod  
 „ primævo rerum humanarum statu, & ex largitione divina  
 „ mortalibus cunctis idem jus in feras & pisces, quemadmo-  
 „ dum in omnes res dominii capaces alias, comparatum fue-  
 „ rit. Sed ut a communione aliarum rerum communi volunta-  
 „ te recessum est, adeo, ut, quamvis unus immenso plus,  
 „ quam alter, hodie possideat: nemo tamen jus communionis  
 „ in ea, quæ primitus communia fuere, nunc ab alio tenentur,  
 „ exercere potest. Eo modo clarum est, potuisse inter homines  
 „ ita convenire, ut in rebus nondum occupatis communio  
 „ quoque desineret, æque cederent in utilitatem eorum, qui  
 „ a quolibet populo hoc jure augerentur. Nihil enim hoc erat  
 „ aliud, quam juri suo, quod omnibus ex æquo compete-  
 „ bat, renunciare., Agri & fundi una cum fructibus non minus  
 „ initio quoad titulum communes (§. XX. Schol.), seu potius  
 „ nullius, proprie scilicet tales, fuere, & æquale ad eos occu-  
 „ pandos universo generi humano jus competiit. Hæc communio,  
 „ seu status nullitatis, (ut ita loquar) sicuti introductis in fundos  
 „ agrosque dominiis evanuit: ita similiter promiscua, sine distinc-  
 „ tione locorum, feras occupandi licentia talis esse desinet, quam  
 „ primum unus aut pauci in certo districtu privative idem sibi  
 „ asseruerint. Nec magis privativa juris venandi possessio absur-  
 „ da tibi videri debet, quam quæ in fundis & agris jura alia pri-  
 „ vative nobis competunt. Hic fundum sibi appropriat, ut fruc-  
 „ tus inde colligat; aut habitaculum superstruat; alter sylvam ea-  
 „ tenus juris sui esse intendit, ut sibi, non aliis, in eadem feras  
 „ capiendi facultas competat. Non ille in fundis & districtibus a-  
 „ liis, alios hoc jure privare, aut titulum venandi universalem  
 „ per totum universum soli sibi arrogare cogitat; utpote, quod  
 æque



æque stolidum foret; quam si dominium quoddam universale in omnes fundos & agros hujus globi quispiam sibi adfereret. At vero in agris & districtibus limitatis, unum perinde, ac alterum locum invenire dubium non est, & ipsa experientia comprobatur.

(a) *Digress. Lib. IV. C. 17.*

§. CII. In jure occupandi feras titulus earundem dominii acquisitivus originarius consistit (§. XLV.). *Quo minus igitur titulus occupandi feras, pisces & aves in certo districtu uni vel paucis privativæ competat (§. CI.), nil prohibet.*

SCHOLION. In præsentī specimine aliud non intendimus, quam ut privativam juris in certo districtu venandi possessionem, ejusque quasi dominium ab injustitiæ & absurditatis nota liberemus, & demonstrata ejusdem possibilitate, quæ privativi tituli feras occupandi possessoris jura sint, curate definiamus. An in republica privatis fundorum possessoribus idem relinquendum; & an non potius summo cujuslibet reipublicæ magistratui illud adscribendum sit: de eo ex professo Opusculo IX. dispiciemus. Hæc ideo monere necessarium duxi, ne privatorum me venationibus favere aut in Regalia Principum calamum acuere anticipato judicio statuas.

§. CIII. Quoniam porro, qui solus, & cum exclusione aliorum in certo tractu terrarum feras occupandi jure gaudet, titulum venandi veluti proprium, & adinstar dominii jus (§§. I. II. sequ.) possidet (§§. CI. & CII.): privativum venandi jus ad jura realia, & propria referendum esse facile liquet. *Alienari igitur, donari, permutari, vendi, elocari, in feudum concedi, aliisque modis dominii translativis (§. L. seq.) in alios transferri minime abhorret.*

§. CIV. Jura realia, quæ in fundis & prædiis nostris nobis competunt, *jure dominii*; quæ in fundis & prædiis a-

K k k

alienis



alienis habentur, *servitutis jure* possidentur atque exercentur. Quapropter, cum titulo venandi privativo tam in fundis nostris, quam in fundis & prædiis alienis instructos nos esse non implicet: (quid enim prohibet, quo minus aut vigore primitivæ occupationis, aut etiam per præscriptionem aliumve modum juris & dominii acquisitivum in prædio, sylva, aut fundo alieno eundem nobis acquiramus?) *Privativum feras, pisces & aves occupandi titulum in fundis nostris iure dominii, in fundis alienis jure servitutis possideri atque exerceri constat.*

SCHOLION. Potest aliquis e. g. in sylva prædio suo vicina, primitiva & originaria occupatione jus atque titulum privativum venandi sibi adserere, reliquis dominii juribus inoccupatis & in statu nullius relictis. Quodsi jam alius sylvam occupet, & in dominium suum redigat: jus venandi, quod res nullius amplius haud erat, minime acquireret; sed ab eo, qui primus id sibi adseruit, in sylva ista per modum servitutis exercebitur. Idem continget, si sylvæ dominus spontanea translatione feras occupandi titulum alteri relinquat (§. CIV.).

§. CV. *Feræ, pisces & aves intra districtum, in quo soli cuidam, cum exclusione aliorum, jus venandi competit, incomplete jam, ac remote in dominio existunt.*

Sequitur præsens propositio ceu corollarium ex propositione demonstrata supra §. LXX. Etenim, cum duæ sint dominii causæ constitutivæ, titulus scilicet & modus (§. XXXIII. sequ.): evidens est, quod, qui titulum, rem aliquam suam faciendi, in eamque dominium introducendi privative & cum exclusione aliorum possidet, eandem pro parte jam sibi proprietatis jure affectam habeat (§. III.). A solo scilicet tituli privativi possessore occupabilis existit (§. LXII. & LXVIII.); nec sine ejusdem consensu & voluntate in dominium atque proprietatem alterius transire valet (§. LXXII.).

Qua-

Quapropter, cum jus venandi titulum feras occupandi, suasque faciendi absolvat (§. CII.): patet, quod, qui in certo & definito districtu feras occupandi solus, & cum exclusione aliorum jure gaudet, eas, donec in sylva & districtu suo commorantur, pro parte jam proprietatis jure affectas teneat. Existunt itaque in dominio incompleto (§. LXIX.), & quoniam titulus causam dominii remotam absolvit, remoto ejus, qui solus cum exclusione aliorum titulo atque jure venandi instructus est.

SCHOLION. Induunt scilicet hanc qualitatem, & partiali hoc proprietatis jure afficiuntur, quam primum fundum ingrediuntur nostrum; nec ante dimittunt, quam si alio se contulerint. Supponimus tamen, quod dominium perdurabile (§. XCVIII. XCIX. & C.), alii in eadem quaesitum haud sit; utpote, quod per solum fundi ingressum minime extinguatur (§§. iisd.).

§. CVI. *Feræ, pisces & aves intra definitum districtum ab uno tantum, vel paucis occupabiles, non sunt res nullius.*

Remote enim & incomplete jam in dominio existunt (§. CV.), & ex parte proprietatis jure affectæ sunt (§. cod.). At vero res nullius, licet in dominio esse non repugnent, nullo modo tamen ad res proprias pertinent (§. XX.); nec ullo respectu cuidam in particulari affectæ sunt. Feræ igitur, pisces & aves ab uno tantum aut paucis occupabiles minus recte ad res nullius referuntur.

SCHOLION. Minus recte igitur sentiunt, qui feras, pisces & aves in districtibus venationum, ut ab uno tantum vel paucis occupabiles, pro rebus nullius reputant, erronea rei nullius notione haud dubie decepti. Putant illi, ad id, ut res qualitatem rei nullius exuat, actualem ejusdem apprehensionem requiri; nec privativam tituli possessionem sufficere. Verum enimvero, cum rem ab uno tantum vel paucis occupabilem, præter hos nemo suam faciat (§. LXXII.); nec occupans eandem

dominio suo subjiciat (§. eod.): respectu aliorum perinde est, ac si in dominio completo & actuali jam existeret; consequenter non magis illas, quam has pro rebus nullius haberi convenit. Hæc velim serio perpendant, qui deceptrici (*rei nullius*) sono inducti, in jura & res aliorum sine conscientiae remorsu involant; seque rerum ita occupatarum fieri dominos falso sibi persuadent.

§. CVII. *Qui feras, pisces, & aves, quas occupandi unus aut pauci cum exclusione aliorum jure gaudent, occupat: non suas easdem, sed illius, aut eorum facit, qui titulo eas occupandi privative instructi sunt.*

Quod suas easdem non faciat, ex demonstratis supra (§. LXXII.) abunde patescit, & vel ex eo satis intelligitur, quod occupatio non sit, nisi rerum nullius (§. LVI.); nec sine titulo ea procedat, aut dominium occupanti tribuat (§. LXI.): quorum neutrum de feris &c. ab uno tantum vel paucis occupabilibus dici potest. Non enim res nullius sunt (§. CVI.); neque etiam aliis eas occupandi titulum competere per se liquet. *Quod erat primum.*

Sed nec alterius, quam, qui privative eas occupandi jure gaudet, illas fieri per modum corollarii ex §. LXXIII. colligitur. Cum enim fera &c. occupantis non fiat, cujus obsecro ea dominio subjicietur? an nullius? an, sicut ante, a privativo tituli domino occupabilis solum existet? Primum dici nequit; cum ex parte proprietatis jure jam affecta sit (§. CVI.): posterius facile largior, si vivam feram ceperit, eamque rursus naturali libertati restituerit. Neutiquam vero de iis, quas inclusas tenet, aut de prostratis idem dicendum erit. Has siquidem, si, ut debet, rectæ rationis ductum sequitur, non potest occupans alterius reputare, quam illius, qui privative eas suas faciendi jure pollet

let (all. §. LXXIII.). Quod si occupantem feræ effectum fuisse dominum dicamus: falsum est, quod alter privative & solus eandem occupandi jure instructus fuerit; quod, cum sit contra hypothesein, utique absurdum dicendum est. *Quod erat alterum.*

SCHOLION. Diversum hic sentit VINNIUS (a) cum multis aliis, feram hoc casu occupantis fieri statuentibus; adversum quos merito insurgunt Jcti eximii nominis alii, quos inter SCHILTERUM (b), HUBERUM (c) atque PUFFENDORFFIUM nominasse sufficiat. PUFFENDORFFII verba, licet in hypothesei loquatur, qua principi venatio competit, referre tamen lubet, cum eadem nobiscum principia generalia supponat: *Enimvero, (ait) valde simplex est credere, naturali quadam necessitate aliquem fieri dominum ejus rei, quam primus apprehendit; - - - igitur si isthoc acquirendi modo circa certas res subjectis Princeps interdixerit: prima apprehensio ad dominium acquirendum nil proderit; & producit ista lex eundem cum dominio effectum hætenus, quod subjectus feras attrectare non debeat, aut si de facto attrectaverit, suas non faciat. Neque si rancidula carnes a tertio cum primis vindicari non solent, ideo venator clancularius earum dominium habuit. Neque capere est statim acquirere; cum illud sit nudus actus physicus, hoc vero effectum moralem involvat. Quin illud potius contradictorium est: Principibus solis competit jus venandi: & si privatus feram ceperit, ejus dominium acquirit; id est, soli Principes possunt usurpare illum modum, quo dominium legitimum in feras constituitur: & nihilominus, cui illum modum adhibere non licet, dominium acquirit. Sed quid si aliquis quærat, penes quem ergo erit dominium feræ contra leges capta? Non penes captorem id esse ipsi negamus: & Princeps eam non cepit. Hæc dicendum videtur, istum venatorem Principi ultroneam, licet parum gratam operam prestitisse; adeoque non secus, atque alius venator a Principe auctoratus capiendo feras Principis fecisse. Quin ipse ZOESIUS (e), & qui eundem allegat GLETTLE (f), quo minus feræ occupatæ dominium acquiratur, lege effici posse affirmant.*

(a) *Ad Instit. Tit. de R. Divis. §. 13. n. 5.*

K k k 3

(b)



- (b) *Exercitat. ad π. XLV. §. 5. seq.*  
 (c) *Digress. Lib. IV. C. XX. §. 4.*  
 (d) *Lib. IV. C. VI. §. 7.*  
 (e) *Ad π. Tit. de Acquir. R. D. n. 14.*  
 (f) *Jurisprudent. Terribili Tom. I. P. II. C. 2. §. 6. assert. 3.*

§. CVIII. Unde nullo negotio colligimus, quod *feræ, pisces & aves ab aliis, quam qui eas occupandi jure gaudent, capte & occupatæ, sint res in dominio existentes eorum, qui soli & privative easdem suas faciendi jure instructi sunt (§. CVII.).*

§. CIX. Quicumque igitur *feram, piscem, aut avem ab uno aut paucis solum occupabilem, captam retinet; consumit; alienat; aut in alium transfert: rem non suam, sed alienam retinet; consumit, & in alios transfert (§. eod.).*

SCHOLION. Hæc omnia prono alveo consequuntur, quamprimum titulum occupandi feras &c. penes unum aut paucos residere ponimus. Quod cum contradictionem nullam involvere evicerimus (§. LXVIII.); & ipsa experientia satis doceat: de veritate harum conclusionum eo minus dubitandum erit.

§. CX. Res nostras, quæ invitis nobis, & sine justa causa penes alios existunt, optimo & in ipsa dominii natura fundato jure inde repetimus, avocamus, atque vindicamus (a). Unde patet, quod *feras, pisces, & aves, in districtu venationis nostræ ab aliis occupatas, optimo jure, & vigore dominii nobis in easdem acquisiti (§§. CVII. & CVIII.), a quocunque possessore repetamus, avocemus, atque vindicemus.*

SCHOLION. Vindicari hoc casu posse feras negat VINNIUS(b); præsertim si ad tertium bona fide pervenerint. Atat, cum in falso supposito versetur VINNIUS, quasi dominium capienti quæsitum, isque dominus feræ effectus fuerit; hoc vero principium in antecedentibus luculenter a nobis destructum sit: refutandis ejusdem argumentis non insistimus. Quando ait: *Non acquisitio,*  
*ni*



*ni animalis capti , sed juri venandi derogatum esse : illud in eo casu , quo jus venandi titulum quoque privativum , & non meram prohibitionem, aliis ex causis factam, involvit ( §§ LXVI. Schol. §. LXXXII. Schol. I. ) omnino contradictorium est; cum absque titulo nulla feræ occupatio ( §. LVI. & LXII. ) , aut acquisitio dominii esse , aut concipi queat. Quod igitur VINNIUS feram occupantis fieri statuit , id tum demum cum veritate consistit , quando prohibitio titulum in salvo relinquit ( §. LXXXII. ).*

(a) PUFFENDORFF. *Officio H. & C. L. ib. 1. C. 13. §. 1.*

(b) *Ad Instit. Lib. II. T. I. §. 13. in not.*

§. CXI. Quodsi res nostra a malæ fidei possessore consumpta , nec ejusdem restitutio in individuo fieri possit: tunc aut res ejusdem speciei & æqualis bonitatis in vicem reddenda; aut pretio dato , quod ex ejusdem jactura sentimus, damnum pensandum est. Sin a b. f. possessore in usus suos versa: tum, quantum inde locupletior, factus restituit (a). *Feræ igitur, piscis aut avis, in districtu venationis nostræ mala fide occupatæ, restitutio, aut in simili, alia scilicet fera, aut in pretio facienda: sin bona fide consumpta fuerit , quantum inde locupletior factus , restituit.*

SCHOLION. Loquimur nimirum de eo , quod jure naturali circa restitutionem rei nostræ juris est ; jure namque civili bonæ fidei possessorem re consumpta , ad restitutionem ejus, quod locupletior factus est, non teneri satis expeditum est: malæ vero fidei possessor de hocce rigore juris nequaquam conqueri potest; scire enim debebat se feram non sibi , sed privativo tituli possessori ( §. CVII. ) acquisivisse, neque occupando rem eundem suam , sed alienam ( §. CVIII. ) nactum fuisse, quam dum retinuit , malaque fide absumsit, sibi imputet, siquod in restitutione damni, aut molestiæ sentiat. Cum quibus fere coincidunt, quæ in allegato tractatu (b) celeberrimus GLETTLE hanc in rem differit : *Unde sua fonte sequitur , subditos teneri ad restitutionem , si venentur ; cum sciant , vel scire debeant , quod Princeps*  
jus

*jus venandi solus obtineat.* Minime recte autem æstimationem damni non ex fera, pisce aut ave in districtu venationis occupata, sed ex imminuto venationis usu faciendam esse existimat. At quomodo aliter sentire poterat? Postquam communem cum turba communi errorem erraverat, occupantem scilicet feræ effectum fuisse dominum; cujus suppositi falsitatem ad nauseam monstravimus. Ipsarum itaque ferarum pretia indaganda, ut damni resarciendi quantitatem rite determinemus.

(a) PUFFEND. *cit.* l. §. 3.

(b) *Alleg. tract. Tom. I. P. II. C. II. §. VI, n. 17.*

§. CXII. *Venantes in districtu, in quo unus aut pauci privative, & cum exclusione aliorum feras, pisces & aves suas faciendi jure gaudent, privativos hosce tituli possessores in suo turbant.*

Qui invito domino in re aliena jus aliquod sibi arrogat, vel in usu rerum, & exercitio jurium suorum eundem impedit: *is alterum in suo turbat* (a). Enimvero, qui invito venationis domino in districtum venationis ingreditur, jus sibi arrogat, quod ad eundem minime pertinet, & ipsam venationem multis modis deteriore reddit; uti res ipsa loquitur. Quin igitur dominum venationis, seu privativum tituli feras occupandi possessorem in suo turbet, dubium non est.

§. CXIII. *Qui feras, pisces, aut aves in districtu, in quo unus aut pauci privative jure venandi gaudent, inscio atque invito venationis domino, animo suas eas faciendi occupat, furtum committit.*

Qui in prædia, aut fundos, in quibus uni vel paucis feras occupandi, & privative suas faciendi facultas competit, inscio atque invito venationis domino venandi gratia  
ingre-

ingreditur, feras, pisces aut aves, quas capit, non suo, sed illius, qui privative eas occupandi titulo gaudet, dominio subijcit (§. CVII.); consequenter, dum easdem contrectat, retinet, & consumit, non suas, sed res alienas contrectat, retinet, atque consumit (§. CVIII.). Quod cum ante, quam feram occupet, scire possit, debeatque (§§. iisd. & §§. LXXII. LXXIII.): in effectu animo rem alienam, seu si mavis, quam per occupationem & factum suum illicitum alterius efficit, inscio atque invito domino sibi propriam faciendi, ac retinendi in districtum venationis se se confert, ferasque occupat. Enimvero, qui inscio ac invito domino rem alienam, animo eam suam faciendi, contrectat, in furti crimen incidit. Quin itaque ejusmodi venationis invasor, dum feras, pisces & aves animo suas eas faciendi occupat, easdem retinendo furti se se crimine obstringat, dubium nullum superest.

SCHOLION I. Atque ita in aprico jacet, in quo consistat furti ratio, cujus se ferarum, piscium & avium in alieno venationis districtu occupatores obnoxios faciunt. Ingrediuntur nimirum ejusmodi homines in fundos & prædia, in quibus privativum alicuius jus venandi & titulus feras occupandi quæsitus est, tanquam temerarii rei alienæ turbatores (§. CXII.); per consequens autem, & dum, uti (§. CVII.) probatum dedimus, per actualem feræ occupationem rei alienæ detentores evadunt (§. CVIII.), eamque clam retinent, furum nomen induunt. Neque alia inter hos, & fures rerum aliarum assignari valet differentia, quam quod hi rem, ante furtivam contrectationem in actuali nostro dominio existentem, auferant: illi vero rem a nobis tantum, aut nomine nostro occupabilem, quam per illicitam occupationem non suam, sed nostram faciunt (§§. iisd.), retineant. Utrunque cum re nostra fraudemur, res eodem recidit. Interim hanc ipsam ob causam furtum ferarum, piscium, aut avium minus, quam rerum aliarum, actu dominio nostro subjectarum, crimen reputant, imo ne inter furta quidem locum eidem assignant; cujus contrarium tamen satis evicimus. Dicunt illi:

incertum fuisse, utrum fera furtim occupata unquam in domini venationis proprietatem perventura fuisset; nullam proin, aut levem eundem jacturam, aut damnum sentire. At vero, cum incertitudo illa per occupationem furis ferarum, juxta demonstrata, evanescat: nescio an magnum his & similibus objectionibus pondus insit.

**SCHOLION II.** Multo igitur minus a furti crimine excusari poterunt, qui feras, pisces & aves, actu & complete in dominio nostro existentes, quales sunt, quas supra recensuimus (§§. LXXXV. sequ.), clam, atque invito domino auferunt. Quoniam itaque, uti mox demonstraturi sumus, ita etiam in fundos & prædia introduci possunt dominia, ut quidquid fundis sive perpetuo sive ad tempus inexistit, in proprietatem redactum, & dominio nostro subjectum esse reputetur: quæ de furtis & rapinis ferarum paucis hic addituri sumus, multo magis, & a fortiori in ea hypothese locum sibi vindicabunt.

§. CXIV. In crimen rapinæ incidit, qui conscio quidem, sed invito ac reluctantante domino, rem alterius, animo eam suam faciendi, vi rapit. *Unde raptores & criminis rapinæ reos merito pronuntiamus, qui feras, pisces & aves conscio quidem, sed invito ac reluctantante venationis domino vi occupant, auferunt, atque consumunt.*

**SCHOLION.** Circa rapinam ferarum eadem, quæ §. præcedenti in scholiis de crimine furti notavimus, velim advertas, id præterea tenens, atrocius rapinam, quam furtum ferarum facinus esse. Qui enim vi aperta feras occupat, manifestius multo, & gravius alterum in suo lædit, & ab actuali occupatione rei pro parte ipsi jam proprietatis jure affectæ impedit.

§. CXV. Tam fures (§. CXIII.), quam raptores ferarum (§. CXIV.), rerum nostrarum detentores sunt (§§. CVII. & CVIII.). *Quæcunque igitur ad res nostras a furibus & raptoribus recuperandas, & damna resarcienda juris remedia pro-*



*prodita sunt: iis omnibus adversus ferarum fures & raptores uti integrum erit.*

SCHOLION. Eorum aliqua supra (§§. LXXIV. & XCV.), recensuimus, quæ huc quoque trahi & applicari poterunt.

§. CXVI. Res nostras adversus injustos invasores, fures & raptores mediis etiam violentis, sicubi opus est, jure defendimus; ablatas vero raptasque recuperamus, damni-que insuper ea occasione dati restitutionem petimus. Id quod jure naturali expeditum a (a) nemine, cui mens sana in corpore sano, in dubium vocatur. Enimvero feræ, pisces & aves, quæ actu in dominio alterius non sunt, quam diu in districtu venationis nostræ vagantur, ad nos nostra recte referuntur (§§. LXIX. seq. item §. CV.) & proprietatis jure pro parte jam nobis affectæ sunt (§§. iisd.). *Feras itaque, pisces & aves, in districtu venationis nostræ vagantes adversus invasores, fures & raptores, violentis etiam mediis defendendi, ablatas raptasque recuperandi, damni-que, siquod eo intuitu datum est, refarcitionem petendi, jure gaudemus.*

SCHOLION. Propositioni huic complexæ adhuc sua veritas constat, etiamsi nudum tantum jus violari ponas. Quis enim jura etiam nostra adversus turbatores defendendi jus nobis ab ipsa natura comparatum esse dubitat? Sane, dum violentos invasores ædium mediis itidem violentis arcemus, nil aliud agimus, quam quod jus, quod in ædes privative nobis competit, contra vim injustam in tuto collocare satagamus.

(a) HUG. GROTIJ. *J. B. & P. Lib. II. C. I. §. 11.* Item Opusc. II. supra, *de ætate juris talionis limitibus per totum.*

§. CXVII. In defensione æque, ac in recuperatione rerum atque jurium nostrorum mediis violentis perficienda, ad sufficientem mediū, quō finem obtinere intendimus, præcipue attendendum est, prout in allegato opusculo



(a) invictis argumentis demonstro. Quare, si alia media res nostras defendendi atque recuperandi non supersint; neque vilitas rei pro qualitate personarum & circumstantiarum æstimanda aliud suadeat: ad vitæ usque privationem deveniri posse exploratum est, & bella inter gentes, quæ naturali inter se jure utuntur, quotidie docent. *Idem igitur in defensione & recuperatione ferarum, in districtu venationis nostræ versantium, atque occupatarum, nisi animalis vilitas pro circumstantiis aliud suadeat, juris erit.*

SCHOLION. Studio addidi: ni vilitas animalis, piscis aut avis occupatæ aliud suadeat. Quis enim inhumanus adeo, aut crudelis erit, ut propter vilissimi pretii avem, aut piscem ad extrema hæc media confugere velit? Aliud vero dicendum, si aut notabilis pretii, aut ingens ferarum, piscium & avium copia ablata, aut pervicax adeo invasorum malitia fuerit, ut retundi alia ratione nequeat. Tum enim in statu naturali invasorem atque turbatorem jure belli juste aggredimur, & ubi alia nostrum recuperandi defendendique via non superest, merito eundem suo occidimus (b): in statu autem civili poenis a summo Magistratu dictandis tam invasiones, quam furta & rapinas coerceri notum est. Sed & in his determinandis eandem sufficientiam medii ad finem obtinendum sancte custodiendam esse citato loco innui (c).

(a) §. 20. *Opusc. II. all.* item HUG. GROT. *alleg. l.* & alii plures.

(b) *Ibid.* §. 17.

(c) *Ibid.* §. 28. & 29.

§. CXVIII. Eodem allegato loco immotis argumentis evinco (a), quod, etiamsi defensionis atque recuperationis præsentis ratio vim armorum non amplius efflagitet, si nihilominus tanta, tamque frequens & pervicax turbatorum & invasorum rerum nostrarum malitia evadat, ut quod nostrum, nobis surripiendi, occupandique studium intermittere plane nolint, futuræ securitatis, obtinendæ causa mala ipsæ infligi queant, queis a maligno suo proposito,

sito, & nocendi nobis pruritu avertantur, nec impune probos ab improbis turbari, violari, rebusque suis exui edoceantur. *Quidni igitur de malitiosis, & corrigi nesciis venationum nostrarum turbatoribus, ferarum in districtu nostro vagantium furibus & raptoribus idem juris esse statuamus?* Nulla sane disparitatis ratio subest, nec plus hic, quam in improbis & nefariis factis aliis hominum malitiis indulgendum.

§. CXIX. Quod si ad tantum fastigium excrescat invalorum & turbatorum protervia, ut lenioribus malis edocti resipiscere plane nolint, sed audaciores facti, omnem, quo nobis noceant, lapidem moveant: extirpari eosdem penitus, & tanquam socialitatis inimicos, atque generis humani hostes in exemplum etiam aliorum interfici, juri & æquitati naturali nequicquam adversatur, & bella punitiva adversus barbaros, & totius generis humani hostes abunde comprobant (a); *Quæ tuto quoque ad incorrigibiles penitus, & protervos venationum nostrarum violatores applicari poterunt.* Imputent sibi, si ruptæ pacis, socialitatis, & proprietatis rerum conculcati sanctissimi juris promeritas poenas luant.

SCHOLION. Ecce tibi fontes poenarum in fures & raptores, in republica statuendarum, de quibus pluribus in opusculo sequenti acturi sumus, non intermissuri, quæ ad clementiam Principes permovere poterunt. Non me latent phrasæ illæ communes, quibus iniquitatem extremi hujus ad feras nostras defendendas, recuperandas, atque conservandas remedii, privationis scilicet vitæ invaloris, furis aut raptoris evincere allaborant. Ac vero vim illæ omnem amittunt, admissio, quod nemo sanus in dubium vocare poterit, hoc solo principio, quod in determinandis defensionis, recuperationisque rerum nostrarum mediis, nec non in infligendis poenis sufficientia mediis ad finem obtinendum solam, unicamque rectam normam constituat; nec ab ea recedendum sit, nisi ubi alia æquitatis ratio major exceptionem suadeat. Equidem nullam inter feram bestiam & vitam hominis

proportionem; nec ferendum esse ajunt, ut propter brutum homo, ad imaginem Dei creatus, neci tradatur. At vero, si hæc ratio attendenda, si non ad sufficientiam mediæ ad finem obtinendum, sed ad rei ablatae & auferentis pretium respiciendum; neque fures equorum, aut asinorum, rerumque aliarum morte mulctari poterunt. Ecqua enim inter equum, aut inter asinum & hominem proportio intercedit? Nihilominus tamen animalium istorum uno, rebusque vilioris etiam pretii furto ablati, mortis poenam irrogari posse constat. Quibus accedit, quod ferarum furta atque rapinae cum animo ut plurimum justos venationis suae ferarumque defensores vulnerandi aut plane occidendi, committi soleant.

§. CXX. In introductione dominiorum & proprietatis rerum ad id quoque respiciendum erat, ne pax inde, atque securitas vitae humanae detrimentum pateretur, aut juribus perfectis, quæ ante introductionem dominiorum hominibus ex ipso naturali jure quæsitæ erant, præjudicium crearetur (§. LVIII. Schol.). Unde facile sequitur, *quod in dominio haberi non debeant res, ex quibus interitus vel excidium aliis metuendum; aut si vel jucunditatis, alteriusve usus gratia proprias eas, & in dominio habere quis cogitet, ita in custodia habendas esse, ne aliis eæ damno vel noxæ sint; utpote ad quam avertendam jus ipsis perfectum comparatum esse dignoscitur.*

§. CXXI. Ab animalibus ferocibus & rapacibus, qualia sunt tygrides, leones, ursi, lupi, vulpes &c. vitae tum nostræ, tum animalium mansuetorum usibus nostris quotidianis & victui inservientium discrimen imminet. Quamcumque jure perfecto adversus quemcunque, multo magis contra animalia ferocia defendamus: *evidens est, animalia ferocia atque rapacia ita propria haberi minime posse, ut libere vagentur, aut nocere queant, sed arcta potius custodia ita includenda atque coercenda esse, ut evadendi nocendique iis via omnis præclusa sit (§. CXX.)*

SCHO.

SCHOLION. Ferarum, aliarumque bestiarum, quæ nocere solent, arctam custodiam leges quoque positivæ imperant (a), adeo, ut criminali etiam judicio pulsari queant, qui aut laxiori easdem repagulo tenuerint, aut moniti a se non abdicaverint (b).

(a) Vid. LAUTERB. *Colleg. Theor. Pract. Lib. IX. Tit. I. §. 9. sub fin. ibique allegat.*

(b) *Nemesis Carolin. Art. 16.*

§. CXXII. Ulterius ex hoc principio deducitur, quod ne in districtibus quidem venationum, seu in locis, ubi privative quis jure venandi gaudet, animalia ferocia, atque rapacia nutrienda, aut cum cura conservanda sint.

§. CXXIII. Quin potius venationum dominos ad ejus generis animalia extirpanda atque eradicanda prorsus teneri constat.

SCHOLION. Idque usu etiam servari solet; qua ratione urli in Germania, lupi in Anglia penitus extincti fuere, ut vix unus aut alter supersit.

§. CXXIV. Bestias feroces, leones, ursos, lupos &c. in presenti corporis, & vitæ nostræ, aut animalium nostrorum discrimine constituti in districtu etiam, ubi alius privative jure venandi instructus est, libere occidimus.

Etenim corpus, vitam resque nostras adversus invasiones bestiarum ferocium jure perfecto defendimus; quo, cum per introductionem dominiorum, aut privativam tituli adsertionem privari non potuerimus (§. CXX. ): patet propositionis assertæ veritas.

SCHOLION Unde iniquitas edictorum, quibus pastoribus ovium lupos occidendi, aut canes ducendi facultas adimitur, luculenter apparet (a).

(a) Confer KLOCK, *Tom. I. Consil. 30. n. 27. 28. & 29.*

§. CXXV.



§. CXXV. *Quodsi periculum præsens non immineat: consultius, & æquitati magis conforme est, ut venationis dominus monitus ipse, aut ministri ejusdem animalia ferocia interficiant, quam ut libera cuique eadem occidendi aut capiendi facultas sit.*

Data cuilibet indistincte de animali feroci & rapaci persequendo, & extra præsens periculum in sylva occidendo licentia, prona ad furta, & rapinas ferarum via sternitur; cum non nisi armis instructi in venationis districtum venire queant. Quod, quia domino venationis minime expedit: ferendum non est, si alia ratione animal ferox extirpari valeat. Enimvero id commode per ipsum venationis dominum, aut quibus id ille negotii mandat, perficitur. Non consultum igitur solum, sed æquitati potius conforme est, ut venationis dominus, seu tituli feras occupandi privativus possessor monitus, ipse animalia ferocia venando persequatur, capiat, atque interficiat.

SCHOLION. Ex hoc principio juxta etiam urforum, luporum, vulpium, aprorum &c. venationes prohiberi opusculo subsequenti solide evictum dabimus: licet aliud olim ex constitutione FRIDERICI Imp. obtinuisse videatur (a).

(a) *De Pace tenenda* §. 5. verb. *nemo retia. 2. Feud. 27.*

§. CXXVI. *Si dominus, seu privativus tituli in certo districtu venandi possessor, animalia ferocia atque raptis viventia extinguere negligat: quod inde damnum consequitur, aliis resarcire obligatur.*

Culpa enim dominorum venationis est, quod damnum alii sentiant. Quare, cum culpa datum ad damnum ab eo, qui dedit, resarciendum sit: idem quoque de damno, quod per culposam bestiarum ferocum conservationem contin-  
git, dicendum erit.

§. CXXVII.



§. CXXVII. Ex eodem, quod §. CXX. stabilivimus, principio porro fuit, *a recta proprietatis & dominiorum ratione abhorre, ut ferarum, quæ satis atque frugibus insigne damnum inferre solent, magna nimis copia, in vaga præsertim errandi libertate anxio studio nutriatur, atque conservetur.*

SCHOLION I. Inutilis quippe ita redderetur omnis agrorum, & vinearum cultura, eoque tandem adigerentur homines, ut inculta prædia & fundos relinquerent, quorum tamen causa dominia præcipue introducta fuere, uti jure naturali edocemur.

SCHOLION II. Cave tamen propterea feras omnes, præcipue quarum carnibus vesci solemus, extirpandas plane esse præpropero judicio statuas: contrarium potius suo loco ostendemus, & hanc ob causam modicum, quod frugibus & satis inferitur damnum, in censum trahendum non esse demonstrabimus. Quid circa venationes banno munitas in republica juris sit, de eo opusculo eodem ex professo acturi sumus.

§. CXXVIII. *Feras nullius, sata, fruges, atque uvas depascentes, aut occidendi, aut abigendi cuique facultas est.*

Primum ex demonstratis supra (§. LXXIX. & LXXX.), satis manifestum: neque alterum facile quispiam in dubium vocaturus est.

§. CXXIX. *In districtu, ubi privative alius jure venandi gaudet, feras e satis atque frugibus nostris jure abigimus; neutiquam vero eas aut occidendo, aut occupando nostras faciendi facultas nobis competit.*

Tam nos, quam res nostras adversum feras defendendi jure naturali nobis facultas comparata est, cui per introductionem dominiorum, & jurium privativas adsertiones neutiquam renuntiatum fuit (§. CXX.). Licet ergo alius solus, & cum exclusione cujuscunque in fundo nostro

M m m

feras

feras occupandi titulo instructus sit: hoc tamen non obstante a satis atque frugibus easdem optimo jure abigimus. *Quod erat primum.*

Quando defensio atque conservatio rerum nostrarum sine damno & præjudicio alterius perfici valet: ad duriora media non progrediendum; nec alter in suo lædendus. Quare, cum, feras a frugibus atque satis abigendo, nostrum sine damno & præjudicio domini venationis in salvo collocemus: ad occupationem seu captionem ferarum citra læsionem & injuriam ejusdem deveniri nequit. *Quod erat alterum.*

SCHOLION. Quin, etiamsi feræ in tanto fuerint numero, ut ne abigi, nec fruges, & sata adversus easdem defendi valeant: ad venationum tamen, non frugum seu satorum dominos pertinebit earundem copiam aut occupando, aut capiendo imminuere (§. CXXX.).

§. CXXX. *Ex eadem ratione prædiorum atque fundorum dominis sepibus agros, atque muris cingere licitum erit.*

SCHOLION. Modus tamen & hic servandus, ne acutis palis feris officiatur, aut integræ sylvæ ita claudantur, ut nullus quaeversum exitus pateat, & vivaria potius, quam sylvæ nemo-raqe aperta evadant. Id quod ex situ loci, juribusque dominorum in casibus particularibus specialius definiendum.

§. CXXXI. *Quodsi culpa domini venationis ingens nimis & exorbitans ferarum copia alatur: ad resarciendum, quod inde satis atque frugibus damnum obvenit, jure obstringitur.*

Demonstratio eadem est cum demonstratione §. CLVI. Culpa siquidem quod damnum datur, resarciendum esse, explorati juris est.

SCHO-

SCHOLION. Cautè tamen dispiciendum, quænam exorbitans ferarum copia dici mereatur. Cum multa ferarum genera ad usum & victum hominum conservari, imò & augeri etiam intersit: alias rationes pro conservatione venationum, quæ Principibus competunt, jus publicum universale suo loco suggeret; ubi simul, quid leges charitatis, & amoris in subditos observandum esse jubeant, sedulo inculcabitur.

§. CXXXII. Quæ hætenus circa venationes in statu naturali pro diversa hypothese, cum vel libera cuilibet feras, pisces & aves, occupandi licentia relinquitur (§. LXXVIII. seq.), vel proprietatis quodam jure privative per districtus ab uno vel paucis possidetur, atque exercetur (§. CI. seq.) juris esse demonstravimus, sufficere poterant, ut inde jura Principum, quos in republica rectè constituta privativos regalis venandi juris possessores esse invictis argumentis probatum dabimus, prono consecutionis filo derivaremus. Enimvero, cum planiora multo ea evadant, si non metalla solum, gemmas, thesauros, & quæ alia ad regalia fisci pertinent, sed & feras, pisces & aves nobiliores in dominio Principis completo & actuali constitutas esse evicerimus: paucis adhuc dominium ejusmodi in feras, pisces & aves, in districtu venationis vagantes, transitorium licet, nihil tamen absurdi involvere, sed cum recta dominiorum ratione omnino consistere, adstruere lubet.

§. CXXXIII. Notandum igitur, quod dominium, quale in fundos & prædia introducitur, sit totum quoddam potentiale, varia, eaque diversa jura in re propria involvens; quorum complexu, ceu partibus constitutivis & integralibus, absolvitur. Sic aliud est jus utendi, aliud jus fruendi, aliud vendendi & alienandi, aliud inædificandi, aliud commodandi, aliud elocandi, eundi, ambulandi, & si quæ facultates aliæ in re propria concipiantur.

§. CXXXIV. Porro hæc ipsa, quæ ex necessitate naturali a genere humano, & populis moratioribus in fundos potissimum & prædia introducta fuere rerum dominia (§. XXIV.), quod complexum, multitudinem & amplitudinem jurium in re propria exercibilium attinet, non una apud omnes populos, imò inter singulos sese ratione habent. Quin multum hic arbitrio populorum & gentium relictum fuit, quæ in primæva occupatione, & introductione dominiorum aut plura in fundis, aut pauciora jura sibi adserere, & ad complexum domini referre potuere, prout aut pluribus, aut paucioribus usibus fundos destinarant, vel ipsa prædii natura, situs, locus vel genius denique populi ferebat. Hæc uti certa sunt, ita usus etiam & experientia comprobatur.

§. CXXXV. Unde concipimus, dominia in fundos & prædia vel *latiora* esse, vel *remissiora*. *Dominium latius* seu *amplius* dicimus, quando ita in fundos & prædia introducitur, ut parum aut nihil eorum, quæ usum hominibus præstare apta sunt, inoccupatum relinquatur. *Dominium autem remissius* seu *laxius* vocamus, quando ita in fundos introducitur, ut multa in iisdem inoccupata, & *adæquata* relinquuntur.

SCHOLION I. Cur autem aut remissius, aut latius dominium in fundos actu inducatur, hujus rei variæ esse causæ solent. Ita dominium remissius præplacet, quando ad definitos & limitatos usus, e. g. in ordine ad fructus e terra progerminantes inde colligendos, aut ad ædes in superficie exstruendas prædia occupamus, reliquis, quæ iisdem inexistunt, ut ut ad jucunditatem & commoditatem vitæ facientibus, inoccupatis, & in statu nullius relictis; eoquod harum rerum proprietas cum recta agrorum & fundorum cultura non consistat; aut earum indagatio a laboribus magis necessariis avocet; vel etiam, quod quædam fundorum accessoria ita rara, parumque obvia sint, ut, qui præ-



prædia necessariæ vitæ sustentationis gratia propria faciunt, de iis sibi attribuendis ne cogitent quidem: ut de aliis rationibus, quas civilis societatis ordinata constitutio subministrat, jam nihil commemorem.

SCHOLION II. Latioris rursus seu amplioris domini variz causæ esse queunt. Fors, quod prædia ita comparata sint, ut res, inoccupatæ alias relinqui solitæ, ingentem ac præcipuam eorundem possessoribus utilitatem præbeant; quod in statu nullius relictis variz in fundorum dominos molestiæ redundant; quod separatis fundorum atque prædiorum juribus, quædam accessoria uni, alia aliis proprietatis jure quarantur; atque ita efficiatur, ut & cultura agrorum, & rerum istarum dominium amice consistant. In opusculo subsequenti solide demonstrabimus, quarum rerum dominium in privatis etiam fundis summo magistratui ex hoc capite adscribendum veniat. Interim ex nudo etiam beneplacito populi, nulla prægnantium harum rationum militante, amplum adeo dominium introduci potuisse, dubio caret.

§. CXXXVI. Res, quæ introducto in fundos dominio remissiori seu laxiori (§. CXXXV.) inoccupatæ relinquuntur, dicuntur ἀδέσποτα, id est domino atque hero carentes.

SCHOLION. Ita has res HUGO GROTIUS nominat (a). De jure imperantis circa ἀδέσποτα peculiari capite agit illustr. BOEHMERUS in jure suo publico universali (b).

(a) De J. B. & P. Lib. II. C. VIII. §. 7.

(b) Part. special. Lib. II. Cap. X.

§. CXXXVII. ἀδέσποτα fiunt primi occupantis.

Domino enim cum careant (§. CXXXVI.), res nullius esse constat (XX.). Quæ cum, si ceteroquin domini capaces sint, primo occupanti cedant (§. LVI.): ἀδέσποτα primi occupantis fieri liquet.

M m m 3

§. CXXXVIII.



§. CXXXVIII. *Metalla, in visceribus terræ latentia, minerae, gemmae, thesauri, ferae, pisces & volucres in fundis inoccupatae relictæ, cedunt occupanti.*

Sunt enim ἀδέσποτα (§. CXXXVI.). Quare, cum ἀδέσποτα primi occupantis fiant (§. CXXXVII.): metalla quoque, mineras, gemmas, feras &c. in fundis inoccupatas relictas, primi occupantis fieri evidens est.

SCHOLION. Quoniam in statu reipublicæ Romanæ plerasque harum rerum tam privati fundorum possessores, quam ipsa respublica inoccupatas & dominio vacuas reliquit: facile liquet, quod tam metalla, quam gemmae, minerae, ferae &c. primis occupantibus cesserint: nisi quod, cum apud veteres acquisitio thesauri inter occupationem & accessionem fluctuaret (a), has sententias ita conciliarit HADRIANUS, ut in loco suo, sacro & religioso sine malis artibus inventus inventori cederet: in loco alieno, sive publico, sive privato casu fortuito repertus inter dominum sive publicum sive privatum, & inventorem divideretur (b): data opera quaesitus totus domino fundi (c): malis autem artibus indagatus, fisco acquireretur (d).

(a) HEINECC. *ad π. P. VI. Lib. XLI. Tit. I. §. 124.*

(b) §. 39. *Inst. de R. D.*

(c) *L. un. Cod. de Thes.*

(d) *Ibid.*

§. CXXXIX. *ἀδέσποτα, in fundo etiam alieno occupata, nostra fiunt.*

Hoc ipso enim, quod ἀδέσποτα res aliquas dicimus (§. CXXXVI.), nullius esse intelliguntur (§. XXVI.): quod igitur in fundo alieno existant, per accidens est, nec propterea minus occupanti acquirerentur (§. LVI.).

SCHOLION. Quid de thesauro speciatim apud Romanos obtinerit, §. precedenti annotavimus.

INVENIATUR

§. CXL.

§. CXL. Quoniam nihilominus omne a fundis damnum avertendi dominis facultas competit; uti ex ipso proprietatis jure intelligitur: *dominis, rerum inoccupatarum occupationem in fundis suis prohibendi jus comparatum esse, patescit.*

SCHOLION I. Atque inde patet, jure prohiberi alios, ne cum ruina ædium aut fundorum nostrorum effossis subterraneis cuniculis in metalla indagent (a); neve cum frugum, fatorum, vinearum, arborumque dispendio ac ruina feras occupaturi fundos ingradientur (§. LXXXII. Schol.). Licet enim nullum in eas dominium nobis arrogemus: jus tamen prohibendi fundorum ingressum ex hoc, quem indigitavimus, fonte non minus dilucide elucescit.

SCHOLION II. Quibus in statu civili summus Magistratus hic prærogativis gaudeat, tam ex dominio reipublicæ publico, quam ex rationibus politicis prægnantissimis suo loco manifestum faciemus. Quando nimirum in civili societate Princeps, seu territorii dominus, justis ex causis metalla, gemmas, feras, pisces & aves nobiliores sine distinctione locorum in dominium suum transcribit: ex parte quoque subditorum, & privatorum agrorum possessorum jus prohibendi cessare, per se intelligitur.

(a) Conf. Viri ampliss. ac spectatiss. JOAN. CHRISTO. DINZEN. HOFFER *brevis analysis* L. 1. & 3. *Cod. de metallariis & metallis* §. 6.

§. CXLI. Insimul vero ex demonstratis (§. LXXXII.) liquido apparet, *prohibitionem illam occupationis effectum, id est acquisitionem domini minime impedire.*

SCHOLION. Quid in hypothese, quod metalla, minerae, thesauri, ferae, pisces & aves &c. in fundis inoccupatae relinquantur, ulterius juris sit, specialius indagare desino, ne ultra speciminis academici limites excreseat Dissertatio; id solum advertens, quod a privatis fundorum possessoribus harum rerum proprietates raro sub domini rationes trahatur, ex rationibus haud dubie

dubie, quas supra (§. CXXXV.) innuimus. Nisi ergo res publica earundem sibi dominium vendicet: ἀδίκματα, & res a quocunque occupabiles eas manere constat. In Germania & plerisque Europæ regnis juribus eæ fisci adscriptæ, & in dominium publicum redactæ sunt, prout opusculo sequenti demonstrabitur. Quo igitur inoffenso pede in pervestigandis regalibus fisci juribus progredi nunc liceat; coronidis loco, quid introducto ampliori seu latiori in fundos dominio juris sit, paucis adumbrabimus.

§. CXLII. *Accessoria fundorum* dicimus quæcunque ab ipsa fundi substantia diversa, eidem tamen ceu partes & pertinentiæ cohærent, aut inexistunt.

SCHOLION I. Sic arbores, plantæ, fructus, metalla &c. sunt accessoria fundi. Considerari enim possunt ceu diversa ab ipso solo, seu fundi substantia, eidem tamen cohærent, & veluti partes inexistunt.

SCHOLION II. Id tamen velim teneas, nisi accessoriorum specialis exceptio fiat, sub fundi compellatione accessoria quoque venire, utpote cujus partes esse dignoscuntur.

§. CXLIII. *Accessoria fundorum* alia sunt *perpetua*, alia *interimistica* seu *transitoria*. *Illa* dicimus, quorum ea natura est, ut semel cum fundo cohærentia, eique inexistencia non nisi extraordinario naturæ cursu, aut facto nostro ab eodem divellantur. *Hæc* vero vocamus, quæ ita comparata sunt, ut juxta naturæ suæ ductum, proprioque impulsu solum coelumque mutant, atque sic fundorum nostrorum pars esse desinant.

SCHOLION. Arbores, fructus, thesauri, metalla &c. perpetua fundi accessoria sunt; quippe quæ aut raro, aut nunquam, aut non nisi facto nostro ab eodem separantur. Ferae contra, pisces & aves, item aquæ præterfluentes ad accessoria fundi transitoria referenda; cum propriæ naturæ ductu alio abeant, & sic fundi pars esse desinant.

§. CXLIII.

§. CXLIV. *Occupato fundo ejus quoque accessoria occupata censentur.*

Occupatio, seu apprehensio dominii in rem introductiva, non stricte, sed cum effectu juris accipitur (§. LV. Schol.); ita ut, qui rem aliquam universim occupat, singulas quoque ejusdem partes, sine speciali apprehensione, suas fecisse & in dominium redegissee censeatur (§. LIX.). Quapropter cum accessoria sint partes fundi (§. CXLII.), una cum fundo occupata esse merito reputantur.

SCHOLION. Recte proin THOSMASIUS (a): *at immobilium apprehensione simul res mobiles his accedentes acquisita regulariter erunt Pro accessoriis autem habentur omnes res nullius, quae in rebus immobilibus continentur, aut quarum sine immobilibus non est usus, siue sint mobiles in specie, ut res inanimata, siue se moventes, ut bestia, siue supra terram, ut aer, siue intra eandem, ut v. g. thesaurus.*

(a) *Jurisprud. divin. Lib. II. C. X. §. 147. & 148.*

§. CXLV. *Dominium in re perpetuum seu perdurabile voco, quod nonnisi facto nostro interit, aut in alium transfertur; h. e., quod ita nobis in re quaesitum est, ut, quamdiu talis manet, nec voluntate nostra aut expressa, aut praesumpta in alium transiit, ad nos pertinere intelligatur. Dominium interimisticum, seu transitorium dico, quod non aliter in re aliqua nobis competit, nisi quatenus praecise cum fundo aut re nostra alia cohæret; consequenter quod, quando res fundi nostri accessorium esse desinit, simul interit, vel alii acquiritur.*

SCHOLION. Sic e. g. quod in arbores, fundo nostro cohærentes, dominium nobis competit, perpetuum esse apparet: quod vero in aquas salinarias, fundum nostrum transfluentes, nobis adscribimus, nonnisi transitorium dici poterit. Quamdiu scilicet in territorio nostro fluunt, ceu ejusdem accessio & pars quaedam, nost-



ra esse censetur: ut primum vero in solum vicinum transmeant, dominium quoque in eas nostrum extinctum esse intelligitur.

§. CXLVI. *Introducto in fundos latiori, seu ampliori dominio (§§. CXXXIII. & CXXXV.), in accessoria, perpetuo fundo coherencia, perpetuum; in transeuntia interimisticum seu transitorium nobis quæsitum est.*

Quodsi amplius dominium in fundos introductum fuerit, omnia, quæ fundis inexistunt, neque alii cuiquam perdurabili proprietatis jure jam affecta sunt, acquisita, & in dominium simul redacta esse censebuntur (§§. iisd.). Quapropter cum accessoria fundorum alia interimistice saltem & transitorie cum fundis nostris cohæreant, iisdemque inexistant (§. CXLIII.): introducto latiori in fundos dominio accessoriorum prioris generis perpetuum, posterioris vero speciei nonnisi transitorium dominium erit.

§. CXLVII. *Atque inde nullo negotio conficitur, in hypothesi introducti latioris hujus in fundos dominii, metalla in visceribus terræ latentia, thesauros, mineras, gemmas, lapides pretiosos, succina, pisces lacubus & stagnis inclusos, perpetuo ac perdurabili dominio nobis affectos teneri.*

SCHOLION. Hæc, supposito latiori dominio, indubia sunt. !Utrum vero expediat, atque, constitutis præsertim civilibus societatibus, dominium in hæc fundorum accessoria privatis fundorum dominis relinquere consultum sit: id jam in suspenso prætermittimus. Etenim aliud in præsentī opusculo non intendimus, quam ut latius hoc dominium nil absurdi involvere, neque impossibile esse evincamus, &, quæ idem consequuntur, consecutaria ex notione, atque indole ejusdem penitus eruamus. Quodsi postmodum Principi, seu summo in republica capiti, in eas res non invitis politicis regulis dominium adscribi planum fecerimus: omnia quæ hucusque de dominio hocce latiori demonstrata fuere, atque in se-



quentibus adhuc demonstrabuntur, ad Principem, sive in genere ad summum Magistratum, recte applicari, per se patet.

§. CXLVIII. *Posito latiori hocce dominio fundorum domini non tantum titulum privativum, & dominium incompletum (§. LXIX.), sed plenum insuper atque completum in metalla, thesauros, succina &c. acquisitum tenent.*

Ex supposito enim occupata sunt, unaque cum fundis & prædiis apprehensa, ac eorum quasi pars & portio existunt (§§. CXLII. & CXLIII.). Eodem igitur, quo fundus ipse, jure censebuntur (§. LIX.). Enimvero fundus ex hypothese proprius est. Quare idem quoque de cohærentibus hisce accessoriis statuendum, plenoque eadem domini jure ad dominos fundi spectare, dicendum erit.

§. CXLIX. *In accessoria, nisi actu capiantur, & apprehensione vere physica in potestatem redigantur, cum occupatione fundorum dominium perpetuum & perdurabile non acquiritur.*

Pone in ejusmodi accessoria constans & perdurabile dominium acquiri. Cum per naturam suam, & sine facto nostro locum sæpius mutant (§. CXLIV.): non potest non summa dominiorum incertitudo oriri. Quo enim, obsecro! quis facto demonstret, utrum in suo fundo ejusmodi accessoria primum extiterint, an in alieno? an sibi potius, quam alii jure perpetuo acquisita fuerint? Sane ut litigiis susque deque omnia verti necessum sit, nec proin sine absurditatibus quam plurimis perdurans in accessoria, quorum ambulatoria & transitoria natura est, dominium concipi queat.

§. CL. Unde de novo patet: *Accessoriorum transitoriorum nonnisi intermisticum atque transitorium dominium esse, antequam actu vere physico potestati nostræ subdantur (§. CXLVI.).*

SCHOLION I. Acquiruntur scilicet una cum fundo, seu fundi pars & portio quædam, ac donec eidem inexistunt, non minus, quam accessoria alia in proprietate nostra reputantur, non equidem perpetua, ut modo demonstravimus (§. CXLIX.), talitamen, qualem natura rei admittit, id est transitoria atque mutabili, tam diu penes nos permanente, quamdiu solum & fundum non mutarint, nec alterius prædii accessio facta fuerint.

SCHOLION II. Neque hætenus perviderelicuit, quid in dominio hoc latiori, aut perpetuo, aut interimistico absurdi lateat. Quæ inde inconcinnitas, quod rerum, fundo meo cohærentium atque inexistentium qualiumcunque, modo jure perpetuo alteri necdum affectæ sint, una cum ipso fundo proprietatem mihi adscribam? Nemini ex lata hac domini extensione injuria inferatur, tum demum talis futura, si aut res inexhausti usus, aut alij jam quæsitæ sub domini mei complexum traherem. Verum est, quod institutis minutis fundorum divisionibus, quales hodie plerumque esse solent apud privatos fundorum possessores, vix amplum hocce dominium consistere, nec sine incommoditatibus plurimis concipi valeat; quam etiam ob causam a privatis prædiorum dominis raro illud introductum esse audiveris. At vero si lata sint & vasta prædia, si integras provincias, regna & territoria supponas, quæ universæ reipublicæ solum non imperii, sed & proprietatis jure affectæ esse dignoscuntur: cessabunt mox omnia, quæ adversum latioris & interimistici domini introductionem obmoveri poterant; nec implicabit amplius, quo minus, quæ privati nequeunt, universa respublica, & territorii dominus proprietatis jure sibi vindicet; potissimum, cum in vasto adeo districtu, qualis territoria constituere solet, ipsa accessoria transitoria, feræ, pisces & aves perpetuo quasi glebæ adscriptæ sint; consequenter a subditis perdurabile omnino dominium illud reputari debeat.

§. CLI. *Introducto in fundos latiori atque ampliori dominio, feræ, pisces & aves nobiliores atque alicujus pretii in dominio, & quidem completo existunt.*

Quid-

Quidquid enim fundo cohæret, nec, uti supponimus, alii jam jure perpetuo quæsitum est, illud omne introducto in fundos lato hocce dominio occupatum censetur (§§. CXXXV. & CXLVI.). Quare feras quoque, pisces & aves nobiliores & alicujus pretii, quæ fundis nostris inexistunt, nec dominum perpetuum habent, in dominium redactas esse oportet. *Quod erat primum.*

Porro, quoniam, donec in fundo existunt, eodem, quo accessoria alia, jure censentur (§. CXLVIII.), in hæc autem dominium completum nobis competat (§. LIX.), dominium, quod in easdem nobis acquisitum est, completum esse dignoscitur. *Quod erat alterum.*

SCHOLION. Studio addidi feras tantum, pisces & aves nobiliores simul occupatas, & in dominium redactas censeri. Talis enim accessoriorum occupatio capienda, qualis in viros prudentes cadat, quæque a recta ratione non abhorreat. Ecquis autem tam stolidus foret, ut eas quoque res, quæ ubivis locorum obviæ, nulliusque pretii sunt, accessoriorum nomine sibi proprias esse velit? Ita passeris, hirundines, aquas præterfluentes, lapides aliaque ejus generis plura nemo sanus cum fundo suas fecisse censetur.

§. CLII. Quoniam tamen feræ, pisces & aves, nisi actu capiantur, vereque in custodiam redigantur, accessoria fundi transitoria sunt (§. CXLIII.); in hæc vero nonnisi transitorium una cum fundo dominium acquiratur (§. CXLVI.): *dominium, quod in feras, pisces & aves hac ratione acquiratur, nonnisi transitorium seu intermisticum esse liquet.*

SCHOLION I. At vero, cum sine modo acquisitio domini nulla intelligatur (§. XLI.), quæri poterat, quomodo per solum ingressum in fundum nostrum sine accedente aliquo nostro facto dominium in feras nobis quæsitum esse dici queat. Non videri præter titulum aliud quidpiam acquirere posse fundi domi-

nos. Sed facilis est ad hæc responsio. Eodem quippe jure, quo accessoria alia, quæ aut in prima occupatione fundo jam inextitere, aut expositi in eodem nata sunt, domini esse intelliguntur (§. LIX.), eodem jure feræ, pisces & aves per territorii & fundi ingressum ceu fructus & accessio soli nostræ fiunt. Sicut frumenta, pyra, poma &c. nostra esse intelliguntur, licet speciali apprehensione in potestatem eadem non redegerimus: ita similiter de feris quoque dicendum, quod scilicet per universalem fundi apprehensionem analago quodam jure in proprietatem nostram transeant; hac solum observata differentia, quod in fructus illos perdurabile, in feras, pisces & aves nonnisi transitorium dominium acquiratur, non aliter ferente natura animalium in libertate naturali vagantium. Omnino itaque modo dominii acquisitivo nostræ factæ fuisse reputandæ sunt.

SCHOLION II. Nec proin nos ferit, quando PUFFENDORFIUS ait (a) „non admittendum videri, quod aliqui dicunt, potuisse legem etiam ante occupationem harum rerum dominium assignare, cum ad dominium producendum lex sufficiat. Id equidem legem civilem efficere posse, ut dominium jam in rebus constitutum ab uno cive in alium transeat, citra antecedens aliquod ipsorum factum; sed ut dominium in rem aliquam, quæ nondum potestatem hominum actu subiit, ab initio introducatur, per solam legem fieri non posse, sed opus esse actu aliquo corporali, cum primis circa res sese moventes &c. „ Etenim non lege, sed apprehensione legitima accessoriorum nomine in eas res dominium nobis acquiri, ad nauseam monstravimus (§§. XLIV. seq.). At contra GROTIUM (b) disputat PUFFENDORFFIUS, qui legum etiam ante actualem occupationem rerum harum dominium transferre potuisse statuit (c). Verum, ut ut GROTII hocce fundamento ad evincendum metallorum, thesaurorum, ferarum &c. dominium non indigeamus; nec etiam hucusque eodem usi fuerimus: firmo nihilominus adversus PUFFENDORFFII obmota dubia talo subsistit; prout ex dictis supra (§. LIII. Schol. II.) colligitur, & opusculo subsequenti uberior demonstrabitur.

(a) *J. N. & G. Lib. IV. C. VI. §. 11.*

(b) *J. B. & P. Lib. II. C. VIII. §. 5.*



§. CLIII. *Dominium latum in fundorum & prædiorum accessoria, speciatim vero interimisticum & transitorium in feras, pisces & aves nobiliores, atque alicujus pretii nec rectæ rationi repugnat, nec auctoritatibus destituitur.*

Quod rectæ rationi, positis terminis habilibus (§. CXLVII. Schol.), non repugnet, ex deductis hætenus (§. CL. Schol. II.) & demonstratis affatim elucescit.

Sed quod nec auctoritatibus Jæctorum celeberrimorum destituatur, omnium optime probatum dabimus, si inter dominii hujus Patronos, præcipuos hic allegaverimus. Præprimis igitur pertinet

HUGO GROTIUS *de J. B. & P. Lib. II. C. VIII.* cujus verba in compendio §. præcedenti Schol. II. adduximus.

OTTO MENCKENIUS, qui in *Dissertatione de jure majestatico venandi* §. 25. de hoc in feras dominio ita loquitur: *Nobis vero hætenus, cur Grotii sententia rejiciatur, non prægnans satis causa visa fuit. Primum enim posita lege, qua subditis venatione interdicitur, non videtur feræ dominus fieri, qui contra superiorum interdictum eam ceperit. -- Quodsi enim vis dominii in eo sita est, ut de rebus, quæ tanquam propriæ ad nos pertinent, pro arbitrio nostro disponere, & ab earundem usu quovis alios arcere possimus: quidni Principi in feras, quæ in sylvis ac territorio ejus vagantur, dominium tribuamus, cum & capere illas, & capiendas aliis concedere, & ab illegitimo captore vindicare queat. Nec obstat, quod feræ a Principe captæ non sint, & si in territorium alienum migraverint, vindicari nequeant. Dominium enim rei cujusdam eum in modum capiendum est, quem naturæ ipsius conditio admittit. Neque requiritur ad dominium, ut dominus rem possideat, sed ut jus rem tenendi & habendi*



bendi obtineat. Quodsi fera e territorio Principis migrent : desinunt esse Principis, fiuntque illius, cujus territorium ingressæ sunt &c.

SCHILTERUS *Exercit. ad π. XLV. §. 5.* ubi, postquam fuisse de jure venandi juxta mores Germaniæ disscripsisset, addit: Unde patet non tantum fons & justitia venationum juris in Germania diversi a Quiritum jure, sed feras recte dici in dominio Principis, etiam nondum captas cum solo, quemadmodum antea universitatis. Neque opus est actu aliquo corporali, nisi ad possessionem singularium capiendam, sed sufficit a primæva societatis humanæ divisione transisse dominum ad quamlibet universitatem, tum soli, seu territorii, tum rerum in ea contentarum.

CHRISTIAN. THOMASIIUS *Jurisprud. divin. Lib. II. C. X. §. 147. seq.* cujus verba supra (§. CXLIV.) adduximus.

GOTTL. GERH. TITIIUS *Juris Priv. Lib. III. C. V. §. 12. & 15.* Item *Lib. I. I. C. XIV. seq. J. Pub. Lib. III. C. V. II. §. 14. seq.* ibi: fera bestia, volucres & pisces, quatenus illæ territorio continentur, harum rerum dominium sibi attribueret status, exceptis tamen, si ita visum fuerit, bestiis vilioribus & noxiis, experientia loquitur; recte autem id fieri &c.

Celeberr. TOBIAS REINHARTH in *dissertat. de rebus in dominio publico existentibus*, ubi de rebus mobilibus in specie §. 8. ita loquitur: deinde verum quidem est, quod dominium rerum semet moventium, quousque specialis apprehensio nondum accessit, velut momentaneum haberi debeat, & hinc, si illæ alio se sponte conferant, naturaliter rursus desinat, prout jam observavit THOMASIIUS *Jurisprud. Divin. Lib. II. C. X. §. 151.* Inde tamen minime inferri potest, tales res plane non, & nequidem eo usque, dum intra territorium sese continent, in dominio esse.

Qui-

Quibus junge VITRIAR. *Inst. J. N. & G. Lib. II. C. VIII. §. 2.* GRIEBNER, *Princip. J. N. & G. Lib. IV. C. V. §. 2. & in Dissert. de præjudiciis Principum Imp. ex abusu juris Justiniani C. III. §. 3. Tit. fin.* Aliosque, qui, licet ea, qua nos, methodo ex intrinsicis rationibus possibilitatem hujus dominii non evicerint, eandem tamen, experientia edocti, probe perspexerunt.

§. CLIII. Porro ex eo, quod dominium in feras &c. interimisticum pro eo tempore, quo penes nos existit, a dominio in res alias non differat, patet, quod *stabilito atque introducto in fundos lato hocce dominio, omnia circa feras, pisces & aves quæ circa res alias in dominio nostro existentes, juris sint.*

§. CLIV. Concludimus itaque, & coronidis loco inferimus, quod ferarum, in hac hypothesis, piscium & avium verum furtum, veraque rapina admittatur (§§. XCIII. CXIII.), nec salva conscientia aut dominiorum jure magis eæ, quam res aliæ, inscio, invito, ac reluctante domino contrectari debeant; ablatae a quocunque possessore recte vindicentur (§§. LXXV. CXVI.), consumtarum pretia, damnique, occasione occupationis illicitæ dati, resarcitio jure petatur (§. eod.); nec minus easdem, quam res alias adversus fures & raptores defendamus (§. iisdem); quodque, si qua sunt alia, quæ ad res nostras defendendas recuperandasque remedia comparata sunt, ea omnia feris, piscibus & avibus, ampla hac occupatione in proprietatem redactis, suffragante ipsa æquitatis ratione, recte huc trahantur, & applicentur.



## OPUSCULUM IX.


DE

EO, QUOD JURE PUBLICO UNIVERSALI ET PARTICULARI IMP. ROM. GERMAN. CIRCA VENATIONES JURIS EST.

---

### CAPUT I.

*De majestatico & territoriali circa venationes jure.*

§. I.  Ura, quæ, constituto atque ordinato imperio civili, necessario intelliguntur, sive, quæ cum summa reipublicæ potestate ita essentialiter connexa sunt, ut sine iis salva & integra concipi nequeat, *majestatica*, item *summi imperii* dicimus.

SCHOLION. Sic jus ferendi leges, jus ordinandi judicia, jus collectandi &c. ad jura majestatica referuntur; etenim uno alterove horum jurium sublato ipsum insimul imperium civile corruat, necesse est.

§. II. *Regalia* vero jura audiunt, quæ quidem summæ in republica potestati soli, atque privative competunt; non tamen necessario ita cohærent, ut sine iisdem nulla ratione subsistere, neque etiam privatis in republica civibus perinde, ut res & jura alia, libere fruenda exercendaque relinquere valeant (a).

(a) Vid. opusc. subsequ. §. 108.

SCHO-

SCHOLION. Sic detractus, pedagogii, metallifodinarum, minerarum auri & argenti, thesauri &c. regalia jura a summa potestate civili ut plurimum privative, vel dependenti saltem ab eadem concessionis jure exercentur; interim nemo dixerit, corruiurum inde summum imperium, aut perituram rempublicam, in qua detractus jus nullum vigeat, aut ubi sufficientibus aliunde instructa redditibus civitas, nec in metallifodinas, nec in mineras, thesaurosve jus aliquod privativum, & cum exclusione subditorum sibi asseruerit.

§. III. Cum itaque majestatis jura perpetuo & necessario (§. I.); regalia autem nonnisi ex accidenti cum summo imperio connexa sint (§. II.): differre inter se regalia, & summi imperii jura, oppido liquet (a).

SCHOLION I. Hæc ita, si modum constituendi, & regalia jura in specie spectes; ut actu erim constituta, cum summi imperii juribus conveniunt in eo, quod ambo summam in republica potestatem pro subjecto suo in hæsiivo agnoscant: ut adeo vel hanc solam ob causam pari fere cum his splendore, dignitate, & eminentia censenda sint.

SCHOLION II. Id præterea velim advertas, regalia jura maximam partem utilitatum & compendiorum fiscalium, aut decoris etiam externi majestati conciliandi gratia comparata esse; modos proin constituere, quibus redditus fisci & Principis citra subditorum incommodum augeantur.

(a) *Dict. opusc. X. §. eod.*

§. IV. *Jus constituendi regalia* est facultas, summæ in republica potestati competens, res quasdam, & jura e commercio privatorum eximendi, atque, ex rationibus modo adductis (Schol. II. § præced.), ad Principis & reipublicæ jura privative transcribendi.

§. V. *Jus constituendi regalia non est ipsum regale, sed jus majestaticum.*

Absque jure, necessarios reipublicæ, & condignos Principi redditus constituendi, nulla civilis societas concipitur, uti per se patet. Quapropter, cum ex regalibus fisci juribus haud mediocris reddituum Principis portio, & quidem cum minimo subditorum incommodo, aut bonorum dispendio proveniat (a): in omni republica bene ordinata regalia constituenda, neque hac facultate summos Imperantes carere posse evidens est. Enimvero jura, queis sine summa civilis potestas intelligi nequit, majestatica (§. I.), minime vero regalia (§. II.) audiunt. Jus igitur constituendi regalia, ad majestatica, non regalia jura referendum esse constat. Q. E. D.

SCHOLION. Ex hoc interim fonte majestatico singula Principis, atque reipublicæ regalia fisci jura, ceu ex scaturigine uberrima, prone derivantur, eorundemque & æquitas, & in genere spectatorum necessitas luculentis argumentis evincitur. Quoniam nihilominus, quot, & quæ præcise ad hanc jurium classem in quolibet republica referenda, per se determinatum non est, sed priori Principis definitioni subjacet: eatenus regalia, in individuo spectata, liberi manent arbitrii, & pro exigentia atque peculiari- bus reipub. circumstantiis mox plura, mox pauciora numero constituuntur.

(a) *Dict. opusc.* §§. 104. & 109.

§. VI. Quæ in rebus publicis liberis & independentibus jura majestatis (§. I.), ea in statuum imperii territoriis subordinatis *jura territorialia* salutamus; *regalibus* vero Principum & statuum imperii juribus idem, quod in rebus publicis liberis, nomen significatumque relinquimus.

SCHOLION. Hoc solo scilicet sublimis territorii potestas a summo imperio diversa est, quod non libero prorsus, & independenti arbitrio regat, sed superiori adhuc Imperatoris & imperii majestati sublit; quas subordinationis, & dependentiæ leges, atque inde resultantes limitationes superioritatis territorialis uberius



rius explanant publici juris DD. ; his interim haud obstantibus, quo minus status analoga summo imperio potestate territoria sua gubernent, ac proinjure imperantium classe recte collocentur.

§. VII. Ex dictis consequitur: *eandem*, quæ inter jura majestatis ( §. I. ) & regalia ( §§. II. & III. ), *inter hæc posteriora quoque* *§ territorii jura intercedere differentiam*: nec non, *quæ de juribus majestaticis atque regalibus in genere demonstrantur, tuto quoque ad statuum imperii sublimia jura, salvo ceteroquin subordinationis atque dependentiæ nexu ab imperio, applicari.*

SCHOLION. Equidem hanc jurium territorialium a regalibus differentiam non arridere iis, qui omnia statuum imperii jura sub *regalium* nomine comprehendunt, haud ignoro. Verum uti medio ævo, & circa interregni tempora latiore hunc significatum facile admiserim: ita recentiori ævo, nostris certe temporibus, regalium nomen, nisi admodum late idem accipias, omnem territoriorum sublimem potestatem vix exhaurit; & aliud *die Lands-Hoheit* / aliud *die Regalien* innuere videntur. Postquam sane territoria ad ordinata regiminum schemata quam proxime accedunt, citra errandi periculum separatis jura territorialia, & regalia classibus collocamus; id quod etiam diversa utrorumque origo ( §. III. & V. ) & inde resultantia jura diversa quodammodo exigunt: interim quæ §. VI. Schol., & alibi (a) innuuntur, huc quoque trahenda erunt.

(a) *Dict. opusc. §. 107.*

§. VIII. *Jus circa venationis majestaticum, sive territoriale*, definitio: quod sit summo imperio cohærens potestas, venationes (sub quo nomine piscationes quoque, & aucupia hic comprehendimus) legibus salutariter conditis in republica ita ordinandi, ne quid inde respublica damni, sed emolumentum potius & commodum sentiat.

SCHOLION. Quid venationum nomine intelligamus, supra *opusc. VIII. §§. 76. & 77.* videre licet: cave tamen jus hocce majestati-

staticum cum jure majest. aut territoriali circa sylvas & forestas idem accipias. Utriusque differentias suis locis latius excutiemus.

§. IX. *Jus circa venationes regale* est facultas principi atque reipublicæ qua tali, & cum exclusione subditorum competens, utilitates ex venationibus provenientes suas faciendi, & in publicos sive principis sive reipublicæ usus convertendi (§. III. Schol. II.).

SCHOLION. De regali venationis jure *Cap. II. & III.* ex professo dispiciemus. Ceterum, quæ de majestaticis circa venationes, & forestas juribus inter se diversis (§. præced. Schol.) prævie annotavimus, eadem quoque de regalibus venationis & forestæ juribus teneas.

§. X. *Jus circa venationes tam majestaticum, quam territoriale (§. VIII.) est pars summi imperii, sive superioritatis territorialis, & quidem potestatis legislativiæ essentialis & necessaria.*

Venationes non minus, atque alia omnia in republica supremæ inspectioni principis, & potestati legislativiæ virtute summi imperii subjacent, ut nemo ambigit. Quapropter, cum in supremo hocce inspectionis jure jus circa venationes majestaticum præcipue fundetur (§. VIII.): partem hocce summi imperii, seu superioritatis territorialis, & in specie potestatis legislativiæ essentialem constituere evidens est. Q. E. D.

SCHOLION. Inde est, quod ad hanc jurium principis classem illud in specie referat PLATO *Lib. 7. de LL.* Teste LUD. OTTON. MENCKENIO *in dissert. de majestat. circa venationes jure §. 8. in fin.*

§. XI. Triplicem venationum statum in republica possibilem concipimus. Aut enim I. promiscua omnibus venandi, atque animalia fera occupandi licentia patet, nec ad unum, nec ad paucos restricta: aut II. una cum ipsis fundis ceu particula domini in proprietatem redigitur; quo casu animalia fera ceu accessoria fundorum considerata veniunt, (a) nec eadem occupandi jus ab alio, quam a fundi domino exerceri potest: aut denique III. venandi jus soli principi atque reipublicæ tanquam regale eximium vindicatur, subditis ab eodem penitus exclusis.

SCHOLION. Quinam ex his tribus venationis statibus in qualibet republica vigeat, aut communi civitatis lege receptus sit, ex peculiaribus locorum institutis penitus hauriendum; nec, qui præ aliis publico expediat, anxie nunc inquirimus; possibilitatem saltem unius vel alterius, quod impræsens sufficit, nemo cum ratione in dubium vocare poterit.

(a) *Opus. VIII. §. 146. seq.*

§. XII. Quoniam tamen jus circa venationes majestaticum partem summæ potestatis civilis essentialem constituit (§. X.), consequenter eidem necessario cohæret (§. I.): *qualemcunque ex his tribus venationis statibus in repub. receptum supponas, illud penes summum imperantem semper salvum atque integrum persistere, nec ulla unquam ratione ab eodem abesse posse, patescit.*

SCHOLION. Olim, cum non nisi una esset in imperio civilis potestas, in Imperatore, tanquam capite majestatico conspicua, jus circa venationes majestaticum solus Imperator per universum imperium exercuit, pluribus idem sanctionibus, & legibus venatoriis testantibus. Enimvero, postquam cum eminentioribus civilis imperii juribus sub superioritatis territorialis schemate potestas quoque legislativa ad status imperii transiit: mirum non est, si & hanc civilis imperii partem status sibi vindicasse dubi-

bitare nos non sinunt edicta, & leges, quas circa venationes vigore superioritatis territorialis, aus *Lands, Fürstlicher Macht und Hoheit* / quotidie promulgant (a).

(a) Vid. FRITSCHII *Corp. Jur. Venatorio-Forest. P. III n. 31. Jagd-Edict im Herzogthum Engern und Westphalen. ibi. Nach dem wir allbereits aus Lands, Fürstlicher Macht, und Hoheit a. 1696. ein öffentliches Jagd-Edict publicirt ic. Item so haben wir dannenhero aus obangeregter Fürstlicher Macht und Hoheit ic. aliasque ordinationes, & edicta venatoria quam plurima, passim obvia, in quibus aut similes, aut eadem formulæ occurrunt.*

§. XIII. Licet igitur summus imperans aut respublica regale venandi jus (§. IX.) nullum sibi vindicet, sed venationes in primo, aut altero statu (§. XI.) libere, sive ab omnibus, sive prædiorum dominis exercendas relinquat: *majestaticum nihilominus, seu territoriale circa venationes jus pleno penes summum imperantem robore subsistet; neque a privatione, aut carentia unius, ad absentiam quoque, & carentiam alterius argumentum duci poterit.*

SCHOLION. Sic apud Romanos usum venationum fuisse liberissimum, ferasque pro rebus nullius, consequenter quæ ab omnibus occupari potuerint, fuisse habitas, noto notius est. Verum enimvero, cave inde inferas, non magis rempublicam aut Imperatores jus circa venationes majestaticum exercuisse; contrarium potius vel ex uno Tit. Cod. *de Venat. ferarum* elucescit, & ex innumeris legibus aliis Pandectarum & Codicis, quibus jura circa venationes propius definiuntur, haud obscure colligitur.

§. XIV. *Jus circa venationes majestaticum, sive territoriale qua tale (§. VIII.) subdito qua tali communicari nequit.*

Pone, jus circa venationes majestaticum, sive territoriale, subdito qua tali communicari, ita ut eodem, quo summus  
mus

mus imperans, jure idem exercent. Quoniam a summa potestate inseparabile idem esse evictum dedimus (§§. X. & XII.): subditum, qua talem, summa simul potestate instructum esse, ponas necesse est. Quod cum sit absurdum, & subditi, qua talis, notio refragetur, uti per se patet: jus hocce majestaticum & territoriale subdito, qua tali, communicari non posse evidens est. Q. E. D.

SCHOLION. Neque regeas, quod tamen statibus imperii idem cum juribus territorii communicatum sit (§. XII. Schol.). Etenim quæ status imperii, vigore superioritatis territorialis, in territoriis suis jura exercent, ea non tam communicata, quam in territoriorum dominos qua imperantes, & summo imperio analogapoteestate instructos, translata dicenda sunt. Superioritatem sane territorialem, qua hodie effulgent procures imperii, rectius de novo efformatæ, quam communicatæ civilis potestatis nomine insigniri, emundiores mecum omnes consentientes habeo. Nec tu puta, in status imperii quadrare, quæ de subditis inferioris ordinis prædicantur. Alterius plane illorum subjectio indolis est, ex nexu eorundem cum superiori regimine, sive imperio dijudicanda.

§. XV. *Subordinate tamen subdito, qua tali, concedi non implicat.*

Qui jura majestatis (idem est de juribus territorialibus) in republica sive ad vitam, sive perpetuo in ipsos translato, a Principe tamen, seu summo imperante, dependenti, atque subordinato jure exercent, re ipsa non nisi administratorum vicibus defunguntur; neque alterius, quam Principis & summi imperantis nomine ejusdem jurium exercitium explicare intelliguntur (a). Subordinata igitur, & dependens hac ratione jurium majestaticorum seu territorialium in subditos facta translatio summo imperio, ac superioritati territoriali minime officit, sed eandem per omnia in salvo relin-



quit (b). Quapropter jus circa venationes majestaticum non minus, quam reliqua superioritatis jura, subordinate in subditos, qua tales, transferri posse, evidens est. Q. E. D.

SCHOLION. Subordinata hujus juris concessio aliud subdito, seu Landsassio, non tribuit, quam quod in locis, ad quæ ea concessio sese protendit, leges venatorias Principis superioris nomine ferre, atque promulgare valeat, supremæ ejusdem inspectioni nullo non tempore obnoxias, quasque Princeps, si reipublicæ minime proficuas esse deprehenderit, vel tollere plane, vel corrigere, & ad utilitatem communem componere haud prohibetur. Verum, cum de *juribus venationum subordinatis* integre Cap. V. acturi simus: alia, quæ hic moneri poterant, studio nunc prætermittimus.

SCHOLION II. Id tamen, quod jam alio loco (c) monuimus, velim teneas, hanc jurium summi imperii, subordinate in subditos translatorum, dependentiam atque subordinationem multis modis a subordinatione & dependentia jurium territoriorum ab imperio, diversam esse. Prior, sicut qualitatem subditorum vere talium non immutat, ita posterior nihil officit, quominus status imperii, superioris præsertim ordinis, vere imperantium, territoria vero rite constitutarum societatum civilium loco habeantur.

(a) *Infra opusc. X. §. 117.*

(b) *Ibid.*

(c) *Ibid. §. 119. Scholio.*

§. XVI. *Vigore competentis majestatici, & territorialis circa venationes juris Principes, ac territoriorum domini omnia ordinant, quæ ad rectum venationum in republ. usum, ferarum, piscium & avium, commoditatibus vitæ inservientium, conservationem, & ex adverso nocivarum extirpationem pertinent.*

Propositionis hujus complexæ veritas ex ipsa juris circa venationes majestatici, quam supra (§. VIII.) dedimus, defi-

definitione elucescit, indeque per modum corollarii colligitur. Etenim si Princeps venationes in republica ita ordinare debet, ut in publicam utilitatem, atque emolumentum cedant: ad conservationem utilium, ferarum vero nocivarum eptirpationem, nec non ad ordinatum venationis usum in genere curas ejusdem præcipue dirigendas esse, patescit.

SCHOLION. Majestaticum hoc summorum imperantium officium omnes fere ordinationes venatoriæ præferunt; quarum non parvum numerum congeffit AHASVERUS FRITSCHIUS in *Corp. Juris Venatorio-Forest. P. III.*

§. XVII. *Leges venatoriæ sunt constitutiones, sive regulæ, publica Principis auctoritate latæ, juxta quas venationes in republica exercendæ, earumque jura dijudicanda veniunt.*

SCHOLION. Cum præsentī capite de jure circa venationes majestatico tantum solliciti simus, eo potissimum spectantia jura & leges nunc indagabimus: quæ regali venationis jure penes Principem & rempublicam existente consequuntur, eique velut propria sunt jura, commodius cum ipsa hujus regalis indole Cap. II. & seq. enodaturi.

§. XVIII. *Leges venatoriæ, quas Princeps vigore juris circa venationes majestatici condit, omnes in republica cives, subditos, atque landsassios obligant.*

Ab obligatione legum, quas summa reipublicæ potestas universaliter sancit, subditorum nemo eximitur (a). Tales igitur, cum supponamus leges venatorias a Principe latas: earundem obligationem universalem subditos quoscunque, consequenter & landsassios stringere, evidens est.  
Q. E. D.

SCHOLION. Provoco rursus ad ordinationes venatorias principum & statuum imp. apud FRITSCH. *cit. l.* & alibi passim obvias; in quibus landsassiorum non minus, quam subditorum in specie ita dictorum mentio fit. Confer. inter alias Churfürstl. Bayerische Jagd- und Forst-Ordnung Cap. 2. Von der Prälaten/ vom Adel/ und Landsassen Erb. wie auch der Fürstl. Beamten anderer Gnaden. Gejägten/ ibi. Alldiemeilen man aber in Erfahrung kommen/ nachdem etliche Prälaten/ von Adel und Landsassen/ Erb. Gejäger 2c. haben/ daß deren etlich sich mit dem Jagen unwendmannisch halten/ 2c. Demnach sollen diejenige/ denen die Gejagd-Verwaltung von uns anbefohlen 2c. Item Churfürstl. Bayerische Jagd- und Forst-Ordnung Art. 73. & 74. ad eandemque KHRAYSERUS, generalem harum constitutionum obligationem ex L. 1. π. de Legibus L. 3. 6. Divus π. de sepulchro violat. probans; eoquod scilicet, ut in prin. Art. 74. dicitur, boni communis causa comparatae sint, & ad Principem spectet, reipublicae ac privatorum commoda promovere; addens in fine, quod si quis Landsassiorum, aliorumque contra has ordinationes deliquerit, is bene tunc ab ipso principe coerceatur; principi namque omnes obedire teneri C. 2. & C. solita ꝫ de Maj. & obedient. Quibus junge apud eundem FRITSCHIUM *cit. loco P. III. n. 8.* Imper. RUDOLPHI II. Ordnung/ wie es hinführo mit dem Reiß-Gejagt im Erz- Herzogthum Oesterreich ob der Enns gehalten werden soll: in fine: Daneben aber wollen wir durch diese der Stände Vergleichung denen Generalen (scil. legibus), so mehr ernennetes Reiß-Gejagds halber vormals ausgegangen/ nichts benommen/ sondern dieselbe wiederum bekräftiget/ also auch als Herr und Landes- Fürst/ uns die Minder- und Mehrung dieser Ordnung in allweg vorbehalten/ und uns an unsern Hoch- und Gerechtigkeiten/ desgleichen an unsern Lands- Fürstlichen Regalien/ Wild-Bahnen/ Forst und Gehägen nichts präjudicirt/ noch begeben haben.

(a) Vid in schol. *cit. Cap. 2. ꝫ de majoritate & obedientia.* STRUYE *Exercitat. ad π. II. Lib. I. tit. III. §. 12. ibique MULLERUS in notis,*

§. XIX. Porro, quoniam jus circa venationes majestaticum ad determinatum venationis statum (§. XI.) restrictum haud est (§. XII.): patet, *leges venatorias generales a superiori latas subditos & landassios obligationis vinculo stringere, sive animalia fera, pisces & aves, res nullius ab omnibus occupabiles esse ponas; sive ut accessiones fundorum transitorias & in dominio intermistico existentes (a); sive denique tanquam res principi & reipublicæ proprias, aut ejus tantum beneficio occupabiles consideres.*

SCHOLION. Quare nec illimitato plane venandi jure fruuntur subditi, licet peculiari principis beneficio, aut ex antiqua observantia venationes libere exercent, wo die Freye Bürsch Herkommen ist; nec, ubi Prælati & nobiles landassii venandi jus concessionis titulo a domino territorii obtinuerunt, testantibus idem ordinationibus venatoriis quam plurimis. Confer, Churfürstl. Sächsische Jagd-Mandata de annis 1613. 1626. 1629. &c. apud FRITSCHIUM cit. loc. P. III. n. 1. in quibus passim occurrunt verba: unangesehen er sonst Weydwerck zu treiben befugt. item: Sie seyen von Adel oder sonst; sed de his uberior infra Cap. V. differendi locus dabitur.

(a) *Supra opusc. VIII. §§. 143. & 146.*

§. XX. Princeps vigore majestatici atque territorialis circa venationes juris, venationum in specie ita dictarum, aucupiorum, & piscationum tempora jure optimo definit; & ad eorundem observantiam cives omnes, subditos & landassios obligat.

Etenim vigore juris hujus majestatici princeps seu territorii dominus venationes ita ordinandi facultate gaudet, ut & in jucunditatem, atque commoditatem vitæ cedant, nec non conservationi simul ferarum, piscium, & avium prospiciatur (§. XVI.). Quapropter, cum certis anni spatiis feræ &c. præ aliis melioris notæ, & ad victum, aliasque vitæ necessitates aptiores esse deprehendantur, & si indistinc-



te quolibet anni intervallo, nulla partus, feminum, cubatusque, *des Ausbrütens* &c. ratione habita, easdem capiendi copia foret, brevi tempore omnia ferarum, utilitatibus hominum inservientium genera peritura forent: principem legibus salutariter conditis temporum spatia recte definire, nec non, quando quælibet animalium ferarum genera capienda, quandoque ab iisdem abstinendum sit, legali auctoritate, jureque optimo præscribere, patescit. *Quod erat primum.*

Quoniam porro leges venatoriæ, quæ jus circa venationes majestaticum pro fonte agnoscunt (§. XVI.), neque ad certum venationis statum restrictæ sunt (§§. XII. & XIX.), omnes in republica cives obligant (§§. XVIII. & XIX.): landssassios quoque, & subditos ad observanda venationum tempora obstrictos esse, evidens est. *Quod erat alterum.*

SCHOLION. Quæ uni vel alteri venationis ferarum speciei, aucupis, & piscationibus tempora magis accommodata sint, periti in arte magistri, & earum rerum gnari venatores omnium optime perspectum habent. Horum itaque consilio in hac legislationis parte princeps tutissime utitur, circumstantiis tamen locorum non plane insuperhabitis, quibus, siqua in re alia, multum sane hic dandum est. Quas proin §§. seq. ex hac propositione generali deducemus regulas speciales, exempla tantum, regulam generalem minime exhaurientia, sed illustrantia solum, atque confirmantia suppeditant.

§. XXI. Unde intelligimus, cur cervos plerumque non nisi mense Julio, Augusto, & initio Septembris, capreolas, & quod venatores dicunt *das Wild* a festo demum S. Michaelis, apros, *das schwarze Wildprät* a festo S. Galli usque ad nativitatem Christi venari & capere integrum sit (a); cur aucupia verno tempore, & initio æstatis (b), atque in genere venatio inferior, *das kleine Weydwerk* a tempore quadrage-



dragesimali usque ad fest. S. Bartholomæi prohibita (c); cur ante festum S. Jacobi a capiendis alaudis (d), piscibus vero generaliter eo tempore, quo semina & ova ponunt, da sie laichen (e)/ abstinendum sit: scilicet, quod his temporibus, nonnisi cum destructione insigni piscium & avium, aucupia & piscationes exerceantur, atque has ipsas ob rationes feræ aliis, quam initio diximus, anni spatiis vix recte capiantur. Quibus adde, quod extra illa tempora esui parum aptæ, aut saltem venationes non sine devaluatione frugum, & graminum suscipi possint.

(a) Confer. inter alias Churfürstl. Bayerische Jagd- und Forst-Ordnung Cap. III. zu was Zeit das rothe und schwarze Wilprät zu jagen per tot.

(b) Vid. ERNEST. FRID. SCHRÖTER. *de banno ferino* Cap. V. §. 8., ubi testatur, quod plerisque in locis eo tempore, quo pariunt, vel pullos nutriunt, zur Zeit / wann das Gefvögel in der Bruth ist / avibus insidiari nefas sit. Confer. cit. Churfürstl. Bayerische Jagd- und Forst-Ordnung Cap. XXII. Wie es mit Fahrung des kleinen und grossen Vogelwercks zu halten. Tyrolische Land-Ordnung P. 4. Tit. 14. Constit. Elect. Saxon. de an. 1555. Tit. Vögelfahren. Item Churfürstl. Sächsisches Mandat wegen des Vogelfangs / Bruth / und Eyer / item die Zehung der Fisch- Bäche betreffend an. 1626. apud FRITSCH. cit. l. P. III. n. 1. p. 6.

(c) Ibid. Item Fürstl. Gothaische Jagd-Ordnung de an. 1667. apud eundem FRITSCH. cit. l. p. 49.

(d) cit. Bayerische Jagd-Ordnung Cap. XXII. verbis: Nachdem aber der Perchen 2c.

(e) Alleg. Mandat. Sereniss. Elect. Saxoniz; & in Ordinat. venatoriis passim.

§. XXII. Ex eodem fonte est, quod lepores, & perdices tempore nivium, quando vel effugere, vel occultare se nequeunt, multis in locis venari lege vetitum sit (a); quodque vulpes, aliaque ejus generis animalia, quorum e pellibus

pellibus unica fere utilitas percipitur, nonnisi autumnali & hyberno tempore, scil. a festo. S. Michaelis, capere jure liceat (b).

(a) Vid. SEBAST. MEDICES *de Venat. P. I. Q. XI. pr.*

(b) Erz- & Herzogl. Oesterreichische Jagd- und Forst-Ordnung / apud FRITSCH *cit. I. P. III. n. 8. §. Zum dritten / nachdem bis- hero ic.*

§. XXIII. Neque aliunde, quam ex stabilitis hactenus principiis, ratio repetenda, quando princeps, aut quicumque alius legislator, certis diebus a venationibus plane abstinere præcipit.

SCHOLION. Sic canonum jure venationes prohibitæ sunt tempore jejunii (a), item diebus festis (b), ne Christiani ab officio divino, & audienda missa abstrahantur, nisi forsan necessitas easdem instituere jubeat. Ut de aliis temporum venationis determinationibus nihil commemorem.

(a) Gloss. C. qui venatoribus Dist. 86. C. quid prodest ibid.

(b) Arg. C. 3. §. de feriis. Cap. 7. & fin. ibid. SEBAST. MEDICES *de Venat. P. I. Q. XI. n. 4.* GEORG MOHR *P. II. C. 10.* CLUDIUS & BERRINGER *de Jure Venandi thes. 34.*

§. XXIV. Quando in venationibus ea temporum, & modorum venandi servatur ratio, ne feræ citra necessitatem & præsentem utilitatem destruantur, sed earundem potius genera & species, quantum pote est, conserventur; *venationes ordinatas, & recte institutas, weydmännisch* / dicimus: uti ex adverso, quando in venando nec tempus, nec modus custoditur; *venationes inordinatas, minusque ex æquo institutas, unweydmännisch* / salutamus. Unde, quid sit *weydmännisch* / quid *unweydmännisch* Jagen / intelligimus.

SCHO-

SCHOLION. Alii (a) venationes inordinatas eas dicunt, quæ in leges venatorias impingunt; atque decori etiam in capiendis trucidandisque feris, item terminorum artis rationem habent (b). Verum, quoniam tales sunt venationes, in quibus nec tempora, nec modi servantur: a notione, quam dedimus des *unwiedmännischen Jagens* / minime discrepant. Ceterum licet definitio de feris tantum, atque venationibus, in specie ita dictis, concepta sit: nil tamen obstat, quo minus ad aucupia quoque, & modi minus est habenda ratio.

(a) KHRAYSER. tract. de venat. & aucup. ad ord. venat. Bav. var. cap. II, pr.

(b) Vid. Noe MEUERER. Jagd-Recht P. IV. apud FRITSCH. cit. l. p. 351.

§. XXV. Venationes inordinatas, minusque ex æquo institutas, *unwiedmännische Jagden* / princeps jure prohibet, atque inditis pœnis coerces.

Per venationes, contra leges, & rectum venandi ordinem institutas, nobiliora, atque usibus præprimis hominum inservientia ferarum genera citra necessitatem, & indignis venatore modis destruuntur (§. XXIV. cum Schol.). At vero principis est, tum conservationi ferarum, tum vel maxime legibus prospicere, ne venationes cum dispendio, & detrimento publico exercentur (§§. VIII. & XVI.). Inordinatas itaque venationes, quin jure prohibeat, & pœnis etiam, si opus est, recte coerces, dubio caret. Q. E. D.

SCHOLION. Nec interest, quem in republica venationis statum supponas. Cum enim publica utilitas has leges efflagiter: omnes peræque subditos & landsassios obligant (§. XVIII.). Neque inordinatæ venationes, *unwiedmännische Jagden* / ferendæ; si-ve promiscua civibus venandi libertas pateat; si-ve proprio domini, aut concessionis a principe jure a quibusdam possideatur (§§. XI. & XIX.).

§. XXVI. Quoniam venationes temporibus foetus, partus, incubatus, exclusionis ovorum &c. non sine ingenti, & pernitiola ferarum destructione institui queunt; tum vero quædam etiam animalium ferorum genera certis anni spatiis minori cum utilitate capiuntur (§§. XX. seq.): venationes, hisce temporibus institutas, in rectas venandi regulas impingere, atque *unwepdmännisch* merito nuncupari, evidens est (§. XXIV.). Quas cum a Principe inhibendas esse, modo demonstratum dederimus (§. XXV.): *jus Principis majestaticum & territoriale certa venationum tempora, quibus venari integrum sit, vel secus, definiendi (§§. XX. XXI. & XXII.), etiam ex hoc fonte deduci posse, liquido constat.*

SCHOLION. In citata sæpius ordinat venat. Bavar. venationes, quæ extra debita tempora suscipiuntur, in specie *unwepdmännisch* vocantur, *Cap. II. pr.* Daß deren etlich sich mit dem Jagen *unwepdmännisch* halten / das Wildprät nicht zu rechter gebührender Zeit und Weil fahen / sondern nach der Hand / und zu denen Zeiten / da das Wildprät weder nuß noch gut / gang *unwepdmännisch* jagen/ und dazu 2c. vid. apud FRITSCH. *cit. l. P. III. p. 71.*

§. XXVII. Ex eodem §. XXV. prono consecutionis filo ulterius consequitur: *nocivos, & venatoribus indignos, uns jägerliche, venandi modos a Principe omnino cobibendos, atque e republica proscribendos esse.*

SCHOLION. Modi venandi tum pro variis feras capiendi artibus, tum pro diversitate instrumentorum potissimum variant; inter quos, quinam probandi, quinam improbandi, periti in arte venatores omnium optime suggerent: impræsens quorundam saltem legibus venatoriis prohibitorum mentionem injicere lubet.

§. XXVIII. Unde porro liquet, cur zonæ, plagæ, atque arcta nimis retia in venationibus ferarum toleranda non sint:



sint : ne scilicet cum insigni strage feræ majores juxta ac minores , præsertim apri juniores , die Frischling / irretiti capiantur (a) ; cur , ut inordinatis hisce venandi modis obviam eatur , certa plagarum & retium mensura , das Spiegel-  
Maas / a Principe constituenda (b) ; cur capreas matres , die alte Geißen / capere aut occidere indecorum reputetur (c) ; cur lepores , ceu modis recto venandi ordini adversis , mit  
Abichrecken / Lauschen / Wohnsassen / Hurt / Taucken / oder in Schnüren / gehägten / Dräthlen / oder Fällen / non insectandi , aut enecandi (d) ; cur non indistinctim omnis generis animalia fera cum quibuscunque globulis , Geschöß / Kugeln oder Schröten transfigenda , ne feræ majores leviter saltem vulneratæ in fugam abigantur , aut graviter percussæ in sylvis pereant ; cur vulpes quibusdam in locis , præterquam quod temporis ratio habenda ( §. XXII. ) , nonnisi modis venandi ordinariis , mit ordentlichen Jagen / Hetzen / Gruben und Schiessen / capiendæ ; cur pali acuti , quibus feræ semetipsas transfigant , non ferendi ; cur denique venenorum , aliorumque remediorum , quibus feræ ad rabiem concitentur , in venationibus usus omnis legibus improbandus atque cohibendus sit &c.

(a) *cit. Ordinat. venet. Bavar. Cap. 3. §.* Nachdem uns auch für Kommen *zc. in fin.*

(b) *Ibid. in fin.* damit aber die Netz fürterhin nicht zu eng gemacht werden / wollen wir ein Maas / wie weit die Spiegel seyn sollen / verordnen.

(c) *Ibid. in fin.* doch der Geißen *zc.*

(d) *Ibid. Cap. 13.* Vom Abichrecken / Lauschen / *zc.* ubi in fine generalis sanctio subjungitur , qua omnes omnino inordinati venationum modi vetantur. Item *Mecklenburgische Lands. Ordnung. de a. 1562. tit. 26.* Wir wollen auch / daß alles Wild ibi und soll hiemit alles Kuren / Lappen und Lauschen ganz und gar verboten und aufgehoben seyn / dadurch das Wild verderbt / und verödet wird. Item *Fürstl. Jenaisches Jagd. Mandat de*



an. 1674. An: Pralaten / Ritterschafft. §. Es sollen zum dritten alle Drath- und Haarschlingen zc. Ubi quoque §. 8vo. Alle Nacht- und Streich-Garn improbantur.

(e) *cit. Ord. Bavar. Cap. 12.* Zu was Zeit die Fuchs-Jagd zu treiben. ubi peculiare hujus constitutionis rationes vide.

§. XXIX. Nec minus inde in aprico constituitur, quare femellis majoris aucupii, quales sunt attagenum, urogallorum & similium, parcendum (a); cur perdicum & coturnicum pullos capere, aut ova destruere nefas (b); cur volatilibus, nobilioris præsertim generis, rarioribus effectis, certi easdem aucupandi modi, mit Leimstangen / mit dem Hengel / Stecknehlen / prorsus cohibendi (c): eoquod scilicet his, atque aliis modis totalis fere avium nobiliorum destructio consequeretur,

(a) *d. Ordin. Bavarica Cap. 121. §. 1.* ibi: aber dennoch der Hennen / wie und was Orts die seven / zur selben Zeit auch verschont werden. *Item in fin.*

(b) *Ibidem Cap. eod. §.* und dieweil oftmals an dem Schritt oder Mehen zc. *Id quod omnes fere ordinat. venatoriæ apud FRITSCHIUM P. III. quoque edicunt.*

(c) *Ibid. Cap. 22. §. 1.* soll auch das schädliche Weydwerck / so mit dem Hengel / mit den Rerschen gericht wird / wie auch die Stecknehlen / dadurch die Wachteln in der Brut Hauffenweis aufgefangen / und den Leuten das Getrend vertretten wird / gänzlich verboten / und mit Ernst abgestellt seyn. *Fürstl. Jenaische Forst-Jagd- und Weydwercks-Ordnung Cap. 11. §. 8.* Es sollen in dem Bogelschneiten / und anderswo ganz keine Gallen / oder Tritt-Schlingen vor Auer- und Birckhahnen zu stellen verstatet werden.

§. XXX. Ex eodem denique fonte intelligimus, cur Princeps recte caveat, ne pisces, qua moriantur, esca, aut præparatis eum in finem globulis, ut ad natandum inepti efficiantur, sive etiam vertigine agantur, capere quispiam præ-

præsumat (a); cur hamis, retibus, & nassis certam mensuram præfigat (b), ut ne omnis generis pisciculi minores, præsertim populandis aquis & stagnis apti, die Sessling / simul in prædam cedant (c); cur instrumenta, quæ Leg: Schefflen / verbundene / und verdeckte Neussen / item die Holz-Neussen / und Gleiter: Korb / item Kräuter: Bürden und Wathen vocant, aliaque his similia, quibus semina quoque piscium simul extrahuntur, & disperduntur, haud permittenda (d); cur piscium & cancrorum certa mensura servanda (e); piscationes nocturnæ inhibendæ (f), & in genere, quidquid ad destruendos sine necessitate pisces comparatum est, salutaribus eum in finem sancitis legibus a Principe jure prohibeatur.

(a) Conf. constitut. de piscatione in elector. Bavar. Art. IX. ad eandemque KHRAYSSERUS apud FRITSCHIUM P. I. p. 181. apud eundem P. III. p. 525. Herzogs August. Administrat. zu Magdeburg Verbot/zur Frühlings-Zeit weder die Vögel wegzufangen/ noch durch die ganze Fisch-zeuge die Wasser zu verwüsten.

(b) d. const. Bavar. Art. V. de modo, seu forma des Brüttelmaß; quo loco die Schmelch-Neussen und Syren: Garn plane prohibentur.

(c) Ibid. Art. III.

(d) Art. II. ubi plura ejusmodi instrumenta recensita videbis.

(e) Art. III. Vom Fischmaß.

(f) Ibid. Art. VIII. item SEBAST. MEDICES P. I. Q. 17.

§. XXXI. Vigore juris circa venationes majestatici princeps, qualiscunque venationum in republica status fuerit (§. XI.), quibusdam in locis venandi facultatem jure restringit.

Demonstratio propositionis iisdem, quibus præcedentes, principiis innititur. Pone enim feras, pisces aut aves conservari, aut damna imminetia averti aliter, nisi quibus-

dam in locis venandi facultate legibus adempta, non posse. Quoniam principis majestaticum id officium postulat, ut venationum jura cum bono civitatis communi, & salute subditorum concordare faciat (§. XVI.): quin hocce casu venandi facultatem quibusdam in locis jure restringat, dubio caret. Q. E. D.

SCHOLION. I. Quid obstat e. g. quo minus in pratis agrisque consitis venationes, præsertim strepitosas atque noxias exercere nefas habeatur? quo minus feræ in sylvis, ubi coire atque parturire consueverunt, lata lege, aut perpetua, aut ad stata anni tempora restricta jure Brunst- und Geß-Zeit securitate fruantur? Id quod itidem de aquis piscosis, & arcibus aucupatoriis dicendum, consentientibus eam in rem ordinationibus venatoriis locorum fere omnium (a).

SCHOLION. II. Porro sua, ut patet, adhuc propositioni constat veritas, licet venandi jus omnibus liberum esse ponas (§. XI.): multo igitur magis, quando ad quosdam, vel proprietatis vel concessionis a principe jure restrictum esse dignoscitur. Quibus vero ex causis princeps a venandi jure subditos prorsus excludere, idque sibi privative asserere valeat: ejus disquisitio hujusmodi loci non est.

(a) Confer. inter alias Fürstl. Sächs. Jena'sche Jagd- und Forst-Ordnung Cap. II. §. 5. Der Forstmeister etc. ibi. und damit unsere Unterthanen. item Gräfl. Hohenloische Jagd- und Forst-Ordnung Tit. IV. Zu was Zeiten die Wälder in denen Wildfuhren verboten/ und wie die bejagt werden sollen.

§. XXXII. Periculosus atque noxius armorum & instrumentorum in venationibus usus, a principe nulla ratione tolerandus, sed omni modo cohibendus.

Etenim princeps venationes aliter in republica tolerare non debet, quam ut ne reipubl. ac subditis inde damnum eveniat.

eveniat (§. XVI.). Quapropter si arma, & instrumenta venatoria talia esse deprehendat, ex quibus tum homines, tum animalia & res ipsorum facile lædi, atque damnum sentire queant; quin ipsis venationibus multis modis noceatur: eorundem usum recte cohibere principem, nemo ibit inficias. Q. E. D.

SCHOLION. Trahenda huc omnia illa, feras pisces & aves capiendi, media, de quibus §§. XXVIII. sub fin. & XXX. pr. dictum fuit (a). Sunt præterea alia instrumentorum venatoriorum genera, queis circa manifestum discrimen uti vix licet, veluti sunt sclopeta, aut arcobusia automata, *Selb. Geschöß/ Leg. Büchsen/* legibus & ordinationibus venatoriis passim prohibita (b). Eundem in censum referendæ decipulæ, atque foveæ, capiendis ursis, lupis, apris, vulpibus &c. prope vias effossæ (c), quæ & similia alia in republica minime toleranda.

- (a) Confer. quoque *Herzog. Württembergische Jagd. und Forst-Ordnung Art. 150.* ibi: Nachdem sich auch vor Zeit ereignet hat/ daß dem Wildprät in denen Wäldern vergifte Kugeln gelegt worden/ welches ganz gefährlich und abscheulich ic.
- (b) Vid. *Churfürstl. Brandenburgische Hinter- & Pommerische Jagd. und Holz Ordnung Tit. 22.* Demnach auch die *Selb. Geschöß/* und das *Büchsenlegen* nicht allein der Wild- Bahn schädlich/ sondern auch für Menschen und Vieh sehr gefährlich scheint: Als soll keiner bey Vermeydung 20. Rthlr. Straff einige *Selbgeschöß* und *Büchsen* zu legen sich unterfangen ic. Concordat all. *Württembergische Jagd. Ordnung Tit. Von Hasen und Füchsen §. dergleichen nicht zu geben / & aliæ passim apud FRITSHIUM.*
- (c) SEBAST. MEDICES *P. I. Q. XIII.* ubi recte docet, ex L. *aquila teneri eum, qui foveam fodiendo damnum dedit, ex L. qui foveas & sequ. π. ad L. Aquil.*

§. XXXIII. *Certas ferarum, piscium atque avium species venando insectari aut capere princeps jure subin meritoque vel ad tempus, vel perpetuo prohibet.*

Quod



Quod si aut casu, aut ex immoderato venationum abusu ferarum, piscium & avium nobiliorum penuria rem publicam premat: principis circa venationes majestaticum officium (§. VIII.) postulat, ut de augendis, & propagandis earundem speciebus sollicitus sit (§. XVI.). Quapropter, cum efficacissimum hoc casu medium prosteret, nimirum ut a venatione animalium, de quibus propagandis atque augendis princeps laborat, abstinere ad tempus jubeat: certas animalium ferarum species ne ad tempus venari fas sit, quocunque in venationis statu (§. XI.) lege eundem efficere posse, evidens est. *Quod erat primum.*

Quin, si aut utilitas aut jucunditas publica, ubivis locorum in repub. promovenda, perpetuam animalis innocui conservationem flagitet: principem perennem eidem securitatem atque immunitatem a venatorum manibus lege tribuere posse, quis dubitet? *Quod erat alterum.*

SCHOLION. Exemplum hujusmodi prohibitionis nobis suppeditat mandatum Sereniss. Elect. Brandenburgici de a. 1657. (a) quo alcium, atque urorum, noviter cum e vivariis emissorum, multiplicationem procuraturus, eorundem venationem severe inhibuit. Quin plura ejusmodi exempla occurrere possint, dubium non est. Quid si enim inundationibus piscibus denudati rivi aut stagna? An principem hoc casu piscationes ad certum tempus cohibere posse dubitas? Vicissim publici oblectamenti causa multis in locis lusciniis capere, & domi tenere lege inhibicum est, claro rursus eam in rem mandato Sereniss. Electoris Brandenburgici de a. 1693. quo perpetuam lusciniis securitatem publica lege tribuit (b).

(a) Apud FRITSCH. P. III. v. 26. p. 520.

(b) *Ibidem* p. 527.



§. XXXIV. *Feræ, pisces, & aves feroces, nec nisi raptis viventibus ut penitus deleantur, atque extirpentur, princeps justissima lege præcipit.*

Ferocia ejusmodi, & rapacia animalia eo prorsus, quo hostes generis humani, loco habenda sunt. Hos igitur pellendi, atque extinguendi sicut communis omnes obligatio stringit: ita non possunt non saluberrimæ dici leges, quæ bestias feroces, aliasque non nisi raptis viventibus feras omnibus modis persequi atque extirpare jubentur subditi. Q. E. D.

SCHOLION I. Huc referas leones, tygrides, ursos, lupos, lynces, vulpes, feles sylvestres, lutras, martes, castores, fibros, ex avium genere aquilas, milvos, accipitres &c. Nec inter pisces defunt, quos rapacium classe collocare posses, quod vel lupi aquatici exemplo patescit. In his igitur animalibus extirpandis semper solers fuit summorum imperantium cura & sollicitudo, uti ordinationes & instituta locorum plurium comprobant (a). Ita de Angliæ Regibus constat, eosdem tributum nomine ab incolis Walliæ certum capitum lupinorum numerum exegisse, eoque effecisse, ut nocivum hocce animal penitus tandem extinctum fuerit. In Electoratu Brandenburgico, Marchia præsertim, iis, qui lutras & martes capiunt, præmia constituta (b). In Elector. Bavar. aves rapaces, excepto accipitre, nisi graviter noceat, & falcone, occidere cuilibet integrum (c).

(a) Vid. *Ordin. venat. Bavar. Cap. 16.* von schädlichen Thieren. De venatione luporum in specie videnda Fürstl. Sächs. Gothaische Jagd- und Forst-Ordnung de a. 1656. p. 56 Item Brandenburgische Verordnung von der Wölffs Jagd d. a. 1680. &c. a. 1689. apud FRITSCH. P. III. append. n. 19. & 20.

(b) Chur Brandenburg. Forst-Ordnung in der March Tit. 23. von Ottern und Martern.

(c) Chur-Bayerische Jagd-Ordnung Cap. 23. apud eundem FRITSCH. cit. locis.

§. XXXV. Quoniam porro has ipsas venationes bestiarum ferocium, atque rapto viventium *necessarias* dicimus: *subditos ad venationes necessarias virtute superioritatis territorialis a principe cogi posse evidens est (§. XXXIV.)*

SCHOLION. Quatenus constituto penes principem regali venandi jure hæc aliter sese habeant, atque hæc etiam venationes a principe, aut ejus nomine exerceantur: sequentia (Cap. II.) dabunt. Loquimur hic in genere, sine respectu ad certum aliquem venationis statum in republica.

§. XXXVI. *Ejusdem vigore summi imperii, atque superioritatis territorialis princeps in venationibus necessariis operas subditorum exquirat, atque imperat.*

Princeps ad extirpanda animalia ferocia & raptu viventia vigore majestatici, quod gerit, officii obstrictus est (§. XXXIV.), plane, ut subditos ad ejusmodi venationes cogere jure queat (§. XXXV.). Quod cum sine subditorum operis, atque unione virium executioni mandari nequeat, uti per se liquet: subditos ad operas, in ejusmodi venationibus præstandas, non minus, quam ad ipsas venationes cogi posse, evidens est. Q. E. D.

SCHOLION. Non mirum proin, si, quotquot fere prostant ordinationes venatoriæ, harum operarum mentionem faciant. Vide sis allegatam supra §. XXXIV. Fürstl. Sachs. Gotha'sche Jagd- und Forst-Ordnung de a. 1656. Item Verordnung wegen der Wolffs-Jagd ꝛ. apud FRITSCHIUM *cit. locis*, quæ in *junge cod. loco p. 204. & 215. Ordonnances des forets du Comte de Montbeliard. Tit. De La chasse du Loup.* ibi: nos dits sujets toutes & quantes fois qu'ils seront commande a la chasse du Loup (attendu, qu'en cette chasse il n'y a aucun terme ni certitude) devront diligemment, & en toute obeyssance comparoitre avec leurs armes &c.

§. XXXVII.

§. XXXVII. Operæ, quas subditi in venationibus necessariis præstant, periculo, quantitati & ferocitati bestiarum, nec non innumeris aliis circumstantiis loci & temporis attemperandæ, neque per se determinatæ sunt. *Unde subditos in venationibus necessariis ad operas indeterminatas obstrictos esse, patescit.*

SCHOLION. Consentunt ordinationes venatoriæ de lupis persequendis, quas supra (§. XXXIV.) allegavimus. Vide modo inter alias Churfürstl. Brandenb. *Mandat wegen der Wolffs-Jagd im Herzogth. Magdeburg* de a. 1680. ibi: auch ein jeder seine anbefohlene Amts-, Kloster-, und andere Unterthanen / soviel derselben jedesmal darzu nöthig / Mann vor Mann / entwedder selbst oder durch eine andere tüchtige Person / mit bey sich habenden Beil oder Axt / zu jederzeit / wann / und wie oft / und an welche Ort oberwehnter unser Ober-Forstmeister sie erfordert wird / etc. quæ formulæ in aliis quoque similibus ordinationibus passim occurrunt.

§. XXXVIII. Cumque in necessariis hisce venationibus de vita, corpore & rebus subditorum conservandis, defendendisque agatur (§. XXXIII.): licet unam alteramve personam immunitatem ab his operis præstandis privilegio Principis impetrare posse, non abnuamus; *eam tamen ad integras præfecturas, urbes & pagos extendendam non esse, facile cognoscitur.*

SCHOLION. Sit igitur, landsassiorum subditos a præstandis domino territoriali operis immunes esse: id tamen ne quicquam obstabit, quo minus ad operas venatorias, in venationibus necessariis præstandas, a Principe recte evocentur. Publici boni ratio, quæ nulla potior esse debet, hujus generis exemptiones minime patitur. Quas in exercitio regalis venandi juris dominis territoriorum operas præstare subditi obstricti sint: de eo dispi-  
ciemus infra Cap. II. & III.

§. XXXIX. *Quid circa diversos, feras, pisces & aves acquirendi modos inter cives reip. privatos, nec non landsassios, venationis jura a Principe tenentes, juris sit, Princeps, vigore juris circa venationes majestatici, legibus salutariter conditis recte determinat.*

Pone liberum venandi jus in republica receptum, plenamque feras occupandi potestatem patere omnibus: pone a prædiorum dominis idem jus ex consuetudine exerceri, aut ex concessione & beneficio Principis possideri. Quodcunque sumseris, multa tum in ipsis venationis actibus, & feras occupandi, atque apprehendendi modis occurrent, quæ, sicut domini acquirendi modi rerum aliarum, legali sanctione a Principe definienda erunt, si certa dominia, nec litibus impleri rempublicam velis. Patet igitur asserti veritas, & qualicunque ratione venationis jura a subditis & landsassiiis exerceri ponas, legislatoria circa acquirendi & apprehendendi modos potestas Principi semper salva esse intelligitur. Q. E. D.

SCHOLION. Pertinent huc pleraque, quæ de feris animalibus tum acquirendis, tum amittendis jure civili constituta sunt: e. g. cujus sit fera vulnerata? an occupantis? an primo vulnerantis (a)? Quousque fera, fuga elapsa, nostra sit? Quid de feris, sylva & vivariis, piscibus vero stagnis & piscina inclusis, jure obtineat (b)? Aliæque hujus generis quæstiones, de quibus vide sis commentatores ad *Institut.* & *Pandectas*: item qui de venationibus ex professo scripsere, passim. Nos impræsens ad publica magis animum intendimus: quæ vero speciatim inter landsassios obtineant, Capiti V. reservamus.

(a) Conf. omnino *supra opusc.* VIII. §§. 85. & 86. Item §. 94. *seq.*

(b) Ibid. §§. 91. & 92. *seq.*

§. XL. *Damna venando data, ut ex æquo resarciantur, Princeps justissima lege prospicit.*

Quæ-

Quæcunque civibus jura competunt, ea ita exercenda, ut ne aliis inde damnum inferatur. Quare, si aut liberam vigere venationem, aut prædiorum dominis & landsassiiis private eandem competere ponas; usum ejus, & exercitium aliis innocuum esse convenit: & si quod inde damnum in homines, animalia, sata atque fruges dimanarit; id omne resarciendum esse ipso rectæ rationis dictamine edocemur. Cui robur legale, & vim obligandi civilem addendo, Princeps legibus merito cavet, ut, quod subditis per venationes damni datum est, ex æquo resarciatur. Q. E. D.

SCHOLION. Exempla habuimus supra §. 28. *in fin.* §. 30. *pr.* & præsertim §. 32. in iis, qui foveas capiendis feris in locis, per quæ transitus patet, parant. Tu adde: si qui venando in satis & frugibus subditorum grassentur. Nequit enim, nec debet excerci venatio, si agriculturæ insigniter noceatur (a), secusque facientes ad resarcitionem damni ex lege Aquilia recte conveniuntur (b).

(a) Vid. *Edict.* JOH. GEORG. I. Elect. Saxon. *de A.* 1613. *die Wildprät. Schügen betreffend.* 1c.

(b) Vid. *cit. supra* (§. 32. *lit. c.*) π. *Ad L. Aquiliam.* GAIL. *L. II. Obs.* 68. n. 10. MOHR *tract. de J. Venat.* P. II. C. 10. n. 6.

§. XLI. *In transgressores ordinationum venatoriæ, quas Princeps vigore supremæ circa venationes potestatis condidit, poenis atque mulctis recte animadvertit.*

Latis a Principe circa venationes salutaribus legibus sua ut constet auctoritas, & robur legale, maximopere interest; uti ex demonstrata hætenus earundem tum æquitate, tum necessitate abunde elucescit. Fortius itaque cum vinculum & obligatio civilis evadat, si leges sanctione pænali muniantur, & in transgressores condignis poenis animadvertatur: recte Principem in ordinationum venatoriæ violatores poenis tum corporis afflictivis, tum pecuniariis,



pro qualitate personarum & circumstantiis animadvertere, nullo negotio patescit. Q. E. D.

SCHOLION. Hinc vix ullam erit reperire ordinationem venatoriam, quæ si non speciali, generali saltem sanctione pœnali munita haud sit. Quoniam tamen excessus admodum inter se differunt: ipsas quoque pœnas & multas varias, valdeque inter se diversas esse, mirum non est.

§. XLII. Cumque leges & ordinationes venatoriæ landsassios non minus, quam reliquos subditos obligationis vinculo constringant (§§. XVIII. & XIX.): *sanctiones pœnales, quæ ordinationes venatoriæ muniuntur, ad landsassios æque ac subditos alios pertinere liquet.*

SCHOLION. Iis scilicet casibus, quibus vel ut prædiorum possessores, sive beneficio principis venandi jus exercent, infinitis idem ordinationibus, & a territoriorum dominis emanatis rescriptis ac mandatis venatoriis comprobantibus. Peræque siquidem interest, ut hoc venationum in republica statu venationes factæ, & integræ servantur. Conferantur modo Churfürstl. Bayerische Jagd-Ordnung Cap. II. von der Prälaten/ vom Adel und Landsassen Erb. Gejägder ibi: Demnach sollen diejenige/ denen die Gejagds-Verwaltung von Uns anbefohlen/ hierauf ihre Obacht haben/ und da sie dergleichen ungewöhnlich und ungebührlich Jagden erfahren/ solches denen Inhabern derselben Gejägder zu erkennen geben/ und davon gültlich/ es sene schriftlich oder mündlich abweisen. Im Fall aber dasselbe bey einem oder dem andern nicht statt haben würde: Sollen sie solches an Uns/ um gebührend Einsehens willen/ gelangen lassen. Item Cap. VI. Von denen Straffen in denen Gejagden ibi: wann eine Person/ so Uns ohne Mittel unterwürffig . . . wieder diese Gejagds-Ordnung verbrechen würde: Soll alsdann solchen Herrn die Jagens- Gerechtigkeit/ doch allein an dem Thier/ in welchem er verbrochen/ und allein in dem Fall/ wenn das Verbrechen kündlich bengebracht ist/ aufgehoben werden. Fürstl. Hessische Jagd. und Forst-Ordnung/ apud FRITSCH d. I. P. III. n. 14. §. imgleichen solle allen von Adel und Landsassen unseres Fürstenthums/ daß sie in ihrem Gehölze/ oder Jagden

Jagden kein Salze/ oder Lecke öffentlich oder heimlich anrichten/ mit Ernst/ bey 100. Gold, Gulden unnachlässlicher Straffe verboten seyn. Item §. zudem soll auch keiner unser Unterthanen und Landsassen ibi: Soll solche Büchsen dem Förster nicht allein verfallen/ sondern auch der Verbrecher in die Straff erkennen seyn/ & alibi passim. Sereniss. Ducis Brunsvicensis August. Erwiedertes Edict, Jagen und Kuren betreffend de a. 1645. apud FRITSCH. d. l. p. 135. An Prälaten/ Grafen/ und Freyherrn/ Ober-Inspectorn/ Präbsten/ denen von der Ritterschafft/ Amtleuten 2c. §. Wann Wir aber solches fůrterhin weiters zuge dulden keineswegs gemeint seyn: So gebieten/ und befehlen Wir allen und jeden/ wie obsteht/ sie haben hoher oder niedrige Jagd-Gerechtigkeit/ wie sie wollen . . . hinfůhro bey Vermeidung unserer hohen Ungnade / und willkűrlichen Straffe/ auch Verlust ihrer Jagds-Gerechtigkeiten 2c. Plura infra Cap. V. suppeditabimus, ubi de jure venationis landsassico ex instituto acturi sumus.

§. XLIII. *Multæ pecuniariæ, quas transgressores ordinationum venatoriæ, edictorum, nec non mandatorum jus principis circa venationes majestaticum, sive territoriale pro fonte agnoscunt, pendere coguntur, fisco principis jure cedunt.*

Ejus sunt multæ, cujus est jurisdictio, sive multas indicendi, exigendique potestas (a). Enimvero multas in legum venatoriæ transgressores, tanquam juris circa venationes majestatici & territorialis violatores, solus princeps atque territorii dominus recte statuit (§§. XLI. & XLII.). Ergo solus quoque multas illas percipiens, atque fisco addicendi jure gaudet. Q. E. D.

SCHOLION. Diversæ sunt ab his multæ, quæ in violatores venationum, quatenus regalia eximia & utilitates fundorum sunt, statuuntur. Has enim illos etiam percipere, qui jurisdictione bassa & venatione subordinata gaudet, notorium est: sicut nec illud abnuo, posse multandi jus territoriale subordinate subdito aut landsassio concedi. De regula hic sermo est, cui scilicet, quando de concessione principis subordinata & dependen-

ti (§. XV.) non constat, mulctæ illæ tribuendæ sint? Et vel ideo etiam principi adjudicandæ, quod landsassii & aliis privativis venationum possessoribus non minus, quam reliquis subditis imponantur (§ XLII.); testibus ordinationum verbis, quæ (§. eod. in Schol.) in extenso adduximus.

- (a) GOEDD. in *Resp. Furis de restitut. Baron. Valendar n. 325. in fin.* REINKING. *Reg. Sacul. & Eccles. Lib. I. class. V. Cap. 4. n. 84.* BESOLD. *de jurisdict. 2. 18. in fin.* GEORG. AND. MAJER *de jurisdict. Sect. II. Membro 4. posit. 8. lit. q.* KNIP-CHILD. *de Nobil. Lib. III. Cap. II. n. 66.* ubi inter effectus superioritatis & jurisdictionis territorialis idem connumerat. ZAHN *Ich-nograph. municip. Lib. II. Cap. 38. n. 23.* recte concludens, quod in iis, de quibus solus superior cognoscit, mulctarum pœnarumque compendia soli principi inferenda sint. MARBURG. *consil. 27. n. 57. vol. 2.*

§. XLIV. Vigore denique majestatici hujus, & territorialis circa venationes juris princeps officiales constituit, qui in omnibus territorii partibus, landsassiorum non minus, quam aliorum subditorum terris, ne quid in territorii leges venatorias universales peccetur, solliciti prospiciant.

Ordinationes, mandata, & edicta venatoria universalia in omnibus territorii partibus sancte ac illibate custodienda esse, ex demonstratis hucusque, eorundem fine, atque necessitate liquido patescit. Enimvero principalis officii ratio, & multitudo negotiorum non patitur, ut in curas hasce sigillatim princeps seu territorii dominus ipse descendat. Ministerio igitur aliorum opus habet, qui in hoc eundem officii genere sublevent, & in concreditis sibi partibus, ut venationes non nisi juxta leges venatorias, exercentur, procurent. Hos itaque officiales, quin vigore superioritatis territorialis princeps recte constituat, dubio caret. *Quod erat primum.*

Porro

Porro legum venatoriarum, quas princeps vigore summi imperii, seu superioritatis territorialis, condit, obligatio per universum sese territorium diffundit, & ad landsassios non minus, quam subditos alios pertinet (§§. XVIII. & XIX.). Officialium igitur, a principe constitutorum, administratoria hæc potestas in landsassiorum æque ac aliorum subditorum terris sese exerit. *Quod erat alterum.*

SCHOLION I. Hancque principum imperii potestatem leges & ordinationes venatoriæ passim probant (a); neque citra absurditatem in dubium vocari poterit. Aut enim, quod tamen hætenus invictis argumentis probavimus, principis in condendis legibus venatoriis majestaticum & territoriale jus nullum; aut officiales & venationi Præfectos constituendi facultatem cum ratione nemo negaturus est.

SCHOLION II. Quænam in specie præfectorum venationis sine officii partes, ex dictis hucusque abunde colligitur, nec minutim persequi opus est. Primum inter eos locum tenet supremus venationum præfectus, *der Obrist Jäger-Meister*; cui præfecti subalterni subsunt. Quoniam vero regali venandi jure penes principem constituto alia multa principis jura consequuntur; nec non in ipsis venationibus recte instituendis adornandisque potissimæ supremi venationum præfecti partes sunt: plenariam hujus officii ideam tum demum animo concipiemus, quando, quæ ad venationes quavis ratione pertinent, persolverimus. Tu interim adi *illustris SECKENDORFFII Teutschen Fürsten, Staat* (b), ubi, sicut exarsciata omnia, ita absolutissimam Præfecti venationum ideam nitide adumbratam offendes. Ceterum quæ ex majestatico & territoriali circa venationes jure ulterius deduci poterant; ea commodius sequentibus reservamus capitibus, in quibus regalis venandi juris indolem curatius sumus exposituri.

(a) Vid. *Chur • Bayerische Jagd • Ordnung Cap. II. verbis: Demnach sollen diejenigen ic. & alia ordin. venatoriæ supra (§. XLII.) citata.*

(b) *P. III. Tit. 3. Regal. §. 8. p. 448. seq.*



## CAPUT II.

### *De regali venationis jure, & quidem in fundis civitatis publicis.*

§. I. **I**N infinitum cum civitas nulla protendatur, neque indeterminatos, vagosque reipublicæ limites relinquere publici boni ratio ferat: tanquam demonstratum, seu potius axiomatis hic loco sumere licet: *Quod, sicut numerus subditorum & civium, ita vicissim ditionum & provinciarum, sub uno regimine civili constitutarum, amplitudo, id est, fines ac limites fixi determinatique sint, quos ultra nulla imperii vis, nulli se se civilis potestatis effectus exerant.*

SCHOLION I. Eadem sane ratio, quæ suavit, ut privati limitibus agros discernere, ne scilicet dominia in perpetua incertitudine hærent, infinitis altercationibus ansam datura, inter populos quoque & gentes diversas militavit, ut regionum & territoriorum fines certos figerent, atque ita cruentissimis bellis fomitem præcluderent. Ex quo patet, omnes respublicas atque territoria suo modo *clausa* esse; & qui territoria *non clausa* admittunt, complexum terrarum, non sub uno, sed sub pluribus, civili potestate sigillatim præditis, constitutarum, intelligunt; sive, ut clarius loquar, certum terrarum tractum non unum, sed plura territoria esse, prætendunt. Quas logomachias utinam! dudum e publici juris prudentia proscripsissent Doctores.

SCHOLION. II. Fines hos plerumque flumina, montes, littora maris, sylvæ &c. constituunt. Ita de Germania testatur TACITUS *de moribus Germanorum*, quod suo tempore a Galliis, Rhætiisque & Pannoniis Rheno & Danubio fluminibus, a Sarmatis, Dacisque mutuo metu, aut montibus separata fuerit.

§. II.



§. II. *Quidquid limitibus, seu finibus reipublicæ comprehenditur, nec alium dominum sequentem agnoscit: id ad populum, seu rempublicam, occupationis per universitatem nomine, & proprietatis jure, pertinet.*

Populus, sive respublica, ceu persona moralis composita (a), dum certum terrarum tractum suis circumscriptum limitibus occupat, sive expresse, sive tacite per coalitionem sub imperio civili idem fiat, id agit, ut isthac apprehensione, sive, ut GROTIUS loquitur (b), occupatione per universitatem a rebus, intra fines territorii conclusis, populos alios excludat, solusque de iis tum proprietatis, tum imperii jure disponat. Neque enim aliam ob causam fines & limites regni determinat. Enimvero hoc in rebus occupari, & privative possideri aptis absurdi nihil involvit (c). Quidquid igitur intra fines reipublicæ consistit, occupationis per universitatem jure in reipublicæ qua talis proprietatem transiisse dignoscitur. Q. E. D.

SCHOLION. Res igitur occupabiles, & propriæ fieri aptæ sint, necesse est, idem monente HUG. GROTIUS de J. B. & P. Lib. II. Cap. II. §. 4. pr. verbis: *Quæ propria fieri possunt; quadam enim ita nullius sunt, ut propria fieri nequeant.* Ceterum propositionem hanc egregie confirmant GROTIUS verba d. §. 4. quando ait: *Quod siquid universim occupatum in singulos dominos descriptum non est, non ideo vacuum censeri debeat; manet enim in dominio primi occupatoris, puta populi aut regis: talia solent esse flumina, lacus, stagna, sylva, montes asperi &c.* GOTTLIEB GERH. TITIUS in Jure Publ. Lib. II. Cap. III. §. 16. cujus verba digna sunt, quæ referantur: Enimvero (inquit) quod dominium originarium illarum rerum, quas jam retulimus, statim imperii merito tribuatur, nunc generaliter ostendi debet. Nimirum omnes res sub initium generis humani fuere nullius; i. e. res a Deo hominibus destinata, nondum vero ab aliquo vel facta, vel minimum consensu apprehensa. Postquam vero homines sibi illas asserere

*serere sensim cæperunt: res hæcenus nullius, facta sunt alicujus, & pro diversitate acceptantis v. g. vel communes, vel singulorum, vel publica. Cum igitur homines nexu civili conjuncti certos terre tractus possideant: non illa tantum res statum primæ concessio- nis divina mutasse censenda sunt, quæ a singulis actu tenentur, sed potius existimandum, totum illum tractum, omniaque ibi conten- ta, dominiique privati expertia generaliter sibi asseruisse uni- versam civitatem, adeoque dominium illarum rerum huic, ob istam assertionem, esse tribuendum. Vid. GROTI. de J. B. & P. Lib. II. Cap. III. §. 19. & C. VIII. §. 9. THOMAS. Dissert. de Prescript. Regalium ad jura subditorum non pertinente ibi: occupationem reg- norum jure accessionis sequitur illud, quod ibidem reperitur, excep- tis rebus, quæ privatorum usibus patent &c.*

(a) *Supra opusc. I. Cap. II. §. 30.*

(b) *De J. B. & P.*

(c) *Opusc. VIII. §§. 42. & 43.*

§. III. Quoniam status Imp. Rom. Germ. summo im- perio potestate analogæ instructi (Cap. I. §. VI.), & tam ipsi imperantium, quam territoria societatum civilium classe recte collocantur (ibid. §. VII. Schol.): patet, de statibus quoque imperii, eorumque territoriis recte dici: *Quod, quid- quid territorii finibus concluditur, neque alii cuiquam extra terri- torium jure quæsitum est, id omne occupationis per universitatem jure ad Principem sive territorii dominum, quæ talem, pertineat.*

SCHOLION. Occupationem per universitatem intellige totius imperii, cujus dein effectus una cum reliquis summi imperii ju- ribus in status dimanarunt, consentiente denuo GOTTLIEB GER- HARD. TITIO *cit. l.* ubi ita pergit: *Ex quo consequitur, idem ob- tinere in distinctis Germ. territoriis, postquam eadem superiorita- te territoriali animari cæperunt, adeo ut omnes res, quæ actu a privatis non tenentur, non sint dicenda amplius nullius, nec priva- torum, sed potius ob acceptationem generalem, publica. Confer. quoque AUCT. deductionis solidæ, des Seiner Königl. Majes- stät von Groß-Brittanien / auch Churfürstl. Durchl. zu Braunschweig und Lüneburg in dem Herzogthum Lüneburg zustehen.*

zustehenden Jagd-Regale Cap. II. §. 5. Item Cap. III. §. 1. ubi iisdem fere cum TITIO verbis loquitur.

§. IV. Dominium rei habere dicitur, qui re aliqua sic utendi atque abutendi facultate gaudet, ut alius perinde eadem uti, aut abuti nequeat: idque, quando coetui civili qua tali competit, publicum audit (a). Quapropter cum quilibet populus seu respublica, juxta demonstrata (§. II.), in rebus, intra fines territorii sui sitis, tali jure instructus sit: *dominium publicum, Principi seu reipublicæ, quæ tali, in rebus omnibus, intra territorii fines conclusis, competens concipimus.*

SCHOLION. Consistentem rursus habemus magnum GROTIUM Lib. II. Cap. III. §. 19. n. 2. ubi ita inquit: *Interdum primas acquisitiones a populo, aut populi capite ita factas, ut non tantum imperium, in quo inest jus illud eminens, de quo alibi egimus, sed privatam plerumque dominum generaliter primum populo aut ejus capiti quareretur. Item PUFFENDORFFIUM J. N. & G. Lib. IV. Cap. VI. §. 4. ubi notanter ait: Occupatione per universitatem constitui dominium toti coetui, ut tali, in omnia eo tracta comprehensa, non immobilia solum, sed & mobilia, aut saltem ista posteriora exclusis ceteris adprehendendi.*

(a) Opusc. VIII. §. 10.

§. V. Cur consequens est, *nulla esse in republica stagna, nullos lacus, montes, sylvas, loca deserta &c., quæ non publico civitatis nomine occupata, atque in dominio existere dicenda sint.*

SCHOLION. Putat equidem celeberr. D. LEYSERUS *Dissert. de jure privatorum circa occupationem* Cap. I. pos. 4. & Cap. II. pos. 3. quod reipublicæ in locis desertis imperium tantum, non dominium quæsitum sit. Verum, uti hoc occupationis per universitatem a populo factæ notioni repugnat: dominium reipublicæ in ejusmodi loca satis inde in aprico constituitur, quod sine Principis expresso aut tacito consensu nemo quidpiam in iisdem juris sibi arrogare audeat; aut si fecerit, recte a Principe arceatur.

Neque, quæ vir celeberrimus obmover, tanti sunt, ut ex stabilitis hætenus principiis solvi non possint; modo advertas in occupatione locorum desertorum tacitum Principis consensum pro incolis haud difficulter præsumendum esse.

§. VI. Enimvero, quoniam fundi, atque prædia intra fines reipubl. seu territorii comprehensa, & in quæ toti cœtui civili qua tali dominium adscripsimus, vel inter cives privatos, tum singulos, tum universitates, divisa sunt, atque ab his pleno, reipublicæ in casu tantum necessitatis reservato (a), proprietatis jure possidentur; vel in Principis, ac reipublicæ vero, proprio & efficaci dominio constituta sunt: dominium reipublicæ, qua tali, competens in universum duplex concipimus, *eminens* scilicet & *proprium*, sive *efficax*. *Illud* dicimus, quod Principi, seu reipubl. in rebus privatorum in casu necessitatis competit (b): *posterius* vero, quod Princeps, sive respubl. in rebus, extra dominium privatorum constitutis, cum pleno proprietatis jure exercere dignoscitur.

SCHOLION. Dominium reipublicæ proprium & efficax, privatum dicit H. GROTIUS (c), ea haud dubie ratione motus, quod quoad effectus, constantemque usum, a dominio, quod privatis in res suas competit, parum, aut nihil differat. Verum, cum a subjecto publicum dicamus dominium: quodcumque a principe, seu repub. qua tali habetur, *proprii* sive *efficacis* vocabulo hujus domini publici indolem indigitare maluimus.

(a) Vid. infra opusc. de majest. domini eminent. jure Cap. I. §. 8. sequ.

(b) Ibid. §. 13.

(c) de J. B. & P. Lib. II. Cap. III. §. 19. n. 2.

§. VII. Montes, sylvæ, lacus, stagna, prata & similia, extra privatorum dominium constituta, in vero, proprio & efficaci principis ac reipub. dominio existunt.

Mon-



Montes, sylvæ, stagna &c., territorii finibus comprehensa, in dominio sunt (§. V.). Quod cum eminens non sit, utpote in rebus privatorum competens (§. VI.): proprium utique & efficax dicendum erit (§. eod.) Q. E. D.

SCHOLION. Nec facile erit civilis aliqua societas, in qua non vasta ejusmodi bonorum publicorum copia proftet, cujus rei haud dubie inde petenda ratio, quod in primæva reipublicæ coalitione civium numerus excolendis prædiis ac fundis non suffecerit, aut belli, pestisve calamitatibus prædia deserta occupationi, atque dominio principis proprio & efficaci locum fecerint; quin quod locorum etiam rerumque qualitas privatorum dominia hinc inde aspernata fuerint; suffragante optima boni publici ratione, ut quædam res dominio privatorum exempta sustentationi principis, aulæ, & Ministrorum applicarentur (a).

(a) PUFFENDORFF. *J. N. & G. Lib. IV. Cap. VI. §. 4.*

§. VIII. *Princeps sive respub. in prædia & fundos publicos pro arbitrio dominium aut latius, aut remissius introducendi jure gaudet.*

Qui fundos & prædia occupant, sibi que propria faciunt, aut plura, immo omnia, aut pauciora proprietatis jura ad domini complexum referunt, prout aut pluribus aut paucioribus usibus fundos destinant, aut prædii natura, situs & locus patitur (a). Idem ergo principi quoque, & reipublicæ in fundis publicis integrum erit. Enimvero, quando ita in fundos & prædia dominium introducitur, ut eorum, quæ usum hominibus præstare apta sunt, parum aut nihil inoccupatum relinquatur; *dominium latius*, vel *amplius*: si secus, ita nimirum, ut multa in iisdem inoccupata, & ad espota remaneant; *dominium remissius*, seu *laxius* dicimus (b). Principem igitur seu rempublicam in fundos civitatis publicos, dominium sive remissius, sive latius pro arbitrio introducere posse, evidens est. Q. E. D.

SCHO



tuitu territoriorum adjacentium habenda. Verum ut ut sit, sufficit, quod hocce casu in feras, pisces & aves quidpiam sibi juris recte nemo asserat. Nec capio sane, cur omnem usque adeo lapidem moveant alii, qui in umbra magis sapiunt, ut a dominio principis & reipublicæ publico omnia indistinctim animalia fera excludant; nisi forsan timeant, minus tum furtivis ferculis culinam fumaturam. Sed si hæc valet ratio, quidni etiam fructus vinearum communes faciunt, quo gratuito juxta se se Lyxo recreent? Quidquid sit, possibilitatem dominii hujus in feras dudum agnovere magni nominis Jcti HUGO GROTIUS, SCHILTERUS, MENCKENIUS, TITIUS aliique, priori opusculo sub finem ingenti numero allegati; quibus junge SCHROETERUM *de banno ferino* Cap. III. §. 4. ubi ex eodem dominio publico, in fundis publicis principi competente, jus hocce regali venandi principum derivat.

(a) *Opusc. VIII. §. 143.*

(b) *Ibidem §. 144. & multis sequentibus.*

(c) *ibid. sub finem.*

§. X. *Multo magis princeps, sive respublica, lege lata titulum, feras, pisces & aves in fundis publicis privative occupandi, sola sibi vindicare, & a venandi jure alios quoscunque excludere poterit.*

Etenim hoc casu feræ, pisces & aves non in completo, sed remoto saltem dominio existunt (a), atque titulotenus solum propriæ sunt, a nemine scilicet alio occupabiles, & si occupentur, in dominium ejus, qui jus occupandi privativum habet, hoc ipso perventuræ (b). Quod cum paulo minus sit, quam dominium completum; hoc vero princeps sibi in feras &c. recte adscribat (§. IX.): a fortiori eundem feras, pisces & aves in fundis publicis cum exclusione aliorum occupandi titulum privative sibi adserere patescit. Q. E. D.

SCHOLION. Tale jus occupandi privativum principi ac reipublicæ plerique tribuunt, testibus Doctoribus, quos in alleg. sæpe opusculo VIII. §. 107. Schol. laudavimus. Tu adde magni nominis Jctum GRIBNERUM opusc. Tom. V. Sect. III. Cap. 3. §. 21. §. 1. ibi: *omnis fere facultas occupandi feras, qua naturaliter cuivis competit, ac civibus Romanis relinquebatur. hodie privatis denegari, ac dominis territoriorum adscribi solet. Nec injuria. Neque enim si Romanorum principes jus, quod ipsis compete-  
tebat, exercere noluerunt, nostri ideo id sibi vindicare prohibentur. Scilicet constituta republica imperantibus plenissima licentia competit, de rebus communibus, quatenus salus reipubl. id permittit, disponendi, ut eas aut sibi vindicare, aut certis civibus concedere, si velint, possint. Potestas ergo venandi eodem modo a principe aut restringi, aut plane privatis adimi potest, si ita ipsi visum fuit; quod jus in imperio nostro plerosque imperantes usurpassc constat; nec non omnes illos, qui cum ZOESIO ad π. tit. de A. R. D. n. 14. acquisitionem dominii ferarum lege a principe lata impediri, posse statuunt.*

(a) d. opusc. §. 105.

(b) Ibid. §. 70. sequ.

§. XI. Quoniam tamen res ab uno vel paucis occupabiles non sunt res nullius (Opusc. VIII. §. LXXI.), nec occupari ab alio, quam qui eas occupandi jure gaudet, queunt (ibid. §. LXXII.); quin, occupatæ a quocunque alio, non in occupantis, sed privativi tituli possessoris dominio existunt (ibid. §. LXXIII.), ac proin omnes qualitates rerum, in dominio pleno existentium, induunt (ibid. §. LXXIV. seq.): patet, eosdem circa jus principis in feras consequi effectus, siue sub dominii easdem complexum referat (§. IX.), & pro fundorum publicorum fructibus habeat, siue solus easdem occupandi titulum sibi vindicet (§. X.);

§. XII. Unde confit, principem seu rempubl. pro lubitu dominium fundorum publicorum ad feras quoque, pisces & aves extendere

*tendere (§. IX.), aut easdem occupandi titulum soli sibi adscribere (§. X.), pari utroque casu secuturo effectu (§. XI.).*

SCHOLION. Eligant igitur, qui dominium principis in feras fastidiunt, posterius, dicantque, non nisi privativum & exclusivum illas occupandi titulum principi ac reipub. competere, in effectu & consecutariis necessario nobiscum consensuri (§. XI.), nec aliud consecuturi, quam quod per ambages eo tendant, quo per dominium via patet brevissima.

§. XIII. *Posito principem seu rempublicam in montes, sylvas, prata, campos, flumina, lacus, stagna, aliosque fundos publicos ita introducere dominium, ut non nisi fructus, ex ipsa fundorum substantia progerminantes, & perpetuo iisdem cohærentia accessoria proprietatis jure sibi vindicet: hoc casu feræ, pisces & aves, in fundis publicis vagantes, erunt res nullius.*

Feræ, pisces & aves sunt accessoria fundorum, non perpetuo fundo cohærentia, aut ex ipsa fundi substantia progerminantia, sed transitoria (Opusc. VIII. §. CXL.). Enimvero illa, non hæc princeps & respub. ex hypothesi proprietatis jure sibi vindicat. Feras itaque, pisces & aves in fundis reipub. publicis hoc casu in statu rerum nullius relinqui, evidens est. Q. E. D.

§. XIV. *Venatio libera, die freye Bürsch/ dicitur jus, sive facultas, feras, &c. in nullius existentes dominio, quasque occupandi nemo privative jure gaudet, pro lubitu occupandi, atque suas faciendi.*

SCHOLION. De venatione libera videndus JACOBUS OTTO freyer Bürsch-Beschreibung. apud FRITSCH. P. I. ubi Cap. III. §. 2. eandem definit: Daß sie seye ein freyer Gewalt an solchem Ort/ da das Wildprät nicht gebannt/ deswegen einem jeden zu jagen frey stehet. Item BESOLDUS Thesaur. pract. voce freye

Bürsch p. m. 267. VITRIAR. *Jur. Publ. Lib. III. tit. 18. §. 9. ibique* PFEFFINGER. *in notis.*

§. XV. *In hypothefi §. XIII. libera in fundis civitatis publicis venatio viget.*

In hypothefi *d.* §. feræ, pisces & aves sunt res nullius, nec magis, dominii easdem capaces esse, dubium est. Enimvero, cum res nullius, dominii capaces, occupandi, suasque faciendi libera cuivis facultas competat (Opusc. VIII. §. XL.): nec a ferarum occupatione hocce casu quemquam excludi, consequenter liberam venandi facultatem patere omnibus (§. XIV.), evidens est. Q. E. D.

SCHOLION I. Supponendum tamen, Principem non etiam alia de causa lege prohibitoria venandi facultatem cohibere: forsan, ne sylvæ & nemora sub venationum prætextu devastentur, aut ut a periculoso armorum usu subditi arceantur. Quo casu feræ, pisces & aves statum rerum nullius non mutant, sed modi tantum, quibus actu in dominium rediguntur, per accidens impediuntur. Cave tamen omnes leges venationum prohibitorias hujus indolis esse existimes, etiam illas, quibus summus Imperans venationes eo fine prohibet, ut sibi soli & in fisci commodum feras habeat. Tam elumbia sunt eorum, qui ita sentiunt, argumenta, ut ne refutari quidem mereantur.

SCHOLION II. Notandum porro, liberum venandi jus aut illimitatum prorsus, aut ad certa tantummodo loca & sylvas restrictum esse, prout Princeps & respubl. aut in pluribus, aut in paucioribus locis feras &c. inoccupatas relinquit. Multa ejusmodi loca in Suevia recenset, eorumque limites designat allegatus JACOB OTTO freyer *Bürsch-Beschreibung Cap. VII.*

§. XVI. Cum apud Romanos venandi, & feras occupandi facultatem nulla lege restrictam fuisse, neque rempublicam in animalia fera dominium sibi asseruisse appareat: *apud Romanos liberum venandi jus viguisse constat.*

SCHO-



SCHOLION. Viden igitur, qualis apud Romanos venationum status fuerit, & cur leges civiles in venationum juribus a jure naturali parum aut nihil recedant? Liquet inde, leges civiles, pro statu reipubl. Romanæ saluberrimas, ac legislatoria Romanorum prudentia dignissimas, perperam ad statum venationum modernum trahi, unde nonnisi sinistram applicationem oriri necesse est. Vid. GRIBNER. *cit. l. nec non Tom. I. Opusc. Sect. I. §. 5.* recte inquires, nihil ineptius esse, quam ad alienas, & exoticas leges reipublicæ nostræ instituta exigere. Quibus junge plenam bono sale *Dissertat. D. LAUTENSACK de inepta ratione decidendi controversias juris publ. ex LL. Roman. per tot. & §§. 50. 57.* Quodsi bellicis plerumque expeditionibus implicita respublica, aut qualescunque ob causas, feras libere cuivis occupandas reliquit, nec de jure suo cogitavit: an tu eandem necessitatem statibus imperii obtrudes? Apage sis cum hisce ineptiis, & in Germania germanice sapere discas.

§. XVII. Ex eo tamen, quod qualicumque in venationis statu (Cap. I. §. XI.) jus circa venationes majestaticum penes summum imperantem seu Principem semper in salvo subsistat (Cap. I. §. XII.), liquet, *quod libera venandi facultate, aut patente omnibus, aut ad certa loca restricta, venationes nihilominus legibus salutaribus ordinare, & liberæ venationis sociis, der freyen Bürsch/Genossen/ certas regulas ac normas præscribere summæ in repub. potestati semper integrum sit.*

SCHOLION. Idque jam Cap. I. §. 19. in Scholio prænotavimus; quæ autem sint illæ ordinationes ac regulæ, ad quas hoc casu subditos suos Princeps adstringat, reperendum ex eodem Cap. I. Confer interim laud. JACOB. OTTO *d. l. passim.*

§. XVIII. *Bannum ferinum*, sive potius *jus banni ferini*, *Wildbann/ Wildbanns/ Berechtigfeit* / definitio, quod sit jus, seu facultas, Principi qua tali competens, publico edicto declarandi, quod feras, pisces & aves in proprietate & dominio publico (§. VIII.), vel saltem a summo imperante,



ejusque nomine occupabiles esse velit; quam banni ferini notionem, si ad prædia & fundos publicos restringas, hoc ipso, quod sit *bannum ferinum in fundis civitatis publicis*, intelligis.

SCHOLION I. Differt bannum ferinum a jure Foresti, quod secundum plurimorum sententiam latius longe patet, & Wildbannum, ceu partem, complectitur. vid. PFEFFING. *Vitriar. illustr. Lib. III. Tit. XVIII. §. 8. lit. a.* verbis: *pro synonymis vulgo habentur*, item *lit. b. p. 1388.* item HUNNIUS *Disp. de F. venandi Thes. V.* SCHROETER *de banno ferino. Cap. I. §. 1. & 4.* Neque jus ferendi leges prohibitorias, ne in certis locis venatio exerceatur, de quo *Cap. I. §. 31. seq.* diximus, ad bannum ferinum pertinet, sed ex jure circa venationes majestatico profluit.

SCHOLION II. De Etymo vocis Wildbann non est, quod valdopere simus solliciti. Germanicæ eandem originis esse nemo dubitat, scilicet a voce Wild, quod feram, & prisco bannen / quod *edicere*, item *interdicere*, & *prohibere* significat, descendit, indeque Bann-Wasser / Bann-Forst / Heribannum &c. aliaque plura derivanda. Vide inter alios celeberr. WACHTERI Glossarium Tom. I. voce bannen / item voce Wildbann. Vetustissimum esse, loca infinita probant, occurritque jam in charta Frisingensi de a. 1074. Walckenriedensi de a. 1132. Corbeienſi de a. 1198. Francofurtensi de a. 1234. quas refert PFEFFINGERUS *Vitriar. illustr. Lib. III. Tit. XVIII. §. 8. lit. b.* pari fere sensu in jure prov. Alem. C. 232. §. 7. legitur. *Suber durch den bann-vorst ritet 1. sin bogen und sinia armbrost sullen ungespannen sin.* Licet ante ea tempora sub nomine *banni super feras*, *potestatis legitimi banni* &c. in diplomatibus passim occurrat; vide apud eundem PFEFFINGER. *cit. l. lit. b.* Diplom. Colonienſi. de a. 973. ibi: *Confirmamus præcepti nostri auctoritate D. Petro, ad Ecclesiam supra memoratam omnes bestias inter hac loca, qua subtus tenentur descripta, & bannum, & potestatem banni, qua super eas ad regiam pertinuit potestatem.* Charta Leodienſi de a. 1008. Wirceburgensi de a. 1013. ibi: *Bannum nostrum super feras &c.* & aliis pluribus *cit. l.* jus quoque *forestandi*, *forestandi*, nihil aliud quam potestatem banni, sive jus excludendi alios a feris denotasse, auctor est SCHILTERUS *Exercit.*

*ercit. ad x. XLV. §. 6. STRYCKIUS in prefatione ad corpus venatorio-forestale §. 34. & 36. PFEFFINGERUS cit. l. p. 1388. chartis ante ex LUNIGIO aliisque AA. excerptis idem luculenter confirmans.*

SCHOLION. III. Ceterum licet non abnuamus, *banni ferini* nomen in chartis antiquis ad feras terrestres & sylvas potissimum restrictum fuisse: idem tamen latius hic accipere libuit, ita ut jus quoque principis, pisces in fluminibus & aquis publicis sibi vindicandi, comprehenderet; quam extensionem ipsa Imperatorum diplomata passim probant. Sic in charta Colonienſi de a. 973. apud PFEFFINGERUM *cit. l. Imp. Otto II. Bannum, & potestatem Banni* confirmat super omnes bestias, *in sylvis & in piscationibus.* Idem Imper. in charta Friſingenſi a. eod. sub *Banno imperiali* jubet, ut, quidquid deinceps in locis concessis, bannitisque nascatur *in venationibus, sive piscationibus,* in id nullus absque licentia Episcopi seſe intromittere audeat.

§. XIX. *Bannum ferinum* quoque dicitur ipsum edictum, sive lex, qua princeps feras, pisces & aves nobiliores dominio suo publico transcribit, vel saltem, reservato sibi soli occupandi titulo, ab iisdem, quacunque ratione acquirendis, subditos excludit.

SCHOLION. Hoc significatu in chartis antiquis frequenter occurrit, & vel *banni* simpliciter, vel *banni regalis*, aut etiam *banni imperialis* nomine effertur. Confer. PFEFFINGER. *Vitriar. illustr. cit. l. lit. b.* Sic in diplomate erectionis ducatus Lucemburgensis Caroli IV. de a. 1354. inter alia conceduntur *banna,* sive *inhibitiones venationum,* quæ vulgo, *Wildbane* nominant, cum poenis inde sequentibus. Item in diplomate confirmationis privilegiorum ecclesiæ Osnabrugensis de a. 1002. ibi: *omni- que venatione, qua sub banno usuali more ad forestam deputatur in perpetuum proprietatis usum donavimus, ea videlicet ratione, ut nullus contumacia deditas nemus pralibatum, nostro scilicet banno munitum sine predicta sedis, episcopi - - - licentia, studio venandi - - - præsumat intrare.*

§. XX. *Bannum ferinum*, *Wildbann*/ tertio sumitur pro ipso loco, in quo principi, seu reipublicæ venationes privative competunt.

SCHOLION. Locus scilicet bannitus, sive via tuta ferarum  
SCHROETER *de Banno ferino* Cap. I. §. 2. PFEFFINGER *cit. l.*  
§. 10. Germanice *Jagd-Bezirk*/ *Jagd-District*.

§. XXI. Denique *bannum ferinum* appellamus quoque ipsum jus principi, ac reipub. competens, feras, pisces & aves privative occupandi, omnesque vigore dominii publici ex venationibus provenientes utilitates percipiendi.

SCHOLION. In concessionibus imperatoriis frequentissima banni in isthac significatione acceptio occurrit. Vide modo apud PFEFFINGER *cit. loco*. Item apud auctorem *vor das Jagd-Regal* (§. III. Schol.) Cap. III. §. 8. in charta Walckenriedensi d. a. 1132. ibi in fine: *sed & jus nostrum, quod Wildbann dicitur, eidem loco permittentes, regia nostra potestate amplificavimus & auximus*. SCHROETER. *de banno ferino*, Cap. I. §. 4. *Bannum ferinum* definiens, quod sit jus, particularem, vel universalem venationem exercendi; vulgo *Hagen*/ *Jagen*/ *daß groß und kleine Wendwerk zu treiben*.

§. XXII. *Jus*, sive potestas banni ferini (§. XVIII.) in fundis civitatis publicis ex dominio principis & summi magistratus publico profluit.

*Bannum ferinum* in primo significato potestatem denotat, principi, ac reipublicæ competentem, feras pisces & aves dominio publico transcribendi, vel saltem titulum eas occupandi privative sibi asserendi (§. XVIII.). Enimvero hæc potestas ex dominio principis ac reipubl. publico intelligitur (§§. VIII. IX. & X.). Unde *bannum ferinum*, seu jus banniendi dominii publici fructum esse evidens est. Q. E. D.

§. XXIII.

§. XXIII. Quoniam summa reipublicæ potestas vigore juris constituendi regalia res quasdam & jura e commercio privatorum recte eximit, & ad fisci proprietates, atque utilitates refert (Cap. I. §. IV.); feras autem pisces & aves nobiliores regalium & fisci jurium idoneum objectum constituere, tum per se liqueat, tum vero infra (§. XXXI. seq.) a nobis pluribus demonstratum detur: *jus quoque banni ferini ex majestatico, regalia constituendi, jure derivari posse patescit.*

SCHOLION. Sunt præterea aliæ rationes non minus prægnantes, ex quibus necessitas, a venationum usu subditos arcendi, & provenientes inde utilitates fisco vindicandi intelligitur; uti in sequentibus, præsertim Cap. III. manifestum faciemus. Verum enim vero ex dominio principis in fundos civitatis publicos bannum ferinum vel ideo deducere maluimus, quod hæcce demonstrandi via & minimum habeat odii, atque jus principis circa venationes citra ambages ob oculos ponat. Quis porro ex fontibus jus principis venationum utilitates etiam in privatorum agris sibi vindicandi descendat, de eo Cap. III. disquirimus pluribus.

§. XXIV. *Bannum ferinum, quatenus jus denotat, feras, pisces & aves in fundis publicis dominio publico adiiciendi, vel efficiendi saltem, ut non nisi a summo magistratu occupabiles existant (§. XVIII.), soli summæ in republica potestati competit.*

Etenim dominium in fundos civitatis publicum, uti ex ipsa ejusdem notione intelligitur, ejus est naturæ, ut non nisi principi ac reipublicæ tribui recte valcat (§. IV. sequ.). Quapropter, cum in dominio hocce publico banni ferini in fundis publicis ratio quærenda sit (§. XXI.): non nisi principi ac reipublicæ idem competere posse, patescit, Q. E. D.

SCHOLION. Procedit a fortiori demonstratio, si ex majestatico regalia constituendi jure aliisve a bono communi desumptis

Uuu

causis



causis bannum ferinum demonstres (§. XXIII.). Hæc interim non obstant, quo minus banni potestas subordinate in subditos atque landsassios transferatur; uti suo loco scilicet Cap. V. & rationibus, & exemplis plenius evictum dabimus.

§. XXV. *Bannum ferinum in significato altero (§. XIX.), quatenus ipsam banni legem, sive edictum venationis assertorium innuit, feras, pisces & aves in dominium sive completum (§. IX.), sive incompletum (§. X.) redigendi modus recte audit.*

Apprehensis fundis ipsi equidem insimul fructus & accessoria apprehensa esse intelliguntur (Opusc. VIII. §§. LV. LIX. & CXIV.). Enimvero, quoniam mox plura, mox pauciora ex accessoriis ad dominii complexum referuntur (§. VIII.): quæ, & qualia quis sua esse velit, aut ipso facto, aut expressis animi signis declaret, necesse est; eaque declaratio pro modo acquirendi accessoria eo potiori jure reputanda, quod in illis peculiari apprehensione opus haud sit (d. §. LV. & LIX.). Quapropter cum per bannum ferinum declaret summa potestas, quod accessoria fundorum publicorum, feras, pisces & aves, aut plene, aut titulotenus (§§. IX. & X.) in dominio, & privative occupabiles esse velit: bannum ferinum in hoc significato (§. XIX.) ad modos dominii acquisitivos recte referri, indubie constat. Q. E. D.

SCHOLION. I. Hac animi declaratione, licet in fructibus, & accessoriis, quorum gratia fundi regulariter in proprietatem rediguntur, opus haud sit: iis tamen in rebus, seu accessoriis, quæ communiter extra dominii, complexum, & inoccupata relinquuntur, haud supervacanea, immo necessaria habenda est, ut in universum constet, a quibus rebus in fundis publicis abstinendum sit. Quod autem ad acquirendum dominium sola principis publico edicto declarata voluntas sufficiat, ex supra (§. IV. Schol.) allegatis PUFFENDORFFII verbis, item ab HUGONE GROTIO de *J. B. & P. Lib. II. Cap. II, §. 5. Cap. III. §. 5.* cdo-



edocemur, recte, & ex natura domini, hac lege exteros quoque teneri, statuente.

SCHOLION. II. Quod si per legem edictalem banni ferini dominium plenum in feras &c. principi ac reipublicæ acquiri, capere quispiam aut nolit, aut non possit: illi idem, quod supra (§. XII. Schol.) jam innuimus, hic denuo inculcatum volumus.

§. XXVI. Porro cum legum, quibus venationes nude prohibentur, non is præcipue scopus sit, ut feræ pisces & aves, aliæque venationum utilitates dominio principis atque reipublicæ subjiciantur; sed ut alias ob causas subditi ab intempestivo & nocuo venationum usu arceantur (§. XV. Schol.): patet, *bannum ferinum non esse legem venationis nude, mereque prohibitoriam, sed ferarum, atque utilitatum, ex venationibus provenientium, insuper acquisitoriam (§. XXV.).*

SCHOLION. Colligitur id rursum ex omnibus fere chartis & diplomatibus, quæ ex LUNIGIO, aliisque excerpta sistit PFEFFINGERUS dicto sæpius loco §. 8. lit. b. vide sis chartam Leodiens. de a. 1008. ibi: *bannum nostrum bestiarum Baldrico S. Leodiensis ecclesia præsuli ----- concedimus; atque largimur, & de nostro jure in eorum jus ac dominium transfundimus, ea videlicet ratione, ut præscripti Baldrici de prænominato banno, ejusque utilitate, dehinc liberam habeant, quidquid sibi placuerit, potestatem faciendi omnium hominum contradictione remota; quas, aut similes formulas, in reliquis quoque concessionum chartis observare licet.*

§. XXVII. *Bannum ferinum in significato, quo idem §. XXI. accepimus, est ipsum regale venationis jus, quod principi in fundis civitatis publicis competit.*

Etenim in sensu, quo idem d. §. sumitur, jus audit, principi ac reipublicæ competens, omnes ex venatione provenientes utilitates proprietatis ac domini jure percipiendi.

Quod, cum ipsum regale principis jus circa venationes absolvat (§. IX.): bannum ferinum in dicto sensu regale venationis jus in fundis civitatis publicis absolvere, evidens est. Q. E. D.

SCHOLION. Adverte tamen regale venationis jus in fundis publicis partem tantum regalis venandi juris in universa republica constituere: integrum tum demum intelligemus, quando venationum utilitates in fundis quoque subditorum principi ejusque fisco vindicaverimus.

§. XXVIII. Porro, quoniam bannum ferinum in sensu §. XXI. potestatis, sylvas & loca publica banno muniendi, remote (§. XVIII.), proxime vero banni, qua legem denotat (§. XIX.), effectus est (a), uti consideranti obvium esse debet; tam vero jus banniendi, quam ipsa banni ferini lex, quatenus ad fundos civitatis publicos restringitur (§. XVIII. in fin.), ex dominio publico profluit (§§. XXII. & XXV.): *bannum quoque ferinum (§. XXI.), seu, quod idem est, (§. XXVII.) regale venationis jus in fundis civitatis publicis ex dominio principis publico recte derivari constat.*

SCHOLION Sed potest id ipsum quoque ex jure majestatico constituendi regalia (§. XXIII.), atque aliis prægnantibus publici boni causis deduci. Cur autem dominii magis, quam alia via incedere voluerimus: ejus rei rationem in antecedentibus (§. eod.) jam adsignavimus.

(a) Confer. & applica, quæ opusc. VIII §. 32. & sequ. dicuntur.

§. XXIX. Eadem prorsus ratione *regale venandi jus in fundis civitatis publicis non nisi principi ac summo reipublicæ capiti recte tribui, neque alii competere posse constat (§. XXIV.).*

SCHOLION. Mutat igitur indolem, ac naturam suam, quam primum, misso banno ferino, princeps subditis in fundis publicis  
libe-

liberam venandi facultatem indulget; aut quando venandi jus ab alio, quam a principe recognoscitur, atque ut simplex fundorum accessio consideratur.

§. XXX. *Regale venandi jus in fundis civitatis publicis non est servitus.*

Fluit enim ex dominio civitatis publico (§. XXVIII.), atque in re principis ac reipublicæ propria proprietatis jure exercetur. Enimvero res propria, i. e. sua, nemini servit (a). Regale itaque venandi jus, principi in fundis civitatis publicis competens, minime ad servitutes, sed ad dominii potius publici effectus (§. XXVIII.) referendum est. Q. E. D.

SCHOLION. Quare, cum capite sequenti venandi jus ne in fundis quidem privatorum a principe sub nomine servitutis, sed tanquam regale eximium, & partem hujus, quod in fundis publicis possidet, exerceri, luce meridiana clarius evicturi sumus: patet, quam inconcinna sit illorum sententia, qui ad servitutes idem sive personales, sive reales referunt (b). Venandi jus in in territorio alieno, nec non inter subditos & landsassios, si non in proprio, sed in vicini fundo exerceatur, servitutis speciem inducere, non eo inficias: ast aliter plane sentiendum, quando princeps, sive territorii dominus virtute summi imperii & ex dominio publico (§. XXIX.) idem sibi vindicat.

(a) *L. 5. pr. π. Si ususfr. pet.*

(b) Vid. SCHROETER *de banno ferino. Cap. II.* KLOCK *de Ærario Lib. II. Cap. V. n. 30.* ibique PELLERUS in notis; quibus locis tam servitutis personalis, quam realis patronos magno numero allegatos offendos.

§. XXXI. *Libero venandi jure (§. XIV.) in fundis civitatis publicis, promiscue cunctis patente, insignis Principi, ejusque fisco, ex fundis publicis alias percipienda utilitas decedit.*

Fundi civitatis publici maximam partem in sylvis, montibus, fluminibus, lacubus, stagnis, locis desertis &c. consistunt (§. VII. ). Enimvero, si arbores, ligna, pascua, & hinc inde metalla, mineras, gemmas, atque lapides pretiosiores excipias, præcipui horum omnium fructus in feris, piscibus & avibus nobilioribus consistunt, vel ipsa experientia teste; queis cum Princeps, atque respublica, animalibus feris in statu rerum nullius, consequenter libere a quocunque occupandis (§. XIV.), relictis, carere cogatur: libero venandi jure in fundis civitatis publicis subditis indistinctim indulto, insignem Principi, ejusque fisco, ex iisdem alias percipiendam, utilitatem decedere evidens est. Q. E. D.

SCHOLION. Unde Commissarii casarei, queis a. 1650. in nectum datum fuerat, ut in statum reddituum cameralium Principatus & Comitatus Hohenzollerani inquirerent, in relatione sua ad Imperatorem inter imminutorum camerae & fisci reddituum causas recte referunt: Daß mit denen Waldungen so nachlässig umgegangen worden / daß es bereits öffentlich und ohne Scheu dahin kommen / daß man aus dem Forst eine freye Bürsch gemacht. Vid. celeberr. MOSERI Reichs Fama Tom. III. Cap. 12. von denen Differentien zwischen dem Herrn Fürsten zu Hohenzollern Hechingen und seinen Unterthanen / sonderlich wegen der freyen Bürsch §. 10. p. 191.

§. XXXII. *Plena venandi libertate in fundis publicis vigente, aulam, mensam, atque culinam Principis omni meliori ferarum genere destitui necesse est.*

Experientia docet, quod in locis, ubi promiscua venandi licentia viget, continuis ac crebris venationibus, queis præ aliis Germanos deditos fuisse, suis jam temporibus JULIUS CÆSAR (a), nec non TACITUS *de moribus Germanorum* (b) testatus est, omnia pene ferarum, piscium, & avium  
nobi-

nobiliorum genera rarefiant, imo prorsus extirpentur (c). Quod cum in fundis civitatis publicis, feras &c. occupandi facultate nullo modo restricta, haud dubie quoque eventurum sit; ex his vero provisio ferarum, piscium & avium pro mensa & culina Principis peti præcipue debeat: in plena hacce venandi libertate aulam & mensam Principis, feris, piscibus & avibus nobilioribus, nisi aliunde cum dispendio ærarii publici magno pretio coeman tur, destitutum iri, liquido patescit. Q. E. D.

SCHOLION. At vero, feras pisces & aves in usus principis, & aulæ in vivariis, piscinis, atque ornithotrophiis æque, immo magis commode alii posse regeris. Enimvero, ut de immensis sumptibus in erectione, ac conservatione vivariorum, piscinarum & ornithotrophiorum erogandis nihil dicam, quis nescit? omnis generis feras, quam primum e naturali sua libertate arctæ custodiæ mancipantur, multum de bonitate, ac sapore suo genuino amittere. Vivaria plerumque jucunditatis gratia comparata sunt, raro in culinæ usus; cui, ut præter innocentem animi recreationem prospicerent Imperatores, circa palatia præsertim & villas suas regias venationum omne genus banno suo imperiali muniverunt, uti testatur, & exemplo palatii regii ad Salam Franconiz illustrat JOH. GEORG. ab EKHART in der gründlichen Nachricht von der alten Salzburg und dem Pallast in Francken. §. 1. p. 5.

(a) *De bello Gallico Lib. IV. ibi: vita omnis in venationibus, atque in studiis rei militaris consistit; idem Lib. IV. de Suevis testatur,*

(b) *Cap. 15.*

(c) FESCHIUS, *de re venatoria P. poster. Thes. I. lit. c;* ubi, quod in Helvetia feræ rariores sint, iple aliam rationem non reddit, nisi nimiam venandi licentiam, quam præfectorum lenitate sibi sumunt subditi, allegans eam in rem STUMPFII *Chron. Lib. IX. Cap. 16.*



§. XXXIII. *Eodem hoc venationis statu in fundis civitatis publicis relicto, omnis principi, lassatas animi vires innocenti exercitio venatorio refocillandi, via præscinditur.*

Etenim ferarum nihil aut parum, quod princeps indaget, hoc casu præsto futurum ex demonstratis (§. præced.) liquet. Quam jucunda autem sine feris venatio sit, & quam parum ea recreando animo conducatur, quilibet facile intelligit. Atque inde patet asserti veritas. Q. E. D.

SCHOLION. Dignissima viris principibus voluptas exercitatio venatoria nullo non tempore habita fuit: ut in apophtegmate Imperatorem ALBERTUM II. habuisse dicant (a): *venatio exercitatio virilis, saltatio muliebris, seque voluptate quavis alta carere posse, venatione non posse.* De Francorum Regibus idem testantur & exemplis probant CAROL. du FRESNE in *Gloss. voc. Forest. dom. Tom. II. p. 484.* AIMON. *Lib. II. Cap. 37.* GEST. DAGOB. *Reg. Cap. 2.* EGINHARDUS in *vita & gestis CAROLI M. apud REUBERUM Script. rerum German p. 20.* ubi testatur, quod equitando se se ac venando, quod illi gentilitium erat, crebro exercuerit, idque ingravescente eundem etiam ætate continuasse, ex ANNALISTA SAXON. ad a. 814. apud LEIBNIZ. *Tom. I. rerum Brunsvic. p. 164.* discimus. Potissimum vero Imperatores & Reges circa autumnii tempora venationibus vacare solebant, uti ex REGINONE & *Annalib. Regum Francorum* passim videre licet; idque adeo in morem abiit, ut venationes autumnales solennes nuncuparentur d. *annal.* ad a. 819. apud REUBER. *p. 68.* Imperator conventu dimisso primo Cruciniacum, deinde Bingham veniens secunda aqua Confluentem usque per Rhenum navigavit, inde Arduennam venandi gratia proficiscitur; venatorio quoque exercitio more solenni ibidem exacto Aquasgrani ad hyemandum revertitur. Ad a. 820. Imperator post actum Carisiaci conventum, autumnalemque venationem ex more completam Aquas reversus est; ad a. 839. His rite peractis Imperator eo loco divertit, & venationi autumnali pro more operam dedit &c. atque ita per singulos fere annos eundo. Conferatur viri solida & pragmatica juris scientia excellentissimi D. JO. ADAMI KOPPII *deductio venationis Nsenburgica P. I. §. 4.* Ipse Augustiss. Imperat. CAROLUS VI. In  
der

In der neu verfaßten Jäger-Ordnung in Steyer/ dea. 1716. art. 4. art. 9 & sequ. venationes & bannum ferinum vocat. Unsere Landsfürstliche Wildbanns Lust/ und Jagens Gerechtigkeits; Lust/ Gejäger; Lands. Fürstl. Wildbanns Hoheit und Lust ic. Satis indicans, summis præcipue principibus regiam hanc voluptatem reservandam esse.

§. XXXIV. Quin, cum hocce venationis statu liber in fundos publicos accessus pateat: (neque enim in sylvas & publica loca alia ingredi, prohibitum esse supponimus) subditis, variis modis sylvas, nemora, ac prædia publica devastandi, nec non stagnis & aquis piscosis nocendi, in hac hypothesis amplum campum relinqui constat.

SCHOLION. E. g. Quod arbores exciderentur; ligna furtim exportarentur; gramina refecarentur; glandes & fructus alii clandestine colligerentur &c.: ut jam de noxio armorum usu, neglectu agriculturæ, cædibus, rapinis &c. nihil dicam. Ex quibus, uti in genere jus Principis venationes prohibendi indubitato profuit: ita Cap. seq. in specie ex hisce fontibus, subditos a venationibus, etiam in fundis propriis, arcessendos esse inconcusse probabimus.

§. XXXV. In fundos civitatis publicos ita introducenda dominia, ut sub eorundem complexu feræ quoque, pisces & aves nobiliores comprehendantur (§. IX.), aut a titulo saltem, easdem occupandi (§. X.) alii quicunque excludantur.

Dum in fundum seu prædium aliquod dominium introducitur, ipsa sana ratio & finis introductæ proprietatis rerum suadet, ut ad dominii complexum referatur, ex quo insignis in proprietarium utilitas redundare possit, ea præsertim accessoria, quorum quotidianus in vita usus est, & queis sine nec commode, nec jucunde vivimus, aut in occupatis relictis prædia modis miris devastationis periculum subeunt.

fubeunt. Quapropter, cum feræ, pisces & aves nobiliores ita sint comparatæ, ut magna quotannis Principi & cameræ, seu fisco, ejusdem inde utilitas, atque emolumentum accedere possit (XXXI.), neque etiam Princeps citra aulæ & mensæ principalis (§. XXXII.), nec non recreationis, quam corpori debet, certissimum dispendium (§. XXXIII.) sufficienti animalium ferorum, quæ in fundis publicis alat, copia carere queat; ac præterea his fundorum publicorum accessoriiis inoccupatis relictis bona Principis & reipub. variis devastationibus obnoxia maneant (§. XXXIV.): patet, quod in fundos civitatis publicos ita introducenda sint dominia, ut sub eorundem complexu feræ quoque, pisces & aves comprehendantur, aut titulum saltem, easdem occupandi, Princeps soli sibi ita asserere debeat, ut alios quoscunque ab acquirendo in eas per viam occupationis dominio excludat (§. XI.). Q. E. D.

SCHOLION I. Enimvero suspecta tibi fors videbitur hæcce, jus Principis in feras, pisces & aves demonstrandi via, ad fundos quippe publicos tantum restricta, atque a venationibus in prædiis privatorum Principem vel ideo exclusura, quod hi eodem domini jure hæc sibi accessoria vindicare posse videantur. At enim, uti absolute loquendo latius hocce dominium in fundis etiam privatorum absurdi nihil involvit (a), ita in civili societate, & præsentis rerum statu tot, tamque prægnantes pro exclusione subditorum ab hisce accessoriiis rationes militant, ut vanus omnino eorundem conatus evadat, qui sub hac umbra regale venandi jus Principi per universum territorium competens impugnatum eunt. Vide modo *Cap. seq. III.*

SCHOLION II. Porro ex eadem hacce propositione patescit, quod Princeps sive respubl. absolute loquendo carere quidem hoc in feras &c. dominio queat, sed non sine multis incommodis; ex quibus, hypotheticæ idem quodammodo necessitatis esse, atque partem jurium summæ potestati cohærentium (b) absolvere conficimus.

(a) *Opusc.*

(a) *Opusc. VIII. §. 150. Schol.*(b) *Opusc. X. §. 107.*

§. XXXVI. *Venationes liberae, freye Bürsch / in fundis civitatis publicis cum recte ordinato regimine civili neutiquam consistunt; sed eliminandae potius atque profligandae sunt.*

Etenim venationes liberae in fundis civitatis publicis non possunt non esse conjunctae cum insigni Principis & publici boni dispendio (§§. XXXI. seq.). At vero, quod communi reipublicae bono & juribus Principis refragatur, id in recte ordinata republica ferendum neutiquam, uti per se liquet. Venationes igitur liberas e republica bene ordinata proscribendas, eliminandasque esse, evidens est. Q. E. D.

SCHOLION. Mirari proin subit, quod suos adhuc patronos inveniat libera ejusmodi, cunctisque patens venandi licentia, utpote ex qua non potest non lerna malorum in rempublicam redundare, quae Princeps, ut obicem ponat, vi majestatici sui officii obstringitur. Argumenta certe, quibus subditi Hohenzollerani, linea Hechingensis, liberum suum venandi jus contra Principem dominum suum territorialem defendere conantur, nescio quid rectam rationem feriens, & jejunum in se continent, quod epuratae menti primo sese statim obtutu cum nausea offert (a); sicut ex adverso fortissimis contra sereniss. Princeps argumentis pugnat. Quid? quod, uti eadem deductione fundamentorum Hohenzolleranorum videre licet, ipse augustissimus Imp. LEOPOLDUS a. 1687. ad directores circuli Suevici literas direxerit, quae de tollendis abusibus atque excessibus liberae venationis coercendis omnes Circuli status admonet: worauf dann (sunt verba deductionis apud MOSERUM cit. l.) a. 1697. auf dem Schwäbischen Creutz-Tag per majora beschlossen worden / daß die freye Bürsch gänzlich abolirt / und derowegen ein Repräsentations-Schreiben an den Kaiser abgelaßen / im übrigen aber die Sache dergestalt eingerichtet werden solle / daß denenjenigen Ständen / in deren Territorio solche freye Bürsch



bishero gewesen / an ihren juribus kein Eintrag geschehe / sondern soweit eines jeden territorium gehe / ider geweste freye Bürsch, district in Forst vermandelt / und nach des domini territorii Belieben administrit werden solle &c.

SCHOLION II. Quodsi tamen communitas aliqua aut beneficio Principis expresso, aut tacito, scilicet immemorialis temporis lapsu liberum venandi jus acquisierit: in eo utique manutenenda erit (a), modo per constitutos venatores, aut quosdam e communitate idem exercent; promiscuam enim venandi licentiam, juxta demonstrata, nunquam feret Princeps, aut si fors temporum injuria invaluit, justa semper lege inhibebit.

(a) Opusc. X. &c. §§. 79. & 87.

§. XXXVII. *Regali venationis jure, seu banno ferino (§. XXI.) in fundis civitatis publicis Princeps, atque recte constituta respublica carere nequit.*

Dominium in feras, pisces & aves, seu privativum eas occupandi titulum Princeps, sive respublica optimo jure, & ex boni publici necessitate sibi vindicat (§. XXXV.). Quare, cum hoc ipso omnes ex venatione provenientes utilitates percipiendi, sibi ac fisco asserendi, jus consequatur (§§. IV. VIII. IX. & X.); in hoc autem bannum ferinum (§. XXI.), i. e. regale venandi jus (Cap. I. §. IX.), consistat: regale quoque venandi jus ex necessitate quadam Principi ac fisco vindicari, nec eodem rempublicam facile carere posse constat. Q. E. D.

SCHOLION. Unde judicare licet, quinam venationis status alteri præferendus? An Romanorum, qui omnia animalia fera in statu rerum nullius a quocunque occupabilia reliquerunt (§. XVI.); an Germanorum, qui juxta mox demonstranda, eadem in principis ac reipublicæ emolumenta transcripserunt? Regulis sane rectoris politices posteriorem convenientiorem esse, nemo non per-



perspicit: ut ut fortean legislatoribus Romanis instituti sui rationes non defuerint; quod suo loco relinquimus.

§. XXXVIII. *Regale venandi jus, seu bannum ferinum in fundis civitatis publicis Germaniæ populi, & in specie Francorum Reges atque Impp. stirpis Carolingicæ tum sibi, tum imperio constanter asseruerunt.*

Propositionis hujus veritas cum in certitudine facti consistat, alia re opus non habemus, quam ut ejusdem fidem faciamus. Quod cum citra difficultatem a nobis præstari queat (vid. Schol. seq.): patet asserti veritas. Q. E. D.

SCHOLION. De Regibus Francorum constat, quod habuerint suas *forestas dominicas, foresta regia, sylvas regales*, quæ quæ ratione constitutæ fuerint, docet CAROLUS du FRESNE, *Glossar voc. inforestare* Tom. II. p. 487. ibi: *constituuntur regio diplomate viri aliquos graves, & prudentes, qui locum forestæ designatum intuentur, lustrant, & terminis manifestis circumscribunt. Perimpleto hoc, & in cancellariæ monumentis (de more) inscripto, rex præconis voce ipsum locum, seu regiunculam per totum comitatum, ubi sita est, forestam edicit, forestaque legibus communitam. Prohibet insuper, ut nemo ea turgeat audacia, quod sine majestatis venia aliquam illic exerceat venationem, diciturque jam locus afforestari* (§. 18. Schol. II. in fin.), *& ut cetera foresta in omnibus valere.*

Quæ afforestatio, licet privatos quoque fundos eandem ambitu suo comprehendisse, Cap. sequ. demonstraturi simus: ad loca tamen publica potissimum pertinet, & ad piscationes æque, ac venationes, in specie ita dictas, extensa fuit: uti patet concessione piscationis in flumine Sequanæ, facta abbati S. Germani in pratis (St. Germain des pres) a CHILDEBERTO CHLODOVÆI M. Filio; in qua sub jure foresti piscationes manifesto comprehenduntur, verba ipsius concessionis referente AIMON. MONACH. in *annal. Franc. Lib. II. Cap. 20.* *Has omnes piscationes, quæ sunt, & quæ fieri possunt, in utraque parte fluminis Sequanæ, sicuti nos tenemus, & nostra forestis est, tradimus.* Similiter LUDOVICUS PIUS pis-

cationem in fluvio Wiseræ in pago, Wimodia nuncupato, concessit WARINO abbati Corbeiensi teste diplomate, quod ex LUNIGIO P. III *Spicil. eccles. Cap. V. Tit. 2. Corvey. §. 4. p. 61.* excerptum sistit PFEFFINGER *cit. loc. Tit. 18. §. 8. p. 1365.*

De GUNTHRAMO porro rege refert GREGOR. TURON. *lib. X., C. 10.* quod, cum in sylva Vosaco venationem exerceret, & vestigia occisi bubali deprehendisset, atque a custode requisivisset, quis in ea regali sylva venari præsumsisset: ab hoc proditus cubicularius Chundo jussu regis apprehensus, victusque ad stipitem lapidibus fuerit obrutus.

Expressius denique de forestibus & locis publicis, quod banno munita, & regalibus adscripta fuerint, capitularia Regum & Imperatorum edicunt. Sic in *Capitul. Regum Francorum Lib. IV. Cap. 2. Tit. de forest. novit. instit. apud BALLIZ. Tom. I. p. 785.* de forestibus dicitur:

*Quicumque illas habet, dimittat, nisi forte indicio veraci ostendere possit, quod per jussionem, sive per permissionem Domini Karoli, Genitoris nostri eas instituisse, præter illas, quæ ad nostrum opus pertinent, unde nos decernere volumus, quidquid nobis placuerit.*

*Ibidem Cap. LXV. p. 788.* De forestibus nostris, ut, ubicunque fuerint, diligentissime inquirent, quomodo salvæ sint, & defensæ, & ut comitibus denuncient, ne ullam forestam noviter instituant, & ubi noviter institutas sine nostra jussione invenerint, dimittere præcipiant. In his itaque sylvis & locis publicis, ne quispiam temeraria manu feram, aut aliud animal sub foresta comprehensum occuparet, sub severa banni lege prohibuerunt. *Capitul. Caroli M. ad ann. 802. Cap. 39. ut in forestes nostras nemo furari audeat, quod jam multis vicibus fieri contradiximus, & nunc iterum bannimus firmiter.* Idem constituit CAROL. M. in L. I. *leg. Longob. tit. 23. ut nemo pedicas in foresto dominico, neque in quolibet regali loco tendere præsumat: & si ingennus hoc perpetraverit, bannum dominicum solvat, & si servus est, dominus illius emendet, sicut lex est.*

Huc quoque pertinet CAROLI SIMPLICIS Regis Franc. donatio facta Canonicis S. Lamberti Leodii de an. 905. apud LUNIG. *Reichs. Archiv Spicil. ecclesiast. Part. II, Cap. IV. Tit. 11. Lüttig §. 10. p. 485.* in qua forestam terminis suis inibi descriptam donat: *Jure perpetuo in propriam tenendam, & totam, undecunque ad integram, velut dudum in regum manibus constiterat; eandem firmans, omni tempore possidendam; in tantum, ut neque a quoquam venatio ullatenus fiat per illam,*  
nisi

*nisi Pralati illius Ecclesie licentiam omnino habuerit indeptam; cujusmodi loca centum alia in medium proferre possemus, nisi terminis dissertationis academicæ coangustatis filum abrumpendum foret.*

§. XXXIX. *Idem regale venandi jus, & bannum ferinum in fundis publicis non minus jure suo sibi vindicarunt Imperatores Germani.*

Nititur asserti veritas eadem prorsus ratione, qua propositionis præcedentis (§. XXXVIII.), certitudine facti. Quam, cum diplomata, & concessiones Imperatorum, quibus juxta cum sylvis aliisque bonis publicis, bannum quoque ferinum & regale venandi jus in episcopos, principes, abbates, aliosque imperii procures contulere, liquido ob oculos ponant (Schol. sequ.): suum rursus propositioni robur constat. Q. E. D.

SCHOLION. Facit huc diploma OTTONIS M. de a. 940. confirmatum a. 950. apud LUNIG. *Reichs-Archiv Spicileg. eccles. P. III. Cap. VI. Tit. 13. St. Emmeram §. 19. p. 649.* quo præfato monasterio in proprietatem dedit locum Helphindorff, cum *Foresto & Forestariis*, atque *venatione nec non & regio banno &c.* De a. 952. apud MADERUM in *antiquitat. Brunsvic. §. 3. diplomatum p. m. 108.* quo monasterio Poledano in Principatu Grubenhagensi tradit tertiam partem curiæ suæ Palithi cum *sylvis, piscationibus, venationibus molendiis &c.* De a. 970. apud LUNIG. *d. l. P. III. Cap. VII. Tit. Elten §. 2. p. 356.* quo Abbatiz Eltenensi nominatas ibi curtes cum *piscationibus & venationibus* tradit, atque confirmat. Imperator OTTO II. in diplom. de a. 973. apud LUNIG. *cit. I. Spicil. eccles. P. II. Tit. Greysingen n. 10. p. 217.* Loca quædam ab antecessoribus suis in Episcopos Frisingenses collata, nunc dictæ Ecclesiæ de novo confirmat, atque regali *venationis jure*, nec non *banno ferino* auget. Conferatur quoque allegata supra (§. 18. Schol. II.) charta Colonienfis de a. eod. Idem Imp. in privilegio des Pann-Pennigs apud LUNIG. in der *Fortsetzung des ersten Theils Spicil. eccles. Cap. II. Tit.*

- *Tit. Maynz §. 7. p. 16. WILLEGISO Præsuli Moguntino circa Bingam sylvas, venatum, omnemque sylvaticam utilitatem una cum piscationibus, qua antea imperatorii juris fuerant, in proprietatem tradit.* Memorabile est, quod de OTTONE III. apud ALBERTUM CRANZIUM, *Metropol. Lib. III. ad a. 985. Cap. 36. p. m. 80.* legitur; hunc scilicet ipsum Imperatorem concessisse eidem Episcopo (Verdensi ERPONI) & successoribus *venationem cervorum, atque cervarum, sublimium ferarum, qui fuerit ab olim servatus honor summis Principibus, literis desuper extantibus.* Quocum incidit ejusdem Imperatoris similis feretensis diploma de a. 997. quo cœnobio Eltenensi *jus venandi cervum vel cervam in forestis Steenvualt, Offet, Wichmoet & Subort, cum facultate easdem extra territorium persequendi largitur.* PFEFEINGER. *in Vitriar. illust. Lib. III. Tit. XVIII. §. 8. p. 1369. in fin.* An. 991. Idem Imperator teste diplomate apud LUNIG. *d. l. P. II. Spicileg. ecclesiast. Cap. 4. im Anhang Tit. Minden §. 5. p. 104.* Episcopo Mindensi forestas suos Huculinhago & Stioringevvald, item sylvam Santel cum pleno *banni ferini* jure in perpetuum tradidit. Confer. quoque Charta Passaviensis de a. 993. apud LUNIG. *cit. l. P. II. Cap. 4. Tit. Passau.* Frisingensis d. an. eod. apud GEWOLDUM *l. c. in catalogo Episcoporum Frisingensium p. m. 93. (edit. vet. p. 138).* Moguntinensis de a. 994. qua Præsuli Moguntino concessit *Forenstein* cum *Banno*, ita ut sine Archiepiscopi licentia nemo ibi venari, vel feras inquietare audeat. Imp. HENRICUS S. in diplom. de an. 1007. quod extat apud FABRUM *Tom. XXXI. der Staats. Canzley Cap. III. §. 1. lit. a. p. 133.* Ecclesiæ Imperialis Bambergensis Canonicis proprietatis suæ locum, Fürth dictum, in proprietatem tradit cum *sylvis, forestibus, saginis, venationibus, aquis, piscationibus &c.* Anno 1008. Ecclesiæ Leodiensi vigore diplomaticis apud LUNIG. *cit. l. P. II. Cap. IV. Tit. Lüttig §. 19 p. 491.* ex imperatoria largitate quandam *juris regni forestim cum banno, & omnibus ejus utilitatibus* confert. Videatur quoque ejusd. charta de an. eodem supra (§. 26. Schol.); charta Laurisheimensis de a. 1012. sub dato Bavenb. apud FREHFRUM *Origin. Palatin. P. I. p. m. 186. & TOLNER. Cod. diplom. Palat. §. 26. p. 21.* Charta Paderbornensis de a. 1019. apud LUNIG. *l. c. Cap. IV. Tit. Paderborn §. 15.* Althahensis de an. eodem. apud GEWOLDUM *Tom. II. addit. HUNDII Metropol. Tit. Altha inferior.*



*rior* §. 24. in quibus fere omnibus bona quædam & loca antea juris imperatorii cum banno ferino, venationibus & piscationibus in dominium ac proprietatem dictarum ecclesiarum transfunduntur. In diplomate de an. 1023. cujus excerptum sistit PFEFFINGERUS *cit. l. p. m.* 1374. idem HENRICUS Imper. Episcopo Wirceburgensi bannum super feras in vastissimo inibi nominato districto ex imperiali traditione donat, proprietat, & (uti verba habent) de suo jure *in legitimum forestum* indissolubiler stabilis ejusdem ecclesiæ possessoribus. Ex quibus & aliis pluribus imperatoriarum concessionum tabulis, quarum vastum numerum adducit PFEFFINGER. *cit. sapius loco*, nos vero brevitas studio hic prætermittimus, affatim elucescit, regale venandi jus & bannum ferinum in fundis præsertim publicis, juri- bus imperatoriis constanter fuisse annumeratum; sane ut de the- seos nostræ veritate nequicquam dubii supersit.

§. XL. *Bannum ferinum (§. XV III.) cum ipso regali ve- nationis jure in fundis territoriorum publicis hodie penes Status Im- perii eodem, quo olim apud Imperatores, jure residet.*

Status Imperii superioritate territoriali, tanquam ana- loga summo imperio potestate (Cap. I. §. VI.), instructos esse, tum ipsa rerum momenta, tum leges imperii funda- mentales indubium sinunt (a); proin omnia ea in territo- riis vi superioritatis territorialis, salvo ceteroquin nexu cum imperio, peragunt, quæ alias in rebus publicis prorsus inde- pendentibus summis imperantibus integra sunt (Cap. I. §. VII.). Quare, cum non minus statibus Imperii domini- um publicum in rebus intra territorii fines conclusitribuen- dum esse, expeditum sit (§. III. seq. item Schol. seq.), si- cut, juxta demonstrata, Principi ac reipublicæ jus banni fe- rini (§. XVIII.) ex dominio publico (§. XXII.), sive ex jure majestatico constituendi regalia (§. XXIII.) adscriben- dum est: ita bannum ferinum in sensu, quo idem *cit.* §. XVIII. sumitur, iisdem prorsus ex fontibus statibus quo- que imperii tribuendum esse, patescit. *Quod erat primum.*

Y y y

Jus



Jus venandi regale in fundis civitatis publicis, seu bannum ferinum juxta sensum §. XXI., banni ferini in priori significato effectus est (§. XXVIII.). Quare, sicut illud statibus Imperii, qua territoriorum dominis, juxta modo demonstrata, competit: eadem ratione regale venandi jus in fundis territorii publicis iisdem quoque competat necesse est. *Quod erat secundum.*

Denique quoniam bannum ferinum & regale venandi jus Imperatoribus olim in bonis Imperii publicis, curtibus dominicis, sylvis regalibus &c. iisdem ex fontibus, quos modo innuimus, competiit (§§. XXII. XXIII. XXXIX.): status Imperii bannum ferinum & regale venandi jus in fundis territorii publicis eodem hodie, quo Imperatores olim per totum imperium idem exercuerunt, jure possidere, atque actu exercere, (Schol. sequ.), evidens est. *Quod erat tertium.*

SCHOLION. I. De dominio statuum Imperii publico in omnibus iis, quæ territorii finibus comprehenduntur, quin de ipso banno ferino & regali venationis jure literæ investiturarum satis manifesto edicunt; investiri siquidem solent: Mit Gebieten/ Gerichten/ Wildbannen/ Zöllen/ Geynten/ Städten/ Märkten/ Schlössern/ Dörffern/ Aeckern/ Wiesen/ Hölzern/ Wassern/ Wunnen/ Weyden/ Länden/ Zinsen/ Gültten/ Renten/ Nuzen/ Gütern/ Würdigkeiten und Zugehörungen/ uti sonat investit. Ducatus & Electoratus Saxon. a. 1415. apud PETRUM ALBINUM in der Meißnischen Chronik Tit. 16. p. 214. Item investitura Landgraviorum Hassiæ de a. 1495. apud LUNIG. Reichs- Archiv in der Fortsetzung der 2ten Continuation p. 768. ibi: Daß wir ihnen ihre regalia, nemlich der Landgrafschaft und Fürstenthum Hessen/ mit ihren Länden/ Leuten/ Schlössern/ Städten/ Märkten/ Zöllen/ Bannen/ Ereyßen/ Wäldern/ Hölzern/ Büschen/ Geldern/ Weyden/ Wasserläufften/ Jagden/ Wild- Bahnen/ Weydnereyen/ Erbten/ Bergwerken &c. bestätigt; cum quibus omnium fere statuum literæ investitu-

vestiturarum recentiores, atque ordinationes, mandata, & edicta venatoria, quibus regale hocce jus sibi adscribunt, & venationes prohibent, consentiunt, aut saltem in effectu non discrepant. Confer. AUCTOR deductionis vor das Jagd-Regal (§. 3. Schol.) Cap. III. §. 9. sub finem. p. 68. Ut adeo in luce meridiana cæcutire oporteat eum, qui hocce jus statibus Imperii in dubium vocaverit. Confer. HEIG. Quæst. Illust. 15. num. 33.

SCHOLION II. Quoad fundos itaque publicos recte omnino se se habent quæ laudarus modo AUCTOR d. loco Cap. I. §. 9. cum HORNIO Tr. de Jure Civitatis Lib. II. Cap. III. n. 5. 3. EVERHARD Vol. I. Conf. 10. n. 28. statuit: quod principes Imperii alio titulo non egeant, cum per solam occupationem, & translata in ipsos potestatem libere de rebus publicis disponendi satis securi, nec alium titulum edere obstricti sint. Consentiunt quonque quoad fundos publicos habemus illustrem D. de LUDWIG in Dissertat. de differentiis Juris Romani & Germanici in venatu, ejusque regali. Item celeberr. D. FLEISCHERUM Instit. J. Feudal. Cap. IX. §. 48. & 49. Quousque vero his etiam principiis, ad demonstrandum jus regale venationis in fundis privatorum, uti possimus; nec non, an præcitat. D. de LUDWIG, atque FLEISCHERI sententia, jus venandi in fundis originariæ nobilitatis, aliisque, qui publici juris nunquam fuerunt, regale esse negantium, jure subsistat: Cap. sequ. excutiemus.

(a) Inst. Pac. Osn. Art. VIII. §. 1. Item Capitul. casarea passim.

§. XLI. Principes & status Imperii hodie dum sylvas, aliaque loca publica banniendi, ferasque pisces & aves tanquam accessoria fundorum dominio suo transcribendi jure gaudent.

Sunt hi ipsi effectus, qui dominium principum publicum (§. III.), jus territoriale constituendi regalia (Cap. I. §§. V. VI. & VII.), nec non bannum ferinum (§. XVIII) prone consequuntur. Quis cum principes & status Imperii

vel maxime hodie instructi sint (§. XL.): eosdem feras pisces & aves hodiedum optimo sibi jure vindicare constat. Q. E. D.

SCHOLION. Ac proin consensu hic nullius, neque Imperatoris (secus ac olim, vid. Cap. seq.) neque subditorum opus est. Jure hæc omnia suo, & vigore superioritatis territorialis domini territoriales peragunt; recte ita sentiente prælaudat. D. AUCTORE deductionis vor das Jagd-Regal Cap. III. §. 20. p. 132. Item SCHNEIDERO. De Jure præventionis circa venationem §. 10.

§. XLII. Cui consequens est: *principes & status imperii hodiedum vigore superioritatis territorialis, atque banni ferini, abolitis venationibus liberis, denen freyen Bürschen (§. XXXVI.), siquæ in territoriis vigent, regale venandi jus sibi ac fisco suo optimo jure vindicare (§. XXXVII.).*

SCHOLION. Ne tamen insuper habeas, quæ cit. §. 36. in Scholio II. monuimus. Neque enim cujuspiam legitime quæsitis juribus præjudicare animo sedet. Hinc vero simul intelligimus, cur S. Rom. Imp. Principes ac status in omnibus ordinationibus, edictis & mandatis venatoriis ad regale suum venationis, & bannum ferinum tanquam superioritati territoriali, Der Lands-Herrschaftlichen Hoheit, cohærens jus provocent. Vid. neuverfasste Jäger-Ordnung in Steyer. §. 7. 9. & seq.

§. XLIII. Easdem porro conclusiones, quas alio loco (Opusc. X. §. CLII. seq.) ad regale venandi jus trahendas esse ex ipsa regalium indole demonstravimus; quod scilicet regale venandi jus sit pars superioritatis territorialis, adventitia saltem; quod inviolabile sanctumque haberi, nec quispiam citra læsæ quodammodo superioritatis crimen audaculas in idem manus ingerere debeat; quod subditus eodem, nisi principis concessione idem impetraverit, peculiari

liari ratione abstinere obligetur &c. *buc quoque trabendas, & ad regale principum venationis jus in fundis territorii publicis applicandas esse, constat.*

§. XLIV. *Feræ, pisces & aves nobiliores, sub banni ferini lege (§. XIX.) comprehensæ, in fundis publicis Principum ac statuum imperii, in dominio existunt, vel saltem domini territoriorum soli easdem occupandi jure gaudent.*

Potuit (§. IX. & X.), debuit (§. XXXV.), atque actu in fundos territoriorum publicos ita introductum fuit dominium (§. XL. Schol. I.), ut sub ejusdem complexu feræ quoque pisces & aves nobiliores comprehenderentur (§. IX.), aut saltem soli territorii domino cum exclusione subditorum eas occupandi titulus competere (§. X.). Easdem igitur in dominio Principis, vel ab hoc saltem privative occupabiles esse evidens est. Q. E. D.

SCHOLION. Idque de bestiis etiam ferocibus, leonibus, ursis, lupis &c. intelligendum, eo saltem sensu, quod nonnisi a Principe occupari debeant, adversus harum bestiarum invasiones se defendendi jure subditis solum relicto. Unde celeberr. LEYSERUS *de assentationibus* §. Ctorum Cap. III. Sect. 2. §. 24. postquam aliud olim obtinuisse asseruisset, subjungit: *At hodie hac omnia secus sunt, & non solum venatio majorum, sed & minorum ferarum, & occisio luporum, ursorum, & vulpium regalibus accensetur, & sub gravi pœna prohibetur.*

§. XLV. Quoniam res nullius dicimus, quæ in nullius dominio (Opusc. VIII. §. XX.), neque privative a quopiam occupabiles sunt (§. XI.): *feras, pisces & aves in fundis territorii publicis banni ferini lege (§. XIX.) comprehensas, perperam ad res nullius referri constat (§. XLIV.).*



§. XLIV. *Feræ, pisces & aves nobiliores, donec in fundis publicis existunt, pro fructibus & accessoriis eorundem recte reputantur.*

Fructuum nomine in genere venit, quidquid ex re nostra utilitatis, salva ejusdem substantia, percipitur. Enimvero Princeps, seu territorii dominus, feras, pisces & aves alicujus pretii tanquam fundorum publicorum accessoria, interimistica saltem, & utilitatem, ex fundis salva earundem substantia provenientem, sibi vindicat (§. XLIV.). Easdem igitur ad fructus fundorum publicorum referendas esse, liquido patescit. Q. E. D.

SCHOLION I. Negat hoc celeberr. AUCTOR deductionis sæpius allegatæ vordas *Jagd Regal* / *Cap. II. §. 1.* ibique cum ZOAN-  
NETO *de ferarum venatione Germ.* apud FRITSCH. *p. m. 496.*  
CHRISTOPH FESCHIO. *De re venatoria Thes. XVI* SCHNEI-  
DER. *de jure præventionis circa venationem §. 25.* aliisque opero-  
se contrarium adstruere satagit; haud dubie, quod argumentis  
alias Nobilitatis landsässicæ ac Prælatorum, venationum utilita-  
tes inter fructus prædiorum suorum pari jure reputandas esse ex-  
istimantium, condigne & ex asse satisfactum iri desperent. Sed  
salva res est. Non meliorem inde eorundem causam evasuram,  
sequentia (Cap. III.) manifestabunt. Feræ, pisces & aves fruc-  
tus fundorum sunt, sed quos alterius, quam Principis & reipub-  
licæ, in agris etiam privatorum, esse, nec dominium publicum,  
nec defæcationis politices ratio, atque utilitas publica patitur.

SCHOLION. II. Adverte tamen, quod, licet fructus hi absurdi  
nihil involvant (§. 9. Schol.). & ex domini natura prone con-  
cipiantur (§. 8. seq. sequ.): nihilominus transitorii, atque eo us-  
que tantum nostri esse intelligantur, donec in fundis existunt;  
quibus pensiculatus discussis adversariorum, fructus esse negan-  
tium, argumenta citra pulveris jactum in fumum abibunt. In  
erronea, & restricti nimis fructuum notione plerique hærent,  
unde aliter sensisse mirum non est. Cumque juxta Romanorum  
instituta feræ pisces & aves in fundis vagantes inoccupatæ, ac  
domi-



dominio vacuæ haberentur (§. 15.): huic venationum statui admodum cohærenter L. 26. π. *de usuris & fruct.* venationes fructus fundi esse negarunt.

§. XLVII. *Feram, piscem aut avem, sub banni ferini lege contentam, in fundis publicis occupans, eandem suam haud facit.*

Etenim non sunt res nullius (§. XLV.). Quare, cum non nisi rem nullius, dominii capacem occupando nostram faciamus (Opusc. VIII. §. 36.): qui feram, piscem aut avem banni lege munitam in fundis territorii publicis occupat, eandem suam haud facere, indubie constat. Q. E. D.

SCHOLION. Trahendi huc omnino SCHILTERUS *Exercit. ad* π. XLV. §. 5. HUBERUS *Digress. Lib. IV. cap. 20. §. 4.* PUFFENDORFFIUS *J. N. G. & G. Lib. IV. §. 7.* qui, licet private solum occupabiles, neutiquam vero in dominio completo feras esse supponant (§. 10. Schol.), in effectu tamen, & hac in specie conclusione nobiscum consentiunt.

§. XLVIII. Quoniam feræ &c. casu fors transfixæ palis, laqueis irretitæ, aut a bestiis ferocibus, aliave ratione occisæ, vel maxime jam occupatæ reputari debent, & in principis ac fisci potestate constitutæ; quippe quæ jam fundo constanter, i. e. ita ut evadere amplius nequeant, cohærent; nec minus cornua, quæ cervi atque dorcades quotannis deponere consueverunt, tanquam ferarum partes, principi acquisita esse intelliguntur: *nec feras, nec cornua ferarum, in sylvis & venationum districtibus inventa, inventorum, sed principis, atque domini territorialis esse apparet.*

SCHOLION. Consentit Stollbergische Jagd- und Forst-Ordnung Tit. 21. von Hirsch und Rehe-Gehörn apud FRITSHIUM cit p. 3. Schwarzenburg, Sonderhausische Jagd- und Forst-Ordnung §. 16. wann die Hirten oder andere Wald-Leute &c. Ibid. Erz, Herz. Oesterr. neu verfasste Jäger-Ordnung in Steyer

Steyer de a. 1716. §. 14. sollen alle diejenige/ so die abgeworfene Hirsch-Gewayde in unsern Forst finden. Item §. 13. da von gefallenem Wildprät/ so sich selbst reißt/ spießt oder in unsern Wild-Bahnen umkommt/ etwas gefunden wird/ soll das selbe niemand aufheben/ weniger gar verschweigen/ sondern 2c. FRIDERICI dueis Wurtemb. ordonnance, touchant les bois, & forests en les comté de Montbeliard & souveraines seigneuries y jointes. Tit. comme on se devra contenir lorsque les cerfs, & chevreux, müent & jettent leurs têtes, ou cornes. Apud FRITSCH cit. l. P. 3. p. 214. ibi: Nos dits subjets. - - - seront tenus d'apporter a nos dits forestiers toutes les cornes, tant de cerfs, que de chevreux, qu'ils trouveront &c. Quibusdam tamen in locis præmii loco inventoribus aliquid dari suevit: sic in electoratu Brandenb. pro pari cornuum cervinorum inventori duo oboli, zwey Pfennig/ solvuntur. Chur. Brandenb. Verbott die Hirsch-Gehörne und Stangen nicht zu verpartiren. d. a. 1638. apud FRITSCH. cit. l. P. 3. App. num. 25.

§. XLIX. *Feram, piscem, aut avem, banno ferino comprehensam, in fundis territorii publicis absque permisso principis occupans, eandem aut in principis proprietatem redigit, aut in eadem relinquit.*

Etenim feræ, pisces & aves nobiliores in fundis territorii publicis in dominio principis completo (§. XXV.), interimistico licet (§. IX.), existunt (§. XLIV.); aut territorii saltem dominus privative easdem occupandi titulo instructus est (§. eod.). Si primum sumas, easdem, tanquam res alienas, quæ citra domini voluntatem, aut, quod in accessoriis hisce transitoriis peculiare est, citra egressum e fundis publicis, alterius fieri nequeant, a quocunque licet occupatas, in principis nihilominus ac reipublicæ proprietate relinqui, ex natura hujus dominii liquet *Quod erat unum.*

Quodsi a principe solum, cum exclusione quorumcunque, occupabiles esse ponas, alia, quam titulo & jure principis,

cipis, easdem in proprietatem redigendi via non superest (Opusc. VIII. §. LXXII. & LXXIII.). Quapropter, cum factum occupatorium ejus, qui sine permissu principis feram sclopeto, aliove instrumento in potestatem suam redigit, sine effectu esse, utilitas principis, & peculiares hic occurrentes rationes non ferant (Ib. §. CVII.): occupatas hoc casu feras &c. in dominium principis redigi, liquido patescit. *Quod erat alterum.*

SCHOLION. Idem agnovit, & sine demonstratione licet, jam dudum asseruit PUFFENDORFIUS *J. N. & G. Lib. IV. C. VI. §. 7.* *Istum venatorem principi, ulironeam, licet parum gratam, operam prestitisse, adeoque non secus atque alium venatorem a principe auctoratum capiendo feras principis fecisse, recto omnino statuens.* Quod si post occupationem feram nihilominus nullius esse supposueris: tunc occupantem aut rem nullius consumere, donare, vendere &c., aut culpa ejusdem, & facto dolo rem, quoad titulum principi jam quæsitam, capi, atque destrui posse, admittas necesse est; quod utique ceu absurdum cum recta ratione non consistit. Magis itaque est, ut feras facto ejusmodi venatoris naturam accessoriorum constantium, atque in dominio Principis completo existentium, induisse dicamus, quæ invito Principe occupans aut tradere, aut actu occupata esse denunciare obstrictus sit.

§. L. *Princeps, sive territorii dominus feras &c. sub banni ferini lege contentas, in fundis territorii publicis ipso invito occupatas, a quocunque possessore jure vindicat.*

Etenim in dominio existunt Principis (§§. XLIV. & XLIX.). Cujus, cum effectus sit, quod res invito domino ablata a quocunque possessore repetatur (a): feras quoque, pisces & aves, ad bannum ferinum pertinentes, invito Principe seu territorii domino occupatas, a quocunque possessore jure avocari constat. Q. E. D.

SCHOLION. Idque etiam tum , si bona fide venditæ ad tertium pervenerint, si scilicet constet, cujus fuerint, sive in cujus solo aut territorio venatorio captæ fuerint; sunt verba SCHILTERI *exercit.* ad  $\pi$ . XLV. §. 5.

(a) L. 9. L. 27. §. 1. L. 36.  $\pi$ . *de rei vind.* Idem SCHILTERUS *cit.* L. *exerc.* XVI. §. 1.

§. LI. *Feris &c. in fundis publicis invito territorii domino occupatis, non amplius extantibus, & vel ab occupante, vel alio quocunque, sive dolo malo, sive culpa lata consumptis, occupans, vel consumens ad earundem pretium Principi ac fisco restituendum obstringitur.*

Possessor rei alienæ rem dolo malo, idem est de culpa lata (a), possidere delinens, de jure civili actione plane reali eo effectu conveniri potest, ut auctori juramento in litem rei pretium definire integrum sit (b). Quare cum feram, piscem aut avem banni lege comprehensam, dolo malo, & quæ eidem comparatur, culpa lata occupans, aut consumens rei alienæ possessor sit (§. XLIX.); consequenter feram consumendo dolo vel culpa lata possidere delinat: hoc casu occupantem, aut consumentem multo magis ad simplicem feræ æstimationem, atque refundendas expensas teneri evidens est. Q. E. D.

SCHOLION. Idque in ordinationibus venatoriis, præter poenas ferarum quoque solutionem injungentibus, passim cautum: vid. Hochfürstl. Würzb. Verordnung wider die Wildpres Diebe de a. 1720. §. Soviel zweyten: c. ibi: Als verordnen Wir hiers ausdrücklich / daß / wer sich künfftighin in Unfern Wildfubren auf obige verbottene Weise wird betretten lassen / mit Wildpret, Schiessen vergreiffen / und ein oder anderes Stuck fällen: Ein solcher das erstemal / nebst Bezahlung des Wildprets und der Haut auch andern Unkosten / in Fußschellen , , , , verurtheilet / und angehalten werden solle. Item §. 16. Das ungueltige



läßige Fische / ubi de furibus piscium idem statuitur verbis : Auch nach befinden / und oft wiederhohltten Verbrechen denen Wildprets / Dieben gleich nebens Erstattung des Diebstahls und allen Unkosten abgestraft werden sollen. Item Chur. Pfälz. Mandat, wornach die Wildprets / Diebe zu bestraffen de dato 21. Februar. 1709. §. Viertens. ibi : Ein solcher das erstemal nebst Bezahlung des Wildprets und der Haut / auch anderer Unkosten 2c. Chur. Bayerische Verordnung in eadem materia de a. 1663. §. Die jenige Delinquenten aber 2c. ibi : neben Gutsmachung des gefällten Wildprets und Abtrag der Unkosten / da es einer in Vermögen hat 2c. quod de consciis quoque ferarum furtivarum emtoribus dicendum esse, tum illæ ipsæ ordinationes satis indicant, & ex iis apparebit luculentius, quæ de receptatoribus ac fautoribus furum ferarum infra dicturi sumus.

(a) L. 2. Cod. de in litem jurando L. 32. π. Depositi.

(b) L. 27. §. 3. π. de rei vind. L. 7. π. de in lit. jurand.

§. LII. Qui feras, pisces & aves in fundis publicis, intraque banni ferini districtum clam, inscio, ac invito Principe, seu territorii domino, animo easdem suas faciendi capit, aufert, atque consumit, furti; sin violente rapiat, rapinæ se se criminis reum facit.

Feræ, pisces & aves, donec in banni ferini districtu vagantur, sunt res principis propriæ (§. XLIV), aut occupatæ saltem a quocunque alio, non in occupantis, sed in principis dominium transeunt (§ XLIX.), intuitu illius omnino pro rebus alienis habendæ. Quapropter, cum rem alienam, animo eandem suam faciendi, inscio ac invito domino auferens furtum, conscio quidem, sed reluctante & invito domino eam sibi asserens, rapinam admittat (a): feras &c. clam, & invito principe occupantem, furti, vi aperta easdem sibi asserentem, rapinæ reum fieri manifesto patet. Q. E. D.



SCHOLION. Neque adeo est, cur scrupulum nobis moveant, qui feripetas, Wildpret, Schützen Wilderer dici malunt; in clandestina siquidem aut violenta ferarum invito principe occupatione verum furtum atque rapinam admitti, ordinationes venatoriæ & mandata adversus fures ferarum palam pronunciant. vid. Hochfürstl. Würzburg. *Mandat wider die Wildprets, Diebe de a. 1720. pr. ibi*: Nachdem von vielen Jahren her die leyndige Erfahrung zeigt / wie weit die Bosheit deren in unserm Hochstift durchgehends über Hand nehmenden Wildprets, Dieben gestiegen 2c. *ibidem in fine*: Unser Mandat wider die Wildprets, Diebe 2c. *Item §. so viel zweyten die Straffen deren Wildprets, Dieben betrifft 2c. & ita in seqq. passim.* Fürstl. Braunsch. *Edict wegen deren Wild, Schützen und Fisch, Dieben de a. 1598. apud FRITSCH, P. III. p. 129. ibi*: Das Wildpret zu schiessen auch Forellen / und andere Fische in unsern Heg, Wassern zu fangen / und diebischer Weiße zu entwenden / und andern zu verkauffen / sich freventlich unterstanden 2c. Stollbergische Jagd, und Forst Ordnung Tit. 17. von den Wildprets, Dieben / so in der That betreten werden. apud FRITSCH. *cit. l. P. III. p. 202.* Herzog Joh. Casimirs zu Sachsen, Coburg *Mandat wider die Wildprets, Diebe de a. 1595. apud eundem. Gräfl. Schwarzenburgisch, Frankenhäusl. Jagd, und Forst Ordnung Art. 33.* Weilen auch unser *ibi*: Sondern auch auf die Feder, und andere Wildprets, Diebe Art. 24. auf alle Fisch, Diebe ein fleißiges Aufsehen zu haben 2c. Gräfl. Schwarzb. Sondershaus. Jagd, und Forst Ordnung §. Nachdem uns auch 2c. *ubi iteratis vicibus vocantur raptores, fures ferarum, Raub, Schützen / und Wildprets, Diebe*; Chur-Maynz, Erfurtisch Jagd, *Mandat wider die Wildprets Diebe de a. 1717. ubi hoc nomen sæpius occurrit.* Nec te moveant, qui aliud ex J. Romano evincere conantur; *in eo enim (uti SCHILTERUS ait cit. sapius l. §. 8.) recedunt mores nostri a jure Romano, quod utrobique id est, live e Parcis Thier, Garten / live e forestis feræ auferantur) furtum committatur. Feræ enim in foresto meo commorantes meæ sunt, & possideri animo intelliguntur, & mediante solo nostro. Nec sequitur necessario: fera in foresto naturali libertati relicta sunt; h. e. habent liberum accessum & recessum; igitur quam diu in foresto nostro morantur, tam diu non possidentur a nobis &c. alle-*  
gant

gans in hanc suam sententiam HUGONEM GROTI. *J. B. & P. GRENWEG. de LL. Abrogatis* & NOE MEUERER *vom Forst Recht Confer. quoque Capit. CAROL. M. ad a. 802. c. 39. ibi: ut in forestas nostras furari nemo audeat &c. supra (§. 38. Schol.).*

§. LIII. Quoniam jus venandi in fundis territorii publicis ad regalia principis, & sacra reipublicæ jura pertinet (§. XL.); hæc vero citra læsæ quodammodo superioritatis crimen, despectum, vilipendentiam, & contemtum summæ potestatis attentare nemo audeat (§. XLIII.): *fures atque raptores ferarum (§. L.) respectus, quem principi, ac summæ potestati debent, violatores, atque contemtores, nec non jurium superioritatis temerarios invasores recte audire, nemo dubitat.*

SCHOLION. In ordinationibus & mandatis venatoriis vocantur ideo Freveler; vid. Schwarzb. Sondershaus. Jagd. und Forst-Ordnung (§. Præced.) Braunschweig, Lüneburg. Edict wegen der Wild-Schützen / und Fisch-Diebe / de a. 1598. apud FRITSCH. *P. III. p. 130. ibi: über / und wider unser beschehen vorige Verbott uns zu einem sonderbahren hohen Veracht / und Trotz geschiehet.* Chur. Sachs. Mandat wider die Wild-Diebe / und Schützen de a. 1603. apud PFEFFING. *Vitriar. illustr. Lib. III. tit. 18. §. 18. p. 1437. ibi: Und uns als der ordentlichen vorgesetzten Obrigkeit zu Trotz / und Verachtung in unsern Wild-Bahnen schießen &c.*

§. LIV. Princeps, sive territorii dominus, omnia ea, quæ ad conservationem ferarum suarum, rectum usum, integritatem atque inviolabilitatem regalis sui venandi juris in fundis, publicis quavis ratione spectant, jure ordinat, atque constituit.

SCHOLION. Propositio per se clara demonstratione non eget, utpote quæ ex necessitate regalis hujus juris (§. 37.) luculenter intelligitur. Vide sis inter infinitas alias Rayserl. neu. verfaßte Jäger-Ordnung in Steyer. §. fin. Welchenmach ibi: wel-

ches alles wie es Unser unvermeydentliche Nothdurfft und Erhaltung des Landsf. Regals/ auch alte Gewohnheit und Gebrauch neben der Gerechtsamkeit erfordert 2c. 2c. Item Chur-Maynz Erfurtisches Mandat wider die Wildprets-Diebe de a. 1717. pr. ibi: Was für Mandata und Verordnungen öfters vorhin schon zu conservation des hohen und niedern Jagd-Regals heraus gangen.

§. LV. *In Fures atque raptores ferarum princeps vigore superioritatis territorialis pœnas justissima lege decernit.*

Etenim princeps vigore superioritatis territorialis omnia ea recte ordinat, quæ ad conservationem regalis venandi juris, atque ferarum suarum pertinent (§. LIV.). Quoniam igitur, quod tanquam exploratum & experientia comprobatum sumo, furum atque raptorum ferarum temerarii ausus, atque pervicax malitia (§. LIII.) non nisi constitutis pœnis, quarum amaritudine a delinquendo, & male agendi proposito absterreantur, retundi valet: ferarum quoque, quæ principis esse dignoscuntur (§§. XL & XLIV.), fures atque raptores constitutis a principe seu territorii Domino pœnis optimo jure coerceri, nemo in dubium vocaturus est. Q. E. D.

SCHOLION. Eodem sane jure, quo olim Francorum Reges (§. 38. Schol.) (a) atque Imperatores (§ eod. & sequ. 39. Schol.) sub imperiali banno, & gravioribus etiam, immo mortis pœna (§. eod. 38. Schol. verbis: de GUNTHRAMO &c.) venationes prohibuerunt, & in ferarum fures animadverterunt, status Imperii vigore superioritatis territorialis, aus Landesfürstlicher Macht und Hoheit/ in dæprædatores, atque violatores regalium suorum condignas pœnas statuunt. Vid. AUGUSTI Elect. Saxon. Mandat wider die Wildprets-Diebe/ de a. 1584. in excerpto apud PFEFFINGERUM cit. l. Tit. XVIII p. 1437. ibi: Als ordnen und setzen Wir aus Landesfürstl. Obrigkeit/ und Macht 2c. FERDINANDI MARIE Elect. Bavar. Verordnung wider

wider die Wildprets-Diebe *de a. 1663. pr. p. m. 2.* Diemeilen Wir aber solche hochstraffliche Ubelthaten keineswegs zuzusehen/ oder zu gedulden gemeint; sondern dieselbe ernstlich/ wohl auch/ nach gestaltsame der Umstände / an Leib und Leben abzustraffen gedacht/ gleichwie Wir / als regierender Landesfürst/ zu Erhaltung des schuldigen Gehorjams und Respects wohl zu thun befugt 2c. *Haud alio certe ex fonte tot principum ac statutum Imperii sanctiones pœnales in fures ferarum derivari poterunt.*

(a) Conf. SCHILTERUS *Exercit. ad π. XLV. § 5. ibique ex lege Salica Tit. 36. §. pen. & ult.*

§. LVI. *Pœnæ in fures atque raptores ferarum &c. delinquentium tum malitiæ, tum incorrigibilitati; delicti tum gravitati, tum frequentię; qualitati tum personarum, tum ferarum; nec non occurrentibus aliis alicujus momenti circumstantiis proportionandæ, atque attemperandæ sunt.*

Pœnæ in republica in genere id spectant, ut coercito malevolorum aliis nocendi pruritu pacate quilibet in civitate vivat, & imperturbate suo fruatur. Tales igitur sanciendæ, quæ procurando tranquillo rerum nostrarum usui, & cohibendæ facinorosorum audaciæ sufficiant, frustraneo alias futuro omni principis in promovenda securitate publica conatu. In malitia exuberantiori, & perseverante delinquentium maligno aliis nocendi proposito, majora quoque rebus ac bonis nostris discrimina imminere, nemo non perspicit. Quæ quoniam non nisi gravioribus in delicta constitutis pœnis retundi, aut averti queunt (a): sicut in delinquentes in genere, ita furum quoque ac raptorum ferarum majori existente malitia, lenioribus pœnis corrigi nescia, severius in hosce animadvertendum esse, nemo ibit inficias. *Quod erat in primum.*

Porro



Porro, cum delicta graviora, quibus vel princeps, vel respublica, immo privati etiam cives insigniter læduntur, gravius quoque coerceri conveniat, impunitate vel lenitate majorum alioquin malorum causa futura; nec non crescente delinquentium numero, poenas quoque crescere debere, ipsa sana ratio dictitet (b): in determinandis quoque furti & rapinæ ferarum &c. poenis ad gravitatem hujus delicti (§. XLIII.) haud secus, quam ad furum atque raptorum hujusmodi pervicacium, nulla mandatorum principis & legum ante latarum ratione habita, incrementem numerum, malitiamque legislatori attendendum esse liquet. *Quod erat alterum.*

Uterius, personas conditionis vilioris ad delinquendum, furti præsertim & rapinæ crimina, multo, quam honestioris ordinis homines, proniores esse; neque easdem numero poenas pares prorsus in utrisque effectus producere, sed potius, quas poenas personæ viliores spernunt, atque contemnunt, easdem in personis honoratioribus optatos fines, emendationem nimirum & correctionem consequi, cum in aprico jaceat & quotidiana experientia comprobet: neque hancce personarum, in regale hocce principis furtivas & rapaces manus ingerentium, diversam qualitatem a legislatore insuper habendam esse constat. *Quod erat tertium.*

Denique, cum ad rei furto, raptove ablatae pretium in sanciendis furtorum atque rapinarum poenis vel maxime respicere legislatorem conveniat (c): princeps quoque in determinandis furti & rapinæ ferarum poenis diligenter cavebit, ne, ceteris paribus, easdem, quas majorum ferarum furibus infligit, illis quoque, qui fera animalia levioris pretii auferunt, poenas dictitet. Immo quoniam in genere in sanciendis, augendis, minuendisque poenis ad circumstantias, quæ



quæ in re præsentī aliquod momentum trahunt, probe advertendum (b): ad has quoque princeps legislator in puniendis furtis ferarum oculos ut convertat, necesse est. *Quod erat quartum, & quintum.*

SCHOLION. Singula quoque principes & status Imperii in ordinationibus, mandatis & sanctionibus pœnalibus adversus fures & raptores ferarum ex asse custodivisse, observare licet; & exemplis omnium fere territoriorum principum ac statuum probari posset, nisi omnem prolixitatem studio declinare instituti rationes cogerent. Confer interim PFEFFING. *Vitr. illustr. Tom. III. Tit. 18. §. 18. p. 1438.* Plüger *Beante P. I. Tit. 34. §. 15.* E. VERHART, *Vol. I. Conf. 10.*, & Criminalistas passim.

(a) Perill. WOLFFIUS *Polit. §. 343. seq.*

(b) *L. 16. §. 20. π. de pœnis: Nonnunquam evenit, ut aliquorum malefactorum supplicia exacerbentur, quoties nimium multis personis grassantibus exemplo opus est.*

(c) *Ord. Crimin. Carolin. Art. 157.*

(d) *L. 11. pr. L. pen. π. de pœn. L. 155. §. ult. π. de R. J.*

§. XXXVII. Unde confit: quod in fures atque raptores ferarum &c. qui præmeditato & in despectum Principis manifestum, tempore nocturno, larvati, aut, ne a venatoribus agnoscantur, nigro colore inducentes faciem, horridum aspectum præferentibus induti vestibus, periculoso & severa lege subditis inhibito armorum genere instructi, cohibeturis aut apprehensuris eisdem venatoribus violentas etiam manus inferre parati, sylvas, & districtus venationum Principis ingrediuntur; nec non eos, qui correcti resipiscere nolunt, pœnæ exasperandæ, atque augendæ sint (§. præced.).

SCHOLION. Has exacerbationis pœnarum causas omnia rursus adversus fures & raptores ferarum emanata edicta & constitutiones Principum, ac statuum Imp. loquuntur. Vid. (§. LI.) FERDINANDI MARIE Electoris Bav. Mandat wider die Wild-

prets Dieb *de a. 1663. pr.* Nachdem die tägliche Erfahrung gibt  
 2c. . . . daß solchemnach die hohe unumgängliche Nothdurft er-  
 fordert / diesem Ungehorsam / und Widersiefigkeit mit ergiebe-  
 rigerem Ernst / und mehr verfänglichern Mittel vorzubeugen 2c.  
 Chur. Pfälzisches Mandat contra eosdem ( *supra* §. LI. ) in pr.  
 Hochfürstl. Würzb. *Mandat* ( §. LII. ) ejusdem generis *pr. Item*  
 §. sovil zweytens ibi: Alldieweilen sich mehr als zuviel geäußert/  
 daß die bishero / sonderlich auf das erstemal gesetzte gelinde  
 Straffen / von ihnen gar nicht geachtet / sondern bis zur ersten  
 Betretung desto fecker drauf gefrevelt worden 2c. Item §. dem-  
 nach / siebendens ibi: Da aber die Wildprets Dieb / wie öfters  
 zu geschehen pflegt / gefährlicher Weiße / damit man sie nicht ken-  
 nen / und sie also ihre Bosheit desto kühner vollbringen mögen /  
 sich im Gesicht geschwärzt / mit Nebel-Kappen / grossen Bärten /  
 langen / zu Verbergung ihrer Köhren / tragenden ungewöhnlichen  
 Röcken / und sonst auf andere Art sich verstellt hätten 2c. Idem  
 quoque in aliis mandatis & edictis Principum adversus ferarum  
 fures , quæ magno numero ad manus habemus , sancitum , at-  
 que has ipsas ob causas pœnas adauktas reperies.

§. LVIII. Ulterius inde consequitur , quod fures atque  
 raptores ferarum hoc ipso , quod regaliū Principis temeratores  
 sint ( §. LIII. ) , ac præterquam , quod in suo Principem turbent ,  
 in reipublicæ quoque sacra jura injurios se præbeant ( §§. XLIII.  
 & LIII. ) , severius propterea plectendi veniant : id quod tum  
 vel maxime obtinere debet , si latius serpens malum , & furum  
 ferarum augescens numerus efficaciorē medelam efflagitet ( §.  
 LVI. ).

SCHOLION. Confer Chur. Pfälzif. *Mandat de a. 1709.* ( §. LI. )  
 §. Als Uns achtens 2c. Item Herzoglich. Würtembergische *Con-*  
*stitution*, welchergestalten die Wildpret Schützen fürrohin ge-  
 straft werden sollen. *de a. 1588.* apud FRITSCH. *cit. l. P. III.*  
*p. 173.* Wir verspühren aber mehr dann zuviel im Werck / daß  
 . . . zu keiner Verbesserung ersprießen / noch gereichen mag /  
 sondern das gefährlich unleydentlich Ubel legt täglich zu 2c.

§. LIX.

§. LIX. Liquet inde porro, cur ob furta, & rapinas ferarum, piscium & avium in personas notæ vilioris, ceteris paribus, graviores, quam in personas honoratiores pœnæ sanciendæ sint (§. LI.).

SCHOLION I. Personarum honoratiorum pœnæ ut plurimum pecuniariæ esse solent, multa pro ferarum qualitate & raritate constituta; ad carceris tamen, immo, si malitia, incorrigibilitas, aliæque circumstantiæ accedant, ad duriores etiam pœnas quo minus deveniatur, nil obstat. Personæ viliores primis regulariter vicibus, nisi & hoc casu pœnas augeri circumstantiæ jubeant, ad operas publicas cum gestatione cornuum cervinorum, & si præsertim frequentius in hoc delicti genere deprehendantur, ad fustigationem quoque cum relegatione, immo graviores etiam pœnas condemnantur; qui tamen pœnarum gradus, uti testibus ordinationibus & edictis adversus ferarum fures diversis, diversimode sese habent, ita determinatione enucleatori nunc supersedebimus. Vid. interim *Hochfürstl. Würzb. allegatum sæpius mandatum* (§. LI.) §. *Soviel zweyten* 2c. *cum seq.*, & *PFEFFINGERUM Tom. III. cit. Tit. 18. §. 18. p. 1439.*

SCHOLION II. Accedit & illa in personis vilioribus ratio, quod plerumque pessimæ frugis audiant, & rerum domesticarum liberorumque omnem curam deponentes, juxta cum feris, hominibus quoque tanquam publici grassatores in viis regiis insidientur, cædibus & latrociniiis rempublicam nefarie implentes; id quod cum in notorietate consistit, tum omnes omnino ordinationes, & edicta Principum loquuntur. Horum itaque effrenem licentiam Principes & status imperii, ex summi magistratus, quod gerunt, officio nullis non pœnis contundunt. Vid. *alleg. Hochfürstl. Würzb. Mandat, princ. daß solchemnach Un- sere Wildfuhren nicht allein gänglich verherat / sondern auch durch gedachte Bößwichte vielfältige höchst straffbare Miß- sethaten ausgetrieben werden; und noch ärgere in künftig zu besorgen stehen. Württembergische erstere Vergleichung der Wild- prets-Schützen halben de a. 1551. §. dieweil apud ERITSCH. P. III. p. 165. ibi: Dieweil dann dieß gemeiniglich / arg / böse /*

und leichtfertige Buben. Hohenlohische Jagd- und Forst-Ordnung *de a. 1579. apud FRITSCH. d. l. P. III. p. 224. Tit. VI. Von Wilderen und Wildpret. Schützen / §. dieweil männiglich, chen bewußt ic. Chur-Bayerisch. Mandat supra (§. LI.) pr. ibi: sondern auch von denen nichts als alles Ubel und Gefahr auf denen Strassen . . . zu gewarten / und dannenhero man sich ges gegen ihnen vielmehr als gegen andere gemeine Land-Stürzern und Müßiggängern der Mörderer / Rauberey / und anderer Unthaten zu besorgen hat ic. Chur-Pfälzische Verordnung in eadem materia (§. LI.) pr. verbis: gleichwie sonst gegen andere betröbliche Landschädliche Leute / von denen man sich alles Übels zu besorgen hat ic. Plures passus concernentes ex aliorum statuum Imp. edictis & ordinationibus in eadem materia vide apud PFEFFINGERUM *cit. l. Tit. XVIII. §. 18. p. 1436.**

§. LX. Ex eo vero, quod ad ferarum qualitatem attendendum sit (§. eod. LVI.), colligimus ulterius, *mitius omnino puniendos esse, qui feram, piscem aut avem ad venationem bassam, zur niedern oder kleinen Jagd / quam qui pertinentem ad venationem majorem, zur hohen Jagdbarkeit / clam capiunt, atque furtiva, aut rapaci manu contrectant.*

SCHOLION. Quænam feræ ad venationem majorem, quæ ad minorem pertineant? Cap. V. uberius exponemus; de propositionis interim veritate edicta & ordinationes venatoriæ, in quibus hæc differentia ex asse custoditur, dubitare haud sinunt. Vid. Würzb. Mandat §. Was aber / sechstens / diejenige angehet / welche nur an solchen Stücken sich vergreifen / die zur niedern Jagd gehören ic. ubi leviores in harum, quam in priorum pœnas lancitas offendes.

§. LXI. Denique, nec illud in determinatione pœnarum insuper habendum esse, constat (§. LVI.): *An in sylva forestata, ubi pro recreatione & usu principis feræ majori in copia aluntur? an temporibus vetitis (Cap. I. §. sequ.)? an ex iracundia & animi fervore? an in horto & fundo suo? an in loco publico &c. feram, piscem aut avem banno ferino comprehensam quis*



*quis ceperit. Prout enim hæc aliter, aliterque se habent, aut sub graviore, aut sub leviori pœna, furta ferarum cobibenda esse, evidens est.*

**SCHOLION.** Determinatius omnes circumstantias, ad quas legislatori aut judici attendendum, enumerare studio nunc omittimus. Prudens legislatoris arbitrium cuncta ita moderabitur, ut obveniente casu nec in justitiæ nec in æquitatis regulas impingat.

§. LXII. *Fures atque raptores, furti aut rapinæ ferarum rei deprehensi, prima vice regulariter mortis pœna haud afficiendi.*

Feræ, pisces & aves pleræque minuti pretii sunt. Quapropter, cum furta, multo minus rapinæ ferarum, utpote quæ raro sine strepitu perpetrari sueverunt, si modo debitam venatores & saltuarii principis in sylvis & venationum districtibus custodiam agant, diu latere nequeant: quando prima vice ejusmodi fures & raptores deprehenduntur, vix adhucdum notabile principi, ejusque fisco damnum intulere, vix tale saltem, quod summam, sanctione criminali Carolina (a) definitam, adæquet. Dein, licet stricte loquendo, præsertim quod restituendi obligationem attinet (§§. L. & LI.), inter ferarum &c. & rerum aliarum furta nulla, aut modica differentia subsit (§§. XLIX. & LIII.) (Opusc. VIII. §. CXIII. Schol. I.); quoniam tamen dominium, quod ante actualement ferarum occupationem principi & reipublicæ in easdem, tanquam fructus & accessoria fundorum (§. XLVI.), competit (§. XLIV.), ratione continuationis & durationis multum adhuc incerti habet (§. XLVI. Schol. II.): ut in irrogandis ferarum furibus & raptoribus pœnis ad hanc incertitudinem princeps attendat, eosque ceteris paribus, præ aliis mitius puniendos ducat,



& æquitatis, & clementiæ ratio postulat. Neque etiam, quæ hisce furtis & rapinis, eoquod in regalia principis & rei-publicæ jura peccetur (§. XLIII.), major malitia & delicti gravitas inest (§. LIII. & LVIII.), tanti est, ut hanc solam ob causam delinquentes morte multari valeant. Cui accedit, quod, cum nec furta reiterata, nec alias circumstantias aggravantes supponamus, in prima vice deprehensis hisce furibus spes adhuc emendationis superfit. Quapropter cum non nisi in furto & rapina rerum in perpetuo & durabili dominio existentium, nec, nisi rei ablatae pretio ad summam usque quinque aureorum ascendente (b), aut peculiaribus circumstantiis aggravantibus, effractione, vi majori, & indurata malitia accedentibus, poena mortis locum inveniat: prima vice in furto & rapina ferarum, regulariter ad mortis poenam deveniendum haud esse, liquido patescit. Q. E. D.]

SCHOLION. Rapinam tamen præ furto ferarum graviore poena compescendam esse, tum ex ipsa rapinae indole (§. LII.), tum ex iis, quæ supra (§§. LVI. & LVII.) diximus, abunde colligitur. Consentiant interim, & veritatem thesæos probant omnes fere ordinationes, & edicta poenalia a principibus & statibus Imperii adversus fures & raptores ferarum emanata, in quibus nullibi, nisi peculiares circumstantiæ eam legislatoris severitatem provocarint (§. LXIII. sequ.), prima vice mortis poenam irrogatam fuisse apparet.

(a) Art. CLX.

(b) d. Art. CLX.

§. LXIII. *Concurrentibus tamen circumstantiis aggravantibus, quo minus furibus & raptoribus ferarum prima, multo magis secunda, tertia, & ulterioribus vicibus in furto aut rapina ferarum*

*rarum deprehensis mortis poena irrogetur, nulla, nec naturalis, nec civilis ratio obstat.*

Pone, fures & raptores ferarum nulla sanctionum poenaliū, in temeratores regalis hujusce juris constitutarum, ratione habita in despectum, & contemptum principis manifestum peccare fortius, nullis nec fustigationum, nec relegationum, aliisve gravioribus poenis eorundem malitiam compescere valentibus; pone, a vilissimis hisce mortalium vias publicas cædibus & latrociniis infestari, nulla ut amplius in republica securitas, & tranquillitas interna vigeat; quin inaudita eosdem audacia officialibus & saltuariis principis necem certam minitari, si aut apprehendere, aut denuntiare eos attemptassent; pone, licet princeps per omnes hucusque poenarum gradus iverit, in tantum nihilominus furum & raptorum ferarum numerum excrecere, ut, nisi extrema remedia adhibeantur, ferarum omnium excidium, & regalis venandi juris ruina certo certius consecutura sit: quis, obsecro! sub his circumstantiis tam publici boni osor, tam sceleratissimorum hominum fautor fuerit, ut non prima etiam vice in furto, aut rapina ferarum deprehensos mortis poena affici posse, ambabus manibus largiatur? Sane si delictis, iis præsertim, queis pacatus rerum nostrarum usus, tranquillitas & pax publica concutitur, invalescentibus, eorundem auctores, partim, ut exemplo sint aliis, partim, ut hac fæce respublica purgetur, neci tradere, ipsa divina lex, & rerum-publicarum finis jubeat: idem quoque de hisce regalium principis, & publicæ securitatis turbatoribus dicendum erit. *Quod erat primum.*

Quod si iteratis vicibus correcti, & cum juramento *Urphede* relegati ad idem ferarum furtum redeant, & regale venan-

venandi jus violare pergant, nullam ab iisdem emendationem sperandam esse, ipsis suis nefariis factis declarant; quare, cum fures & raptores induratae malitiae, perjuros, saepius correctos, & in quibus emendationis spes omnis evanuit, mortis poena afficere, neque naturalis, neque civilis ratio refragetur, quod apud omnes in confesso esse reor: non magis etiam hoc casu in fures & raptores ferarum mortis poenam constituere, aequitati aut naturali, aut civili repugnabit. *Quod erat alterum.*

SCHOLION. I. His igitur casibus vita hominis non cum vili fera, sed cum malitia, & delinquentium incorrigibilitate, nec non cum publicae tranquillitatis, & pacati rerum nostrarum usus necessitate comparanda; illam ut coerceat, hanc ut conservet, legislator mediis sufficientibus utitur, extinctis plane, si opus est, scelerum & delictorum authoribus, uti jam alibi monuimus (Opusc. VII. §. CIX. Schol.).

SCHOLION. II. Hancque thesios nostrae veritatem praxis abunde comprobat. Sic prima vice deprehensos ferarum fures ob causas, a nobis recensitas, morte puniri jubet *Chur. Bayerisch. Mandat wider die Wildpreß, Diebe* (§. LI. Schol.) §. *Wie wollen es aber die Straff halber 2c. ibi: sie seyen gleich vorher dieses Verbrechens halber innen gelegen und gestrafft worden/ oder nicht/ solche sollen ohne alles ferneres Recht auf offener Straß/ da sie grassirt/ und Wildpret geschossen/ aufgehängt werden.* JOH. FRIEDRICI *Marchionis Anspacens. Mandatum* in eadem materia de 1. Nov. 1680. §. *Als ordnen und setzen wir (scilicet ex rationibus a nobis adductis) aus Lands- Fürstlicher Obrigkeit und Macht/ daß nun hinführo die Straff der Wildprets- Dieb/ und Schützen/ auch deren/ so dieselbige in Häusern hegen/ oder ihnen wissentlich einigerlen Weiß Unterschleiff geben/ in Unsern Landen der Galgen seyn solle 2c. Item §. Würde sich aber jemand 2c. ubi unicum ferarum furtum, propter ejusdem frequentiam ad poenam mortis sufficere statuitur.* *Chur Pfälzische Verordnung* in eadem materia (§. LI. supr.) §. 1, *So viel diejenige 2c. ibi: Sie seyen gleich vorher*

ro dieses Verbrechens halber in Verhaftt gelegen oder nicht/  
solche sollen ohn alles ferneres Recht an dem Leben gestrafft  
werden. AUGUST. Elect. Saxon. *Mandat* in mat. eadem de a.  
1684. apud PFEFFINGERUM *cit. l. 7t. 18. §. 18. p. 1437. §.* Als  
ordnen 2c. Daß nun hinführo 21. iisdem plane verbis: cum  
alleg. *Mandato* March. Anspac. Item §. Würde sich aber 2c.  
verbis: wo er nichts mehr verbrochen / dann das Wildpret  
geschossen / oder niedergeschlagen / als ein öffentlicher Dieb un-  
sers gehegten und bestriedigten Wildprets mit dem Strang  
vom Leben zum Tod gerichtet werden; *similia mandata plu-*  
*ra vide apud PFEFFING. cit. l.* Quæ post reiterata demum fe-  
rarum furta mortis pœnam irrogant, non pauciores numero  
sunt Principum Imperii ordinatione venatoriæ, quorsum quo-  
que Wirceburgensis pertinet, quæ post tertiam denique cor-  
rectionem mortis pœnæ locus comeditur, Vid. §. wärees  
dann fünffteus 2c.

SCHOLION. III. A crudelitatis tamen nota immunes pronuncia-  
re non ausim, qui exquisitis suppliciorum generibus ferarum fu-  
res præ aliis, neci tradi jubent. Christiano certe principe in-  
digna vindicta, & feram in ipso legislatore naturam sapiens.  
Tales sunt, qui cervina pelle insutos reos a caribus lacerari præ-  
cipiunt; qui ferreis ligamentis ferarum fures cervo illigatos in  
sylvas dimittunt; lepores una cum pelle cudos devorandos  
præbent &c. qualia exempla ex BERNHARDNO CORIO Vol.  
VI. *rerum Mediolanens.* ZEILER. *Cent. 1. epist. p. 424.* & ex  
HERMAN. HOFFMANNO *Lycurg. Rom. German.* refert PFEF-  
FINGER. *cit. l. p. 1438. p. m. b.*

§. LXIV. *In dolosos furum & raptorum ferarum recepta-*  
*tores, atque celatores eadem, quæ in ipsos fures & raptores, pœ-*  
*næ sancienda.*

Nisi essent receptatores, celatores, ac fautores, neque  
fures ferarum forent; siquidem absque horum adiumento  
fures vix latere, aut furtivas feras in locum securum trans-  
portare, atque divendere possent, uti facile quivis intelligit.



prehensi &c., confer (§. LVIII.); consentientibus denuo ordinat. venatoriis passim, interque illas Mandato Onoldino d. 22. Julii 1716. §. Als ergethet ic. ibi: Wann selbige auf dreymaliges zum stehen / oder haltmachen beschehenes Zuruffen sich nicht arrestiren lassen / noch still stehen ic. ubi simul motiva observa. Mandatum Wirceburgense sæpius allegatum §. Demnach stehendens ic. ibi: Sollten nun diese darauf den Ausreiß nehmen und flüchtig gehen / solle solchenfalls denen Jägern auf dieselbe Feur zu geben zugelassen seyn.

SCHOLION II. Ne tamen hæc leges in abulum vergant, sedulo dispiciendum; hancque ob causam tum probitas saltuariorum & venatorum probe ponderanda, tum cautelæ aliæ necessariæ inculcandæ. Pluribus ordinationibus, speciatim Wirceburgensi, *cod. §. sub fin.*, in casu occisi furis salutariter cautum, quod saltuarius aut venator juramento præstito lese purgare debeat.

§. LXVII. Eadem de causa, quod scilicet ferarum furta puniri intersit (§. LXVI.), potissimum vero, cum ferarum fures in locis plerumque solitariis, ubi testium nulla copia præsto est; deprehendantur, Princeps jure optimo prospicit, & publica lege edicit: *Quod simplex venatoris, aut saltuarii, integræ alioquin vitæ, & enixiori juramenti formula ad fidelitatem, & dicendam, aut confirmandam veritatem adacti, de fure, aut raptore ferarum facta denuntiatio, siquidem ad mulctam pecuniariam aut aliam pœnam non capitale agatur, plenam; sin de capitis pœna eidem irroganda quæstio vertatur, semiplenam probationem efficere debeat.*

SCHOLION. Consentit allegatum sæpius mandatum Wirceburgense §. Erstlichen wollen wir ic. Neque hætenus pervidere licuit, quid aut æquitati, aut rectæ rationi repugnans salutaris ejusmodi constitutio in se contineat; præsertim, ubi in pœnis capitalibus ordini procedendi ordinario locus relinquatur. Si indistinctim duobus minimum testibus ferarum furta probanda essent: in plerisque casibus notorii ferarum fures impunes dimittendi forent; quod an æquum sit? tu judica.

§. LXVIII.



§. LXVIII. Quoniam in delictis capitalibus probatio semiplena ad torturam sufficit (a): *posteriori casu denuntiationem, a venatore aut saltuario factam, ad torturam sufficere evidens est (§. LXVII.).*

(a) *L jurejurandi 9. C. de testib. L. 1. in fin. quemadmodum test. aper. Cap. veniens. Cap. licet 47. de testib. CARPZ. Pract. Crim. Quæst. 114. n. 54.*

§. LXIX. Porro, cum regali venandi jure penes Principem & rempublicam constituto, summa potestas nihilominus, quæ ad ferarum conservationem, nec non rectum venationis usum pertinent, jure ordinet (Cap. I §§. XI. XII. & XVI.): Principem quoque, ut omnia, quæ de temporibus recte in venatu observandis (Cap. I §. XV. sequ.) deque recte, aut minus recte institutis venationum modis, weydmännischen / und unweydmännischen Jagen / præcipiendis, vel prohibendis dicta, demonstrataque fuere (Cap. eod. §. XXIV. sequ.), a saltuariis suis & venatoribus in fundis non minus publicis, & banni sui ferini districtibus sancte & illibate custodiantur, optimo jure præcipere patescit (§. LIV.).

§. LXX. Ulterius inde intelligimus, cur pecudes, & armenta definitis anni spatiis e forestis publicis, iis potissimum locis, ubi coire feræ, & parere solent, arcenda; cur rusticis & pastoribus in plerisque locis, ut canibus suis fustes alligent, publica lege, indictaque multa injungatur,

SCHOLION. Rustici quippe & pastores canes sæpius alunt feris admodum infestos, ad quas persequendas alligati e collo baculi duarum circiter ulnarum eisdem ineptos efficiunt. Conferantur, quos hanc in rem ex ordinationibus venatoriis variis passus excerptos sistit PFEFFINGER, *Vitriar. illust. Tom. III. Tit. 18. §. 11. p. 1410. n. 18.*

§. LXXI. Cumque ex promiscuo armorum, & instrumentorum venatoriorum subditis concessio usu venationibus principis non minus damni immineat: *princeps, sive territorii dominus, jure quoque prohibet, ne quis cum sclopeto aut bombarda (idem de zonis, plagis, retibus &c. dicito) in sylvis, & forestis bannitis, aliisque venationum, piscationum & aucupiorum districtibus comparere præsumat, deprehenso alias statuta legibus pœna plectendo.*

SCHOLION. Plerumque tamen ordinationes venatoriæ excipiunt viatores, peregrinos præsertim, & qui longa itinera suspectum eunt. Quæ impunitas iis quoque indulgeri solet, qui intra vias regias se se continent. PFEFFINGERUS *cit. l. p. 1408. n. 15.*

§. LXXII. *Princeps, sive territorii dominus regale solum venandi jus, quantum pote est, cum minimo subditorum suorum damno exercere obstrictus est.*

Inter majestatica summorum Imperantium officia primum haud dubie locum sibi vindicat, subditorum salutem quavis ratione promovendi, omneque ab iisdem damnum avertendi cura, uti ex ipso societatum civilium fine intelligitur. Hæc itaque uti omni loco & tempore comitari principem debet: ita nec eandem in moderando, & quantum licet, cum minimo subditorum incommodo instituendo regalis venandi juris usu atque exercitio seponendam esse, liquido constat. Q. E. D.

SCHOLION. Nimirum *quantum pote est*, cum minimo subditorum damno regale venandi jus exercendum esse diximus; neque enim omnia & singula in subditos inderedundatura incommoda ad apicem usque rescari queunt, ni plane regali hocce jure principem exuere, aut inutile idem efficere cogites. Siquid inde oneris sentiunt subditi, illud haud secus, ac alia plura, publi-

lici boni amore ferendum ; utpote quod protectione, defensione & pace interna, qua sub regimine civili fruuntur, sat superque compensatur.

§. LXXIII. Quoniam leones, ursi, lupi, vulpes &c. ad regale quoque venationis jus pertinent, & sub banno ferino comprehenduntur (§. XLIV. Schol.) (a); hæ autem bestię feroces tam hominibus, quam animalibus, ac rebus nostris infestę sunt: *easdem a principe in sylvis & locis publicis nulla ratione alendas, aut fovendas, sed delendas potius, atque extirpandas esse liquet* (Cap. I. §. XXXIV.).

SCHOLION. Providam statuum Imperii in animalibus hisce noxiis eradicandis curam omnium fere locorum saluberrima instituta loquuntur (§. cit. XXXIV. Schol.); in quarundam tamen, veluti vulpium, fibrorum, & castorum venationibus certa tempora observari leges volunt (Cap. I. §. XXII.), ea scilicet, quibus pelles earundem usibus hominum aptissima esse dignoscuntur.

(a) JOH. JODOC. BECK, *de jurisdict. forest. Cap. XIV. §. 1. p. 221. sequ.* Subinde tamen bestiarum ferocium venatio omnibus permittitur. Confer. II. *feud. 27. §. nemo retia.*

§. LXXIV. *Ferę &c. sata atque fruges depapulantes, aliave ratione agris infestę in districtibus venationum principis ita alendę, atque conservandę, ne prædiorum domini, cum insigni fisci & camerę principis non minus, quam subditorum damno, attritis, aut depastis frugibus omni colligendę messis spe excident.*

Ferarum, piscium atque avium species nobiliores tum in usus publicos, & recreationem principis (§§. XXXI. XXXII. & XXXIII.); tum, quod quotidie experientia docet, in communem quoque utilitatem civium & privatorum vel maxime alendę & conservandę sunt (Cap. I. §. XVI.

XVI, & §§. cit.). Enimvero, cum sata & fruges in præsentissimum fisci & cameræ principis emolumentum non tantum, verum etiam ad necessariam vitæ subditorum sustentationem fartas, &, quantum licet, ab omni noxa externa immunes servandi enixior longe obligatio stringat, uti per se patet: in hocce officiorum conflictu conservatio frugum eatenus utique præferenda erit, ut earum species nobiliores æquo servato medio alantur quidem, & conserventur, ita tamen, ne notabile inde agrorum dominis damnum immineat, & depopularis aut attritis agrorum fructibus subditi cum fame & miseria conflictari necessum habeant. Q. E. D.

SCHOLION. Sublato nimirum abusu, usus servandus, & utrique obligationi ita satisfaciendum, ut ne princeps jure suo excidar, neque justis subditorum querelis ansa relinquatur.

§. LXXV. Quoniam nihilominus tum pro venationibus autumnalibus, & recreatione Principis (§. XXXIII. Schol.), tum in aulæ & culinæ usus modica ferarum copia haud sufficit: optimum erit, *si certi in territorii districtus, Wild: Führen/ Bann und Hege: Först re. banno ferino enixiori muniantur, & alendis in majori copia feris &c. destinantur, vicinis agrorum dominis partim indemnibus præstitis, partim adversus ferarum invasiones agros munire permissis.*

SCHOLION. Atque hoc ita in omnibus statuum Imperii territoriis observari videmus; neque aliæ ab his fuisse videntur sylvæ forestatæ & regales, de quibus §§. XLVIII. & seq in scholiis dictum fuit. Plerumque etiam non habent, quod querantur subditi, si aut in custodiis agendis negligentes sint, aut nullis vel modicis pro qualitate locorum oneribus propterea subjaceant.

§. LXXVI. Ex eo porro, quod cum conservatione frugum & satorum conservatio quoque ferarum subsistere debeat

debeat (§. LXXIV.), nec princeps ad omnes omnino feras extirpandas obstrictus sit (§. eod.); his vero libere in sylvis & campis vagantibus omnis ad unguem depastio devitari nequeat: *Principem ad omnes a feris suis imminentes agrorum depapulationes avertendas, aut præcavendas baud teneri, evidens est.*

SCHOLION. Ni scilicet subditi, modis infra indicandis satis & agris suis ipsi prospiciant: quod nisi fecerint, sibi habent, quod imputent. Tenuia hæc incommoda & damna, longe uberiores fructus secum vehentis civilis Imperii sequela sunt, sub quodam concedunt subditi, in modica quoque hæc onera consensisse, atque reipublicæ, seu. qui eandem repræsentat, principi condonasse omni jure censendi sunt (§. LXXVII. Schol.).

§. LXXVII. *Damna modica, a feris animalibus frugibus & satis data, princeps subditis resarcire baud obstringitur.*

Damna modica a conservatione ferarum, qualem esse debere supra demonstravimus (§. LXXIV.), inseparabilia sunt, aut saltem nulla principis, subditorum potius, culpa contingunt (§. LXXVI.). Quapropter, cum ad damna, nulla sui culpa data, resarcienda nemo adstringatur, ac præterea subditi boni publici amore in hæc quantulacunque ex regali venandi jure in ipsos redundantia incommoda, nec non ex ipso subjectionis nexu lubentes consensisse merito reputandi sint (§§. LXXII. & LXXVI. Schol.): principem ad resarcienda damna modica, a feris in agris subditorum causata, baud teneri, indubie constat. Q. E. D.

SCHOLION. Qui contrarium defendunt, principem ad quaecunque, etiam modicum, damnum a feris datum obstrictum esse contententes (a), summi Imperantis personam cum qualitate subditi aut landassii manifesto confundunt. Etenim, uti apud hos jus alendi & conservandi feras, in se consideratum, ex jure regali, & superioritate territoriali, veluti in principe (§. LXXIV.),

Cccc

haud



haud proficiscitur; nec proin pro remissione damni in vicinis inde agris dati, ulla ex parte subditorum præsumptio militat: ita civili *de pastu*, vel *utili* L. *Aquil.* aut *in factum* actione (b) a subditis seu landsassis damni dati resarcitionem repeti posse non abnuimus; quæ omnia in principe secus se se habere, ex demonstratis luculenter patescit.

(a) HENR. HILDEBRAND *de conservatione ferarum nociv.* §. 7. *seq.*

(b) L. 14. §. fin. π. *de P. V.* & L. fin. C. *de L. Aquil.* GAIL. *Lib. II. obs. 68. n. 8.* GEORG. MOHR *de venat. P. I. c. 4. n. 21.*

§. LXXVIII. Quodsi Princeps aut territorii dominus cum studio magnam ferarum copiam alat: insignia inde damna subditis data ex æquo & bono resarcienda.

Etenim hoc casu territorii dominus magnam ferarum copiam cum cura alendo damni insignioris subditis dati causa existit. Quod, quoniam a dante aut causante resarciendum (a); nec etiam in idem consensisse, aut remisisse subditos, nisi ad servilem plane eosdem conditionem deturbare velis, ulla præsumptio militat: a territorii domino ex æquo & bono utique resarciendum esse constat.

SCHOLION. Aliud igitur obtinet, si modica aut minuta damna data fuerint, queis aures Principis ferire subditi merito abstinere (§. LXXII. & LXXVI. Schol.). Aliud quoque dicendum, si, dum in feris alendis Princeps justum medium servat, ab una alterave fera, insigniter fors uni alterive agro nocitum fuerit; cum hic nihil imputari Principi possit, & damnum potius pro casuali habendum sit. Quid clementiæ ratio sub circumstantiis specialibus suadeat? aliud est, nec huc pertinet.

(a) L. 30. §. 3. π. *ad L. Aquil.*

§. LXXIX. Quoniam in forestis & venationum districtibus, pro venationibus præsertim autumnalibus, & in  
usus

usus Principis enixius banno ferino munitis (§. LXXV.) feræ &c. studiose & in magna copia aluntur : *damna insigniora in hisce locis a feris data non minus ex æquo & bono subditis refarcienda esse patescit (§. LXXVIII.).*

SCHOLION I. Fit refarcitio vel remissione onerum consuetorum, vel frugum æqua pensatione subditis facta.

§. LXXX. *Subditi agros suos sepibus innoxiiis munire, feras e satis & agris abigere, aut sine deterioratione banni ferini custodias agere prohibendi haud sunt.*

Regale venandi jus, quantum potest, minimo cum subditorum damno exercendum (§. LXXII.). Et licet modice data subditi ferre obstricti sint (§. LXXII. & LXXVI. Schol.): si tamen hæc quoque sine deterioratione banni ferini mediis idoneis avertere cogitent, nulla, cur impediri debeant, ratio prostat. Unde, quominus subditi sepibus innoxiiis agros muniant, feras abigant, & sine deterioratione banni ferini custodias agant, prohibendos haud esse constat.

SCHOLION. Hæc fata & fruges suas custodiendi media ubivis locorum permessa esse in propatulo est, & ordinationes venatoriæ fere omnes testantur.

§. LXXXI. Enimvero, quoniam palis acutis feræ se se facile transfigere queunt, & in construendis sepibus id cavendum, ne feræ capiendi aut occidendi periculum sit: ordinationibus venatoriis recte prospicitur, ne *ne pali in ferarum perniciem acuantur, daß sie oben nicht spizig seyen; ne foramina relinquantur, quibus post ingressum ferarum, clausis feræ capiantur, atque occidantur; ut debite altitudinis fiant &c.* Dein quoniam liber quoque feris transitus tum ad quærenda pabula, tum præsertim hyberno tempore ad effugiendas insi-

dias animalium ferocium patere debet: liquet, cur via ferarum, Wildgassen / und Landrücke / durch welche das Wild von einem Geholz in das andere freyen Gang habe / aperta relinquenda? Cur hyberno potissimum tempore sepes hinc inde aperienda? Cur, si extructis sepibus feræ in alienos ferarum districtus diffugere cogantur, & sic banna ferina notabiliter deteriorescentur, septum extructio plane inhibenda? Cur ferarum custodibus nociva arma baud relinquenda, sed feræ potius tympanis, aliisque mediis fugande sint &c.

SCHOLION. Confer. ordinat. venat. passim, interque illas Kayserl. neu verfasste Jäger-Ordnung in Steyer / d. a. 1716. §. 9. Befehlen Wir ganz ernstl. Chur. Bayerische Jagd- und Forst-Ordnung Cap. XX. verbis: Als gönnen und lassen Wir zc. Item verbis, wo aber hin und wieder im Lande bey den Gehölzen durch die Bau-Felder eingefangene und versriedete Wildgassen seind zc. Chur. Sächsisch. Jagd-Mandat d. a. 1670. apud FRITSCH. p. 31. Item Chur. Sächsische Lands-Ordnung art. 7. verbis: Damit auch dem Wildpret sein Gang nicht gewehrt zc. & alias plures.

§. LXXXII. Denique cum, quantum potest, sine damno subditorum venationes esse conveniat (§. LXXII.): in ipsis quoque venationis actibus frugibus & segeti parcendum esse, constat.

SCHOLION. Vid. MOHR de jure venand. P. II. Cap. 10. n. 6. CHARLES le BRET edits de Blois Lib. III. Cap. 4. in fin. ubi edictum Regis adducit, quo diserte prohibetur, de chasser sur les terres enssemencées depuis le premier jour de Mars, jusques après la depouille. Sächsisch. Land-Recht Lib. II. Art. 61. ibi: Niemand soll die Saat treten um Jagens/ oder Hezens willen/ wenn das Korn geschossen/ und Glied gewonnen hat.

§. LXXXIII. Principes & status imperii universali Germanie consuetudine, & praxi notoria vigore superioritatis territorialis

*rialis in exercitio regalium, quæ assiduos, & non interruptos labores haud desiderant, operas subditorum imperandi jure gaudent.*

**SCHOLION.** Propositionem hanc extra systema juris publici absque demonstratione sumimus; de ejusdem tamen veritate praxis Germaniæ notoria dubitare haud sinit. Certe (sunt verba FROMANNI *de operis subdit. maxime rusticorum* (§. XI.) *operarum præstationes nunc in Germania, aliisque Europa regnis ac rebus publicis per longam & diuturnam consuetudinem ab aliquot retro sæculis usitatae, atque pro lege habita sunt.* Quin quod easdem præstandi obligationem ipsum subjectionis civilis vinculum luculenter insinuet: *Quis enim est, qui subditos non teneri putet ad colligendas segetes Principis, & ad serviendum illi, qui vitam & omnia sua pro salute eorum semper tenetur parata habere?* Inquit ARNISÆUS *de Fur. Majest. Lib. II. C. I. p. m. 161.* Levia sane incommoda detrectare non convenit illis, qui tanta ex tutela Principis commoda trahunt. WAHREM. ab EHRENBACH *de Reg. Subf. p. m. 100. n. 7.* Confirmant hocce jus statuum imperii tot de operis subditorum domino territoriali præstandis constitutiones; cujusmodi passim extant. Ex quibus & Principes & status imperii easdem sibi, tanquam regale eximium, vigore superioritatis territorialis tribuere luculenter apparet, uti multis auctoritatibus, & magno Auctorum, idem nobiscum sentientium, numero confirmat cit. modo FROMANNUS *cit. l. §. 12.*; quem adi. Accedunt homagiorum formulæ, quibus consueto more subditi sese zu allem unterthänigen Gehorsam/ item zur Hens/ Folg/ Musterung und Frohndiensten &c. adstringunt. vid. MYLER. ab EHRENB. *de Princ. & stat. imp. P. II. C. 38. n. 14.* Nec desunt, quas pro evincenda propositionis seu thesæos veritate ex ipsa subditorum, rusticorum potissimum, erga dominos suos territoriales adstrictiori, & ad hominum propriorum nexum in plerisque Germaniæ territoriis accedente indole rationes depromeremus, si modo instituti rationes prolixioribus esse permetterent.

§. LXXXIV. *Subditi vigore subjectionis territorialis dominis suis territorialibus in exercitio regalis venandi juris operas præstare obstricti sunt.*



Etenim regalis venandi juris exercitium est discontinuum, neque operas assiduas desiderat, uti per se patet. Quapropter, cum in exercitio regalium, continuas operas haud exigentium, subditi concurrere, & operas præstare obstricti sint (§. LXXXIII.): idem quoque in regalis venandi juris exercitio dicendum erit, Q. E. D.

SCHOLION. Consentiant rursus, quotquot ad manus sunt, ordinationes venatoriæ, vigore quarum indistincte hæ operæ imperantur, & in negligentibus, aut obstrepentibus severæ poenæ constituuntur. Confer. *Kayserl. neu verfasste Jäger-Ordnung in Steyer* §. IV. *Missfällig* 10. ubi expressis verbis, vigore superioritatis territorialis operas venatorias imperari, innuitur. *Chur. Sächsisch. Jagd. Mandat de anno 1670.* §. *Hierüber müssen* ubi inferas in locum destinatum mature transportare, subditis severe præcipitur. vid. quoque FRITSCH. *d. l. P. III. pag. 16.* JOH. JOJOC. BECK *de Jurisdic. forest. cap. XVII. §. 1. verbis*: Dann diese Dienste, cum ibi allegatis HARPRECHTIO, MAJERO, FROMMANNO, aliisque pluribus. Neque distinctio facienda inter operas, quæ equis & jumentis, & illas, quæ manuum ope præstantur. Nam cum utrisque in venationis exercitio opus sit: ad priores æque ac posteriores subditos obstrictos esse, nemo non videt.

§. LXXXV. Atque inde subditos ad feras cogendas, & agendas, die Umstellung der Hölzer zu verrichten/ das Wild mit einzutreiben/ nec non captas, occisasque in assignata loca transvehendas; ad ducendos, tenendos, immo subinde etiam alendos canes venaticos; ad advehendas & expandendas plagas, zonas & retia; ad construendas sepes, Wild: Häger und Wild: Zäune/ aliaque similia peragenda, a territorii dominio evocatos promte comparere, & debitam principis mandatis obedientiam exhibere obstrictos esse, patefcit.

SCHOLION. Idque tum potissimum, quando princeps in propria persona innocuo venationis exercitio lassatas animi vires recreat,



at, citra foedissimum præterea ingratitude vitium recusare nequeunt; mirari sane ut subeat, esse subinde maleferiatos, qui imaginariæ libertatis, aut exemptionis obtentu, tantillum principi suo dare renunt.

§. LXXXVI. Ex eo porro, quod in hoc genere præstationum exemptio unius non possit non cedere in gravamen & detrimentum alterius; *exemptiones ab operis venatoriis pagis & cummunitatibus non facile indulgendas, multo minus in dubio præsumendas esse, baud difficulter colligitur.*

SCHOLION Exemptiones hujus generis nullo non tempore pro odiosis habitæ fuere, quippe quæ raro aut nunquam sine præjudicio aliorum subditorum conceduntur.

§. LXXXVII. *Operæ venatoriæ a subditis ita exigendæ, ut nec ab officio divino, nec a consuetis suis, & necessariis laboribus præter modum avocentur.*

Primum patet ex cummuni principis Christiani officio. Alterum ex eo colligimus, quod regale venationis jus cum minimo subditorum damno exercendum (§. LXXII.); quod sane majus esse nequit, quam si subditi neglectis agriculturæ, messium & vindemiæ laboribus, continnis venationum operis distineantur. Unde patet asserti veritas. Q. E. D.

SCHOLION. Id minime omnium princeps feret, ut a præfectis, & saltuariis præter necessitatem durius tractentur, & absque misericordia fustibus & verberibus excipiantur. vid. SECKEN-DORFF Teutschen Fürsten Staat P. III. Cap. III. Sect. V. §. 8. p. 451, MAIER de Jur. Venandi Cap. XIII. Thes. 19. p. 311. seqq. JODOC BECK. de Jurisd. forest. cit. l. §. 4. addens: Daß die gar alte Leute / die ohne das nicht mehr fortkommen / sehen / oder die Kälte vertragen können / billich als emeriti von der Herrschaft von denen Frohn- Diensten bey der Jagd zu befreyen.

§. LXXXVIII,

§. LXXXVIII. *Operæ venatoriæ regulariter sunt gratuita.*

Operæ venatoriæ nec continuæ sunt (§. LXXXIV.), nec ab ordinariis & consuetis laboribus, quibus subditi victum quarunt, avocant (§. LXXXVII.). Quapropter, cum præterea ex subjectionis lege præstandæ veniant (§. LXXXIV.): nulla apparet ratio, cur pro earundem præstatione pendi quidpiam debeat. Proin gratuita esse apparet. Q. E. D.

SCHOLION I. Hoc ita, nisi aliud consuetudine obrineat, aut insolitis, aut infuetis venationum laboribus cum dispendio rei domesticæ prægraventur; quo casu tamen facta repartitione vicibus mutuis debitas principi operas præstare solent.

SCHOLION II. Qua ratione princeps subditos suos refractarios ad operarum præstationem cogat, ex communissimis juris compendiis notum est; nimirum, captione, multa, incarceratione, relegatione, & aliis modis, quæ contumaces in republica puniri, & ad officium reduci sueverunt. BORCHOLT *Conf. IX. Qu. 1. n. 6.* Aliæ huc pertinentes propositiones suis commodius locis demonstrabuntur.

### CAPUT III.

#### *De regali venationis jure in fundis privatis.*

§. I. **F**undos privatos dicimus, qui in dominio subditorum existunt (Cap. II. §. VI.).

SCHOLION. Quales sint subditi, non refert: an personæ singulæ, an universitates & corpora? an nobiles, an ignobiles? *Privati*

*vati* siquidem vocabulum *publico* hic solum contradistingui-  
mus.

§. II. *Libero venandi jure in fundis privatis subditis pa-  
tente, regale venandi jus principi ac reipublicæ in fundis civitatis  
publicis competens (Cap. II. §. XXXVII.) salvum subsistere  
nequit.*

Bannita principis foresta, sylvæ, montes, lacus &c.  
tam arcta custodia concludi, aut muniri nequeunt, ut non  
liber hinc inde feris, piscibus & avibus exitus relinquatur,  
quo in circumjacentes vicinos subditorum agros sese con-  
ferant, ipsa natura ad quærenda pabula feras nunc huc, nunc  
illuc impellente; idque de piscibus & avibus multo magis  
verum est, his præsertim e fundis privatorum ægre arcen-  
dis. Quodsi igitur liberam in fundis privatis venandi licen-  
tiam cunctis patere ponas: amplissima subditis potestas re-  
linquitur feras, pisces & aves nobiliores in fundis principis  
& forestis publicis degere, & conservari solitas (Cap. II. §.  
LXXV.), e sylvis & venationum districtibus egressas pro  
lubitu capiendi & occidendi; consequenter principem &  
republicam omnibus ex regali venationis jure in fundis  
publicis percipiendis utilitatibus in totum frustrandi. Qua  
libertate cum certo certius, & ad excessum usque usuri es-  
sent subditi (Cap. II. §. XXXII.); regale venandi jus princi-  
pi & reipublicæ in fundis publicis competens cum plena ve-  
nandi licentia in fundis privatis salvum & integrum subsiste-  
re non posse, evidens est. Q. E. D.

SCHOLION I. His adde, quod hac in fundis privatis venandi  
libertate vigente princeps & respublica a furibus ferarum suffi-  
cienter sibi cavere vix posset; tum propter liberum armorum  
& instrumentorum venatoriorum usum; tum, quod feris, pisci-  
bus & avibus data opera in fundos privatorum actis, furtivis suis  
contrectationibus nunquam pallium defuturum sit.

D d d d

SCHO.

SCHOLION. II. Quodsi principem sylvas & loca publica sepi-  
bus munire posse dicas: responsi loco habe, quod (Cap. II. §.  
XXXII. in Schol.) simili objectioni regressimus.

§. III. *Eodem hocce venationis statu in fundis privatis vi-  
gente subditi ab agricultura, opificiis, commerciis, & civili viven-  
di ordine abducuntur.*

Quodsi semel scirent homines, venationis præsertim studio, sicuti Germaniæ populi, (Cap. II. §. XXXII.), præ aliis dediti, posse se insectando feras, pisces & aves qualitercunque vitam sustentare: plerique, uti ad otia proclive est genus hominum, duos agriculturæ labores fastidituri, sepositis aratris, & arreptis sclopetis venationibus totos sese consecraturi essent, sylvas, campos, & nemora potius cursitaturi, quam domi cum conjuge & liberis vixuri; uti barbararum, ab agresti & inculto hoc vitæ genere difficillime abducendarum, gentium exemplis plurimis edocemur. Enimvero cum in republica potissimus opificiorum, & commerciorum flos a serio cultis agrorum fructibus dependeat, id quod perspicacioribus obscurum esse nequit: hoc ipso quoque opificia & commercia corrutitura esse apparet. Quapropter, cum in vitæ sustentatione, ex agricultura, opificiis, & commerciis quæsitæ, *civilis vivendi ordo* consistat: juxta cum agricultura, opificiis & commerciis, civilem quoque vivendi ordinem in hac venandi libertate profligatum iri evidens est. Q. E. D.

SCHOLION. I. Quoniam illimitata venandi libertate, in fundis præterea publicis vigente, hæc multo magis consecutura sunt: argumentum præsens cum sequentibus, non minus contra permissionem venationis in fundis civitatis publicis, quam privatis valere, ac roboris habere patescit.

SCHO-

SCHOLION. II. Ceterum demonstrationes morales esse adverte, ab iis desumptas, quæ fiunt ut plurimum, & quæ hunc venationis statum probabiliter comitatura sunt; quibus in republica, ubi de legibus, & juribus condendis agitur, maximum pondus inesse nemo dubitat, & clare innuit POMPONIUS L. 3. π. de LL. *Fura constitui oportet, ut dixit Theophrastus, in his, quæ ἐπὶ τὸ πλείστον, id est, ut plurimum accidunt.* Item CELSUS L. 5. eod. *Nam ad ea potius debet aptari jus, quæ & frequenter, & facile, quam quæ perraro eveniunt.* Licet ipsa quoque experientia asserto haud dubiam fidem faciat; cum plerumque ea loca, ubi subditi hac venandi libertate gaudent, non nisi miseros, & cum egestate luctantes, parumque bonæ frugis homines alant.

§. IV. *Ferarum, piscium, & avium optima genera extinctum prorsus, atque extirpatum irent.*

Demonstratio eadem est cum demonstratione propositionis §. XXXII. Cap. præcedentis. Quod autem destructio hæc ferarum &c. venandi licentia in fundis etiam privatis tantum patente adhuc consecutura sit: ex dictis (§. II.) facile colligitur. Adde, quod volatilia pleraque in campis & agris apertis, quales sunt plerumque fundi subditorum, degere ament. Unde hoc venationis statu in fundis privatorum recepto feras nobiliores plerasque aut extinctum iri, aut raras futuras necesse est. Q. E. D.

SCHOLION. Ad experientiam rursus provoco locorum, ubi nulla lex venationis prohibitoria prostat (Cap. II. §. XXXII. in not.).

§. V. *Improbis, atque otio deditis hominibus latrociniis & cædibus infestandi rempublicam in hocce venationis statu amplius campus patefcit.*

Cum hoc venationis statu, qui ruri degunt, plus venationibus, quam agriculturæ laboribus vacaturi essent (§. III.):



non posset non evenire soepius, ut necessariis ad vitam alimentis, & vestitu destituerentur, feris præsertim per venationes frequentes rarioribus effectis (§. IV.). Quapropter, cum otium malorum omnium origo esse soleat, & conjuncta cum dira egestate necessitas improbos ad audendum quidlibet facile impellat: pronam liberis hisce venatoribus, *Frey Jäger*/ arma ad manus habentibus, in sylvis & locis solitariis ad spolia, cædes, & latrocinia committenda viam relinqui, nemo non pervidet. Q. E. D.

SCHOLION. Démonstrationem denuo probabilem tantum, & verosimilem esse apparet. Verum probabiliter quoque futura, & imminetia mala prohibitionibus salutaribus anteverti posse, ex supra dictis, allegatisque legibus elucescit (§. III. Schol. II.).

§. VI. Inde vero *publicam interituram pacem & securitatem internam e republica profligatum iri, prono consecutionis filo deducitur (§. V.).*

SCHOLION. Fierent hoc casu villæ & pagi tot fere speluncæ latronum, & loco subditorum, nonnisi viarum publicarum obsessores, atque deprædatores civitas aleret.

§. VII. Porro, cum in hac venandi libertate, propter venatorum frequentiam, non possent non tum ratione occupationis, vulnerationis, & apprehensionis ferarum; tum propter attrita fæta & fruges, aliasque ob causas multæ ori-ri controversiæ: *hunc venationis statum rixarum, discordiarum, immo cædium inter subditos fœcundam matrem futuram esse, apparet.*

SCHOLION. Nec injuriarum actio, qua jure Romano adversus prohibitionem domini, fundos alienos venandi gratia ingressi pulsabantur *L. 13. §. fin. π. de injuriis*, sufficiens hisce inconcin- nitatibus obviandis medela fuit; utpote quas ex una tantum parte inde cessasse apparet, inter ipsos venantes amplo dissidiorum campo relicto.

§. VIII.

§. VIII. Denique stante promiscua in fundis privatis venandi licentia, subditi laxato civilis subjectionis vinculo ad rebelliones & arma, adversus superiores suos arripienda, facillime concitantur.

In promiscua hac in fundis privatis venandi licentia subditis usus quoque armorum, utpote sine quibus venationes peragi nequeunt, integer sit, necesse est. Quapropter, cum venatoriis præterea exercitiis innutriti ad expeditiones bellicas prompti, paratique efficiantur: rude & agreste genus hominum, exorbitantis libertatis amans data, minima quavis occasione aut ansa, excussa omni erga superiores suos obedientia, facillime insurgere, & sic motibus internis, rebellionibus, atque cædibus totam nullo negotio rempublicam miscere posset; ac proin hunc venationis statum rebellionum atque motuum internorum feracem esse nemo est, qui non videat. Q. E. D.

SCHOLION. Armorum promiscuus usus rebus publicis, præsertim monarchicis, semper infestus, & rebellionum, atque motuum intestinorum amplum promptuarium fuit. In deductione Hohenzollerana adversus venationem liberam, Freye Büsch / subditorum suorum apud celeberr. MOSERUM *Reichs. Sama Tom. III. Cap. XII.* (Cap. II. §. XXXI. Schol.) inter alias inhibitz venationis liberæ causas, hæc quoque non infimi momenti ratio occurrit: quod scilicet arrepta ex libera venandi licentia, & qui eam consequitur, promiscuo armorum usu; ansa, subditi intra sæculi unius spatium quinquies adversus Principem dominum suum territorialem insurrexerint, & fidei homagialis obliti debitam superiori suo obedientiam denegarint. Plura exempla circumspicientibus haud deerunt. Nec a vero abludunt, qui inter alias, hanc quoque ob causam, FRIDERICUM Imp. II. *feud. 27. §. nemo retia* proclivibus tum tempore ad rebellionem tam Italis quam Germanis venationis exercitium interdixisse statuunt. Vid. D. HESSE *de venat. juxta Jus Germ. §. XIII.* ibi: *Nec unica illa ratio, qua de discordiis ex venationibus oriundis desumitur, movere*

*potuit legislatorem dictam legem ferendi; sed ex circumstantiis illius temporis colligitur, Imperatorem subditis venandi studio inter alia propterea interdixisse, quod frequentem armorum usum manibus illorum, pacem publicam tuendi gratia sensim excusere, nec non, nisi adversus lupos & ursos permittere voluit. Arma quippe in subditorum manibus nonnisi parce & caute relinquenda.*

**§. IX.** *Liberum venandi jus in fundis privatis in republica bene ordinata subditis relinquendum haud est.*

Etenim cum libero venandi jure in fundis privatorum jus venandi regale in fundis publicis Principi & reipublicæ competens subsistere nequit (§. II.); subditi ab agriculturæ laboribus & opificiis, imminuto commerciorum flore abducuntur (§. III.); ferarum, piscium & avium nobiliora genera, aut rarescunt, aut extinguuntur penitus (§. IV.); securitate omni profligata (§. VI.), latrocinii, cædibus,urgiis, litibus & rixis implentur omnia (§§. V. & VII.); denique ad rebellionem & motus internos lata porta panditur (§. VIII.). Enimvero suum Principi & reipublicæ regale venandi jus sartum & intemeratum servari maximopere refert (Cap. II. §§. XXXV. & XXXVII.); neque magis talis, qualem ex libera in fundis privatis venandi licentia summa probabilitate secuturum esse hucusque demonstravimus, status cum rite ordinato regiminæ civili consistit, uti facile omnes largientur. Liberum igitur venandi jus in fundis privatis subditis relinquendum haud esse constat. Q. E. D.

**SCHOLION.** Liberum itaque venandi jus e fundis privatis non minus, quam e fundis publicis (Cap. II. §. XXXVI.) sanior politica omni modo proscriptum, atque eliminatum vult. Id quod, dum libertatis venandi propugnatores probe perspiciunt, aut in jure exotico, ad patrios mores parum applicabili, aut in rudi, & turbido Germaniæ, tanto adhuc in ordinando regimine civili æque impatiens, statu antiquo fragile subsidium quærunt, ipso

iplos licet Germaniæ populos satis mature ad rectioris disciplinæ politicæ instituta rediisse, in sequentibus affatim simus demonstraturi. Quantas inconcinnitates pluribus commune, die Ruppel-Jagd / ne dum promiscuum venandi jus, parere soleat: conventionum in Germania usitatarum exemplo Cap. V. illustrabimus.

§. X. *Eadem, aut pleraque saltem hucusque (§§. II. III. & IV. sequ.) recensita, demonstrataque incommoda adhuc consequuntur, si latiori in fundos privatos introducto dominio (Cap. II. §. VIII.) subditi agrorum & prædiorum possessores sive ex jure occupandi privativo (Cap. eod. §. XI.), sive ex jure domini (ibid. §. X.) feras tanquam fructus & fundorum suorum accessoria sibi vindicent.*

Quoniam in hac hypothese subditis prædiorum domini jus venandi privativum, aut dominium interimisticum in feras, in fundis suis vagantes, competit (§§. cit.): perinde, sicut in casu venationis liberæ (§. II. & IX.) indistinctim omnibus, ita nunc sigillatim prædiorum possessoribus iisdem prorsus de causis e sylvis & venationum districtibus partim sponte egredientes, partim studio exactas feras intercipienti, consequenter venationis loca publica optimo ferarum genere denudandi, atque sic utilitatibus ex hocce regali suo jure percipiendis, rempublicam frustrandi amplissimus campus relinquitur. Neque etiam minor ad furta ferarum committenda via patet (§. II. Schol.); quin, præterquam quod neglectæ agrorum culturæ, opificiorum, & commerciorum in pejus ruituri floris, atque periclitaturi civilis vivendi ordinis (§. III.) causæ in totum haud cessaturæ sint. Inter tot, tamque diversos juris venandi & ferarum dominos stare hoc venationis in fundis privatis statu, discordiarum litiumque uberiores longe segetem enaturam esse nemo non videt. Cumque non minus hoc casu subditis armorum usus pateat,

pateat: idem prorsus latrocinis & cædibus committendis, rebellionibus & motibus intestinis fuscitandis, consequenter pacem publicam evertendi, fomentum subministratur (§§. V. VI. VII. & VIII.). Ut adco, si rem probe pensites, eundem turbidum reipublicæ statum, quem liberi venandi juris in fundis privatis fructum esse demonstravimus (§. II. sequ.), in hypothesei introducti cum latiori dominio in fundos privatos juris venandi privati, & domini in feras, consecuturum esse appareat. Q. E. D.

SCHOLION. Atque has inconcinnitates non in vanis solum conjecturis consistere, ipsis rerum momentis satis comprobatur; easque principes & territoriorum domini in iis suis venationum districtibus, in quorum vicinia privati (§. I.) prædiorum possesores jura venandi ex privilegio, vel ex immemoriali usu exercent, cum ferarum suarum excidio quotidie persentiscunt.

§. XI. *Jus venandi privativum, sive dominium in feras, pisces & aves in fundis privatis, subditis prædiorum dominis in recte ordinato regimine civili non magis, quam cunctis patens in iisdem venandi libertas (§. IX.), permittendum.*

Etenim liberum venandi jus in recte ordinata republica ex deductis supra (§. II. seq.) rationibus tolerandum hæud est (§. IX.). Quapropter, cum jus venandi privativum & dominium in feras &c. subditis in fundis suis indistinctum permissum non minus tranquillitatis publicæ, & civilis vivendi ordinis (§. III.) everriculum sit, atque pari prorsus ratione in regalis venandi juris, quod principi in fundis civitatis publicis competit, detrimentum vergat (§. X.): non magis hoc, quam illud in recte ordinato regimine civili tolerandum, aut subditis relinquendum esse apparet. Q. E. D.

SCHO-



SCHOLION. I. Adde, quod in minutis agrorum divisionibus, quales plerumque subditorum esse solent, latius hocce dominium ad feras quoque, pisces & aves extensum citra inconcinna plura alia consistere vix queat, & ridiculum videatur dominium, quod de momento fere in momentum ad alium proprietarium transit; id quod tamen in vastissimis, quæ territoria circumscribuntur, terrarum tractibus aliter sese habere jam supra (Cap. II. §. IX. Schol.) monuimus. Alias hujus exclusionis subditorum rationes infra (§. XIV. & XV.) elucidabimus.

SCHOLION II. Porro, cum motiva & rationes, ex quibus subditos a venandi jure privativo arcessendos esse hucusque evicimus, pleræque, eæque potissimi momenti universales sint: inter subditos hætenus non distinguimus (§. I. Schol.); proin hæc exclusio ad landsassios non minus, quam inferioris ordinis cives protendenda, hac solum observata differentia: quod principes prioribus, scilicet landsassiiis, venandi jura in fundis & prædiis propriis, aut noviter in eisdem collatis largiori manu concedere soleant. De cujus concessionis subordinatæ indole Cap. V. pluribus acturi sumus.

§. XII. *Jus venandi, & dominium in feras &c. fundos privatos neque accessionis jure sequitur, neque pro fructu fundi ad subditos, qua prædiorum dominos, pertinente recte reputatur.*

Subditi a venandi jure, & dominio in feras in fundis suis jure optimo excluduntur (§§. IX. & XI.). Accessio itaque & pertinentiæ eorundem haberi nequit. *Quod erat primum.*

Porro, quoniam a venandi jure & dominio in feras exclusus provenientes ex venationibus fructus atque utilitates suas facere nequit, uti per se patet: venandi jus & inde percipiendas utilitates perperam pro fructibus fundi privati ad ejusdem proprietarium domini jure pertinentibus haberi liquet. *Quod erat alterum.*

E e e

SCHO-

SCHOLION. Sunt equidem fructus & accessoria fundorum, non solum publicorum (Cap. II. §. XLVI.), sed, si velimus, etiam privatorum; quæ tamen juxta mox demonstranda, alterius, quam principis fieri, aliusve, quam hujus beneficio percipi, juris publici universalis rationes haud ferunt. Verum id quoque haud gravate largimur, posse venandi & piscandi jura, quando ex liberalitate & concessione Principis in subditos translata, eorumque prædiis annexa fuere, sub pertinentiarum & accessionum nomine comprehendí, modo, quod infra pluribus inculcabitur, probe advertas, alias esse pertinentias & accessoria juris publici, a Principe sive summo magistratu unice derivanda, alias pertinentias & accessoria juris privati. Quam differentiam qui insuper habent, &, quas in chartis antiquis, & diplomatibus mediæ ævi fundorum pertinentias, utilitates, appendicias, & accessiones longa serie recensitas legunt, ad unam eandemque classem referunt: mirum non est, si stabilitis hucusque juris publici universalis rationibus parum convenienter, cum BILDERBECKIO (a) aliisque (Cap. II. §. XL. Schol. II.) venationes pro jure fundi vulgari habeant, solide confutati ab AUCTORE nunquam satis laudando *deductionis vor die Jagd-Regalität*/ BILDERBECKIO oppositæ Cap. III. §. X. p. m. 75. & seq., ubi plurimum diplomatum fide inter pertinentias & accessiones fundorum tam monetæ, pedagiorum, teloneorum, & his similia regalia, quam accessiones, & domini vulgaria jura relata fuisse docet.

(a) *Deduction gegen die vermeyntliche Regalität der Jagden.*  
Cap. II. Sect. III. per tot.

§. XIII. Quoniam itaque, præscindendo a concessione Principis, juris publici universalis rationes prægnantissimæ subditos a jure venandi, & occupandis feris, piscibus & avibus (nobilioribus nimirum) in fundis etiam suis arcent (§§. IX. & XI.): *feras, pisces & aves nobiliores in fundis privatis, respectu ad subditos habito, dominio vacuas, & inoccupabiles censendas esse, apparet.* (Opusc. VIII. §. XXVIII. sequ.)

§. XIV.

§. XIV. Principi, & in genere summo magistratui condignos redditus constituendos, ac propterea rerum quarundam dominia, vel saltem easdem suas faciendi jura Principi privative relinquenda esse, intimior civitatis indoles insinuat (Cap. I. §§. III. IV. & V.). Opusc. X. §§. CIV. & CV. Enimvero ad harum rerum classem feræ, pisces & aves omnium aptissime, & citra notabile subditorum dispendium referuntur (ib. §. CX.). *Feras igitur, pisces & aves a subditis in fundis etiam suis dominio vacuas, & inoccupatas relinquendas esse, nova ratione patescit.*

§. XV. Cum autem omnis in subditis, qua talibus, obligatio in summo imperante jus ponat, idque in casu præfenti juris majestatici, condignos sibi & reipublicæ redditus atque regalia constituendi, nomine efferatur (ib. §. CIV.): *poteſtatem quoque & jus Principis in feras, pisces & aves ex majestatico regalia & redditus publicos constituendi jure concipimus (§. XIV.).*

SCHOLION. Hi igitur sunt fontes illi limpidissimi, ex quibus regale venandi jus, Principi in universo territorio competens, derivandum, quosque AA., qui de venandi jure scripsere, passim indigitant.

§. XVI. *Feræ, pisces & aves in fundis privatis in dominio Principis efficaci (Cap. II. §. VI.) existunt; vel ab hoc solo saltem, cum exclusione subditorum occupabiles esse concipiuntur.*

Quidquid intra fines reipublicæ consistit, & neque privatis domini jure quæsitum est, neque etiam in proprietatem redigi plane respuit (Cap. II. §. II. Schol.): id omne in reipublicæ publico & efficaci dominio constitutum esse in-

telligitur (Cap. cod. §§. V. VI. & VI.). Quapropter, cum feræ, pisces & aves in fundis privatis, juxta hætenus demonstrata, neque in dominio sint subditorum (§. XIII.), neque tamen in proprietatem redigi implicant (Opusc. VIII. §. CLIII.): easdem in dominio Principis & reipublicæ efficaci existere, evidens est.

Feræ, pisces & aves in fundis privatis, respectu ad subditos habito, sunt res dominio vacuæ, & inoccupabiles (§§. XIII. & XIV.). Quoniam nihilominus in se occupari possunt, debentque (§§. XIV. & XV.): solum Principem seu summum magistratum feras &c. occupandi, & cum exclusione subditorum, suas faciendi jure instructum esse, patet. *Quod erat alterum.*

SCHOLION. Quod scilicet ad neminem privatorum pertinet, ad omnes referendum, sicque ad Principem, omnium imaginem, ceu ex GROTIUS & BECKMANNUS recte defendit. HERTIUS *de superioritate territ.* §. 47. STRYCK. *in U. M. Pand. Tit. pro derelict.* §. I. Paulo aliter jus, seu dominium Principis in feras demonstrat SCHILTERUS *exercit. ad π. XLV. §. IV*; nobis tamen minime adversus.

§. XVII. *Dominium Principis in feras, pisces & aves, si-  
ve jus easdem in fundis privatis cum exclusione subditorum occu-  
pandi, ad regalia Principis & reipublicæ jura pertinet.*

Regalia jura dicimus, quæ summæ in republica potestati qua tali, soli, atque privative competunt (Cap. I. §. II.). Quapropter cum dominium in feras &c., vel jus saltem easdem occupandi privativum in fundis subditorum soli Principi atque reipublicæ jure optumo maximo vindicaverimus (§. XVI.): idem inter regalia Principis & reipublicæ jura omnino collocandum esse apparet (§. XV.). Q. E. D.

SCHO.



SCHOLION. I. En! quas pro adstruendo regali hocce eximio, eoque solis summis imperantibus vindicando defæcator juris publici universalis doctrina rationes & fundamenta suppeditet; quamque, diplomatum fide & ex historia imperii ulterius nunc adstruenda, Germaniæ Principum instituta ex asse cum vera non simulata prudentia civili consentiant; sane ut regalitatem venandi juris impugnantium leves nebulas citra pulveris jactum displodere liceat.

SCHOLION. II. Cum Cap. præced. regale venandi jus in fundis publicis non minus evidenti luce donaverimus, patet jam integritas hujus regalis in universa republica in fundis tam publicis quam privatis (Cap. II. §. XXVII.), licet ex diversis nonnihil fontibus utrumque deductum fuerit.

§. XVIII. *Regale venandi jus Principi ac reipublicæ in fundis privatis competens (XVI. & XVII.) non est servitus.*

Jura, quæ ex summo imperio profluunt, & in agris privatis potestati civili, qua tali, competunt, perperam & nonnisi inepte admodum servitutum nomine insigniuntur; utpote in quarum censum vulgaria solum & regularia prædiorum jura, quibus tum in prædiorum nostrorum, tum in propriam personæ utilitatem in fundis alienis fruimur, referenda veniunt. Cum igitur, sive regale venandi jus in fundis privatis ex dominio civitatis publico (§. XVI.), sive ex aliis summi imperii juribus (§§. IX. XI. XVI. XVII.) deducas, sumæ semper potestatis civilis fructum idem esse appareat (§§. cit.): inepte admodum faciunt, qui Regale venandi jus in fundis privatis ad jurium servitutis classem deturbare conantur. Q. E. D.

SCHOLION. Quid ni etiam dominii eminentis, collectandi, steuræ aliaque his similia regalia jura ad servitutes prædiales referunt? Sed videtur male sibi constans hæc doctrina illorum temporum fructus esse, quibus juris studio operam navantes non nisi servitutibus Romanorum capita farcire solebant. Rectius itaque



que cum SCHNEIDERO *de Jure prævent. circ. venat.* §. 5. dicendum: quod status imperii invitante ipsos jure superioritatis & vi illa imperii, quam in privatorum agris (juxta demonstrata hæcenus) jure optimo sibi vindicant, ac tuentur, jus hocce sibi asseruerint. Regale nimirum venandi jus in fundis publicis, domini publici (Cap. II. §. XXVIII. & XXX.), in privatis vero tum ejusdem domini, tum imperii civilis proprie talis fructus est. Confer. SCHILTER. *Exercit. ad π. XLV.* §. 4. Quatenus jura imperii inter diversos populos, & subordinate concessa regalia inter landfassen, ad servitutum indolem & naturam accedant, de eo Cap. seq. IV. & V. dispiciemus pluribus.

§. XIX. *Ante interregni magni tempora bannum ferinum* (Cap. II. §. XXI.), id est, venandi jus privativum, & dominium in feras, pisces & aves in fundis etiam & terris statuum imperii propriis, multo magis in prædiis subditorum inferioris ordinis, a solo imperatore impetrari potuit ac debuit.

Status imperii ante interregni magni tempora bannum ferinum, & privativum venandi jus in fundis & terris, etiam propriis, non nisi ex largitione & concessione imperatoria obtinuisse atque exercuisse, indubia chartarum publicarum & diplomatum fide edocemur (Schol. sequ.). Quapropter, cum a statibus imperii, utpote eminentioris longe dignitatis, ad subditos imperii inferioris ordinis tuto argumentari liceat: status imperii, & multo magis subditos inferioris ordinis alios, bannum ferinum, seu privativum venandi jus sola imperatoria concessione obtinere, atque exercere potuisse, ac debuisse liquet. Q. E. D.

SCHOLION. Sic a. 1000. OTTO III. Episcopatus Wirceburgensis loca quædam & prædia banno ferino munit teste diplomate, quod extat apud LUNIG. *Reichs-Archiv. Specileg. eccles.* P. II.

P. II. tit. Würzburg. n. 5. p. 934. ibi: Concessimus potentiam, ut omnis sylva, quæ ad castellum Bernhelm seu ad villam Luttershau-  
sen dictam pertinere videtur, sicut nostri juris publicum forestum,  
tuta ac defensa, munita ac in perpetuum forestata habeatur,  
quatenus nullius hominis magna, siue parva persona in eodem fo-  
resto venationem aliquam exercere, cervum, cervam, aprum, siue  
apram, ursum, siue capreolum capere præsumat. Siquis igitur hoc  
facere, quod absit, ullatenus ausus fuerit: ita nostrum imperiale  
bannum componat SS. Wirceburgensi Ecclesie memoratae,  
uti in nostris publicis forestis aliquam caperet feram.  
HENRICUS Sanctus de a. 1002. in diplom. Osnabr. apud LU-  
NIG. Spicil. eccles. P. II. Cap. 4. tit. Oßnabrück/ 5. 5. p. 578.  
verbis: Insuper etiam ad ejusdem Ecclesie quoddam nemus vel  
forestum - - - - - cum omni integritate, in porcis videlicet  
sylvestribus atque cervis, omnique venatione, quæ sub banno  
usuali more deputatur, in perpetuum proprietatis usum donavi-  
mus &c. Bannum ferinum ex sola Imperatorum largitate tum  
temporis profluxisse, satis declarat. Clarius idem liquet  
ex diplomate ejusdem HENRICI Sancti de a. 1008. apud LU-  
NIG. Spicil. eccles. P. II. tit. Lüttigi n. 20. p. 492. quo Balderi-  
co Leod. Episcopo, uti & Balderico comiti bannum ferinum in  
propriis suis sylvis ex imperatorio jure confert, verbis:  
Bannum nostrum bestiarum Balderico sancta Leodiensis Ecclesie  
Præsuli, nec non Balderico Comiti super eorum proprias sylvas,  
quæ sunt inter illa duo flumina - - - - - per hanc nostram  
paginam concedimus atque largimur, & de nostro jure in eo-  
rum jus ac dominium transfundimus &c. Ex Charta Elvva-  
censi ejusdem Imperatoris de a. 1024. apud LUNIG. d. l. P. III.  
Cap. 5. tit. Elwangen/ ibi: Nos per intercessionem dilecti nost-  
ri Eberhardi Bambergensis sedis primi Episcopi, & Beringarii  
Elvvacensis cænobii Abbatis - - - - - quandam sylvam, Vir-  
gunda dictam, ad Elvvacense cænobium pertinentem per nost-  
ram imperialem potentiam legali banno forestum fecimus  
cum omnibus terminis ejusdem sylvæ &c. & in fine: Sit hæc syl-  
va cum omnibus prædictis finibus præfata Ecclesie, nostro banno, in  
legale foresta a modo firmata, cum cunctis, quæ in forestis aut scri-  
bit

bi, aut nominari possunt, utilitatibus. Ex charta CONRADI II. de a. 1033. apud LUNIG. d. l. P. II. in append. tit. Mindeni n. 11. p. 108; qua dictæ Ecclesiæ Episcopo bannum ferinum concessit in propria quadam Episcopi sylva. verbis: *Supplicans, quatenus nos quoddam forestum sui juris per imperiale nostrum præceptum forestari faceremus - - - - - proinde imperiali præcipimus auctoritate ut nullus in eodem foresto, venationis exercitium præter prædictæ Ecclesiæ Episcopi consensum agere præsumat.* Ex charta HENRICI III. de a. 1049. apud LUNIG. cit. l. tit. Passau n. 20. p. 771. qua bona quadam Episcopi jam tum propria banno ferino auget. Ex charta LOTHARII Saxonis de a. 1132. apud LUNIG. d. l. P. III. tit. Walckenried / n. 1. p. 842. & 843. ubi Abbatissæ dicti cœnobii, in quibusdam suis terris bannum ferinum imperatoria munificentia largitur, verbis: *Quod Adelheida sanctæ conversationis mulier, Deum heredem sibi faciens, locum quendam Walckenried nominatum, qui sui juris erat, ob remedium anime & suorum divino cultui mancipavit. Nos itaque æternorum non immemores - - non solum confirmamus, verum etiam contigua quadam adjicientes, & jus nostrum, quod Wildbann dicitur, eidem loco permit- tentes regia nostra potestate amplificavimus, & auximus &c.* Quæ & aliæ concessionum chartæ plures, status imperii, consequenter, & a potiori reliquos quoque imperii subditos bannum ferinum in fundis & terris proprii juris nonnisi ex largitate munificentia & concessione Imperatorum impetrare, atque exercere potuisse, sat liquido perhibent. Quæ junge constitutionem CONRADI Salici Imp. de a. 1029. apud SCHILTERUM Exercit. XLV. §. 6. *In sylvis campis, fluminibus & paludibus forestatis, & banni nostri districtu circumvallatis, ea ratione bannum facinus, ut nemo ulterius in eisdem absque domini, suorumque heredum licentia potestatem habeat venandi, sagittandi, retia, aut laqueos ponendi, aut alio ingenio feras decipiendi, quæ merito sub jure banni continentur; ex qua, banni ferini, sive juris venandi privativi (Cap. II. §. XIX.) constituendi potestatem solos sibi Imperatores vindicasse, haud obscure patescit.* Confer. Magnifici D. Procancelarii Regim. Hasso - Marburg. J. ADAM KOPP *Deduct. pro Venat. Isenburgica Cap. I. §. 6. in fin.* §. XX.

§. XX. *Bannum ferinum ante interregni tempora in universo imperio, fundis tam publicis, quam privatis solis Imperatoribus tanquam regale, & reservatum eximium competiit.*

Bannum ferinum in sylvis regiis, & curtibus dominicis, aliisque fundis publicis solos sibi Impp. vindicasse, ex demonstratis (Cap. II. §. XXXIX.) liquet. Enimvero ne in fundis quidem privatis regale hocce eximium quempiam asserere sibi ausum, quin potius in his non minus, quam in fundis publicis, juribus idem imperatoriis annumeratum fuisse, atque ex hoc, non alio fonte ad status imperii, aut alium quemlibet dimanasse, diplomata, Osnabrugense de a. 1002. Leodiense de a. 1008, Walckenriedense de a. 1132. aliaque plura (Schol. præced.) in quibus *sua* hæcce jura Impp. nuncupant, indubium sinunt, confirmantibus idem prohibitionibus Imperatorum, vi quarum subditi cujuscunque ordinis ab omnibus venationibus, exceptis iis, quas adversus bestias feroces sui rerumque suarum defensio suscipere jubet, arcentur (Schol. sequ.). Unde banum ferinum ante interregni tempora ad jura Imperatorum reservata, & regalia eximia in fundis tam publicis, quam privatis pertinuisse, satis manifesto colligimus. Q. E. D.

SCHOLION I. Legem venationum prohibitoriam universalem sistit Imp. FRIDERIC. BARBAROSSA II. *Feud. 27. §. Nemo retia sua aut laqueos, aut alia qualibet instrumenta ad capiendas venationes tendat, nisi ad ursos, apros, vel lupos capiendos.* Quæ constitutio uti generalis est, atque adeo ad fundos quoscunque se se protendit: ita Germanos non minus quam Italos sui eandem obligatione tenuisse, vel indeliquet, quod posterioribus ursos capiendi jus indulgere, opus haud fuerat, utpote quorum a pluribus retro sæculis nullos aluisse Italiam satis in aprico est. Ut proin. venationes, easdemque prohibendi & concedendi jura solis Imperatoribus competiisse, nullus dubitationis locus super sit; nec quicquam obstante Text. II. *Feud. 56. Quæ sint regalia;* quo nulla

Ffff

rega-

regalis venationum mentio fiat. Etenim dicto loco nonnisi incompletam regaliū enumerationem contineri, dudum observatum est aliis; quos vid. apud AUCTOREM *Deductionis vordas Jagd-Regal Cap. IV. §. 13. p. 93.* & contrarium tum ex loco SIGONII *de regno Italia Lib. XIII. apud eundem p. m. 99.*, tum ex eo, quod in allegato textu feud. piscationum, quæ species venationis sunt, reditus manifesto illuc referantur, suffragantibus optimis juris publici universalis rationibus (§. XVII.), sat liquido colligitur.

SCHOLION II. Interim tamen id facile concesserim, Imperatores inter turbas, quæis tum notorie agitabatur Germania, juri-  
bus imperii non usque adeo invigilare potuisse, ut non magna hinc inde decrementa paterentur; hincque evenisse, ut sensim tum prædiorum domini, tum vel maxime status imperii in territoriis suis venandi jura sibi sumerent, tacito utrique Imperatorum consensu, & concessione nixi. Quin his ipsis turbulentis temporibus passim tum in Germania invalescentes venationes liberas, die frene Bürsch / in acceptis ferendas esse, autumem; atque hanc ipsam ob causam, majoris tantum securitatis gratia, & nequa venationibus suis injuria fieret, status imperii in concessionibus imperatoriis subinde comprovincialium suorum, liberas hæc venationes ad jus trahentium, ad sensum adhibuisse, vero admodum est simile. Vid. apud PFEFFINGERUM *Vitriar. illustr. Tom. III. Tit. 18. §. 2. p. 1374.* Diplom. Wirceburgense de a. 1023. item simile de a. 1027. Diplom. Mindense de a. 1029., & alia passim. Hos tamen gliscientes abusus neutiquam probasse Imperatores, d. constitutio Fridericiana II. *Feud. 27. §. nemo retia.* luculenter insinuat,

§. XXI. Ex eo itaque, quod bannum ferinum ad regalia & reservata Imperatorum jura pertinuerit (§. XX.), falso, ad jura fundi idem tum temporis relatum, & accessionis prædiorum loco habitum fuisse (§. XII.), asseri consequitur.

SCHOLION. Probare equidem id inde conantur BILDERBECKIUS (§. XII. Schol.), alique, quod non in concessionibus solum & donationibus Imperatorum, sed & in instrumentis em-  
tionum



tionum venditionum, permutationum & similibus ad pertinentias & accessiones fundorum regulares, utilitates non minus ex venationibus provenientes referantur; nec ulla inter has, atque utilitates, ac jura alia, differentia statuatur. Verum uti huic objectioni ex parte jam obviam itum fuit (§. eod. Schol.): ita ex deductis hactenus, venandi jura nonnisi concessione Imperatorum expressa, vel tacita impetrari potuisse, indubium est. Utcunque igitur prædiis annexa, & ad pertinentias relata, quoad fontem & originem tamen nullo non tempore a summa reipublicæ potestate derivanda fuerunt; harum pertinentiarum regalitate, propterea, quod a pluribus retro sæculis prædiorum possessores comitatae fuerint, haud cessante. Utut sit, si quid injuria temporum contra rectam hujus regalis indolem forte irreperat: id omne defæcatoria sæcula, & pacatior reipublicæ status jure meritoque ad justos tramices reduxit; nihil ut hactenus subsidii inveniant, qui ex his fundamentis regalitatem venandi juris impugnatum eunt.

§. XXII. *Status imperii regale venandi jus, sive bannum ferinum in fundis territoriorum privatis eodem hodie, quo olim Imperatores (§§. XIX. & XX.), jure sibi vindicant.*

Etenim status imperii superioritate territoriali gaudere, extra controversiam est (Cap. II. §. XL.). Quæ, cum analogæ, & similis prorsus summo imperio potestas sit (Cap. II. §. VI.): ea quoque jure sibi vindicat, quæ summum alias imperium comitantur, nec Imperatori reservata esse dignoscuntur (ib. §. VII.). Quapropter cum regale venandi jus in fundis privatis summi imperii sequela sit (§§. XVII. XIX. XX); neque tamen amplius ad regalia & reservata Imperatorum jura referri, in notorietate consistat: Principes & status imperii regale venandi jus ex iisdem prorsus, ex quibus olim Imperatores, fontibus sibi vindicare, evidens est. Q. E. D.

SCHOLION. Statuum quippe imperii juribus, sicuti reliqui superioritatis effectus, sensim ac pedetentim accrevit, Germaniæ  
F f f f 2 turbis

turbis, & fatali interregno amplam occasionem subministrantibus (§. XX. Schol.). Accessere concessionem Imperatorum, vi quarum statibus imperii non in publicis solum & propriis, sed &, propter expressiones generales, in fundis atque prædiis privatorum, id est, universo territorio venationes sibi vindicandi potestas facta; uti apparet ex diplomate concessionis HENRICI IV. Imp. de a. 1062. ecclesiæ Hamburgensi factæ apud LINDENBROG. S. J. G. p. 142. ibi: *Forestum etiam cum nostro banno regali per omnem comitatum, iis tantum venationibus exceptis, quas aut Prædecessores nostri, Rom. scil. Imp. vel Francorum Reges ecclesiis vel Principibus per regii auctoritatem præcepti largiendo contulimus.* Item in alio diplom. apud eundem in *Privileg. Archi-Ecclesia Hammaburg.* privileg. 25., quod adducit Auctor *Deductionis* sæpe allegatæ (§. XX. Schol. I.) *Cap. III. §. 76.* Ex diplomate CAROLI IV. de a. 1354. (*Cap. II. §. XIX. Schol.*), quo Lucemburgensem Comitatum in Ducatum erigit, & inter reliqua jura eximia inhibitiones quoque venationum, & banna ferina sine restrictione aut limitatione largitur, apud MELBOM. *rer. Germ. Tom. III. p. m. 211.* Item ex diplomate FRIDERICI III. Imp. de a. 1474. apud eundem *cit. l. p. 213.*; quo Holsatiæ Ducibus *jus venationes banniendi* expressis verbis, & absque limitatione adscribitur. Enimvero jam dudum etiam ante illa tempora status Imp. regale venandi jus in universo territorio, fundis tam publicis, quam privatis vigore superioritatis territorialis sibi asseruisse, non una ratione evincere possemus, modo ne filum abrumpendum foret. Clare idem perhibet diploma Wirceburgense de a. 1312., quo Episcopus ANDREAS, nobilibus viris ANDREÆ de Bruneke & CONRADO de Hohenloeh bannum ferinum in terris suis feudi titulo confert; quod, cum haud mediocri Episcopis Wirceburgensibus intra Episcopatus sui & Ducatus Franconiæ fines competentis banni ferini argumentum præbeat, nec non insignes tituli & dignitatis ducalis, jam inde a S. Burckhardi temporibus cum Episcopatu Wirceburgensi conjunctæ, effectus indubie loquatur: ex chartophylacio Wirceb. cum bona Superiorum venia integrum hic apponere lubet:

Nos

**N**OS ANDREAS, Dei gratia Episcopus Herbipolensis, inspectantibus presentium recognoscimus publice universis, presentibus & futuris, quod cum Wiltbannus totius nostri Ducatus Franconiae Nobis, utpote provinciali iudici ejusdem Ducatus, seu terrae Franconiae, ac nostrae dignoscatur Ecclesiae pertinere, nec aliqua persona cujuscunque conditionis aut status, existens intra terminos nostri Ducatus hujusmodi ortos (hortos) ferarum circumseptos habere, aut venandi actum quemlibet exercere debeat quoquam modo, sine nostra vel aliorum nostrorum Successorum Episcoporum Herbipolensium pro tempore favore, ac licentia speciali.

Nos grata & fructuosa obsequia Nobis, & Ecclesia nostra jam dicta per nobiles Viros ANDREAM de BRUNECKE & CONRADUM de Hohenloeh, nostros consanguineos pradilectos haecenus gratuite exhibita & impensa, nec non gratiora & fructuosiora nobis, & eidem Ecclesiae per eosdem, ut speramus, obsequia in antea impendenda gratiose praeculis collocantes, affectantesque ipsos ad hujusmodi nostra ferventes obsequia, reddere ad eadem ferventiores ac etiam promptiores, ipsis ac eorum heredibus super cervos & cervas, sues, capreolos, nec non cujuslibet alterius generis feras sylvestres Wiltbannum intra terminos suorum bonorum, quoad usque hujusmodi sua bona terminos bonorum aliorum nobilium Dominorum attingere dignoscuntur, in feodum contulimus, & ad tenendum perpetuo a nobis, & Ecclesia nostra praefata titulo feodali conferimus in his scriptis, investientes ipsos de eodem rationabiliter atque rite, volentesque, ut personis quibuscunque intra terminos bonorum praenominatorum consanguineorum nostrorum absque eorundem, aut heredum suorum licentia & favore venari non liceat, seu dictas feras inquietare seu disturbare, aut qualemcunque venandi actum aliququaliter exercere, Nobis, nostrisque successoribus Herbipolensibus Episcopis pro tempore duntaxat exceptis, quibus in eisdem terminis, quando, aut quotiens voluerint, per se aut suos venatores venandi reservamus liberam facultatem, volentes nihilominus, quod eisdem nostris consanguineis, aut eorum heredibus in suis bonis a nobis & Ecclesia nostra in feodo procedentibus ortum (hortum) ferarum circumseptum habere liceat perpetuo, pro cujuslibet generis feris in eodem fovendis, ac

etiam conservandis, ac eorum usibus applicandis. Ut autem iidem nostri - on sanguinei ab injuriis quorumcunque molestiis dictum Wiltban- num & ortum (hortum) tueri, & feras ipsas fovere valeant: ad hujus- modi tuitionem nostram adhibere volumus opem, & operam efficacem. In quorum premissorum testimonium hoc scriptum nostri sigilli fecimus ro- borari. Datum Herbipoli Anno Domini MCCCXII. 8. Idus Septembris.

§. XXIII. Suffragantur literæ investiturarum statuum Imperii, consuetudo universalis, & praxis notoria Germaniæ.

SCHOLION. Demonstrationem propositionis, quæ sine diffusa tum literarum investiturarum, tum rerum judicatarum, & aucto- ritatum allegatione perfici haud valet, studio nunc brevitatis præmittimus; repeti ea poterit partim ex opuscul. X. subsequenti, §. CL. partim ex deductione sæpe allegata (§. XX. Schol. I.) Cap. III. §. 15. usque ad finem; ubi, quod ad plene convincendum veritatis amantem facere possit, nil desiderari, inspicienti patebit.

§. XXIV. Principes & status Imperii regale venandi jus in fundis privatis ex publicæ utilitatis atque tranquillitatis necessitate sibi asseruerunt.

Etenim nec cum libero (§. IX.), nec cum privativo ve- nandi jure & dominio in feras, subditis in prædiis privatis in- distinctim permisso (§. X.), ordinatum civile regimen con- sistit (§§. iisdem X. & XI.). Quod cum modis omnibus in territoriis suis stabilire, atque procurare statibus Imp. incum- bat: jure optimo, & ex publicæ utilitatis necessitate eisdem regale hocce venandi jus in fundis etiam privatis sibi asseruisse patescit. Q. E. D.

SCHOLION. Tantum igitur abest, ut subditi de abrepto sibi per injuriam jure aliquo conqueri possint; utpote quod ipsi, siqui- dem boni cives esse ament, lubentes dimittere, & in Principis atque Domini sui territorialis manus tradere obstricti sunt (§ XIV.).

§. XXV.



§. XXV. Multo minus ex eo , quod Principi regale venandi jus in universo territorio competat ( §. XXII. Item Cap. II. §. XL. ) , *prædia privatorum , aut subditorum servire dicenda sunt* ( §. XVIII. ).

§. XXVI. Porro ex eo , quod a venationibus subditos arcere tum publicæ salutis , tum fisci rationes flagitant ( §. XI. & XXIV. ); *de integro & intemerato servando hocce regali Principem omni meliori modo sollicitum esse debere, consequitur.*

§. XXVII. Quoniam itaque , quod quis facere tenetur , & quod utilitatem communem respicit, in dubio præsumendum (a): *pro integritate , & non imminuto hujus regalis statu in dubio præsumtionem faciendam esse liquet.*

SCHOLION. Confer hic omnino Opusc. X. §. CXXXVIII, ubi hæc fusius demonstrantur.

(a) *L. si ita 47. §. 1. π. de hered. instituend. Cap. quia verisimile 10. & de præsumt.*


§. XXVIII. Denique, quoniam regale venandi jus in fundis privatis ejusdem cum regali venandi jure in fundis civitatis publicis indolis est , nisi quod quoad demonstrandi modum nonnihil inter sese discrepent ( Cap. II. §. XXXV. XXXVII. seq. & Cap. III. §. XVII. ): *omnia, quæ de regali venandi jure Principi in fundis publicis competente demonstrata fuerint ( Cap. II. ), huc quoque trabenda , & applicanda esse patescit.*

§. XXIX. Unde Principes & territoriorum domini hodie-  
dum sylvas , & loca alia subditorum bannò ferino muniendi , at-  
que venationes prohibendi potestate gaudent ( Cap. II. §. XLI. ) ,  
eliminatis plane venationibus liberis ( ibid. §. XLII. ), aut ubi con-  
cessione Principis & usu immemoriali tuti sunt , in ordinem redac-  
tis ( ibid. §. XXXVI. Schol. II. ). Liquet inde : *Feras , pisces*  
&



*Et aves in fundis non minus subditorum, quam publicis esse in dominio Principis seu territorii domini completo (ibid. §. XLIV.); aut ab eodem saltem privative occupabiles (§. eod.); occupatas a quocunque alio, etiam soli domino, non fieri occupantis, sed facto occupatio aut in dominium Principis redigi, aut in eodem relinqui (ibid. §. XLIX.); consequenter; penes alium existentes a quocunque possessore recte vindicari (ibid. §. L.), dolo vel culpa lata consumptarum pretia repeti (ibid. §. LI.); clam, inscio & invito Principe feram, piscem aut avem banni ferini lege comprehensam, animo suam eandem faciendi, in fundo etiam proprio contrahentem furti, vi rapientem rapinae reum fieri (ibid. §. LII.); Ac proin, quæ de pœnis in fures ferarum statuendis (ibid. §. LV. sequ.) demonstrata fuere, hæc quoque applicanda esse. Denique Principem in fundis privatis æque, ac in publicis omnia ea jure ordinare, ac constituere, quæ tum ad conservationem (ibid. §. XLIX.), tum ad rectum usum (ibid. §. LXXII. sequ.) atque exercitium (ib. §. LXXXIV. sequ.) hujus sui regalis pertinere quavis ratione dignoscuntur.*

SCHOLION. Quodsi conservatio, rectusque regalis venandi usus peculiares hinc inde in fundis subditorum ordinationes efflagitet, v. c. quod subditi sylvas suas forestis dominicis vicinas nullis nec pãlis, nec sepibus ab illis separare debeant &c. eas circumstantiæ speciales locorum facile suggerent. Interim, uti hæctenus dicta in regula solum obtinent, ita peculiaribus locorum institutis nil derogatum volumus, contenti, quod statum venationum in Germania regulis juris publici universalis apprime convenire evicerimus,



CAPUT

## CAPUT IV.

### *De Regali venationis jure in territorio alieno.*

§. I. *J*us Regale in territorio alieno possidere quis dicitur, quod proprio, nec alii quam Imperatori & Imperio subordinato jure, in eodem exercendi facultate instructus est.

SCHOLION I. Proprio itaque, vel a solo Imperatore dependenti jure exerceatur, necesse est; etenim quod superioritati territoriali subordinatum, & dependenter a territorii domino, ab extraneo etiam possidetur, illud a territorii juribus reliquis quoad nudum saltem exercitium separatum est, in effectu ad eorundem complexum referendum, & partem jurium territorialium actu a Principe possessorum constituens. De subordinata hacce possessione, & concessione Principis *Cap. seq.* agemus pluribus.

SCHOLION II. Non implicare autem independentem a territorii domino ejusmodi regalis possessionem, tum ex principiis juris publici universalis, tum ex Imperii Romano-Germanici statu peculiari, & superioritatis territorialis origine nullo negotio colligitur. Cum enim Status Imperii successive & per modum alluvionis, concessionibus partim imperatoriis, partim tacito usu analogam summæ potestati civili superioritatem in territoriis suis nacti fuissent: sub primordiis enascentis hujus potestatis facile contingere potuit, ut in uno eodemque territorio tam regalia, quam superioritatis jura inter diversa subiecta diversimode, tum per concessionem imperatorias, tum præscriptione, & tacito usu discescerentur, atque ita sæpe sæpius ad alios extra territorium dominos, jure a solo Imperatore dependenti, devolverentur; id quod juris præsidii, aperturæ, delectus, conductus, vectigalium, juris collectandi, variarum specierum jurisdictionis, aliorumque regalium in alienis territoriis possessorum exemplis plurimis illustrare possemus, si modo in re notoria prolixitate opus foret. Vid. interim BURCKH. GOTTH. STRUVE *Syntagm. J. P. Cap. XXVI. §. 6.* STRYCK. *Dissert. de Jure Principis extra terri-*

## 604 Opusc. IX. De eo, quod jure publ. univ. & partic.

*torium.* An vero e re & bono communi sit, ut regalia, in Principis & reipublicæ utilitatem comparata ( Cap. I. §. II. seq. ) ab alio extrarepublicam possideantur, alia est quæstio, quam impræsens pro dignitate excutere haud vacat.

§. II. Quando juribus superioritatis territorialis, atque regalibus præcipuis & plerisque penes unum existentibus, unum aut alterum ab alio extra territorium possidetur ( §. I. ): ad similitudinem prædiorum privatorum, *territorium servire* dicunt; ipsum vero regale jus, ab alio hac ratione possessum, *servitutis juris publici* nomine efferri suevit (a).

SCHOLION. Inepto satis vocabulo ( Cap. III. §. XVIII. ); quod nihilominus, tum ad facilius pervidendam actionum ex juribus hisce resultantium naturam, tum etiam ob eam, quæ inter regalia in territorio alieno possessa, & servitutes vulgares intercedit, similitudinem in jure publico tolerari potest. Nimirum uterque, tam qui prædiali & reali jure in alterius fundo fruitur, quam qui regale jus in alieno territorio exercendi facultate gaudet, complexum jurium, alteri competentium, delibat, ille privatorum, hic publicorum. Quapropter prioris generis servitutes *privatas*, has vero *publicas* vocare non moramur.

(a) Vid. JOH. CONRAD. ENGELBRECHT *tr. de Servitut. Juris publici.* STRUVE *cit. l.*

§. III. *Regale venandi jus in territorio alieno* dicimus jus, in alieno territorio independentem a territorii domino competentem, utilitates ex venationibus provenientes percipiendi, atque suas faciendi.

SCHOLION. De subordinato itaque & dependenti a territorii domino venationis jure hic sermo non est ( §. I. Schol. I. ). Regale autem venandi jus in alieno territorio hac ratione possideri posse, dubio caret ( §. I. Schol. II. ), & exemplis probant GAILLIUS *de pignorat. Cap. XXIV. n. 7.* STRYCK. *in dissertat. de Jure Principis extraterrit. Cap. I. n. 103.* SIXTINUS *de Regalibus lib. II. cap. 18.*  
KLOCK

KLOCK *Tom. I. Consil. 29. p. 196. seq.* DAVID KOELER in *Commentat. Histor. de castro Imp. forest Brunn. §. 9. p. 14.* & speciatim Magnif. D. JOH. ADAM KOPP *Deduct. pro Venat. Wtenburg. Cap. I. §. 9.* JOH. JODOC BECK. *de Jurisd. Forestali Cap. III. §. 20.*

§. IV. Cum autem regalis hujus juris in territorio alieno, independenter ab ejusdem domino possessi (§. III.), variæ possint esse determinationes, quas insuper habere haud convenit: observa, I. Jus venandi, & bannum ferinum ab extraneo vel *per universum territorium*; vel *intra definitos saltem, suisque limitibus circumscriptos districtus* possideri, II. *Ibique vel jus venandi in specie ita dictum*, ferastantum terrestres comprehendens; vel *latius sumtum*, quatenus *aucupandi*, quin & *piscandi* quoque jura complectitur; III. *Venationem saltem bassam, sive inferiorem*; vel *superiorem* (de qua differentia vid. Cap. V.); *ex integro*, aut *restrictam*, vel *utramque simul* competere; IV. Hoc regale in alieno exerceri vel *cumulative* cum territorii domino, vel *privative*, omni alio ab ejusdem usu secluso; V. Vel *sine jurisdictione*, vel *cum jurisdictione*; VI. *Eaque circa venationes territoriali* (Cap. I.), vel *quatenus saltem exercitium hujus regalis respicit* (Cap. II.) ; VII. *Nude, sine aliis jurisdictionum speciebus*, ut puta, civili, criminali, sive centenaria, forestali, voghtetica, &c; vel *conjunctim, cum una aut altera harum specierum*; VIII. In *foresto, sylva & loco proprio*; vel *alieno*, alterius superioritatem & jurisdictionem agnoscente; & si qui sunt modi alii, juxta quos regalis hujus & banni ferini possessio variat.

SCHOLION. Ex quibus apparet, ante omnia ad concessionis tenorem, pacta, transactiones, & recessus oculos convertendos, nec non usus & observantias locorum inspiciendas esse, quo de possessoris hujus regalis juribus æqua lance statuere valeamus. Ut proin regulæ generales, quas hic AA. suppeditant, in dijudicandis juribus, quorum perfecta cognitio tot determinationum spe-



cialium notitiam desiderat, nisi cum grano salis & debita attentione ad circumstantias speciales applicata, fere inutiles sint.

§. V. *Regale venandi jus, sive banum ferinum in alieno, independenter a territorii Domino possessum, est servitus juris publici (§. II.).*

§. VI. *Superioritatem territorialem in alieno territorio non importat; ast minuit tamen.*

Servitus in prædio alieno, secundum notoria juris principia dominium haud involvit. Quapropter, cum bannum ferinum, sive regale venandi jus in alieno possessum, per modum servitutis, ipse vero jurium territorialium & regalium complexus ad instar domini considerandus veniat (§. II. Schol. & V.): propter idenditatem rationis bannum ferinum, sive regale venandi jus in alieno territorio non magis superioritatem territorialem involvere dicendum erit. *Quod erat primum.*

Quoniam nihilominus regale venandi jus ad jura territorii pertinet, & sub integro superioritatis complexu comprehenditur (Cap. I. §. III. Schol.); ex supposito vero dominus territorii eodem destituitur: regali venandi jure in alieno territorio possesso, superioritatis jura imminui, nemo non videt. *Quod erat alterum.*

SCHOLION. Poterat etiam hæc propositio ex notione superioritatis territorialis rite formata directo demonstrari; id quod tamen ad systema plenius juris publici pertinet; idem interea præstante similitudine a dominio delumta, quæ hætenus adæquata & perfecta esse dignoscitur: consentiente quoque universali Germaniæ consuetudine, vi cujus, nec præsidii, delectus, sequelæ, centenæ, nec alia jura, sive regalia, sive territorialia, sigillatim in alieno territorio possessa superioritatem involvere, notius est, quam ut demonstrari debeat (a) Plura vide apud JO. JODO-  
CUM



CUM BECK *de Jurisdic. forest. Cap. III. §. XVIII.* ibique allegatos. HILDEBRAND *de Regali in alieno territ. superioritatem non inferente.* DONAUER *de Jurisdic. in alieno territ.*

(a) *Instr. Pacis Osnabr. Art. V. §. XLIV.*

§. VII. *Regale venandi jus, sive bannum ferinum in territorio alieno ita interpretandum, ut, quantum pote est, superioritas territorialis integra & illibata consistat.*

Sicuti regalia in genere (Cap. I. §. V.), ita in specie regale venandi jus, seu bannum ferinum, communis reipublicæ utilitas Principi, ac fisco assertum vult (Cap. II. §. XXXVII. Cap. III. §. XXIV.). Non facile igitur, vel subordinate etiam, concedendum, multo minus independenti plane jure alteri extra rempublicam relinquendum esse, nemo non perspicit (Cap. III. §. XXVI.). Cui regulæ, uti ex principiis juris publici universalis immota sua veritas constat, ita tuto quoque ad Principes & status Imperii, eminentioris præsertim ordinis, quorumque territoria rite formatorum regiminum civilium schemata induere, applicantur, eique coherentem regalium, in specie vero regalis venandi juris, concessionem & possessionem, nisi aliæ circumstantiæ refragentur (§. IX. sequ.), ita interpretandam esse concludimus, ut integritati jurium territorialium & regalium, quam potest, minime decedat. Q. E. D.

SCHOLION I. Accedunt aliæ rationes plures a favore libertatis & odio servitutum (a) desumptæ: nihil ut commemorem, disparitatem inter plures possessionem regalium & jurium superioritatis in uno eodemque territorio nonnisi gignendis licibus & controversiis aptam esse; dominum territorii habere fundatam intentionem in omnibus, quæ territorii finibus concluduntur &c. de quibus vide sis STRYCK. alleg. dissert. *de jure Principis extra territor.* Cap. I. n. 14.

SCHOLION II. Enimvero, quantum pote est, h. e. æquitatis & justitiæ regulæ permittunt, regalium, & in specie regalis venandi juris in alieno territorio possessionem stricte interpretandam esse diximus. Nec enim quæsito propterea jure quempiam exuendum esse statuimus. Id solum innuit regula a nobis stabilita: in territoriis, præsertim majoribus, quantum citra injuriam cujuscunque licet, juris publici universalis principia & normas insuper habendas haud esse; minime vero, ut sub hoc obtentu injustitiæ porta pandatur. Sane, qui propius pervident, quantum in republica usurpata ab exteris jura internam ejusdem compagem rodant: Principi & summo magistratui haud indignabuntur, si juribus suis vigilet, & in concessionibus, atque possessionibus regalium dubiis, eam interpretandi normam sequatur, qua enascentes in republica tineas in tempore compescat.

(a) L. 11. §. 6. Si quis iter. π. de except. rei judicat. L. 13. π. de servit. prad. russ. L. 11. π. quemadmodum servit. amitt.

§. VIII. Concessiones tamen banni ferini, seu regalis venandi juris in territorio alieno, quæ ante, & circa interregni tempora ab Imperatoribus factæ fuerunt, in dubio, & nisi ipse concessionis tenor obset, cum plenissimo, cujus hocce regale capax est, effectu accipiendæ atque interpretandæ.

Bannum ferinum, sive regale venandi jus Imperatoribus olim in universo imperio (Cap. III. §. XIX. & XX.), potissimum vero in prædiis fiscalinis, & bonis, quæ ad domanium Imperatorum spectarunt (Cap. II. §. XXXIX.), cum plenissimo effectu competiit. Quando itaque in statum aliquem, extra territorium etiam, in quo bannum ferinum situm erat, idem ex imperiali munificentia, aut alio quocunque titulo, feudi aut allodii translatum fuit: ea translatio vel ideo cum omnibus iis juribus, quæ antea Imperatorum erant, facta fuisse reputari debet, quod eorundem sine banno ferino usus aut nullus aut modicus fuisset; tum vel maxime, quod concessionum chartæ iis plerumque clau-

sulis

fulis conceptæ deprehendantur , ut de plenissimo earundem tenore dubitari nequeat ( Cap. II. §. XXXIX. & Cap. III. §. XX. ). Quæcunque igitur circa illa tempora regalis hujus venandi juris concessiones in territorio alieno ex imperatoria largitate profectæ fuerunt , easdem in dubio cum uberrimo effectu interpretandas esse , liquet. Q. E. D.

SCHOLION I. Regulam igitur , quam §. *præced.* suppeditavimus , de regali potissimum venandi jure in territ. alieno , quod ex ipsiusmet domini territorialis concessione profectum , aut præscriptione quæsitum fuit , vel denique recentius ab Imperatoribus , citra minimum tamen præjudicium statuum Imp. , obtentum , in ea tempora incidit , quibus cum uberiori jamdum effectu in suis territoriis jura superioritatis exercuerant , intelligendam esse apparet.

SCHOLION II. Advertendum præterea , dicta procedere , quando possessor immediatus imperii status est. Quodsi enim landfassis aut aliis , domino territorii subjectionis nexu devinctis , ea concessio facta : bannum hocce ferinum , sicuti reliqua sua jura , dependenter a superioritate territoriali impetrasse , omnino reputandi sunt ; nisi aliud manifesto actum , idemque feudi immediati titulo , sicut plura alia jura e. g. bannum sanguinis & jurisdictio criminalis , prædiorum nobilium possessoribus collatum fuisse appareat.

SCHOLION III. Porro , quoniam conclusiones ex stabilito a nobis principio ( §. VII. ) uberiori nunc calamo derivandæ , cum iis , quas Cap. sequenti ex eodem fonte deducimus , in illis præsertim casibus , ubi regale hocce venandi jus independenti nexu ab ipso territorii domino , vel præscriptione impetratum , aut recentius ab Imp. acquisitum fuit ( Schol. I. ) , fere coincidunt : speciatim nunc easdem persequi supersedebimus , paucas solum ex regula , §. præsentis firmata , subjungere contenti , ex quibus regalis venandi juris in alieno territorio possessores , ceteris paribus , melioris , quam qui nonnisi subordinate idem possident , conditionis esse apparebit.

§. IX. *Regale venationis jus in territorio alieno, ex concessione imperatoria profluens (§. VII.), intra venationis districtum in sensu latiori accipiendum, ita ut, nisi concessionis verba obstant, præter venationem ferarum, in specie ita dictam, aucupia quoque, immo subin etiam piscationes, comprehendat (Cap. II §. XV/III. Schol. III.).*

Etenim, intra venationis districtum Imperatores regale hoc suum cum plenissimo effectu, tam cum venandi, quam aucupandi, & piscandi jure possederunt (Cap. II. §. XXXIX. & Cap. III. §. XX.). Quapropter, cum eodem quoque modo idem concessisse præsumendi sint (§. VIII.): regalis venandi juris in territorio alieno possessor, tam venandi, quam aucupandi, immo etiam piscandi jus possidere merito præsumitur. Q. E. D.

SCHOLION. *Exempla latioris hujus concessionis habuimus (Cap. II. §. XXXIX. Schol.) in diplom. Colonienſi de a. 973; Frisingenſi a. eodem; Moguntino, & aliis. Conf. quoque textus ex AIMON MONACHO (d. Cap. §. XXXVIII. Schol.), item constitutionem CONRADI SALICI supra (Cap. III. §. XX. Schol. inf.).*

§. X. *Concessa præsumitur venatio omnis generis ferarum tam sublimium, ad venationem superiorem, quam aliarum, ad venationem bassam pertinentium.*

SCHOLION. *Hanc puto conclusionem nemo in dubium vocaturus est, cum ferarum sublimium venatio præprimis ad jura Imperatorum pertinuerit; nec intra banni imperialis districtum alium venandi jure gaviſum fuiſſe verosimile sit. Vide supra (Cap. II. §. XXXIX.) ex ALBERTO CRANZIO diploma Verdense, aliasque concessionum chartas passim, in quibus majorum ferarum in specie mentio fit.*

§. XI. *Non cumulative, sed privative, excluso in venationis impetrata districtu territorii domino, possidere idem intelligitur.*

SCHOLION. Patet assertum ex eodem principio, quod scilicet Impp. privati huius sui regalis possessores fuerint, quodque pleno jure idem in Imperii status Impp. contulisse, diplomata & concessionum chartæ dubitare haud sinant (Cap. II. §. XXXIX, & Cap. III. §. XX.).

§. XII. *Liquet inde ulterius: in hocce casu regalis venandi juris in territorio alieno possessori jus persequendi feras extra territorium & venationis districtum regulariter denegandum haud esse.*

Etenim Imperatoribus idem competiisse extra dubium est, & testatur diploma Eltenense de a. 997. (Cap. II. §. XXXIX; Schol.), quo feras venandi jus, cum facultate easdem extra territorium persequendi, conceditur. Quodsi igitur enixiores concessionum clausulæ ferant: idem quoque in aliis Impp. concessionibus comprehensum fuisse, præsumi debet (§. VIII.).

SCHOLION. Qua ratione jus persequendi se se habeat, non usque adeo expeditum est. In multis locis certo tempori adstrictum est, e. g. 24. horis, 2. aut 3. diebus: alibi ad definitam distantiam se se protendit, certis, in loco, ubi fera primum vulnerata, vel incitata fuit, signis a venatore apposis, de quibus vid. BECK. *Jurisd. forest. Cap. XIII, §. IV.*

§. XIII. *In forestis & venationum districtibus juxta cum jurisdictione, qua ad conservandum & defendendum jus suum regale instructus esse dignoscitur, jure quoque circa venationes territoriali gaudere præsumitur.*

Imperatores ante concessionem in forestis & locis ban-  
nitis omni jurisdictione gavisos fuisse, temporum, de qui-  
bus



bus loquimur; status dubitare haud finit. Cum itaque concessio hujus regalis cum uberrimo effectu facta fuisse censi debet (§. VIII.): jurisdictionem quoque omnimodam, quæ circa venationes concipi aliqua ratione potest, Impp. indulgisse verosimile est.

**SCHOLION.** Unde, quæ hoc casu regalis hujus juris in alieno territorio possessori circa rite ordinanda venationum tempora, modos, poenas in transgressores, nec non regalis sui violatores statuendas jure liceant, ex Cap. I. II. & III. luculenter apparet. Cum vero hic usus, & transactiones inter status initæ modum ponere, & curatius cuncta definire soleant: mores, usus & observantiæ locorum tutissimas in hisce casibus normas suppeditabunt.

§. XIV. Cum nihilominus poenæ in transgressores banni & prohibitionis venationum ante interregni tempora raro ordinariam banni compositionem, id est LX. solidos, excederent, & **LOTHARIUS SAXO** demum a. 1132. in diplomate **Walckenriedensi** (Cap. III. §. XX.), eam poenam ad centum libras purissimi auri adauxisset, consequenter jurisdictio venatoria civiles coercendi modos vix supergressa sit; Imperatores vero jurisdictionem centenariam sive criminalem per status Imperii, speciatim eadem investitos, aut constitutos suos judices exercuisse, ex J. Publ. constet: *banni ferini in territorio alieno possessorem regulariter centenaria aut criminali jurisdictione haud instructum esse, evidens est.*

**SCHOLION.** Hanc igitur qui prætendit, ex alio fonte, eadem sese instructum esse, monstrare necesse habet; uti cum multis aliis recte statuit **JOH. JOD. BECK de Jurisd. forest. Cap. XII. §. III.** Subinde ipsæ concessionum chartæ non leves competentis etiam hujus jurisdictionis conjecturas suggerunt; quando nimirum omnes alii a quocunque jurisdictionis actu intra banni ferini limites excluduntur, veluti factum in diplomate **ALBERTII**, de a. 1302. apud **JOH. CHRISTOPH. JOANNIS Tabular. literarumque veter. Spicileg. in diplomatar. miscell. n. 7. p. 480. sequ.** quo

quo Conrado de Weinsperg foresti imperialis inter Nicro. Gemundam & Lauffen, aliaque vicina loca custodiam jure feudi perpetuo confert, ibi: *Hoc edicto regio districtius inhibentes, ne quis officialium nostrorum, seu aliquis alter, cujuscunque status aut conditionis existat, memorato Conrado & suis heredibus duntaxat exceptis, in dictis districtibus venationes exercent, vel alias aliquid sibi juris sive jurisdictionis in eisdem vindicet, seu usurpet.*

§. XV. *Operas venatorias a subditis, intra venationis districtum habitantibus, eodem jure, quo alias territorii dominus (Cap. II. §. LXXXIV.), postulat.*

Regalis hujus in alieno territorio possessor pari, quo ante concessionem factam Imperatores, jure eademque efficacia banno ferino fruitur (§. VIII.). Quapropter, cum Impp. ad exercitium venationum suarum operas subditorum exquirendi ipsius summi imperii vigore plenissima facultate instructi fuerint (Cap. II. §. XXXVIII. & LXXXIV.): easdem quoque, qui in jura Imperatorum subintrarunt, hujusmodi banni ferini possessores a subditis intra banni ferini districtum commorantibus jure exigere, nemo dubitat. Q. E. D.

SCHOLION. Quodsi hinc inde aliud observetur, id regulam haud intervertit, utpote a qua in ejusmodi jurium exercitio & usu per pacta, consuetudines & observantias variis modis recedi solet. Quas operas subditi præstare necessum habeant, eodem Capite (§. II LXXXV.) breviter innuimus. ¶ Tu vide JOH. JOD. BECK cit. l. Cap. XVII. & cit. ibid. AA.

§. XVI. Ex iisdem denique fundamentis conficimus: nullos regalis hujus in alieno territorio possessori, tum ratione temporis (Cap. I. §. XX. seq.), tum ratione modorum venandi (Cap. eod. §. XXIV. sequ.) limites positos esse, eundemque tam *Jclopetis*, mit Schiessen / Bürschen / und gezogenen Röhren / quam  
Hhhh 2 pla-

*plagis, vetibus, & zonis, mit Treiben und Umstellen derer Waldungen/ venationes peragere.*

SCHOLION I. His adde consecraria alia plura non minus prone inde derivanda, v. c.: quod, qui hac ratione (§. VIII.) bannum ferinum in alieno territorio possidet, sylvam cingendi absque restrictione jure gaudeat, recteque prohibeat, ne sylvæ & arbores cumulatim excidantur, atque ita districtus banni ferini ad feras alendas inepti reddantur. Quod venatores & venationibus præfectos constituendi, atque amovendi; ædes venatorias, atque receptacula ferarum extruendi facultate polleat; & siqua sunt alia, quæ usus forte, & observantia induxit; quorsum referenda die Jäger-Zehrung/ Jagd-und Hundshaber / &c. aliaque his similia, ex ipsis rerum momentis curatius haurienda.

SCHOLION II. Atque hæ sunt insignes illæ prærogativæ, quæ regalis venandi juris in territorio alieno possessor immediatus & independens, sultus concessione Imp. antiqua, incidente in tempora ante, vel circa interregnum, præ alio, qui ex post deum, independenti licet pariter jure, per concessionem statutum, præscriptione, aut recentioribus Imp. privilegiis regale hocce consecutus fuit, præfulget; quas proin, ne cum juribus circa venationes landsassicis confunderentur, hic attingendas esse duximus.

## CAPUT V.

### *De regali venationis jure subordinato sive landsassico.*

§. I. **J**ura sive majestatica, sive regalia subordinate & landsassice concedi dicimus, quando salvo eorundem cum summo imperio essentiali, & radicali nexu ita in aliquem transferuntur, ut in utilitatem propriam eadem exercendi ipsi

ipsi potestas fiat. Unde patet, quidquid *subordinate & landfassica regalium possessionis* nomine indigemus: scilicet potestatem, jus aliquod, quoad essentiam & naturam suam, necessario, sive ex voluntate legislatoris, penes summum imperium existens, in usus suos exercendi.

SCHOLION. In *subordinate* igitur & *landfassica* regalis concessione integritati summæ potestatis nihil decedit; utpote quæ facta concessione, sicut ante, eorundem subjectum inherens, radicale, & proprium permanet; nihilque aliud, in quem eadem transferuntur, consequitur, quam quod in utilitatem propriam, id est, sive dignitatis & splendoris causa, sive in commodum & emolumentum reale, eximia hæc jura explicet.

SCHOLION. II. Nec refert, an in subditum vere talem transferantur, an in extraneum, qui eatenus, & quoad jus regale *subordinate* nomine possessum pari nexu a summa potestate, cujus id proprium est, dependere dignoscitur. Atque hæc ratio est, cur capite præcedenti regalium in alieno territorio possessionem ad illa solum restrinxerimus, quæ independenti nexu a territorii domino possidentur.

§ II. *Administratorio nomine regalia conceduntur, quando Princeps in utilitatem & nomine suo eandem exercendi facultatem alicui tribuit.*

SCHOLION. Quoniam qui *administratorio* nomine regalia jura explicant, utilitatem ex iisdem provenientium directo nihil consequuntur, uti ex definitione patet. Principes & summi magistratus his suis administris salaria constituere sueverunt; quæ licet ex ipsis juris regalis proventibus assignentur, id tamen per accidens est, atque ob præstitam solum operam eadem percipere dicendi sunt.

§ III. Cum tamen regale aliquod jus *subordinate* & *landfassice* possidens (§. I.), non minus jus summæ potestati proprium, & radicaliter penes eandem permanens teneat  
H h h h ; (ibid.):

(ibid.): nomine quoque Principis, sive summi magistratus idem explicare, consequenter administratoris jurium Principis officio quodammodo defungi dici poterit (Cap. I. §. XV.).

SCHOLION. Distinguendum scilicet inter *administratorem nudum & proprie talem*, qui ministerium saltem & operam præstat; & *non nudum*, qui jus quidem Principis, ast in proprium usum & utilitatem exercet. Unde nonnisi quoad essentiam & naturam suam, quatenus scilicet penes inferiorem existens, jus summæ potestatis regale permanet, Principi salvum esse dignoscitur.

§. IV. *Nudus administrator sive fundi, sive regalis* (§. III. Schol.), *neque fundi, neque regalis possessor est.*

Administrator jura regalia nomine & in utilitatem Principis exercet (§. II.); neque alia ratione fundum administrat, uti per se intelligitur. Dominii igitur, seu proprii juris nihil consequitur. Quare, cum omnis vera & genuina possessio ex dominio & proprietatis jure profluat (Opusc. X. §. XIV. seq.): nudum administratorem nihil de possessione Principis & proprietarii mutare, consequenter possessorem haud esse, liquido patescit. Q. E. D.

SCHOLION. De subordinato & landsassico regalium possessore, præsertim si jure perpetuo regali quodam Principis fruatur, aliud mox (§. VII.) evincemus. Apparet sane, qua ratione nudus officialis, & cui simplex saltem regalis, aut boni domanialis cura atque custodia commissa est, rerum & regalium Principis possessionem & proprietatem nactus esse dici queat; nequicquam faciente, quod, uti in Germania, medio præsertim ævo, sollemne erat, & tot officiorum hereditariorum exempla comprobant, administrator titulo feudali atque jure perpetuo id officium consecutus fuerit. Hoc enim de natura administratoris nudi (§. III.) nihil immutat, nec in re aut regali Principis plus juris tribuit; hoc solo excerto, quod solus in eo officii genere Principi operam navandi, & assignatas eapropter utilitates salarii loco percipiendi jure



jure gaudeat; uti exemplo Forestariorum Imperii, deren Reichs-Forstmeister / quibus nuda sylvarum regiarum custodia cum jure, in absentia Imp. provenientes inde utilitates salarii loco percipiendi, commissa fuit, luculenter probari posset, modo ne tempore exclusis filum abruptum foret. Quod si ergo propter perpetuam fere Imperatorum absentiam, vasalli hi forestarii sylvas & foresta regia jure proprio possidere, & sic temporis immemoralis præscriptione, accedente sæpe expressa Imperatorum concessione, plenam eorundem proprietatem acquisierint: id statibus Imperii, qui simili ratione forestariorum officia, die Forstmeister, Vemter / feudi titulo in vasallos suos contulere, præjudicare minime poterit, multo minus in exemplum trahi; præsertim, si nec de concessione, nec neglectu, aut immemoralis temporis præscriptione foresta & bona domania Principis, proprietatis jure nactus fuisset, clare perhibere valeant; sunt potius, & manent nudi sylvarum administratores, nec alias, quam in literis investiturarum consignatas utilitates percipiendi jure gaudent.

§. V. A concessione quoque jurium majestaticorum & regalium landfassica differt eorundem *concessio*, sive *translatio territorialis*, quæ est jurium summi imperii, omnium, aut plerorumque, & quidem præcipuorum, in statum, sat amplo ad civitatem constituendam territorio instructum, ea ratione facta translatio, ut ab Imperatore & imperio eadem recognoscat, nec non in eorundem exercitio superioris reipublicæ cognitioni sublit.

SCHOLION. Talis est statuum imperii superioritas territorialis; quæ, cum jura belli, pacis, fœderum, Legatorum mittendorum, nec non reliqua summi imperii jura in eminentiori gradu comprehendat: cum landfassica regalium possessione nulla ratione comparanda est. Hanc conditionem, quam sub Carolingicis, & aliquamdiu sub Germanicis Imperatoribus statuum Imperii potestas præferulit, diu supergressi, ad proprio jure imperantium hodie classem longe propius accedunt. Sed meretur præfens thema, ut ex genuinis juri publici principis alia occasione curatius pertractetur. Innuere saltem eam differentiam libuit, ne, quæ ex subordina-

ordinationis landfassicæ notione genuina nunc deducturi sumus, tu præpropere & oscitanter ad status Imperii trahas. Confer, quæ Opusc. X. §. CXIX. infra monuimus.

§. VI. Porro regalia subditis & landfassis vel ad *vitam tantum & tempus*, vel *jure perpetuo*, ad *heredes transitorio*, concedi, notum est.

SCHOLION. De priori concedendi modo non admodum erimus solliciti; cum temporaria regalium translatio jura Principis parum, aut nihil imminuat.

§. VII. *Subditus seu landfassius, regale quoddam jure perpetuo a Principe tenens, quantum subditi conditio patitur, verus regalis juris possessor est.*

Jura summi imperii, & regalia in totum a Principe ita abire nequeunt, ut non radicaliter saltem, & quoad essentiam atque naturam suam, quam a profluentia ex summo imperio indepta sunt, penes summam potestatem maneat (§. I.). Cum nihilominus in subditos & landfassios proprio quodam & perpetuo jure eadem transferri non implicet (§. eod. & VI.); is vero, qui proprietatis jure rem tenet, verus ejusdem possessor sit: subditum & landfassium, quantum ejus conditio patitur, regalis in ipsum collati verum possessorem esse liquet. Q. E. D.

SCHOLION I. Unde, quæ inter nudum administratorem (§. III. Schol.) & subordinatum juris regalis (§. IV.) possessorem landfassium ratione possessionis differentia subsit, apparet. Ceterum id de regalibus proprie talibus vel eo magis dicendum, quod summo imperio ex intrinseca necessitate haud cohæreant, & quæ præcise penes subditos existentia, illustri hocce nomine ne dignanda quidem veniant. (Opusc. X. §. CXXXII.)

§. VIII.

§. VIII. *Jus venandi regale* (Cap. I. §. IX.) *subordinate* & *landſſiſſe conceditur*, quando Princeps ſeu republ. ſubdito provenientes ex venationibus utilitates proprio quodam jure percipiendi, atque ſuas faciendi poteſtatem facit (§. I.).

SCHOLION. Quod jus circa venationes majestaticum & territoriale eadem ratione concedi valeat, jam supra (Cap. I. §. XV.) evictum fuit. Neque minus subordinatam hujus juris concessionem vel *temporariam*, vel *perpetuam* esse, intelligitur (§. VI.).

§. IX. Infimæ concessionum venationis a Principe proficiscientium species sunt *venationes precarie*, & *pro certa mercede, aut pensione annua elocatae*. Illæ *gratuitæ*, & quod precarii nomen indigitat, *pro lubitu atque ad nutum revocabiles*, nisi fors pacto expresso definitum temporis spatium adjectum fuerit, sicque naturam commodati induant: hæ *onerosæ*, juxta tenorem & normam contractus exercendæ.

**SCHOLION.** In venationibus precariis eam plerumque cautelam Princeps adhibet, ut venationis precariæ possessor datis literis reversalibus; de non alio titulo possidenda, nec non debito, & in concessionis charta definito loco, tempore & modo exereenda, ac denique ad nutum & revocationem Principis retradenda venatione caveat. Quæ cum satis nota sint, & venationum elocationes a contractu locati conducti nihil aut parum diversi habeant: de hisdem plura addere merito supersedemus, potissimum, cum de perpetuo jure concessis venationibus præcipue hic sermo sit. Conf. FERD. CHRISTOPH. HARPRECHT. *de Venationibus precariis.* Item FRITSHIUS von Westend. und Gnaden. Jagden / *aperum* Tom. II, P. III, tr. V. *Append.*

§. X. Regale vendendi jus alia, quam concessionis, aut quæ concessionis species est, possessionis immemorialis via ad subdium seu landassum subordinato jure pervenire nequit.

SCHOLION. Propositionis hujus, quam impræsens tanquam lemma sumimus, veritatem, uti & alia plura, quæ tum ad possessionis immemorialis genuinam notionem, tum ad nudæ possessionis regalium, subditos nil relevantis, exasciatam cognitionem facere possunt, *Opusc. X. subsequens* ad saturam demonstrata sistit, quæ adeo huc inde repetenda veniunt.

§. XI. Unde nova ratione *venationum utilitates perpetuam pro accessionibus & fructibus fundorum atque prædiorum landsassicorum regularibus & ordinariis haberi* conficimus (Cap. III. §. XII. & XXI.).

§. XII. *Regale venandi subordinate subdito seu landsassio in fundo suo aut prædio concessum, est pertinentia juris publici.*

Pertinentiæ juris publici nobis dicuntur, quæ extra dominii privati jura constitutæ, non nisi a summo reipublicæ Magistratu cum fundo aut prædio conjungi valent. Enimvero regale venandi jus non minus in fundis privatis, quam publicis extra dominii vulgaris rationes constitutum (Cap. III. §. XVII.) ab alio, quam a Principe, seu summo Magistratu cum eodem conjungi nequit (§. X.). Quodsi igitur actu cum fundo aut prædio landsassico, facto Principis expresso aut tacito conjunctum fuerit: ad pertinentias idem juris publici referendum esse liquet. Q. E. D.

SCHOLION. Conferantur omnino, quæ supra (Cap. III. §. XXI. Schol.) monuimus. Ex his sane fundamentis satis puto confutari, qui pertinentias vulgares, cum pertinentiis juris publici, regalem naturam habentibus, & concessionum antiquarum, expresse aut tacite a Principe factarum, ignari, eodem utraque loco habent.

§. XIII. *Non est fructus jurisdictionis subordinatæ landsassicæ.*

Jurisdictio subordinata landsassica, sive criminalem & centenariam, sive civilem & voghteticam eam intelligas, sum-

summæ potestatis civilis, aut superioritatis territorialis nomine haud dignanda ( §. V. Schol. ). Enimvero regale venandi solius summi imperii, & superioritatis territorialis effectus est ( Cap. III. §. XVII. & XXVII. ). Perperam igitur pro fructu jurisdictionis subordinatæ landsassicæ qualiscunque idem haberi liquet. Q. E. D.

SCHOLION. Quodsi igitur in quibusdam Germaniæ locis regale venandi jus cum jurisdictione voghtetica civili, aut centenaria cohæreat: id omne facti est, &, aut ex concessione & liberalitate Principis, aut ex immemoriali usu derivandum, clareque docendum erit. Sed & hoc casu non magis pro jurisdictionis effectu reputabitur; quippe cui, nisi summa, aut territorialis sit, nihil cum venatione, sive bassa, sive superiori, commune est, uti cum multis allegatis auctoribus recte statuit ANT. WILHELM ERTL *Prax. Aur. jurid. Lib. II. Cap. II.* inquit: Daß der in einem Dorff die Niedergerichtbarkeit / oder Vogttheu hat / an und vor sich selbst / ausser einem besondern Privilegio, Vergünstigung / oder Verjährung / keinen Hasen fangen kan: Wie hingegen viele / in einem gewissen Bezirck nach Bären / Hirschen / und Gamsen jagen / welche gleichwohl die daselbstige Einwohner um keinen Kreuzer straffen / oder sonst den geringsten jurisdictionis actum ausüben dürfen.

§. XIV. Et quoniam jura sive territorialia, sive regalia, centenæ, præsidii, delectus &c. in alieno territorio sigillatim possessa superioritatem territorialem haud inducunt ( Cap. IV. §. VI. Schol. ): *pari ratione cum centena, aliisque juribus quibuscunque sigillatim in territorio alieno, immediate etiam & independenter ( Cap. IV. §. VI. Schol. ) possessis bannum ferinum regulariter conjunctum haud esse patescit.*

SCHOLION. Aliud igitur, si observantia loci, vel regionis in contrarium vigeat. Nos, quid in regula obtineat, & quid in casu, ubi usu aliud receptum haud est, pronuntiandum sit, hic solum defendimus.



§. XV. *Solus Princeps, sive territorii dominus, quem regalis sui venandi juris in subditum seu landsassium translati modum esse velit, jure determinat.*

Etenim concessio, & acquisitio regalis venandi juris a solo Principe proficisci valet (§. X.). Quare, cum concessionis hujus diversi modi sint, pro arbitrio concedentis variari apti (Cap. IV. §. IV.): juxta quos regale venandi jus in subditum seu landsassium translatum velit, soli Principi determinare integrum esse, constat. Q. E. D.

SCHOLION. Solius igitur Principis voluntas exploranda, an titulo feudali, an allodiali, an ad tempus, an perpetuo, an limitate, an illimitate &c. hoc suum beneficium & regale jus possideri velit. Unde ante omnia concessionis tenor inspiciendus, & in verborum sensum inquirendum est. Quodsi enim verba clara sunt & perspicua; quodsi legibus ab ipso Principe latis definitum, qua ratione landsassii sui jus venationis in prædiis exercere debeant: frustra ad interpretationem recurritur, sed plano verborum sensu simpliciter standum erit (a).

(a) *L. ille aut ille 25. §. cum in verbis 1. π. de legat. 3. L. ancille 12. cod. de furt. L. cum qui calendis 41. in pr. π. de V. O.*

§. XVI. *In concessione regalis venandi juris tacita, sive acquisitione ejusdem per immemoriam præscriptionem, determinata, qua præscribens hucusque usus est, possessio modum concessionis determinat.*

Concessio Principis tacita, sive immemorialis temporis præscriptio præsumto Principis consensu nititur (Opusc. X. §. LXXXVI.). Qui cum in alios actus, aut modum, quam quo hucusque præscribens usus est, datus esse fingi nequeat: (quomodo enim in id, de quo præscribens fors ne cogitavit quidem, consenserit?) exercitos hucusque possessionis actus

actus concessioni formam & modum dare, evidens est. Q. E. D.

SCHOLION. Patet inde, quid sibi velit notissima illa juris regula: *tantum præscriptum, quantum possessum*. Quippe possessio justo subnixâ titulo fundamentum est omnis præscriptionis & concessionis tacitæ, atque adeo ex eadem sola, quantum acquisitum fuerit, judicari poterit. Vid. CLUD. *de jur. ven. thes.* 25. SIXTINUS *de regal. Cap. 18. n. 57.* Kluge Beamte P. I. tit. 34. §. 7. ubi ex hac regula recte infert, daß / wann einer nur mit Neßen und Bärn auf eines andern Grund und Boden immemoriali tempore gejagt hat / er solches nicht mit andern instrumentis, nemlich mit Hunden / exerciren könne ic.

§. XVII. *Concessio regalis venandi juris sive expressa ( §. XV. ) sive tacita ( §. XVI. ), ita explicanda, atque interpretanda, ut, quantum concessionis verba, & hætenus exerciti actus possessorii permittunt, regale venandi jus penes Principem factum & illibatum maneat.*

SCHOLION I. Coincidit propositio cum illa, quam supra ( Cap. IV. §. VII. ) de stricte interpretanda concessione regalis venandi juris in territorio alieno demonstratam exhibuimus, iisdemque plane fundamentis innititur. Atque hanc ipsam ob causam conclusiones inde deducendas in præsens caput transtulimus; vel potius, concessionem & præscriptionem, quibus alii extra territorium jus venandi in territorio status alicujus imperii independenti plane nexu consecuti sunt, eodem plane modo, immo strictius interpretandas esse innuimus, quam illas, quæ landfassen jus hocce regale subordinate exercendi copia fit ( Cap. IV. §. VIII. Schol. III. ). Nimirum talem dedisse consensum, & determinatum suæ concessionis modum ( §. XV. & XVI. ) cum voluisse Princeps censendus est, qui juribus & suis, & reipublicæ minime officiat. Sane si officia Principis, reipublicæ jura regalia omni meliori modo conservare obstricti ( Cap. III. §. XXVI. ); si ipsas civitatis rationes communes ( Cap. II. §. XXXVII. & Cap. III. §. XXIV. ) ob oculos ponamus: alium consensum, aliamque mentem cum recta eidem ratione affingere nemo poterit.

rit. Atque hac ratione interpretationes concessionum, quæ interesse Principum concernunt, faciendas esse, omnes consentiunt; & qui contrarium in tanta, qua hodie jurisprudentia nostra fruitur, luce defendere ausus fuerit, eum ad barbara sæcula condemnamus, unanimi ut spero suffragio. Quod quidam ex *L. 3. π. de constitut. Princip.* objiciunt, illud de gratiis personalibus, aut talibus, quæ Principi haud præjudicant, per me valeat: ut legem istam ad concessionem jurium quoque regaliū traherem, nunquam a me impetrare potui, nec impetrabo unquam.

SCHOLION II. Enimvero regesserit fortean aliquis: Cur ergo hodie in concessionibus Principum & statuum Imperii latam concessionis banni ferini, tam subditis & landsassiiis, quam exteris, siue dependenti, siue independenti nexu factæ interpretationem tanto odio habetis, quam tamen ipsi in concessionibus antiquis, ab Imperatoribus ante, & circa interregni tempora profectis, tantopere deperiistis (Cap. IV. §. VIII. sequ.)? Annon nimiam hoc, & affectatam placendi cupidinem sapit? Respondeo neutiquam. Et Tu, quisquises, responsi loco cape. Primo, uti non omnis in Principe liberalitas, præsertim quæ cum publici boni dispendio sit, laudanda: ita, utrum largissimæ illæ Imperatorum concessionem regaliū suorum, si ad politicas regulas expendantur, magnis encomiis extollendæ sint, in suspensio relinquimus. Facti eæ sunt, & qui tempora novit, ipsasque concessionum chartas inspexit, de earundem latissimo tenore dubius haud hærebit. Harum certe adminiculo, promoventibus internis Germaniæ motibus, Germaniæ Proceres ad hanc, qua eos cernimus, celsitudinem ascenderunt. Quod si easdem in territoriis statuum rationes militare, si easdem enixas concessionum tabulas produxeris, eandemque Principum mentem ex notorio, atque uniformi territoriorum statu præsumendam esse, liquido monstraveris: non habebis refragantes, sed eadem latitudine concessionem à Principibus factas interpretabimur. At vero, quod alterum est, status Imp. jura sua, ab Imperatore & Imperio acquisita, sancte & illibate custodivisse, plerorumque territoriorum facies hodiedum commonstrat, nec exempla e longinquo petenda sunt. Unde præsumpta illa in concessionem regaliū latitudo, & liberalitas apud Principes & sta-

tus imperii meliora edoctos notorie cessat; ut potius juris publici universalis regulis stricte inherentes, a concessionum suarum expresso, aut ex rationibus a nobis adductis præsumto tenore ne latum unguem recedant. Ac proin sufficientes nobis rationes fuerunt, cur diversam in concessionibus imperatoriis antiquis regulam stabiliremus.

§. XVIII. *Regale venandi jus tam subordinate landsassii, quam aliis extra territorium (Cap. IV. §. VII. & VIII. Schol. I.) concessum, in dubio precario potius & ad tempus, quam stricto, perfecto, & perpetuo jure translatum esse præsumitur.*

Venatio precario concessa est revocabilis (§. IX.), & quæ ad tempus data, præterlapso tempore ad territorii dominum redit: quod in venandi jure perpetuo translato secus est. Quare cum Principem, quam minime potest, hoc a se regale abdicare voluisse verosimile sit (§. XVI. Schol. II.): si de modo concessionis dubium subfit, si, quod perpetuo idem translatum fuerit, clare expressum non extet, nec etiam circumstantiæ refragentur; utique precario potius & ad tempus, quam perpetuo concessum idem fuisse dicendum erit. Q. E. D.

SCHOLION. Toties quippe precaria, familiaris, & ad nutum revocabilis possessio præsumitur, quoties de perfecto jure subnixo titulo non constat. BRUNNEM, *ad L. 41. de acquirend. Possess. n. 6.* POST. *de Manut. obs. 54. n. 10.* MENOCH. *de Arbitr. Jud. Libr. 2. Cas. 160. n. 20.*

§. XIX. *Ex eodem fundamento consequitur, subditum seu landsassium regale venandi jus feudi potius, quam allodii jure possidere.*

SCHOLION. In allodio quippe spes reversionis cessat, quam sibi præscindere voluisse Principem verosimile haud est. Confer  
supra



supra ( Cap. III. §. XXIII. ) diploma , seu Investit. liter. Andreæ Episcopi Wirceburg.

§. XX. *Prædio, vel castro simpliciter concesso, jus regale venandi comprehensum haud intelligitur.*

Etenim hoc casu concessio Principis eam interpretationem admittit, ut regale jus Principi salvum sit. Quæ cum expressæ concessionis nulla mentione facta, omnino adoptanda sit ( §. XVII. ): landsassio & vasallo prædii vel castri possessori hoc casu jus venandi concessum haud intelligi constat. Q. E. D.

§. XXI. *Quin prædio vel castro cum pertinentiis concesso sub pertinentiarum nomine ne quidem regale venandi jus comprehenditur.*

Pertinentiæ cum duplicis generis sint , juris publici aliæ, aliæ juris privati & vulgares ( §. XII. ): pertinentiarum mentione simpliciter facta Principem de vulgaribus sensisse verosimile est ( §. XV. & XVI. ). Sub quibus cum regale venandi jus haud comprehendatur ( §. XII. ): nec hoc casu regale venandi jus concessisse dicendus erit. Q. E. D.

SCHOLION. Confer. SCHRADERUS *de Feudis* P. III. C. 4. n. 47. NEUENHAHN *Dissert. de Jure Venand.* apud ARUM. Tom. III. n. 110. ROSENTHAL *de Feudis* C. V. n. 49. SIXTINUS *de Regal. Cap. XVIII. n. 49. sequ.* Neque hætenus cum KNIPSCHILDIO *de Nobilit. Lib. III. Cap. 5. n. 101.* distinguendum, an in mediatum? an immediatum ea concessio facta fuerit ( §. XVII. Schol. I. )? Quodsi tamen Princeps clausula generali: *cum omnibus pertinentiis & juribus, mit allen Pertinentien/ Rechten/ und Gerechtigkeiten/* usus, & jus venandi ab antiquo ex concessione expressa aut tacita Superioris prædio annexum fuerit: aliud dicendum, & regale hoc in novum quoque possessorem translatum fuisse existimamus. Vid. KLOCK. *Pol. I. Consil.* 95.



95. n. 2. ibique allegatus RICHTER. P. II. Decis. 100. n. 15.  
 seq. JOH. JOD. BECK de Jurisd. forest. Cap. III. §. 1.

§. XXII. *Cumulative, non privative concessum, aut præscriptum esse præsumitur.*

*Cumulative* jus venandi conceditur, quando Princeps, seu territorii dominus, in venationis districtu cum vasallo, & landsassio in regalis hujus exercitio ex æquo concurrenti facultatem sibi reservat; *privative* vero, quando, nullo sibi venationis coexercitio reservato, idem in vasallum seu subditum transfert. Prior concedendi modus non æque, ac posterior, Principis & reipublicæ juribus præjudicat, uti per se patet. In dubio itaque, & ubi privativæ concessionis mentio haud facta, nec in præscriptionis cursu Princeps facto vasalli aut landsassii exclusus fuit, in regalis hujus exercitio concurrenti facultas Principi, semper salva esse intelligitur ( §. XVI. ). Q. E. D.

SCHOLION. Quod vero Principum Imperii menti repugnet, omne a se regalis exercitium abdicandi, & in concessionibus suis, nisi expresse aliud actum, aut valde prægnantes circumstantiæ, v. c. quod venandi jus ex contractu oneroso acquiritum sit, contrarium præsumendum esse suadeant: id investiturarum & concessionum litteræ passim perhibent. Confer. supra ( Cap. III. §. XXIII. ) diplom. Wirceburgense. Ut adeo, quam ex intrinsicis rationibus demonstravimus, præsumtionem ipso etiam facto suo ab antiquissimis retro temporibus satis comprobant; huicque sententiæ tanquam rationum pondere graviori adstipulantur MYNSINGER. Cent. VI. Obs. 99. MEVIUS P. I. Decis. 44 & P. II. Decis. 313. HEIGIUS P. I. Quæst. 9. n. 20. MENOCH. Lib. II. Præf. 18. n. 4. BIDENBACH. Qu. 16. alique plures, quos citatos vid. apud BECK cit. l. C. III. §. III. Klugen Beamten P. I. tit. 34. §. 7. sub fin. Neque diversa ratio in præscriptione militat; quæ, utpote odiosa, vel

Kkkk

maxi-

maxime restringenda, nisi de privativa præscriptoris possessione indubie constet.

§. XXIII. Juxta tria animalium ferorum genera, scil. terrestria, volatilia, & aquatica, usu & praxi triplex venationis divisio obtinet: *venatio in specie* & *proprie ita dicta*, animalium terrestrium; *aucupium*, volatiliū; & *piscatio*, aquaticorum.

SCHOLION. Hæc ita usu servari notum est. Sed ad quam speciem lutras, fibros, castores, &c., quorum ea natura est, ut terra æque, ac aqua vivant, referemus? Placeret PHILOPARC-HI, seu *Auct. des Blugen Beamten* sententia cit. l. tit. 34. §. 9. *sub fin.* distinguentis, utro loco? an in terra? an in aqua degant? & si prius, ad venationes, sin posterius, ad piscationes amphibia hæc animalia referentis, modo retibus & nassis, mit *Fisch-Beug* / æque ac aliis instrumentis venatoriis, sclopetis præsertim, & decipulis, caperentur. Ego ad usum & praxin attendendum, hac tacente, ad venationes terrestres potius & pro re nata aucupia eadem referenda putem.

§. XXIV. *Venatione simpliciter sine mentione certæ cujusdam speciei concessa, venatio tantum ferarum terrestrium, sive in specie ita dicta, in subditum, landjassium, aut alium quemcunque translata fuisse præsumitur.*

Venationis nomen simpliciter positum usu & sermone communi piscationes fere nunquam, nec semper aucupia comprehendit (a). Cum itaque Principem venationis verbum in sensu magis recepto, & ita, ut suo regali quam minimum præjudicii inferat, sumsisse verosimile sit (Cap. III. §. XXVI. & XXVII.): aliam, quam venationem in specie ita dictam (§. XXIII.) eundem concessisse, perperam concluditur (§. XVII.). Q. E. D.

(a) HAR-

(2) HARPRECHT. *ad §. 12. Instit. de rerum divis.* KNIPSCHILD *de nobilit. Lib. III. Cap. V. n. 126.* PHILOPARCH. *sive Pluge Beamte d. l. §. 6. n. 4.*

§. XXV. *Unde hoc casu subditus seu landsassus nec aucupandi, nec piscandi jure fruitur, sicut in genere, una alterave specie sigillatim concessa, altera non comprehenditur.*

SCHOLION. Ratione aucupii tamen in praxi hoc ita temperatur, ut, cui jus venandi concessum est, facultate quoque instructus esse censeatur, aream, einen Vogel-Heerd / extruendi. RÖDING. 5. *Obs.* 37. WEHNER. voce: Vogel-Heerd. Quod si vero alles Wendwerk in der Lust / auf Erden und im Wasser concessum sit, aut præscriptione immemoriali acquisitum: omnes tres species venationis concessas esse & acquisitas, dubium haud est.

§. XXVI. *Venatio superior ea nobis dicitur, quæ animalium ferorum genera nobiliora; bassa, sive inferior, quæ animalia fera minus nobilia complectitur.*

SCHOLION. Quænam animalia fera ad primam, quænam ad alteram speciem referenda, res est in arbitrio legislatoris posita, ex ferarum præstantia, atque raritate definienda. Communiter priori speciei, hohen Wildbanh / groß Wendwerk / hoch Wildprät / roth und schwarz Wildprät / accensent: das schwarze Wildprät; als Säue und Bären; das rothe Wildprät / als Hirsche / Gewild / Rehe / ex avibus: Trappen / Auerhahnen / Haselhühner / Birkhahnen / Fasanen / Schwanen &c. Ad minorem vero reliqua animalia fera, sub majori venatione haud comprehensa, referunt. In quibusdam territoriis inter majorem & minorem, media quoque, die Mittel-Jagd / legibus & usu invaluit, eamque constituunt Schweine / Käuler / Bächen / Frischling / Rehe / Rehe-Kälber &c. quæ divisio præsertim in Saxonia obtinet; ubi autem recepta haud est, ad eam spectantia animalia fera, venationi superiori vindicantur. Videatur omnino PFFFINGER *Vitriar. illustr. Tom. III. tit. 18. §. 18.* ubi varias Principum Imp. ea de re constitutiones allegat,

SCHOLION. II. In peculiarem ab his classem rejicienda venatio animalium ferocium, quam ego, nisi aliud usu receptum, soli domino territorii vindicandam reor; eo quod horum animalium venatio, eademque extirpandi officium directo ex summa potestate profluat (Cap. I. §. XXXIV.). Quænam bestię feroces in hunc censum veniant, de eo vide SECKENDORFF. *teutschen Fürsten Staat* / P. III. Cap. III. Regal. §. & ex eod. *Flugen Bes* ten P. I. tit. 34. §. 3. PFEFFINGER *cit. l.*

SCHOLION III. Ceterum licet divisio venationis in superiorem & inferiorem olim non adeo stricte observata fuerit: recentiorum tamen temporum inventum eam esse, vix dixerim; ejus saltem in allegatis a PFEFFINGERO *c. l. §. 14. lit. b.* diplomatis, aliisque documentis vestigia haud obscura deprehendo. Quid enim in concessionum chartis nominatim expressi *cervi, cer- va, fues, & capreoli*, aliud, quam venationem superiorem? Sublequens vero generalis clausula: *Nec non cujuslibet alterius generis feras sylvestres*: venationem inferiorem indigitat? Confer Diplom. Wirceburgense de a. 1000. (Cap. III. §. XIX. Schol.). HENRICI S. de a. 1023. apud PFEFFING. *cit. l. §. 2. p. 1374. &c.* Supra (Cap. III. §. XXII. Schol.) Diploma Episcopi ANDRÆ; ex quibus omnibus id insuper colligere licet, quod capreoli in Episcopatu & Ducatu Franconiæ nullo non tempore ad venationem superiorem, & ad feras nobiliores relati fuerint. Argumenta certe, quibus PFEFFINGERUS *d. l.* hujus divisionis vetustatem impugnât, tanti non sunt, ut non aliis longe fortioribus enervari valeant.

§. XXVII. *Venatione simpliciter concessa inferior, non superior, in subditum seu landsassium translata fuisse intelligitur.*

Stabilita enim & legibus firmata venationis in majorem & minorem divisione (§. XXV.), atque ita diversis ejusdem speciebus constitutis Princeps, in concedendo eandem subdito seu landsassio, nisi aliud expressa verba edicant, aut in præscriptione immemoriali exerciti actus possessorii evincant, de ea sensisse censendus est, qua in alium translata rei-  
publi-



publicæ juribus, quam potest, minimum decrederet. Quod cum fiat, si eundem de inferiore cogitasse statuamus, ac præterea ratio nulla contrarium præsumendi proftet: cur alia, quam inferior, hocce casu vasallo seu landsassio adjudicanda sit, nulla ratione apparet. Q. E. D.

SCHOLION. Juvat hanc præsumtionem, quod hæc divisio fere unice ad decidendas controversias inter Principem & vasallos, nec non landsassios adinventæ, atque legibus firmata sit, ut constet, quænam in dubio Principi, quæ subditis & landsassiois adjudicanda sit. HEIG. P. I. Q. XV. §. 62. Conferantur quoque ROSENTH. de Feud. C. V. concl. 14. n. 6. WEHNER. voce: *Forst-Recht* / SIXTINUS de Regal. Lib. II. C. 18. n. 48. MYLER. de Princ. & stat. Imp. Cap. 73. n. 18. COLLEG. ARG. de acqu. rer. dom. §. 15. KNICHEN de pact. vestiturarum P. II. Cap. 2. n. 27. ubi argumentum a concessione jurisdictionis desumit, qua in genere concessa inferiorem, non superiorem conferri constat.

§. XXVIII. *Quodsi in concessione venationis tantum superioris mentio fiat, ad inferiorem argumentari haud licet; multo minus concessa tantum inferiori, superior quoque concessa intelligitur.*

Sunt enim diversæ species, quarum una alteram non comprehendit; uti in pluribus Germaniæ locis observare licet. Princeps itaque concedens unius speciei mentionem faciens, alias omnes exclusisse, sibi que reservasse omnino credi debet (§. XV. & XVI.). Non ergo, qui superiorem, venationem, quoque inferiorem, multo minus qui inferiorem impetravit, superiorem sibi vindicare audet. Q. E. D.

SCHOLION. Interpretatio hoc casu eo æquior, quod, uti LL. interpretationis omnes volunt, sensui literali inhæreatur. Vid. L. 41. de servit. HARPRECHT. de J. ven. thes. 23. CLUD. de J. venand. thes. 19. lit. E.



§. XXIX. *Quodsi concessionis tenor certas tantum animalium ferorum species exprimat, aut currente præscriptione actus possessorii nonnisi de venatione ad certas feras & aves restricta edicant: vasallo seu landsassio jus suum venandi ultra protendere integrum haud est.*

In concessionibus expressis Princeps venationibus modum statuit (§. XV.), in tacitis idem actus possessorii præstant (§. XVI.). Irrito igitur conatu sibi idem vasallus aut landsassius, ultra concessum aut possessum modum venationem protendendo, tribuit.

SCHOLION. Constitui ita posse nonnisi certas feras comprehendentes venationum species, a quarum una ad alteram argumentari haud liceat, dubium non est. Vid. GRYPH. in *Oecum. legal.* C. XVIII. n. 62, & exemplo Baronum de RIEDESEL in Liebach, qui singulariter venatione aprina investiantur, illustrent, WEHNER. voce *Forst, Recht.* DIETHER. ad BESOLD. v. *Jagen/* p. 420.

§. XXX. *Ex eodem fonte consequitur: quod subdito, seu landsassio, in concessione expressos, aut per actus possessorios hactenus determinatos venandi modos egredi, aliisque instrumentis feras capere aut indagare integrum haud sit (§. XV. & XVI.).*

SCHOLION. Neque haftenus perinde est, quibus quis modis feras capiat (Cap. I. §. XXIV. seq.). Hanc sane ob causam, cui simpliciter feras venari, das *Jagen/* licitum est, sclopetis quoque easdem insectari integrum haud est; id quod de iis potissimum, qui in, aut circa foresta & banna ferina Principum venatione minori gaudent, dicendum; utpote qui crebro sclopetorum fragore feras majores facile dissipare possent. Quodsi nihil determinatum, distinguendum erit, an venatio superior, an inferior concessa? & priore casu omnimodos venationis modos jure exercebit; hoc vero, retibus solum & hujus generis instrumentis, mit *Neßen/ Garnen/ Baissen/ und Lausen/* &c. venari poterit.  
KNIP.

KNIPSCHILD *de nobilit. Lib. III. Cap. 5. n. 120. sequ.* CARL ab HAGEN. *Jurisprud. Lib. III. Cap. 6. p. 506.*

§. XXXI. *Subditus, seu landsassius, aut alius quicumque juris venandi in territorio Principis possessor subordinatus, immo etiam independens (§. XVII. Schol.), feras extra districtum venationis persequendi regulariter jure haud gaudet.*

Jus persequendi feras extra venationis districtum speciem juris venandi in districtu venationum Principis sapit. Quæ cum eo loco, ex supposito, concessa haud sit: sine speciali permisso & concessione Principis illuc, feras persequendo, extendi nequit (§. XV. & XVI.).

SCHOLION. Quod hac in re status imperii inter se observant, ex jure gentium inter diversos populos recepto derivandum, nec ad exemplum a subditis trahendum est. Sicuti nec ex eo, quod dominus territorialis ex jure superioritatis & præminentiae jus sequelæ per universum territorium sibi vindicet, idem etiam landsassius permittendum esse, recte concluditur; quale enim argumentum a subdito ad Principem? Vid. PHILOPARCH. *Fluge Beamte P. I. tit. 34. §. 8. sub fin.* Si tamen fera in districtu venationis graviter vulnerata extra ejusdem limites mox concidat: recte eandem landsassius seu venationis dominus sibi vindicat, utpote in dominium jam redactam suam (Opusc. VIII. §. XCv.).

§. XXXII. *Concesso regali venandi jure, jus circa venationes territoriale Principi semper salvum esse intelligitur (Cap. I. §. XII. & XIII.).*

Differt jus circa venationes territoriale a jure venationis regali (Cap. I. §. VIII. & IX.). Concesso igitur posteriori, prius Principi semper salvum est (ibid. §. XII. seq.): & cum idem non facile, nec aliter, quam subordinate in subditum transfundere valeat (ibid. §. XV.); apparet, in dubio

bio id omnino Principi illibatum esse, nec a landsassio usurpandum.

§. XXXIII. *Regali venandi jure simpliciter concesso, nulla in subditum, seu landsassium jurisdictio, sive civilis, sive criminalis translata censetur.*

Regali venandi juri sua natura nulla jurisdictio cohæret, uti ex ejusdem definitione abunde colligitur (Cap. I. §. IX.), & siquam habet, eam omnem aliunde a summa Principis potestate mutuatur. Quodsi ergo in concessione aut etiam præscriptionis actibus possessorii nulla talis comprehensa fuit: qua ratione eandem subditus aut landsassius sibi vindicare velit, non apparet. Q. E. D.

SCHOLION I. Regulariter igitur, & nisi aliud actum, solos actus venatorios sive per se, sive per alios exercet, sine jure, mandata venatoria affigendi, aut quidpiam subditis præcipiendi aut prohibendi; nec pignorandi quoque jure aliter, quam quatenus id Germaniæ praxi competere dignoscitur, uti permittitur.

SCHOLION II. Enimvero, quoniam plerumque juris venandi possessores jurisdictione insuper subordinata landsassica, bassa & inferiori saltem, instructi sunt, ut ipsa experientia rerum optima magistra docet: ex conniventia quoque & consensu tacito Principis eandem simul ad jus venandi extendunt, & in actibus ad venationem pertinentibus exercent. Cave tamen, ne propterea cum JOH. JOD. BECK *Furisd. forest. Cap. III. §. 2. Cap. XII. §. 1.* universalem inde regulam extruas: cum venationis jure jurisdictionem venatoriam seu forestalem, subdito semper concessam intelligi; contrarium praxi tota die testante.

§. XXXIV. Consequitur: quod, nisi aliunde jurisdictionem centenariam sibi concessam esse subditus seu landsassius doceat, ferarum fures & raptores, in quos dominus territorialis pœnas corporis afflictivas, aut capitales constituit, punire nequeat, sed domino centenæ extradere eosdem necessum habeat.

§. XXXV.

§. XXXV. Porro, quoniam operæ venatoriæ, jurisdictionis territorialis (Cap. II. §. LXXXIV.), & hinc inde etiam inferioris landsafficæ, seu voghteix fructus sunt: *landsaffio regulariter nullas operas venatorias deberi evidens est.*

SCHOLION. Ex usu igitur, consuetudine locorum, pactis etiam & transactionibus discendum, quasnam operas venationis dominus jure exigat.

§. XXXVI. *Concesso aut possessore regali venandi jure, jus cingendi sylvam, das Hagen/ concessum, aut possessum haud supponitur.*

Jus venandi sylvam, & jus eandem cingendi duo diversa sunt jura, & venatio absque eo, quod sylva cingatur, omnino peragi potest. Quare, cum præterea circumseptio, aut cinctura sylvarum aliis venationum Principis districtibus haud mediocriter officere possit; dominus autem territorii cum minimo regalis sui venandi decremento idem concessisse præsumatur (§. XV. & XVI.): perperam, qui nonnisi venandi jus a Principe tenet, jus quoque sylvam cingendi prætendit. Q. E. D.

SCHOLION. I. Aliud igitur est de domino territorii, qui jus hocce per univ. territorium jure exercet. Omnium minime autem venationis dominus id sibi in sylva aliena, in qua forte longo usu jus venandi obtinuit, arrogabit; præsertim si sepes ex lignis alterius, scil. proprietarii, construere cogitet. De moribus & usu Episcopatus Wirceburgensis idem ex allegato supra (Cap. III. §. XXIII.) dipl. Episcopi Andreæ expeditum videtur: nec enim *horti illi ferarum circumsepti* aliud, quam sylvas cinctas, *Hagen/* denotant; quos nihilominus, uti apparet, absque Episcopi licentia nemo habere potuit.

SCHOLION II. Supersunt conclusiones multæ aliæ non minus momentosæ, quas ex stabilitis hucusque principiis æque prono alveo deducere poteramus. Sed subsistere & prela, & Dissertationis limites jubent.

## OPUSCULUM X.

DE

POSSESSIONE VEL QUASI REGALIUM, ET IN SPECIE REGALIS VENANDI JURIS, SUBDITUM SEU LANDSASSIUM ADVERSUS TERRITORII DOMINUM PARUM AUT NIHIL RELEVANTE.

---

*Reddite quæ sunt Cæsaris, Cæsari, & Deo, quæ Dei sunt.*  
Matth. XXII. v. 21.

---

### PRÆFATIO.


**P**li bonique Principis non ea postrema virtus est, ne novos quotidie exactionum modos ipsi sussurantibus faciles aures præbeat; neve substantiam subditorum suorum, nisi quantum publicæ necessitates flagitant, ad se, & fiscum suum trahat. Verum enim vero non minus quoque subditum decet, ut, quæ communis boni causa imperantur, tributa & onera, promte parateque conferat, omnium vero maxime, ne iis rebus, quæ extra substantiam privatorum positæ, sub regalium nomine Principi dicatæ sunt, audacem manum admoveat. Unde facile intelligere datur, quæ ratione plura fisci comoda, veluti vicesimæ hereditatum, caduca, bona com-



commissa, & alia his similia, piorum Principum odia fere semper experta sint (a); eoque MODESTINI effatum pertinere existimo, quando non delinquere putat eum, qui in dubiis questionibus contra fiscum facile responsurus sit (b). Ast quis citra summam oscitantiam ad ipsa regalia jura, quæ suum civibus in salvo relinquunt, hæc Imperatorum, & Jcutorum, suo sensu pia, effata applicare ausit? Sacra hæc sunt principum, & summæ potestatis particula, ad quæ alia, quam concessionis aut privilegii, via accedere subditis merito nefas habetur. Omnis in his juribus pro principe favor militat, pro subdito nullus. Absit igitur, ut, quæ in præsentî specimine de regalium possessione, subditum parum aut nihil relevante, edisseruimus, ex adulandi studio profecta esse, putes. Ex intimioribus juris publici universalis principis cuncta stabilita firmataque reperies, ipsis civilibus legibus, & Canonum jure non una ratione suffragantibus. Qui, quæ de remediis possessoriis civili jure constituta sunt, ita crude ad regalia, principem inter & subditum controversa, trahunt: illi miseratione potius, quam refutatione digni mihi videntur. Ita mecum sensuros confido, qui hæc pagellas partium studio vacui sunt percursuri. Principi certe non invidebunt, si in sublimibus suis juribus melioris paulo conditionis, quam privatus habeatur. Interim privata cum sint meletemata, citra ullius præjudicium scripta, evulgataque sunt. Vale!

(a) Vid. PLINIUS Cap. 36. Panegy. de TRAJANO. CASSIODORUS Lib. I. Epist. 22. de THEODORICO. JUSTINIANUS Lib. un. §. XIV. de Caduc. toll.

(b) Lib. 10. π. de Jure Fisci.

§. I.  On ardua minus, quam sui in praxi momento digna, gravisque inter Juris Consultos agitata quaestio est: *An subditus seu landsassius Principis imperii, in quasi possessione juris cujusdam regalis, & in specie regalis venandi juris, constitutus, & a principe in ejusdem exercitio turbatus, aut dimittere idem jussus, instituto possessorio in possessione defendendus sit, donec dominus territorii in petitorio melius jus probaverit; an vero possessione non obstante, ad edendum titulum compelli, eoque non edito a principe, seu territorii domino, de possessione dejici, eamque princeps jure sibi adserere queat?*

§. II. Circa cujus decisionem non una omnium, sed variae admodum sunt DDrum sententiae:

\* Alii etenim coeca superstitione legum Romanarum, non tamen, ut in sequentibus plenius probatum dabimus, per omnia nobis adversantium, placita sequentes, privati-que juris modulo regalia quoque reipublicae, & eximia principum jura emetientes, subditum regaliū saltem minorum, quae fisci etiam nuncupant, possessorem a principe ad edendum possessionis suae titulum adigi nulla ratione posse statuunt; quin potius, donec territorii dominus possessionis vitium in petitorio plene demonstrarit, defendendum atque manutenendum esse existimant.

SCHOLION. Ita sentiunt BARTOLUS in *L. 1. C. Uti possidetis. L. 1. C. de conduct. & procurat. prad.* OLDENDORP *Classe II. Act. 4. n. 5.* HERTIUS cum BRUNNEMANNO, COVARUVIA, atque MENOCHIO, in *Dissertat. de quasi possidente probante Sect. II. §. IX. Opusc. Volum. I. Tom. III. p. 217.* Cum hac tamen limitatione, si praeter possessionem alia probabilis praesumptio accesserit, jus, de quo controversia est, ex privilegio competere. BILDERBECK *gründliche Deduction gegen die verimeyntliche Regalität derer Jagden Cap. III. Sect. I. & sequ.*

*sequ.* ubi hanc sententiam late propugnatam, pluresque eidem adstipulantes videre licet.

§. III. Alii moderatius incedentes, licet non qualem-  
cunque possessionem subdito seu landsassio ad manutenen-  
tiam proficere largiantur, decennalem tamen, aut certe  
quadragenariam eam inducere præsumtionem volunt, quæ  
regalium, consequenter regalis quoque venandi juris pos-  
sessorem ab editione tituli liberare valeat.

SCHOLION. Defendunt hanc sententiam PACIANUS *de proba-  
tionibus Lib. II. C. 20. n. 23.* HORNIUS in *Vol. Respons. &  
Sentent. Sentent. 2.* VULTEJUS *Cons. Marp. Vol. II. Cons. 30.  
n. 239. seqq.* LUDOV. POSTHIUS *Observ. 44. n. 23.* Sibi tamen  
ipsi non per omnia constans. Illust. D. de BERGER. *Elect. pro-  
cessus possessorii.* aliique apud BILDERBECK. *cit. loc. Cap. III.  
Sect. III.*

§. IV. Tertia denique ab his diversa illorum est sen-  
tentia, qui possessionis regalium, & in specie regalis venan-  
di juris adversus territorii dominum vires nullas esse asse-  
runt, sed subditum, sive landsassium, si quidem titulum,  
id est, ut infra evincemus, concessionem principis, seu  
immemorialem possessionem docere nequeat, propria do-  
mini territorialis auctoritate, & vigore competentis eidem  
supremæ jurisdictionis exui eadem ac dejici posse defendunt.

SCHOLION. Huicque sententiæ adstipulatur BALDUS in *L. 2.  
C. Quomodo & quando.* A. KNICHEN *de sublimi territorii jure  
C. 5. n. 12.* STRYCK in *Us. Moder. π. Tit. de interrog. in jure  
faciend. & in dissertat. de necessitate edendi Titulum possessionis  
Cap. 3. per totum.* TEXTOR in *Dissertat. de possess. jurisdictio-  
nali §. VII. & VIII.* Illustr. D. de WERNHER. *Obser. Forens. p.  
2. Observat. 366.* D. LUBBE in solida deductione, sive Gründ-  
lichen Bewährung des Seiner Königl. Majest. von Groß-  
Brittanien 2c. 2c. in dem Herzogthum Lüneburg zustehen-  
den Jagd-Regal *Cap. V.* ibique allegati plures

§. V. Posteriores hanc sententiam, utpote legibus tam civilibus, quam canonicis optime suffultam, atque in rationibus non solum juris publici universalis, sed & specialis imperii Romano-Germanici fundatissimam, sicut nostram quoque impræfens facimus, ita in specimine hocce academico solide nunc eandem stabilire, ac fundamentis inconcussis superstruere in animum induximus. Quod ut pro materiæ dignitate, & juxta methodi demonstrativæ regulas rite exequamur, possessionis prius ac judicii possessorii, nec non regalium naturam atque indolem penitus paulo scrutari lubet, ut dispecta examinataque utriusque natura, in subsidium vocatis juris publici tam universalis, quam particularis imperii Rom. Germ. principiis, *an, & quatenus possessorii judicii in controversiis subditorum cum domino territoriali locus sit?* limato judicio statuere valeamus. De possessione itaque primum dispiciamus.

§. VI. *Possidere*, quatenus actum mere naturalem & physicum involvit, abstrahendo ab ejusdem moralitate seu animo, quo possidetur, est rem naturaliter in potestate sua habere, hoc est, vel manibus tenere, vel alio actu corporali & contactu immediato eidem insistere; ac proin possessio hoc sensu nihil aliud est, quam actus physicus, quo rem aliquam in potestate nostra, hoc est, vel in manibus tenemus, vel actu alio physico immediate eidem insistimus.

SCHOLION. Corporalis, &, ut ita loquar, materialis hujus possessionis mentio fit in L. 10. §. 1. π. *De Acqu. vel Amitt. possess.* L. 18. π. ibid L. 33. §. 1. π. *De Usurp. & Usucap.* Vix tamen est, ut possessionem eam nomine Jcti dignentur, L. 1. §. 25. π. *Si is qui testamento liber.* Unde Jctus Paulus, L. 1. §. 3. de A. A. P. ait: *sine affectione tenendi non magis quem possidere, quam si dormienti in manum quid positum sit.* Conferatur STRYCK *Dissertat. de possidente non meliore* Cap. IV. §.

2. & 3. FRIDERUS MIND. *de materia possessionis* Cap. I. §. 9. sequ. HENRIC. DE COCCEJI *Dissert. de jure ejus quod facti est, modisque illius amittendi* Sect. IV. §. 1.

§. VII. Proprie vero, & in significato morali, sive juris, *possidere aliquid* dicimur, quando rem manibus tenemus, vel eidem, cum animo insuper seu voluntate eam nobis habendi, insistimus; v. c. quando fundo seu prædio corpore insistimus, aut rem aliam mobilem manibus comprehendimus, cum animo, ut nobis eandem habeamus, & in ordine ad jura quædam in- vel circa eandem exercenda. Unde quid hoc sensu *Possessio* sit, obscurum esse nequit. Differt a priori (§. VI.), quod illa sit nude materialis, & velut corpus sine anima; hæc vero affectione, seu animo habendi animata moralem naturam induat, & effectus jam juris post se trahat.

SCHOLION. *Facti enim & animi est possessio*, uti ULPIANUS loquitur *all. L. 1. §. 15. π. Si is qui testamento liber & L. 1. §. 3. π. de acquir. vel amitt. possess.* Vid. illustr. D. de COCCEJI alleg. *Dissert. Sect. IV. §. 1.*

§. VIII. Stricte itaque & in significato posteriori (§. VIII.) non possidet, nisi qui conjunctim cum animo & intentione rem sibi habendi, manibus quoque eandem comprehendat, aut corpore, si res immobilis sit, insistat. Enimvero introductis dominiis, & in statu proprietatis rerum arctis hisce terminis factum possessionis concludere minime conveniens erat, nec sine inconcinnitatibus quamplurimis transitoria ejusmodi possessio consistere poterat. Quæ obsecro! absurditas? dominum, quamprimum rem mobilem e manibus dimittit, aut a fundo, domove, quam inhabitat, pedem movet, possessione simul excidere, quam alius nunc pro lubitu arripiat, sibi que acquirat, excluso, qui momento post redit, priore domino? Quare in statu, quo  
nunc



nunc vivimus, proprietatis rerum possessionis significatum cum latitudine aliqua accipiendum fuisse patescit, ita ut penes proprietarium, re licet e manibus dimissa, persistere eo usque censeretur. donec & animus, & facultas, seu potentia naturalis rem tenendi, apud eundem perdurare concipitur. Atque hoc intuitu illustr. D. de Cocceji (a) *possessionem* recte definit, quod sit *facultas naturalis* (hoc est potentia & possibilitas physica ad actum statim, & pro lubitu reducibilis) *rem corpore tenendi, cum animo sibi habendi*; *possidere* autem, eo animo, eaque potentia naturali instructum esse denotet. Facultas scilicet naturalis, & animus tenendi sunt duo velut possessionis cardines, & ad ipsam ejus formam conjunctim requiruntur, uno vero aut alterutro vere & in effectū deficiente, aut ab alio intercepto, *possessio* amittitur, neque amplius in salvo consistit (b).

(a) *Cit. Dissertat. Sect. IV. §. 1.*

(b) *Idem all. l. §. 4. seq. & Sect. V. §. 1. seq.*

§. IX. Sicuti autem res tantum corporales manibus tenentur, eisdemque proprie corpore insistitur: ita stricte loquendo rerum solum corporalium, minime vero jurium, aliarumque rerum incorporalium vera possessio esse intelligitur; præsertim cum res incorporales in animo magis resideant, & in morali tantum aliquid faciendi, petendique facultate consistant. Quoniam nihilominus, introducta potissimum proprietate rerum, perinde ut res corporales, proprietatis jure habentur, atque naturalis etiam agendi, & jura exercendi potentia cum iisdem conjuncta esse supponi debeat; hæc autem detentionis & facultatis rem corpore tenendi vicem optimo jure subeat: non apparet, cur jura seu res incorporales non perinde atque res corporales & animo sibi haberi, & corpore quasi teneri, id est, exerci

ceri valeant. Rerum igitur quoque *incorporalium* quædam velut *possessio* concipitur, quæ perinde ut *possessio* rerum *corporalium*, & ex iisdem rationibus cum latitudine quædam, & continuatione intelligenda erit (§. VIII.), atque definiri poterit: quod sit facultas, seu possibilitas & potentia naturalis, rem *incorporalem* (i. e. facultatem *moralem*) corpore tenendi (id est exercendi & ad actum deducendi), cum animo sibi habendi: ut proin, qui e. g. jus venandi in certo districtu proprium habet, tam diu illud possidere intelligatur, quam diu nec animum, illud sibi habendi, deposuit, nec physica, idem per se, vel per alios exercendi, facultate, destituitur, aut eadem ab alio legitime privatus fuerit.

SCHOLION. Inde est, quod *possessio* rerum *incorporalium* in iure quasi *possessionis* tantum nomine insigniatur, h. e. propter similitudinem quandam, & analogiam res *incorporales* possideri dicantur; consentientibus L. 1. §. 27. π. *De usurp. & usucap.* ibi: *Quia nec possideri intelligitur jus incorporale.* Item L. 43. §. 1. π. *de acqu. rer. dom.* ubi dicitur, quod nec traditionem proprie recipiat,

§. X. *Possessionem naturalem & physicam* (§. VI.), qua in actuali rei detentione, & insistentia super eadem consistit, meri facti esse facile patet; cum nihil hic juris interveniat, nec nisi facta & actiones *physicæ* occurrant. Sed nec de *possessione* proprie tali (§. VII.) & in sensu juris sumpta aliud dicendum; cum voluntas illa, seu intentio rem sibi habendi, quæ superaccedit, utut in anima sit, non minus tamen facti esse dignoscatur (a), necquidpiam faciente, quod per facultatem seu potentiam naturalem, rem corpore tenendi, non vero per ipsam actualem detentionem, quæ proprie actus *physicus* est, *possessionem* definiverimus (§. VIII.). Etenim, postquam cum latitudine atque extensione aliqua accipienda fuit *possessio* (§. eod.), per potentiam seu facultatem naturalem rem tenendi ipsa etiam detentio

M m m m

atque

## 644 Opusc. X. De possessione regalium subditum

atque insistentia super re physice & actu continuata intelligi debuit; perinde ut animus & voluntas rem sibi habendi perdurare censetur, licet de aliis interea rebus dominus sive proprietarius cogitet.

SCHOLION. Eatenus igitur bene sese habet illorum sententia, qui possessionem e classe jurium prorsus eliminant, neque ad jura in re, nec ad jura ad rem referunt, sed præmissa distinctione inter ea, quæ sunt meri facti, sub priori divisionis membro tanquam sub genere ea, quæ sunt juris in re, & ea, quæ sunt juris ad rem, collocant; possessionem vero secundo membro accensent; pluribus hæc dilucidante illustr. D. de COCCEJI *cit. loc. Sect. III. §. 3.*

(a) *L. 12. de capt. & postlim. item L. 1, §. 3. π. de acquir. vel amitt. possess.*

§. XI. Enimvero possessio, quatenus in facto consistit (§. X.), cum actio humana & factum morale sit (VII.); hoc autem absque jure, seu causa & ratione ejusdem determinante, concipi nequeat: patet, quod factum possessionis, seu, si mavis, ipsa possessio, in possidente necessario quoque jus supponat, sive verum illud, sive putativum, sive præsumtum, quod in externa hominum opinione consistat. Originem igitur, seu causam possessionis moralem, si spectes, eam utique juris esse apparet. Ac proin, sicut possessionem per facultatem naturalem cum Coccejo (§. VIII.) definivimus: ita *possessionis*, seu *possidendi jus* per facultatem moralem, rem corpore sibi tenendi, definiri hic poterit.

SCHOLION. Sed est tamen hocce possessionis jus multum ab ipso facto possessionis diversum, veluti causa a suo effectu, facultas ab ipso actu, qui in ejus conformitatem suscipitur; nec plane confundendum cum jure possessionis, quod possessionem actu nobis quæsitam consequitur, cujusque mox fontes indigabimus.

§. XII.

§. XII. Porro , quoniam jura , quæ circa res nobis competunt , & ad quæ actu exercenda actuali possessione ac detentione opus est , vel *in re* sunt , vel *ad rem* : duplex quoque possidendi jus concipimus , quorum unum ex *jure reali* , alterum ex *jure personali* oritur. *Primum* naturam suæ causæ sequitur , atque juris realis a juribus in re , unde nascitur , naturam mutuatur ; *posterius* , perinde ut jura reliqua ex contractibus orta , ad classem jurium personalium referendum venit. Sic , qui dominus est , ex ipso domini jure reali jus quoque possidendi reale habere dignoscitur ; cui ex locato fundi possessio debetur , non nisi jure personali ex contractu possessionem petere valet.

§. XIII. Causam possessionis moralem sive legalem ejusdem *Titulum* dicimus. Enimvero jus possidendi causam ejusdem moralem absolvit ( §. XI ) Quare jus possidendi titulum quoque possessionis constituit.

§. XIV. Prout igitur jus possidendi vel ex jure reali est , vel ex jure personali ( §. II. ) , duplex quoque possessio facti enascitur , alia *ex jure in re* , alia *ex jure ad rem*. *Illam* definimus , quod sit potentia naturalis , rem tenendi , cum animo propriam sibi , seu ex jure in re , habendi : *hæc* est potentia naturalis , rem tenendi cum animo sibi habendi ex jure personali. Priori ratione dominus sive rei , sive juris in re , plenus , sive minus plenus , directus , sive utilis possidet : posteriori modo , conductor commodatarius &c. rem tenent.

SCHOLION. Magis proprie tamen , & in sensu juris strictiori illam solam *JCTi* possessionis nomine dignantur , quæ ex proprietatis similive jure in re enascitur , vel saltem cum animo quali quali , rem sibi propriam , habendi , conjuncta est ( a ). Atque de hac impræsens tantum solliciti sumus , utpote cujus gratia re-



## 646 Opusc. X. De possessione regalium subditum

media possessoria maximam in partem comparata, aliaque plurima in favorem possidentium introducta fuerunt.

(a) STRYCK. *Dissertat. de possidente non meliore C. I. §. 3. in fin.*

§. XV. Cui dominium seu proprietas rei competit, solus, & cum exclusione aliorum de re disponendi, eamque in usus suos convertendi jure gaudet (Opusc. VIII. §. I. sequ.). At vero facultas hæc moralis, sive jus, sine facultate naturali, sive physica rem sibi tenendi, eidemque insistendi potentia non concipitur; uti consideranti patet. Quare, siquidem propriam rem esse velimus, domino jus eandem possidendi (§§. VII. & XIV.) competere, necessario dicendum erit.

§. XVI. Quo posito alterum quoque necessario ponitur, ea dicuntur inseparabilia. Quare, cum posito dominio seu proprietate rei, jus quoque possidendi ponatur (§. XV.): hoc a dominio seu proprietate rei inseparabile esse apparet.

SCHOLION. Si cui fundus proprius est, necessario quoque jure eundem possidendi gaudet, neque hoc a proprietate separatum concipi potest. Atque adeo possidendi jus portio velut & pars domini merito dicitur. Quæ dubia hic moveri poterant, quod tamen, qui de proprietate docere nequit, in possessione defendatur, eamque ab aliis repetendi jure gaudeat, ea in sequentibus, explanatis judiciorum possessoriorum fontibus, sua sponte corruent.

§. XVII. Quoniam porro præter dominum seu proprietarium nemo possidendi jure instructus est (§§. XV. & XVI.): quicumque præter verum dominum in possessione rei est, in facto versatur, a solo domino, aut ejus voluntate, explicabili. Jure igitur id sibi dominus vindicat, & possessionem, quatenus facti est, a quocunque possessore avocat.

SCHO.



SCHOLION. Demonstrato scilicet proprietatis jure; alias enim potiores esse possidentis partes ex mox dicendis elucescet.

§. XVIII. In possessione, de qua hic sermo, duo occurrunt, animus nimirum rem sibi propriam habendi, & actualis rei detentio, aut naturalis saltem detinendi, reique insistendi potentia. Utrumque per alium nostri nomine explicari nil impedit. Quid ni enim alius & animo, & corpore vicaria velut opera rem nobis teneat? Multo magis solum factum possessionis in alio nostro nomine consistit, ita ut animo nostro corpore alieno possideamus, duoque hi actus diversis licet in personis una possessio reputandi sint.

SCHOLION. Id satis clare explicat Paulus Jctus L. 3. §. 12. tit. de Acqu. vel amitt. possess. verbis: *Ceterum animo nostro corpore etiam alieno possidemus, sicut diximus per colonum & servum; nec movere nos debet, quod quasdam res etiam ignorantes possidemus, id est, quas servi peculiariter paraverunt, nam videmur eas eorundem & animo & corpore possidere. Item L. 18. eod. Quod meo nomine possideo, possum alieno nomine possidere; nec enim muto mihi causam possessionis, sed desino possidere, & alium possessorem ministerio meo facio. Nec idem est possidere, & alieno nomine possidere; nam possidet, cujus nomine possidetur. Procurator alienæ possessioni præstat ministerium.*

§. XIX. Atque ex allegatis juris textibus simul patescit, quod, sicut possessio mere materialis (§. VI.) cum possessione morali, seu juris (§. VII.), salva consistit, nec ideo, quod ego rem alterius, sine animo atque affectione rem mihi habendi, manibus comprehensam teneam, dominus sive proprietarius possidere desinit (§. VIII.): ita a pari, quam ex proprietatis seu domini jure teneo, cum illa, quæ ex jure personali fuit (§. XII.), omnino in salvo subsistat, unusque ut dominus, h. e., propriam, & in sensu strictiori (§. XIV, Schol.), alter ut conductor, commodatarius, aut

colonus jure mere personali, sine affectione domini rem possideat. Quatenus corporalis rei detentio seu insistentia ex proprietatis jure consequitur (§. XV. ); eatenus conductor rem tenendo vicariam domino operam, & ministerium præstat, & cum animo domini rei veram possessionem constituit (§. XVIII. Schol. ): quatenus autem ex contractu sibi competente jure, consequenter utilitatis quoque suæ gratia rem corpore tenet; eatenus & ipse recte possidere dicitur. Quam tamen conductoris possessionem si impropriad saltem & detentionem magis dicere amas, non insurgo; jure minimum eundem possidere negari nequit.

SCHOLION. Hoc sensu duos in solidum possidere posse nemo ambigit; an vero ejusdem speciei possessio, e. g. ex domini jure fluens & cum animo rem sibi propriam habendi penes duos in solidum esse possit, difficilioris indaginis est, nec huic jam discussioni nos immittimus: putem tamen difficultatis nodum omnium facillime solvi, si inter jus possessionis, possessionem veram, putativam, & in foro externo præsumtam probe discernere noveris. Vid. FRIDER. de Mat. possess. C. X.

§. XX. Interim tamen minime implicat, quo minus alius rem, quæ in effectu nostra est, consequenter quam possidendi privative jure gaudemus, cum animo, eandem sibi ut propriam habendi, corpore quoque detineat. Si a jure, ex quo justitia possessionis derivanda (§. XI. ), abstrahamus, possessorem hunc eadem, qua nos ratione possidemus, de facto possidere liquet; nec quod ad factum possessionis attinet, differentia apparet. Adest animus seu affectio domini; adest quoque, ut supponimus, corporalis rei detentio, consequenter possessio proprie & vere talis (§. VII.); quam a genuina & in proprietatis vero, non fictitio aut spurio iure fundata, non aliter nisi cognito proprietatis jure discernere licet. Quapropter quoad forum externum, & existi-

existimationem hominum veram quoque rei alienæ possessionem esse constat.

§. XXI. Quod si vero ad jus, unde fluit, & in quo fundatur possessio ( §. XI. ), respiciamus, tres possessionum diversas species nanciscimur, *genuinam*, *putativam*, & *spuriam*. *Illam* dicimus, quando possessio vero dominii aut proprietatis jure innititur, qualis est veri domini. Altera, sive *putativa* est, quam habet is, qui erronea opinione ducitur, rem, quam possidet, proprietatis jure sibi affectam esse, cum revera ad alium pertineat. *Spuria* autem vocatur, quam quis cum mala fide tenet, h. e. cum scientia rem esse alterius, animo nihilo minus seu affectione eam sibi ut propriam habendi; qualis est furum, atque prædonum.

SCHOLION. Quando de remediis possessorii sermo est, has distinctiones, præsertim secundam, non attendi ex infra dicendis palam fiet.

§. XXII. Sola possessio *genuina* rei propriæ est; *putativa* vero & *spuria* rei alienæ ( §. XXI. ). *Putativam* etiam *bonæ fidei*, *spuriam* *malæ fidei* possessionem nuncupant, quoniam priore casu possidens bona fide, h. e. justa opinione se dominum credit; altero vero casu sciens, consequenter præmediate ac dolose rem alienam detinet.

SCHOLION. Posterior hæc possessio in foro conscientiæ ne possessionis quidem nomine dignanda, atque hanc ob causam *spuriam* etiam eandem appellavimus; etenim detentio potius dolosa, ac fraudulenta rei alienæ contractatio, quam possessio est. Naturalem eam subinde Jcti vocant, atque civili, quam opinio domini comitatur, contradistinguunt. MEIER coll. *J. A. Tit. de acquir. vel amitt. possess. n. 5.* Siqui igitur in republica possessionis hujus momentanei effectus sunt, & beneficiis possessionis aliqua etiam ratione prædo, fur, & latro, præsertim adversus extraneos fruatur; ea tamen momentanea saltem sunt, nec  
ultra

ultra, quam de mala fide plenius non constat, durare solent. Potissimos hos possessionis malæ fidei effectus recenset STRYCKIUS in allegata sæpius dissertat, *de possid. non meliore C. I. §. 5.* e. g. quod, qui a me vi possidebat, habeat contra tertium interdictum *uti possidetis per L. 1. §. fin. L. 2. π. Uti possidetis, & interdictum Unde vi. L. 1. §. 30. De vi & vi armata &c.*

§. XXIII. Id, ex quo intelligimus, cur possessio jure non subsistat, quin potius sine causa atque ratione sufficiente penes possidentem sit, *vitium possessionis* dicimus; quæ vero vitio tali affecta est possessio, *vitiosa* nuncupatur.

SCHOLION. Vitia possessionis in sensu hic latissimo sumimus, ita ut nihil prorsus excludamus, ex quo aut nullitas, aut injustitia possessionis evinci valeat, sive ad petitorium, sive ad possessorium ejusdem discussio pertineat.

§. XXIV. Vitium possessionis in causa est, quod possessio jure non subsistat (§. XXIII.). Unde per modum corollarii inferitur, quod demonstrato possessionis vitio ipsa quoque possessio corruat, nec salvo jure penes possidentem relinqui debeat.

§. XXV. Ex solo proprietatis seu dominii jure justæ possessionis, de qua hic sermo (§. XIV. Schol.), causam concipimus (§. XV.). Qui igitur rem non propriam, sed alienam possidet, justa possessionis causa destituitur. Quapropter possessionem, quæ defectu proprietatis seu dominii laborat, vitio affectam esse liquet (§. XXIII.).

SCHOLION. Vitium ex defectu proprietatis intrinsecum & reale est, semperque rem, nisi usucapio completa fuerit, sequitur; quod autem, qui rem alienam justa opinione domini, aut firmiori, quam alter, jure possidet, vitiose possidere non dicatur, inde est, quod vitia non præsumantur (§. XXVIII. sequ.), sed ab allegante probanda sint,

§. XXVI.



§. XXVI. Alium vitiosæ possessionis fontem subministrat prohibitio legis, vi cujus certæ personæ a rerum quarundam possessione arcentur; cujusmodi exempla in rebus sacris & Ecclesiæ offendimus. In eundem censum referendum, quando ex ipsa personæ & rei qualitate, illius hanc possidendi incapacitas elucescit, veluti de regalibus & juribus majestaticis infra pluribus sumus ostensuri.

SCHOLION. Et hæc quoque possessionis vitia realia esse apparet, atque, dum lex in salvo subsistit, nec vitia alia ratione purgata fuerint, rem perpetuo sequuntur.

§. XXVII. Aliud denique est vitium possessionis personale ex facto possidentis, propter quod possessio penes possidentem jure non subsistit; quorsum pertinet I. *Vis coactiva* in acquirenda nobis, & eripienda alteri possessione adhibita; unde *possessio violenta* dicitur, quam quis expulso vetere possessore armata manu, & per vim obtinuit. II. *Vitium clandestinitatis*, unde *possessio vitiosa clandestina* oritur; nimirum, quam quis subdole, & per fraudem inscio ac invito domino eripit, suoque nomine occupat. Sicut possessio violenta cum rapinæ, ita clandestina possessio cum furti crimine ut plurimum conjuncta est; sine dolosa saltem animi affectione nunquam habetur. III. Denique huc spectat *vitium precarii*, quo possessio afficitur, quando quis vel ad tempus definitum vel indefinitum rem alterius ex contractu commodati, depositi, aut alia ex causa dominii & juris in re non translativa detinet, sibi vero interim causam mutans, suo & proprio nomine possidere incipit, atque sic repetenti eandem domino reddere detrectat.

SCHOLION. Quando violentæ & clandestinæ possessionis vitia, ad vitia realia a JCtis referuntur, id impræsens, ubi de possessionis solum, non de usucapionis effectibus solliciti sumus, mi-

Nann

nime



nime attendimus. Conferat interim, cui volupe est, JACOBI FRID. LUDOVICI *Dissertat. de vitio reali & personali* §. 5. sequ.

§. XXVIII. Officiis erga alios, & amoris erga proximum e diametro adversatur, sine ratione sufficiente & justa causa malum quempiam & delicti reum reputare, aut præproprio judicio in jura eundem legesque civitatis publicas peccasse, statuere. Quare nec rei alienæ violentum invasorem, fraudulentum contrectatorem, atque usurpatorem quempiam præsumere convenit, nisi hujus præsumptionis sufficientes rationes prostant; hoc est, nisi de vi injusta, fraude, doloque rem alterius detinentis constet. Enimvero in rei alienæ, aut ab alio saltem tranquille possessæ, violenta, clandestina atque precaria invasione & occupatione vitia possessionis personalia consistunt (§. XXVII.). Hæc itaque temere & sine justa causa in possidente præsumenda non esse evidens est.

§. XXIX. Sed neque vitia possessionis realia (§§. XXV. & XXVI.) sine justa & legitima causa præsumenda esse facile evincimus. Pone enim præsumi defectum proprietatis seu dominii: hoc casu possidentem rem alienam possidere simul præsumas, necesse est. Enimvero rem alienam invito domino possidere citra injustitiæ notam nemo potest. Injustum itaque possessorem & delicti reum absque sufficienti causa præsumis. Quod cum virum probum non deceat, & officiis erga alios repugnet (§. XXVIII.): vitia realia seu intrinseca nec facile, nec absque ratione prægnanti præsumenda esse constat.

SCHOLION. Idem de vitiis ex lege oriundis (§. XXVI.) dicendum, nisi quod vitiorum hujus generis probata sanctione legis, & demonstrata rei qualitate liquidissima statim probatio fiat. Et quoniam leges civitatis nemo facile ignorare præsumitur:

tur: hinc eæ res, quas leges possidere prohibent, aut quæ ex sua natura penes certas personas esse nequeunt, vix, ac ne vix quidem sine mala fide possidentur.

§. XXX. Quoniam igitur nec vitia personalia (§. XXVIII.) nec vitia realia (§. XXIX.) præsumuntur; possidens in justa & ex domini jure oriunda possessione esse præsumitur. Talem autem cum habere nequeat, nisi dominus, vere aut putative talis: possidentem, quam diu de vitio possessionis non constat, rei possessæ dominum esse æqua utique præsumtio militat, tam diu firmo statuta talo, donec alius ad rem suam, aut lege possideri prohibitam, aut vi, clam vel precario possessionem evicerit.

SCHOLION. Præsumtio scilicet juris est, non de jure, (uti loquuntur). Apprime huc faciunt verba SAMUEL. STRYCKII alleg. sæpius Dissertat. de possidente non meliore in Prefat.: *Non juris civilis tantum inventum hoc esse, sed naturali idem rationi convenire, asserente GROTIUS, Lib. II. de J. B. & P. Cap. XXIII. Thesi 11. Cum enim communis hominum cognatio, quam inter eos natura constituit, L. 3. π. de J. & J. non sinat, de aliis pejus præsumere, & vitium actus alicujus, tanquam praternaturale, sit probandum illi, qui negotium iniquitatis incusare cupit: merito favendum erit possidenti, & bene de eo præsumendum. Quam ob causam possessio etiam juste, & ex titulo ad transferendum dominium habili præsumitur acquisita, ut possessor nec probare, nec allegare cogatur causam suæ possessionis, sed pro domino habeatur, donec alter intentionem suam liquido probaverit.*

§. XXXI. Dominum in possessione rei suæ defendendum atque manutenendum esse nemo dubitat. Quapropter cum possidens, donec de vitio possessionis constet, dominus esse præsumatur (§. XXX): possessorem quoque, dum de vitio plena fides judici facta fuerit, in possessione sua defendendum esse liquet (a).

(a) *L. 2. π. Uti possidetis.* STRYCK. *cit. l. ubi cum POSTHIO* idem in possessore alinario (ut ajunt), spoliatore, fure, & in genere, vi, clam, vel precario possidente procedere statuit.

§. XXXII. Porro, quoniam possessor domini jure possidere præsumitur, non potest non ei, qui vitiosam possessionem esse prætendit, onus probandi incumbere, quo vitio affecta sit possessio; an defectu proprietatis laboret, an contra leges, an vi, clam, aut precario occupata sit (§. XVII.). Ipsum igitur possessorem ab onere probandi immunem esse liquet (a).

(a) *L. 14. π. de probat. L. 14. & 15. C. cod.*

§. XXXIII. Ex dominio seu proprietate justus & sufficiens possessionis titulus intelligitur (§§. XI. & XIII.). Possessorem itaque justo titulo possidere præsumtio est. Unde sine ratione ad edendum alium possessionis suæ titulum compellitur (a). Ex eodem fonte est, quod possessores rerum immobilium a satisfatione immunes sint (b).

SCHOLION. His tam'diu sua constat veritas, quamdiu pro possessore domini præsumtio militat: aliud vero obtinere infra docebimus, quando aut legis prohibitio, aut personæ inhabilitas plene evicta, contrariæ præsumptioni locum facit. Quæ in antecessum iis dicta velim, qui regalium quoque possessores ex eodem hoc principio generali ab editione tituli perperam liberos pronunciant,

(a) *L. 11. C. 1. de petit. hered.*

(b) *L. 15. π. Qui satisf. cog.*

§. XXXIV. Dein, cum in civili licet societate viventes domini res suas privata etiamnum auctoritate adversus injustos invasores recte defendant (a): illud quoque possessionem

sionem commodi consequitur, quod possessor possessionem suam vi & manu forti adversus quoscunque, injuste eundem deturbare conantes, defendendi jure gaudeat (b), eaque dejectus dejicientem confestim iterum dejiciat (c).

(a) *Arg. L. 17. π. de vi & vi armat.*

(b) *L. 1. C. Unde vi.*

(c) *L. 3. §. 9. L. 17. π. de vi & vi arm.*

§. XXXV. Eadem hæc, quæ pro possessore militat, præsumtio efficit, ut vitio possessionis nec sufficienter nec legaliter probato pro possidente ferenda sit sententia (a): & in genere in pari causa melior semper possidentis conditio censeatur (b).

(a) *L. 125. & 128. π. de R. 1.*

(b) *Cap. in pari delicto 65. de R. 1. in 6. MINDAN. de mater. posses. Cap. IX, n. 18.*

§. XXXVI. In possessore b. f. id speciale est, quod fructus bona fide perceptos partim pleno & irrevocabili, partim revocabili jure suos faciat (a). Item quod rem suo tempore lege definito possidens pleno jure sibi acquirat (b); ut commoda possessionis alia plura ex eodem a nobis stabilito principio promanantia silentio prætermittamus (c).

(a) *L. 48. π. de A. R. D. L. 4. §. 2. π. Fin. Regund.*

(b) *Vid. STRYCK. Dissertat. de possidente non meliore Cap. I. §. XIX.*

(c) *Videri iis poterit alleg. modo FRIDER. MIND. c. 1. Cap. VIII. & IX.*

§. XXXVII. Ex enumeratis hætenus possessionis emolumentis affatim elucescit, beatos esse actu possidentes, id est, felices eosdem præ non possidentibus pronunciandos esse; lite siquidem cum aliis circa rei proprietatem, aut pos-

sessionem impliciti rem actu tenentes multis incommodis liberi esse dignoscuntur (§. XXXI. sequ. ), quæ subiacent, qui possessione destituti vel de proprietatis , vel de possessionis jure litigare opus habent. Actuale itaque rei detentionem, seu possessionem, quatenus facti est (§. X. ), inter bona hominis computandam esse , quis dubitet? Qui actu rem detinet , alia re opus non habet, quam ut actu domini jure se possidere profiteatur, ut manuteneatur (§. XXXI. ), ut onus probandi in adversarium, immo ipsum proprietarium rejiciat (§. XXXII. ), proprietatis jure ipse destitutus, & vitiose licet possidens.

§. XXXVIII. Hoc ipsum tamen factum possessionis cum sine causa, scilicet dominio, sive vero, sive putativo, sive præsumto non concipiatur (§. XI. ), videri poterat, uter jure possideat, aut possidere debeat, facile discerni posse; dum, cujus res propria sit, consequenter jus possidendi habeat (§. eod. ), judiciario ordine indagatur. Enimvero, præterquam quod hæc discussio multis ut plurimum ambagibus, atque difficultatibus obvoluta sit, durum foret, verum rei dominum, aut bonæ saltem fidei possessorem, qui citra culpam suam, dolo forsan alterius possessione excidit, ad tædiosam dominii probationem ablegare, possessore interim & re, & fructibus rei gavisuro. Quapropter incivile utique fuerat, de facto possessionis, ad quem pertineat, non nisi plene cognita proprietatis causa statuere, nec aliter possidentem ad dimittendam possessionem adigere, quam si proprietarius dominii jure sibi eandem competere monstraverit.

§. XXXIX. Omnino igitur rectæ rationi conveniebat, justitiam facti possessionis ex causis domesticis, a dominii jure, unde fluit (§. XI. ), diversis metiri, eamque justam,



stam, manutenibilem, & beneficiis possessoriiis dignam reputare, quam quis nec vi, nec clam, nec precario adeptus, aut duobus de facto possessionis contenditibus, cujus possessio antiquior, pluribusque actibus possessoriiis firmata fuerit (a): injustam ex adverso, nec manutenibilem illam enunciare, quam quis vi, fraude, doloque malo alteri surripuisse probatus fuerit, aut quam iudex instituta cum possessione adversarii comparatione juniorem, infirmioreque deprehenderit, verbo, quam aut propter vitium personale (§ XXVII.), fraudem & dolum, aut propter collisionem cum possessione adversarii firmiori defensione ac mantentione indignam esse recta ratio insinuat. Ita enim effectum, ne temere quis possessione sua exueretur, neque tamen fraudibus ac dolis via pateret, aut domini duras & difficiles proprietatis probationes subire necessum haberent. Equidem contingere hac ratione poterit, ut in possessione defendatur, qui rei dominus non est; ab eadem contra arceatur, cui de jure ea competit. At non aliter iudiciorum ordo, nec domini rationes ferunt (§ XXXVIII.). Possidens præsuntitur esse rei dominus (§ XXX.), a qua præsuntione ne micam recedit iudex, nisi, qui ius possessionis impugnat, ex proprietatis sibi competente jure, aut ex prohibitione legis, & personæ possidentis inhabilitate possessionem ab eodem avocandam, sibiue adjudicandam, vel etiam propter personale possessoris vitium, vim, fraudem & dolum mantentione ulteriori indignum eundem esse manifestum fecerit.

(a) C. 9. § de probat.

§. XL. Licet ergo, stricte loquendo, omnis possessio (§ XIV. Schol.) dominium & ius in re, sive verum, sive putativum, sive in foro externo præsuntum supponat; con-

consequenter aliud possidendi jus, quam supra definivimus (§. XI.), vix concipiatur: quoniam tamen ex intrinseco hocce fonte justitiam possessionis non emetimur, sed ex absentia tantum & carentia vis, doli, ac fraudis, utrum justa ac manutenibilis sit, statuimus (§. XXXIX.), peculiare quoddam jus possessionis intelligimus; quod illi competit, qui nec vi, nec clam, nec precario ab adversario, sed tranquille rem possidet, cujusque is effectus est, ut, licet possidens nec proprietatem rei doceat, nec docere potis sit, in possessione nihilominus adversus quoscunque defendatur, amissamque mediis idoneis recuperet. Prius possidendi jus ex dominio, seu jure in re oritur (§§. XII. & XV.) & eandem cum sua causa naturam induit (§. XII.): posterius soli facto possessionis, externa iniquitatis labe immuni, & commodis inde orituris (§. XXXVII.) suam originem debet, alterius fere a juribus in re indolis.

SCHOLION. Hæc viam commonstrant, qua in enucleandis possessionis juribus feliciter, quam hætenus factum, pergere liceat: latius tamen nunc evagari non lubet.

§. XLI. Quæ ab aliis nobis debentur, ac detinentur jura vel res, in societate civili non nisi coram judicio recte petuntur, neque adversus turbationes, nisi in mora periculum, alio, quam judicis auxilio uti integrum est. Non mirum igitur, si ad factum possessionis, sive ipsam possessionem, quatenus facti est, defendendam, adipiscendam, ac recuperandam remedia quoque civilia comparata sint. Quæ quoniam ad conservandam, atque recuperandam possessionem tendunt, *remedia*, item, a judicio, ubi petuntur & discernuntur, *judicia possessoria* audiunt.

§. XLII. Sunt igitur *judicia possessoria*, in quibus de justitia possessionis ex jure possessionis peculiari & proprio (§. XL.)

( §. XL. ) disceptatur, id est, solum inquiritur, quis sine vi, sine clandestinitatis ac precarii vitio, aut firmiori præ aliis jure factum possessionis teneat, reique insistat, nulla hic proprietatis, alteriusve juris in re ratione habita.

SCHOLION Non nisi improprie igitur judicium possessorium illud dicitur, quando quis ex domini sibi competente jure possessionem ab altero repetit. Ceterum remedia possessoria usu fori interdicta quoque, & actiones extraordinarias vocari, non est, quod moneam.

§. XLIII. In judiciis possessoriis, vel de possessione adversus vim aliorum injustam defendenda, ac retinenda, vel de possessione amissa recuperanda, vel denique ab aliis nobis debita adipiscenda quæritur. Hinc remedia possessoria ad tres potissimum classes referri constat; alia scilicet sunt *remedia possessoria retinendæ*, ad tuitionem possessionis comparata (a), alia *recuperandæ* (b), alia *adipiscendæ possessionis* (c).

(a) L. 1. §. 1. 4. & 9. π. Uti possid.

(b) L. 1. C. Unde vi.

(c) §. 3. Instit. de Interd. confer. omnino FRID. MINDAN. de interdict. Cap. VII. n. 25. sequ.

§. XLIV. Judiciis possessoriis opponuntur *judicia petitoria*, in quibus de proprietatis causa, ipsisque juribus in re quæritur; hoc est, de ipsis veris atque genuinis possessionis fontibus ex jure reali ( §. XII. ) controvertitur, probationesque eo principaliter tendunt, ut judici de dominio, seu jure in re, nobis competenti, plena fides fiat, & directe dominium, per consequentiam vero possessio, tanquam a jure in re inseparabilis ( §. XV. ), adjudicetur.

§. XLV. Inter duo hæcce judicia insignis elucet diversitas. In possessorio namque ( XLII. ) solum factum possessionis

fionis ( §. XXXIX. ) in discussionem venit, solumque de qualitate possessionis, an sine vi, sine fraude, sine clandestinitatis atque precarii vitio obtenta; an actus possessorii, in quibus rite probandis omnis possessorii cardo vertitur, quiete & sine contradictione exerciti fuerint? Nullus in hoc, qualis, titulus editur ( §. XXXIII. ), nec proprietatis quaestio instituitur; utpote quæ ad petitorium pertinet, in quo rem ipsam ex titulo & jure nobis competenti petimus.

§. XLVI. Qui petitorio judicio experitur, rem sibi propriam esse, seu jus in re sibi competere asserit ( §. XLIV. ), consequenter possessorem rem alienam detinere contendit. Qui possessorio agit judicio, possessionem alterius vi, clam, vel precario obtentam, nullam proin ac injustam esse perhibet. Enimvero in defectu proprietatis, seu juris realis, vitium possessionis reale ( §. XXV. ) in occupatione ejusdem violenta atque precaria vitia personalia ( §. XXVII. ) consistunt. Unde in petitorio vitia realia, in possessorio autem vitia personalia in disceptationem venire, & ab actore probanda esse patescit ( §. XXXI. ).

§. XLVII. Possessorium judicium, ut ex ipsa ejusdem definitione elucescit ( §. XLII. ), causam proprietatis, atque juris in re in salvo relinquit, ita ut, qui possessorio egit, & succubuit, petitorio adhuc experiri valeat; finito autem petitorio nullus ad possessorium regressus patet, lite quippe de proprietate, consequenter possidendi jure plene terminata. Unde possessorium petitorium præcedere, & ante hoc instituendum esse facile colligitur, neque aliud legibus cautum (a). Qui petitorio agit, adversarium suum in possessione esse supponit, consequenter nulla de possessione controversia est, ipsumque possessorium jam terminatum præponitur.



SCHOLION. Sed quid si reus possessorio judicio conventus de proprietate exciperet? Nunquid proprietatis causa ante terminanda fuerit? Respondeo, nihilominus causam possessionis ante dirimendam atque finiendam esse, propter insignia, quæ cum possessione conjuncta sunt, commoda; nec actor petitorio sese intrmittere cogeretur, nisi forsan proprietatis causa extemplo ad liquidum perducì valeat, nec rei possessio violenta, & in spoliū crimen incidere perhibeatur, pulchre hæc in casu simili dilucidante illustri BOEHMERO *Jur. eccles. Protest. Lib. II. tit. de causa Possess. §. XI. vid. Cap. 6. de causa possess. & propr.*

(a) *L. 3. C. de interdict. ibi: incerti juris non est, orta proprietatis & possessionis lite, prius possessionis decidi oportere questionem competentibus actionibus, ut ex hoc, ordine facto, de domini disceptatione probationes ab eo, qui de possessione victus est, exigantur; eadem repetuntur in L. 13. C. de rei vind. ordinarii juris est, ut mancipiorum orta questione prius exhibitis mancipiis de possessione judicetur, ac tum demum proprietatis causa ab eodem iudice decidatur.*

§. XLVIII. Possessorium merum, sive purum, dicimus, cui nulla proprietatis causa admiscetur, & in quo de solo facto possessionis litigatur, nullis petitorii momentis admixtis. Mixtum autem, sive non purum, dicimus, quando præter factum possessionis ipsa quoque proprietatis causa in iudicium deducitur, neque illo, sejunctim ab hoc, experiri licet; veluti in possessorio jurisdictionali & regalium juris esse dignoscitur.

SCHOLION. Aliud igitur possessorium mixtum; aliud cumulatio possessorii cum petitorio; illud nimirum magis necessitatis, hoc voluntatis est, nec necessario cum petitorio conjungitur; secus ac in possessorio mixto obtinet, quod admixtam habet proprietatis causam, uti dicitur in *L. 2. §. 2. π. de interdict.*

§. XLIX. Neque cum possessorio mixto, confundenda coloratio possessorii; possessionem enim qui colorat, qualem



qualem qualem tantum juris possidendi ex titulo & jure reali causam adducit, non ut in ea sese fundet, sed ut justitiæ possessionis suæ majorem fidem conciliet; unde *colorem*, sive *colorationem* possessorii qualem qualem, id est, nullis aut incompletis probationibus innixam, tituli seu causæ possidendi allegationem esse constat.

SCHOLION. Hinc est, quod, qui possessorio agit, non nisi cum protestatione tituli & juris realis allegatione idem coloret, ne plenæ ejusdem probationi sese immittere & petitorio potius agere cogatur.

§. L. Sententia in possessorio lata perpetuam possidenti securitatem haud tribuit, quin potius in petitorio, quod superest (§. XLVII.), succumbens, eandem adversario suo dimittere necessum habet (§. XXIV.); unde sententia in possessorio irreparabile plane præjudicium aut gravamen minime infert. Deinde probationes in possessorio, cum solum factum possessionis, actuum possessoriorum valorem, aut vitia respiciant, tantis difficultatibus, quantis probationes in petitorio subjacent, minime obsitæ sunt, nec per tot ambages in possessorio ad veritatem via patet. Quibus si addas insignia, quæ supra enumeravimus (§. XXXI. sequ.), possessionis commoda, quæ possessionis causam subito terminari suadent, possessoria judicia promptiori atque celeriori processu, quam petitoria finienda esse, facile consenties, & ipsa possessorii natura insinuat. Quapropter, cum *processum summarium* dicamus, quo breviori præ ordinario via proceditur, & celerior judiciarius ordo observatur: omnia judicia possessoria quodammodo *summaria* esse, hoc est, celerius possessionis, quam proprietatis causas judiciali sententia definiri, apparet.

SCHOLION. Hoc igitur sensu JCTi, quando omnis judicii possessorii causam summariam appellitant, veluti: JASON in L.  
*prope-*

*perandum n. 10. C. de Judic. MENOCH. de recuper. possess. n. 24. sequ. MARANTA de ord. judic. dist. 9. n. 43. probe idem notante CARPZ. de Process. Tit. I. Art. V. n. 45. ubi qualificate saltem & certo respectu petitorii, quod difficilis est probationis, longasque & multas dilationes, nec non processus atque lites diuturnas admittit, idem fieri innuit.*

§. LI. Substantialia tamen processus in possessorio non minus, quam in petitorio probe custodienda, libellus offerendus, petitio ab actore formanda, reus a iudice citandus, lis contestanda, qualitas possessionis, scilicet an violenta, an clandestina, an precaria, quæ junior, quæ antiquior sit, per actus possessorios probandum, atque probatione demum ex amissi perfecta, ferenda sententia. Unde *possessorium* hocce, in quo qualitas & antiquitas possessionis juxta formam processus sollemnem probatur, *ordinarium* nuncupant, ad differentiam *summarii*, *summarissimi*, *interimistici*, atque *momentanei*, in quo iudex, juris ordine non servato, sine longo litis sufflamine solum inquit, quis quomodocunque præsentem possessionem docere possit, ad hunc effectum, ut interim, qui pendente de possessione controversia possidere debeat, interlocutorio decreto definiat. Etenim quando ambo litigantes de possessione momentanea inter se disceptant, metusque subest, ne ad arma mutuo veniant, atque ita pacem publicam lædant, iudicis est, ut officium suum interponat, ultimumque quietum possessorem (actus namque ultimi violenti non attenduntur (a) interea defendat, donec in possessorio ordinario aut antiquiorem possessionem, aut vim, clandestinitatis, vel precarii vitium adversarius plene docuerit. Proin, cum in hoc summario causa possessionis finaliter non definiatur, sed tantum pendente lite prospiciatur, ut constet, quis actoris, quis rei partes sustinere debeat: sententiam in summarissimo latam provisionalem.

fionalem solum interimisticam, atque momentaneam esse apparet (b).

SCHOLIUM. Qua ratione possessorium summarium in jure Canonico atque Romano fundatum sit, erudite ostendit *illustris* BOEHMERUS *J. Eccl. Protest. Tom. I. Lib. II. Tit. XII. §. 2. seq. §. 9.* ibique perversitatem praxeos notat, quod hoc remedium summarium, quod non nisi incidenter tractandum fuerat, ordinario pene processu expediatur; id ipsum tamen Ordinatus Camerali, in qua distinctionis possessorii ordinarii, & summarii expressa mentio fit, improbante. *P. II. Tit. XXI. §. 3.* ibi: Und alsbald darauf summarie ohne einigen gerichtlichen Process oder ander weitlaufftigen Ausführung der Sachen zu erkennen / welchem Theil die Possession oder Quasi einzugeben / oder zu inhibiren sene / sich derselbigen bis zu endlichen Austrag des Rechts in possessorio (ordinario), oder petitorio zu enthalten.

(a) MEVIUS *P. II. Dec. 188. n. 3. P. III. Dec. 91. P. IV. Decis. 97. n. 5.* STRYCK, *U. M. lib. XLIII. tit. XVII. §. 2.*

(b) CARPZ. *de Process. Tit. I. Art. III. §. 5. n. 52.*

§. LII. Atque ex his facile concipitur, in quo possessorium ordinarium differat a summario, seu momentaneo; nimirum I. in summario de nudo facto possessionis, & actu ultimo possessorio quieto quæritur, nulla alia attenta possessionis qualitate, an nimirum actus possessorii priores violenti, possessio clandestina vel precaria sit, utpote quæ omnia in possessorio ordinario discutienda reservantur, ubi demum, an quis vi, clam, vel precario possessionem nactus fuerit, utra possessio antiquior, pluribusque, ac melioribus actibus possessorii probari possit, quæritur. II. In summario probationes tumultuario, nulloque sollemni ordine perficiuntur, celeriterque proceditur; secus in ordinario, ubi plenioribus probationibus opus est. III. Sententia in ordinario lata est definitiva, in summario vero, juxta dicta §. precedenti, interlocutoria solum, & provisionalis. IV. Possessorium

forium peculiare iudicium constituit, unde remedia possessoria & interdicta ab actionibus in petitorio instituendis non una ratione differunt, summarium vero tanquam punctum incidens (§. LI.) expeditur, & partem velut possessorii ordinarii, aut etiam petitorii præparatoriam constituit. &c.

§. LIII. Vidimus hætenus, &, quantum per institutionem licuit, enucleavimus possessoriorum fontes, qualitates, & indolem; plane ut, quæ possessiones, instituto possessorio, judiciali auctoritate manuteneri, atque beneficiis reliquis possessionis dignæ reputari debeant, prono inde consecutionis filo deducere liceat. At vero eam nunc prolixitatem studio declinamus, paucis solum, quod ad scopum magis facit, examinaturi, quæ possessiones manutenebiles haud sint, & quinam possessores frustra ad possessorium confugiant.

§. LIV. Ac primo quidem in possessione non defenditur, qui manifesto rem adversarii propriam possidet, aut quam subito, & liquidissimis statim probationibus suam esse adversarius probat. Etenim cum vitio possessionis liquide probato ipsa insimul possessio corruat (§. XXIV.): id omnium maxime de vitio tali verum erit, quod omne possidendi jus enervat (§. XXV.), & possessorem in aperta mala fide constituit, cujus quippe petitum palpabilem iniquitatem, atque alienæ rei insistendi pruritum saperet. Iudicis igitur hoc casu erit possessorem, ut rem sine mora proprietario restituat, atque de possessione decedat, judiciali sententia adigere.

SCHOLION. Hoc igitur casu petitorium (ut ajunt) absorbet possessorium; hoc est, non opus est, ut peculiari sententia in possessorio lata possessor defendatur, proprietario, de cujus jure seu dominio non minus, quam de possessione possessoris clare constat.



## 666 Opusc. X. De possessione regalium subditum

constat, ad petitorium remisso. Tricas atque frivolas ejusmodi litium protelationes non fert æqua judiciorum constitutio, & ubi liquide constat de proprietatis causa, ibi judex, omiſſa causa possessionis, judicare debet de proprietate, multis JCorum auctoritatibus (a), & juris textibus (b) idem firmantibus.

(a) HONDED. *Volum 1. Consil. 23. n. 38.* MENOCH. *Remed. 15. n. 369.* LAUTERBACH in comp. *π. Tit. de interd. p. 591. Item in Colleg. Theor. pract. d. Tit. §. 16.* COTHMAN. *Vol. 3. Resp. 38. n. 286.*

(b) *Cap. 5. de Caus. posses. & propriet. L. 14. §. fin. π. de Except. rei jud. L. 9. pr. π. de Rei Vind.*

§. LV. Porro, cum in possessoriiis judiciis vel de retinenda, vel de recuperanda, adipiscendave possessione convertatur, neutro obtinebit, in quo personalis possidendi inhabilitas deprehenditur, supposito, quod de ea liquido constet. Eadem hic, quæ in casu præcedenti (§. LIV.), generalis ratio, scilicet possessionis vitium obstat; sic e. g. laicus rem spiritualem vere talem possidendi incapax esse dignoscitur. Quare si in ejusdem possessione constitutus turbatusque, de retinenda, dejectus autem ab eo, ad quem pertinet, de recuperanda possessione agat, frustra victricem sibi sententiam promittit. Similiter subditus, quæ talis, jurium majestaticorum incapax est. Quare in possessione jurium majestaticorum subditum adversus Principem minime defendendum esse planum est, & in sequentibus pluribus evictum dabimus.

SCHOLION. Incapacitatem scilicet intelligimus, quæ ex ipsa rei possidendæ, & personæ possidentis qualitate conjunctim concipitur, ita ut, ne per alium quidem, possideri eadem valeat. Sic furiosus, & infans, licet proprie possidere nequeant (§. VII.), ea tamen incapacitas tantum per accidens, & mere personalis est;



est; unde, quæ ad ipsos pertinet possessio, eam per alios, tutores scilicet atque curatores, explicari nil impedit.

§. LVI. Cum præcedenti propositione fere coincidit, quando dicimus: manuteneri non deberi possessionem rerum, quas leges civitatis penes certas personas esse prohibent; lex namque possidentem, quo minus tales res possideat, inhabilem reddit. Quapropter, cum inhabilitatis in possidente vitium manutentionis obstet: talium rerum possessores instituto possessorio in possessione minime defendendi erunt. Pone jus aliquod commercio privatorum seu subditorum exemptum, legeque civitatis publica summo magistratui privative adscriptum esse. Quid, obsecro! possidentem hoc casu contra legem civitatis publicam & fundamentalem occupata possessio relevabit? quam hoc ipso, quod civitatis legibus obstrictum se se noverit, iniquam, & malæ fidei usurpationem esse ignorare nequit, aut saltem non debuit (a).

SCHOLION. Intellige tamen, si ipse Princeps, aut cujus leges civitatis & jura summi Magistratus integra servari interest, possessionem talem aut agendo, aut excipiendo impugnet, eandemque Principi & reipublicæ vindicet. Quod si enim inter duos privatos de jure aut re alias ad jura Principis spectantelis versetur: Princeps, salvo jure suo, utrius possessio justa & manutenda sit, in possessorio pronunciat; neque enim de suo jure, sed de facto possessionis litigantium subditorum sententiam dicit; de quo casu vide CHRISTOPH. HEROLDI *Observ. forest. in FRITSCHII Corp. I. Venat. forest. Obs. IV. & V. p. 1140. & 1146.*

(a) *L. 12. C. de F. & fact. Igno. L. 10. π. de bon. possess.*

§. LVII. Possessionem, quam publica civitatis jura atque leges improbant, *resistentiam juris pati* dicimus. Enimvero possessio, quam publicæ civitatis leges improbant, quæ-

P p p p

que

que juri communi adversatur, in possessorio nudo manuteneatur minime (§. LVI.). Quare nec possessionem, quæ juris resistantiam patitur, seu cui jura resistunt, in possessorio defendi constat.

SCHOLION. Inde est, quod, qui in ejusmodi possessione manuteneri cupit, titulum seu causam possidendi docere debeat; rescribente ita summo Pontifice in *Cap. 1. de Præscript. in 6. Episcopum, qui Ecclesias & decimas, quas ab eo repetis, proponit, licet in tua sint constituta diœcesi, se legitime præscripsisse allegare oportet, cum jus commune contra ipsum faciat, hujusmodi præscriptionis titulum & probare. Nam licet ei, qui rem præscribit ecclesiasticam, si sibi non est contrarium jus commune, vel contra eum præsumptio non habeatur, sufficiat bona fides; ubi tamen est ei jus commune contrarium, vel habetur præsumptio contra eum, bona fides non sufficit, sed est necessarius titulus, qui possessori causam tribuat præscribendi, nisi tanti temporis allegetur præscriptio, cujus contrarii memoria non existat. Confer. quoque *Cap. 7. de Privil. in 6.**

§. LVIII. Qui in judicio possessorio ab adversario suo violente, clandestine atque precario possidere perhibetur, in manifesta mala fide atque vitiosa possessione constituitur (§. XXVII.). Quam cum judex, de vitio plene informatus, non defendat (XXIV.): nec possessionem, quam quis vi, clam, vel precario ab adversario tenet, instituto possessorio salvis justitiæ regulis manuteneri posse constat.

SCHOLION. Diserte hanc regulam probat *lex 1. pr. & §. ult. π. Uti possidetis ibi: Si vero ab adversario, non debeat eum propter hoc, quod possidet, vincere, has enim possessiones non debere proficere palam est. Item §. 4. Instit. de Interdict.*

§. LIX. At vero, inquis, cum vitia possessionis non præsumantur (§. XXVIII. & XXIX.), præsertim vero vitia

tia realia nonnisi in petitorio probentur (§. XLVI.), videtur, saltem possessores rerum & jurium, ad rempublicam pertinentium, aut aliunde possideri prohibitarum in possessorio judicio manutenendos esse, donec Princeps, aut cujus alias interest, in petitorio vitium reale ex lege, aut inhabilitate personæ probatum dederit; corruere alioquin, quod in genere supra (§. XXXII.) demonstratum fuit: possessionem liberare ab onere probandi, item (§. XLVII.) possessorium sua natura præcedere petitorium. Verum ad hæc facilis est responsio. Primum enim quod attinet, stabilita supra (§. cit. XXXII.) propositio omnino in salvo subsistit. Liberantur utique possessores ab onere probandi; possessionis enim nullitas, inhabilitas & possidendi incapacitas ex lege, & jure civitatis communi adstruenda, nec ante possessor, ut de possessione decedat, aut eandem dimittat, jure adigitur. Alterum quod concernit, ipsi in subjuncto alleg. §. XLVII. Scholio hanc limitationem expressis verbis addidimus, scilicet: nisi proprietatis causa in promptu demonstrari, & ad liquidum perducì valeat.

SCHOLION. Conferas omnino, quæ supra (§. LIV.) demonstrata dedimus; quæ ipsa heic loci ab objectione liberanda esse censuimus. Quod si etiam aliud in spoliato fors obtineat, atque actio spolii etiam adversus dominum detur: illud peculiare plane, & in odium spolii ita constitutum est; perinde ut J. civili violentus rei, etiam propriæ, invasor ejusdem dominio cadit (a).

(a) L. 7. C. Unde vi.

§. LX. Hæc igitur ut eo melius intelligantur, probe notandum, quod, quando Princeps, seu respublica, (de hujus enim juribus ac rebus privative propriis præcipue impræsens solliciti sumus.) ex notoria civitatis lege & observantia rem, nonnisi a Principe, seu civitate, possideri ap-

tam avocat, sibi ac reipubl. vindicat, Principis & civitatis jus in petitorio semper clarum, liquidum atque manifestum sit. Quæ enim fortior, aut liquidior probatio esse potest, quam quæ ex ipsis juris publici visceribus, & indubiis reipublicæ legibus prono consecutionis filo derivatur, quæque nemini obscura aut incognita haberi debet? Quapropter cum vitii realis ex defectu proprietatis, ipsius rei, personæ possidendi incapacitate oriundi probatio ad petitorium pertineat (§. XLVI.): Principem, seu rempublicam, res vel jura, quæ per publicas civitatis leges, & natura sua penes subditos esse nequeunt, avocantem, repetentem, sibi asserentem sive agendo, sive excipiendo in petitorio claro & liquido versari constat.

SCHOLION. Necte moveat, quod Princeps, seu respublica competentia sibi ex lege, nec ab aliis in republica possideri apta hæc jura ac res non sollemni semper processu, & consueto juris ordine demonstrat. Ecquid enim, obsecro! dum pro Principe & republica notoriæ leges, jus publicum tam universale, quam particulare, & in aprico jacens rei ad Principem privative spectantis qualitas loquitur, longo litis sufflamine opus? præsertim, quando nullum possessionis suæ titulum subditus allegare, aut probare valet. Supponimus tamen, ut per se patet, restales atque jura non nisi privative a Principe ac republica, aut saltem non nisi ejusdem voluntate possideri, propriasque haberi posse. Quænam tales sint, tum demum determinare possumus, quando infra de regalibus Principis & reipublicæ juribus dispexerimus, & in eorundem naturam curatius inquisiverimus.

§. LXI. Unde, quoniam petitorium clarum & liquidum semper absorbet possessorium (§§. LIV. & LIX.): petitorium Principis ex legibus civitatis publicis & jure communi semper clarum atque liquidum, dum res privative ad se & rempublicam spectantes a subditis avocat, nullo non tempore possessorium absorbere liquet.

§. LXII.



§. LXII. Porro, cum juxta hætenus deducta Princeps & respublica jura sua atque res, quarum privati aut plane incapaces sunt, aut quas nonnisi voluntate summi imperantis habere queunt, ex legibus & jure civitatis communi, consequenter ex fundamentis ad petitorium spectantibus omnium efficacissime repetit (§. LX.): nunquam possessorio judicio adversus subditum experiri opus habet; non quod jure aliquo aut lege a remediis possessoriiis arceatur Princeps, sed quod, firmis semper, æertisque reipublicæ juribus, ad extraordinaria hæc juris subsidia confugere opus non habeat, & in reipublicæ quodammodo dignitatem, Principisque majestatem impingeret, in facto magis, quam in jure ac legibus eximia reipublicæ jura fundare.

SCHOLION. Aliud obtinere in rebus ad Principis privatum patrimonium spectantibus, item in rebus singularibus fisci, quarum in republica commune cum subditis commercium est, infra ostendemus. Interim in antecessum hæc monenda duximus, ne ab hypothesis propositionis nostræ discedens, inanes tibi objectiones, & dubia moveas.

§. LXIII. Princeps in rebus, ac juribus ad se, & reipublicam ex legibus reipublicæ fundamentalibus & jure communi spectantibus sive agendo, sive adversus subditum excipiendo in petitorio ex sua parte claro & manifesto versatur (§. LX.). Sola igitur possessio subditum agentem adversus Principem non relevat, sed adversus fundamenta petitorii Principis, hoc est, jus commune & leges publicas excipere, & vel nullas easdem, vel saltem intuitu sui non obligatorias esse monstrare cogitur, ut per se patet. Enimvero, hoc ipsum dum probare aggreditur, se se petitorio immiscet (§. XLIV.). Non potest igitur non subditus in controversiis cum Principe circa jura & res reipublicæ proprias petitorio implicari. Quare, cum possessorium merum nul-



la petitorii fundamenta , nisi ad colorandum possessorium ( § XLIX. ), admittat ( §. XLVIII. ); in mixto autem necessario cum causa possessionis conjungenda sint ( §. eod. ): subditum , seu privatum , in ejusmodi controversiis cum Principe sive agendo sive excipiendo nunquam possessorio mero , sed mixto experiri evidens est.

SCHOLION. Huc quoque trahenda quæ §. præced. in scholio ad-  
vertimus.

§. LXIV. Qui petitorio justam se possessionem habere docet , eandem ex proprietatis atque dominii jure sibi competere probat ( §. XLIV. ). Quapropter cum subditus in controversiis cum Principe circa jura & res regulariter ad publicum Principis , & civitatis dominium spectantes non nisi petitorio, aut possessorio mixto agere valeat ( §. LXIII. ): possessionem suam ex proprietatis , & competentis sibi dominii jure doceat necesse est. Enimvero in dominii atque proprietatis jure , modo legitimo in nos translato , hic loci titulus consistit ( §. XIII. ). Quare subdito in hisce controversiis possessionis suæ causam ( §. XI. ), atque titulum probandum esse manifestum est.

SCHOLION. Quæ in genere hic demonstramus mox ad regalia felici successu applicabimus , & ex horum natura , atque legibus plenius elucidabimus. Interim, quos hic præstantissimos JCTos nobis adstipulantes numeramus , vix charta capit. POSTHIUS de *Manuten. Obs.* 44. n. 29. ( ubi veram suam sententiam declarat, ) ita loquitur: *Sed magis ordinate procedendo solet in hac materia hujusmodi afferri distinctio : aut inferior , seu is, qui habet possessionem particularem, & juris communis resistentia vult manuteneri contra suum superiorem ratione jurium, quæ ad solum superiorem de jure communi pertinent, ut ad Principem, Cameram, Episcopum, fiscum, & pro quo est præsumtio; & tunc sola possessio non sufficit pro manutenzione, sed requiritur etiam titulus, saltem præsumtus, & summarie probandus, nec*  
quo.

quoad superiorem ullo tempore jus acquirit possessor, ut titulum non ostendat. Ubi tamen adverte, quod, quæ ratione summarie probationis statuit, non alio effectu probemus, quam quod non subito, nec inauditus, qui summarie titulum probat, deiciendus sit; minime vero, quasi præterea aliud nihil, neque plene titulum docere teneatur. SPOERMACHER in *Justit. Vulner.* P. II. C. IV. n. 4. & 5. GUTIEREZ in *Pract. Quæst.* Lib. 3. qu. 19. ubi docet, quod, ubi de juribus ad Principem pertinentibus agitur, & quoties pro Principe est præsumtio, tunc non sit locus interdicto ex summaria possessionis probatione, nisi probeatur titulus, qui elidere valeat juris præsumptionem. JARGOW de *Regal.* Lib. III. C. XI. §. 10. BRUNNEM. ad L. 3. C. de *Jurisd. Om. Jud.* n. 8. & 9. PACIAN. de *Probat.* Lib. II. c. 20. n. 27. 48. 50. STRYCK, de *necessit. edendi Titulum. possess.* C. III. n. 35. ubi dicit: Non dari possessorium purum, si ratione regali agatur, sed possessorium mixtum requiri, quod judicii petitorii exitum sortitur, dum simul proprietatis habetur ratio, ob necessarium tituli deductionem arg. Cap. licet 9. & de *probat.* ibique Canonistæ, PETRUS PAUL. Paris. L. II. Conf. 98. n. 16. KNICHEN. de *Jur. Territ.* c. 5. n. 12. MEISCHNER. Tom. I. *Decis. Cameral.* n. 8. KLOCK de *Contribut.* Cap. XX. n. 263. seqq. ubi hanc regulam hac viva ratione suaderi ait: Quia cum jus commune præsumat contra talem possessionem, reputando eam injustam, vitiosam &c. & sic adsistat uni & resistat alteri, inde fit, ut ex sola possessione (cum hac precaria præsumatur, MENOCH. conf. 30. n. 61. VIRGIN. de *Bocat. de Manut. in possess.* c. 9. n. 4.) absque probatione tituli non debeant hujusmodi possessores defendi, nisi possessionem, quam asserunt, justificent, exhibendo titulum saltem coloratum &c. & paulo post. *Juris enim resistentia vehemens multa singularia in jure & foro constituit, & inter alia potissimum duo operatur: Unum est, ut cogatur quis ostendere titulum sue possessionis, quam prætendit habere contra juris dispositionem.* CAPYC. *Decis.* 77. REBUFF. de *Mater. possessor.* Art. 1. gl. 1. n. 21. CURT. JUN. *Consil.* 90. n. 2. KNICHEN. de *J. Territ.* C. 5. n. 156. seq. CARDIN. THUSC. *pract. conclus.* 439. n. 5. Ubi etiam hanc regulam, possessorem scilicet non teneri docere de titulo sua possessionis, limitat eo casu, quando actor probasset intentionem suam contra reum possessorem, quia tenetur docere de titulo suo. Alterum &c.

Qui-

Quibus alios plures tum veteris, tum recentioris ævi JCtos addas.

§. LXV. Quod si subditus titulum, hoc est, jus domini atque proprietatem rei ad Principem alias, & rempublicam in regula spectantis non doceat, Principis ac rei publicæ jus firmum subsistit ac immotum (§. LX.), nec alia præter jus civitatis commune probatione opus habet. De jure igitur possidendi reali, & intrinseco (§§. XI. & XIV.) Principis ex parte una, & vitio possessionis ex parte subditi aperte constat. Quare subdito possessionis suæ titulum non docente possessionem ejusdem nullam nulliusque valoris esse evidens est (§§. XXIV. & LIV.).

SCHOLION. Unde recte hoc casu sentit Illustr. de COCCEJI *In Jure controverso*, quando Lib. XLIX. Tit. 14. qu. 2. ait: Quod, si possessor præter nudam possessionem nullum titulum alleget, privandus sit possessione. Nam hic de petitorio constat; fundata enim est intentio fisci in jure communi. Quoties autem de petitorio constat, frustra de possessorio disceptatur. Quin hæc possessio in re aliena, quæ concessionem Principis supponit, vitiosa est, donec possessor titulum probet. Et paulo post in causa conventus Huysburgensis, cui fiscus circa jurisdictionem dubium movit, in Curia Halberstadiensi judicatum fuisse refert.

§. LXVI. Quare, cum, quæ nulla, aut vitiosa est possessio, optimo jure a possessore avocetur (§. XXIV. LIV. seq.): Princeps atque respublica, siquidem de vitio possessionis ex defectu tituli, sive quod plane nullum habeat, sive quod eundem edere cum contumacia detrectet subditus, possessionem rei atque juris regulariter ad se, vel rempublicam spectantis citra injustitiæ notam avocat; nec turbatum propterea se se subditus conqueri potest, qui in ejusmodi controversiis necessario titulum sibi edendum, probandumque esse, scire debebat.

SCHO.

SCHOLION. Confirmant hanc sententiam præter allegatos supra ( §. LXIV. ) A. A. RHETZ *Inst. Jur. Publ. Lib. II. Tit. 18. n. 4.* RUTGER. RULAND. *de Commiss. P. II. L. 5. c. 19. n. 5.* WURMSER. *de Instr. edit. Obs. Un.* STRYCK *de Necessit. edend. Tit. possess. C. III. & IV.* Idem in *Dissertat. de sententia contra fiscum ferenda* ubi §. 29. concludit : *Unde quando possessor regali-um vel fiscalium, si constet, illa esse talia, titulum edere per contumaciam non vult, ad instantiam fisci juste regali-um, & fis-calium quasi possessione privari potest.* Per allegatos eodem loco magno numero DD.

§. LXVII. Cumque subditus rerum atque jurium, quorum nullo unquam tempore penes ipsum existere possessio jure valet, nullum in petitorio, aut possessorio mixto producere possessionis suæ titulum potis sit, ut per se liquet ( §. LVI. ); Principis autem, & reipublicæ omni modo interfit, ne, quæ necessario, & omnibus velut Principis ac reipublicæ cohærent, jura inde avellantur, minime vero omnium a subditis usurpentur : Principem in avocanda, sibi que asserenda rerum ejusmodi atque jurium possessione ex officio procedere, neque opus habere patet, ut prævia causæ, quam subditus in hisce juribus nullam habere potest, cognitione veteres possessores, vel meliore nomine usurpatores, migrare jubeat.

§. LXVIII. Titulum itaque, causam & jus possessionis suæ docere cum subditus necesse habeat ( §. LXIV. ), qualis ille in specie sit, ut inquiramus, nunc superest. Utque ex intimioribus jurisprudentiæ principiis eundem eruamus, præmittimus, I. quod, cum legislatorem Principem- & in genere qualemcunque reipublicæ summum modera- torem in condendis legibus, atque ordinando statu publi- co, ad id præcipue mentem suam convertere deceat, ut cum publico bono privatorum quoque civium salus integ- ra consistat, res, & jura circa easdem commercio priva-



## 676 Opusc. X. De possessione regalium subditum

torum nulla facile eximenda, & in publicum Principis & civitatis dominium transcribenda sint, nisi aut status publici conservatio & congrua summo reipublicæ Capiti sustentatio, aliæve ex utilitate communi depromptæ rationes idem suadeant. II. Tanquam experientia notum sumo, jura illa & res ad publicum Principis & civitatis dominium ex fundamentali reipublicæ lege spectantes non multas numero, atque ita maximam partem comparatas esse, ut in reipublicæ easdem, & Principis privativum dominium publica lege transcribendas esse, ex peculiari earundem natura & indole nullo negotio colligere liceat: veluti, dum jus metallifodinarum auri & argenti, jus venandi &c. Principi atque reipublicæ publica civitatis lex addicit, quod Principis & reipublicæ hæc jura esse conveniat, nemo juris publici universalis gnarus ex eorundem natura non pervidet.

§. LXIX. His præmissis concludimus primo, quod, cum ex supposito ( §. LXVIII. ) rerum istarum, atque jurium proprietas & possessio subditorum commercio ex publica & fundamentali civitatis lege exempta, communisque boni gratia in principem sive rempublicam translata sit, non Principis solum, sed ipsius quoque civitatis & subditorum, eas res atque jura Principi, qua summo reipublicæ moderatori, illibata servari vel maxime intersit, licet forsitan hinc inde privatis quoque utilitatem ea præstare apta sint, regula, quod commune civitatis bonum privato præferendum sit, non minus hic, quam in aliis causis publicis locum sibi vindicante. Omnes igitur alienationes, occupationes, & invasiones rerum ac jurium, Principis & reipublicæ utilitatibus dicatorum, pro maxime odiosis habendas, nec facile sine præsentis tum Principis, tum reipublicæ detrimento fieri posse liquet.

§. LXX.



§. LXX. Porro, quoniam res & jura supponimus, quæ ob prægnantes publici boni causas ex eorundem natura facile eruendas, nec non propter insignia commoda alia in Principis & reipublicæ proprietatem in perpetuum transcribere utilitas publica postulat: contingere vix potest, ut subditus ejusmodi juris possessor, illud ex fundamentalireipublicæ lege ad Principem pertinere ignoret, tam ipsa ejus peculiari ab aliis rebus in commercio existentibus indole, quam constitutione, lege & observantia publica idem ipsi luculenter manifestante. Quapropter, cum mala fide possideat, qui cum domini scientia suo nomine rem detinet: non poterit non subditus ejusmodi rei ac juris publici possessor, nisi legitimo modo id sese impetrasse compertum habeat, pro malæ fidei possessore reputari.

SCHOLION. Habemus igitur hic casum, ubi fortior, quæ pro dominio Principis & reipublicæ ex legibus claro militat, præsumtio, præsumtionem, quæ alias pro possessore est (§. XXIX. Schol.), vincit, atque enervat; uti jam supra (§. cit.) innuimus. Ceterum ex ipsa propositionis nostræ hypothese patescit, non indistinctim hæc de rebus ad Principem & rempublicam spectantibus, sed de iis saltem, quæ ob peculiarem suam naturam & multifarias, quas publico præstant, utilitates Principi privative relinquendas esse, rectior juris publici universalis doctrina suadet, intelligenda esse, veluti sunt regalia, quorum mox fontes scrutaturi sumus. Sic merces, quæ in commissum cecidere, bona, quæ ut indignis ablata, & in fiscum relata sunt, non Principis & reipublicæ propria esse apparet. At vero, quoniam tales res regulariter in privatorum dominio & proprietate existunt, & non nisi indirecta legis virtute & peraccidens in reipublicæ ac Principis dominium pervenerunt, durum foret, adinstar rei sanctæ, omni easdem commercio civium ita eximere, ut aliis nunc plane juribus æstimanda, nullo unquam tempore acquiri, aut possideri per modum rerum aliarum ab iis valeant. Sane si quis pensitet, has res ejusdem cum rebus, quotidie in commercio existentibus, naturæ, planeque iis similes esse, facile consentiet,

non posse citra confusionem & incommoda plurima tam diversa circa easdem jura constitui, licet pinguioribus præ rebus aliis res fisci privilegiis frui, a rectiori politica minime alienum sit, & leges civiles multa singularia circa fisci compendia sanxisse compertum sit.

§. LXXI. Ex dictis (§. LXVIII.) ulterius consequitur, quod, cum res, quas ex lege civitatis publica, & fundamentalis Principi appropriandas esse diximus, alterius a rebus aliis, in dominio privatorum existentibus, sint naturæ & indolis, nulla inter summum imperantem seu Principem, & inferiorem, seu subditum, dominiorum hic incertitudo extimescenda sit. Quid ex lege Principis, ac reipublicæ sit, subditus facile discernit: nec, quæ jura, quas Principi res leges fundamentales addicant, dubium *ipsi* sedere poterit. Nullum hic confusionis cum rebus privatorum periculum subest, tam lege, quam rei ipsius indole ab hujus dominio, ac possessione subditum arcente. Pone subditum, in possessione constitutum, metalli fodinarum auri & argenti quas jura civitatis Principi & reipublicæ private tribuunt: hoc casu, ne aut Principis, aut *subditi* jus in incerto hæreat, verendum est minime. Deficiente siquidem titulo justo & dominii translativo, jus Principis ipsa publica lege in aprico semper constituitur: sicut ex adverso hoc casu de nullitate possessionis & defectu proprietatis ex parte subditi aperte constat. Quæ, quæso! dominiorum incertitudo, ubi lex, ubi jus commune eadem figit, stabilit, atque determinat, & si alius ad se ejusmodi rei dominium pertinere prætendat, illud tanquam exorbitans & extraordinarium plenissime demonstrare necessum habet: ut alias nunc rationes præteream, propter quas dominii hujus in regula ad Principem pertinentis, incertitudinis timor pene omnis evanescit.

§. LXXII.

§. LXXII. Ex eo porro, quod tum nativa rerum atque jurium horum indoles, tum leges & jus civitatis publicum Principi eorundem proprietatem ac dominium asserant; legibus vero, potissimum quæ summi imperantis jura, & statum publicum definiunt, subditi exactam teneantur præstare obedientiam, patet, quod ipsa civium & subditorum obligatio subjectitia res Principis & reipublicæ in salvo collocet, ita ut integra fide, quam Principi suo debent, rerum harum possessiones involare minime audeant; quo tamen enixiori vinculo subditos vinciat, & ne publicis his juribus audaces manus admoveant, efficiat, juramenti homagialis eisdem nexu illigat; plane ut nihil intermisisse Princeps dici queat, quo jura hæc sua, atque reipublicæ ab omni invasione & injusta occupatione subditorum suorum immunia servet; nec proin, dum subditus in eorundem possessionem contra leges, contraque fidem datam involat, ulla Principi negligentia imputanda venit.

§. LXXIII. Multo minus Principi in custodiendis suis hisce juribus remissior tum diligentia imputari valet, quando, quos in provinciis ac præfecturis publicis rebus curandis præficit, expertos, vigilantes, virosque probos seligit, atque sub juramenti vinculo, ut ex fide in partibus sibi concreditæ rempublicam, ejusque jura administrent, inculcat. Egit enim tunc ex parte sua Princeps, quod facere poterat, neque patitur vasta, queis quotidie implicitum se cernit, negotiorum moles, ut singulos ipse reipublicæ angulos pererret, & cunctorum rationes, velut paterfamilias gregis, & armenti sui numerum, subducat: neque etiam hocce divinitatis dono instructus est, ut omnium corda scrutetur, ut probitatem ministrorum velut balance ponderet, aut futurum etiam pervideat. Quare nullum Principi, aut reipublicæ ex negligentia administratorum emergere,

aut imputari damnum poterit (a). Quid ! an tu rempublicam , aut, qui eandem repræsentat , Principem jure suo, & possessione excidere existimas , si, qui initio probum, diligentem , ac fidelem sese comprobarat administrum , mox in pejus ruens , cum publicarum rerum, & jurium reipubl. in vasoribus colludens , aut remissior in officio factus, amicum forsan, cognatum, patronum, vel potentio rem, cui contradicere non audet , in rebus Principis impune grassari patiatur. Minime gentium : sed possessio talis vitiosa potius , nulla, clandestine, sub- & obreptitie obtenta optimo jure reputatur.

(a) Vid. omnino GODOFRED. LUDOV. MENCK. *Dissertat. de præscriptione immemoriali, hominum licet memoria deficiente, per documenta elidenda.* §. 1. X. ibi : Si in genere domino rei cujusdam per incuriam, dolumve administratoris nullum inferitur damnum L. 11. & 12. C. de acquir. vel amittend. possess. multo minus Princeps & respub. hoc favore privandi erunt.

§. LXXIV. Nec sane citra præsentissimum jurium Principis & reipubl. periculum huic principio inhæreret poterit ; utpote , quo dolis & fraudibus Principem & rempublicam circumveniendi amplius campus aperitur, quoque admissio nihil minus, quam regalia Principis jura in salvo collocata sunt ; id quod obscurum esse non potest iis, qui, qua sæpe calliditate regalium usurpatores ministri aut officialis facilitate abutentes, eumque aut donis, aut precibus, vel aliis modis vafre corrumpentes in clandestinam ac furtivam se se possessionem intrudant, experientia forsan non una vice edocti animo revolvunt. Ut proin firmo stet talo, quod ( §. LXXII. ) stabilivimus principium, negligentiam ministrorum & officialium, præsertim in præfecturis & provinciis, in amissione regalium in præjudicium neutiquam trahendam esse.

§. LXXV.



SCHOLION. Nervose hanc in rem scribis præcit. modo MENCKEN. d. l. §. IX. Cujus verba huc apponere lubet: *Harum personarum autem res, si præscribuntur, acquiruntur multoties, si præscribens vel ipse ex numero est administratorum, vel cognitione, & affinitate illis, quibus cura & inspectio rei debetur, junctus, vel familiaris inter illos intercesserit amicitia. Detrimenda, qua respubl. capit, sæpius hinc oriuntur, conniventibus his, quorum fidei administratio credita est, & abutentibus cognatis & amicis horum auctoritate. Nemo est, qui contra hos defert, si quis deferat, tot difficultatibus se implicatum videt, ut lubens abstineat. Hac autem ratione ob administratorum suorum culpam, his viventibus agere impeditur respubl. & post excessum administratorum non raro in ignorantia factorum persistit; unde bona ejusdem sensim, pedetentimque immemorialiter præscribuntur &c. add. D. WILDVOGEL Dissert. de negligent. Ministri Principem non obligante.*

§. LXXV. Præscriptionum fundamenta partim in domini incertitudine, secutura, si nullus unquam temporis lapsus possessores securos redderet, plenumque iis dominium tribueret, partim in negligentia, & remissiori rerum custodia, quam amissione domini post definitum temporis spatium leges puniunt, partim denique in translatione, aut derelictione rei & juris sui tacita consistere, apud omnes constat. Enimvero in rebus Principis & reipubl. de quibus hic sermo, nullam ex his rationibus offendimus. Non præsumitur derelictio, aut alienatio a republica facta (§. LXIX.); domini incertitudo nulla subest, nec unquam fere timenda (§. LXXI.); nec denique Principi, ac reipublicæ in possessione & dominio earundem amittendo, respectu saltem ad subditos habito, ulla negligentia imputanda (§. LXXII. seq.). Quibus si, possessores harum rerum & jurium subditos in mala plerumque fide constitutos esse (§. LXX.), addas, præscriptionum civilia jura perperam ad res & jura Principis publica, quando de iisdem ab  
infe-



682 Opusc. X. De possessione regalium subditum  
inferiore adversus superiorem præscribendis quæstio est, applicare evidens est.

SCHOLION. Nec est, quod obmoveas, fiscum tamen & rem publicam in controversiis cum subditis jure privatorum (a), consequenter præscriptionum quoque hic jura locum invenire. At vero uti in rebus fiscalibus, de quibus supra (§. LXX. Schol.) mentionem injecimus, salvis fisci privilegiis, id lubentes concedimus, ita ex adductis demonstratisque hætenus rationibus in rebus Principi & reipubl. perpetuo jure adscriptis, & partem velut summi imperii constituentibus id largiri nullo modo possumus. At instas, quod tamen ad consuetudinem contra legem inducendam 10. vel 20. anni sufficiant; quid ni igitur tanto temporis lapsu res quoque Principis & jura reipubl. acquirantur (b)? Sed quis non videt, his solum, ubi de juribus privatorum sermo est, locum esse, in publicis vero civitatis juribus nullo constare robore? In juribus & legibus privatorum summi Imperantis tanti non refert, quo jure cives utantur, modo legalis ipsi constet auctoritas & reipublicæ accommodatum sit. Quare facilius tolerari poterat, ut in juribus privatis, quam ut in publicis contra Principis jura, consuetudo aut præscriptio admitteretur. Conferri hic omnino meretur THOMASII *Dissertat. de Præscript. Regalium ad jura subditorum non pertinente: Cap. III.*

(a) *L. un. C. de Conduct. & procurat. predior, L. 25. & L. 7. C. de F. Fisci.*

(b) Vid. CONRAD, ab EINSIEDEL *de Regalib. Cap. IV. n. 73. sequ.*

• §. LXXVI. Fundamenta præscriptionis, qualem inter gentes & populos liberos extra societatem civilem, five in statu naturali independentiæ obtinere demonstrat HUGO GROTIUS (a), aliique juris naturalis DD. cum iis, quæ (§§. LXIX. sequ.) innuimus, fere coincidunt. Unde eadem prorsus ratione in controversiis subditorum cum Principe circa jura & res quas ex lege civitatis publica Principis & reipublic. factas esse dignoscitur, præscriptionem juris gentium;

tium, & quæ in statu naturali obtinet, exulare evincimus. Sed accedit & alia fortissima ratio, quod nimirum Princeps & subditus, quos inter respectus superioris & inferioris, imperantis & parentis intercedit, in statu naturali æqualitatis viventes considerari neutiquam possint. Quare jam multa, quæ subdito ante cum Principe communia fuere, cessare jura, nemo non videt; quorsum etiam præscriptio rerum ac jurium, quæ lex civitatis publica & communis observantia imperantium esse vult, pertinet. Subditus, qui recte suo defungitur officio, ex lege obedientiæ, consequenter qua subditus jura hæc tanquam Principi, atque reipublicæ proprie agnoscere tenetur; & vicissim Princeps & republ. jure ac virtute imperii, consequenter qua superior, utilitatis communis gratia harum rerum sibi dominium adscribit: & dum pro superiore semper leges præsumuntur loqui, dum semper interpellant, semperque injustitiam ejus possessionis arguunt, non videtur subditum bona unquam fide publica Principis & Reipublicæ jura possidere posse. Ex dictis igitur demonstratisque ad nauseam elucescit, operam suam & oleum perdere subditum, qui in controversiis ejusmodi cum Principe in præscriptione subsidium quærit.

SCHOLION. Atque hocce a nobis stabilitum principium probe velim teneant, qui plusquam supina oscitantia, dum Principem inter & subditos subortas lites indistinctim ex juris Justiniani lacunis definire contendunt, linea Principem & subditos vix non parallela collocant. Æquitati omnino consentaneum est, ut Princeps iis in rebus, in quibus respectus superioris deficit, sed pari cum subditis conditione habetur, pari quoque jure utatur. At vero, quando Princeps & republ. qua talis, cum inferiore litigat, alia præterea fundamenta ex jure publico tum universali, tum particulari repetenda venient (b).

(a) *De J. B. & P. Lib. II. Cap. IV. §. 1.*

(b) *Idem cit. l. §. 12.*

§. LXXVII. Quoniam itaque neque civilia ( §. LXXV. ) neque naturalia præscriptionum jura ( §. LXXVI. ) inter Principem & subditos, quando de rebus, quas hi ex lege civitatis possidere nequeunt: acquirendis sermo est, locum obtinent: patet, præscriptionem modum non esse, quo subditus jure sibi ejusmodi res quæsitæ esse demonstret. Inter titulos igitur, quibus in controversiis hisce cum Principe de jure suo doceat subditus ( §. LXIV. ), præscriptio neutiquam referenda venit.

SCHOLION. Quæ hic dubia adversarii movent, iis refutandis non immoror; nullum siquidem tanti mihi momenti visum est, cui dissolvendo posita hætenus fundamenta non sufficiant: præcipuis tamen sententiæ contrariæ argumentis infra respondebitur, quando demonstrata hætenus ad regalia applicaturi sumus. Neque etiam obstat, quod tamen ipsi inter titulos jurum ejusmodi acquisitivos præscriptioni immemoriali locum faciamus ( §. LXXXVI. infra ); etenim possessionem, hominum memoriam excedentem, concessionis potius, quam præscriptionis classe collocandam esse, ex dicendis suo loco plenius elucescet.

§. LXXVIII. Eliminata itaque e classe titulorum, quibus subditus res & jura Principis publica sua faciat, præscriptione ( §§. LXXVI. sequ. ), nullo jam negotio, non nisi speciali concessione a Principe, sive republica eadem impetrari, atque acquiri posse, intelligimus. Pertinent hæc jura ad Principem ex lege, & ex ipsa constitutione status publica privatorum commercio exempta sunt. Quapropter, cum præter Principem, seu in genere præter legislatorem, nemo valide exceptiones a legibus instituat, publicis præsertim juribus deroget: in sola Principis & legislatoris voluntate sufficienter declarata, & subsecuta subditi acceptatione rationem acquisiti harum rerum ac jurium dominiæ sufficientem quærendam esse patescit.

SCHO.

SCHOLION. Quot modis fieri possit hæc concessio, non jam inquirimus. Tam actibus inter vivos, donationibus, pactis, infeudationibus & investituris, quam ultimæ voluntatis dispositionibus, modo ne publicæ leges obstant, hujus generis jura impetrari posse, facile liquet.

§. LXXIX. Titulus idoneus & sufficiens is dicitur, ex quo acquisitio domini seu proprietatis rei cujusdam plene & sufficienter intelligitur. Enimvero ex sola Principis concessione plene & sufficienter concipimus, quomodo res aut jus aliquod ex lege publica ad Principem aut rempublicam pertinens a privato acquiratur (§. LXXVIII.). Sola igitur concessio a Principe facta, est titulus sufficiens & idoneus, quo jura & res ad Principem & rempublicam ex lege pertinentes acquirantur.

§. LXXX. Absque editione tituli non manutenetur subditus, nec contra Principem in possessione defenditur (§. LXIV.). Quare, cum solus titulus in rebus ac juribus hujusmodi sit concessio a Principe facta (§. LXXIX.): concessionem hanc a subdito, qui in possessione sua adversus Principem instituto aut possessorio mixto, aut petitorio manuteneri cupit, docendam atque probandam esse liquet.

§. LXXXI. Porro, quoniam titulo non probato subditi possessio nulla est (§. LXV.), eamque Princeps a possidente jure avocat (§. LXVI.): per modum corollarii inferimus, concessione non probata, subditi possessionem, quam non nisi ex concessione habere potest (§. LXXIX.), nullam, atque sine mora ab eodem avocandam, eique, cui de jure competit, nimirum Principi, tradendam esse.

§. LXXXII. Alienationes rerum & jurium, ad publicum Principis dominium spectantium, odio plenas, nec ad



sine prægnanti ratione deveniendum esse, largiuntur omnes, quæ publicum magis, quam privatum commodum cordi est. In dubio itaque contra alienationes rerum & juri reipublicæ regulariter faciendæ præsumtio. Quare, cum concessionem, de qua diximus (§. LXXVIII.), ejusmodi alienationem esse pateat: in dubio contra concessionem regulariter utique præsumendum erit.

SCHOLION. Inde est, quod concessionem has strictissime accipiendas, interpretandasque esse Juri fere omnes inculcent, ita ut, quantum unquam fieri potest, minimum juri Principis decedat. CARPZ. *decis. ill. P. III decis. 287.* MYNSING. *dec. XIX. Resp. 2 n. 41. sequ.* Princeps quippe in his concessionibus semper præsumitur esse parcissimus. SIXTINUS *de Regal. Lib. I. cap. §. n. 76.* PETR. HEIG *P. I. qu. 15. n. 59. & 60.* GRIBNER. *Opusc. Tom. I. Sect. II. §. 23.* Quando igitur de alienatione aut concessionem facta liquido non apparet, res redgitur regulariter ad suum statum, & contra subditum pronunciatur.

§. LXXXIII. *Immemoriali tempore possidere* dicitur, de cujus possessione, quod aliquando eandem non habuerit, nulla memoria extat. *Memoriam vero nullam extare* tum denique dicimus, quando facti, quod scire interest, veluti in casu nostro, non possessionis, seu possessionis ab alio, quam qui possidet, habitæ notitia nulla ratione erui, & in apicum produci valet. Unde quid *possessionis immemorialis* nomine veniat, facile colligimus. Qui immemoriali tempore possidet, ejus possessio ita comparata est, ut non solum, quousque hominum memoria pertingit, semper possederit, sed & de facto contrario, quod nimirum non possederit, nec per documenta, nec per res judicatas, aliave ratione doceri valeat; quod unquam extra possessionem fuerit, non liquet, sic, ut pro re nata & pro substrata materia per mille æque ac per centum aut ducentos annos eundem possedisse præsumere possis.

SCHO-



SCHOLION. Ex dictis elucescit, quod ad possessionem immemoriam non sufficiat, ut, qui contrarii recordentur, homines tantum deficiant, seu, quod idem est, ut per testes solum in vita existentes, quousque eorum pertingit memoria, possessor se in possessione tranquilla fuisse probet; requiritur præterea, ut factum contrarium per documenta & instrumenta non doceatur. Unde nisi leges memoriæ vocabulum ad eam solum, quæ per homines in vivis existentes haberi potest, expresse restringant; uti in *L. 2. π. de aq. & aqu. plur.* factum fuisse videtur: generali temporis significatui inhærendum. Memoriam factorum nanciscimur non tantum per dicta & facta hominum, qui talia sensibus ipsi perceperint, vel ab aliis, qui perceperunt, audiverint, sed & per documenta, instrumenta, & alia fide non minus digna antiquitatis monumenta in rerum anteaclarum notitiam pervenimus. Thesauri sane per documenta æque ac per testimonia & depositiones hominum revocari posse memoriam, apud JCtos in confesso est: cur illud non peræque in possessione obtinere debeat, non apparet, & contrarium mox pluribus docebimus. Quid! quod nec veteribus generalis hæc memoriæ acceptio inusitata fuerit; uti testatur BARNAB. BRIS. ON. *de verb. sig. L. 2. voce memoria*, & apparet ex A. GELLIO *N. Att. Lib. IV. C. 3 & 6*. Leges ipsæ, in quibus temporis immemorialis fit mentio, plerumque generaliter loquuntur. Neque memoriam, per documenta suscitandam, exclusisse videtur Epitomator LABEONIS PAULUS *L. 28. π. de probat.* quando ait: *Immo cum in arbitrio quaritur, memoria facti operis exstet, nec ne: non hoc quaritur, num aliquis meminerit, quo die, aut quo consule factum sit, sed num hoc aliquo modo probari possit, quando id opus factum sit.* Leges obstantes, alias resolutas, & argumenta adversariorum confutata vide in alleg. MENCKENII *Dissert. de præscript. immemoriali &c* §. II. & III. simulque ex §. IV., non eandem, vetustam, & immemorialis temporis possessionem esse, adverte, illa, multo hac latius patente, & ad præscriptionum species multo plures sese referente, ac proin pro materia substrata intelligenda.

§. LXXXIV. De effectibus possessionis immemorialis quando dispicimus, id primo obtuitu liquet, in rebus, quarum subditus vel ex ipsius reinatura, vel ex lege prorsus in-

capax factus fuit, quarumque possessionem nullo unquam tempore penes certas personas esse jura patiuntur, temporis immemorialis possessionem nullius plane momenti esse, nec manutenentiæ effectum operari; hoc ipsum enim dum admittis, in hypothesein propositionis impingis, & subditum earum rerum, certo saltem modo, capacem esse supponis, quod absurdum. Nil igitur proderit possessio quotocunque etiam tempore continuata; siquidem nullum temporis momentum concipi valet, quo non injustam, improbam, atque reipublicæ noxiam eandem leges reputarint. Quotocunque, & ubicunque legislator, Princeps, sive judex possessorem talis rei offendit, propter intrinsecam possidentis incapacitatem, & expressam legis prohibitionem possessionem ejus nullam, & injustam esse jure enunciat; talem autem defendendam esse, quis dixerit? Jurisdictionis ecclesiasticæ, qualem sacra pagina, concilia & canones definiunt, laicus prorsus incapax est. Jura majestatis & summi imperii subditus, qua talis, per rerum naturam propria habere nequit. Quid ergo proderit subdito aut laico, etiamsi per mille etiam annos, qua subditus, qua laicus, hæc jura exercuerit? Nil certe aliud, quam ut, si bonam suam fidem docuerit, ab usurpationis poena immunis evadat, possessione subito & sine mora dejiciendus.

SCHOLION. Exempla ejusmodi incapacitatis, contra quam nullus titulus, nulla possessio allegari valet, in jure plura occurrunt. Sic in *L. 2. C. de Fundis limitrophis* HONORIUS & THEODOS. jubent, ut quicumque castellorum loca quocunque titulo possideant, ea cedant, ac deserant. Sic Judæos fundos & agros in republica possidere plurimorum locorum statuta vetant, quos proin immemorialis temporis possessio parum juvabit. Confer omnino Illust. BOEHMER. *Jur. Eccles. Protest. Lib. II. Tit. XXVI. §. 43.* ubi ait: *Allegari non posse hanc vetustatem in iis rebus, quæ possideri ab allegante nequeunt. Hoc enim ipso, quod possideri ab allegante nequeant, statim ostenditur, ille-*

*illegitime olim ea ipsa esse acquisita, si vel maxime specificata originis notitia & memoria deficiat.*

§. LXXXV. Quod si, quas Principis, & reipublicæ dominio addici communis utilitas flagitat ( §. LXVIII. ), res & jura legislator publica sanctione in proprietatem civitatis ita transcribat, ut omnem omnino in iisdem privatorum possessionem atque jus nullum, irritumque esse jubeat, neque eorundem possessores, qualicunque temporis lapsu subnixos, defendi velit, nisi expressam Principis & reipublicæ concessionem docuerint, eamque legem continua, & non interrupta observantia ita corroborarit, ut vim ejusdem ac potestatem citra supinam culpam ignorare subditorum nemo queat: tum perinde, ut in casu præcedenti ( §. LXXXIV. ) rerum atque jurium horum possessio, ut ut immemorialis esse perhibeatur, atque hominum memoriam longe excedat, neque etiam ex documentis de contrario liqueat, omni destituetur efficacia, nec ad manutendum subdito horum jurium possessori proficiet. Namque, dum legibus civitatis subditus vivere obstringitur: ea, quæ publicæ utilitatis causa sancita fuere, facto ejusdem contrario tolli atque enervari indecens utique, ac indecorum foret. Ut jam taceam, quod in ordine ad impediendam possessionum hujusmodi immemorialium, furtim non raro & clandestine initio obtentarum ( §. LXXIII. ), vim, Principes vigilantes jurium reipublicæ provisores, salutare ejusmodi leges ut plurimum edicant: quas hanc ipsam ob causam sancte custodiendas esse, sana ratio dictitat.

SCHOLION. Eatenus itaque probamus THOMASII ( Opusc. XI. ) sententiam, omnem omnino, etiam immemorialem præscriptionem in acquisitione ejusmodi jurium in subdito improbantis; quatenus vero diversum ab eodem sentiamus, sequentia manifestabunt. Enixam ejusmodi, atque expressam voluntatem legislatoris, præscriptionem omnem, consequen-  
tes

ter qualemunque possessionis vim, irritantis, contineri idem (Ib. C. III. §. IV. sub fin.) existimat *L. 6. C. de Prescript. XXX Ann.* qua adversus functiones & collationes publicas nullam cujuscunque temporis præscriptionem admittendam esse, statuitur. Item *L. 2. C. Ne rei dominica vel templorum.* Ubi talis possessio, tanquam perperam & contra leges obtenta, improbatur; in quo ipsi adstipularemur, modo non de temporum ibi, verique nominis præscriptionibus sermonem esse, probabilius alii evicissent. Neque tamen hodie desunt casus, in quibus hæc cum fructu, præsertim in vindicandis reipublicæ juri- bus, applicari possint.

§. LXXXVI. At vero pone ex adverso, rem aut jus aliquod in regula quidem ad Principis & reipublicæ domini- um publicum spectans, ita tamen comparatum, ut a sub- dito possideri non plane implicet; pone nullam proflare publicam legem, quæ qualemunque hujus juris possessio- nem, ne immemoriali quidem exclusa, Principis expressa concessione destitutam, irritam ideo, nulliusque roboris esse pronuntiet; pone ulterius, non insolens fuisse olim, nec esse hodiedum, ut in certis reipubl. districtibus *subditi*, nobilioris præsertim ordinis, hocce jus ex Principis con- cessione possideant. Quod si sub his circumstantiis, eaque reipublicæ faciæ juris ejusmodi possessor pro se immemoria- lem possessionem habeat (§. LXXXIII.); quod si nemo sit, qui contrarii recordetur, nec Principem unquam in posses- sione fuisse, aut subditum vitiose possidere coepisse, ex char- tis & documentis publicis appareat: magna sane hoc casu oritur probabilitas, possessorem, ejusque antecessores justo & legitimo idem modo, ex concessione scilicet Principis & reipublicæ, nactum fuisse, instrumentis, & documentis incendio forsan, bello, aliove casu deperditis. Verum est, quod pro Principe & republica lex, & regula, favor pub- licus, odium alienationis (§. LXIX.) & contra concessio- nem



nem facienda præsumtio (§. LXXXII.) loquatur : sed vincit has præsumptiones sub his circumstantiis temporis vetustas ; meliusque facit Princeps, ut jure suo, probabili saltem, cedat, quam ut æque probabiliter justum possessorem ac dominum depellat ; id quod naturalis ratio suadet, ipsaque æquitas, & inter duas præsumptiones collidentes exceptionem recte instituendi regulæ dictitant. Ut proin sub his, quas determinavimus, circumstantiis immemorialis possessio in rebus & juribus, in regula alias ad Principem & rempublicam spectantibus, concessionis loco merito habeatur, talemque docens legitime ejusmodi jura impetrasse reputetur.

SCHOLION. Habes hic paucis fontes jurium & privilegiorum, quibus Icti possessionem immemoriam ad invidiam usque mactant. Non possumus tamen illorum sententiæ accedere, qui tantæ eandem efficaciz esse autumant, ut omni licet præscriptione, & possessionis effectu excluso, hæc non exclusæ censetur. In juribus, & rebus privatis, atque vulgaribus vix, aut raro ejus allegatione opus est, cum brevioris multo & determinati temporis lapsu horum jura extinguantur. Non nisi igitur in publicis, aut aliunde privilegiatis juribus locum habet, quorum favor tantus subinde esse potest, ut prudentissima lege omnis possessionis, expressa concessione non suffultæ, virtus & efficacia tollatur (§. LXXXV.); quo casu immemorialis temporis lapsus parum proficiet. Non temere, nec sine causis ponderosissimis talem legem condendam esse, lubens largior : at ideo omnem omnino sanctionem, omne privilegium contra possessionis immemorialis vim, iniquam pronuntiare non ausim. Vid. CACHERAN. *Conf. XXVII. n. 26.* Sola præsumptione hujus possessionis beneficia nituntur, ut demonstravimus §. LXXXVI. hæc si fortior sit pro juribus Principis & reipublicæ ( quod in casibus, & rebus publicis particularibus contingere sæpius potest ), an tu iniquitatis legislatorem taxabis, qui reipublicæ jura non nisi expressa concessione possideri vult (§. eod. )? Absit nefas !



§. LXXXVII. Concessio Principis in acquirendis rebus, & juribus, in dominio Principis publico existentibus, titulum sufficientem & idoneum præstat (§. LXXIX). Quapropter, cum immemorialis temporis possessio sub his, de quibus diximus (§. LXXXVI.), circumstantiis, præsumtam Principis concessionem inducat (§. eod.): eandem quoque possessori titulum idoneum & sufficientem suppetitare dubio caret; neque, quo manuteneatur, subditus de alio titulo docere necessum habet (§. LXXX.).

SCHOLION Miror ergo, esse adhuc inter Ictos, qui possessionem immemoriam simpliciter rejiciunt, & cum THOMASIO in *Dissert. de præscriptione regalium ad jura subditorum non pertinente*. GEORG. BAYRO. in *delin. Jur. Civil. ad Tit. 8. de diversis temp. præscript.* p. 368. Illust. D. a LUDEWIG. in *Dissertat. de Dispari nexu Civitat. Imp. cap. VI. §. 29. seqq.* V. C. JOA. LAURENT. FLEISCHER. in *Instit. Jur. Feudal. Cap. X. §. 40.* nullum eidem inter titulos, quibus subditus ejusmodi jura sua esse prober, locum relinquunt. Præscriptionem equidem in his juribus a subdito acquirendis non obtinere, ipsi supra (§§. LXXV. & LXXVI.) demonstravimus. Ast inde non sequitur, non etiam id operari diuturnitatem possessionis, aliis præsertim non infimi momenti circumstantiis accedentibus, ut concessio legitime olim impetrata esse præsumatur; quorsum collimat RÆVARDUS in *Triboniano §. 9.* quando ait: *Ut id jure possideam, cujus acquisitio memoriam excedit, non tam lex efficit constituta, quam humanis mentibus velut tabellis æneis insculpta naturalis constitutio.* Atque Illust. BOEHMER *Jur. Eccles. Protest. Lib. II. Tit. XXVI. §. 39.* verbis: *ipsa utique ratio naturalis dicitur, vetustatem, cujus originis memoria non extat, validissimam inducere probationem, cum, qui jus quoddam possidet, optimo titulo & jure esse munitum non vero lapsu temporis demum acquisivisse.* Sententia illa, quæ præscriptionem immemoriam (melius, præsumtum ex possessione immemoriali titulum) prorsus negat, recte judicante V. C. AUGUST. GOTLOB PETERMANNO in *in Dissert. de valore possessorii summariissimi contra Principem S. R. I. & §. XIV. Machiavellinum* sapit,

sapit; dum impio Principi facultatem largitur, bona subditorum pro lubitu arripiendi. Adhibito, quod inculcavimus (§. LXXXV. & LXXXVI.), temperamento, subditis immemoriali tempore ejusmodi jura possidentibus neque graves sumus, neque in jura reipublicæ & Principis impingimus.

§. LXXXVIII. Porro, ex eo, quod ex possessione immemoriali concessio Principis præsumatur (§. LXXXVI.), nec a tempore demum, quo possessionis, memoriam excedentis, probatio suscipitur, jus nascatur, sed olim jam legitime impetratum fuisse verosimilis judici probatio fiat, contra quam, ex supposito, nulla alia fortior præsumptio militat, patet, quod temporis immemorialis possessio novum jus non producat, sed antiquum, atque legitime impetratum præsumptive saltem, & verosimiliter judici probet; ac proin possessionem, hominum memoriam excedentem, non acquirendi, sed probandi solum modum esse liquet.

SCHOLION. Plenius hæc deducit *illustr.* BOEHMER *cit. l.* atque auctoritatibus firmat. Confer quoque MENCKEN. *alleg. Dissert. de præscript. immemoriali &c.* §. XII, XV. & passim.

§. LXXXIX. Per præscriptiones certo temporis lapsu dominium, aut jus quoddam acquiritur; uti ex jure Digestorum, & Codicis notum est. Enimvero per temporis immemorialis possessionem novum jus non acquiritur (§. LXXXVIII.), sed antiquitus impetratum præsumptive probatur (§. eod.). Proprie igitur loquendo ad præscriptiones non pertinet. Ratio sane usucapionis a possessione immemoriali toto coelo diversa est. Qui usucapit, definito temporis spatio rem alienam non interrupte & bona fide possidens, ejusdem demum fit dominus, quem antea non nisi bonæ fidei possessorem, & dominum saltem putativum fuisse certum est: qui vero immemoriali tempore possidet, ideo

manutenetur, quod jam olim titulo & modo dominii acquisitivo rem acquisivisse præsumatur (§. LXXXVI.). Nul-  
lum hic definitum est temporis spatium, ex quo ipsi res ad-  
dicatur; solus ex vetustate præsumtus titulus possessorem  
securum reddit: ut adeo nonnisi improprie loquantur, qui  
præscriptionis nomine eandem insigniunt; nisi forsitan in  
juribus & controversiis privatorum allegetur, ubi per ex-  
cellentiam præscriptiones alias continet.

SCHOLION. Atque inde apparet, cur in genere supra (§§. LXXV.  
& LXXVI.) a juribus & rebus, ad publicum Principis dominium  
pertinentibus, omnem præscriptionem amoverimus, salvis, qui  
ex immemoriali possessione oriuntur, effectibus. Tempus, me-  
moriam excedens, jure civili nullibi ad præscriptiones referri pro-  
be notavit illustr. BOEHMER. *cit. l. §. 39. ex L. 1. in f. n. de  
aqu. & aqua pluvi. arcend. l. 2. n. ibid.* ubi dicitur: *Quod ve-  
tusitas semper pro lege habeatur, litium minuendarum causa.* Item  
*L. ead. §. 5. ib. Agger manufactus jure factus censetur*, cujus  
memoria non extat, item §. 7. *Fossa, cujus memoria non extat,  
aquiparatur cum ea, quæ jure facta est. l. 23. in f. eod. l. f. eod.*  
Item *ex L. 3. §. 4. n. de aqu. quotid. verbis: Ductus aqua, cujus  
origo memoriam excessit, jure constituti loco habetur*, aliisque ju-  
ris testibus contrarium potius elucescit. Jure demum canonico  
*C. 1. de præscript. in 6.* cujus verba supra (§. LVII.) retulimus,  
tempori immemoriali præscriptionis nomen inditum fuit: unde  
tandem in praxin, & usum evaluit; modum tamen loquendi ju-  
ris civilis servat *Cap. 26. de V. S.* ubi INNOCENT. III. Comiti  
Tholosano pedagia, salinaria, guldagia interdicta esse respondit  
*qua non apparerent Imperatorum vel Regum vel Lateranensis con-  
cilii largitione concessa, vel ex antiqua consuetudine a tempore,  
cujus non extat memoria, introducta.*

§. XC. Titulum possessionis suæ, seu concessionem  
juris, in regula ad Principem pertinentis, subditus, qui manu-  
teneri vult, docere atque probare tenetur (§§. LXIV. &  
LXXX.). Quare, cum possessio immemorialis tituli loco  
sit,

fit; aut saltem ea probata concessio facta esse præsumatur (§. LXXXVI.): possessionem quoque immemoriam subdito, qui in ea se fundat, probandam esse, quis dubitet?

§. XCI. Probatur autem possessio immemoralis non per testes solum, sed & instrumenta & documenta fide digna, testium rotulos juris ordine confectos, & in genere omnia ea, quibus leges vim probandi dederunt, atque requisitis legalibus (a) instructa sunt. Testes quales esse debeant, ex ipsa rei probandæ natura facile elicitur; scilicet ætate graves, qui rerum gestarum notitiam habere queant, qui deponant, se nunquam aliter vidisse, nec audivisse, verbo, ex quorum elogiis de contrario possessionis facto, aut initio nihil elucescat, sed memoria hominum, in vivis existentium, superiorem esse possessionem appareat. Id quod itidem documenta, si iisdem ad probandum tempus immemorale utatur subditus, in ore gerere debent; scilicet, quod in diplomatibus & chartis antiquis semper possessor nuncupetur, actus possessorii in scripturis authenticis consignati, vel jam olim rite probati fuerint, & his similia. Quibus a parte adversa, Principe scilicet, aut fisco, non elisis, possessorem subditum seu landsassium utique manutenendum, & ab omni ulteriori actione absolvendum esse liquet.

SCHOLION. Ætatem in testibus requirunt 54. minimum annorum KLOCK. *Tom. I. conf. 15. n. 2. seq. & Tom. IV. conf. 83. n. 12.* WESENBEC. *P. VII. conf. 137. n. 140.* SIXTIN. *de Regal. Lib. I. Cap. 5. n. 153.* D. LEYSER *de præscript. immemor. Cap. I. n. 6.* & alii; ut nimirum post pubertatem adhuc de 40. annis deponere valeant. Verum, cum præscriptio, seu potius possessio immemoralis, nulli certo ac definito tempori adscripta sit, sed solum ejusdem requisitum essentiale sit defectus memoriæ seu reminiscentiæ, qui decem annis, immo pauciori temporis intervallo contingere potest, senioribus forsan, qui rei notitiam habuere, demortuis, instrumentis vero ac documentis injuria bel-

li, incendio, aliave ratione deperditis: nullam teſtibus ætatem figimus, ſed quos aptos iudex æſtimat, nec a partibus cum ratione rejiciuntur, admittendos eſſe ſtatuímus, ita tamen, ut quantum fieri poteſt, ætate graviores præ junioribus eligantur.

(a) *L. 15. Cod. de fid. inſtr.*

§. XCII. *Memoriam initii probat*, qui per genuina, & vera probandi media iudici, aut cujus intereſt, quo tempore, quaque ratione aliquis poſſeſſionem naſtus fuerit, fidem facit. *Memoriam facti probat*, qui, quod jus, & poſſeſſio rei, quam quis impræſens poſſidet, olim ad ſe pertinuerit, legitime demonſtrat.

SCHOLION. Ita JCti hos terminos accipiunt. Conf. ill. POEHMER. *cit. l. §. 13.* MENCKEN *cit. Diſſert. §. 7.* STRYCK *de jure ſenſuum Diſſert. VIII. c. 3. n. 13. ſequ.* HORN. *claff. II. n. 3.*

§. XCIII. Quodſi Princeps, aut ejusdem fiſcus, memoriam initii poſſeſſionis, quam ſubditus immemorialem eſſe prætendit, per idoneos teſtes probet: hoc ipſo ſubditi poſſeſſionem immemorialem haud eſſe oſtendit; quomodo enim immemorialis dici poterit, quam penes ſubditum nondum fuiſſe teſtes recordantur? Quapropter, cum nonniſi immemorialem poſſeſſionem juris, ad publicum Principis dominium pertinentis, ex benigna impetratæ olim conceſſionis præſumptione manuteneri monſtraverimus (§§. LXXXVI. & LXXXVII.): poſſeſſionem, cujus initium Princeps per teſtes docuit, in hypotheſi ad manutenendum haud ſufficere, nemo dubitat (§§. LXV. & LXXI.).

SCHOLION. Veritatem hujus propoſitionis largiuntur, quotquot præſcriptione ſolum immemoriali regalia a ſubditis acquiri poſſe defendunt; ut ut memoriam tantum hominum admittant, rejecta ea, quæ per documenta & ſcripturas revocatur (§. LXXXIII. Schol.). CARPZ, *in proceſſ. Tit. XIII. Art. III. p. 6. C.*



6. & J. P. *Forens. C. XVI. def. 47. n. 16. sequ.* LINCKER. *Tom. I. Resp. II. n. 126.* MYNSING. *Cent. I. Obs. 30. & Cent. IV. Obs. 53.* R. P. SCHMIER, *J. Canon. Tom. I. Tract. II. Cap. I. n. 84. & sequ.*

§. XCIV. Immemoralis possessio cum dicatur, cujus initii aut contrarii non solum, qui recordentur, homines non extant (§. LXXXIII.), sed & de cujus origine præterea alia ratione non constat (§. eod.): patet, immemoralis possessionis nomen haud mereri, de cujus origine, quando, quaque occasione quis eandem adeptus fuerit, per documenta fide digna liquet. Antiquam, vetustam, immo vetustissimam eandem dicas, per me licet, modo ne immemoralis eidem titulum perperam tribuas (§. eodem in Schol.). Enimvero non nisi temporis, memoriam hominum effugientis, id beneficium est, ut concessionis loco habeatur (§. LXXXVI. & LXXXVII.). Possessionem itaque juris, a subdito non nisi ex concessione Principis possideri apti (§. LXXIX.), ut ut vetustissimam, probato ejusdem per documenta initio, ad manutenendum parum aut nihil roboris conferre indubium est. Præsumptioni amplius locus non est, ubi de veritate constat, secundum notoria juris principia. Pone Principem jus aliquod ad publicum ejusdem & reipubl. dominium spectans revocantem, objectam a subdito immemoralis temporis possessionem per documenta elidere, atque ex instrumentis & aliis scripturis plenam probandi vim habentibus ad liquidum perducere, quod ante 40. 60. 100. 200. aut plures annos jus illud inter bellicos tumultus, nulla prævia Principis concessione, occupavit, & hucusque negligentia officialium, aut eorum, quibus juribus reipublicæ invigilandi cura incumberebat, detinuerit. Testes nulli adsunt, qui hujus initii memoriam tenent. Sed an non idem documenta præstant? An minor his, quam testibus auritis, quales tamen in probatione memoriæ admittunt

mittunt, fides habenda? Neutiquam, sed pro circumstantiis multo illis, quam his, pleniorē rerum gestarum fidem fieri pro certo teneo, nec subditum, ducenti licet aut trecenti anni elapsi fuerint, manutenendum esse existimo.

SCHOLION. Eandem quoad initii memoriam nobiscum sententiam tenet STRYCK *de f. sensuum Dissert. VIII. Cap. 3. n. 13. sequ.* HORN. *classē II. n. 3. Illustr.* BOEHMERUS *cit. loc. §. 42.* Ubi documenta nulla admittentium sententiam iniquam non tantum, sed multorum præterea absurdorum feracem pronunciat: Namque (ait) ita contingere potest, ut intra quinquennium vetustas & immemorialis præscriptio nasceretur, peste forsitan tot hominum milia consumente in ea provincia, ut memoria omnis hominum deleta & extincta foret. Quid ergo? Si alter instrumentis possit ostendere acquisitionis initium a paucis retro annis factum fuisse, reus vero in præscriptione immemoriali se se fundaret, quod nulla hominum memoria extaret: an hic propterea absolvendus esset? an probato non jure possessoris auctori sui suum hoc modo auferendum? Minime gentium. Confer. Idem *I. P. I. Consultat. Resp. 36. n. 17. 18. & sequ.* Accedit & illa, quam supra (§. LXXII. sequ.) excussimus, fortissima ratio, quod negligentia sæpe officialium regalia hæc Principis jura perditum eant. Unde, (quidquid in rebus vulgaribus obtineat, quod hic non moramur,) æquissimum est, ut Principi saltem & reiplicæ memoriam, consequenter vitium possessionis per documenta revocandi facultas relinquatur; iniquum foret (ait MENC. KEN. *alleg. sapius Dissertat. §. XI.*) hac ratione privare rem publicam jure suo, illamque citra suam culpam sentire damnum, & documenta, tanquam unicum, quod sæpe superesse potest, remedium a contrariis probatione arceantur, hac per testes impossibili reddita &c. Quæ adversarii dubia movent, eodem loco nervose resoluta offendes. Vid. quoque R. P. FRIDERICH *de decimis n. 452. sequ.*

§. XCV. Facti memoriam contrariam quando Princeps, seu fiscus ejusdem contra subditum per testes probat, tunc intra hominis memoriam in possessione juris ad se & rem-

republicam in regula pertinentis se fuisse insimul ostendit, & per consequens subditi possessionem immemoriam haud esse, palam facit (§. LXXXIII.); quomodo enim immemoriam dicas, cujus contrarii in vivis existentes homines recordantur? Quapropter, cum sola immemorialis possessio sub circumstantiis supra explanatis concessionis loco sit (§. LXXXVII.); hæcque sola ad manutenendum sufficiat (§. LXXIX.): subditum hoc casu in possessione defendi minime posse evidens est.

SCHOLION. Hujus quoque propositionis veritatem nemo in dubium vocat. Non illi, qui ad præscriptiones temporis immemorialis lapsum referunt (§. LXXXIX.), huncque ex memoria tantum hominum in vivis existentium aestimant; utpote qualem hic non subesse, testes ex supposito manifeste probant: non etiam ii, qui propter præsumtam solum ex immemorialis temporis possessione concessionem possidentem nobiscum defendunt (§. LXXXVII.). Etenim quæ pro possidente hic præsumtio esse potest? qui ne in possessorio quidem iudicio hoc casu defendi valeret, titulata antiquiore possessione Principis per testes clare demonstrata.

§. XCVI. An ex adverso, facti memoria ex documentis suscitata, idem obtineat, atque, dum Princeps ex antiquis diplomatibus, Imperatorum concessionibus, aliisque rerum gestarum monumentis se & in possessione, & in exercitio juris controversi fuisse, manifestum facit, subditus possessionis immemorialis beneficio quoque excidat, difficilioris est discussionis. Communiter hanc non obesse subdito statuunt (a), quam diu de initio possessionis documenta non testantur (§. XCV.). Possessionis memoriam, non juris olim habiti suscitandam esse, dicunt, ut concessionis factæ præsumtio corruat; absurda alias consecutura plurima: quod e. g. subditus, qui per mille annos tranquille & bona fide possedit, producto forsan diplomate, aut conces-

Tttt

sionis,

sionis charta antiqua de possessione decedere cogi queat; id quod summam iniquitatem saperet, idemque foret, ac si possessionis immemorialis beneficia nulla prorsus admitteres. Verum his non obstantibus alii in contrariam euntes sententiam, tantam hisce documentis vim tribuunt, ut, si de jure Principis ex documentis clare constet, omnem posteriorem possessionem, expressa Principis concessione destitutam, nullam, invalidam ac vitiosam esse pronuntient. Nec sane temnendæ sunt, quas pro sua hac sententia rationes afferunt, uti ex allegata MENCKENII dissertatione videre licet. Jus Principis, ajunt, esse clarum, & manifestum; jus subditi non nisi probabile & præsumtum: non posse igitur non hoc priori cedere. “ Totius præscriptionis im-  
 “ memorialis fundamentum esse præsumtionem justî tituli,  
 “ quo munitus contra omnes debiliore jure nitentes tutus  
 “ sit. Sed quia jura itidem præsumunt, illum adhuc esse  
 “ dominum, qui olim fuit, neminemque ex nudæ posses-  
 “ sionis principio contra dominum defendunt, duas hic  
 “ præsumptiones concurrere. Nunc autem præsumtionem  
 “ justî tituli, legitimæque acquisitionis ob lapsum temporis  
 “ in possibilitate tantum fundatam esse, hanc autem do-  
 “ minii ex documento in veritate & lege. Priorem itaque  
 “ tanquam debiliore fundamento innixam cedere teneri po-  
 “ steriorem firmiori. Sufficere ergo, ut sola memoria facti do-  
 “ cumento insit, neque opus esse, ut contrariam quoque  
 “ initii memoriam contineat (b). Adde, quod temporis,  
 & possessionis immemorialis nomen mereri non videatur, de cujus contrario, & quod alius, nimirum Princeps, possederit, liquido apparet.

(a) Vid. Illust. BOEHMER. cit. locis. STRYCK de *J. Sensus*, aliiq. supra ( §. XCII. Schol. ) allegati AA.

(a) *Alleg. Dissert. de Præscript. immemor. per documenta elidenda* §. 7. sequ.

§. XCVII. Et sane, si verum dicere fas est, tanti nobis ponderis utriusque partis rationes videntur, ut, utrius sententiæ manus demus, dubii & ancipites hæreamus. Urget ex una parte possessionis immemorialis, quam supra suppeditavimus (§. LXXXIII.), notio, quæ possessionem aliam non admittere videtur, quam de cujus contrario nulla ratione constat. Loquitur pro resuscitatione memoriæ per documenta publicus favor, & in dubio adversus concessionem faciendam præsumptio (§. LXXXII.). Ex altera parte, admissis indistinctim documentis, nulla attentata temporis diuturnitate possessores regalium & rerum, in regula ad Principis & Reipubl spectantium, in perpetuam incertitudinem conjicere videmur, ut inconcinna alia præteream, quibus hanc sententiam portas pandere apparet. At vero, quoniam subditum inter & Principem ratione rerum & iurum, ex lege civitatis publica ad rempubl. & Principem spectantium, ortæ controversiæ ex jure naturali, atque jure publico tum universali tum particulari magis, quam ex civilibus legibus dirimi convenit, ac proin liberior hic æquitatis ductum sequendi campus patet, tentabimus, an non media inter utramque sententiam via incedentes, tam eorum, qui ad probandam facti memoriam documenta nulla, quam illorum, qui ea indistinctim admittunt, scopulos devitemus. Agedum! distinguamus inter *probationem memoriæ facti per documenta qualificatam*, & *non qualificatam*. Illam dicamus, quando princeps seu fiscus præter jus & possessionem antiquam, quæ documento inest, ex administrantibus aliis probationum fontibus, puta, ex actis archivalibus, antiquis protocollis, & catastris publicis, rebus judicatis, aliisque rerum gestarum monumentis, nullam post documentum, usque ad litem præsentem, concessionem factam, aut impetratam fuisse probabiliter adstruit, id quod colligi inde poterit, quod a tempore docu-



menti concessionem omnes accurate consignatas probet ; quod jurium ejusmodi possessores quolibet tempore exacte annotati reperiantur ; quod subdito aut landsassio sæpius contradictum , quin plures interea temporis actus possessorios a Principe exercitos fuisse ex actis & chartis antiquis doceat. Non *qualificatam* , seu *nudam* memoriæ facti per documenta probationem eam nuncupemus , ubi præter documenta adversus subditi possessionem immemoriam nihil producitur , sed ex his solis a fisco impugnatur.

§. XCVIII. His præmissis probatam per documenta memoriæ facti qualificatam nequiquam insuper habendam esse , sed subditum , ut possessione decedat , jure adigi posse , facile evincimus. Præterquam enim , quod stricto possessionis immemorialis significatui inhærendo , ne immemorialis quidem hoc casu possessio saluari valeat (§. LXXXIII.), ex eo , quod de concessione subdito seu landsassio facta , acta publica & possessorum indices a tempore documenti curatissime confecti nihil edicant ; quod interrupta sæpius aut contradicta saltem fuerit possessio ; quod a tempore documenti ad præsentem usque litem exiguum adeo intervallum intercesserit , ut de concessione , siqua facta fuisset , non possent non prostare monumenta quædam , omnis , quæ pro subdito militabat , præsumptio impetratæ olim concessionis corruit ; nec gravate feret , si fortiori Principis juri cedere cogatur , licet initium possessionis , quaque occasione , negligentia & conniventia ministrorum , eandem nactus fuerit , docere Princeps haud valeat. Sufficit quod , toto illo intervallo non potuisse non esse vitiosam possessionem , summa probabilitate adstruxerit , quæ concessionis interea factæ præsumptionem omnem enervet.

SCHOLION. Hucusque igitur viri celeberr. MENCKENII aut clariss. ejusdem Candidati, LOSSII, sese nobis sententia probat & docu-

documenta quoque, facti memoriam revocantia, ad infringendam possessionis immemorialis efficaciam admittimus.

§. XCIX. Aliud dicendum, si productum a Principis fisco documentum probationes adminiculantes nullæ comitentur; si a tempore diplomatis subditus per plura sæcula tranquille, non interrupte, & pacate possederit; si concessionem ita accurate consignatas fuisse probari nequeat, ut propterea in casu substrato non factam fuisse, probabiliter concludi valeat, &c. Etenim, licet proprie & stricte loquendo, producto ejusmodi documento possessio subditi immemorialis amplius dici haud possit (§. LXXXIII.); cum necessario documento posterior sit, & ab hoc minimum coepisse debeat: quoniam tamen totum illud plurimum sæculorum intervallum usque ad litem ipsi motam pro subdito loquitur, & omnes pro concessione interea impetrata præsumendi rationes adhuc in salvo subsistunt (§. LXXXVI.), merito sub his circumstantiis possessionem subditi immemoriali prorsus æquivalere statuimus, præsertim cum a tempore documenti de vitiosa origine ne verosimiliter quidem constet. Nunquid concessionum, & confirmationum diplomata interea temporis incendio, ætate, aut casu alio fatali, perinde ut in possessione immemoriali stricte tali, perditæ fuisse potuerunt? non secus ac si documentum nullum extaret; ut taceam quod ita nude admissis documentis omnis fere possessionis immemorialis vis & potestas corrueret, & simpliciter ea admittentium sententia vix a Machiavellismi nota liberari valeat (§. LXXXVII. Schol.): Pone subditum in possessione constitutum antiquissima, ita ut a plusquam 500. annis de eadem docere possit, initium vero plane in abscondito lateat. Producit fiscus documentum ante hos nongentos annos confectum, ex quo jus a subdito possessum ad Principem pertinuisse liquido apparet, aliis

Tttt 3

autem

autem probationibus adminiculatoriis ( §§. XCVIII. & XCIX. ) prorsus destituitur. An propterea subditus per octingentos forsan annos tranquillus possessor deiciendus erit? Nemo, nisi aliæ publici boni rationes concurrant, hoc sanus dixerit. Si, stricte loquendo, illud intervallum immemoriale non est, in ordine tamen ad effectus possessionis immemoralis ex adductis rationibus omnino pro tali habendum erit.

SCHOLION. Unde apparet, quatenus cum BOEHMERO, STRYCKIO, HORNIO, aliisque, nullam facti memoriam per documenta admittentibus, faciamus. Mediam hanc viam tutissimam remur, & rectæ rationi convenientissimam. Si quis meliorem monstraverit, sequi non aspernabimur.

§. C. Jactis his principiis generalibus, in rem nunc præsentem veniendum, monstrandumque erit, non invita Themide dicta, & demonstrata hætenus ad regalia Principum applicari; quo ipso sententiæ, quam initio dissertationis nostræ ( §. V. ) adoptavimus, indubium constabit veritatis robur, neque aliis, ad dispellenda adversariorum tela, armis opus erit. Agedum ipsos regalium fontes, quantum & temporis ratio patitur, & ad scopum præsentem facit, paucis indagemus.

§. CI. Palmarii itaque fundamenti loco ex juris publici universalis doctrina præponimus, quod, sicut congenita homini naturalis in explendis rite officiis suis insufficientia ad saluberrimum societatum civilium institutum manu quasi duxit, & coadunationem virium sub civili imperio tanquam medium, defectum singulorum supplendi efficacissimum ipsa naturalis ratio innuit, ita idem ipsum rectæ rationis lumen in quolibet coetu civili summos Magistratus constituendos esse jubeat, in quos communi consensu, ea omnia,

nia, quæ salutem & tranquillitatem communem promoverent, ordinandi, constituendi, exequendique potestas conferretur. Summa hæc potestas, summique Magistratus constitutio cætui civili ita essentialis, & necessaria est, ut, qui hac destitutam sibi rempublicam fingit, monstrosam potius chymæram in cerebro concepisse dicendus sit (a).

(a) Confer. in Tom. II. Opusculum de eo, quod jure publ. Universalis, & particulari Imp. R. G. circa suffragia Majora juris est. §. 1. & multis sequentibus aliis.

§. CII. Summo huic in republica magistratui, quem Principis impofterum generali nomine indigitabimus, civitatem regendi, conservandi, instaurandique curam incumbere per se liquet, & officium ejus luculenter declarat (§. CI.). Pluribus igitur eundem juribus instructum esse oportet, quæ sine in recte gubernanda republica versari nequit, & quæ totidem veluti partes potestativas summi, quod penes ipsum est, imperii absolvunt. Complexus hic jurium, Principi vigore summæ potestatis competentium, *majestas* cum dicatur, jura illa *majestatica*, *summi Imperii*, vel *supremæ potestatis* nuncupant.

SCHOLION. Summi quoque imperii jura *regalia*, & quidem ad distinctionem regaliæ minorum, de quibus mox, *majora* vocari noto notius est; haud dubie, uti ait THOMASIUS (a), quia eo tempore, quo hæc vox in usu esse cœpit, nomen regaliæ admodum frequens erat, ac in regibus omnium optime hæc jura conspici poterant.

(a) Dissertat. de præscript. Regal. ad jura subditorum non pertinente Cap. I. §. 7. Ubi simul diversos hujus vocis significatus offendes.

§. CIII. Omnium summæ potestati competentium jurium calculum hic inire opus non est. Interim qui societatis



tis civilis & summi imperii indolem perspectam habent, ea facile determinare poterunt. Omnis quippe facultas, qua sine recta reipublicæ gubernatio, & civilis coetus conservatio non subsistit, quæque ex civili imperio essentialiter fluit, in censum jurium majestaticorum referenda: sic jus ferendi leges, jus ordinandi judicia, jus constituendi magistratus subalternos, jus conferendi dignitates, jus irrogandi poenas, jus indicendi & imponendi collectas, jus belli, jus pacis, jus foederum &c. summi imperii, sive majestatis partes essentielles esse constat; cum sine hisce juribus integra in summo Magistratu seu Principe potestas nullo modo concipiatur.

SCHOLION. Quod autem DD. in fingendo jurium summæ potestatis numero tam variant, ita ut cum CHASSANÆO ducenta & octo alii, alii plura, alii pauciora referant (a), ea haud dubie ratio est, quod quidam non nisi genera enumerent, aliis, ad singulas sub generibus contentas species eundo, in infinitum pene eorundem numerum augmentibus. Jus ferendi leges, jus ordinandi judicia, jus collectandi &c. genera sunt, quorum si singulas species enumeras; v. c. jus leges interpretandi, jus mandata, edicta, & rescripta edendi, jus privilegia concedendi, jus aggratiandi, jus concedendi veniam ætatis, jus ordinationes politicas condendi, &c. quæ sub jure ferendi leges continentur, non potest non vastus evadere jurium majestaticorum numerus (b). Accedit quod ad jura summæ potestatis multa vulgo referant, quæ non nisi ad regalia propria dicta pertinent.

(a) CARPZ. *de Regal. C. I. Aphor. 10.*

(b) Illust. D. SCHEFFER. *de Regalib. in specie S. R. I. Cap. IV. §. 12. & 13.*

§. CIV. Ut salus reipublicæ communis actu promoveatur, & Princeps, seu summus magistratus, efficaciter suo defungi valeat officio, sumtus haud modicos faciendos esse, res ipsa loquitur. De rebus igitur, & proventibus certis



tis & stabilibus, ceu nervo rerum gerendarum Principi provifum fit, necesse est. Enimvero, quo sine publica civitatis falus, & summi magistratus officium non confiftit, illud ad jura majestatis referendum ( §. CII. ). Quare in hunc quoque censum jus, redditus Principi certos ac fixos constituendi, stabiliendique, referendum esse constat.

SCHOLION. Adde, quod & recreationi, & innocuo Principis oblectamento pro pensatione aliquali curarum, quas pro publica salute quotidie sustinet, non nihil dandum fit.

§. CV. Porro, quoniam penes Principem, seu summum Magistratum, summa reipublicæ potestas refidet ( §. CI. ); hæc autem ut externis etiam simulacris civibus se se conspicuam præbeat, summopere refert ( a ): supremo quoque magistratui, majestatem, ejusque subjectum, Principem prærogativis, eminentiis, titulis atque juribus, summitatem ejus externe manifestantibus, augendi, jus competere certum est.

(a) Perill. L. B. de WOLFF. *Polit. Cap. V. §. 466.*

§. CVI. Duo hæcce majestatis jura fontes nobis com-  
monstrant, ex quibus, ceu rivulis, *jura regalia*, in specie ita dicta, sive *minora*, prono alveo derivemus. Jura quippe, prærogativæ, & eminentiæ, quibus in signum splendoris externi, & summitatis manifestandæ causa Principis & reipublicæ majestatem augere convenit ( §. CV. ), ex intrinseca summi imperii essentia determinatæ non sunt; cum alias nullum in iis constituendis Principis officium esse posset. Pro arbitrio igitur & voluntate summi magistratus, atque populi determinandæ veniunt. Pari ratione, quibus in rebus proventus, & redditus Principi & reipublicæ necessarij constituendi; quæ hunc in finem jura, quas res in

Uuuu

specie,

specie, atque in individuo privative in reipublicæ proprietatem transcribere oporteat; ex summi imperii essentia minime liquet. Species ergo, & individua jurium istorum & rerum ipsi Principi atque summo magistratui ulterius figenda relinquuntur. Has itaque prærogativas, hæc & eminentias, queis majoris splendoris gratia Princeps summum imperium auget, item jura, quæ tum communis, tum propriæ (§. CIV. Schol.) utilitatis causa privative in suam atque reipublicæ proprietatem virtute summi imperii transcribit, *regalia* dicimus; quorum adeo fontes, natura & indoles obscura amplius esse nequit.

SCHOLION. Dicuntur hæc jura regalia a subjecto summæ potestatis, cui cohærent. Rationem supra (§. CII. Schol.) innuimus. Qui majestatica jura *regalia majora* vocant, hæc *minora*, item, quoniam utilitatis plerumque & redituum causa constituta sunt, *regalia fisci* appellant; licet, si propius summæ potestatis indolem rimemur, fisci utilitates multo latius pateant, & multos verorum jurium majestaticorum effectus comprehendant; veluti sunt mulctæ, bona quæ in commissum cadunt, hereditates, quæ ut indignis auferuntur, & plura alia, quæ tanquam fructus & utilitates jurium summæ potestatis considerari queunt. Qualiacunque tamen Principis jura utilia sub regalium nomine comprehendi, notum est: nec praxis eam differentiam adeo anxie observat; in quo nec nos erimus difficiles, cum paribus fere juribus fruuntur.

§. CVII. In Principe jus seu facultatem, constituendi regalia, concipimus (§§. CIV. & sequ.). Eatenus igitur regalia summæ potestatis effluvia esse apparet. Postquam vero summo imperio voluntate summi magistratus annexa fuere, in censum quoque jurium, Principi qua tali competentium, & ipsa referenda veniunt, atque inde regalium nomen induunt.

§. CVIII.

§. CVIII. Interim tamen a juribus majestaticis proprie ita dictis ( §. CII. ) multis modis regalia hæc jura differunt. Hæc per se & sua natura partes summi imperii integrantes non constituunt, neque ex ejusdem essentia fluunt (§. CVII.). Unde salvo quoque summo imperio abesse possunt: quæ de majestaticis juribus omnia secus se habent. Illa, si Principis voluntate & publica civitatis lege in numerum regalium relata haud fuerint, non alia censentur a juribus privatorum, eorumque quilibet civium capax est: v. c. jus metallifodinarum, si in se & intrinsece spectetur, abstrahendo a civitatis publica lege, in privatorum proprietate esse non implicat, nec essentialiter ad jura reipubl. pertinet. Unde regalia hæc adventitia summæ potestatis jura esse, apparet.

§. CIX. Ad summi magistratus officium pertinet, ut civium & subditorum salutem pro virili promoveat, & in possessionibus præsertim, atque tranquillo usu rerum suarum iis quam minime gravis accadat. Quapropter in regalium quoque constitutione majestaticum hocce officium sancte custodiet. Prærogativas & eminentias, quibus majestatem auget, tales esse oportet, quibuscum jura subditorum in salvo subsistant: quando res & jura quædam in suam & reipublicæ proprietatem jure perpetuo transcribit, indeque regalia efficit (§. CVII.), ab iis rebus ordiatur, quæ in privatorum nondum dominium transierunt, neque necessariae vitæ sustentationi inserviunt: in illas res jus & dominium privativum sibi asserat, quibus aut facile carent subditi, aut quæ, si in privatorum quoque eas usu & commercio esse interest, multo tamen melius Principis & reipublicæ opera excoluntur, atque perficiuntur, multoque commodius per manus Principis ad privatos transeunt. His regulis probe custoditis, quin optimo jure sibi Princeps & reipublica regalia constituent, dubium non est.

SCHOLION. Quibus qualitatibus res & jura, privative Principi transcribendas, præditas esse oporteat, ex dictis simul elucescit. Conferantur quæ supra (§. LXVIII.) hac de re edisseruimus.

§. CX. Quæ proin jura, quasque res in specie Princeps sub regalium nomine, & vi juris majestatici constituendi regalia (§. CVII.), proprias sibi facere, & privatorum commercio eximere valeat, ex indigitatis (§. præcedenti) regulis facili nunc opera eruere, atque ulterius determinare possemus, nisi ea tractatio ab instituto aliena foret. Jus in omnis generis metalla & mineras, jus in feras, pisces & aves, jus in thesauros, jus in bona vacantia, jus in bona, a nullo adhuc occupata, jus in prædia deserta, jus in flumina & insulas in iis natas, jus in alveum, jus in accensiones fluminum & litoris, jus in sylvas & foresta, & alia ejusmodi plura in hunc censum trahenda esse, & a Principe tanquam regalia jura & sibi & reipublicæ privative vindicari, nullo inde negotio colligimus.

SCHOLION. Id tamen velim advertas, multum in constituendis regalibus arbitrio Principis & populi relictum esse; nec in omni republica eadem deprehendi. Varia ea, atque diversa sunt, pro natura & situ locorum, nec non pro rebus, quas quælibet terra producit. Non omnis siquidem fert omnia tellus. Variat quoque regalium numerus pro diversitate formarum regiminis: sic in monarchiis, & mixtis quibusdam regiminum speciebus plura longe, & extantiora, quam in democratiis aut aristocratiis offendimus; eoquod externus majestatis splendor in illis plura multo, quam in his summitatis symbola requirat: multa quoque, quæ in democratiis aut aristocratiis libera cuivis, & inoccupata relinquuntur, in monarchia Princeps optimo sibi jure vindicat. Conferatur omnino ULR. HUB. *de J. Civit. Sect. IV. Cap. IV. n. 48.* ibi: *Sed populi, Principibus suis assignaturi certos redditus, nihil prius invenere, quam quod sine ullius injuria vel damno dare poterant. Nullius scilicet res, ut sunt metalli fodina, fera bestia, volucres, pisces, id est, jus venandi, aucupandi, piscandi,*

*di, denique naufragorum bona, qua a nemine vindicarentur; item thesauri inventoribus acquirendi, etsi illa secundum usus gentium varios aliter, aliterque se habeant. ZIEGLER de J. Maj. Lib. II. C. XIX. §. 15.*

§. CXI. Subditus, qua talis, est persona summo civili imperio subjecta. Qui vero regalia majora, sive majestatis jura, qua talia, possidet, civili in alium imperio pollet. Subditus igitur qui est, non simul, qua talis, civilis imperii particeps esse, neque majestatis jura possidere poterit; cum nemo sibi ipsi imperare valeat, atque, eodem respectu, imperantem simul & subditum esse implicet. Idem etiam hac ratione elucescit. Regalia majora, sive jura majestatis, qui possidet, eo ipso summi magistratus & imperantis personam gerit (§. CII.). Quatenus igitur majestaticis juribus instructus est, eatenus per rerum naturam subditi personam gerere nequit, & vicissim. Unde subditum, qua talem, jurium summi imperii prorsus incapacem esse, in propatulo est (§. XXVI.).

SCHOLION. Studio dixi, subditum horum jurium, qua talium, incapacem esse; namque subordinate & tanquam jura eximia dependenter a summa potestate eadem a subdito haberi, minime implicat. Vid. ZIEGLER *J. Majest. Lib. I. Cap. II. §. 18.*

§. CXII. Quoniam itaque subditus, qua talis, intrinseca, regalia majora possidendi, incapacitate laborat (§. CXI.): nunquam ejus possessionem pro manutenibili haberi posse, facile colligitur (§§. LV. LVI. & sequ.).

§. CXIII. Nec minus inde confit, nunquam hoc casu judicio aut petitorio, aut possessorio subditum experiri posse, intrinseca ipsi incapacitate, & defectu tituli semper obstante. Jure igitur & ex officio eandem Princeps advocat, atque nulla prævia causæ cognitione, spuria & mala fidei (§. XXI.) subditum possessione dejicit (LXVII.).

Uuuu 3

§. CXIV,



§. CXIV. Pari ratione, nullam hoc casu subdito suffragari præscriptionem, ex demonstratis supra (§. LXXV.) satis elucescit. Quin, cum jura majestatica subdito, qua tali, ne concedi quidem ulla ratione valeant (§. CXI.): ne quidem in immemoriali possessione (§. LXXXVI.) subsidium aliquod quærere poterit; & etiam si per mille annos regale majest. exercuerit, nec tamen subditi unquam personam exuerit, jure de possessione, quæ toto illo intervallo non nisi spuria, aut putativa fuisse potuit, dejicitur (§. LXXXIV.).

§. CXV. Porro, quoniam criminis læsæ majestatis, vel superioritatis, reum se facit, qui contra Principem & rem publicam dolo aliquid malo machinatur (a); in summam autem reipublicæ potestatem vel maxime committat subditos, qui vafre & dolo malo jura summi imperii usurpat: a læsæ majestatis vel superioritatis, crimine absolvi eundem non posse evidens est.

SCHOLION. Hinc est, quod LL. civiles pœnas acerrimas in Majestatis violatores, & jurium suprematus usurpatores statuerint. Qui privatus pro potestate quid sciens dolo malo gesserit, lege Julia Maj. tenetur L. 3. *¶. ad L. Jul. Majest. & tot. tit. Cod. de privatis carcer.* Qui vestigal novum instituit, incidit in pœnam legis Jul. de Ambit. L. un. §. 3. *¶. ad L. Jul. de Ambit. & legis Jul. de vi publica L. 12. ¶. ad Leg. Jul. de vi publ.* Qui monetam clandestinis sceleribus exercet, capitis pœnam subit, *Tit. Cod. de falsa monet. Ordinat. criminal. Art. 111.* Qui regale jus armorum usurpant, ex lege majestatis puniuntur L. 3. *¶. ad L. Jul. Majest.* item ex L. Julia de vi publ. L. 1. 2. & 3. d. 1. Quin idem in reliquis summi imperii juri-  
bus obtineat, dubium non est.

(a) L. 1. §. 1. *¶. ad L. Jul. Majest. §. 3. Inst. de Jud. publ.*

§. CXVI. Quod si vero subditus non qua talis, sed qua co-imperans, & status reipublicæ, participans de summo







nomen non mereri, facile constat. Id quod majestatici hæc jura habent, illud omne fere penes Principem & rempublicam permanet ( §. CXVI. ). Quidquid ea splendoris, & eximii subdito seu landfasso possessori conciliant, id omne a nobilitate objecti, & quod a summa potestate penitus divelli nescia, ad eandem se se necessario referant, provenit.

SCHOLION. Interim tamen hæc ipsa objecti nobilitas & dependentia illa necessaria a summo imperio effecit, ut & in subdito subordinata hæc majestatis jura regaliū nomine salutarentur, Ut proin tria, aut potius quatuor regaliū genera nanciscamur, quæ probe secernere debent ii, qui confusiones in hac materia devitare volunt. Ad *primam classē* pertinent regalia majora ( §. CII. ), seu jura summi imperii. Ad *secundam classē* referimus jura percipiendi utilitates, quæ exercitium ipsum jurium majestaticorum, seu regaliū majorum consequuntur ( §. CVL Schol. ). Ad *tertiam classē* spectant regalia proprie, sive in specie ita dicta minora ( §. CVI. ). Jura denique summæ potestati subordinata, proprio tamen & perpetuo jure a subditis seu landfassis possessa, *quarta sibi classis* vendicat.

§. CXIX. Id tamen adhuc monere consultum duximus, quod, quando jura summæ potestatis omnia, tam majora ( §. CI. seq. ), quam minora ( §. CVI. ), in subditum nobilioris ordinis jure perpetuo conferuntur, ita ut in vasto & amplo satis, quem proprio jure tenet, districtu illimitata pene summi imperii jura exerceat, nec administratoris amplius, sed proprio potius jure imperantis persona defungatur, subordinata, quæ possidet, summi imperii jura regaliū nomine per excellentiam, & in proprio velut significatu ( §. CII. Schol. ) dignanda veniant; quippe, in quibus ea exercentur, territoria & provinciæ novarum jam rerum publicarum, vinculo quodam dependentiæ cum superiori republica connexarum faciem induunt.

SCHO-











non per testes solum, sed & documenta, & acta publica jure revocet, iisdem locis (§. XC. XCI. & XCIII. seq.) affatim a nobis explanatum fuit: ut proin, quando & qua ratione subditus, seu landstussus, in possessione jurisdictionis, juris collectandi, juris statuta & leges condendi, aut alterius eminentiorum horum jurium, quorum exercitium in regula ad Principem pertinet, possessione defendi, quidque hunc in finem probare debeat, liquide pateat, nec singulas jurium horum, supremæ Principis potestati subordinatorum, species percurrere necesse sit. Sed neque id inculcare opus est, quod, quæ hæcenus de juribus his, ad quartam regaliū classē (§. CXVIII. Schol.) spectantibus demonstrata fuerē, easdem plane ob causas ad regalia secundæ classis (§. eod. Schol.), sive utilitates, quæ regaliū majorum cœus fructus & sequela sunt, si subditus in eorundem possessione manuteneri cupiat, applicanda, nec aliis ex fontibus circa hæc exportæ controversiæ definiendæ sint. De regalibus igitur minoribus, seu tertiæ classis (§. eod.), quid obtineat, ut inquiramus, superest.

§. CXXV. Rationes regaliū minorum, in republica constituendorum, in eo sitæ sunt, ut proventibus certis fixisque respublica & Princeps instructus sit (§. CIV.), nec non, ut major summæ ejusdem potestati decor & splendor concilietur (§. CV.). Sine proventibus ac redditibus, rempublicam subsistere posse, aut summæ potestatis splendorem non modis omnibus augendum esse, quis dixerit? Media igitur sunt, eaque necessaria, quæ sine nec explicari summæ potestatis jura, nec eorundem decor integer subsistere valet.

SCHOLION. Recte proin de hisce juribus scribit D. ab EINSIEDEL in tract. de Regal. Cap. I. n. 29. verbis: *Reliqua regalia ad majestatem etiam quidem, sed alio spectant modo: nimirum non essentiam, sed existentiam tantum ejus concernunt, ac, ut illi finem hunc assequi melius possit, media præbent faciliora, eidemque in genere, vel juribus ejus essentialibus inserviunt.* Confer. quoque D. AUGUST. GOTTL. PETERMANN. *Diff. de Valore* pos.



*possessoris summarissimi contra Principem &c. §. 4. & §. 11. item auctor deductionis supra ( §. CXXI. Schol. ) allegatz Cap. III. §. 19. cum ibi citatis.*

§. CXXVI. Princeps igitur, seu penes quem *το Κυριον* in republica residet, plena in constituendis regalibus potestate gaudet (§. CX.); præsertim si, quæ actujam in proprietatem privatorum concesserunt, subditis illibata relinquat, nec fundorum dominos iis, quæ plenoipsis jure quæsitæ sunt, exuat; nec populi aut procerum consensu opus habet, nisi fundamentalis civitatis lex aliud præferat. Eodem sane jure, quo leges condit, quo magistratus ordinat, quo foedera, quo pacem sancit, eadem quoque potestate regalia sibi & reipublicæ jura constituit; perinde *liquidem* ut sine magistratibus & legibus, sic absque regalibus *respublica* consistere nequit (§. CXXV.).

**SCHOLION.** Hæc minus dubia videbuntur, si modo perpendamus, in republica vix dari res nullius, sed omnia aut singulorum esse, aut Principis & reipublicæ, ita ut, quæ in privatorum dominio non sunt, Principi propria esse censenda sint, juxta HUGONIS GROTII *de J. Belli & Pacis Lib. II. Cap. II. §. 4. & Cap. III. §. 5. & 19. junct. Cap. VIII. §. 9.* PUFFENDORFFII *Jur. Nat. & Gent. Lib. IV. C. VI. §. 4. & C. VII. §. 12.* BOEHMERI *Jur. Publ. Univers. Part. Spec. Lib. II. Cap. X. §. 567.* & GRIBNERI in *Dissert. de Prajudiciis Princip. Imperii ex abusu juris Justinianei Cap. III. §. 4. lit. b.*, aliorumque veriorems juris publ. philosophiam. Si Imperatores Romani in asserendis sibi rebus, extra dominium & commercium quasi privatorum constitutis, minus providi, aut, si mavis, benigniores fuere, id Principibus aliis, & in specie territoriorum dominis ne hilum derogat. Aliud etenim Teutonicis nationibus placuit, qui, cum Principibus ac Regibus bona quædam essent assignanda, unde dignitatem suam sustinerent, sapienter existimaverunt ab illis rebus incipiendum, quæ sine damno cujusquam tribui possent, cujusmodi sunt res omnes, quæ in dominium nullius pervenerunt. Unde ( ut laudati modo GRIBNERI *cit. l. verbis*



tum est: majestatem, atque summam Principis potestatem sanctam & inviolabilem nemo non enunciaturus est; utpote in quam, quæ committuntur, crimina omnium atrocissima habentur (a). At vero supremæ Principis potestatis partes, adventitias licet (§. CVIII.), regalia quoque minora constituunt (§§. CVII. & CXXV.). Quare & hæc sancta, atque inviolabilia esse apparet.

SCHOLION. Regalia quippe majora, sive majestatis jura, essentiali quadam & intrinseca sanctitate atque inviolabilitate præfulgent, quam publicæ civitatis leges & Principis voluntas regalibus minoribus, eo ipso, dum partes easdem supremæ potestatis efficit, conciliat. Reipublicæ scilicet, & essentialium summi imperii jurium nervus sunt (§. CVI.); quo sine totam civilem compagem flacescere necesse est.

(a) *L. 1. π. ad L. Jul. Majest.* ZIEGLER *de Fur. Majest.* Lib. I. Cap. II. §. 2.

§. CXXIX. Subditus, dolo malo usurpans regalia majora, in crimen læsæ majestatis vel superioritatis incidit (§. CXV.). Enimvero regalium minorum, postquam lege civitatis publica ad jura Principis & reipub. relata fuere, eadem est ratio. Sancta igitur sunt & inviolabilia (§. CXXVIII.), atque in iisdem ipsa simul essentialia summi imperii jura læduntur (§§. CIV. CV. & CVI.). Quapropter regalium quoque minorum dolosos usurpatores læsæ majestatis, seu superioritatis, criminis reos se se facere in aprico est.

SCHOLION. Siquis e. g. metalli fodinarum, salinarum, aut vendendi jura, publica civitatis lege & communi observantia ad utilitates Principis & reipublicæ translata, dolose exerceat, eaque sibi asserere nefarie præsumat, hunc a læsæ majestatis, sive superioritatis, pœna immunem pronunciare, quis nisi ipse boni publici osor ausit? recte judicante ZIEGLERO *de Fur. Majest.* Lib. II. C. XVII. §. 37. Quod, si quis privatus usurpare talia velit,

velit, quæ regalia attingunt, cavere sibi debeat, ne in gravissimum læsæ majestatis crimen incidat per *L. 3. π. ad Leg. Jul. majest.* quod evitare vix poterit, nisi consentientem sibi quodammodo habeat Principem. Illustr. D. ab EYBEN *de Jure vendendi §. XVI. n. 4.* cum ibi allegatis, ipse licet quoad jus vendendi contrarium sentiens.

§. CXXX. Atque inde elucescit, quam sollicite curare debeant subditi & landsassii, ne in sacra hæc Principum jura involent, aut temerarias regalibus manus admoveant. Nativa certe, ipsique societati civili coæva obligatio ad finem communem, salutem scilicet publicam, pro viribus concurrendi, eaque omnia grata, rataque habendi, quæ a summa potestate constituta, atque ordinata fuerint, hoc ipsis officium insinuat. Accedit, quod regalium constitutio ipsa ex summo imperio profluat (§. CXXVI.), proptereaque sancta, & inviolabilia a subditis merito habenda sint; ac proin, si non poenarum metus (§. CXXIX.), internum saltem conscientiae dictamen & defæcior civilis ratio jurium, ad Principem & rempublicam spectantium, detentores non solum, ut ab omni usurpatione abstineant, sed &, ut illegitime acquisita ocys demittant, impellere debebat. Aliter qui sentiunt, ii perpendant velim, quod sicut privatorum fundos & prædia citra atrox usurpationis & contrectationis crimen invadere nemini licet, ita a potiori, qui regalia Principis & reipublicæ jura temerarie sibi arrogant, rerum, ad se non pertinentium, improbi usurpatores audiant.

§. CXXXI. Quin, cum cuique res suas a quocunque possessore avocandi vindicandique jus competat, id peculiari quadam ratione in officiis Principis positum est, ut sua & reipublicæ jura intaminata servet, &, quæ nulla legitima via ad privatos pervenerunt (§. LXXV.), sine mora inde avocet. Subditos in tranquilla bonorum suorum pos-

sessione cum sumptibus haud modicis Principes defendit. Ecquis igitur, ut suum quoque reipublicae vindicet, asseratque, aegre feret? praesertim, si res illae, atque iura rectae administrationi iustitiae tanquam media inserviant (§. CIV.), ac sine iisdem non possit non emarcidus, inermis ac debilis reipublicae status evadere. An non summa ea stoliditas est, id invidere Principi, quod probi omnes volunt, ambiuntque: suum ut cuique tribuatur?

SCHOLION. Nova ratione hoc Principis officium inde proplectitur, quod pleraque regalia minora ad domanium reipublicae spectent; teste CHOPINO de *Domatio Gallico Lib. I. tit. II. §. 3.* BRUCKNERO de *Domatio Regni Germ. Cap. VI. §. 10. sequ.* SECKENDORFF in *Teutschen Fürsten, Staat P. III. C. I. §. 1. p. 365.* Enimvero, domanium reipublicae ut integrum servet, atque collapsum restituat, vel maxime Principi incumbere, & finis, & ratio constitutorum domaniorum innuit.

§. CXXXII. Regalia minora, qua specificè determinata (§. CVI.), cum summo civili imperio essentialiter non cohaerent, sed ex libera Principis & reipublicae voluntate demum adjiciuntur (§. eod.). Quo minus igitur in manibus privatorum sint, & a subditis possideantur, nil obstat.

SCHOLION. Idque experientia satis comprobatur; quin in multis regionibus jura, quae in aliis regalia sunt, adeo libera eoque relinquuntur, ut ne ad eximia quidem reipublicae, aut privatorum jura referantur. Ceterum, quae supra (§. CXVIII.) demonstravimus, quod scilicet regalia majora subordinate, & dependenter in subditos aut landssassios translata stricte loquendo, quatenus penes subditum sunt, ne regalium quidem nomen mereantur, ea a fortiori ad regalia haec minora applicanda erunt; & si aliud usus servat, ejus ratio haud dubie inde repetenda, quod in rebus publicis, ubi jura haec regalia ex lege ad Principem & rempublicam pertinent, subditis non nisi subordinate & dependenter, perinde ut jura majestatis superiora (§. CXVII.), eadem concedi soleant, consequenter propter dependentiam; & ne:



cessariam relationem ad superiorem, in subdito etiam & landfassio regaliū nomine dignentur; in favorem potius, & ad manifestanda Principis jura, quam in subditi, aut landfassii prerogativam aliquam.

§. CXXXIII. Modos acquirendi regalia minora quod attinet, primo quidem, ex iisdem plane, quibus supra (§. LXIX, seq. item §. CXX.) usi fuimus, fundamentis, prescriptionem arcessimus; utpote, quæ cum constanti & perpetua subditorum, regalia Principi suo relinquendi, ac dimittendi obligatione (§. CXXX.), cum regaliū necessitate (§. CIV.), sanctitate & inviolabilitate (§. CXXVIII.), cum Principis continua possessionis, legitime non impetrata, interruptione (§. CXXXI.), & necessario inde secutura possessorum mala fide (§. LXX.) neutiquam consistit.

SCHOLION. Hæc sententia, ut æquissima est; ita post exultant magis juris publici universalis doctrinam præstantissimos Jctos patronos nacta est. Quos inter PAURMFIST. *Tr. de Jurisdic. Lib. I. Cap. XXIII. n. 28.* SUTHOLT. *Disput. VI. thes. 13.* THOMASIUM in *Dissert. de Prescript. Regal. ad Jura subditorum non pertinente Cap. III. §. 3.* a LUDWIG in *Opusc. miscell. Lib. I. Opusc. VII. §. 29. 30.* BEIERUM in *Specimine Jur. Germ. Lib. II. Cap. II. §. 38. sequ.* HORNIUM in *Architect. de civit. Cap. IX. §. 19.* D. HEINECCIUM in *Elem. jur. civil. ad n. tit. de usurpat. & usucap. §. 225.* D. FLEISCHERUM in *instit. juris Feudal. Cap. IX. §. 50.* nominasse sufficiat; qui cum eandem quoque suam sententiam ad prescriptionem immemorabilem extendant, multo magis de prescriptione, proprie ita dicta, intelligendi erunt. Civilia de prescriptionibus jura huc trahentium opinionem inter abusus juris Justiniani recte refert celeberr. GRIBNERUS in *Dissert. de præjudiciis Principum imperii ex abusu juris justiniani Cap. III. §. 6. lit. c.* non iniquum esse pronuntians, ut Principes in his alio, quam inter privatos statutum est, jure utantur.

§. CXXXIV. Perinde igitur, ut de regalibus majoribus evicimus (§. CXXII.), sola, qua regalia minora impetrentur, Principis concessio superest. Hæc possessionis legitimæ & justæ titulum, & rationem sufficientem continet (§§. LXXIX. & cit.). Hoc ipso enim, quod jura quædam publica civitatis lege, vel tacita etiam observantia in Principis ac reipubl. proprietatem privative & exclusive transcripta, atque in numerum regalium relata fuerint, per rerum naturam modi, quibus inde avellantur, alii, quam præscriptio, & concessio Principis atque reipublicæ concipi nequeunt. Quare demonstrato, quod præscriptio in acquirendis a Principe regalibus locum non inveniat (§. LXXV. sequ. & §. CXX.), quid, nisi beneficium, & concessio Principis restat? Omnem aliam subditis & landfassis viam publicæ, atque fundamentales reipublicæ, nec non territoriorum leges præcludunt.

SCHOLION. Atque inde patet, quanti momenti sit, ut de veritate propositionis, qua præscriptionem adversus Principem in regalibus nullam obtinere demonstramus, plene convicti simus. Qui nullis privatis commodis ducti, nec, nescio quæ vesana opinione fascinati, in juribus hisce eximiis æquali pene cum privatis Principem linea collocantes, ex genuinis principiis, & legum publicarum fontibus, controversias circa regalia, Principem inter & subditum dijudicant (§. CXVII.), veritatem ejusdem facile capient. Confer, quos §. præced. in Schol. nominavimus, idem nobiscum sentientes JCros, aliaque, quæ in antecedentibus passim adduximus, DDrum testimonia.

§. CXXXV. Sed nec, si Princeps aut respublica vigore competentis sibi circa leges ferendas supremæ potestatis, publici boni causa, & ad præcludendas clandestinas in regalia sua jura invasiones, atque usurpationes, omnem possessionem, expressa Principis concessione destitutam, ne  
imme-

immemoriali quidem exclusa, prorsus enervavit, adeo, ut, qui concessionem a Principe factam docere nequit, regaliū possessionem sibi dimittendam esse scire debeat (§. LXXXV.), immemorialis tum possessio subditum aut landfassium quidpiam relevabit (§. cod.), frustra que hoc casu subditus alio, quam concessionis expressæ, medio regalia possidendi incapax redditus, in temporis, memoriam defu-  
gentis, lapsu subsidium quæret.

SCHOLION. Quod autem Princeps possessionis etiam immemo-  
rialis, titulo alio destitutæ, effectum pro circumstantiis tolle-  
re jure valeat, jam supra innuimus (§. LXXXVI. in Schol.).  
In regalibus certe juribus nihil talis prohibitio iniquitatis sapit,  
modo non ad præteritas quoque temporis immemorialis posses-  
siones trahatur. MENCKEN. in *Dissers. de Præscript. immemor.*  
*per documenta ælid.* §. 14. BURSAT. *conf.* XXIII. n. 23. LYNCKER  
*Tom. I. Resp. II. n. 140.* & multis sequentibus, ubi hanc sen-  
tentiam prolixè defendit, atque DDrum auctoror. firmat. Sed si  
nondum finita, vel ne quidem cœpta, sed post legem istam in-  
choata, aut completa, h. e. immemorialis facta fuerit: tunc ir-  
ritam eam, nulliusque roboris pronuntiamus; nec ad demon-  
strandum possessionis vitium alia probatione, quam allegatione  
legis, opus erit.

§. CXXXVI. Aliud autem dicendum, si nulla ejus-  
modi lex irritans proster, aliæque circumstantiæ (§. LXXXVI.) concurrant, ex quibus pro concessione, olim  
impetrata, præsumtio facienda sit. Hoc enim casu, & sub  
his circumstantiis memoriam excedens possessio pro con-  
cessione, pro privilegio atque exceptione a regula ut habeat-  
tur, æquitati consentaneum esse luculenter evicimus (§. cod.).

SCHOLION. Auctoritates Ictorum si desideras, allegatum sup-  
ra (§. CXXI. Schol.) HEROLDUM, nec non auctorem de-  
ductio.

*dultionis*, ibidem citatz, adi. Nos in veritate plana, cui intrinseca sua certitudo constat, nolumus esse diffusiores. Quæ §. CXXIV. in Schol. inuimus, & in antecedentibus (§§. LXXXVIII. & seq. usque ad §. C.) late præbavimus, ad regalia quoque minora hic applicanda esse, per se liquet.

§. CXXXVII. Porro, quoniam jus commune, & fundamentales reipublicæ leges, ex prægnantibus, ut vidimus, publici boni rationibus regalia minora Principi, & reipublicæ priyative addicunt (§. CVI. & CXXV.): jus, proprietatem, ac dominium, quod Principi in eadem competit, in regula semper planum, ac liquidum esse apparet; nec ad demonstrandum jus suum alia re opus habet, quam ut publicam, cives & subditos omnes stringentem legem, communemque observantiam producat. Hæc dum Principem atque rempublicam rei, aut juris cujusdam solum & priyativum possessorem constituit, quis, obsecro! in regula, & nisi de exceptione a legislatore facta indubitato constet, præter Principem & rempublicam citra criminis notam alii idem asserere ausit (§§. CXXIX. & CXXX.)?

SCHOLION. Principes, & status imperii jura Superioritatis territorialis atque regalia ab Imperatore & imperio feudali partim, partim allodiali jure recognoscere, ex publici juris doctrina notum est. Unde probaruri regalia sua, concessionem quoque Imperatorum, & investiturarum literas producere solent; licet, quæ in specie in quolibet territorio in hunc censum referenda sint, ex peculiaribus territoriorum legibus, & observantiis cujusque loci ulterius discendum sit. Cum enim statibus imperii in territoriis suis, vigore competentis sibi supereminentis potestatis, nova quoque regalia constituendi facultas haud dubie competat (§. CX. & CXIX. in Schol.): mirum non est, si & hac parte non eadem ubique territoriorum facies esse deprehendatur. Confer omnino SAMUEL STRYCK in *Dissert. de necessitate edendi ritulum possessionis. Cap. III. n. 17.*

§. CXXXVIII.

§. CXXXVIII. Neque illud obscurum est, quod, cum regalia minora maximam partem in supremæ potestatis splendorem, & in reipublicæ Principisque emolumentum constituta esse dignoscantur ( §. CIV. sequ. & CXXV. ), rerum autem, & jurium, quæ tanquam publicæ salutis mediâ Principi & reipublicæ privative propria adscribuntur, alienationes & concessionibus non facile suscipere conveniat ( §. LXXXII. ), Princeps in concessionibus & translationibus regalium minorum, perinde ut majorum ( §. CXXII. Schol. ), parcissimus semper fuisse præsumendus sit: sane ut in dubio pro integritate jurium Principis per universum territorium conclusio formanda potius, quam pro concessione pronuntiandum sit; hæc siquidem facti est, & exceptio a regula, cui locus non datur, quam diu sufficiens ad eandem instituendam ratio non prostat. De exceptione igitur a regula, concessione intelligo, quando non liquet, regalia in regulari suo statu, h. e. Principis propria, perseverasse credendum est.

SCHOLION. Augent hanc præsumptionem circumstantiæ sæpe speciales territorii & loci, v. c. quod alienationes peculiari imperii & territorii lege prohibita sint: quod Princeps Episcopus, aut alia persona ecclesiastica sit: quod concessionibus ejusmodi rarius fieri consueverint, & quæ sunt alia: sicut ex adverso rationes alias eandem hanc præsumptionem minuere non implicat, ad quas proin in casibus particularibus attendendum.

§. CXXXIX. Recte inde colligimus, quod Princeps, seu in genere territorii dominus, subditi & landsassii, regale quoddam jus sibi asserentis, possessionem, de qua, quo titulo eandem nactus fuerit, non constat, pro vitiosa ( §. XXIII. ), clandestina, & precaria eo usque jure optimo reputet, donec concessionem, aut æquivalentem ei tempo-

Zzzz

ris



ris immemorialis lapsum plene docuerit : idque multo tum magis, si instituta a Principe, seu fisco ejusdem, diligenti status anterioris perquisitione, & inspectis concessionum antiquarum, atque investiturarum tabulis, de vitio possessionis, negligentia verosimiliter, aut conniventia officialium invasæ, conjecturæ augeantur, singulæ pro circumstantiis prudentis judicis, aut procuratoris fisci arbitrio ponderandæ. Est quippe hæc decantata quidem, sed verissima, tam Jctorum, quam philosophorum regula, quod, ubi ad mutationem non satis momenti est, contra hanc pronuntiandum sit ( §. CXXXVIII. ) (a). Unde, jure Principis in regula semper claro & manifesto ( §. CXXXVII. ), non potest non subditi in regalibus possessio in dubio *pro vitiosa*, Principis vero possidendi jus reale & intrinsecum ( §. XI. sequ. ) semper salvum & integrum existimari.

SCHOLION. Possessio nimirum subditi in regalibus juxta demonstrata ( §. CXXXVII. ) fortissimam juris resistentiam patitur; vitium ejus publicæ civitatis leges, & jura communia propalam loquuntur, dum eandem in subdito improbant ( §. eod. ) & ad sacra Principis referunt ( §. CVII. & CXXXVIII. ). Sane, cum regalia tam majora, quam minora ex lege communi ad Principem pertineant; nec alia, quam concessionis via a subdito impetrari valeant ( §§. LXXVIII. & CXXXIV. ) : quis, præter Principem, de concessionibus a se factis melius informatus, aptiorque judex erit? Proin, si huic concessio nulla, aut dubia videatur; si ad petitionem non exhibeatur: citra ullam injustitiæ notam possidentem in vitiosa regali sui juris possessione esse concludet, recta idem ratione propter jus Principis clarum ( §. CXXXVII. ), propter concessionum odium ( §. LXXXII. ), nec non regalium inviolabilitatem & sanctitatem ( §. CXXXVIII. ) ita suadente. Hinc possessionem, cui leges & jura resistunt, pro legitima non habent, sed, nisi ostendatur titulus, usurpam præsumunt, & injustam occupationem BRUNNEMANNUS ad L. §. π. de interrog. Act. PEREGRIN. de Jure fisci Lib. VII. tit. 3.

*tit. III. n. 21. JULIUS CAPON. discept. forens. 47. n. 31. Tom. I. alique apud STRYCK. in alleg. Dissert. Cap. III. n. 3. & 8.; ita ut stante juris resistantia, non consuetudo, non possessio, sed corruptela potius dicenda sit. ROVIT. cons. 58. POST. de manuten. obser. 45. n. 14. CANCER. Var. Res. P. III. Cap. 14.*

(a) HUG. GROT. *J. B. & P. Lib. II. Cap. V. §. 8.*

§. CXL. Quapropter, cum possessionem vitiosam, si quidem de vitio constet, leges non defendant (§§. XXIV. LIII. sequ. ); & in specie possessio, cui jura resistunt (§. CXXVII. ), pro manutenibili non habeatur (§. LVII. ); subditum, seu landsassium, regalium minorum possessorem, quamdiu per concessionem Principis expressam (§. CXXXIV. ) aut præsumtam (§. CXXXVI. ) ad possidendum habilitatum se haud ostenderit, sed fortes potius contra ipsum præsumptiones militent (§. CXXXIX. ), in possessione manuteneri non posse evidens est. Princeps potius, utpote qui pro se jus clarum & liquidum habet (§. CXXXVII. ) & pro quo ipsæ civitatis publicæ leges & jura communia possessorum simul & instituunt, & absolvunt, subdito seu landsassio dejecto, eandem, ceu suam, jure optimo, & ex officio (§. CXXXI. ) sibi asserit.

SCHOLION. Supponimus nihilominus, Principem, seu fiscum, nisi de injustitia facti possessionis subditi notorie constet, non manu statim forti procedere, sed quærere primum ex subdito: qua ratione in regale intraverit? an vestem habeat nuptialem, scilicet an concessione aut privilegio munitus sit? Quod si neutrum sine longo litis sufflamine demonstrare valeat; aut concessionis documenta per contumaciam exhibere detrectet: Princeps interea possessionem jure sibi vindicat, & præceptis inhibitis, ut eadem absteineat, subdito mandat. *Licet enim* (ait D. PETERMAN. in *laudata sæpius Dissertat. de Valore possessorii summiarissimi &c.* ) *Principi jus suum statim liquidum sibi ipsi adserere, nec subditus, quamvis antiqua possessione fultus, abs-*  

Zzzz 2

que

*que titulo restituendus est, & si Princeps haud cognita per viam ordinarii processus causa processerit.* Potior quippe ratio est, ut penes Principem, quam ut penes subditum interea possessio persistat, quam hic in dubio ne salva quidem conscientia, & integra, quam Principi & reipublicæ debet, fide retinere valet (§. CXXX.). Confer STRYCK. *cit. Dissert. n. 8.* ubi cum VASQUIO, CAPIBLANCA, ROLAND. a VALLE, JOSEPHO a SESSE, aliisque statuit: non esse decernendum super possessorio summario pro eo cui jus resistit, sed providendum contrarium, ut illa abstineat, & decerni debere pro eo, qui jus pro se habet, donec contrarium probetur. Cui gemina tradit KLOCKIUS *de Contribut.* Cap. XX. n. 263. *sequ. cum adleg.*

§. CXLI. Quoniam turbatio in sensu proprio actum denotat, quo quis in rei usu, aut exercitio juris *sui* alterum impedit, quique adeo injustitiam redolere videtur; dejectio autem a Principe facta possessionis potius, ad ipsum de jure pertinentis, recuperatio sit (§. CXL.): patet, quod Princeps subditum, seu landsassium de possessione regalis de quo, quomodo idem nactus fuerit, non constat, pignorationibus, aut armis etiam dejiciens, &, ut ab actibus possessoriiis abstineat, præceptis inhibitis mandans, minus proprie eundem turbasse dicendus sit.

SCHOLION. Quando igitur initio dissertationis (§. I.) informando quæstionis controversæ statu, cum aliis loquentes, *turbationis* vocabulo usi fuimus, id eo loci latius paulo accipiendum est, ita ut quemlibet actum, quo alium in exercitio juris aut facti impedimus, comprehendat, abstrahendo an jure, an injuria idem fiat. Ceterum exera regalium & jurium sublimium, eo pertinentium, limites dicta extensa nolumus. Nimirum, sicut juxta demonstrata hætenus eminentia Principum jura, alterius plane a juribus privatorum indolis sunt, utpote in quibus perpetua illa relatio superioris ad inferiorem occurat (§. CXVIII. Schol. §. CXXXII. Schol.): ita mirari debemus minime, si non eadem, quæ inter privatos obtinent (§. XXXIII. *sequ.*),

sequ. ), possessionis, & remediorum possessoriorum jura locum hic inveniant.

§. CXLII. Qui jure de possessione dejicitur, atque, ne actus possessorios, exercere pergat, legitime impeditur: is frustraneo successu in remediis possessorii solatium quærit; utpote quæ injuria dejectis, turbatisque solum dari notorium est ( §. LIII. sequ. item §. LVIII. Schol. ). Quapropter, cum Princeps, solus regulariter, & indubius regaliū possessor, subditum seu landsassium, nisi de concessione ipsi facta, aut possessione immemoriali liquido docere valeat, jure dejiciat, & ut ab actibus possessorii interim absteineat, recte percipiat ( §. CXL. ): subditum dejectum, & in possessione præsumtive vitiosa turbatum, frustra ad remedia possessoria confugere evidens est. Alia ratione propositionis hujus veritas etiam inde patescit: quod, cum Princeps in claro semper, & liquido petitorio versetur ( §. XL. sequ. item §. CXXXVII. ), nec, nisi unica, qua idem impugnari & enervari valeat, via, difficillimæ nimirum præsumtionis ( §. CXXXVIII. ) concessio, aut immemorialis temporis possessio reliqua sit ( §. CXXXIV. & CXXXVI. ), subditus, seu landsassius, concessionis expressæ, aut ex immemoriali tempore præsumptæ, probationibus destitutus, irrita plane spe contra jus Principis manifestum in possessione se se defensum iri expectet ( §. XLVII. in Schol. ), petitorio Principis liquido in regalibus nullo non tempore absorbente possessorium ( §§. LX. sequ. ). Quid, obsecro! adversus dejectiones, aut mandata Principis inhibitiva subditus regeret? An, quod jure possideat? Concessionem ergo doceat, aut per temporis immemotialis lapsum in possessione se tranquilla fuisse monstret, &, nisi per longas tantum litis prolationes regalia Principis ulterius usurpare quærat, benignum, justum, & æquum in Principe judicem inveniet. An

ad possessionis beneficia ( §. XXX. sequ. ) provocabit ? An ab onere, concessionem probandi, immunem se se esse reputabit ? Nullo jure. Atque hic jam est crassissimus ille error, & absurdissima, ne dicam, in summam potestatem injuriosa petitio; quod scilicet in regalibus suis juribus cum subditis controversis possessorio se se immittere, & negativam, concessionem nimirum factam non esse, subditum immemoriali tempore non possedisse, probare Princeps debeat, pro quo tamen jura communia, regalium præminencia, & inde resultans fortissima juris in subdito resistantia loquitur; prout in antecedentibus fuse docuimus. Missa itaque faciat subditus possessoria remedia, quando cum Principe de regalibus litigat; & officii, quod supra ( §. CXXX. ) inculcavimus, boni civis memor, nisi claras, & liquidissimas probationes petitorii ( §. CXL. Schol. ) in promptu habeat, possessionem, dum ulteriora probandi media aggreditur, regulari & præsumtivo regalium possessori Principi ( §. CXXXVII. ) interim dimittat, petitorii eventum debita cum submissione expectans.

**SCHOLION.** Non nova sunt, aut paradoxa, quæ hic tradimus: dudum ea docuere Jcti perspicacissimi. **MENOCHIVS** de *Res. pos. poss. Rem. ult.* quando n. 21. quærit, an etiam hoc remedium detur illi, cui juris communis præsumtio adversatur? & affirmative eandem resolvit, numero tamen 24. eam limitat: nisi hæc præsumtio, quæ adversatur, sit admodum vehemens, ut illa, quæ publicæ auctoritati favere, atque patrocinari videtur, allegans eodem loco **DIDAC.** *præficatorum quæst. Cap. XVII. n. 6.* & paulo ante, ubi scribat: huic remedio non esse locum, cum quis vult defendi in quasi possessione illius juris, quod soli Principi conceditur; in eo enim casu quasi possessionem non tribuere hoc remedium, nisi titulus doceatur: consentiente **REBUFFO** in *comment. ad Reg. constit. Gallia Tom. III. tit. de Mat. Possess. Art. 2. gloss. 2. n. 26.* Eadem fere ex **MENOCHIO** refert, & sua facit **MASCARDIVS** de *probat. conclus.*



1209. n. 3. *sequ.* Nec ad summariissimum solum restringenda, sed de qualicunque possessorio intelligenda dd. AA. sententia; cum utrinque eadem rationes militent. Quatenus vero probatio tituli summaria sufficiat, de eo supra (§. LXIV. in Schol.) sententiam diximus. STRYCKIUS *in cit. sæpe Dissert. de necessitate edendi titulum possess.* Cap. III. n. 7. cum multis ibi citatis DD. possessionem, cui jus resistit, manutenibilem haud esse, statuit, ex ratione, quod juxta dicta (§. CXXXIX.), usurpata præsumatur, & injusta. Ac licet possessionis vitia præsumi haud facile debeant (§. XXVIII. & XXIX.): illud tamen fallit, ubi publica civitatis lex, in materia præsertim regalium, subdito resistit (§. eod. XXIX. in Schol.); utpote in quibus, juxta demonstrata hætenus, aliter plane, quam in rebus privatis rationes subducendæ sunt. Confer. quoque D. PETERMANN *alleg. Dissert. &c. de valore possessorii summariissimi* per totum, & in specie §. 12. *sub fin.* ubi, quæ de summariissimo ante demonstrarat, ex paritate rationis, ad quamcunque possessionem non titulatam trahit. Item Auctorem *Deductionis sæpe citata* (§. CXXI.) Cap. VI. §. XIX. ibique multos alios eandem nobiscum tenentes sententiam.

§. CXLIII. Per modum corollarii inde inferimus, quod Princeps rarissime cum subdito de regalibus suis juri-  
bus absque possessione litiget; sed quod pendente contro-  
versia jure semet optimo, propriaque auctoritate possessor-  
em recte constituat (§. CXL.), observato potissimum, quod §. eod. in Scholio adnotavimus temperamento, ne, qui ad liquidas sui juris probationes exemplo, & sine ambagibus faciendas se se offerunt, inauditi plane possessione migrare jubeantur. Hæc regalium, & consequenter solius regulariter, legitimique eorundem possessoris, Principis prærogativa est, quam nemo, qui dicta hætenus pensiculatus animo revolverit, in dubium vocaturus est.

SCHOLION. Recte proin se se habent, quæ cum REBUFF. *cit. loc.* (§. Præced. Schol.) scribit DID. COVARRUV. *pract. Quest.*

## 738 Opusc. X. De possessione regalium subditum

*Quest. C. XVII. n. 6. Regem nunquam litigare sine possessione in his, quæ sibi ut regi, ( quorum regalia quoque minora referenda (§§. CVII. & CXXV. ), summo jure conceduntur ; quibuscum consentit illa apud Hispanos celebratissima Alphonsti III. constitutio. juxta quam ( referente STRYCKIO cit. l. ), sine titulo in regalibus contra Principem nulla possessio acquiri valet. KLOCKIUS in tractatu de Contribut. Lib. I. Cap. XX. n. 267. inter ea, quæ juris resistentia vehemens singularia habet, secundo loco & hanc insignem prærogativam refert: Quod ille, cui resistit jus commune, non sit manutenendus in possessione lite pendente adversus alterum litigantem, præterquam si titulum exhibeat, vel immemoriam probet præscriptionem, allegans eam in rem Cap. cum persona de Priv. in 6. BOSSIIUM, CAPYCIUM, Card. THUSCUM & alios. Gemina his tradit STRYCKIUS cit. l. n. 5. possessorem ejusmodi lite pendente de exercitio expelli posse recte statuens. Atque ita in possessorio juris venandi in specie contra Principem pronuntiarunt JCTi HELMSTAD. apud HOMBORG Conf. 77. n. 12. WITTENBERGENSES apud HORNIUM in Jurispr. feudali Cap. VIII. §. 50. aliique teste Auct. deductionis vom Jagd. Regal sæpe cit. ( §. XXI. ) sub fin. Tam rationum itaque pondere, quam auctoritatibus firmata propositionis veritas subsistit.*

§. CXLIV. Sed nec omni juris etiam civilis auctoritate destituimur. Audi, quid de aqua castellana prætor edicat lege I. §. 38. π. de aqua quotidiana & æst. Quo ex castello illi aquam ducere ab eo, cui ejus rei jus fuit, permissum est, quominus ita, uti permissum est, ducat, vim fieri veto. Hoc prætoris edictum eodem loco ULPIANUS ita explicat. §. 40. Si ex castello permissum est, dandum erit interdictum; §. 41. permittitur autem aquam ex castello, vel ex rivo, vel ex quo alio loco publico ducere. §. 42. idque a Principe conceditur, nulli alii competit jus aquæ dandæ: paulo post §. 45. pergens: meminisse autem debemus, in hoc interdicto totam quæstionem finiri adsignationis; non enim præparat hoc interdictum causam, ut superiora  
inter-

*interdicta, nec ad possessionem temporariam pertinet, sed aut habet jus adsignatum sibi, aut non habet, & interdictum totum finitur.* En decisionem rotundam, rei, aut juris, ad publicum Principis dominium spectantis, concessionem non nisi a Principe impetrari ( §§. LXXIX. CXXII. & CXXIV. ). Cave enim existimes, specialem hunc casum esse, ad similia non trahendum: alia omnia ULPIANI verba: *vel ex quo alio loco publico: præferunt.* Nec tu puta, aliter responsurum fuisse Ulpianum, si de regali jure alio proposita ipsi fuisset quaestio. Sane ut, si uspiam, ampliativa hic interpretatio admitenda sit: *quoties enim* ( ait PEDIUS L. 13. π. de Legibus ) *lege aliquid, unum vel alterum introductum est, bona occasio est, cetera, quæ tendunt ad eandem utilitatem, vel interpretatione, vel certe jurisdictione suppleri.* Neque omnes articuli singillatim aut legibus, aut SCtis comprehendendi possunt; sed, cum in aliqua causa sententia eorum manifesta est, is, qui jurisdictioni præest, ad similia procedere, atque ita jus dicere debet, sunt verba JULIANI L. 12. π. eod. Ut proin lex illa ex amussi ad regalia Principum quadret, atque ex hoc fonte de his similiter quoque statuendum esse, nemini dubium sedere queat. Ait porro prætor, & cum eo ULPIANUS: *Si permissum est, dandum esse interdictum, scilicet unde vi, cujus interdicta de aqua &c. species erant.* Tu in vicem aquæ castellanæ, ex rationibus generalibus modo deductis, publica Principis jura, seu regalia substitue, & planam, indubiamque legem habebis: *Si regalia permissa, seu, quod idem est, concessa sunt, danda esse interdicta, non aliter* ( §. CXLII. ): constare itaque debere de Principis concessione, jure alias possessori, ne possideat, vim fieri, & de regalium eundem possessione dejici; plane sicut nos ( §§. CXL. sequ. ) ex intrinsicis fundamentis evictum dedimus. Frustra aquæ publicæ, & in genere juris cujusdam regalis, possessor ad nudum possessorium convolat,

Aaaaa

aut

aut manuteneri cupit. Tota adsignationis, seu concessionis quæstio finienda. Nam aut habet jus (Regale) adsignatum (concessum) sibi, aut non habet? & totum interdictum finitur (§. LXIII.). Ovum ovo non tam est simile, quam principia hætenus a nobis stabilita cum Romani juris rationibus, & mente legislatorum congruunt.

SCHOLION. Quæ ad ulterius stabiliendam propositionum hætenus demonstratarum veritatem ex jure Rom. afferri poterant, ea brevitatis nunc studio prætermittimus: pleraque etiam suis jam locis interspersa reperies.

§. CXLV. Quum moderna regalium indoles canonum conditoribus medio ævo propius perspecta fuerit: mirum non erit, si planiora ex iisdem decisionum fundamenta repetere liceat. *Cap. 26. de V. S.* Summus Pontifex Comiti Tholosano his verbis rescribit: *Præterea cum pedagia, guidagia, salinaria tibi legatus interdixerit memoratus: auctoritate apostolica duximus declarandum, illa esse pedagia, salinaria, guidagia interdicta, quæ non apparent Imperatorum, vel Regum, vel Lateran. concilii largitione, vel ex antiqua consuetudine a tempore, cujus non extat memoria, introducta.* Dejectus fuit de possessione Comes Tholosanus, inhibitumque simul mentionatorum jurium, quæ regalia esse nemo ambigit, exercitium. Quærit itaque a summo Pontifice quænam in specie sint illa regalia, quorum possessione legitime dejectus esset, & a quibus abstinere deberet. Ad cujus petitionem Papa, ad amissim rursus principiorum, a nobis positorum (§. CXL. sq.), respondet: *quæ NB. non apparent*; id est, quæ liquido & sine mora probare non posset, ab Imperatoribus, Regibus, vel Lateranensi concilio ipsi concessa fuisse, hoc ipso satis clare indicans, subditum, seu landsassium, qualis etiam erat Comes Tholosanus, de  
dejectio-



dejectione conqueri non aliter posse, nisi concessionis simul aut immemorialis possessionis fidem faceret; frustra alias dejectum ad remedia possessoria confugere, solam hanc, regaliū possessionem a Principe, seu superiore recuperandi viam reliquam esse; sicque pendente lite superiorem jure semet possessorem constituere (§. CXLIII.), quæ omnia prono consecutionis filo ex *cit. cap.* eliciuntur. *Cap. 7. de privil. in 6.* sub finem BONIFACIUS VIII. de jurisdictione ordinariorum ita rescribit: *Si vero privilegium, per se sufficiens, quando solo privilegio se defendunt, vel saltem tale, quod præscriptioni canonica causam præstet, cum præscriptionem allegant, non exhibuerint, ut est dictum, cum de jure communi ordinariorum intentio sit fundata, sua jurisdictione uti possunt in eosdem libere, donec de præscriptione canonica, ut præmissum est, fecerint plenam fidem.* Cur ita BONIFACIUS? quoniam, uti ipse inquit, intentio Ordinarii de jure communi fundata est; hanc decidendi rationem, cum generalis sit, eodem, §. præcedenti, usi sumus, argumentandi genere ad regalia quoque sæcularia, sive laicalia, quorum non minus de jure communi fundata est intentio, trahimus; atque inde concludimus, quod, quamdiu subditus, seu landsassius, concessionem, aut temporis immemorialis lapsum docere nequit, Princeps regalia sua jura recte possideat (§. CXL.), exerceatque, citra injuriam dejiciens, ac deturbans subditum, nisi liquidas juris sui probationes in promptu habeat (§. eod.), frustra-  
neo eodem conatu ad remedia possessoria convolante (§. CXLII.). Adeo plane, adeo liquido canonum jura nobiscum faciunt.

**SCHOLION.** Conferri quoque meretur *Cap. 1. de Prescript. in 6.* cujus verba supra retulimus; ut alios nunc juris canonici textus veritati propositionum, a nobis demonstratarum, non parum roboris addentes silentio prætereamus.



§. CXLVI. Porro, quoniam remedia possessoria mera subdito, a Principe de regalis possessione dejecto, præclusa sunt ( §. CXLII. ), non nisi petitorio eundem ( §. XLIV. ), aut possessorio mixto ( §. XLVIII. ) experiri, & jus suum atque possessionem recuperare posse, in aprico est ( §. LXIII. ). Enim vero tam in petitorio, quam in possessorio mixto ipsa proprietatis causa deducitur, atque titulus editur ( §§. alleg. ). Titulum igitur subditus quoque regalium possessor a Principe dejectus edere cogitur ( §. LXIV. sequ. ). Qui, cum alius, quam concessio Principis ( §. CXXXIV. ), aut immemorialis possessio ( §. C. XXXVI. ) esse nequeat: quid subditus, seu landsassius, regalium possessione dejectus, docere debeat, obscurum nemini esse poterit.

SCHOLION. Quæ in probatione tum concessionis tum possessionis immemorialis observanda sint, non opus est ut operose adstruamus. Interim non velim insuperhabeas, quæ de possessione immemoriali per documenta elidenda supra ( §§. LXXXIII. sequ. ) fuisse docuimus.

§. CXLVII. Ut tandem, quæ de regalibus in genere hucusque demonstrata dedimus, inoffenso nunc pede ad regalia venationum jura transferamus, aliud agendum non restat, quam ut non invitis juris publici universalis regulis, moribus & legibus Germaniæ, tam universalibus, quam particularibus, territoriorum venationum, atque piscationum emolumenta ad regalia Imperatorum, & statuum jura relata fuisse evincamus. Hoc ubi præstitum a nobis fuerit, cuncta, quæ de regalibus in genere, de regali quoque venandi jure, tanquam specie, juris esse, prona illatione inferre licebit. Enimvero, quum thematis hujus plenior pertractationem supra peculiari opusculo: *De eo, quod jure publico tam universali, quam particulari Imp. R. Germ. circa venationes*

*tiones juris est*, persolverimus : summa saltem demonstrationum capita impræsens attrigisse sufficiet, eo fidentius, quod inter JCtos hujus ævi vix unum alterumve nobis dissentientem numeremus, nec, nisi quos aut rudioris adhuc jurisprudentiæ rubigo infectos tenet, aut qui Romanorum civilia jura inconsiderate, & indistinctim ad Germaniam nostram applicant, diversum teneant, uti pluribus auctoritatibus suo loco ostensuri sumus.

§. CXLVIII. Ac primo quidem, si ipsam venationis indolem rimemur, &, quæ cum regali hocce jure in Principis, & reipublicæ publicum dominium transeant, pensculatius trutinemus; nihil sane fuerat, quo aut facilius carent subdiri, aut quod commodius soli Principi ad utilitatem partim ( §. CIV. ), partim ad innocuum oblectamentum ( §. eod. in Schol. ) relinquerent, quodque potiori jure ipsi etiam Principes, pro summa, qua pollent, potestate sibi adfererent ( §. CXXVI. ). Etenim venationes prohibendi jus ex ipso summo imperio profluere, suo loco ad saturam demonstrabimus. Unde ad normam plane regularum, supra traditarum ( §. CIX. ), consequenter suffragante optima æquitatis ratione, venandi jura, ceu regale, Principi, & summo reipublicæ magistratui vindicari nemo dubitat.

SCHOLION. Conferantur omnino, quæ in Opusc. VIII. §. 153. leguntur DDrum, idem nobiscum sentientium, testimonia Quod si ad jus Romanum provocas, tu ex allegatis supra ( §. CXXVI. Schol. ) AA., præsertim ex GRIBNERO Dissert. de præjudiciis Principum imperii ex abusu juris justiniani Cap. III. §. 4. sequ. responsum cape. In republica nihil est, quod rebus nullius accenseri valeat, nisi quantum Princeps, & summus magistratus vult, ita ut, quæ in privatorum patrimonio non sunt, neque jure naturali absoluto occupari prohibentur, ea Principes optimo jure sibi tanquam propria asserant. Conf. GER-

HARD TITIUS in *Jure Publ. Lib. II. Cap. III. §. 16. seqq.* ubi, postquam cum GROTIUS de *J. B. & P. Lib. II. C. III. §. 19. & C. VIII. §. 9.* de rebus publicis in genere idem asseruisset, id territoria Germaniæ transit his verbis: *Ex quo consequitur, idem obtinere in distinctis Germaniæ territoriis, postquam eadem superioritate territoriali animari cæperunt, adeo, ut omnes res, quæ actu a privatis non tenentur, non sint dicenda amplius nullius, nec privatorum, sed potius, ob acceptationem generalem, publica. Falluntur igitur qui in civitate v. g. feras bestias dicunt res nullius; nam fuerunt quidem tales, sed statum mutarunt, per acceptationem civitatis, quam illi male pratervident.*

§. CXLIX. Quidquid igitur sit de statu Germaniæ antiquo, regum Francorum temporibus coarctatam jam fuisse venandi facultatem, & ad jura regia relata, documentis quam plurimis edocemur. Nec aliud Imperatoribus, & Germaniæ Regibus placuisse, innumera diplomata, & chartæ, quibus scribanni, des Wildbanns / concessionem continentur, evincunt: sed nec leges, & constitutiones Imp. ejus rei dubium relinquunt. *II. Feud. 27.* nemo retia sua, aut laqueos, aut alia quælibet instrumenta ad capiendas venationes, nisi ad urfos, apros, vel lupos capiendos tendere permittitur. *II. Feud. 56.* inter regalia piscationum redditus manifesto referuntur, a quibus ex identitate rationis ad venationum species alias recte argumentum ducimus, generali venationum vocabulo oscitantia fors, & inadvertentia legem concipientis prætermisso. Ut proin medio ævo venandi jura ad regalia Imp. pertinuisse, nec nisi ejus concessione aut beneficio exerceri, propriave haberi potuisse, plane indubium sit.

SCHOLION Quodsi has leges, utpote Italici & Longobardici latas, nullius apud Germanos auctoritatis esse regeas: tu præter alia, quæ brevitatis causa transmittimus, responsi loco scripe, quod constitutiones ab Imperatoribus Germanis in Italia prolatae,

cx,

ta, nisi manifesto mores Longobardorum, & Italiae populos solos respexisse appareant, Germanos quoque obligationis vinculo obstrinxerint, in campis nimirum Roncaliis, presentibus maximam partem Principibus & vassallis Germaniae latæ, atque promulgatæ. Ad alias objectiones in dicta (§. præced.) differt. respondebitur. De limitata jam apud Reges Francorum promiscua venandi licentia evolvendi SCHILTERUS *Exercit. ad p. XLV. §. 5. sequ.* HERT. *de superiorit. territ. §. 49.* D. Cancell. SCHÜZ in *Dissert. de basso ferino thes. §. D.* de BERGER *de jure venandi pos. VIII.* D. GASSER in *Dissert. de memoria initii contra præscript. immem. §. 17.* & alii.

§. CL. Sicut autem per concessionem Imperatorum, & tacitum usum, legibus imperii roboratum, eximia territorii jura ad Principes & status Imp. pervenerunt: eadem prorsus ratione, per concessionem nimirum partim expressas, partim tacitas cum ipsa superioritate territoriali, cum qua jus regalia constituendi coherere dignoscitur (§. CXIX. & CXXVI.), regale quoque venandi jus ad Principes & status translatum fuisse in propatulo est, & consuetudo Germaniae vix non universalis docet; ita ut, sit fors in uno alterove territorio contrarium, (quod tamen non memini) obtineat, illud ad casus in imperio rarissimos, & exceptiones pertineat, recte asseverante HEIGIO in *Quest. Illust. XIV. n. 33. nihil verius, & si in clara luce oculos claudere noluerimus, nihil esse manifestius, quam quod venationes hodie inter regalia computanda sunt.*

SCHOLION. Inter JCtos recentiores vix esse quempiam, qui hanc veritatem in dubium vocare præsumat, jam supra (§. CXLVII.) innuimus; ut cum KNICHENIO potius *de Saxon. non provocandi jure verb. Ducum Saxon. C. P. verb. Wälde* hodie non tam de regali jure querendo, quam quæsito tuendo disceptandum esse moneant. Tu inter alios vide sis PRÜCKMANN *de Regal. §. Venatio C. I. p. totum.* Item *Vol. II. Conf. 22. n. 27.*

27. MINGIUM de superioris, territorialis Cap. VI n. 78. STRAUCH differt. Justin. VI. thes. 30. ibi: Hoc jus venandi Principes subditis non sine ratione ademerunt, jure scilicet imperii, sive superioritatis. HORNIUM in juris feud. Cap. VIII. §. 50. HOMBORG ad sit. inst. de R. D. §. 15. MAURITIUM posit. §. feud. decad. 6. §. 4. ibi: De venationem de consuetudine ad regalia pertinere asserere non dubitamus cum Camera imperialis assessoribus. STRYCK. in exam. juris feud. Cap. IX. qu. 21. ibi: Qua sententia, jus venandi ad regalia spectare, moribus Germania expedita est. D. ab EYBEN de Regal. privatorum Cap. XII. thes. 2. verbis: Non Germania tantum, sed & totius fere terrarum orbis consuetudo liberum illud jus venandi subditis ac privatis admittit, solosque ad Principes, & eos qui jus hoc ab eis concessum habent, transtulit. GYLMAN. in Reb. Jud. Lib. II. C. VIII. n. 3. verbis: Jus venandi, si non jure, saltem consuetudine pro regali habetur, & ego in camera imperiali hanc opinionem observatam mihi. Illust. D. de LUDOLFF. Assessor. Cam. imperialis dignissimum Consul. & Decis. Tom. II. dec. VIII. §. 10. p. 414. ibi: Consequentia vero a jure superioritatis ad jurisdictionem in bona subditorum, interque ea jus venationis, nemo est in jure publico Germania adeo hostes, ut dubitare possit. LAUTERB. Assessor. olim Camera imp. in tract. de condominio terris. cap. VI. §. 36. AHASVER. FRITSCHIUM de Convenat. M. I. §. 2. ibi: de consuetudine autem Germania jus venandi inter regalia referri capit. Quod cum notorium sit, frustra a quibusdam in dubium vocatur; cum innumeris aliis, quos allegat. AUCTOR. deductionis Vom Jagde Regal Cap. III. ubi vix unam aut alteram facultatem juridicam in tota Germania aliter sentire ostendit: & si contraria fors aliqui consuetudo vigeat, ea ex gratia & conniventia Principis proficisci censenda sit, recte sentiente SUTHOLD. Diss. 1. de Jurisd. §. 72. nec non HOPPIO ad Instis. de J. N. G. & Civil. §. 6. ad verba omne imperium.

§. CLI. Neque aliud in terris Episcopatus Wirceburgensis, & Ducatus Franconiae obtinet, tam generalibus investiturarum litteris, quam concessionibus Imp. specialibus idem luculenter testantibus, Wiltbannum certe, cum  
depen-



dependentibus inde venationum juribus, & jurisdictionem forestalem Episcopos, Duces, per plurimum sæculorum decursum constanter, & non interrupte tanquam regalia eximia, & jura, superioritati territoriali annexa, sibi asseruisse, atque exercuisse, indubie liquet, & fide dignissima documenta non una probant.

SCHOLION. Concessionum, investiturarum & documentorum tenorem ut in extenso, aut excerpto etiam adducamus, nec spatium, nec tempus patitur: fiet tamen, indulgente Principe clementissimo alia occasione æque opportuna desideriis satis.

§. CLII. Prono itaque nunc consecutionis filo inferre licet: quod regale venandi jus sit pars superioritatis territorialis, si non essentialis plane (§. CI. & CII.), adventitia saltem, & ex summo imperio profluens (§. CVII.): quod hanc ipsam ob causam inviolabile, sanctumque haberi subdito debeat (§. CXXVIII.), nec hic citra læsæ quodammodo superioritatis crimen dolo malo id usurpare, aut sibi adferre ausit (§. CXXIX.): quod subditus eodem, nisi concessione Principis idem impetraverit, speciali ratione abstinere obligetur (§. CXXX.): sicut ex adverso Principis, idem sibi, atque reipublicæ asserendi, in officiis positum esse dignoscitur (§. CXXXI.).

§. CLIII. Ulterius inde concludimus, regale venandi jus nunquam præscriptione (§. CXXXIII.), sed sola Principis concessione (§. CXXXIV.), aut immemoriali temporis possessione (§. CXXXVI.); juxta normam a nobis traditam (§. LXXXIII. sequ.), acquiri: jus Principis in regali venandi jure semper clarum esse, & liquidum (§. CXXXVII.): subditi seu landsassii, possessionem in dubio præsumi vitiosam (§. CXXXVIII. & CXXXIX.): recteque propterea Principem sibi eandem, subdito dejecto, deturbatoque adfere-

## 748 Opusc. X. De possessione regalium subditum

re (§. CXL. & CXLI.), huic vix nunquam possessorio me-  
ro (§. CXLII.), sed mixto solum, aut petitorio (§. LXIII.)  
idem a domino territorii recuperandi via patente : optimo  
proin jure subditum seu landsassium , ad editionem tituli  
compelli (§. LXIV.): huncque si edere in promptu, aut con-  
cessionem immemoriam docere nequeat, recte, legitima-  
que juris via de possessione deturbatum censendum esse (§.  
CXLI.).

SCHOLION. Quibus omnibus tum multo magis locus erit, si  
possessio subditi sit junior, dubia, sæpius interrupta, & præter  
generale territorii jus, speciales præterea concessionum impera-  
toriarum tabulæ de jure Principis edicant, idemque firmiter sta-  
bilitant.



OPUS-

# OPUSCULUM XI.

DE

SUPERIORITATIS TERRITORIA-  
 LIS, NEC NON REGALIBUS JURIBUS, DOLO  
 AUT NEGLIGENTIA MINISTRORUM ET OFFI-  
 CIALIUM PRINCIPIS HAUD PRÆSCRI-  
 BENDIS.

## PRÆFATIO.

**R**ara illa est temporum nostrorum felicitas, quod, quæ  
 ad recte gubernandam regendamque rempublicam  
 comparata sunt doctrinæ politicæ, interque illas juris  
 publici universalis scientia, ad summum propemodum  
 evidentia, ac perfectionis gradum evectæ, amplissimum  
 viris probis atque cordatis, pro incolumitate patriæ & com-  
 muni civium salute ingenii sui omnes nervos intendendi,  
 campum commonstrent. Atque hoc ipsum virtutis atri-  
 um ingredi quoque mihi videntur, qui sublimia Princi-  
 pum, atque eminentiora reipublicæ jura adversus usur-  
 patorum improbos ausus intrepidi propugnant, & ad in-  
 star athletarum totis viribus defendunt. Inutilis equi-  
 dem eorundem opera studiumque vel ideo haberi poterat  
 quod aliunde, nota, atque ex ipsa summi imperii natu-  
 ra & indole prone consequentia majestatis & summi im-  
 perii jura ab omnium, potissimum vero privatorum in-

*vasionibus in tuto collocata, eruditorum armis propugnari haud egeant. Enimvero, quemadmodum, si de regalibus & territorialibus Principum juribus ex limpidis hisce, atque genuinis juris publici universalis fontibus statueretur, ambabus, quod ajunt, manibus huic sententiae accederem: ita, dum contraria omnia ex quotidianis & obviis exemplis edocemur, aliud tenendum; ut praeclare omnino de republica mereri illos existimem, qui in vectos ex jure justiniano in jus publicum statuum imperii nexos doctis conaminibus procul eliminare allaborant. Quanta ex peregrino hocce jure statibus imperii praejudicia, quae damna succreverint, nemo est in patria adeo hospes, qui ignoret; & vel ex sola Jcti gravissimi GRIBNERI (a) erudita, bonique salis plena dissertatione de praejudiciis Principum imperii ex abusu juris justiniani luculentis argumentis roboratur. Hac inter agmen veluti ducit, palmarius illorum error, qui Principes atque status imperii in unam eandemque fere cum privatis classem deturbantes, ordinem processus eundem observandum esse anxie inculcant, sive cum subditis & landsassius, sive cum paris dignitatis atque ordinis personis de regalibus & superioritatis territorialis juribus controversiae intercedant: cum tamen vel ipsa regalium indoles, atque nativa in subditis & landsassius eadem possidendi inhabilitas diversitatem subesse maximam innuant. Promanarunt ex hac scaturigine, ceu ex equo Trojano, plures errores alii, in judiciis non minus possessoriiis, quam petitoriis conspicui. Quid enim, obsecro, aut juris publi-*



ci & rectoris politica rationibus, aut Principum auctoritati & eminentiæ magis adversum, quam subditis & landsassius ad possidendum exercendumque regalia nonnisi ex concessione Principis aptis, si quando per clandestinas vias, aliasque artes & machinamenta in jura reipublicæ pedes immiserint, illa ipsa ex jure communi privato possessionis conservanda, adipiscenda, & recuperanda remedia indulgere, quæ nonnisi in rebus & juribus privatis, aut inter æqualis saltem ordinis personas obtinere dignoscuntur? In hunc quoque censum insignem eorum oscitantiam refero, qui negligentia ac dolo ministrorum & officialium non status tantum, sed & landsassios atque subditos, justam regaliæ possessionem indipisci, quin, sub hoc iniquitatis palladio usucapione plane eadem acquirere posse, falso sibi persuadent. Quorum fundamenta & perniciosas doctrinas, dum in præsentì specimine dirutum iri, boni me civis officio functum fuisse prorsus existimo, nil minus metuens, quam ut in assentatorum Leyserianorum (b) computum veniam. Ex genuina enim vocis notione assentatores audiunt personæ, quæ aut ad captandam Principis gratiam, aut turpis lucelli odore illectæ, tum vitia & pravæ regendi artes sui Principis laudibus extollunt, vel dissimulant saltem: tum erronea eisdem principia suggerunt, quæ dum insistat, cives bonis fortunisque exuantur, & conculcata justitia tyrannidi, atque iniquitati via pandatur. Ecquis vero tam stupidus amensque fuerit, ut facere id dicat eum, qui, quæ sunt Principis, Principi, quæ subditorum, subditis sar-




*ta tecta servanda esse inculcat ; nec aliud quidpiam, quam invasiones in jura , & res, extra commercium privatorum positas, improbat ? Quorsum boni Principis officium pertineat , eumque populi , non populum Principis gratia constitutum esse , probe novi. At , ut propterea injustas exemptiones , & jurium, ad sacra Principis pertinentium, usurpationes equi faciam bonique , a me hucusque impetrare haud potui , nec impetrabo unquam. Quod superest , monere te volui B. L. primas has esse dissertationis lineas , quales ex calamo manarunt , prelo commissas. Siquid igitur aut minas comitum aut non exasciatum satis , dignumque delicatiori palato inveneris : id tempori condones, rogo, accedentibus forte secundis mox curis opusculum elaboratius dabimus. Vale mihi que fave.*

(a) In præmio §. 8. lit. b. ibi : *Habuit alia gravissima receptio juris peregrini incommoda : sed ausim dicere , nullum gravius fuisse , quam quod in ipsos territoriorum dominos , in ipsos Principes redundavit.*

(b) *Dissert. de Assentationibus & Ceterum.*

---

DE  
JURIBUS SUPERIORITATIS TERRITORIALIS  
& REGALIBUS DOLO AUT NEGLIGENTIA MINISTRORUM ATQUE OFFICIALIUM PRINCIPIS  
HAUD PRÆSCRIBENDIS.

§. I.  *Ura superioritatis territorialis dicimus , quæ cum statuum imperii in territoriis suis competente, Imperatori & imperio subordinato regimine civili*

civili essentiali, eoque indivulso nexu cohærent. *Regalia* ex adverso jura nuncupamus, quæ Principi, sive summæ in republica potestati, propria quidem, in se tamen considerata, præscindendo a concessionibus, atque investituris Imperatorum, nec non usu, observantia, legibus civitatis publicis, in classem eadem jurium reipublicæ referentibus, proindeque e commercio privatorum eximentibus, a civili imperio separabilia sunt, sic ut jurium summæ potestatis ambitus absque illis integer nihilominus, & salvus consistat (a).

**SCHOLION I.** Prioris generis, id est, territorialia, sive majestatis, jura, in omni societate civili conspicua, & ubivis eadem sunt; utpote quæ ipsum summæ potestatis civilis essentialem conceptum ingrediuntur. Nec ad rem facit, quod in imperio R. G. jura, quæ territorialia dicimus, in alieno haud raro territorio exercentur, consequenter ab ipsa superioritate territoriali separabilia videantur. Etenim, uti in genere jurium majestaticorum complexus, respectu ad universam rempublicam habito, idem semper manet, utut jura singula penes plures ac diversas personas, veluti totidem subjecta activa, resideant: ita vicissim in præsentī quoque casu dicendum, quod scilicet una sit, maneatque superioritas, licet singulis ejusdem effectibus unus haud solus, sed communicatis cum aliis fruatur. Qua quidem ratione in imperio R. G. usitatissimum est, ut penes quem principaliora atque potiora territorii jura resident, solus domini territorialis nomen sustineat (b), ceteris eximia sua jura, per modum servitutis juris publici, in alieno territorio exercentibus, ad exemplum dominii vulgaris, quod, utut constitutis pluribus servitutibus admodum mutilum evadat, dominii tamen nomen conservat.

**SCHOLION II.** *Regalia* autem jura in diversis rebus publicis diversa deprehenduntur, nec numero ubivis eadem, quin varia potius ratione, pro variis populorum institutis determinantur, pro arbitrio summæ potestatis, cui hac in parte plurimum relictum esse dignoscitur (Opusc. X. §. CIX. & CX.).

(a) Con-

- (a) Confer. GEORG. BEIERI *themata ex vario jure selecta exercit. VI. Item supra Opusc. IX. Cap. I. §. 1. seqq.*  
 (b) *Inst. P. Osnab. Art. V. §. 42. & 44.*

§. II. Jura hæc, quorum complexus universum regiminis civilis ambitum absolvit, Princeps in omnibus territorii sui partibus se solo, absque adminiculante aliorum opera exercere nequit; uti consideranti obvium est, nec multa demonstratione eget. Alios itaque in partem sollicitudinis adsciscat necesse est, quæ subalternum & a nutu suo dependens territorialium & regalium jurium exercitium atque administrationem comittat. Cujusmodi personas cum *Principis ministros atque officiales* compellemus: Principem in regimine territoriali, & regalium jurium exercitio ministrorum atque officialium opera indigere, nemo non perspicit (a).

- (a) *Consil. Hallens. Tom. II. 45. num. 17. Item consil. 46. num. 1. & 28. illustr. BOEHMER. J. publ. Univers. P. Special. Lib. II. C. 6.*

§. III. Antesignanum inter hosce jurium Principis ac reipublicæ ministros locum sibi vendicant, qui ad consilia Principis secretiora adsciti, intimiora status negotia procurant; utpote quorum sollicitæ dispectioni totius reipublicæ salus, atque vel maxime jurium superioritatis & regalium Principis utilium conservatio, ac tutamen in officiis datum esse intelligitur, formulis juramentorum, quæ sub ingressum officii sui præstare solent, nec non litteris, quas vocant, instructoriis idem abunde comprobantibus.

SCHOLION. Schemata litterarum instructoriarum, atque officiorum formulas plures exhibet SECKENDORFFIUS *teutschen Fürsten Staats P. IV.* quæ, utut in territoriis singulis diversimode se habeant, potiora tamen, atque essentialia officiorum capita complectuntur. Ita e. g. *N. 1. Bestallung eines Geheimden*

den Raths jurium Principis territorialium & regalium conservationem, curamque enixissimam non uno loco commendatam videbis n. c. §. 8. ibi: Insgemein soll Ihnen angelegen seyn unsere Landes-Fürstliche Hoheit über die von Gott uns anvertraute Lande und Leute zu behaupten / und unsere Land-Stände in gebühlichem Respect gegen uns zu erhalten: Item §. 26. So es die Nothdurft erfordert / zu Handhabung unserer Landes-Fürstlichen Hoheit und Regalien 2c. Item §. 28. So soll auch unser geheimder Rath sein Bedenken uns zu eröffnen haben / an denen Sachen / welche zu Behauptung der Regalien / welche sonst in unserer Cammer eigentlich beobachtet werden / zielen / und gereichen / entweder da man derselben wegen neue Anstalten und Ordnungen machen / oder wider die Eingriffe und Unordnungen / die dargegen vorgelauffen seyn möchten / nachdrückliche Mittel vornehmen wolte / und sonderlich 2c. Quibus consona sunt, quæ ibidem n. 2. in formula instructionis pro Cancellario, & consilio regiminis leguntur §. 19. ibi: Über unserer hohen Jurisdiction insgemein soll unser Canzler und Hof-Rath alles Ernstes halten / und dabon keinem aus unsern Land-Ständen und Unterthanen einige dem Herkommen nicht gemäße Exemption nachsehen; viel weniger zugeben / daß sie für fremde Gerichte außer Landes / unsern Privilegien und denen Reichs-Rechten zuwider / gezogen werden; sondern 2c.

§. IV. Hæc ipsa, atque suo modo propior præsidem & cameram Principis, nec non præfectos, aliosque officiales in provinciis sollicitudo contingit; quippe quorum potissimæ officiorum partes eo collimant, ut res, jura atque regalia Principis solerti industria administrantur, atque adversus aliorum invasiones, turbationes ac usurpationes in salvo constituentur (a): præsertim vero, siquid a vicinis statibus & membris Imp. immediatis, aut a propriis subditis & landsassicis contra attentari advertant, id citra moram superiori denuntient, quo novis ejusmodi ausibus maturis consiliis, obviam procedi, atque usurpationibus in tempore pessulus objici valeat.



SCHOLION. Has officiorum partes denuo innuunt formulæ litterarum instructoriarum apud SECKENDORFFIUM obviæ c. l. n. 4. Bestallung eines Cammer-Directoris und Cammer-Raths §. 14. ibi: Alle unsere Regalien / sonderlich von denen in unsere Cammer einige Geld oder andere Einkunft kommt / als da ist Bergwerk / Münz / Geleit / und Zoll / Wild- und Forst-Bahnen / und die Landes Steuerbarkeit auch unsere Fiscal-Gerechtigkeit soll unser Cammer-Rath in genauer Inspection haben; und da er vermerket / daß uns dieselbe angefochten / und itztig gemacht werden wollten / soll er uns solches bey Zeiten anzeigen 2c. Item n. 9. Bestallung eines Amtmanns §. 1. Unser Amtmann soll insgemein seine ganze Verrihtung dahin menen / und anwenden / daß in unserm ihm anbefohlenen Amt N. unsere Landes-Fürstliche Hoheit / und deren anhängige Regalien unverruckt / und unbeeinträchtigt erhalten . . . auch in unsern sonderbahren Gerechtsamen und Cammer-Einkünften kein Eintrag wiederfahre. Item §. 5. Diesemnach und was seine Amts-Verrihtungen selbst anbelangt / soll er zu vorderist mit seiner Sorgfalt bedacht seyn / daß wir an unserer Landes-Fürstlichen Hohen Obrigkeit / und deren anhängigen Gerichtbarkeit / Steuerfolge / und andere dergleichen Gerechtsamen in seinem anbefohlenen Amt weder von denen Unterthanen noch von ander angränzenden beeinträchtigt / und bevorthellet werden 2c.

§. V. Tam itaque ex fine, propter quem Princeps ministros atque officiales constituit (§. II.), quam ex litterarum instructoriarum, quarum schemata §. *precedenti* in excerpto dedimus, formulis, qualis iisdem potestas competat, facile colligimus; eo nimirum unice comparata, ut superioritatis & regalia jura in commune patriæ, Principis & subditorum emolumentum fideliter administrentur, atque ab omni invasione, deterioratione & prava aliorum usurpatione immunia servantur. Hi fines sunt, atque limites potestatis, ministris atque officialibus a superiori concedi solitæ: neque citra speciale mandatum ampliorem ipsis datam esse, sana cum ratione quispiam præsumserit. Proin mini-



nistrorum atque officialium potestatem nude administratorem, ad tuendum, atque defendendum, nec non vicario nomine exercendum, concessam esse, neminem latere potest.

§. VI. Quo ipso ulterius, omnem regalium & territorialium jurium alienationem, deteriorationem, & immutationem procul ab officiis ministrorum atque officialium abesse debere, planum evadit ac dilucidum. Exorbitans, quippe ejusmodi potestas cum nativâ & originaria eorundem constitutione pugnat (§. V.), nec cum fine reipublicæ ulla ratione conciliari valet. Esto per contractum velut mandati eosdem constitui (a): hujus tamen fines exacte custodiendos esse, insimul largiari necesse est (b). Ecquis autem mandati aut commissi sibi officii limites transiisse non dicat eum, qui jura Principis, quæ conservare, amplificare, & fideliter custodire debeat, sive dolo malo alienat, sive segniter procurando in alterius transire manus patitur (c)?

(a) EYBEN. *Oper. Tom. I. de Auct. usque juris Justiniani in Germania judiciis. Cap. VI. §. 15. p. 180.*

(b) §. 11. & 8. *Instit. de mandat. L. 3. pr. §. 3. & 4. π. eod.*

(c) *L. 63. π. de procurat.*

§. VII. Quin id potius tum ex mandati hujus certa, determinataque norma, tum ex litteris sive formulis officiorum instructoriis (§. II. & III.), sole meridiano clarius elucescit, Principem scilicet qualescunque ministrorum & officialium suorum actus ad alienationem, translationem aut deteriorationem regalium tendentes pro nullis habere & invalidis, omnique robore hoc ipso destitutos declarare, quod enixissimis verbis, & sub fidei juratæ nexu iisdem inculcet, ne quid in functionibus munerum suorum admittant, quo jura Principis & reipublicæ damno deteriores, potestate ad id officialibus neutiquam indulta (a).

SCHOLION. Errant igitur quam turpissime, qui in alienationibus & translationibus jurium territorialium & regalium, a ministris & officialibus citra speciale mandatum factis, tacitum Principis consensum & ratihabitionem intervenire sibi somniant. Cum de voluntate potius contraria juxta demonstrata liquido constet, nodus in Scirpo haud quaerendus, nec ex levibus praesumptionibus inducenda voluntas, ubi veritas ex adversa parte in aprico jacet (b).

(a) Arg. L. 21. L. 27. de administrat. tutela. L. 7. pr. π. de donat.

(b) DD. in L. optimam 14. C. de contrah. & committ. stipulat. JOH. OTTO TABOR Decis. 128. 19.

§. VIII. Omissionem aut commissionem eorum, quae ministris atque officialibus, vi concrediti sibi muneris, agenda, omittendave incumbunt, *negligentiam in officio*, Nachlässigkeit oder Fahrlässigkeit derer Beamten / dicimus.

SCHOLION. In sensu scilicet latissimo hic definimus officialium negligentiam, quatenus omnem sub se omissionem, sive dolo-  
sam, sive culpofam (§. sequ.), comprehendit. Ceterum tam agendo, quam non agendo admitti posse negligentiam, evidens est. Non enim agere, sive omittere, quae officii rationes postulant, quam agere, sive admittere, quae iisdem repugnant, perinde habendum: atque inde in publicum redundantia damna aequali prorsus sese ratione manifestant.

§. IX. Supposita generali hacce negligentiae ministro-  
rum & officialium notione, eandem commode in *dolosam*,  
atque *culpofam* dispescimus. *Illam* dicimus, quando minis-  
ter, seu officialis, deliberato animo, quae vi officii agenda ipsi  
aut omittenda erant, insuperhabet, atque ita contra da-  
tam Principi fidem praemeditate impingit (a). *Culpofa*, & in  
*specie ita dicta negligentia* nobis est, quando ministri atque of-  
ficiales Principis non praemeditate quidem, ex socordia ta-  
men, rusticitate, & segnitie ea omittunt, committuntve,  
quae

quæ juxta instructionis, sibi præscriptæ, normam, juratamque fidem, agere, aut intermittere debebant, poterantque (b).

SCHOLION. Hanc posteriorem pro ratione admissæ culpæ latæ, levis, aut levissimæ, in negligentiam latam, crassam, & supinam, aut levem, & levissimam abire constat.

(a) *L. Quidquid tutoris dolo, vel lata culpa aut levi, seu curatoris minores amiserint. L. 7. C. Arbitr. Tutela, CARPZ. P. III. C. XXXIII. def. 12. n. 2.*

(b) *Arg. L. 53. §. 1. π. de evict. L. 13. §. 2. π. de contrah. emt. arg. L. tutor. 3. π. de administrat. & pericul. tutor.*

§. X. Hocce ministrorum & officialium Principis si-  
ve dolo si-ve negligentia (§. IX.) regali-um & territorialium  
jurium possessionem haud raro amitti, & in aliorum, tan-  
quam propria eadem retinere, & lapsu temporis sibi acqui-  
rere annitentium, transferri manus, experientia multoties  
comprobat, atque statuum imperii tam sæcularis quam ec-  
clesiastici ordinis, eximiis suis juribus hac ratione despolia-  
torum exempla testatum faciunt quamplurima. Exemptio-  
num certe, adversus dominos territoriales sæpius attenta-  
rum, si primas spectemus origines, lubrico hocce funda-  
mento unice fere easdem subniti comperiemus: quo juris  
effectu, impræsens enixius indagare in animum induximus.

§. XI. Sunt autem, qui hac via in regalia & territoria-  
lia Principis jura subintrant status, aut membra saltem im-  
mediata imperii, Nobiles, puta, immediati, si-ve subditi &  
landsassii: nam & hos ex dolo & negligentia officialium  
compendia sæpe sibi quærere, & lenta velut alluvione rega-  
lia Principis suis adscribere juribus, notum atque pervul-  
gatum est.

SCHOLION. Hæc differentia personarum, in jura principis sese  
ingerentium, probe attendenda. Neque enim perinde est, an

status imperii; an vero subditus & landassius regalia adversus Principem præscribere velit; uti ex mox dicendis uberius apparebit.

§. XII. Porro, sicuti fraudibus, dolis atque negligentis in genere mille portæ patent, quamprimum a recto juris tramite deflectens ad devia animum quis converterit: ita, quas in administratione atque exercitio subalterno jurium territorialium & regalium ministri seu officiales Principis fraudes & negligentias admittunt, infinitæ sunt numero. Quandoque enim indulgentia sive patientia peccant, dum scilicet regalia atque superioritatis jura sive præmeditato animo, sive culpa a vicinis statibus, aut subditis & landassius tanquam propria invadi atque exerceri sustinent. Subinde II. taciturnitate sive silentio, quando regalium jurium usurpationes atque temerarias invasiones, quas suscipi ab aliis ipsi contuentur, ad superioris, quorsum ejus rei cognitio spectat, notitiam haud deferunt: sive, quod usurpatorum præpotentiam & futuras iras extimescant; sive, quod taciturnitatis suæ pingua præmia & emolumenta expectent. III. Vicinorum in reipublicæ & Principis jura intrusiones, nec non sub- & obreptitæ patrata possessionis facta dolose occultando, fraudibusque ita aliorum adversus juratam superiori fidem nefastas manus porrigendo. IV. Ministrorum atque officialium negligentia sese manifestat, quando documenta, acta publica & registra, ex quibus jura Principis demonstrari debebant, disperdunt, corrumpunt, celant, aut in usurpatorum plane manus venire patiuntur. V. Dum contradictionibus aliorum, qui in putatitiam jurium Principis possessionem sese asserunt, reprobationibus aliisque mediis efficacibus obviam haud eunt; quin iisdem plane acquiescunt: ac proin VI. partim ex levitate animi, partim etiam fraudulento consilio manifestas jurium Principis possessiones defendere, earundemque exercitium continuare  
negli-



negligunt. In eundem censum venit VII. quando collusione prorsus nefaria accepta in partem pecunia, aut pro compactatis aliis lucris jura Principis territorialia atque regalia dividere conantur; aut VIII. dum vicinis statibus atque nobilibus, imo & landsassiiis & subditis familiarem regalium usum indulgent, absque præscitu & consensu superioris, quin nec acceptis in futuram securitatem reversalibus, quo fit, ut quæ nonnisi precario & ad nutum revocabili jure exercebantur, post lapsum aliquot annorum veluti propria destineantur, aut saltem non sine molestia & longo litium suffamine ab usurpatoribus avocentur.

§. XIII. Quin per non usum etiam, seu intermissum ab officialibus regalium exercitium, jura Principis haud raro dubia redduntur, aut prorsus extinguuntur: veluti tum accidit, quando ministri seu officiales sive turpis quæstus causa, sive quod catastra, urbana, aliosque codices jurium Principis indices pro officii ratione haud inspiciant, unius alteriusve regalis exercitium negligunt, atque, ut successu temporis dubium reddatur, ansam subministrant; cujus negligentiae effectus in regalibus præcipue utilibus, puta jure vectigalium, collectandi, detractus & his similibus, conspicui sunt.

SCHOLION. Alios modos, quibus ministri atque officiales propriæ utilitatis causa juribus Principis insidias struunt, eaque negligendo imminuunt, enumerare supersedeo. Tu vide sis interea celeberr. AUGUST. LEYSERI *Meditat. ad π. Tom. VIII. p. 789. verb.*: *Quidam ministri callidiores non aperte quidem & suo nomine sed per suppositas personas istiusmodi contractus celebrant, ita tamen, ut ad ipsos omne, vel potissimum emolumentum redundet. Detexit jam hanc fraudem & improbavit HERMOGENIANUS in L. 46. §. 2. π. de J. fisci, & damnatus propter eam est FUQUETUS LUDOVICI Gallie Regis XIV. Minister, cui in Tom. II. du recueil. des defenses de Monsieur FOUQUET, objicitur;*  
quod



*quod ipse subjectis aliorum nominibus conduktiones & contractus inierit, atque exigua pecunia jura & bona Regis adquisierit. Item Specim. XXXIII. p. 784. ubi impudentiam ministrorum atque officialium nonnullorum redarguit, qui importunis flagitationibus bonorumque petitionibus Principem exspoliare, divitias cumulare, & prædia multa acquirere non erubescunt; nihil hoc esse putidius inquit, cum augere jura fisci, non imminuere ministri aut officialis sit.*

§. XIV. Ministri atque officiales Principis regalia atque eximia territorii jura alienandi nulla facultate præditi sunt ( §. V. & VI. ). Idque manifesti adeo & explorati juris est, ut ejusdem ignorantiam nemo sanus prætexere valeat; præsertim, qui in officiis publicis constituti, aut non omnino rudes, quanti hæc sua jura Principes facere soleant, compertum habent ( §. VII. ). Sive igitur ex deliberato proposito & dolo proprio, sive adminiculante ministrorum atque officialium Principis negligentia ( §. VIII. ) territorialis nec non regalium jurium possessionem quis nactus fuerit, is rem sese alienam possidere ignorare nequit. Enimvero, quæ cum scientia rei alienæ conjuncta est possessio, *male fidei* audit (a). Quare qui regalia & territorialia alterius jura dolo atque negligentia officialium possident, in mala fide constitutos esse, evidens est.

SCHOLION. Neque refert, an ipse Princeps, an vero officiales ejusdem dicta ratione in regalium possessionem subintrent; quum mandatarii, aut procuratoris mala fides nemini patrocinari debeat. Et si Princeps dolo aut negligentia sui ministri territorialia aut regalia jura haud amitti credit: quo, obsecro! juris atque justitiæ colore hunc titulum adversus alium probare poterit?

(a) § 35. *Instit. de Rer. divisione* §. 2. *de Usucap. eod.* L. 5. L. 6. L. 7. π. *de acquir. vel amitt. possess.* L. 22. C. *de Rei vind.*

§. XV. Quapropter, cum malæ fidei possessio nonnisi per abusum hoc nomine dignanda, ac potius contrectatio rei alienæ nuncupanda sit ( Opusc. X. §. XXII. Schol. ): possessionem regaliū, quam vicini status, nobiles, landsassii, aut subditi, negligentia & dolo officialium acquirunt, spuriam, id est, pro nulla prorsus, omnique valore ac robore destituta, reputandam esse liquet.

SCHOLION. De landsassiiis & subditis id eo minus dubii habet, quod iurium superioritatis & regaliū ne capaces quidem sint; consequenter aptitudine ad possidendum ejuscemodi jura careant. Verum & de aliis vicinis statibus & membris imperii immediatis id expeditum videtur, quum Principes in ipsa officialium constitutione ( §. VII. ) quibuscunque alienationibus, translationibus & imminutionibus jurum suorum aperte contradicant, easque pro nullis habeant. Utut igitur segnitie, dolo & socordia officialium in alienas manus pervenerunt: ea tamen possessio omni juris effectū destituitur, possessione civili, & petitorio ex parte Principis despoliati semper liquido (a). Ac licet iurium, siue rerum incorporalium, possessio patientia tradatur: ut tamen in regalibus idem procedat, scientia, &, quod ad subditos attinet, concessione Principis opus est. Atque adeo a non domino præstita patientia nullius est efficaciz, aut momenti (b).

(a) *Ibid.* §. 123. seq. Item SCHILTER. *Instit. J. publ. Lib. III. tit. 6.* quo loco Principem ex facto ministri, seu officialis, haud obligari, ex professo ostendit.

(b) *L. 2. C. de servit. & Aqu.* BERTR. de GOBEL. *P. I. n. 28.*

§. XVI. Consequens est, ut, possessione hacce vitiosa nec quicquam obstante, possessionem veram ac genuinam penes Principem atque rempublicam salvam mansisse dicamus, quam proin ab injustis detentoribus nullo non tempore avocare, & ratione optima recuperare valeat. Mala quippe fide, nulloque titulo, & plane non possidere, quod

D d d d d

effec-

effectus juris attinet, unum idemque sunt (a). Namque minister, aut officialis, regalia aut territorialia Principis jura in alios transferens, aliud, quam quod ipsi commissum erat, negotium fecisse censendus est (b). Unde civilem Principis possessionem nequaquam intervertere aptus erit.

SCHOLION. Nimirum, uti in casu simili in præjudicium mandantis dominium in emtorem haud transfertur (c), atque adeo, traditione haud obstante, mandator rem suam semper vindicat, nec repetenti exceptio rei venditæ & traditæ cum effectu opponitur (d): ita Principi aut reipublicæ, possessionem jurium suorum ab usurpatoribus eorundem repetenti, dolosum aut culposum ministri & officialis, in aliud plane constituti (§. II. seq.), factum obesse haud poterit. Veluti enim in casu priori mandantis dominium, ita in posteriori possessio in liquido posita esse dignoscitur (§. XV.).

(a) *Arg. L. 7. C. de acquir. possess. REINKING. Lib. I. Cl. III. C. III. n. 4.*

(b) *L. diligenter in pr. L. 33. circa fin. π. mandati CARPZ. Decis. CXXX. n. 1.*

(c) *L. cum mandat. 12. C. Mand. CARPZ. d. l. n. 7.*

(d) *Arg. L. 1. §. Celsus π. de Except. rei venditæ.*

§. XVII. Porro, quum ministros atque officiales Principis nulla, reipublicæ & territorii jura alienandi aut in alios transferendi, potestate pollere, neminem latere queat (§§. VI. & VII.); consequenter sciente & connivente ministro aut officiali jus quoddam regale aut territoriale Principis sibi asserens rei alienæ notitiam manifesto habeat (§. XIV.): patet, quam parum præsidii jurium Principis detentores ac usurpatores in eo inveniant, quando ad scientiam ministrorum & officialium provocant, eoque sese securos reputant.

SCHOLION. Confundunt scilicet scientiam ministrorum & officialium cum scientia Principis, & pares utrique effectus tribuunt, cum tamen toto coelo differant (a). Scientia Principis,  
positis

positis terminis habilibus, operatur consensum tacitum in re ac negotio, quod Princeps licite gerit: non vero perinde ministri, seu officialis, scientia, utpote quæ nullius efficaciam esse potest in re ac negotio, cui Principalis mandans aperte contradicit (§. VII.); quodque extra fines commissi officii esse, liquido constat (§. VI.).

(a) Conf. *Disput. Basilens. Vol. III. D. V. §. 24. lit. b.*

§. XVIII. Cui sententiæ eo praeiores suffragamur, quod, quum tam ministri & officiales dolo ac negligentia alienantes, maxime vero sub hocce palladio in superioritatis & regalia jura statuum imperii subrepentes in notoria mala fide, & rei alienæ scientia versentur (§. XIV.), eadem ita detentâ, atque usurpata optimo jure pro rebus furtivis habeantur (a); atque adeo hoc ipso ad omnes successores & heredes transcuntia, omnesque tam in naturali æquitate fundatos, quam in jure communi definitos rerum furtivarum effectus post se trahentia vitia contraxisse dicenda sint (b).

SCHOLION. Jura Principis regalia ejus sunt naturæ atque indolis, ut, cujus ea sint, facile discerni, proindeque suo domino restitui queant. Minus itaque excusandi sunt, qui clandestine subrepta jura Principis, quam qui furtivas privatorum res detinent, harum proprietariis haud ita facile detegendis; id quod agnovit Ictus sagacissimus JO. SCHILTERUS in *instit. J. P. lib. III. tit. 6. de efficacia & valore possessionis*, negligentia officialium indeptæ, magis esse, inquit, ut Princeps non teneatur, quum mandati fines egrediens committendo vel omittendo non obliget mandantem, quod & natura rei non patitur. Res, per culpam vel & conniventiam officialis vel ministri surrepta, est furtiva, ita & actus aut usurpatio, per eam admissa, manet respectu Domini clandestina & vitiosa. In quo nec ipsas leges refragantes habet, ut eidem potius per omnia adstipulentur (c).

(a) §. 7. *Instit. de Usucap. L. 24. §. 1. π. de Usurpat & Usucap. L. 12. C. de retinend. possess. L. 2. & seq. de Usucap. pro Emt.*

(b) LAUTERB. *Colleg. Theor. pract. lib. LXI. tit. III. §. 20.*

(c) LAUTERB. *d. l.*

D d d d 2

§. XIX.



§. XIX. Cum mala fide nullam unquam procedere præscriptionem (a), nec consciis rei alienæ detentoribus qualemcunque temporis lapsum suffragari, aut jus aliquod firmum, stabile & perpetuum tribuere, ex universaliter recepta, summaque æquitatis ratione subnixa juris canonici doctrina expeditum est (b). Quin, si res vitio reali affecta, vitio licet purgato, perinde, ut a tertio bonæ fidei possessore, non nisi tempore longissimo, id est, XXX. vel XL. annorum spatio acquiritur (c). Quapropter, cum aut dolo, aut negligentia ministrorum atque officialium regalia & territorialia Principis jura sibi, sive per se, sive officiales suos (XIV. schol.) asserentes, malæ fidei possessores, *scientesque* rerum alienarum detentores habendi (§. XIV.); ipsa vero sic invasa jura, ceu res furtivæ (§. XVIII.), vitio reali affecta sint (§. eod.): Status imperii, dolo aut negligentia ministrorum & officialium invadentes statuum aliorum regalia, pleno atque irrevocabili jure eadem nunquam acquirere; bonæ autem fidei possessorem tertium, non minus atque ipsum dicta ratione acquirentem, vitio purgato regalia sua jura revocantem Principem, aut statum imperii alium, non nisi post XXX. vel XL. annorum lapsum exceptione præscriptionis excludere, prono consecutionis filo deducimus.

SCHOLION. Priori quippe casu tam ipsi acquirenti, quam ejusdem successoribus juxta communem in praxi receptam doctorum sententiam, mala fides in infinitum obstat: secus in casu altero. Cum enim inter pares, superiorem agnoscentes judicem, & legibus inter se patriis viventes, nisi aliud forte obstaculum, uti ex jure canonico mala fides, XXX. vel XL. annorum lapsu omnia jura extinguantur, exclusa quidem ordinaria, longissimi temporis præscriptio locum obtinebit (d), objecti qualitate, scilicet regalium & jurium territorialium natura atque indolentia quipiam refragante. Siquidem respectus ille superioris ad inferiorem, qui solus hic diversitatem inducere poterat, inter status imperii, ceu pares, cessat: neque etiam, quod sola naturæ  
atque



atque gentium jura enatis inter imperii membra controversis pro cynosura atque norma habenda, praxis imperii & innumera coram summis imperii tribunalibus pendentes lites comprobent.

- (a) *Cap. fin. de Præscript. in 6. Cap. possessor. de reg. J. in 6. Glossa in Cap. 1. de præscript. ibid. ANGEL. §. furtiva. Instit. de Usu-cap. MENOCH. Conf. CCLI. n. XL. n. LVI.*
- (b) *Gloss. & DD. in Cap. 1. de præscript. c. l. PANORMIT. in Cap. fin. de constit. CRAVETTA Consil. CXLVI. n. 2. Vol. 1.*
- (c) *Novell. 117. cap. 7. Auth. mala fidei C. de præscript. long. temp. L. 8. §. 1. C. de præscript. 30. vel 40. Ann. LAUTERB. Colleg. Theoret. pract. lib. XLI. tit. III. §. 32.*
- (d) *LAUTERB. d. l. ibique alleg. DD. & LL.*

§. XX. Nobiles imperii immediati, licet Imperatori & imperio sine medio subsint, atque regalium capaces esse dignoscantur (a), non tamen sublimibus territorii juribus instructi sunt (b). Unde quæ §. præcedenti de non præscribendis aut acquirendis ex dolo & negligentia ministrorum & officialium regalibus, nec non superioritatis territorialis juribus demonstrata dedimus, a potiori tum locum sibi vendicabunt, quando Principi cum nobili immediato res est: ita ut, quod territorii jura attinet, omnis hic præscriptio exulet, & quæ negligentia officialium amissa fuere, nullo non tempore juste repetantur; quoad regalia autem attendendum sit, an ipse acquirens, an vero tertius B. F. possessor fraude ac negligentia ministri aut officialis invasa jura Principis sibi assertum eat? ac tum priori casu propter malam fidem (§. XIV.), & inhærens rei vitium (§. XVIII.) nulla, posteriori non nisi longissimi temporis præscriptio currat (§. XIX.).

SCHOLION. Sunt præterea multæ rationes aliæ, quæ hanc, quam intuitu nobilitatis immediatæ fovemus, sententiam commendent; quas inter haud postrema, quod in his principatibus & statuum territoriis ubi nobiles immediati prædia sua eque-

stria intermixta possident, simulque præfecturas gerunt, juribus Principum vix satis prospectum foret, si is fraudulentæ aut supinæ officialium negligentia effectus foret, ut sub hoc iniquitatis palladio occupata jura Principis tempore præscriptionis ordinario acquirerentur, atque ab iisdem revindicandis status in perpetuum excluderentur.

(a) PFEFFINGER *Vitriar. Illust. Tom. IV. lib. III. tit. 21. lit. m. p. 235.*

(b) STRUVE *Corp. J. Publ. Cap. XXXII. §. 8.*

§. XXI. Subditi & landsassii sublimia territorii jura nunquam (a), regalia vero, in specie ita dicta, & subordinatum jurium territorialium exercitium sola Principis concessione (b), & quæ eidem æquivalet, immemoriali temporis præscriptione acquirere apti sunt (c). Unde indeptam dolo aut negligentia officialium regalium aut territorialium jurium possessionem, per centum licet & plures annos continuatam, landsassii & subditis ad acquirendum atque usucapiendum necquicquam proficere liquido patescit.

SCHOLION. Duplex hic adversus Principem perfidia, dolus, atque negligentia concurrit, nimirum ex parte officialis, qui contra juratam superiori suo fidelitatem regalia in landsassiorum ac subditorum manus venire patitur: dein ex parte subditorum, sive landsassiorum, queis pro fide ac obsequio, quod Principi ac reipublicæ debent, citra insignis offensæ & criminis notam in sacrarium summæ potestatis se ingerere, aut regalia jura usurpare, haud convenit (d).

(a) COVARRUV. ad *Cap. possess. p. 2. §. 2. n. 10.* HERT. de *superiorit. territor. §. 97.*

*Opusc. X. §. 111. seqq.*

(b) *Ibid. §. 122.*

(c) *Ibid. §. 124.*

(d) *Ibid. §. 115. & 129.*

§. XXII. Habent vero dicta tum minus dubii, quando landfassi aut subditi, in ministerio & officiis Principis constituti, ipsi in putatitiam jurium regalium possessionem sese intromittunt; consequenter ex propria fraude, dolo aut negligentia compendium quarunt. Quippe manifestæ eorundem malæ fidei, & nullo titulo coeptæ possessioni nullum tunc temporis lapsum adminiculi, aut jus stabile tribuere patefcit (a).

SCHOLION. I. Quod si ALBERICUS de *J. B. & P. c. 22.* recte neget, negligentiam XC. vel C. annorum regnis & principatibus haud obesse, eosque semper posse reperere ab antecessoribus derelicta (b): id multo magis tum asserendum, quando non ipsi Principes, sed eorum officiales, negligentes extirere, & segnitie sua jura reipublicæ pessum ire passi sunt (c); potissimum, si non in pari dignitate constituti neque æquales, sed subiectio nexu devincti landfassi jurium & rerum Principis usurpatores existant.

SCHOLION II. Concidunt adeo, quæ ex BRUNNEMANNO (d) atque STRYCKIO (e) affert RHODIUS in dissertatione de *præscriptione bonorum Principis C. I. n. 45. & 46.*, quæque alii pro tuenda sententia contraria argumenta conquirunt, vel ex eo nullius aut exigui ponderis reputanda, quod de juribus agatur Principis & reipublicæ, ad modulum juris Justiniani aut privati haud dimetiendis: præsertim, quando inter superiorem, & subditos lis vertitur, atque hi adversus rempublicam eadem usurpare contendunt. Privatis negotiorum dominis tam dolus, quam culpa, a procuratoribus vel infortioribus admissi, non aliter nocet, quam si solvendo sint, vel domino imputari queat, quare tam negligentem præposuerit: veluti adducti ab HARPRECHTO (f) ingenti numero testantur. Ecceur diversum in Ministris seu officialibus Principis statuamus? quorum potestas non minus, quam infortiorum suis circumscripta esse limitibus dignoscitur, quos si egressi fuerint, Principem haud amplius obligant, multo minus eidem præjudicant. Neque enim aliter factum officialis pro fidei, & officii sui formulæ convenienter agit, nequam vero quando contra præfinitam instructionis normam jura regia, atque territorialia negligit (g). (a)

- (a) *Cap. dilecti. 7. §. potest. D. 16. 2. 3.*  
 (b) VITRIAR. *Instit. J. Civ. lib. 11. tit. VI. n. 35.*  
 (c) L. B. ab ANDLER *Jurisprud. lib. I. tit. V. p. 10.*  
 (d) *Conf. CLXVII. n. 5.*  
 (e) *Dissert. de oblig. Principis. ex facto Ministri. C. IV. n. 16. seqq.*  
 (f) *Vol. I. Conf. LXXXV. n. 265.*  
 (g) PARIS de PUTEO *de Syndicat. voce compositio C. IX. n. 5.*

§. XXIII. Porro, quoniam Principes, antequam munera publicorum candidatos ad officia actu promoveant, eorundem capacitatem, fidem, & morum probitatem quam potest curatissime explorare, atque in ipso officii ingressu sollemni juramenti formula ad exactissimam in credito sibi munere diligentiam adigere solent; proin nihil in se, quod ad partes boni & vigilantis Principis pertinet, desiderari patiuntur: patet, admissam ex post in functionibus negligentiam, dolum aut fraudem ipsis nulla ratione imputari (a), multo minus juribus reipublicæ præjudicium inde enasci posse; attento præcipue, quod a suprema reipublicæ potestate in tanta negotiorum publicorum mole anxium illud, quod a patrefamilias, aut mandante, requiritur examen, prætendi neutiquam valeat.

SCHOLION. Atque eapropter nullus dubitat HARPRECHTUS (b), quin, si etiam Princeps suorum quos habet consiliariorum atque officialium juratæ fidei, diligentia, & ex plurimis argumentis comprobata probitati confiscus in rebus ad officium spectantibus ex ipsorum negligentia vel imperitia, quoad bonæ administrationi suæ concredita detrimenti quid capiat, isto nomine non Princeps, multo minus Episcopus, sed illi ipsi consilarii atque officiales, aut qui rerum illarum peritiam profitentur, & sub fide corporalium juramentorum se ad quamvis possibilem diligentiam obstrinxerunt, modis omnibus teneantur, non distinguens (c) inter ministri, seu officialis, sive malitiam, sive negligentiam, cum tam in uno, quam in altero casu mandato omni destituantur.

(a) WESEN.

- (a) WESENBEC. *Consil. LIII. n. 55. HEESER de ration. reddend. loco 10. n. 159.*  
 (b) *Tom. I. Conf. LXXV. n. 256.*  
 (c) *Ibid. n. 171.*

§. XXIV. Jurium superioritatis territorialis & regalium alienatio res est maximi momenti, ad quam Principes & status imperii citra evidentem utilitatem, aut urgentissimam necessitatem haud descendunt: & siquidem eo deventum, alienationes sive concessiones non sine scrupulosa sollemnitate, confectis desuper instrumentis publicis, observatisque aliis cautelis necessariis perfici solent; ita ut, si Principis voluntate regalia aut territorialia jura in alios translata fuerint, ejus rei vix obscura esse demonstratio aut probatio possit, vel ipsis archivis & actis publicis fidem subministrantibus. Quando itaque ex adverso, qui regalia & territorialia jura Principis possident, nec de concessione docere, nec immemorialis temporis lapsu sese defendere valent: quid aliud superest, quam ut, sub palladio negligentiae aut doli ministrorum atque officialium, eosdem sese in regalia Principis intrusisse statuamus? Est sane hæc voluntatis & facti conjectura fortissima, & ex negotii indole velut sua sponte profluens, ut veritati quam proxime accedat (Opusc. X. §. LXXXII. sequ. ), ac proin in dubio plenæ probationis vicem optimo jure suppleat (a), favore in causis regalium & jurium territorialium omni modo pro Principe & republica militante, fatisque probato, quod ex juris probatione resultat (b).

- (a) MASCARD. *de probat. Concl. MCCXXII. n. 2. MINOCH. 1. pref. 36. PACIAN. 1. de probat. 8.*  
 (b) *L. 74 & ibi JASON n. 13. π. de Legat. 1. COVARRIV. 2. variar. Resol. Cap. VI. n. 1.*

Eeeee

§. XXV.



§. XXV. Quapropter, si status imperii, regalis aut territorialis cujusdam juris in alieno territorio possessor, adversus Principem aut statum alium, idem repetentem, in possessione manuteneri cupiat, præsumptione malæ fidei (§. XXXIV. ) sese purgare, quodque nec proprio, nec antecessoris (a) dolo aut negligentia ministrorum & officialium, sed bona fide possideat, liquido docere necessum habet. In petitorio vero, aut juxta demonstrata superius (§. XIX. ), præscriptionem adimpletam, aut pacto, transactione, aliove modo dominii & proprietatis translativo regale, de quo quæritur, se acquisivisse, probare ipsi incumbit. Probationis siquidem onus declinare nequit, qui fortes adeo rei alienæ, aut dolo aut negligentia invasæ, præsumptiones contra se patitur (§. XXIV. ) (b).

SCHOLION. Eadem, quod regalia in specie ita dicta attinet (§. I. ), ad Nobiles imperii immediatos in statuum territorii, jura ejusmodi sibi afferentes, applicanda (§. XX. ). Sublimia enim territorii jura cum possidendi haud capaces sint: horum intuitu melioris conditionis haud erunt, quam landsassii & status mediati, qui regalia domini territorialis jura usurpant, excepto, quod Nobiles immediati coram aliis instantiis, nimirum summis imperii tribunalibus conveniendi sunt.

(a) *L. cum heres* π. *de divers. & temp. præscript.* *L. vitium* C. *de acqu. possess.*

(b) *Cap. un.* ⚔ *de Eccles. benefic.*

§. XXVI. Subditis & landsassiiis alia via ad regalia & territorialia Principis jura haud patet, quam facta a domino territoriali concessio, aut immemorialis temporis lapsus (§. XXI. ), concessioni æquivalens (a). De hac itaque si non doceant, præsumtamque inde malam possessionis fidem (§. XXIV. ) & consciam rei alienæ detentionem non elidant, nulla eisdem possessio relevabit, aut contra Principem, sua  
&

& reipublicæ jura repetentem, securos reddet. Enimvero, si quando dolo aut negligentia ministrorum & officialium regalia sibi asseruere: concessionem nunquam, immemorialis autem temporis lapsum, qualem eximia hæcce jura postulant, id est, ne per documenta quidem elidendum (b), vix ac ne vix quidem probare potes sunt; uti per se patet. Quare contra subditos & landassios, negligentia aut dolo officialium regalia occupantes, æternam Principum & statuum imperii tam in possessorio, quam in petitorio auctoritatem esse, nemo dubitat.

SCHOLION. De possessorio id jam alio loco in genere demonstratum dedimus ( Opusc. X. ): mirandum ut sit, esse adhuc inter JCtos tam fascinatæ mentis, qui Principe, cum subdito aut landassio de regalibus arque territorialibus suis juribus litigante, judicio possessorio locum esse contendunt. Ast sunt hi pulchri illi effectus neglecti studii juris publici universalis, & particularis Imp. R. Germ., cujus doctrina solidiori destituti, dum legum Justinianearum atque juris privati decempeda regalia quoque & sublimia Principum jura emetiuntur, quodque inter pares ( §. XIX. schol. ), aut privatos juris est, nude crude ad status quoque imperii applicant, mirum quantas in republica confusiones suscitant. Et tamen quotidie vociferari audias: landassium esse in possessione regali: destitui eundem citra violentiam, summamque injuriam haud posse: & quæ sunt ejus generis alia; quasi vero injuria fiat ei, qui, quod neque ex concessionum chartis, neque ex investiturarum litteris, aliisque documentis, aut usu saltem immemoriali, tanquam unicis possidendi & acquirendi titulis demonstrare nequit, ejus possessionem Principi suo dimittere cogitur. Si jura hæcce, perinde ut res aliæ privatæ, in commercio subditorum forent, haberet, quod ipse fateor, æquitatis & justitiæ haud leve robur hæc DD. sententia. Ast cum de juribus Principis & reipubl. sermo sit: omni eo fundamento destituitur.

(a) *Opusc. X. allegatis supra ( §. XXI. ) locis.*

(b) *Ibid. §. 83. seq.*

(c) *d. Opusc. per totum, & præsertim §. 142. seq.*

§. XXVII. Cum itaque negligentia aut dolus ministrorum atque officialium possessionem Principis haud intervertat (§. XVI.): eandem a quocunque, etiam a constatu, modo ne armorum metus immineat, aut hic ad iudicium provocet, avocare poterit (a): id quod ratione landsassiorum & subditorum nullam dubitationem patitur, cum in causis regaliū suorum Princeps indubitatus iudex esse dignoscatur; ita ut usurpationis & mala fide coeptæ possessionis argumentis ex parte fisci & reipublicæ in liquido positis, atque landsassio aut subdito neque concessionem, neque usum immemoriam docente, Princeps tam possessionem, quam ipsa jura regalia judiciali sententia sibi addicendi facultate polleat.

SCHOLION. Quod Princeps, in causas regaliū suorum cum subditis controversens, ipse iudex sit, atque delegare ejus rei cognitionem consiliariis suis possit, fuse demonstrat HARPRECHTUS *Volum. novo Consil. Tubingens. Consil. XLVI. n. 68. sequ.* " In hoc plerosque conspirare asserens, quod, uti in universum quoad omnes in alicujus territorio exortas causarum species, Principes ac domini territoriales ratione jurisdictionis circa illas competentis, regulariter fundatam habeant intentionem, notante WESENBECIO; *P. III. Consil. CXLVIII. n. 19.* " KIRCHOV. *T. V. var. Germ. Ict. Consil. I. n. 18. & post alios* " KNICHENIO *de f. territ. C. V. n. 100. seqq.* ita in specie quoque in casu, quando ipsis cum aliquo subditorum suorum lis vel controversia intercedit, idem pariformiter statuendum sit, non quidem ad hunc effectum, ut ipse cognoscat, sed ad hoc, ut ipsi tales subditos coram propriis suis consiliariis, tanquam competente primæ instantiæ iudice delegato, convenire, & ab hisce ejusmodi causæ controversæ decidi valeant; Hanc, inquit, esse generalem Germaniæ consuetudinem, ut Principes, cum suis subditis litem habentes, eosdem coram propriis suis curiis & dicasteriis convenire possint, nec statim suprema imperii tribunalia adire teneantur, uti ex praxi testatur ZAS. *ad L. 10. n. 13. & 28. π. de Jurisd., & in Paratit. π, eod. tit.* GOEDDE. *Consil. Marpurg. Vol. IV. Consil. LXXIX.*

“ XXXIX. n. 110. RICHTER *Vol. II. Conf. CCLIX. de LUDOLF*  
 “ *J. Cameral. p. 29. ubi dicta tum potissimum, quando Principes*  
*judicia bene constituta habent, locum obtinere docet.*

(a) *Arg. Cap. Casarea Art. VIII. §. Gestalten auch jeder Chur-  
 Fürst 2c. sub finem: Und soll darneben einem jeden Chur-Für-  
 sten/ Fürsten und Stand/ die freye Reichs-Ritterschaft mit-  
 begriffen/ erlaubt seyn/ sich und die seinige solcher Beschwer-  
 den/ wie alschon vermeldet/ selbst so gut er kan/ zu entledigen/  
 und befreyen. Conf. ZIEGLER de J. Majest. L. I. C. I. §. 31.  
 WILDVOGEL Dissert. de causa propria C. II. §. 18. SCHWE-  
 DER de foro Illustrum. BLUM. Process. Camer. tit. XXVI. n. 27.*

§. XXVIII. At vero, regeris, si ita sese res habeat, & neque dolus, neque negligentia officialium juribus Principis ac reipublicæ officiat ( §. XVII. ), ut potius nullo non tempore a detentoribus advocari valeant ( §. XVI. & XXVI. ), quid, obsecro! de juribus territorialibus atque regalibus statuum imperii fiet? Siquidem non minus & hæc ad jura Imperatorum atque imperii pertinuisse, & ducum, comitum aliorumque regni seu dolo, seu negligentia ad status Imp. pervenisse constat: consequenter æquali ratione inde repeti posse videantur. Verum enimvero perperam hæc ad status imperii trahi, vel inde patet, quod regalia atque territorialia sua jura maximam partem ex concessionibus Imperatorum, investituris, immemoriali usu, atque observantia, legibus imperii publicis, instrumento pacis, & capitulationibus cæsareis roborata, adeoque ex titulo plus quam sufficienti, jureque optimo maximo possideant. Statuum provincialium & landsassiorum sortem dudum supergressi sunt procures imperii, ut cum illis citra absurditatis notam comparari vix possint. Imperantium potius classi accensendi veniunt, in vindicandis, atque recuperandis sublimibus territorii, & regalibus juribus pari cum summis rerumpublicarum potestatibus jure utentes.

Ecccc 3

§. XXIX.



§. XXIX. Statuminatis principiis hisce generalibus, superest, ut ad regalia & superioritatis territorialis jura in specie pedem promoveamus, brevibus ostensuri, qua ratione negligentia & dolo officialium e juribus Principis avelli, usurparique soleant; quoque jure domini territoriales eadem, juxta demonstrata, hucusque revocent.

§. XXX. A potestate itaque Principum legislativa, quæ inter jura territorialia primum facile locum sibi vindicat, initium faciemus. Multifariam eandem tum a vicinis statibus, & membris Imp. immediatis, tum a landsassii & subditis usurpari, & conniventibus ministris atque officialibus invadi posse nemo dubitat: id quod fit I., quando in locis, jurisdictioni territoriali Principis subjectis, alieno nomine mandata affigi, legesve promulgari patiuntur, aut clandestine & subreptitie promulgatas tanquam normas legales agnoscunt, quin plane executioni mandant; vel saltem, quod adversus superioris sui leges ferendi potestatem attentatum, in tempore haud denuntiant, neque protestando, atque contradicendo irritant, II. quando leges & mandata Principis in locis, ubi landsassii & status provinciales nonnisi jurisdictione bassa atque voghteia inferiore gaudent, haud affigunt, & domini territorialis auctoritate atque nomine promulgant, indeque exemptionibus a jurisdictione territoriali attentandis ansam subministrant; III. quando aliorum violationibus obviam haud eunt, neque manu forti possessionem Principis sui defendunt. IV. Denique potestati legislativæ præjudicium imminet, quando domini voghetici sub prætextu evulgandorum mandatorum, ad exercitium jurisdictionis inferioris pertinentium, conniventibus, aut dolose adminiculantibus officialibus Principis limites suæ potestatis egrediuntur, atque jus ferendi leges publicas, cum excidio manifesto jurisdictionis territorialis, sibi arrogant.

Enim-



Enimvero, cum ea potestas cum superioritate indivulso nexu cohæreat, solique domini territoriales eximio hocce jure ab Imperatoribus investiantur: donec hæc in dubium haud vocatur, nec exemptio argumentis gravissimis probata fuerit, qualescunque hi sub palladio negligentiae & doli officialium patrati actus jus Principis circa ferendas, promulgandas, & exequendas leges haud evertere aut perimere potes sunt (§§. XV. XIX. sq.); quin, iisdem non obstantibus, dominus territorialis mandata sua in locis, pagis & districtibus landsassiorum, intra limites territorii comprehensis, absque ulla requisitione (a) publice affiget, leges edicet, & universim observandas præcipiet, atque per officiales ac ministros subalternos executioni mandabit, vi & manu forti, ubi opus, ufurus. Nulla hic in contrarium consuetudo, nulla possessio quidpiam operabitur (§. XXV. & XXVI.); utpote quæ, ceu sub- & obreptitæ obtenta, nullius roboris esse dignoscitur.

SCHOLION. I. Hæc potissimum tunc obtinere debebunt, quando illi ipsi landsassii & subditi, qui ad sublimiorem libertatis & exemptionis auram captandam nares erigunt, variis sese artibus & clandestinis machinamentis a subjectione, ac legislatoria Principis potestate eximere, unaque cum subditis suis voghteticis in statum immediæ adferere pertendant. Quippe concurrente cum ministrorum & officialium negligentia, dolo atque fraude propria malæ fidei possessio nihil dubii habet; ac proin nulla præscriptio, aut temporis lapsus usurpatoribus ejusmodi potestatis legislatoriæ suffragabitur.

SCHOLION. II. Apparet tamen, ad præscindendas omnes exinde enascituras controversias, vel maxime præcavendum esse, ne negligentia aut dolo officialium quidpiam juribus Principis adversum admittatur, nec clandestinis exemptionibus, atque jurium voghteticorum extensionibus locus relinquatur. Qua in re inscitia ministrorum & officialium non una vice peccatur; quando nimirum limitum jurisdictionis voghteticæ haud gnari, ad eandem

eandem referri patiuntur, quæ juxta veriora juris publici principia, ipsamque bassæ jurisdictionis veram indolem superioritati territoriali magis cohærent; quorum magnum numerum recenset GRIBNERUS in dissertatione, *de Furibus Principis regalibus, quæ vulgo, sed perperam, ad jurisdictionem referuntur*; recte non uno loco innuens, quod Princeps, quando jurisdictionem in inferiores transfert, non legislatoriam, sed jurisdictionis potestatem transtulisse, illamque sibi semper reservasse præsumendus sit.

(a) Probat hoc ex MASCARDO *Concl. CCCCXCVIII. n. 2.* MICHAEL *de Jurisd. CLII L. c.* STEPH. *de jurisd. L. II. P. I. C. VII. n. 350.*; *Außer des Klugen Beamten tit. XVII. §. 11.* addens: *Daß der obalten nit könne zugemuthet oder ausgestanden werden/daß der Landes-Herr die Publication erst von dem Inferiori er suche / und die Affixion an die Kirchen-Thüre ausbitte.* Item *P. I. tit. XL. §. 18.* quo loco jus mandata affigendi ad superiorem jurisdictionem recte refert, ita ut inconsulto domino voghtetico ea & affigere, & promulgare, atque executioni mandare valeat.

§. XXXI. Eodem modo sese res habet cum jure exigendi homagium subjectionis territorialis, cum superioritate statuum ita connexo, ut unum absque altero concipinequeat, ac quamprimum subditum se quis profiteatur, ad præstationem homagii insimul obstrictum sese agnoscat (a). Quapropter si negligentia & vecordia ministrorum atque officialium statuum provincialium & landsassiorum subditi mediati hocce subjectionis juramentum, den Landes-Huldigungs-Eyd/præstare intermiserint, indeque immunitatem ab hocce obligationis vinculo prætendant: id domino territoriali fraudi esse nequit, nec ex hac omissione landsassii, eorumve subditis jus aliquod, seu exemptio acquiritur (§. XV. & XVI.); ut potius quandocunque evocanti territorii domino subjectionis fidem atque homagium jurare necessum habeant.

SCHOLION. Causam, cur subditos suos ad præstandum domino territoriali homagium haud obstrictos esse contendunt, hanc sæpe proferunt landsassii; quod scilicet homagio subjectionis hereditariæ, durch den Erb-Huldigungs-End / sibi jam jam devincti, consequenter ad præstationem alterius homagii adigi haud queant. Enimvero quis non videt, confundi hic homagium subjectionis territorialis, die Landes-Huldigung / cum juramento sive homagio subjectionis hereditariæ, der Erb-Huldigung / dominis hereditariis ab hominibus propriis, & subditis suis mediatis præstari solito, nec aliam inducente obligationem, quam ut suis dominis in actibus jurisdictionis voghteticæ pareant; cum prius multo latius pateat, & ad jura tam belli, quam pacis, sequelæ, verbo, ad universum juriur territorialium complexum sese protendat; ac proin præstito homagio priori, posterioris obligatio nequaquam cesset: adeo ut dominus territorii idem pro lubitu exigere possit, quod & meo judicio consultum videtur, ne, dum subditi isti mediati nullam Principi fidelitatem jurant, erronea ipsis opinio in animo ingeneretur, quasi ab omni subjectione territoriali immunes forent, indeque infinitis litigiis ansa ac fomentum subministretur.

SCHOLION. II. Quod si tamen landsassii, dum domino territoriali fidem homagiale & subjectionem jurato firmant, subditorum suorum voghteticorum, id est, intuitu Principis mediatorum, insimul mentionem faciant, ac velut procuratorio nomine pro iisdem quoque juramentum homagiale præstent, aliter sentiendum; nec ulteriori tunc subjectionis vinculo illigandi erunt; de quibus juramentorum, a landsassiiis præstandorum, formulis in casibus particularibus plenior notitia hauriri poterit: quin nec pacta & recessus, Principes inter & status suos provinciales legitime iniri, insuper habendi, utpote in ipsis rerum momentis omne pene punctum ferentes.

(a) STRUVE *Corp. Jur. publ. Cap. XXX. §. 4. seq.*

§. XXXII. Jurisdictio, quam domini territoriales in subditos suos exercent, non minus inter eminentiora superioritatis territorialis effluvia referenda; qua quod tacito con-

Fffff

sensu

sehsu sese abdicaverint, nulla præsumptio militat (§ XXIV.). Quapropter, si aut vicini constatus, aut landsassii & subditi negligentia vel dolo ministrorum atque officialium jurisdictionem qualemcunque, siue criminalem & centenariam, civilem, voghteticam, forestalem, aliamve ejus speciem, in subditos sibi asseruerint, atque se suosque ab eadem eximere attemptaverint: ea officialium vecordia Principi in recuperandis suis juribus neutiquam nocumento erit, sed subditos, jurisdictioni suæ clandestine subtractos, mediis convenientibus (§. XXVII.) optimo jure ad judicia atque forum pristinum revocabit (§. XXVI.).

SCHOLION. Falluntur itaque, qui alia, quam *supra* (§. eod. XXVI.) explanavimus, ratione manuteneri se posse existimant; potissimum landsassii & status provinciales, qui uti non nisi subordinatam domino territoriali, & ab ejus suprema jurisdictione per omnia dependentem, jurisdictioni potestatem possidere apti sunt, ita, hanc ipsam ex indubiis documentis & immemorialis temporis usu demonstrandi, onus, atque necessitas ipsis incumbit (a).

(a) ENGELBRECHT *de Jurisdicth. n. 172.* COVARRUV. *Cap. possess. §. 2. n. 12.* RICHTER. *decis. 21. n. 49.* COTHMAN. *Vol. IV. Consil. I.*

§. XXXIII. Ex dictis facile colligitur, multo minus extremum provocandi jus, ceu nobilissimam atque essentialem superioritatis territorialis partem (a), ministrorum, præfectorum, atque officialium negligentia landsassiiis acquiri, proindeque e juribus Principis avelli; perpenso præsertim, quod landsassiorum fraudulentæ machinationes, & præmeditatus dolus ut plurimum concurrant, consequenter acquirere volentes in aperta mala fide constituti deprehendantur: in quem finem subditis suis, datis ad id clandestinis mandatis, severe subinde inhibere solent, ne qualescunque causas judiciales



diciales via appellationis ad dicasteria superioris sui Principis territorialis deferant, sed aut per modum revisionis coram priori instantia, vel transactione amicabili privatim finiant, aut, si neutrum succedat, præterito contra LL. Imp. publicas ordinario superiori iudice (b), ad suprema imperii tribunalia provolent; parum tamen prospero inde sperando successu, quum, extremum hocce provocandi jus nullo unquam tempore ab inferiori, seu subdito, adversus territorii dominum præscribi, notorii (§. XXVI.) atque expediti juris sit (c).

SCHOLION. Quare, cum tantopere interfit, ut eximium hocce superioritatis territorialis effluvium Principi sartum & illibatum servetur, patet, justam superioris vindictam, atque poenas accerrimas in se provocare, qui nefariis hisce ausibus & callidis machinamentis se & subditos suos mediatos ab omnimoda domini territorialis subjectione subtrahere, & in plenariæ exemptionis statum adserere attemptant, indictis mulctis pecuniariis, aut privatione jurisdictionis suæ voghteticæ, aliisque mediis convenientibus in ordinem redigendi. Maxima hic ministrorum & officialium sollicitudo, quin & vigilantia summa requiritur, quo initiis obviam eatur, atque præparata in ruinam juriæ reipublicæ retia in tempore dirumpantur.

(a) REINKING *Reg. Sec. & Eccl. Cl. I. V. IV. n. 129.* KNICHEN. *Encyclop. C. LXI. n. 31.* ZACHAR. VIETOR. *de exempt. Concl. XXXVI.* RUTGER. RULAND. *de Commiss. P. IV. Lib. II.* MAS-CARD. *de probat. Concl. CXLVI. n. 4.* GAILL. *de arrestis. C. VIII. n. 45.*

(b) *Capit. Casarea. Art. XV. verbis: Wir wollen die mittelbaren/ und der Stände Lands- Unterthanen in unserm Kayserlichen Schutze haben / und zum schuldigen Gehorsam gegen ihre Landes- Obrigkeiten anhalten / wie Wir dann von keinem Chur- Fürsten/ Fürsten und Stand ( die unmittelbare Reichs Ritterschafft mit begriffen ) seine Landsassen / ihme mit oder ohne Mittel unterworffene Unterthanen / und mit Landes Fürstlichen/ auch andern Pflichten zugehörane eingeseffene und zum Lande gehörige*



ge / von deren Bothmäßigkeit und Jurisdiction, wie auch we-  
gen Landes Fürstlicher hohen Obrigkeit rechtmäßig hergebrach-  
ten respective Steuern - - - - - eximiren und bestreuen / noch  
solches andern gestatten.

(c) KNICHEN *d. l. n. 3.* STEPHAN. *de Jurisdic. lib. II. p. l. c.*  
*7. n. 376.* & potissimum SL VOGHT *de jure recipiendi provoca-*  
*tiones ex jure superioritatis oriundo Cap. II. §. 11.*

§. XXXIV. Jus quoque politiæ territorialis , ad jura  
Principis eminentiora haud dubie pertinens (a) , a vicinis  
statibus , potissimum vero landsassii & dominis jurisdic-  
tionalibus , conniventibus atque indulgentibus ministris & of-  
ficialibus Principis varie usurpari ac invadi *experientia com-*  
*probat* ; eoque crebriores hic sese abusus manifestant, quod  
jurisdictionis bassæ sive inferioris civilis limites nulla in re  
magis obscuri esse deprehendantur, multis ad eandem refe-  
rentibus , quæ meliori longe jure jurisdictioni territoriali  
Principis vindicantur. In quo conflictu ex sanioribus juris  
publici principiis ego ita judico: commerciorum florem per  
universum territorium salutaribus legibus augendi , opifi-  
ciorum ordinationes publico proficuas condendi, ponde-  
ra , mensuras , & ulnas uniformiter determinandi, immu-  
tandive, pro avertendis morbis contagiosis tam hominum,  
quam pecudum , nec non incendiis tum præcavendis, tum  
restringendis similibusque ad bonum civitatis & territorii  
commune tendentibus institutis introducendis media neces-  
saria præscribendi , & in omnibus territorii partibus pro-  
mulgandi facultatem soli domino territoriali competere,  
eumque , quo minus hæc omnia tam in landsassiorum bo-  
nis & terris mediatis , quam propriis & immediatis ad ef-  
fectum deducat , nullo jure impediri ; universali territorii  
regimine non landsassii , sed Principibus ab Imperatore &  
imperio concredito. Fieri interim haud raro , ut levioris  
notæ

notæ politiæ jura , necessitate præsertim publica , & communi bono inspectionem officiumque supremum Principis haud adeo flagitante , dominis jurisdictionalibus & landsassii familiaritatis quodam jure relinquuntur; ut scilicet Principis nomine ea procurent , quo pervigil ejusdem oculus ob nimiam negotiorum molem haud pertingit , suprema directione , & in casu necessitatis aliter providendi facultate semper salva.

SCHOLION. Hæc in regula : quo ipso tamen peculiaribus observantiis, in uno alterove territorio legitime introductis, nec clandestine atque negligentia officialium sub-& obreptive emendicatis , neuriquam præjudicatum volumus ; id solum monentes ejusmodi aberrationibus a regula & contrariis observantiis non facile dandum esse , ne , dum quilibet domicellus in pago suo leges ferendi & politiam proprio arbitrio moderandi potestatem sibi sumit , loco regularis reipublicæ prodeat tandem  
*Monstrum horrendum ingens, terribile visu.*

(2) STRIVE Corp. J. publ. Cap. XXX. §. 14.

§. XXXV. Jus con-atque destituendi magistratus, aliosque officiales publicos inter prima majestatis axiomata connumerant civilis prudentiæ doctores (a) , adeo, ut, si quis privatus sine legitimi sui superioris auctoritate eam facultatem sibi asserere præsumserit , is majestatis læsæ crimen haud immerito incurrissè dicendus sit (b). Unde prona fuit conclusio , quod , qui in territorio Principis , sive vicini status & membra imperii immediata, sive landsassii, status provinciales , & civitates municipales sola ministrorum atque officialium negligentia seu dolo magistratus civiles, quorum alias constitutio ad dominum territorii spectat , ordinandi aut destituendi jus sibi adscribunt , adversus Principem in possessorio nunquam , in petitorio autem nonnisi

Fffff 3

pro-

probata concessione, aut immemoriali possessione, purgato vitio securi sint (§§. XXV. XXVI).

SCHOLION. Probe hic attendendum, ne subordinati magistratus & domini jurisdictionales concessa sibi potestate abutantur, justosve ejusdem limites egrediantur; id quod multoties fieri videmus, quando voghteia inferioris jura cum evidenti dominorum territorialium atque Principum præjudicio justo latius extenduntur, pro colorandis hisce abusibus, nescio qua putativia observantia in subsidium vocata: quam tamen omni carere effectu ex dictis liquet, ut potius læsi in suis juribus Principes inhibere tales actus, & usurpatam ab inferiori potestatem quovis tempore revocare valeant (c).

(a) ZIEGLER *de J. Majest. lib. I. Cap. XXIX. §. 3. sub fin. allegans Aristot. lib. IV. polit. c. 14.*

(b) *Ibid. L. 3. ad L. Jul. Majest.*

(c) ZIEGLER *d. l. §. 44.*

§. XXXVI. Belli & pacis, eisque cohærentia sequela, delectus, fortalitorum, præsidii, guardiæ, aperturæ, metatorum & similia jura cum superioritate territoriali essentiali nexu ita conjuncta sunt (a), ut separari ab eadem nulla ratione valeant (b). Quando itaque a ministris & officialibus negligi, atque a vicinis statibus invadi, aut plane a landsassiiis & subditis propriis usurpari ea contigerit: actus isti, atque usurpationes tanquam clandestinæ, vitiosæ, & malæ fidei nullius esse valoris aut roboris queunt. Quo enim effectu dominus jurisdictionalis & voghteticus, alterius superioritati subjectus, jura præsidii, delectus, metatorum &c. sibi tanquam propria vindicare poterit? cum id solis statibus leges imperii publicæ adscribant (b), & Princeps, abolito infesto jure manuario, vim aut apparatus bellicum privatum in suo territorio tolerare nequeat. Nil igitur obstabit, quo minus, putativis possessionis factis necquicquam  
remo-

remorantibus, omnia hæcce jura ad se trahat, & veluti legitimus eorundem dominus ac possessor privative exerceat.

SCHOLION. Quoniam Nobiles imperii immediati sigillatim jure belli ac pacis, præsidii, aut fortalitiarum haud gaudent (c): patet, quantum eximia hæcce & sublimia jura attinet, eosdem adversus imperii status, de competente sibi in loco controverso superioritate legitime docentes, nulla ratione nec in possessorio, nec in petitorio manutenendos, aut defendendos esse. Quod vero equestria bona immediata concernit, aut Imperator immediate, aut ejusdem nomine Nobilitas in corpore has majestatis & supremæ potestatis partes exercebit.

(a) STRUVE *Corp. f. publ. Cap. XXIX. §. 56. sequ.*

(b) *Capit. Casarea. Art. VI. §.* So viel aber die Stände des Reichs etc. *Item Art. IV. §.* Jedoch sollen und wollen ic. sub f. Inmässen dieses (scil. jus extruendi fortalicia.) allein die Landes-Herrn nach denen Reichs-Satzungen in ihren territoriis zu thun befugt sind.

(c) STRUVE *d. l. cap. XXXII. §. 8.*

§. XXXVII. Ut idem quoque de jure collectandi obtinere statuamus, nullis novis argumentis opus est; quum ab alio, quam a territorii domino, atque immediato Imp. membro aut ejusdem nomine exerceri nequeat (a). Quotocunque adeo tempore collectæ dolo & negligentia officialium præstitæ haud fuerint, eas tamen exigendi, atque subditis suis tam mediatis, quam immediatis imponendi Principi facultas semper integra erit (b); hac potissimum ex ratione, quod tributa intuitu prædiorum in signum subjectionis territorialis præstentur, qualia quæ sunt, negligentia officialium haud pereunt: præsertim, quousque subjectionis vinculum haud dissolutum appareat (c), ipsique landfassii eorumque subditi superioritatem Principis comiter venerantur.

SCHO.



**SCHOLION** An? & quatenus pacta, quibus certam collectarum quotam landsassii sibi stipulantur, valeant, de eo alio loco dispiciemus. Negligentia saltem officialium & intermissione exercitii regale hocce Principum haud perire, expeditum est; in eamque sententiam responderunt Hallenses *Tom. II. Lib. II. Resp. 64. n. 55.* ibi: Diemeilen aber der Landes Herr seinen Consens zu diser Ueberlassung des Juris collectandi Herrschaftlichen Unterthanen nicht schlechterdings / sondern unter der Condition ertheilt / . . . & paulo post: Wogegen dasjenige / was nachhero geschehen / den Principem deswegen nicht beschweren mag: theils weilen einem Landes Herrn nicht anzunehmen / daß er sich bey seiner Regierungs Last um dergleichen Umständen bekümmere: theils auch / wenn seine Bediente hierunter nachlässig gewesen / und sich von dem Credit des Ministers intimidiren / und Pflicht vergessen machen lassen / dem Landes Herrn negligentia officialium keineswegs sein Recht nehmen können / am allerwenigsten aber ein Unterthan und Bedienter wieder seinen Amts Eyd / nach welchen er des Herrn Nutzen zu suchen / und disen dem seinigen vorzuziehen verbunden / von dergleichen profitiren mag.

(a) **STRUVE** *Corp. J. P. Cap. XXX. §. 28. Cap. Casar. Art. XV.* ibi: auch nicht gut heißen / oder zugeben / daß die Landstände . . . wider des jüngsten Reichs Abschieds ausdrückliche Verordnung / sich des Beytrags / womit jedes Churfürsten und Standes Landsassen und Unterthanen zu Befestigung und Erhaltung derer / einem und andern Reichs Stande zugehöriger nöthiger Bestungen / Plätze und Guarnisonen / wie auch zu unseres / und des Heiligen Reichs Cammer Gerichts Unterhalt / an Hand zu gehen schuldig seyn / zur Ungebühr entschlagen.

(b) **LYNCKER** *Resp. XXXV.*

(c) **BOEHMER** *Tom. I. P. II. Resp. XVIII. n. 2.* ibi: Das Jus subcollectandi ist als ein hohes Regal anzusehen / welches keiner Præscription unterworfen 2c.

§. XXXVIII. Nullis autem Principum atque statuum imperii juribus magis infesta est ministrorum atque officialium



lium negligentia, quam utilibus, seu in specie ita dictis fisci regalibus (§. I.): in quem censum jus venandi, jus forestæ, vectigalium, minerarum & metallifodinarum, regale jus fluminum, & pontium, jus detractus, atque his similia alia plura refero. Vix credi potest, quantum iisdem discriminis partim a vicinis statibus & nobilibus immediatis, partim a landsassiiis atque subditis immineat; ut sane, si negligentia officialium, jure eadem in alios transferri, admitteremus, Principes ac status opimioribus suis juribus mox exutum iri, tam certum foret, quam quod certissimum: atque id vel in solo regali venandi jure exemplis illustrare possemus quamplurimis. Nec equidem infrequens est, ut, qui per plura lustra vel ex contractu locati conducti, vel familiari atque precario jure, connivente agnato, aut amico, tum temporis præfecto, in territorio Principis venationes exercuere, ex post bannum ferinum tanquam proprium sibi vendicent, suaque idem auctoritate exercere intendant. Verum enim vero, si Princeps vel ex præsumptione generali territorii, vel ex documentis & chartis antiquis de competente sibi jure regali fidem faciat, parum usurpantibus proderit sub- & obreptitiae nacta possessio (§. XV. seq.): perinde, ut civitas aut municipium, alique subditi mediati neque a detractus, neque a vectigalium jure immunitatem jure prætereundere poterunt, si negligentia aut dolo officialium intra C. & plures annos ab emigrantibus, aut merces transvehentibus, emigrationis census, seu vectigal exactum haud fuerit (§. XXVI.).

SCHOLION. Idem de regalibus reliquis esto judicium. Ab initio tamen possessionem factam rectam servare, & usurpatores modis omnibus ab invadendis Principis & reipublicæ juribus arcere, consultum esse, nemo non perspicit; in quem finem vim quoque adhibere domino territorii integrum est, juxta ea, quæ supra (§. XXVII.) demonstrata dedimus, quæque tradit ERTL

GSSSS

lib.

*lib. II. prax. aur. de jurisd. cap. 26. in fin.* pulchro exemplo illustrans, qua ratione ex usu venationis familiari possessores precarii tandem jus firmum exsculpere pertinent.

§. XXXIX. Quæ brevitatis studio impræsens prætermittimus alia, tam territorialia, quam regalia Principum jura, ex iisdem prorsus principiis dijudicanda erunt: sic e. g. *jus recipiendi judæos*, iisque protectionem concedendi, quod ad reservata jura Imperatoris olim ita pertinuit, ut, donec in A. B. Electoribus, atque successu temporis tacita observantia, legibus imp. publicis (a) roborata, reliquis quoque imperii statibus ejusdem facultas facta fuisset, his ne in territoriis quidem propriis eosdem protegere, aut domicilium mansionemque indulgere integrum fuerit, hodie inter insignia territorii jura, atque eminentiora superioritatis effluvia connumeratur. Quod si itaque negligentia ac dolo officialium abusus irrepperint, atque domini jurisdictionales voghtetici in pagis suis & prædiis mediatis eandem sibi potestatem adscribere conati fors fuerint: id possessores ejusmodi landsassios in spuria hacce possessione necquicquam tuebitur; quin potius, Princeps, tanquam territorii dominus, sub cujus solius tutamine judæi vivunt, optimo jure eam sibi non tantum protectionem, sed & inde provenientes utilitates & redditus vindicaturus est.

SCHOLION. Olim plane nobilibus immediatis ea facultas negabatur (b): cujus tamen asserti falsitatem notoria imperii praxis abunde hodie comprobat. Landsassios vero citra specialem Principis concessionem nulla ratione ejusdem juris capaces esse, pervulgati, atque explorati juris est; verbis ordinationis politicæ de a. 1548. idem indubium relinquentibus: *Sehen / ordnen / und wollen Wir / daß führohin niemand Juden anzunehmen / oder zu halten gestattet werden soll / dann denjenigen / die von Uns / und dem Heiligen Reich Regalia haben / oder insonderheit derhalben privilegiret seyn.* Item de a. 1577. *Da aber jemand darüber Juden aufnehmen würde: So sollen doch dieselbe*  
an

an keinem Ort Sicherheit / und Geleit haben / daneben von Uns ernstlich Einsehens dargegen vorgenommen und abgeschafft werden (c). Ac licet juxta ERTELIUM in praxi *Aur. Jurisdiction.* (d) in Franconia domini etiam voghtetici jus recipiendi judæos exercere prætendant: subjungit tamen, recteque monet, id de facto magis, quam jure fieri, proindeque in receptatores condignas a domino territorii pœnas merito statui, judæis ita receptis nulla neque securitate, neque protectione gaudentibus (e). Nec obstant, quæ apud WEHNERUM in *observationibus practicis* (f) leguntur: Daß die von Adel im Lande zu Franken / auch Macht haben in ihren Flecken / und auf ihren Gütern denen Juden Begräbnuß und Schulen einzugeben. Siquidem, advertente LOCHNERO *d. dissert. C. II. §. 4.* & BECKIO *tr. Vom Juden-Recht cap. III. §. 4. p. 31.* aliisque ibi citatis, ea verba de superiori voghtteia, qua pollent Nobiles immediati intelligenda sunt; utpote, quæ voghtteia est species superioritatis territorialis, exceptis grandioribus quatuor delictis, aut jurisdictione centenali: eidem saltem quam proxime accedit.

(a) *Ordinat. polit. de a. 1577. tit. von Juden.*

(b) *Vid. PFEFFINGER. Vitriar. illustr. Tom. III. Lib. III. tit. 7. §. 82. lit. c.*

(c) *Confer. quoque LOCHNER dissert. de reservato imperatoris exigendi aurum coronarium a Judæis. C. II. §. 4. verbis: Sed ceteris mediatis membris hæc facultas non competit.*

(d) *P. II. Cap. VIII p. 410. edit. German.*

(e) *Idem cit. l. cum SCHWANNEM. Observ. Jur. Cam. 152. & 125. PETR. DENAI. de J. Camer. C. CL. n. 7. MANZ. decis. palat. 95. n. 17. exemplo idem in Palatinatu superiori illustrans, judæis quippe in pago quodam ordinis Teutonici haud aliter toleratis, quam dum apud dominum territorii, ducem scil. Neuburgensem, pro protectione supplicassent, eandemque impetrassent.*

(f) *Lit. I. verb. Juden §. an Judæi. V. verb. Voghthey.*

§. XL. Quæ de secularibus dominorum territorialium juribus, negligentia ac dolo ministrorum & officialium haud amittendis hucusque edisseruimus, optima ratione ad

eximia quoque Episcoporum jura trahi, nemo non videt; quum & hæc cum dignitate, officio & charactere episcopali ita connexa esse videantur, ut inde avulsa non nisi mutilam & mancam Episcoporum potestatem, atque pastorale officium relinquant. Unde tam in conciliis, quam canonum jure provide cautum, ne quis adversus Episcopum ejusmodi jura usurpet, aut sub palladio & prætextu qualicunque sese eximat (a). Episcopis itaque ministrorum & officiorum ecclesiasticorum negligentia æque parum officiet, neque clandestinæ exempturientium artes possessioni eorundem putativæ colorem obducere poterunt. Aut enim incapaces sunt jurium, in quæ sese ingerere attemptant, aut tentamina illa ad relaxationem disciplinæ collimant, Ecclesiæ summopere nocivam, atque Episcoporum pastorale officium, dignitatem, ac potestatem, ni in tempore obex ponatur, susque deque versuram.

SCHOLION. Gravissimis hisce argumentis commotus haud dubie S. BERNARDUS, hæc exemptiones in abominatione habuit, & ordinis sui viris severe inhibuit, ne sub qualicunque prætextu ab Episcoporum potestate se suosque subtraherent. Digna sunt, quæ hanc in rem scribit *Epistola XLII. seu tractat. ad Henricum Senonensem Archiepiscopum Cap. IX* ibi: *Miror quosdam in nostro ordine manasteriorum Abbates hanc humilitatis regulam odiosa contentione infringere, & sub humili, quod pejus est, habitu & to sura tam superbe sapere, ut, cum ne unum quidem verbulum de suis imperiis subditos prætergredi patiantur, isti propriis obedire contemnant Episcopis. Spoliant ecclesias, ut emancipentur: redimunt se, ne obediant. Non ita Christus. Ille siquidem dedit vitam, ne perderet obedientiam, qua isti ut careant, totum fere suum suorumque victum expendunt. Quis hoc est præsumptionis o monachi? - - - - -*  
*Sed non propter me, inquis, facio, sed quero Ecclesiæ libertatem. O libertas omni, ut ita loquar, servitute servilior! Patienter*  
 ab



*ab hujusmodi libertate abſtineam, quæ me peſſima addicat ſuperbia ſervituti. Plus timeo dentes lupi, quam virgam paſtoris. Certus enim ſum ego monachus, & monachorum qualicumque Abbas, ſi mei quandoque Pontificis a propriis cervicibus excutere jugum tentavero, quod ſatanæ mox tyrannidi me ipſum ſubjicio. - Ite nunc ergo, reſiſtite Chriſti Vicario, cum nec ſuo adverſario Chriſtus reſtiterit, aut dicite, ſi audent, ſui præſulis Deum ordinationem neſcire, cum Romani Præſidis poteſtatem Chriſtus ſuper ſe quoque fateatur fuiſſe cælitus ordinatam. Verum aperte indicant quidam horum, quid cogitent, dum multo labore ac pretio per ipſa ſibi vindicant inſignia pontificalia, utentes & ipſi more Pontificum mitra, annulo, atque ſandaliis. Sane ſi attenditur rerum dignitas, hanc monachi abhorret profeſſio: ſi miniſterium, ſolis liquet congruere Pontificibus. Profeſſo eſſe deſiderant, quod videri geſtiunt. Quid ſi & nomen eis conferre poſſet privilegiorum auctoritas, quanto putas auro redimerent, ut appellantur Pontifices. Quo iſta o monachi? Ubi timor mentis? Ubi rubor frontis! Quis unquam probatorum monachorum tale aliquid aut verbo docuit, aut reliquit exemplo? Duodecim humilitatis gradus magiſter. (S. Benediſt.) edifferit, propriisque diſtinguit deſcriptionibus. In quo, quaſo, illorum docetur aut continetur, ut hoc faſtu delectari monachus, has quaerere debeat dignitates? Labor & latebra, & voluntaria paupertas, hæ ſunt monachorum inſignia, hæ vitam ſolent nobilitare monaſticam, - - - Tamen ſi ita oportet, ut emancipari a ſubjectione Pontificum, pari cum ſucceſſoribus Apoſtolorum gloria, pari cathedra, iisdemque ſolemniū indumentorum inſignibus attollamini: cur non & ſacros Ordines celebrat iſ & benedictiones datis in populis? Quam multa moveor dicere adverſus impudentiſſimam præſumptionem, &c.*

(a) Cap. 2. de præſcript. in 6. Cap. 7. de Privileg. in 6. aliisque textibus pluribus.



# OPUSCULUM XII.

SEU

## ORATIO DE EURYTHMIA POLITICA, SIVE PULCRITUDINE ÆDIFICII CIVILIS, EX UNIFORMITATE, FIRMISSIMO CIVITATIS FULCRO, EFFLORESCENTE.

§. I. **M**irari sæpius animum subiit, qua ratione fiat, ut, quæ in architectura civili in *symmetriæ* atque *eurythmiæ* regulas peccantur, tantam apud concurrentes, non insipidos rerum æstimatores, nauscam excitent, primoque statim adspectu displiceant: ex adverso, in quibus ad amussim observatas easdem esse deprehendimus, ædes, palatia, basilicæ, templa, incredibili quadam voluptate spectatorum animos perfundant, atque in suavem quandam justî ordinis, & decoris admirationem trahant.

§. II. Esse equidem aliquam hujus sive displicentiæ, sive voluptatis causam, haud difficulter persuasero iis, qui in mundo materiali non minus, quam immateriali nihil sine ratione sufficienti fieri, ex primis Philosophiæ principiis perspectum tenent: neque tamen indagatu ea facilis est, uti tentanti obscurum esse nequit, & in simili quodam casu experiuntur, qui jucundos animæ affectus, & suaves corporis organici motus, quos ex harmonico musices concentu sentimus, ex intrinseca animæ natura, atque organorum corporis dispositione mechanica explanare contendunt.

§. III. Neu me omnia fallunt, in ardua hujus rei disquisitione optima ii via incedunt, qui in uniformitate, *identitate*,

titate , atque consensu determinationum in variis ædificii partibus voluptatis ; in difformitate autem , ac dissensu earundem , tædii istius , atque displicentiæ causas quærunt. Placent quippe ædificia , in quibus varia observanda occurrunt : ast non aliter , nisi tam inter se , quam cum fine totali ædificii consentiant ; nec præterea nimia determinationum diversarum multitudine mentem obruant : quod postremum tum denique prudens obtinebit architectus , si rationes atque proportionum partium similiarum adhibeat easdem , inter ipsas vero proportionum eas seligat , quas omnium facillime atque uno obtutu comprehendat animus , quæque sine fastidiosa indagine in oculos incidant (a).

(a) *Perill. L. B. de WOLFF Element. Architect. Civ. C. I. §. 23.*

§. IV. His rite custoditis sua ædificio symmetria , sua constabit perfectio ; nec non , quæ eurythmiæ effectus est , pulcritudo tam in toto , quam in singulis ejusdem partibus conspicua erit : insuper vero habitis nonnisi deformem , adspectu foedam , rudem , nauseantem , indigestamque molem exsurgere necessum est. Ecquis enim , obsecro ! vestrum gustu tam est depravato , aut tam insipidus rerum arbiter , cui stomachum non moveat domus , cujus fenestraræ in eadem contignationis parte , aliæ circulorum , aliæ quadratorum , aliæ parallelogrammorum , aliæ denique parabolæ , aut similes alias figuras referant , non minus altitudine , latitudine , vitris ac reliquo ornatu inter se diversæ ? Quis non rideat ejusdem ædificii portas ab utraque medii dissimilis parte alias trium , alias quatuor , alias sex pedum latas , hinc in quadratum , inde in segmentum circuli , mox in ovalem figuram desinere ? Quis hebetus adeo , ut sine selectu , sine discrimine ab uno latere Dorici , aut

Co-

Corynthii, ex altero latere Jonici, Toscani, aut Romani ordinis columnas probet? verbo:

*Frigida ubi pugnent calidis, humentia siccis  
Mollia cum duris, sine pondere habentia pondus.*

§. V. Quis vestrum ex adverso primo statim ædificii, in quo justo omnia ordine cohærent, adspectu, suavi pulcritudinis sensu applaudentem subito mentem non sentiat? Quis majestatem operis non deprædicet? Quis in eodem construendo dexteritatem, solertiamque architecti debitis encomiis non extollat, quem in disponendis, distribuendis ornandisque variis ædium partibus has, quas diximus, artis architectonicæ supremas leges sancte observasse perspiciat?

§. VI. Augetur hæc sive voluptas, sive tædium, dum, qui altius sapiunt, emolumenta ex partium rythmico consensu, ex dissensu vero, atque determinationum diversitate propullulantia incommoda quam plurima expendunt. Variæ illæ figuræ, diversæ altitudinum atque latitudinum inter se relationes, varii denique & diversi partium similiarum ornatus mentis serenæ oculo, atque imaginationi, vel inde accidunt molestissimæ, quod sensus humanus in tantarum diversarum confusione talis ædificii ne ideam quidem uno obtutu complecti valeat. Cogitate, quæso! quam diversos apud diversos artifices dissimiles illæ fenestræ, portæ, januæ atque columnæ labores progenerent: adeo, ut ipsi etiam operarii ac mercenarii difformitatis hujus fastidia veluti per traducem non minus, quam qui ædes inhabitant, inquilini, persentiscant.

§. VII. Proin non immerito FLONDELLIUS (a) PERALTIUM erroris arguit, quod eurythmiam atque symmetriam in architectura nonnisi arbitrariis inniti regulis, & usui  
magis

magis ac observantiæ deberi statuatur (b). Æterna potius, divinaque naturæ lege stabilitas easdem, & firmatas esse, ex dictis hætenus abunde patescit, & ex earum neglectu essentialem ædificia turpitudinem atque difformitatem contrahere, indubia jam pridem experientia comprobatum est.

(a) *Cours d' Architecture P. V. lib. V. C. XIV. & XVIII. fol. 761. seqq.*

(b) *Præf. oper. sui de quinque ordinib. fol. 11. seqq.*

§. VIII. Hæc ego de symmetriæ, atque eurythmiæ architectonicæ genuinis fundamentis, nec non intrinsicis earum causis cum animo volverem, atque revolverem sæpius, cogitare mecum coëpi, an non accurata uniformitatis in variis ædificiis civilis, sive reipublicæ, partibus custodia, & determinationum identitas illud ipsum constituat, quod in civili societate *eurythmiam politicam* non incongruo vocabulo salutare posses; quæ non minus, quam illa domum, civilem coetum exornet, eique insignem illam, quam acutiores politici tantopere mirantur, venustatem conciliet? Non dissimilis certe architecturæ mechanicæ, atque politicæ hujus nostræ ratio mihi esse videtur. Ex variis architectus mechanicus rebus materialibus, lignis, lapidibus, calce, arena, ferro, & similibus ædificium suum juxta artis suæ regulas exstruit. At vero, an non idem civilis noster architectus in simili præstat? Structuram hic suam, reipublicam intelligo, ex sufficienti familiarum segregum numero civilis societatis coagulo conglutinat, justo, uniformi, atque harmonico ordine singula disponens; legibus civitatem instruit; judicia ordinat; magistratus constituit; monetas, pondera, mensuras, & tempora determinat; scientiarum atque artium seminaria erigit, eaque omnia salutariter sancit, quæ sine publica salus, & civilis ordo consistere nequit. Quin igitur eurythmiæ architectonicæ

Hhhhh

regu-

regulas civilis architectus noster feliciter adhibeat, atque in usus suos luculentissimos convertat, nullum mihi dubium sedet. Ex iisdem sane rationibus, propter quas uniformes in eadem contignatione fenestræ, portarum concinnæ tam inter se, quam cum reliquis domus partibus, proportionibus, columnæ, recto ordine dispositæ, eurythmiam in ædificium, atque venustatem inducunt, salutare in re publica, atque uniformes leges, monetarum, ponderum, mensurarum ac temporum in omnibus reipublicæ partibus uniformes determinaciones, pulcritudinem, & venustatem ædificio civili conciliare aptæ sunt.

§. IX. Idem illud, quod architecti *mechanici structu-*ram devenustat, in structuram civilem *disrythmiam* non potest non inducere, rectique ordinis amatori non summam nauseam movere. Quapropter magna utique *inter* utrumque architectum similitudo deprehenditur. Eadem eurythmiæ, eadem disrythmiæ utrinque causæ: nisi quod, quæ ex disrythmia politica in rempublicam redundant incommoda, multo sint extantiora, & cum præsentissimo totius civitatis excidio haud raro conjuncta.

§. X. Hinc a pluribus jam retro annis, queis sublimiora juris publici universalis principia ex limpidis solidioris Philosophiæ fontibus haurire datum est, eurythmiam politicam, sive uniformitatem, fulcrum civitatis fortissimum, principium omnium in republica administranda palmarium, munimen adversum perniciosas mutationes invictum esse, constanter tenui, & tanquam medicinam universalem viris politicis, veris corporis civilis Æsculapiis, non sine fructu inculcasse me existimo. Hoc insuper habito in difformi rerum omnium disrythmia nonnisi hiulcam, male coherentem, sibi que dissimilem enasci civitatem opus est. POLY-  
BIUS



BIUS certe, ut Achæorum conspirantes inter se voluntates doceret, universam Achaïam & Peloponnesum non modo eadem religione, iisdem magistratibus, iisdem legibus, eadem disciplina, verum etiam iisdem numis, ponderibus, ac mensuris usas fuisse scribit (a).

(a) BODIN *lib. I. cap. X. p. 265.*

§. XI. Neque molestiarum atque incommodorum, ex difformitate hac enascentium, causæ in obscuro sunt. Etenim, cum agendorum in republica per se sat ingens sit numerus, si in qualibet publicorum negotiorum classe difformes nimium, atque varias determinationes lege publica inducat summus imperans, non potest non ea multitudo illorum, queis publicorum negotiorum cura concredita est, memoriam obruere, ipsamque executionem non una ratione difficilem reddere: cui consequens est, ut aut negligantur prorsus, aut nonnisi insigni cum molestia executioni mandentur. Taceo, quod, eurythmica illa constitutionum atque determinationum uniformitate in omnibus reipublicæ partibus stabilita, ipsius summi Principis majestaticum officium mirum in modum facilitetur. Etenim, quoniam, quæ uniformiter determinata sunt, uno & simultaneo obtutu comprehendendi, perviderique queunt: consequitur, quod varia illa summæ potestatis effluvia, quo ordine inter sese cohæreant, consistentve, conferri melius, emendari & corrigi collapsa, & quæ salutariter constituta sunt, nullo, ut ita dicam, negotio, multoque facilius conservari valeant, quam si ob multifarias diversasque in diversis reipublicæ partibus determinationes totidem quasi civitates, diversimode gubernandas, non sine tædio suspiciat summus imperans. ter felix, si prout absque executione iusta & lunata architectonica symmetria consurgere, & satis

Hhhhh 2

facere

facere nequit, sic, quæ in publicum civitatis bonum sapienter ordinata sunt, dextre perficiantur, eoque ipso debita re publicæ eurythmia constat. Secus si faxint, queis id negotii incumbit, quamvis aliunde in mente concinna, & optime meditata sint, nec symmetriam iis, nec eurythmiam actu constare posse facile comprehenditis; cum frustra leges condantur, & eurythmicæ regulæ constituantur, quæ nec ad actum promte deducuntur, nec, quod tamen omnis eurythmiæ implementum est, executioni mandantur.

§. XII. Accedunt his in singulis summi imperii partibus peculiaris, quæ disrythmiam atque difformitatem consequuntur incommoda, aut eurythmiam comitantur compendia: de quibus nunc ordine paucis disquirere in animum induxi.

§. XIII. Ac primo quidem, ut a cultu religioso, quatenus in communis civitatis rationes influit, initium faciam; quotusquisque vestrum est AA. quem lateat, quantis calamitatibus religionis ab antiquo & avito civitatis cultu difformitas respublicas premat: quam beatæ contra sint, in quibus cultus unus, verus, atque uniformis inter cives stabilitus efflorescit? Quam diu suave hoc animorum conciliabulum cives ligat, pax interna inconcussa basi immota subsistit: nulla interna odia, nullæ simultates, discordiæ nullæ cives in partes discindunt. Quippe qui diversa de supremo ente, & cultu eidem exhibendo principia foveant, atque alii alio modo Deum colendum esse persuasi sunt, non possunt non animis inter sese dissidere quam longissime, eo magis, quo major inter religionis quam profitentur, principia atque dogmata diversitas deprehenditur. Quomodo, obsecro! sincero sese amoris affectu prosequi? Quomodo concordi virium unione in unum reipublicæ communem finem

finem conspirare poterunt, qui anticipato iudicio tanquam dubiæ fidei mancipia sese mutuo intertuentur, omneque mutuum animorum consortium procul defugiunt, in partes diversa opinione tracti? Qui fieri potest, ut perdurabilis inter eos vigeat amicitia, qui in illud, quod unus colit, Numen, alterum injurium esse pro certo & explorato tenent. Atque utinam intra nudarum speculationum aut disputationum cancellos difformitatis in religione effectus sese continerent! Foras ii erumpunt, ipsisque civilibus civium negotiis fatali quadam contagione sese communicant. Inde mutua in contractibus diffidentia, in bono communi promovendo socordia. Hinc factionum lata seges, atque partium infauſta studia. Quorum omnium, o felices! nisi ipsam hanc nostram, quam incolimus, patriam, Germaniam inquam, testem haberemus luculentissimam.

§. XIV. Superi! quas illa clades ex difformitate atque disrythmia in religione experta est? Quot inde cædes, quot bella, atque interneciones tanquam ex equo Trojano proruperunt, quorum nunc reficere nolo memoriam? Futuris vero regulis dent superi concordem lineam.

§. XV. Recte omnino BODINUS (a) peregrinos ritus, quos maxima pars civium execratur, arceri a civitate utile ducit, ad tuendam inter cives ipsos amicitiam, quæ præcipue rerum divinarum & consensu alitur, ac sustentatur. Hanc itaque eurythmiæ partem, nisi summus magistratus, sive civilis, sive ecclesiasticus in ædificium suum & corpus politicum inducere modis allaborarit omnibus: vereor ne non deforme adspectu, fragili subnitens basi, internisque exesum discordiis collabatur, tandem prorsus nonnisi tristes post se ruinas porro relicturum, quamvis in Germania nost-

ra, lex patria aliud suatum, aliud realiter conditum velit, adeoque favente Deo feliciora sentire speret (b).

(a) *De Republ. lib. IV.*

(b) *Vid. CONRING. de Mutat. Rerumpubl. §. XX. sub fin. denique quoniam nihil aque valet ad moderandas stabiliendasque respublicas, & ad religandos hominum animos, quam religio, eaque una, una in civitate: facile patet, quam periculosum sit cuique statui religionis dissidium; tranquilla certe, aut diu salva esse non poterit.*

§. XXI. Nec minus de uniformitate morum, inter cives stabilienda, sollicitum decet esse Principem architectum politicum. Morum quippe diversitas eadem ratione, qua religionis difformitas, pacem turbare internam atque concordiam disrumpere apta est. Summam igitur curarum eo diriget, ne, qui minus populo suo conveniunt, peregrini mores, ritusque furtim in rempublicam gliscant, eamque in fatalem catastrophem inclinent: expeditum siquidem est, discordantiam illam, atque dissimilitudinem morum non inter postremas everfionis rerumpublicarum causas jure meritoque a Politicis collocari. Nam sicut vera ac firma amicitia nonnisi inter similes vel natione, vel moribus, vel genere, vel uniformi genio vel studio, vel quacunque alia re contrahi potest, sed contracta querelis, ac dissidiis perpetuis laborat: sic civilis societas ex hominibus dispari genere, dispari lingua, dispari natione, dispari genio aut studio, immo aliis alio more viventibus coalescens durare nequit. Id minimum, architecto symmetriæ atque eurythmiæ regulas spernenti, eveniet, ut in tanta morum diversitate invenusta, & indecora reipublicæ exsurgat facies, quam omnes luctuosæ disrythmiæ effectus consequuntur, experientia vix non teste, peregrinis moribus, patriam honestatem per totas sæpe nationes corruptam fuisse.

§. XVII.

§. XVII. Ad eurythmiam nunc, & uniformitatem monetæ transeo, partem ædificii nostri civilis summopere necessariam, quæ ut recte ornetur, recteque gubernetur, reipublicæ vel maxime interest. Quantus ex monetæ uniformi determinatione civitati splendor, quanta commerciis facilitas, quæ peregrinantibus commoda accedant, quantum denique illi ipsi, qui redditus Principis colligunt, dispensantque, sentiant sublevaminis, ii norunt, qui reductionum difficillimarum speciei monetæ unius ad alteram tædia, qui computos intricatissimos re ipsa experti sunt. Quid? quod dolis atque fraudibus nefariorum hominum illa monetæ diversitas latissimas vias pandat, præsertim vero itinerantes summis molestiis oneret, atque cauponum technis fallaciisque exponat: id quod tum multo magis obtinere debet, quando, qui το κρηιον in republica exercent, non ipsi tantum hujus difformitatis causæ existunt, sed & insuper monetæ tum bonitatem tum valorem pro lubitu, sæpiusque mutant, tollunt, aut deprimunt, prout privatis suis id commodis expedire visum fuerit.

§. XVIII. Non Morpheus sanè in tot diversas sese transformare figuras valet, quod ipsi monetas speciebus induunt. Exemplis, quod obvia sint, abstineo. Sed meminisse debent illi, qui aut specierum valorem citra fas & æquum diminuunt, aut quas contra leges & constitutiones publicas cudi fecere, plane commercio eximunt, atque prohibent, substantias eos subditorum nil tale meritorum intervertere; ita, ut non raro, qui rerum omnium copia affluebant hodie, cras ad incitas redacti cum summa miseria luctari necessum habeant: quod boni Principis esse, atque eurythmiæ politicæ regulis consentire, nemo sanus dixerit.

§. XIX.



§. XIX. Bonitatis igitur, valorisque monetæ uniformis, constantis ac perpetui in omnibus & singulis reipublicæ partibus conservandi tenacissimos esse Principes convenit, adeo, ut ne augere quidem monetæ valorem in animum inducant; cum ne sic quidem ditiores cives efficiantur. Præterquam enim, quod crescente specierum valore ipsarum quoque mercium valor crescat, in tanta valoris incertitudine, imminutus licet fuerit valor, eadem nihilo secius aucta rerum pretia persistunt (a).

(a) *L. 2. de veter. numism. potest. lib. XI.*

§. XX. Memini ego, in vicino quodam regno, dum collectæ pecuniæque a subditis pendendæ essent, species tam auri, quam argenti longe infra verum pretium depressas fuisse, eoque factum, ut subditi plus altero tanto non raro persolvere necessum habuerint. Auctis postmodum iisdem speciebus ultra triplum, debita fisci cum insigni rursus creditorum jactura contra fas & æquum extincta fuere. Decrescente certe cum pernicioso hoc ærarii maris in- & refluxu, subditorum & substantia, & crumena, non possunt non hi in summam paupertatem deturbari.

§. XXI. Pluribus de hoc eurythmiæ civilis essentiali capite differere desino, ne ad Germaniam invitum etiam deducat oratio, neve in eos calamum stringere necessum habeam, qui turpe Principibus lucrum inde suggerunt, ut confatis notæ bonitatis speciebus, alias bonitate longe inferiores cudere faciant, non sine fisci præsentis quidem, sed imaginario lucro; quod commerciorum omnium excidium, caritatem, miseriam, paupertatem denique summam comitem habet, ipsosque Principis redditus miris modis oscitanter imminuit. Energice de hoc abusu BODINUS scribit (a):

“Mihi

“ Mihi firmissima quæque rerumpublicarum munimenta  
 “ contemplanti, rei numariæ curatio non tantum utilis,  
 “ sed etiam civitatibus tantopere necessaria videtur, ut sine  
 “ ea commode consistere non possit: & quo major neces-  
 “ sitas est, eo magis numorum depravationi prospicien-  
 “ dum; cum ea res incredibile afferat universis ac singulis  
 “ detrimentum. At non modo non corrumpi moneta,  
 “ sed ne mutari quidem potest sine incommodo civitatis;  
 “ quoniam mutatio pretii ac materiæ numismatum cen-  
 “ sus etiam ac bonorum cuiusque dubitationem infert.  
 “ Quo fit, ut nemo, quod habeat, constituere possit: in-  
 “ certa sunt pacta conventa, quæ versantur in societatibus,  
 “ tutelis, fiduciis, mandatis, rebus emtis, venditis, loca-  
 “ tis, quibus vitæ societas continetur: incerti redditus, in-  
 “ certa vectigalia, tributa, denique poenæ ipsæ, ac præmia,  
 “ quæ a legibus & iudicibus irrogantur, incerta sunt futu-  
 “ ra. Postremo ærarii opes, ac multa tum in publicis, tum  
 “ in privatis rebus dubia, ac suspensa fore necesse est.

(a) *Lib. VI. cap. III.*

§. XXII. Principi sane, cui non magis improba numismata cudere, quam occidere, aut grassari licitum est, sedulo cavendum, ne disrythmia monetaria nobilissimam ædificii sui civilis structuram non devenustet solum, sed & titubare basin, ac plane collabascere faciat.

§. XXIII. Hæc ipsa quoque de mensurarum ponderum, temporum, pretiorum, aliarumque dimensionum eurythmica uniformitate velim teneatis. Eadem ex eorundem difformitate reductionum fastidia, calculorum tædia, in commerciis fraudes, in commutationibus difficultates, in iudiciis remoræ, verbo: in tota civitate confusio,

liiii

hor-

horrorque sese manifestat: nec aliam reipublicæ faciem præ oculis habuisse videtur legislator divinus (a), dum ait: *non facies iniquitatem in iudicio, in mensura magna, in pondere, & in mensura parva. Statera iusta, pondera iusta, Ephæ iustum, & Hin iustum erit vobis.* Qua enim ratione in enormi adeo ponderum atque mensurarum diversitate intemeratæ iustitiæ leges ex amussi custodire queant, me hercle non capio: nec potest non numerorum multitudine iudicium, ac eorum, ad quos earum rerum cura spectat, memoria ob- rui. Hinc inter saluberrima Imperatoris CAROLI Magni instituta, queis imperium amplificare contendit, merito con- numeramus legem illam, qua ponderum, atque mensura- rum uniformitatem in omnibus suis regnis atque provin- ciis custodiri voluit: quod ipsum augustissimi nonnulli ejusdem successores, sine successu tamen, quod dolendum, hucusque tentarunt (b).

(a) *Levit. XIX. v. 35.*

(b) *Vid. Reform. polit. de A. 1530. von Ehlen. Maß.*

§. XXIV. Beatum sane præ aliis regnis hac in parte se deprædicat Sinensium imperium; quod licet amplitudine terrarum atque provinciarum imperia hujus universi omnia superet: in tam vasto tamen terrarum tractu legibus, mo- netis, ponderibus, ac denique computandi modis unifor- mibus & iisdem utitur (a). Perpendite, obsecro! quot per uniformitatem adeo salutarem jurgiis, quot litibus, atque discordiis inter cives ansa præscindatur! Non in lustra pluri- ma ibi lites trahuntur: nec, an de hujus, vel illius provin- ciæ, oppidi, immo pagi, moneta, mensura, aut pondere contractuum formulæ conceptæ fuerint, in dubium voca- tur. Nullas unquam, qua bonitate, quo valore, quam men- sura, aut pondere pecuniæ, aliæve res restitui debeant, con- trover-

troverfias moveri videris. Adeo in concordi hac uniformitate pacata sunt omnia.

(a) Vid. LE PERE LE COMTE *Memoires de la Chine.*

§. XXV. Nondum veftram memoriam effugit, quas confufiones diverfa, inde a correcto calendario Juliano & introducto Gregoriano, in imperio tempora computandi ratio pepererit, quanta in facrorum cultum incertitudo, quin in ipfa tribunalia incommoda irreperint. Nulla erat confans terminorum judicialium norma: vacillabant cambia: in commerciis, contractibus, aliisque humanis negotiis incerta fuere omnia. Qui dies fasti, qui nefasti, qui intercifi fuerint, ne extra litigium quidem constitutum erat. Quare facile vos consentientes habebo, nihil hac difformitate in republica excogitari poffe foedius, nihil, quod eurythmiam noftram politicam magis turbet, majusve tædium, atque naufeam contemplantibus movere queat. Prudentiores jam dudum facti fuerunt Mathematici, queis non potuit non displicere ea menfurarum, ponderum, ac dimensionum temporis diverfitas. Unde uniformes fibi per univerfam Europam menfuras atque dimensiones conftituere, in divifionibus & subdivifionibus eum fervantes ordinem, qui in numeris naturalibus confpicitur, ut nimirum partibus decimalibus tota fua dimetiantur: qua ratione operofa illa calculorum, ac reductionum tædia defugiunt; de quo tamen pluribus impræfens differere non fert instituti & temporis ratio. Faxint Superi, Mathematicorum exemplum imitaretur reliqua pars hominum, præfertim quos rerum humanarum in hac terra moderatores veneramur! Aliam fane eliminata procul omni diverfitate atque difformitate reipublicæ faciem contueremur, aureis cum eurythmia noftra sæculis redituris.



§. XXVI. At! at! regerere mihi nonnullos audio, potuisse hæc a primis rerumpublicarum incunabulis ita salutariter constitui; cum difformis monetarum, ponderum, mensurarum, & aliorum institutorum civilium ratio civitatem nondum defœdasset; inveterato nunc morbo frustra medicinam parari, nec jam sine totius ædificiî civilis ruina partibus justum decorem restitui posse. Verum enim vero, quæ hic obmoventur, difficultates tanti non sunt, ut ab instituto saluberrimo sapientem publicæ rei architectum dimovere debeant; & quas illi inde lites, in contractibus, ac annuis præstationibus dubia & incertitudines extimescunt, ex a viris prudentibus, in reductionum calculo exercitatis, uno ictu resecari, præcaveri, atque sopiri poterunt. Sed demus etiam, gangrænam usque adeo invaluisse, ut omnimodam medelam respuat: nil tamen obstabit, quo minus, quod tolli nequit malum, leniatur saltem, aut, ne difformitas membris se latius communicet, prudens corporis politici moderator dispiciat.

§. XXVII. Quin, ne in ipso quidem vestium usu rite ordinando eurythmiæ nostræ regulæ spernendæ prorsus, aut insuper habendæ sunt; non levem siquidem earundem uniformitas decorem & utilitatem in civitate producit. Rifu sane dignus foret scenicus ille reipublicæ habitus, ubicives, quos concordēs atque unanimes esse decebat, alii Gallico, alii Turcico, alii Sinico, alii alio, sicuti vestitu, ita animis difformes incederent. Quid? quod ex peregrino varioque vestium habitu mores civium haud infrequenter pervertantur, ut, dum aliorum levitatem cum vestimentis eorum insana quadam æmulatione induunt, generosos patrum mores exuant: id quod iis præsertim dictum velim, quibus non sufficiunt condimenta formæ domesticarum rerum. Uti ille apud Plautum (a) coquus in condituram sibi afferit

Cici-



cicilendrum, polindrum, macidem, sancaptidem, cici-mandrum, liappolopsidem, cataractriam, peregrina & exotica nomina: ita delicatuli isti transmarinas appetunt merces, Gallicum cum primis ornatum. Bene multi sane ex peregrinatoribus nostratium, si Galliam limis oculis aspexerunt, Gallica omnia; si in Anglia pernoctarunt, Anglica omnia; si alterum pedem in Hispaniam intulerunt, Hispanica omnia; si Italiam intuiti sunt, Italica omnia; & undecunque tandem peregre redierunt, peregrina omnia: mores, gestus, cærimonias, vestitum, linguam histrionica temeritate ac stultitia probant, jactitant, extollunt, Germanis & paternis omnibus neglectis, fastiditis, rejectis. Undescite olim Germaniæ quidam Princeps ait: peregrinas vestes, peregrinos mores, peregrinos mores, hostes Germaniæ inducere.

(a) *Pseudol. act. III. scen. III.*

§. XXVIII. Maneat igitur in vestibus decens quidem diversitas, sed quæ eurythmiam minime turbet, nec civitatem devenustet, aut publico dispendiosa sit. Servetur is ordo, ut, qui in pari dignitate constituti degunt, aut eidem civium classi adscripti sunt, vestibus statui suo convenientibus, atque uniformibus utantur. Sicuti non natura solum, sed & vestes sexum discernunt: ita easdem clericum a laico, nobilem ab ignobili, litteratum ab opifice, Christianum a Judæo, & ita porro discernere conveniens est. Absit enim, ut omnimodam in tota republica vestium uniformitatem probemus; ita enim ab uno extremo ad alterum delaberemur. Aliæ præterea rationes politicæ plures alias salutare leges vestiarias efflagitant, quas studio, ac brevitatæ amore nunc prætereo. Exemplum hujus, de qua diximus, eurythmiæ hodiernæ militiæ instituta suppeditant. Legibus exercitus atque legiones reguntur iisdem,

liiii 3

Togis,

Togis, pileis, tibialibus cohortes incedunt vestitæ prorsus uniformibus. Arma, gladii, bombardæ, sclopetæ eadem, quin & incessus, exercitia armorum, aliaque pleraque modo uniformi aspectu suavissimo determinata videris. Qui te hic ordo, quæ te determinationum similitudo, & identitas afficit, alia non est, quam eurythmica illa, quam in æde, aut palatio bene constructo offendis: proin, quod te hic allicit, recreat, delectat, cur non in religione, monetis, ponderibus, mensuris, ac vestibus idem præstet? Scrutare voluptatis causas, quam ex legione uniformiter decenterque vestita, armata, paribusque motibus exercitia peragente sentis: & alias eas esse non comperies, quam quas *supra* adsignavimus. Perinde ut tu ejusdem cohortis *milites* panno diverso, rubri partim, partim flavi, partim nigri coloris, alios Gallico, alios Polonico, alios Borussico more vestitos, partim gladiis, partim bombardis, partim furcis, sudibus præuistis, atque fustibus armatos fastidis; perinde, ut stomachum tibi movent dissimiles gressus, dissimilesque sclopetorum explosiones: ita difformis rerum aliarum in republica adspectus, ita disrythmica varietas attentis ad eandem animis nauseam non potest non ac bilem concitare.

§. XXIX. Sed missa facio, quæ ad cathedram juridicam ne trahenda quidem fuerant, nisi officii mihi concediti ratio in amplissimum totius doctrinæ politicæ, ac juris publici universalis campum exspatiandi facultatem faceret. Ad uniformitatem igitur potius, & eurythmiam scientiarum & artium propius me nunc accingo. Harum cultura seria publicam salutem & totius civitatis splendorem præcipue contineri, apud prudentes omnes in confesso est. Ecquid enim rerum in vita humana utilium cognitione, & agendorum pragmatica scientia præstantius? quid nobilius? quid jucundius? quid excelso animo dignum magis excogitari potest?

§. XXX.

§. XXX. Me hercle, si cujusquam alterius rei, hujus profecto ut Princeps penitissimam curam habeat, non utile modo, sed & necessarium duco: neque prima nunc vice inculco, quod, qui de restauranda disciplina publica, abolendisque civitatis nævis non invita Minerva cogitationes suscipiunt, præprimis ad rectam scholarum, & academiarum institutionem oculos convertere necessum habeant. Sunt scholæ, sunt academix fontes atque scaturigines, ex quibus per totam quaquaversum rempublicam rivuli ducuntur, qui irrigua fertilitate totum solum & civitatis latifundia fœcundant. Nisi fontes limpidi sint, si ipsæ scaturigines infelix lolium, litium, atque discordiarum semina secum vehant: nonne universam rempublicam iisdem contaminari opus erit?

§. XXXI. Curet igitur architectus noster, ut ad hanc nobilissimam ædificii sui civilis partem materias probas, incorruptas, nec vermibus adefas seligat; doctrinas nonnisi utiles in sinu civitatis foveat, semota, quantum licet, omni in studiis difformitate, & nocivo disputandi pruritu; vera, atque hoc ipso uniformia, in omnibus facultatibus scientiarum principia firmo stabiliat talo, fugatis procul streptosis & inutilibus flabris, quæ nonnisi fastuosa doctores umbratiles arrogantia inflare apta sunt; dispellat inania logomachiarum monstra, aut iis relinquat, qui frustra philosophari, quam generi humano vere prodesse malunt.

§. XXXII. Vigeat præsertim suavis illa principiorum verorum uniformitas in Philosophia, reliquarum scientiarum omnium fundamento ac basi. Harmonico ea influxu in scientias reliquas, in artes, denique in omnem vitam sese diffundat. Prospiciat Princeps, ne, qui juventutem rudem adhuc, & indigestam ad sublimiora studia præparant, loco  
veri-

Veritatis, quæ sola reliquis disciplinis faciem præferre, lucemque affundere valet, sine mente sonos suggerant, & ingenti verborum, nil significantium, pondere suffarcinatos auditores suos dimittant. Neque mihi regeras, in Philosophia incerta, difformia, & disputationibus obnoxia esse omnia. Præterquam enim, quod hunc errorem alii jam dudum refutarint: ipsi vos AA. meliora edocti estis. Habet suas Philosophia veritates, habet sua principia, non minus, quam Mathematicorum axiomata, aut theoremata certa, & demonstrabilia. Quare cum veritas nonnisi una sit: uniformitatem hanc nostram philosophicam tanquam chymericam quis, nisi veritatis ipse osor, explodere ausus fuerit?

§. XXXIII. Neque aliam Theologiæ, atque salutaris scientiæ faciem in eurythmica republica nostra esse convenit. Et quantum quidem illam concernit, uniformitatem principiorum, ac dogmatum maximo eidem esse ornatui, nec ab ea facile abesse posse, vel ipsa religionis, morumque, quam supra evicimus, uniformitas manifesto loquitur. Plura inde secutura animarum commoda, ut conjectemini, acumini vestro relinquens.

§. XXXIV. Quod autem alteram, salutarem scilicet corporis humani scientiam, concernit, non mediocres ex principiorum verorum grata, & harmonica uniformitate eam sibi progressus promittere posse, neminem vestrum dubitare autumo, ipsaque experientia luculenter testatur. Adeat, cui volupe est, transactiones Anglicanas, commentarios academiarum scientiarum, Londinensis, Parisiensis, Berolinensis, & Petropolitanae. Perlustret scripta medicorum, profundissima scientia refertissima, ut intelligat, qua solertia, quam profunda indagine ex æternis virium motri-  
cium



cium regulis, ex combinatione partium, ex constructione organorum corporis humani sapientissima varios & stupendos machinæ hujus motus, concoctiones, excretiones, atque secretiones explanarint. Demonstrarunt medicinæ doctores haud vulgaris eruditionis, omne, quod macrocosmus habet eximium, mathesis certum & demonstratum, mechanica atque statica sublime, hydrostatica, aerometria, atque hydraulica stupendum, physica exploratum, in uno corpore humano concentratum reperiri. O si igitur veris his artis suæ principiis concorditer insisterent! si cessarent opinionum portenta, nec alii Galenicorum, aut Methodicorum, alii Thessalicorum, Chymicorum, Spagyricorum, Hermeticorum, Empyricorum, aut Dogmaticorum nomine delectarentur magis, quam veritatis amore traherentur, quam jucundam, suavem, atque eurythmicam scientiæ hujus, quam recte excoli generis humani tantopere interest, faciem, quantis eandem augmentis, novisque quotidie inventis veritatibus efflorescere cerneremus? Ut adeo longe a vero aberrant, qui nullas in eurythmia medicinæ concilianda Principis partes esse & sibi, & aliis falso persuadent.

§. XXXV. Sed jam diu satis extra oleas versatus, ad jurisprudentiam festino, quæ uti me propius tangit, ita de uniformitatis, quæ in eam inducitur, emolumentis, difformitatis vero incommodis cum bona vestra venia paulo ero prolixior. Ac primo quidem, quod juris naturalis uniformitatem concernit, non alia ratione a Principis ea dispositione dependet, quam de uniformitate philosophica modo audivistis; quippe ipsa hæc doctrina nobilissimam Philosophiæ partem constituit. Viros itaque eidem tradendo præficiat, quos tanto muneri aptos esse noverit, a partium, aut sectarum studio procul alienos, solius veritatis solertes

Kkkkk

inda-



indagatores : & non potest non hæc disciplina in omnibus reipublicæ partibus uniformis evadere. Quomodo enim, qui vera docent , inter se invicem dissentiant? Duplicis generis in ea leges occurrunt , absolutæ unæ , hypotheticæ alteræ. Absolutæ cum ubique , & sub omnibus circumstantiis perinde sese habeant , non possunt non uniformi constantique ratione menti humanæ sese insinuare , nec , quæ fors circa easdem suboriuntur dubia , aliunde , quam a cognoscentis aut insufficienti examine , aut imbecillitate ingenii proficisci poterunt. Hypotheticæ sub determinata sua hypothesei eadem essentiali , atque necessaria obligandi virtute pollent , mutationibus non magis , quam absolutæ obnoxia. Unde quæ de earundem veritate aut falsitate disputantur , inde insufficiens mentis humanæ lumen , erroneasque hypotheseos determinationes pro sui fonte agnoscunt. Hypothesin si rite determinaveris ; si circumstantias omnes , sub quibus lex naturalis obligat , probe eruas : non video , cur non omnes , qui vera hac docendi methodo insistant , una , eademque ratione in uniformes rectæ rationis normas sint consensuri. Non igitur juris naturalis uniformitas implicat , nec vani erunt conatus architecti nostri , si de ea in republica sua introducenda cogitationes suscipiat. Non major sane reipublicæ hac uniformitate felicitas contingere posset. O fortunatas gentes ! o felices populos , qui jura , qui controversias non nisi ex uno , purissimo , uniformi , constantique sanctissimi hujus juris fonte haurirent ? Firmissimum hic vobis AA. pacis , atque concordia internæ inter cives coagulum , perenne , & indissolubile amicitia cum exteris vinculum levibus saltem digitis commonstro. Vos latius , si lubet , hac mecum via prosequimini. Ego sane persuasissimum habeo , non ante firma futura foedera , non ante pacem constantem , nullis obnoxiam vicissitudinibus orbi affulsuram , quam dum populi

puli inter se non in generalibus solum , & absolutis , sed & in specialibus atque hypotheticis naturæ & gentium legibus sint conspiraturi. Dura fateor , atque aspera ad hanc uniformitatem introducendam via est ; nec in tanto hominum dissentendi pruritu obtentu facilis : at impossibilem eam propterea non dixerim ; nec vos orbis moderatores ardui laboris pigeat. Cogitate , quantum erronea , atque difformia juris naturalis & juris publici universalis principia illinc in jura majestatica , illinc in regalia involent , adeo , ut & eo audaciæ nonnulli progredi non erubuerint , ut venationum , metallorum , & alia fisci jura citra fas & æquum Principes sibi adscripsisse ex juris naturalis sanctissimis præceptis deducere conati fuerint , quos vel ipsa hac uniformitate in viam rectam reduci , & erroris sui convinci posse pro certo teneo. Ne igitur ædificii vestri postremum hunc ornatum reputate ; qui præter naturalem eurythmiæ pulchritudinem reipublicæ vestræ fulcra firmitus stabilit , justitiam & amorem inter cives mutuum auget , & ad officia eos præstanda multo proniores efficit.

§. XXXVI. Tandem ad eam , quæ maxime omnium in Principis potestate est , juris civilis uniformitatem pervenimus. In hoc scilicet secundum eurythmiæ nostræ regulas rite concinnando , ferendo , atque stabiliendo majori longe cum efficacia , quam in aliis summi imperii partibus supereminens potestatis vires sese exerunt. Est quippe jus civile jus positivum , voluntatem superioris pro sui fonte agnoscens , tam civibus in determinandis actionibus suis , quam iudicibus , aliisque subordinatis magistratibus ceu norma perpétua , ceu constans regula observandum. Ut in omnibus ejusdem civitatis partibus , provinciis , oppidis , & pagis uniforme sit ; ut eadem ubique observentur civiles regulæ , illæ ipsæ , quas prolixè supra exposui ,

eurythmiæ rationes efflagitant : nec , ut id evincam , alia , quam in uniformitate religionis , mensurarum , ponderum , atque temporum demonstranda , via incedo. Qui alias leges circa status personarum , alias circa jura rerum , & actionum in hac , alias in alia suæ civitatis parte pro norma præscribit summus imperans , non aliud ille agere mihi videtur , quam mechanicus architectus noster , qui diversis fenestras , portas , januas , ipsasque concamerationes figuris induit. Augentur eorum , quæ jura , legesque memoriæ mandare incumbit , studia & labores. Difficilis in tanta legum varietate redditur justitiæ administratio : & quæ per civiles leges compendia quærebat legislator , ea omnia multifaria hæc difformitas intervertit. Quid ? quod speciem insuper injustitiæ sapiat , si qua sine ratione inter cives ejusdem patriæ legum diversitas inducitur. Neque enim solida subesse causa potest , cur , qui ejusdem civitatis membra esse dignoscuntur , diverso adeo inter se , & vario jure uti debeant ? Cur in una provincia testamenta trium , in alia non nisi septem testium numero vallata subsistant ? Cur majoræ ætas in uno civitatis loco annum vigesimum quintum , in alio annum vigesimum secundum , aut vigesimum primum pro termino agnoscat ? In hac præfectura jus commune , in altera jus provinciale , in alia aliud observandum veniat ? Unde non possint non multis modis turbari respublicæ , & litibus impleri judicia : quæ singula nunc exemplis illustrare & prolixum nimis , & a scopo alienum foret. Disturbia quippe , quæ hoc difformitatis cacoethes hætenus excitavit , concipi magis , quam pro dignitate materiæ exponi queunt ; atque multo magis tum civitatem infestant , quando multiplex jurium diversitas aliunde inevitabilis , operosa satis , atque diuturna studia juridica postulat , legumque exactam custodiam oppido quam difficilem reddit.

§. XXXVII. Sed tolerabilis forsan fuerit hæc juris difformitas. Est præter hanc alia, quæ non tam a diversis, quæ in diversis provinciis obtinent, legibus, quam ab eorum, qui leges interpretantur, docent, atque applicant, diversis interpretamentis, sententiis, & decisionibus profiscitur; eoque, priori illa, civitati perniciosior accidit, quod incerta, dubia, atque ambigua jura, & leges efficiat; qua quidem juris incertitudine, mea opinione, major rempublicam pestis afflare nequit. Difformes igitur legum interpretationes, diversos jurium intellectus, ut a limine judiciorum, ut a scholis juridicis procul arceat Princeps, summa eurythmiæ ratio postulat. Habent aliquid civiles leges sancti, & majestatici, a quo privatorum manus procul abstinere jure, meritoque jubentur. Robur illud legale, & constantem obligandi vim in republica bene ordinata aliunde, quam a fonte legum, summo imperante scilicet, derivari non convenit; eandem vero aut intervertere interpretamentis, aut enervare rationibus, legali auctoritate destitutis, nefas civi, nefas docenti, nefas judici haberi debet. Legum intellectum genuinum, veramque legislatoris mentem definire ad Principis sacrarium pertinet: nec periculosius quidquam excogitari potest, quam arbitriis docentium, ac judicantium relinquere hac in re multum potestatis, ita ut non tam de privatorum controversiis, quam de legibus, earundemque auctoritate decernant. Atque inde in judiciis, & scholis non tam ad ipsas leges, quam ad doctorum vacillantem auctoritatem provocari audiveris. Neque est, quod mihi fidem & religionem judicantium objicias. Etiam bonus interdum dormitat Homerus, eoque facilius labuntur homines, quo facilius est errores summi specie juris tueri. Certe est amor, est odium, est invidia, metus; ambitio, sunt dona, & quæ sunt sexcenta alia, quæ



occœcant mortalium oculos, cordaque in transversum rapiunt.

§. XXXVIII. Dispar multum est judicis ratio, & illius, qui ad clavum reipublicæ sedens civitatem omnem gubernat, atque administrat, usque sane adeo, ut quod hujus est in officio, id alteri nequidem extremo, quod ajunt, digito fas sit contingere. Occurrere subinde, quæ boni viri, id est intelligentis, sapientis, prudentis & probi judicis arbitrio relinquenda sint, non eo inficias: sed eadem in facto magis, quam in jure consistere, exploratum est. Sic judicis arbitrio committitur, qui testes idonei, quæ indicia sufficientia, quanti interesse æstimandum &c.: quot vero ad probationem plenam testes requirantur, an indicia locum torturæ, aut præsumptioni faciant, & aliæ similes quæstiones, juris legislatori merito definiendæ relinquuntur.

XXXIX. Neque aliud de ipsis docentibus velim teneatis AA. Hi, si officii sui limites egrediantur, & non tam quid lex præcipiat, statuatur, quam suam aut diversorum sæpe scributorum de legis sensu mentem & sententiam inculcent, nec publica auctoritate suffulti, nec privilegio a lege recedendi gaudentes, miris modis eurythmiam nostram legalem turbant: in quo tamen, si leges per se ambiguae sint, & intrinseco obscuritatis vitio laborent, aut fors una cum altera pugnet, non tam ipsi, quam leges culpandæ erunt; adeoque disrythmia illa, atque incertitudo juris citra ipsorum culpam oritur, neque judicibus, neque legum doctoribus imputanda. Legislatoris itaque potius est medicatricem hoc casu manum adhibere, & dubia legum auctoritate sua resolvere, incerta ex æquitatis regulis certa reddere, & sic leges in unam, firmam, stabilemque consonantiam, ac uniformitatem redigere: id quod a sacratissimis legisla-

latori-



toribus nostris non una vice observatum fuisse ex historia juris luculenter edocemur. Variæ nimirum rerumpublicarum periodi, varia tempora, varia instituta, moresque cum diversas & novas hinc inde leges efflagitent: vix evitari potest, quo minus tempore succedente lex una cum altera, saltem pro parte, pugnare videatur, aut collidatur; consequenter quæ uniformis, & eurythmica erat jurisprudentia, dubia ac difformis evadat. Cui malo per novas constitutiones, per novos codices, novas legum emendationes, novas interpretationes, & declarationes legales solliciti obviam iverunt augustissimi Imperatores, vel solo JUSTINIANI exemplo idem sat superque corroborante; cujus institutum si posterii secuti fuissent, non cum hiulco, non cum dubio, incertoque jure misere nunc in scholis, fastidiose in foris luctandum nobis foret. Incerta nunc sunt pleraque, quæ utimur, jura. Disputatur in cathedris de auctoritate, & receptione juris civilis Romani; utrum in dubio pro patrio, an pro peregrino jure pronunciandum? utrum pacta successoria in Germania valeant, an vero juxta præscriptum legum Romanarum pro improbæ plenæ spei reputanda sint. An tutor ob culpam latam a tutela remotus infamiæ notam contrahat, an salva fama inde abeat? An si heres minor, cui quis substitutus est, adiit quidem, sed restitutus repudiavit, substitutus succedat, an vero ad proximos ab intestato agnatos devolvatur hereditas? An transactio ob enormissimam læsionem infirmetur, an vero judicati robore subsistat? An remedio *L. 2. C. de rescind. Vend.* in emptore perinde, ac in venditore locus sit? An læsionis in utroque eadem computandi ratio, ita ut in emptore perinde, ac in venditore ex dimidio veri & justî pretii æstimanda veniat, an vero in emptore ex altero tanto veri pretii computetur? Et ita pariter in criminalibus disceptatur, an tertium furtum indistinctim laqueo puniendum, an vero requiratur, ut ob priora

priora furta semel jam fuerit punitus? An sine respectu ad summam, furto ablatam, poena ordinaria locum habeat, an vero tria furta conjunctim saltem summam ordinationis æquare debeant? & de sexcentis aliis quæstionibus tam jura ipsa, quam in judicio procedendi modum concernentibus, æquo, ut sibi blandiuntur, fortes illi in cathedra heroes utrinque Marte, pari rationum, pari, ut ipsis videtur legum pondere, pace tamen vestra dixisse liceat, sine legali auctoritate utrinque. Quid inde consequitur? Quos ex his disputationibus fructus colligunt? Hos scilicet: quod, quos illi docentes phaleris suis ornatos in forum ablegant, non minus inter se, quam ipsi docentes, diffideant, & in sacrationibus justitiæ atriis non minori cum vehementia sententias suas, quas didicere in scholis, propugnent, sive judicum dein officio defungantur, sive causarum, litiumque patronos agant. Unde videris hodie probata læsione enormi rescindi contractum, sollemnissima transactione firmatum, triduo post in simili prorsus causa contrariam ferri sententiam; nunc pro validitate pacti successorii, alio tempore contra eandem pronunciari; tutorem nunc ob culpam latam infamem, nunc salva fama dimitti; modo substituto, modo heredibus ab intestato in casu supra allegato hereditatem deferri; nunc ob tertium furtum indistincte suspendi reos, alio tempore, nisi summa quatuor aureos superet, salva vita dimitti, nullam aliam ob causam, quam quod diversos priores, a posterioribus judices nacti fuerint, diversis juris scholis enutritos, diversisque imbutos principiis, aut, qui in tanta legum incertitudine, dubiaque earundem auctoritate pro utraque sententia, salva se, & tuta conscientia pronunciare potuisse sibi perluaferint: vel denique, quod causa, via appellationis ad judicem secundæ instantiæ delata, eadem, qua ante, ratione casu mere fortuito judices offenderit, qui ab aliis doctoribus diversa a judicibus primæ instan-

instantiæ principia edocti contrariam sententiam tenent, quam eodem jure, quo illi pro norma, ac judiciorum regula observant. Adeo dissimilis sibi, parumque constans est jurisprudentia, quæ incerta auctoritate regitur! Diceres esse monstrum horrendum, ingens, cui lumen ademtum est. Quin ipsa etiam, qua nihil in republica sanctius esse debebat, justitia in luctu & squallore hæret, dum tam variis opinionum involucris, judiciorum & collegiorum dissensibus lacerata conspicitur. Ab Italis Germani, a Germanis Galli, ab utrisque Belgæ, Hispani, atque Lusitani dissident: immo a Germanis Germani, a collegiis collegia discrepant, ita ut nulla fere causa sit, quæ inter tot auctorum centurias, & Jctorum cohortes patronum suum & ducem non inveniat. O tempora! o mores! o fatalis difformitas, & lugenda merita juris facies, quæ paratissimam viam sternit, ut loco verorum juris antistitem, & sanctæ justitiæ sacerdotum, qui periclitantem innocentiam præsidio suo sublevant, ambigua causarum fata æqua judicii lance dirimant, suæque defensionis viribus in rebus sæpe publicis & privatis lapsa erigant, fatigata reparent, & non minus generi humano prævideant, quam si præliis, ac vulneribus patriam, parentesque salvarent, uti ait LEO & ANTHEMIUS (b), nonnisi bonorum extortores, legum contortores, vilissima capita, togatos vultures, fori carcinomata, pessimos juris mangones, forenses prædones, curiarum cerberos, remoras veritatis, justitiæ denique tormina nanciscamur: quo ipso tamen viris conscientiosis & eruditis dicam aut scripsisse, aut dixisse nolim. Quid mirum? si in dubia illa legum auctoritate causarum patroni non habita justitiæ ratione, sed prout partes sese offerunt, sententias quas-cunque, immo contrarias prorsus, & juxta se pugnantes defendant? Eccur enim non idem, quod docentibus, quod judicantibus licet, licere sibi existiment? Noli succensere

causarum patrono, si clientis, minore restituto, successionem ab intestato petentis hodie, cras in simili prorsus casu alterius contra heredes ab intestato ex capite substitutionis hereditatem sibi adserentis causam jure se agere posse credat. Quamdiu enim jure dubio utitur respublica, quid prohibet, quo minus utrique victricem sententiam & promittat, & obtineat? Crederes difformem adeo jurisprudentiam ad ditandos rabulas forenses totam quantam comparatam esse; plane, ut pro parata pecunia obvia cuivis mercenariam suam operam locent, insuper habita omni & justitiæ, & legum, quas cerco nasu instruunt, consideratione ac norma; a quibus, si nares eorum perflaverit cujusquam rubiginosi aura marsupii, confestim videris oculos Argi, manus Briarei, Sphyngrum ungues, cum eo & perjuriam Laomedontis, & Ulyssis argutias, & Sinonidis fallacias, & fidem Polymnestoris, & pietatem Pygmalionis adhiberi; venalis quibus justitia, venale patrocinium juxta illos SATYRICI versus:

*Quisquis habet numos, secunda naviget aura,  
 Fortunamque suo temperet imperio.  
 Uxorem ducat Danaen, ipsumque licebit.  
 Acrisium jubeat credere, quod Danaen.  
 Carmina componat, declamet, concrepet omnes,  
 Et peragat causas, sitque Catone prior.  
 Jurisconsultus paret, non paret, habeto,  
 Atque esto quidquid Servius & Labeo.  
 Multa loquor: quidquid numis presentibus opta,  
 Et veniet. Clausum possidet arca Jovem.*

(a) *L. pen. C. de pact.*

(b) *Lib. 14. C. de Advocat.*



§. XL. Atque hi sunt potissimi, qui difformitatem & incertitudinem juris consequuntur effectus; hic deplorandus reipublicæ status, in qua, qui victor in prima instantia triumphavit, ob solam hanc legum incertitudinem in secunda instantia succumbens, præter jacturam causæ, sine ulla sua culpa ad mille forsan, & ultra excurrentes sumtus ferre cogitur. Quodsi iniqua causa, si condemnandus erat aut actor, aut reus, cur non in prima instantia a limine judicii repulsi? Cur non inconcusso, stabilique legum robore subnixa sententia lata fuit, quo saltem secundæ instantiæ sumtus, & tædiosos litis processus devitassent? Miseratione igitur digni sunt pauperculi isti, qui legum vacillante auctoritate decepti, substantiæ simul, & bonorum omnium jacturam nulla sua culpa faciunt.

§. XLI. Levi saltem penicillo adumbratam hic cernis civilis ædificii structuram, quæ pulcherrimo eurythmiæ legalis ornatu destituitur. Disrythmica ibi nauscant, foetent, fordent omnia, sub specie juris summi summa committuntur latrocînia, furta, rapinæ, fraudes forenses foveantur, perfidia denique, malisque technis referta sunt omnia. Tantum difformitas potuit suadere malorum!

§. XLII. Quæ cum ita sint, publice certe interest, varie in jure sentiendi libertatem in miserorum solatium coerceri. Nullas omnino Princeps bonus, æquus, piusque, architectonicæ hujus eurythmiæ statuminator legum incertitudines toleret; ambiguos verborum sensus legislatoria auctoritas explicet, omnemque inter leges dissonantiam, & dubias interpretationes procul e civitate eliminet, aliam doctoribus leges interpretandi facultatem non indulgens, quam quæ ad eruendas legis rationes politicas, morales, historicas, & legales pertineat. Id agat, ut normæ, atque



regulæ actionum civilium in theoria, quam vocant, aliæ non doceantur, quam quæ legali auctoritate stabilitæ, firmæque certam, fixam, & stabilem praxin generent. Illæ ipsæ in foro applicentur leges, quæ a Principe latæ in tribunalia, & juris cathedras, ab his ad subditos, & auditores dimanarint. Unam eandemque determinatam actionem juxta unam & constantem normam dirimendam esse jubeat, præcipiat. Inutiles altercationes cessent, & si quando iisdem aut pasci, aut exerceri juvenes convenit, sciant eas legum auctoritatem minime debere infringere, aut uniformitatem quavis ratione evertere.

§. XLIII. Ita sane futurum erit, ut in pulcherrimo legum consentientium & uniformium ornatu, in contemplatione ædificii politici non minori cum voluptate versemur, quam dum palatium magnificum, juxta artis architectonicæ regulas exstructum, eurythmico ornatu suo superbiens contuemur, miramur, probamus.

§. XLIV. Hæc tamen AA. non in eum finem a me dicta sunt, quasi obscuris ego lucem, dubiis fidem, desperatis medicinam afferre aut velim, aut præsumam. Scio majoris manus id opus esse, viri intelligo, qui in juris studio summa cum diligentia multos annos fuerit versatus, ac pene totam in ea ætatem contriverit. Tentandum saltem aliquid erat sub Principe ARCHITECTORUM CIVILIUM nostro ævo vere PRINCIPE, sub MODERATORE, quem in harmonica totius imperii structura ad eurythmiæ regulas ordinanda a pluribus jam retro annis indefessa opera incubuisse universa Europa non sine admiratione suspexit, & in dulcissimum sui solatium hodiedum lætabunda suspicit hæc, quam incolimus, patria. Nolite credere, sapientissimum architectum nostrum minori studio, ac contentione in euryth-

eurythmia episcopatibus, ac ducatu suo concilianda, quam in magnificentissimo palatio suo symmetrice construendo versari. In UTROQUE CÆSAR EST. Tu igitur Franconia inter felicitates tuas vel maxime hanc numera, quod ex singulari Dei clementia, sorte benigna Princeps tibi contigerit, qui dulce non modo decus, & præsidium suis, saluberrimis & eurythmicis legibus civitates tuas ornat, scientias & bonas artes stabilit, bonos omnes protegit, sed ipso etiam suo exemplo robur suppeditat, & gradum monstrat, quo enitendum sit iis, qui digni suo Principe cives voluerint censer. Sub hujus tu moderamine eos uniformitatis fructus collige, quos ex veræ religionis, monetarum, ponderum, mensurarum, scientiarum, legum, & jurium eurythmica uniformitate prono alveo consequi luculentis hucusque argumentis evictum dedi. Maeste igitur pro incolumitate TANTI PRINCIPIS, pro salute PATRIS PATRIÆ OPTIMI MAXIMI uniformia vota conjungentes eurythmiam nostram politicam devotissima mente claudamus.

VIVE ergo FRIDERICE FranConlæ DVX  
patrlæ sospes DIV.

*Coronidis loco subjungere hic lubuit quæstionem: an sententiæ judicium inter casus fortuitos sint referendæ?*

§. I. **F**ortuitum cum Philosophis dicimus, quod ex causis minime prævisis, extra naturæ ordinem, citra expectationem, atque intentionem nostram accidit: quod si præterea causæ illæ potestatem agentis rationalis plane defugiant, ita ut, quæ inde oriuntur aut bonæ, aut malæ, sub directionem voluntatis liberæ

non cadant, eventus illos, sive prosperos, sive adversos, *casus fortuitos* appellamus. Non igitur, quæ fortuito nobis incidunt, causis prorsus destituuntur, utpote quod cum principio rationis sufficientis non consisteret: extra potestatem saltem nostram, & vires agentis rationalis, cujus respectu fortuitum aliquid dicitur, constituta intelliguntur. Sic dum subitaneo terræ motu templa, ædesque in ruinam concidunt, dum præceps imber fruges quatit, hominum, nil quidquam tale expectantium, intuitu casus hi fortuiti quidem audiunt: at vero rationibus eosdem suis destitui, nemo, nisi prorsus in physica hospes, alleruerit. Ita similiter, quæ alii nobis insciis, & nil tale cogitantibus, in bonam, aut adversam fortunam nostram machinantur, si ad nos referas, pro fortuitis haberi nil prohibet. Quid si enim, quem credebas minime patronum tuum, eitra spem & expectationem pinguem tibi spartam conferat? Quid si, quem neutiquam præstolabaris, amicus tuus ædes subintret? An non fortuitos hos casus reputas? An non improvviso spartam te nactum fuisse; præter expectationem amicum adventasse, vulgari etiam sermone effers? Opponuntur his, quæ aut præmeditato ab ente rationali perpetrantur, aut per ipsam rei alicujus naturam, & rationes intrinsecas sufficienter determinata contingunt. Sic fortuita minime haberi debet sterilitas agri, qui ex natura sua fruges producere ineptus est; sic fortuita non sunt mala, quæ actionum, legibus adversantium, effectus esse ex ipsis legibus concipiuntur.

§. II. His præmissis statum quæstionis rite ita formari existimo; quæri scilicet: an sententiæ judicum, intuitu partium litigantium, pro meritis fortunæ, atque infortunii casibus habendæ sint? quæ, licet causis suis juxta dicta non destituantur, non tamen ex intrinseca negotii, de quo controversitur, justitia, aut injustitia, ejusdemque cum legibus civitatis sive conformitate, sive difformitate, sed ex arbitrariis potius, atque extrinsecis rationibus, quæ æqua alea in utramque partem cadere queunt, & extra litigantium sphaeram ut plurimum constitutæ sunt, proveniunt, atque determinantur. De quo ut paucis, quantum per temporis angustias licet, mentem meam explicem, prænoto I. ad id, ut iusta a iudice feratur sententia, tria requiri, jus, sive legem, certam & constantem actionis civilis normam; II. facti, de quo litigatur, evidentiam, III. denique, ut lex ad factum rite, recteque applicetur. In quolibet horum requisitorum, intuitu saltem partium litigantium, fortunæ incertæ aleam concurrere non implicat. Quid si enim legum dubia, ambigua & vacil-

lans

lans auctoritas sit ? Quidſi facti perplexi circumſtantiæ in obscuro lateant , nec erui facile queant ? Quidſi imperitia, amor, favor, odium, amicitia, atque avaritia iudicis in ſententiam magis, quam interna cauſæ juſtitia influat ? Triplici itaque ratione contingere poterit, ut ſententia a iudice lata caſibus fortuitis adnumeranda veniat ; ſcilicet I. quando jure incerto, dubio, & ambiguo reſpublica regitur ; II. quando intricatæ adeo ſunt facti circumſtantiæ, ut omni adhibita opera, earundem veritas in aprium protrahi nequeat, conſequenter ex probabilibus ſaltem cauſæ momentis judex ſententiam concipere cogatur, eoque locum habeat vulgatum illud : non juſ, ſed probationem parti deficere ; uti in domino a bonæ fidei poſſeſſore rem ſuam, cujus tamen dominium ob deperdita fors inſtrumenta, aliasve ob cauſas demonſtrare nequit, repente accidit ; III. denique, ſi ſupra dictæ cauſæ judicem a via juſtitiae deſſectant, ut aliter, quam juxta leges, & demonſtratam facti veritatem oportebat, pronunciet.

ſ. III. Alterum cauſarum fontem, quæ ex ſententia iudicis fortunæ, atque infortunii caſum faciunt, quoniam rarius incidunt, impræſens ſilentio prætermitto ; uti nec de tertio cauſarum genere multum ero ſollicitus. Neque enim in reſpublica bene ordinata iudicem niſi juſtum, pium, probum, legumque ſufficienti ſcientia inſtructum præſumere fas eſt, & ſi fors unum alterumve ſua culpa minus æquam pronunciare ſententiam contigerit, luculenta in civitate pro impetranda meliori juſtitia media proſtant. Id igitur hodie diſcutiendum tantum mihi ſumſi ; an & qua ratione juſ incertum, atque ambiguum in cauſa ſit, ut iudicum pronunciatis ſeu ſententiis inter caſus fortuitos & fortunæ eventus locus adſignandus ſit.

ſ. IV. Quodſi certæ ſint leges, atque indubiæ auctoritatis, ita ut ab iisdem, ceu normis actionum communibus, legali robore ſtabilicis, impune & citra nullitatis vitium recedere iudici integrum non ſit : facti, de quo controvertitur, veritate in aprium poſita, hoc ipſo, juxta quam legem lis decidenda, & pro qua parte ferenda ſit ſententia, per modum concluſionis elicitur. Ex lege quippe, & intrinſecis cauſæ viſceribus determinatur ; atque adeo antequam pro tribunali eandem judex pronuntiat, a partibus, & cauſarum patronis prænoſci, ac prævideri poterit. Non fortuito ea impulſu, non vago, & incerto ad neutram partem determinato iudicis arbitrio, non ex rationibus extrinſecis, ſed ex neceſſitate legis ad factum, prout



prout jacet, applicandæ fertur, atque publicatur. Nullæ hic fortunæ, nullæ incertæ alicujus partes. Finge tibi de testamento, quatuor tantum testium numero vallato, controversiam moveri, utrum jure subsistat, an vero ab intestato heredes admittendi? Lex ait: testamentum, quod septem testium, rite convocatorum, signis munitum non fuerit, nullo validitatis robore subsistere. Per hanc testamenti forma determinatur; hæc *major* est propositio syllogismi prædici, quo lex ad factum applicatur, & causa controversa deciditur. Quod: si indubia, certa, atque immota eandem obligandi vi, ac potestate pollere supponas, ac præterea de facti evidentia, scilicet quatuor tantum testes præsentis fuisse constet: non potest non conclusio certa de testamenti nullitate inde colligi; atque hoc ipso, vigore alterius legis non minus certæ, heredes ab intestato vocari. Hanc sententiam partes non arbitrariis, & intrinsecis causis, sed legi & facto imputant. Quod igitur damnum unus, alter emolumentum sentit, casui fortuito minus recte adscribitur. Non intuitu judicis: nam constans illi regula præscripta erat, juxta quam factum litigiosum dirimere debebat; de hoc idem constitit, aliam, quam diximus, sententiam citra nefas, & manifestam injuriam ferre non poterat. Non etiam intuitu partium, seu litigantium: utpote quos, dum tacite saltem in leges patrias consentiunt, aliam, quam quæ legibus & facto consentanea erat, sententiam expectare haud conveniebat. Quæ actori adjudicatur hereditas, non forensis alea, sed aliunde veniens fortuna est: quod succumbens damnum, ac jacturam patitur, casus fatalis ea ratione judicati minus congrue censetur. Consequitur, quod ipsi debebatur, actor: damnum reus aliud non sentit, quam quod aut imaginarium est, aut sua ipse culpa sentit, consequenter sentire non videtur. Constans igitur, certa, & uniformis ubi viget juris auctoritas, ubi leges in utramque partem non vacillant, nec oppositæ sibi sententiæ æquali robore pollent, nec præterea judices a tramite recti, ut supponimus, abeunt, proposita quæstio utique neganda venit; & quæ pro tribunali iudex pronunciat, non cæco fati arbitrio, non casui, sed saluberrimis iustitiæ legibus debentur.

§. V. At! at! dubia ubi legum auctoritas, quando ambigua & inconstans earundem ad facta applicatio, sive iudicium, concedendi sibi muneris limites excedentium, utraque legum præscriptum potestatem suam extendentium, sive ex intrinseco ambiguitatis vicio,  
&



& vago obligationis vinculo ea proveniat, non potest non rerum judicarum summa incertitudo rempublicam inundare; ita ut, quoniam certam & determinatam actiones civiles normam non agnoscunt, judiciales sententiæ ex causis extrinsecis, aut saltem incerto judicis arbitrio concipiendæ sint; quas ne vigilantissimus quidem rerum suarum administrator prævidere, multo minus de litis exitu ex intrinsecis causæ momentis pro certo statuere possit. Uterque litigantium ad judicem, tanquam ad ollam fortunæ accedit, quam fortunam dederit, sententiam expectans. Casus fortunæ erit, si Sempronius victor e judicio discedat; infortunium, si Mevio victo succumbendi necessitas incumbat. Non ille conformitati actionis suæ cum lege, non justitiæ ipsius causæ, utpote quæ ex parte adversa in dubiis legibus eadem esse deprehenditur, victoriam: non alter injustitiæ, sive iniquitati petiti sui, quam sentit, cladem imputare potest. Fortuna est, quod faventem actor, infortunium, quod minus faventem, aut adversæ sententiæ adstipulantem judicem reus nactus fuerit. Fingite vobis casum, quo dominus, qui a Sempronio b. f. possessorem suam vindicatum it, cum fructibus extantibus, necdum usucaptis, perceptos præterea & consumptos, quantum ex iis notorie factus est locupletior, repetit. Quantum ad restitutionem fructuum posterioris generis attinet, Jctos in diversas abire sententias, nostis omnes. Perceptos & consumptos a b. f. possessore, etiam si locupletior factus sit, restituendos esse negant Coccejus, Hartmannus Pistorius, Strauchius, Curtius cum sexcentis aliis, juris civilis auctoritate freti: affirmant Carpzovius, Struvius, Müllerus, cum infinito aliorum numero, naturalem magis æquitatem, & fortius domini jus præ oculis habentes; verbo: jus dubium, incertum, & ambiguum, nec quid in foro tenendum, legali auctoritate definitum est. Cogita porro divisos esse judices, perinde ut ipsi, a quibus legum scientiam hausere, doctores, divisos quoque esse causarum patronos. Quod si causa in judicium deducta majorem eorum numerum esse contingat, qui redacta ex fructibus ultimi, aut antepenultimi anni præria, & quæ ex fructibus aliunde lucratus est, restituenda esse existimant: vincet sane eo casu dominus non propter intrinsecam causæ justitiam, sed quoniam ita fortuna voluit, ut qui pro ipso sentiunt, plures numero deprehendantur; succumbet b. f. possessor non quod virtute legis injusta censenda sint, quæ tenet lucra, sed quod itidem fatali casu evenerit, ut pauciores, quæ pro ipso facit, sententiæ adstipolentur. Tam victoria prioris, quam

M m m m m

poste-

posterioris succumbentia causas mere extrinsecas, scilicet fortuitam tribunalis constitutionem, pro causa agnoscit. Qui modo succumbit b. f. possessor, obtinuisse fortasse, si paucos ante annos. aut mentes ea lis in iudicium tracta fuisset, qui contrariæ adstipulantur sententiæ, numerum tunc majorem constituentibus; & ita vicissim succubuisset dominus, si fors ita voluisset, nec morte præmatura unum alterumve iudicem fata eripuissent. Forensis igitur, tam unus lucrum, quam alterius damnum alea & merus casus fortuitus est. Neque donec dubiæ erunt, & ambiguae leges a legislatore neque definitæ, neque ad unam consonantiam redactæ, aliter fieri poterit; uti ex præliminari oratione mea luculenter intellexistis. Id tamen ex dictis patet, non in iudicis culpam hanc sententiarum fortuitam aleam constanter, ac perpetuo imputandam esse. Juris incerti fatales hi effectus sunt, quod quam diu rempublicam infestat, quam diu non sublatum, fixum, determinatumque fuerit, quam diu ipsi, qui leges applicare debent, iudices in ancipiti hærent, nec, quam ex duabus sententiis contrariis in foro sequi, oporteat, pro certo statuere queunt, non minus indubio veritatis robore subsistit, pronuntiata tribunalium pro meris fortunæ casibus, pro alea habenda, neque iustitiæ causæ aut victoris, aut victi imputanda esse. Non colonus, non vinitor incertos agrorum & vinearum proventus, sterilitatem, aut ubertatem, incertæ & fortuitæ cœli temperiei, magis, quam partes, dum dubia jura sunt, sententias adscribent. Quibus non obstat, quod, qui aut agendo jus sibi suum tribui postulant, aut excipiendo defendunt, quibus iudices sententiis adstipulentur, inquirere, & sic de futuris iudicatis edocti secum statuere queant, an prosequi litem, an cedere malint. Præterquam enim, quod incivile admodum sit, sanctam legum auctoritatem a iudice magis, quam a legum fonte, summo imperante intelligo, profluere; in id republica bene ordinata ne præsumendum quidem erat; atque hoc insuper sequeretur absurdi, quod sic Advocatorum solerti astutia lites in plura sæpe lustra traherentur, quo mutata tribunalis facie, & substitutis in locum demortuorum, iudicibus aliis, aliam a prioribus sententiam foventibus, favorem sententiam expiscantur; quod an iustitiæ rationibus ex asse conveniat vestræ AA. ego examini, iudicioque relinquo. Atque hæc pro brevitate temporis de materia, quæ fusiolem multo deductionem, & amplius dicendi spatium sibi postulat, dicta sufficiant.

INDEX

# INDEX.

Numerus Rom. prior *opusculum* ; alter  
caput: minor *paragraphum* ; postremus *pagi-*  
*nam* ; A. *appendicem* indicat.

## A.

*Abuti re aliqua* quid ? VIII. 1.  
Schol. 392.

*Academiarum navi.* I. II. 89. 104.  
quomodo emendandi ? I. IV.  
41. 148.

*Accessoria fundorum* quænam ?  
VIII. 142. 464. vel perpetua,  
vel transitoria. *ibi.* 143. 464. ea  
cum fundo occupata censentur  
*ibi.* 144. 465. in perpetua, in-  
troducito in fundos latiori do-  
minio, perpetuum ; in trans-  
euntia, interimisticum domini-  
um acquiritur. *ibi.* 146. 466. in-  
terimistica, nisi vere apprehen-  
sa, cum occupatione fundi per-  
petuo dominio non afficiuntur.  
*ibi.* 149. 467. bene tamen in-  
terimistico. *ibi.* 150. 467. fun-  
dorum publicorum sunt feras  
&c. ibidem existentes. IX. II.

46. 544. fundorum privatorum  
non sunt jus venandi & domi-  
nium inferas, ad subditos per-  
tinens. IX. III. 12. 587.

*Acquisitio domini derivativa, &*  
*originaria* quænam ? VIII. 42.  
406. utraque & titulum & mo-  
dum requirit. *ibi.* 43. 406.

*Ἀδέσποτα* quid ? VIII. 136. 461.  
fiunt occupantis. *ibi.* 137. 461.  
etsi in fundo alieno occupata,  
*ibi.* 139. 462.

*Administer* quid ? XI. 2. 754. ejus  
officium. *ibi.* 3. 754. Vide of-  
ficialis.

*Administrator fundi*, seu regalis,  
ejusdem possessor haud est. IX.  
V. 4. 616. jurium territoriali-  
um, & regalium quænam ? XI.  
2. seq. 754.

*Æqualitas in permutatione* quid ?  
IV. 2. 235. quomodo obtinen-  
da ?

Mmmmm 2

da ?



da? *ibi.* [3. 236.](#) in emtione & venditione perfecta omnino esse non debet. *ibi.* [19. 245.](#)

*Agri adversus feras quomodo muniri queant?* IX. II. 80. *seq.* 573.

*Alienationes regalium &c. officialibus a Principe manifesto sunt interdictæ.* XI. [7. 757.](#) eadem negligentia eorum sæpe fiunt. *ibi.* [10. 759.](#) vel in status imperii, vel landsassios. *ibi.* [11. 759.](#) quotuplici id fiat modo? *ibi.* [12. 760.](#) in dubio negligentia officialium factas esse præsumitur. *ibi.* [24. 721.](#)

*Animalia ferocia non nutrienda.* VIII. [121. seq. 454.](#) a domino venationis eradicanda. *ibi.* [123. 455.](#) in periculo vitæ nostræ, aut animalium nostrorum discrimine, in eo districtu etiam, ubi alius privative jure venandi instructus est, libere occidenda. *ibi.* [124. 455.](#) eadem extra casum periculi potius a monito venationis domino, ejusve ministris, interficienda. *ibi.* [125. 456.](#) secus venationis dominus omne damnum aliis resarcire obligatur. *ibi.* [126. 456.](#)

*Apertura jus territoriale, officialium negligentia in alios translatum, non præscribitur.* XI. 36. [784.](#)

*Appellandi jus, officialium negligentia ammissum, præscribere nequit.* XI. [33. 780.](#)

*Applicatio legis quid?* [L. I. 48. 35.](#) quomodo instituitur. *ibi.* [49. 35.](#)

*Apprehensio quid?* VIII. [55. 410.](#) cum effectu juris quodam, & non stricte sumenda. *ibi.* [59. seq. 410.](#) vel mediata est, vel immediata. *ibi.* [61. 414.](#) mediata, sive instrumentalis, ad occupandas feras sufficit. *ibi.* [84. seq. 427.](#)

*Aucupium quid?* VIII. [77. 424.](#)

*Aves, vide Fera.*

*Ausnahm/ vide Reservatum.*

*Axiomata juris quid?* [L. IV. 12. 133.](#) quæ propositiones inter ea referantur? *ibi.* [13. 133.](#) eorum divisiones. *ibi.* [14. seq. 134.](#)

## B.

*Bannum ferinum quid?* IX. II.

[18. 519.](#) quid in alio sensu? *ibi.*

[19. 521.](#) quid in tertio? *ibi.*

[20. 522.](#) quid in quarto? *ibi.*

[21. 522.](#) in sensu primo est jus majestaticum. *ibi.* [22. seq. 522.](#) in altero est modus, feras in dominium redigendi. *ibi.* [25. 524.](#)

ac lex ferarum &c. acquisitoria, & non mere prohibitoria. *ibi.*

[26. 525.](#) in sensu quarto est regale venationis jus, principi in fundis publicis competens. *ibi.*

[27. 525.](#) vide *venandi jus regale.*

*Beneficium emigrandi quid?* V.

[62. & 67. 311.](#) quid sub hoc nomine intelligant Catholici, & A.C. addicti? *ibi.* [69. 313.](#) voluntarium juri territoriali prohiben-



hibendi atque imperandi emigra-  
 rationes civium limites ponit.  
*ibi.* [71.](#) [314.](#) idem in sensu A.  
 C. addictorum salutis publicæ  
 &c. refragatur. *ibi.* [72.](#) *seq.* [314.](#)  
 quænam desuper exortæ lites.  
*ibi.* [76.](#) *seq.* [315.](#) post P. W. ob  
 professionem religionis, quam  
 subditi anno 1624. nulla anni  
 parte habuere, est necessitatis  
*ibi.* [82.](#) *seq.* [320.](#) non est vo-  
 luntatis in sensu Protestantium.  
*ibi.* [87.](#) [324.](#) bene vero Catho-  
 licorum. *ibi.* [88.](#) [325.](#)

S. Bernardus exemptionum mona-  
 sticarum osor. XI. [40.](#) Schol. [790.](#)

### C.

**C**amera præsidis officium quod-  
 nam? XI. [4.](#) [755.](#)

Calendarii difformitas reipublicæ  
 damnosa. XII. [25.](#) [805.](#)

Casus fortuitus quid? A. [I.](#) [823.](#)

Causa domini quid? VIII. [26.](#) [400.](#)  
 eadem domini determinans est.  
*ibi.* [27.](#) [401.](#) vel proxima, vel re-  
 mota. *ibi.* [38.](#) [403.](#) vel juris vel  
 facti. *ibi.* [39.](#) [403.](#)

Clandestinitatis vitium in posses-  
 sione quid? X. [27.](#) [651.](#)

Cognitio legis historica quid? [I.](#) [I.](#)  
[30.](#) [21.](#) quid philosophica? *ibi.* [31.](#)  
[22.](#) unde petenda? *ibi.* [36.](#) [26.](#)  
 ea vel certa est. *ibi.* [38.](#) [27.](#) vel  
 probabilis. *ibi.* [39.](#) [28.](#) cuinam  
 necessaria? [41.](#) [29.](#) quid mathe-  
 matica? *ibi.* [34.](#) [24.](#) ea ita diffi-  
 cilis est, ac utilis. *ibi.* [35.](#) [25.](#)  
 quid pragmatica? *ibi.* [45.](#) [32.](#)

quid inutilis & superficialia? *ibi.*  
[46.](#) [33.](#) pragmatica quomodo  
 ab inutili distinguatur? *ibi.* [47.](#)  
[33.](#) cognitionis juris quinam fi-  
 nis? *ibi.* [43.](#) & *seq.* [31.](#) & [50.](#) [36.](#)  
*Collectandi jus*, officialium negli-  
 gentia ammissum, præscribi non  
 potest. XI. [37.](#) [785.](#)

Color possessorii quid? X. [49.](#) [661.](#)

Colorare possessionem quid? X.  
[49.](#) [661.](#)

Communio rei quid? VIII. [6.](#) [391.](#)  
 communionis rerum status quis?  
*ibi.* [16.](#) [396.](#) is juri naturæ re-  
 pugnat. *ibi.* [24.](#) *seq.* [399.](#)

Communis res quid? VIII. [7.](#) [324.](#)  
 ab ejus usu, atque abusu, sal-  
 tem partiali, nemo jure exclu-  
 dendus. *ibi.* [9.](#) [394.](#) communis,  
 proprietatis, quid? *ibi.* [22.](#) [398.](#)

Compendium juris quid? [I.](#) IV. [35.](#)  
[145.](#) quid scientificum, & dog-  
 matico-historicum? *ibi.* [36.](#) [146.](#)  
 quæ damna ex prolixiorum  
 compendiorum prælectione  
 academica oriantur? *ibi.* [38.](#)  
*seq.* [146.](#)

Concessio venandi juris in territo-  
 rio alieno, circa interregni tem-  
 pora ab Impp. facta, quomodo  
 intelligenda? IX. IV. [8.](#) [608.](#)  
 landsaslica jurium majestatico-  
 rum, & regaliū quid? IX.  
 V. [I.](#) [614.](#) administrativa rega-  
 liū quid? *ibi.* [2.](#) [615.](#) quid ter-  
 ritorialis? *ibi.* [5.](#) [617.](#) landsas-  
 fica quomodo a principe facta  
 fuisse præsumatur? *ibi.* [15.](#) *seq.*  
[622.](#)

Mmmmm 3

ca



ea tantum , a Principe facta, subdito acquiruntur regalia. X. 78. 684. & 134. 728. est sola titulus, eadem acquirendi, sufficiens, & idoneus. *ibi.* 79. 685. & 122. 719. hac non probata, subditi possessio regalium nulla est. *ibi.* 81. 685. & 123. 719. in dubio factam esse non præsumitur. *ibi.* 82. 685. ex possessione immemoriali quando præsumatur? *ibi.* 86. 690. ejus loco est sola possessio immemorialis. *ibi.* 124. 720. concessionem rei, aut juris, ad publicum principis dominium spectantis, a solo Principe impetrari juri Romano conforme est. *ibi.* 144. 738. & canonico. *ibi.* 145. 740.

*Conductoris & locatoris* eadem circa læsionem enormem jura, quæ emptoris & venditoris. IV. 42. 267.

*Conquisitio militum* an a statibus imperii exteris in suo territorio permittenda? VI. 8. 350. quomodo instituenda sit? *ibi.* 9. seq. 351. acquisitionis illicitæ poena. *ibi.* 13. seq. 355.

*Conquisitores militum* violenti quomodo puniantur? VI. 14. 356. & 29. 366. crimen plagii committunt. *ibi.* 16. 357. et si aliorum utantur opera. *ibi.* 21. 361. eorum mandatarii qua poena afficiantur? *ibi.* 28. 366.

*Cornua ferarum*, in sylvis & venationum districtibus inventa, non inventorum, sed Principis

& domini territorialis sunt IX. II. 48. 545.

*Crimen læsæ majestatis* a subdito, dolo malo regalia majora usurpante, committitur. X. 115. 712. ut & minora. detinente. *ibi.* 129. 724.

*Cultus privatus*, simpliciter talis, & cultus privatus domesticus, quomodo differant? V. 111. 336.

## D.

*DAnna venationis liberæ* quænam? IX. II. 31. 527. a feris data quando a Principe resarcienda? *ibi.* 76. seq. 570. reipub. ex libero venandi jure, subditis in fundis privatis patente quænam? IX. III. 2. seq. 141.

*Definitio manca* quid? I. IV. 9. 130. ejus exempla in jure *ibi.* 10. 130. abundans quid? *ibi.* 9. 130. ejus exempla in jure. *ibi.* 11. 132. definitionum in jure utilitas, & defectus. *ibi.* 6. seq. 128.

*Delectus* jus quid? VI. 2. 346. delectus a statibus imperii an pro exteris institui possit? *ibi.* 8. 351. & quomodo? *ibi.* 9. seq. 351. an in territorio alieno? *ibi.* 12. 154. jus officialium negligentia amissum præscribi non potest. XI. 36. 784.

*Demonstratio legis* quomodo instituenda? I. IV. 27. & seq. 141.

*Difformitas* in republ. pernitiola est. XII. 10. seq. 796. in specie reli.



religionis. *ibi.* 13. [798.](#) morum. *ibi.* [16.](#) [800.](#) monetarum. *ibi.* [17.](#) *seq.* 801. mensurarum, ponderum, temporum &c. *ibi.* [23.](#) [803.](#) vestium. *ibi.* [27.](#) 806. scientiarum, & artium. *ibi.* [29.](#) 808. Philosophiæ. *ibi.* [32.](#) [809.](#) Theologiæ. *ibi.* [33.](#) [810.](#) Medicinæ. *ibi.* [34.](#) [810.](#) Jurium. *ibi.* [35.](#) *seq.* 811. [1.](#) Discere jurisprudentiam quid? L. IV. [2.](#) 125. Docere jurisprudentiam quid? L. IV. [2.](#) 125. Dolus officialium. Vide *negligentia.* Dominium rei quid? VIII. 1. [392.](#) involvit jus excludendi alios ab usu, atque abusu rerum nostrarum. *ibi.* [2.](#) [392.](#) ejus effectus est jus possidendi. X. 15. [646.](#) dominii definitio abundans quænam? VIII. [2.](#) Schol. 393. dominii status quid? *ibi.* 14. [396.](#) dominii capaces, vel incapaces res quid? *ibi.* [21.](#) [398.](#) dominia rerum in statu etiam naturali, quo ad res exhausti usus, actu necessitatibus hominum inservientium, ex absoluta: quo ad fructus vero, & res limitati usus alias ex hypothetica necessitate introducta fuer. *ibi.* [24.](#) [399.](#) dominii causa quid? *ibi.* [24.](#) [400.](#) dominii impedimentum quid? *ibi.* [28.](#) [401.](#) vel physicum, vel legale, seu morale. *ibi.* [30.](#) [401.](#) morale est, vel ex jure naturali, vel positivo. *ibi.* [31.](#) [401.](#) dominii

acquirendi modus, & titulus quis? *ibi.* 33. [402.](#) dominii causa efficiens, sufficiens, & necessaria quænam? *ibi.* [35.](#) [403.](#) quænam remota & proxima? *ibi.* [38.](#) [403.](#) sine titulo & modo dominium acquiri nequit. *ibi.* [40.](#) & *seq.* [404.](#) quomodo acquiratur originarie, & derivative? *ibi.* [42.](#) 406. in dominio complete, aut incomplete rem existere quid? *ibi.* [69.](#) [419.](#) dominium latius, & remissius quodnam? *ibi.* 135. 460. quodnam perpetuum, & interimisticum? *ibi.* 145. [464.](#) dominium latius in fundos introducenti in accessoria, perpetuo fundo coherrentia, perpetuum: in trans-euntia, interimisticum quæsitum est. *ibi.* [146.](#) [466.](#) dominio latius in fundos introducto metalla, thesauri, gemmæ, pisces, lacubus, & stagnis inclusi &c. dominio perpetuo afficiuntur. *ibi.* 147. [466.](#) quo casu domino fundi plenum, & completum in metalla, thesauros &c. dominium competit. *ibi.* [148.](#) [467.](#) ut & feras, pisces, & aves nobiliores. *ibi.* 151. [468.](#) dominium tamen hoc casu tantum est interimisticum. *ibi.* 152. [469.](#) dominium latum in fundorum, & prædiorum accessoria, speciatim vero interimisticum in feras, pisces, & aves nobiliores, nec rectæ rationi repugnat, nec auctoritatibus



tibus destituitur. *ibi.* [153.473.](#)  
dominium reipubl. eminens &  
proprium quid? IX. II. [6. 510.](#)  
in proprio omnes montes, syl-  
væ, stagna &c. extra privato-  
rum dominium constituta, ex-  
istunt. *ibi.* [7. 510.](#) dominio la-  
tiori in fundos publicos intro-  
ducto feræ quoque ejusdem  
complexu comprehenduntur.  
*ibi.* [9. 512.](#) dominium inferas  
non est fructus, aut accessio fun-  
di privati, ad subditum, qua  
prædii dominum, pertinens, IX.  
III. [12. 537.](#)

## E.

**E**cclēsia quid? [L. II. 28. 66.](#) ejus  
necessitas. *ibi.* [27. 65.](#) Eccle-  
siæ jus publicum universi. quid?  
*ibi.* [29. 67.](#)

**E**heliche männliche Leibs ~~Erz~~  
ben quid? VII. [2. 373.](#) & [L.](#)  
[seq. 376.](#) & [2. seq. 385.](#)

**E**migrandi jus quid? V. [1. 287.](#)  
emigrantes in civitate, quam  
relinquunt, bona possidere pos-  
sunt. *ibi.* [3. 289.](#) emigrare sub-  
ditis quomodo liceat, vel non?  
*ibi.* [25. seq. 293.](#) emigrare si-  
gillatim quid? *ibi.* [28. 295.](#)  
gregatim quid? *ibi.* [29. 295.](#)  
emigrare sigillatim in Germania  
subditis licet. *ibi.* [30. seq. 296.](#)  
emigrandi beneficium quid? *ibi.*  
[62. 311.](#) ejus natura. *ibi.* [63.](#)  
[312.](#) jus emigrandi voluntarium  
quid? *ibi.* [65. 312.](#)

**E**migratio necessaria quid? V. [62.](#)  
[311.](#)

**E**mtio & venditio quid? IV. 8.  
[seq. 239.](#) est species permuta-  
tionis. *ibi.* [7. seq. 238.](#) in ea  
servanda æqualitas. *ibi.* [12. 241.](#)  
in illa damna mutuo reparan-  
da. *ibi.* [17. 243.](#) quænam ex  
actiones competant? *ibi.* [11.](#)  
[244.](#) cur non quævis inæquali-  
tas in hoc contractu attenda-  
tur? *ibi.* [19. 245.](#) quomodo  
per [L. 2. & L. 8. Cod. de re-  
scind. vend. rescindatur.](#) *ibi.*  
[19. 245.](#) in emt. & venditione  
unicum subest læsionis enormis  
periculum. *ibi.* [29. 255.](#)

**E**mtoris officium. [IV. 13. seq. 241.](#)

ejusdem in læsione enormi, ut in  
venditore jure Rom. antiquo  
fuit habita ratio. *ibi.* [22. 249.](#)  
& quomodo? *ibi.* [24. 251.](#) ei-  
dem [L. 2. & L. 8. Cod. de re-  
scind. vend.](#) succurritur, ut ven-  
ditori. *ibi.* [25. 252.](#) ejusdem ea-  
dem circa læsionem enormem  
cum venditore alea. *ibi.* [31.](#)  
[257.](#) eadem circa eandem cum  
venditore jura. *ibi.* [33. 259.](#)  
idem cum eo terminus læsionis  
enormis a quo. *ibi.* [40. 265.](#) em-  
toris læsio enormis quomodo  
invenienda? *ibi.* [41. 267.](#)

**E**ns morale quid? I. I. [5. 7.](#)

**E**piscoporum jura, dolo, aut neg-  
ligentia officialium amissa, præ-  
scribi nequeunt. XI. [40 789.](#)

**E**urythmia, Vid. Uniformitas  
Ex.



# I N D E X

*Exemptiones* monachorum a jurisdictione episcopali D. Bernardo sunt improbatae. *XL. 40. Schol. 690.*

*Expellendi* subditos jus quid? *V. 9. 289.* quomodo territorii domino competat, vel secus? *ibi. 39. seq. 301.*

## F.

*Facultas* cognoscitiva quid? *II. L.*

*L. 5.* quid appetitiva? *ibi. ejusdem regulæ. ibi. 4. 6.*

*Factum* possessionis quid? *X. 10. 643.* inter bona hominis connumeratur. *ibi. 37. 655.* de illius iustitia non semper ex jure domini statui potest. *ibi. 38. 656.* quodnam ex eo jus oriatur? *ibi. 40. 657.*

*Fera animalia.* Vide *animalia ferocia.*

*Fera*, pisces & aves, nullius quænam? *VIII. 78. 424.* quænam in dominio completo, aut incompleto? *ibi. eadem si nullius sunt, alieno licet in fundo occupatae, nostræ fiunt. ibi. 81. 425.* etsi dominus ob causas, titulum ipsum non perimentes, fundi ingressum prohibuerit. *ibi. 82. 425.* in earum occupatione, apprehensione opus est. *ibi. 83. 427.* eaque vel mediata, vel immediata. *ibi. 84. seq. 427.* ea telo prostrata, aut retibus nostris irretita, aut per actua-lem apprehensionem, manibus

factam, nostra est. *ibi. 86. seq. 427.* illam auferens, aut restituere, aut resarcire damnum debet. *ibi. 89. 428.* idem de piscibus, & avibus tenendum. *ibi. 90. 429.* in vivario, & sylva circumsepta inclusa, nostra est. *ibi. 91. 430.* suo modo idem de piscibus & avibus tene. *ibi. 92. 431.* fera nullius, lethali-ter a nobis vulnerata, aut ita mutilata, vel lassata, ut effu-gere amplius nequeat, nostra est. *ibi. 94. 432.* eamque persequen-di jure vulnerantes, mutilan-tes, vel lassantes soli gaudent. *ibi. 95. 433.* e custodia nostra elapsa, neque facile discernibi-lis, aut recuperabilis, præsum-tive pro re derelicta habetur. *ibi. 97. 435.* eaque aut primi occupantis, ejusve, qui titulo, eam in certo districtu privative occupandi, instructus est, fit. *ibi. 98. 437.* mansuefacta, etsi e cu-stodia dilapsa, non fit occupan-tis. *ibi. 99. 438.* idem de feris discernibilibus, aut signatis & c. tenendum. *ibi. 100. 439.* feræ inter districtum, in quo soli cui-dam, cum exclusione aliorum, jus venandi competit, incom-plete jam, & remote in domi-nio existunt. *ibi. 105. 442.* nec res nullius sunt. *ibi. 106. 443.* eas occupans non suas, sed il-lius facit, cui titulus eas pri-vative occupandi competit. *ibi. 107. 444.* hinc a domino vindi-cari

Nnnnn

eari



cari possunt, a quocunque. *ibi.* 110. 446. & pro ratione possessionis restitui debent. *ibi.* 111. 447. feræ; quæ satis, & frugibus insigni damno sunt, magnanimis & vagâ copia nutriri non debent. *ibi.* 127. 457. easdem, si nullius sunt, sata, fruges &c. depascentes, occidere cuius licet. *ibi.* 128. 457. in districtu tamen, ubi privative alius jure venandi gaudet, eadem a satis &c. jura abiguntur, neutiquam vero occiduntur, aut occupanti cedunt. *ibi.* 129. 457. eæ sepius, & muris a fundis jure arcentur. *ibi.* 130. 458. introducto in fundos latiori dominio, existunt in dominio completo. *ibi.* 151. 468. sed interimistico. *ibi.* 152. 469. circa eas omne id, quod circa res alias, in dominio existentes, juris est. *ibi.* 153. 473. ferarum certæ species, ne capiantur, a Principe subinprohiberi potest. IX. L 33. 495. feræ, latiori dominio in fundos publicos introducto, sub ejus complexu comprehendendi possunt. IX. II. 9. 512. sub banni ferini lege comprehensæ, in fundis publicis statuum imperii in dominio existunt, vel saltem domini territoriorum soli, easdem occupandi, jure gaudent. *ibi.* 44. 543. nec res nullius sunt. *ibi.* 45. 543. pro fructibus & accessorijis fundorum publicorum recte habentur. *ibi.* 46. 544. eas-

dem occupans suas non facit. *ibi.* 47. 545. sed Principis. *ibi.* 48. seq. 545. a Principe, seu territorii domino, vindicari possunt. *ibi.* 50. 547. cui ablata, aut consumptæ pretio restitui debent. *ibi.* 51. 548. eas capiens furti, & rapinæ se reum facit. *ibi.* 52. 549. quomodo alendæ? *ibi.* 74. seq. 569. ab iis data damna quando resarcienda? *ibi.* 76. seq. 570. eadem in fundis privatis, respectu ad subditos habito, dominio vacuæ, & inoccupabiles sunt. IX. III. 13. 588. in dominio Principis efficaci existunt, vel ab hoc solo saltem occupantur. *ibi.* 16. 589. Feripeta, feras, &c. quas occupandi unus, aut pauci cum exclusione aliorum jure gaudent, occupans, non facit sed illius, aut eorum facit, qui titulo, eas occupandi privative, instructi sunt. VIII. 107. 444. & IX. II. 47. 545. si feram captam retinet, consummit, alienat, aut in alium transfert: rem non suam, sed alienam retinet, consummit, & in alios transfert. VIII. 109. 446. hinc ab eo a venationis domino vindicari potest. *ibi.* 110. 446. & IX. II. 50. 547. isque ad restitutionem obligatur. VIII. 111. 447. & IX. II. 51. 548. privativos tituli, feras occupandi, possessores in suo turbat. VIII. 112. 448. respectum Principis & jura



jura superioritatis violat. IX. II. 54. 551. furtum committit. VIII. 113. 448. & rapinam. *ibi*. 114. 450. & IX. II. 52. 549. in eum ad feras recuperandas & damna refarcienda eadem juris, & violenta remedia competunt, quæ adversus fures, & raptores alios. VIII. 115. *seq.* 450. nisi animalis vilitas pro circumstantiis aliud suadeat. *ibi*. 116. 451. pœnis iustissime afficitur. IX. II. 56. 552. quinam in iisdem intelligendis, observandi gradus, & modi? *ibi*. 56. *seq.* 553. prima vice regulariter mortis poena haud afficiendus. *ibi*. 62. 559. pro circumstantiis nece puniri potest. VIII. 119. 453. & IX. II. 63. 560. ejus receptatores, ut ipsi feripetæ, puniuntur. IX. II. 64. 563. adversus venatorum arma movens, jure mutilatur, aut plene occiditur. *ibi*. 65. 564. quid si in flagranti deprehensus fugam arripiat? *ibi*. 66. 565.

*Fideicommissum* an in jure odiosum? VII. 1. 372. quoad introductionem id admittitur, non æque quoad conservationem. *ibi*. 5. 379. & 1. 384.

*Fides bona* quid? IV. 15. 242.

*Fiscus* multas, a transgressoribus legum venatoriarum pendendas, acquirit. IX. II. 43. 503. ejus res a subditis possideri possunt. X. 70. *Schol.* 677.

*Foresta* jus territoriale, negligentia officialium amissum, præscribi non potest. XI. 38. 786.

*Fortuitum* quid? A. 1. 823. fortuitus casus quid? *ibi*.

*Freye Bürsch*. Vide *Venatio*.

*Fructus* fundorum publicorum sunt feræ, pisces, & aves ovibiliores, ibidem existentes. IX. II. 46. 544. fundorum privatorum, ad subditos, quæ prædiorum dominos, pertinentes non sunt jus venandi, & dominium in feras. IX. III. 12. 587. & 21. 596. & IX. V. 11. *seq.* 620. 609. lucratur b. f. possessor. X. 36. 655.

*Fundus* sepibus, & muris adversus feras a domino cingi potest. VIII. 130. 458. eum nequis venandi causa ingreditur, dominus jure prohibet. *ibi*. 140. 463. id tamen dominii acquisitionem haud impedit. *ibi*. 141. 463. fundorum accessoria quænam? *ibi*. 142. 464. ea vel perpetua, vel interimistica. *ibi*. 143. 464. cum fundo ejus quoque accessoria occupantur. *ibi*. 144. 465. fundi omnes in republ. quacunque, saltem per universitatem, occupati. IX. II. 2. *seq.* 502. in fundos publicos Princeps dominium aut latius, aut remissius pro arbitrio inducit. *ibi*. 8. 511. in casu priori feræ, &c. cum fundis dominio subiciuntur. *ibi*. 9. 512. magno reipubl. commodo. *ibi*. 35. 531. fundorum publicorum licq.

licorum fructus , & accessoria  
feræ recte reputantur. *ibi.* 46.  
544.  
*Fundus privatus* quid ? IX. III. 1.  
578. in eo liberum venandi jus  
subditis in republ. bene ordi-  
nata , relinquendum haud est.  
*ibi.* 9. 584. ejus accessorium,  
aut fructus ad subditos , qua  
prædiorum dominos, pertinens  
non est jus venandi , & domi-  
nium in feras. *ibi.* 12. 587.  
*Furtum* a feripeta committitur.  
VIII. 113. 448. & IX. II. 52. 549.  
ejus poenæ. IX. II. 56. *seq.* 553.

G.

*Gemma.* Vide *Thesaurus.*

H.

*Hagen* an, concessio , aut pos-  
sesso venandi jure regali, con-  
cessum , aut possessum esse sup-  
ponatur ? IX. V. 36. 635.  
*Heredis* appellatione quid signifi-  
cetur ? VIII. 1. 376. heres cor-  
poris quid ? *ibi.* 2. 377. & 2.  
*seq.* 385.  
*Homagium* territoriale exigendi  
jus, negligentia officialium in a-  
lios translatum , præscribi ne-  
quit. XI. 31. 778.

L.

*Immemoralis* temporis pos-  
sessio quid ? X. 83. 686.

*Impedimentum* domini quid ? VIII.  
28. 401. vel physicum, vel lega-  
le, seu morale. *ibi.* 3. 401. mo-  
rale est , vel ex jure naturali,  
vel positivo. *ibi.* 31. 401.  
*Imperatores* Carolingici regale ve-  
nandi jus semper sibi asseruerunt.  
IX. II. 38. 535. ut & Teutoni-  
ci. *ibi.* 39. 537. & X. 149. 744.  
*Interpretatio* legis quid ? I. L. 52.  
38. quid simplex ? *ibi.* 53. 39.  
quid extensiva , & restrictiva ?  
*ibi.* 55. 41. quid identica ? *ibi.*  
60. 46. quid analogica ? *ibi.* 62.  
47.  
*Judeos* recipiendi jus , dolo aut  
negligentia officialium in land-  
sassen translatum, præscribi ne-  
quit. XI. 39. 788. an nobilibus  
immediatis , & landsassen ex  
legibus imperii competat ? *ibi.*  
Schol.  
*Judicia* , ( *judicium* ) possessoria  
quid ? X. 42. 658. eorum *fores.*  
*ibi.* 41. 658. & classes. *ibi.* 43.  
659. petitoria quid ? *ibi.* 44. 659.  
eorundem a possessoriis diversi-  
tas. *ibi.* 45. 659. in petitoriis  
reale, in possessoriis vicium per-  
sonale probatur. *ibi.* 46. 660.  
possessorium sua natura præce-  
dit petitorium. *ibi.* 47. 660. pos-  
sessorium merum , & mixtum  
quid ? *ibi.* 48. 661. possessorii  
coloratio quænam ? *ibi.* 49. 661.  
possessoria, qua ratione sint sum-  
maria ? *ibi.* 50. 662. alia ordi-  
naria , alia summarissima. *ibi.*  
51. 663. eorum differentia. *ibi.*  
52.



§2. 664. petitorium Principis semper absorbet possessorium. *ibi.* 61. 670. possessorio quando Princeps opus non habeat? *ibi.* 62. 671. mixto in rebus, ad Principem spectantibus, subditus semper experiri debet. *ibi.* 63. 671. ad possessoria frustra confugit subditus, a principe e possessione regaliū dejectus. *ibi.* 142. 735. in possessorio æque ac petitorio, quid status imperii regaliū alienorum possessor, adversus Constatum probare debeat? XI. 25. 772. quid landsassius adversus Principem? *ibi.* 26. 772.

*Jura majestatica*, seu summi imperii quænam? IX. L. 1. 474. & X. 102. 705. a regalibus differunt. IX. L. 3. 475. in statuum imperii territoriis jura territorialia vocantur. *ibi.* 6. 476. modus ea determinandi quænam? X. 103. 705. ad ea pertinet jus, fixos Principi & reipubl. redditus constituendi. *ibi.* 104. 706. & augendi externum summæ potestatis splendorem. *ibi.* 105. 707.

*Jura regalia.* Vid. *Regalia.*

*Jura superioritatis* territorialis quænam? XI. 1. 752. pleraque Principes per officiales exercent. *ibi.* 2. 754. præsertim per ministros consilii status intimi. *ibi.* 3. 754. cameram principalem, ejus præsidem, aliosque. *ibi.* 4. 755. eorum negli-

gentia sæpe in alios transferuntur. *ibi.* 10. 759. quibus modis? *ibi.* 12. 760. negligentia, & dolo officialium possessa, pro rebus furtivis habenda. *ibi.* 18. 765. in dubio, dolo, aut negligentia officialium alienata esse præsumuntur. *ibi.* 24. 771. hoc modo amissa quomodo per statum, a constatu, vel landsassius recuperanda? *ibi.* 27. seq. 774. nulum eorum, officialis negligentia amissum, præscribi posse, per singulas eundo partes, demonstratur. *ibi.* 30. seq. 776.

*Juris communis*, & legum publicarum resistantiam pati quid? X. 127. 723.

*Jurisdictio* criminalis banni ferini in alieno territorio possessori regulariter non competit. IX. IV. 14. 612.

*Jurisprudentia* quid? L. L. 5 L. 37. ejus difformitas reipubl. perniciofa. XII. 35. seq. 811.

*Jus* quid? L. L. 7. 9.

*Jus banni ferini.* Vid. *Bannum ferinum.*

*Jus constituendi regalia* quid? IX. L. 4. 475. est jus majestaticum. *ibi.* 5. 475. vid. *regalia.*

*Jus delectus* quid? VI. 2. 346. differt a jure sequelæ militaris. *ibi.* 4. 348. vel territoriale est, vel imperii, universim considerati. *ibi.* 5. 348. posterius ubi nam exercendum? *ibi.* 6. 349. officialium negligentia amissum præscribi non potest. XI. 36. 784.

Nannu 3

*Jus*

*Jus emigrandi* quid? V. L. 287. differt a jure transmigrandi. *ibi.* 6. 288. quando subditis competat? quando secus? *ibi.* 25. & 30. 293. & 296. ante religionis dissidia solo jure gentium determinatum. *ibi.* 56. 309. id lege publica anno 1530. Catholicis subditis a Protestantibus cautum. *ibi.* 58. 309. voluntarium in sensu Catholicorum quid? *ibi.* 65. 312. quid Protestantium? *ibi.* 69. & 70. 313. in utroque sensu juri territoriali, prohibendi, & imperandi emigrationes civium, limites ponit. *ibi.* 71. 314. id in sensu Protestantium salutis publicæ &c. refragatur. *ibi.* 72. seq. 314. quænam desuper exortæ lites? *ibi.* 76. 315. quomodo eadem in J. P. decidit? *ibi.* 82. 320. ad quos subditos hæc decisio non pertineat? *ibi.* 102. 321. jus emigrandi in sensu Protestantium non est voluntarium. *ibi.* 87. 324. bene vero Catholicorum. *ibi.* 88. 325.

*Jus expellendi*, sive ejicendi subditos quid? V. 9. 289. quomodo territorii domino competat vel secus? *ibi.* 39. seq. 301. an eodem uti consultum? *ibi.* 42. 303. subditos diversæ religionis ante Sacrorum mutationem expellere in Germania indistinctum licuit. *ibi.* 57. 309.

*Jus gentium* quid? L. II. 32. 69. ejus principia & ordo. L. III. 18.

112. illud vel naturale. I. II. 34. 70. ejus objectum. *ibi.* 35. 70. vel pactitium. *ibi.* 38. 73. illius objectum. *ibi.* 39. 74. vel consuetudinarium. *ibi.* 41. 76. ejus objectum. *ibi.* 42. 77. vel carimoniale. *ibi.* 44. 78. hujus objectum. *ibi.* 45. 78. horum principia & ordo. L. III. 19. 112.

*Jus leges ferendi territoriale* negligentia officialium non præscribitur. XI. 3. 776. nec exigendi homagium. *ibi.* 31. 778. nec dicendi juris. *ibi.* 32. 779. nec appellandi. *ibi.* 32. 780. nec politiz territorialis. *ibi.* 34. 782. nec con- & destituendi officiales. *ibi.* 35. 783. nec belli, armandiz, sequelæ, aperturæ &c. *ibi.* 36. 784. nec collectandi. *ibi.* 37. 785. nec venandi, forestæ &c. *ibi.* 38. 786. nec recipiendi judæos. *ibi.* 39. 787. nec episcopale. *ibi.* 40. 788.

*Jus natura* quid? L. I. 2. 2. & L. II. 3. 12. quid jus naturæ ethicum? *ibi.* 5. 53. ejus objectum? *ibi.* 6. 53. principia L. III. 8. 108. & ordo. *ibi.* 9. 108. quid jus naturæ divinum? L. II. 8. 55. ejus objectum *ibi.* 9. 55. principia. L. III. 10. 108. & ordo. ibi. 11. 109. quid jus naturæ sociale? L. II. 11. 57. illud vel hominis in societate generis humani constituti. *ibi.* 13. 57. illius objectum. *ibi.* 14. 57. principia. L. III. 12. 109. & ordo. *ibi.* 13. 110. vel æconomicum. L. II. 16. 59.



# I N D E X.

illius principia & ordo. I. III.

14. 110. vel politicum. I. II. 19.

61. istius fundamentum. *ibi.* 18.

59. principia, & ordo. I. III. 15.

III.

*Jus positivum* quid? I. I. 9. 9. ejus

fundamentum. I. II. 49. 79. quid

positivum divinum? *ibi.* 52. 82.

quid positivum humanum? *ibi.*

54. 83. quid jus canonicum in

genere? *ibi.* 56. 84. quid cano-

nicum divinum? *ibi.* 58. 85.

quid jus ecclesiasticum publi-

cum? *ibi.* 60. 86. ejus objectum.

*ibi.* 61. 86. principia. I. III. 25.

117. & ordo. *ibi.* 27. 118. quid

canonicum privatum? I. II. 63.

88. ejus principia. I. III. 26. 117.

& ordo. *ibi.* 27. 118. quid pub-

licum J. R. G.? I. II. 66. 90.

istius objectum. *ibi.* 67. 90.

principia. I. III. 31. & *seq.* 120.

& ordo. *ibi.* 34. 122. quid civile

le? I. II. 69. 93. quid civile pub-

licum? *ibi.* 71. 94. ejus objec-

tum. *ibi.* 72. 94. principia & or-

do. I. III. 35. 122. quid civile

privatum? I. II. 75. 97. ejus

fundamentum. *ibi.* 73. seq. 95.

principia & ordo. I. III. 21. &

*seq.* 114. quid civile criminale?

I. II. 78. 98. hujus objectum.

*ibi.* 79. 98. principia & ordo. I.

III. 24. 116. quid feudale? I. II.

81. 100. illius fundamentum.

*ibi.* 80. 98. principia & ordo. I.

III. 28. *seq.* 118. quid civile œ-

conomicum? I. II. 84. 101. is-

tius fundamentum? *ibi.* 83. 100.

objectum. *ibi.* 85. 102. principia

& ordo. I. III. 36. 122. quid ci-

vile processuale? I. II. 87. 103.

hujus fundamentum. *ibi.* 86

102. objectum. *ibi.* 88. 103. &

principia. I. III. 38. 124.

*Jus possidendi* quid? X. 11. 644.

vel est ex jure in re, vel jure ad

rem. *ibi.* 12. 645. dominii seque-

la est. *ibi.* 15. 646. & quidem in-

separabilis. *ibi.* 16. 646. aliud ex

facto possessionis oritur. *ibi.* 40.

657.

*Jus publicum universale* quid? I.

II. 21. 61. ejus objectum. *ibi.* 22.

62. principia & ordo. I. III. 15.

III. universale ecclesiæ quid?

I. II. 29. 67. ejus principia &

ordo. I. III. 16. III.

*Jus talionis* quid? II. 9. 155. per

se non est medium sufficiens se,

suaque defendendi. *ibi.* 18. 159.

*seq.* &c. quando obtineat? *ibi.*

32. 166. cur in sacra Scriptura,

& LL. XII. Tabb. admissum? *ibi.*

35. 167. ejus æquitas nimium a

quibusdam perstringitur. *ibi.* 38.

169.

*Jus transmigrandi* quid? V. 4.

288. regulariter subditis com-

petit. *ibi.* 32. 297. quando illis

ademptum sit? *ibi.* 24. seq. 298.

*Jus transplantandi* subditos quid?

V. 11. 289. ejus effectus. *ibi.*

12. 289. quando territorii do-

mino competat? *ibi.* 44. seq.

304. ante religionis dissidia so-

lo jure gentium determinatum.

*ibi.* 56. 309.

*Justi-*



*Jus venandi* feras, pisces, & aves in certo districtu uni, vel paucis privative competere non implicat. VIII. [101. 439.](#) idem donari permutari &c. aliisque modis domini translativis in alios transferri non abhorret. *ibi.* [103.](#) 441. si soli cuidam cum exclusione aliorum inter certum districtum competit, feras, pisces, & aves, incomplete jam, & remote in dominio existunt. *ibi.* 105. [442.](#) in fundis nostris jure domini, in alienis jure servitutis possidetur. *ibi.* [104. 441.](#) Vid. *venandi jus.*

*Justitia* univers. quid? [L. I. 43.](#) 31. quid particularis? *ibi.* [44.](#) 32.

## L.

*Læsis* minuscule in emtione, & venditione non attenditur. IV. [19.](#) 245. enormis quid? *ibi.* [20.](#) 247. unde determinanda? *ibi.* quomodo jure Rom. antiquo fuerit correctæ? *ibi.* [21.](#) 248. ejus tam in emtore, quam in venditore olim habita fuit ratio. *ibi.* [22.](#) 249. & quomodo? *ibi.* [24.](#) 251. læsionis enormis qua ratione in *L. 2. & L. 8. cod. de rescind. vend.* modus fuerit determinatus? *ibi.* [25. seq. 252.](#) læsionis enormis in emtione & venditione unicum tantum subest periculum. *ibi.* [29.](#) 255. in permutatione duplex, *ibi.* [30.](#)

[256.](#) circa læsionem enormem in emtore, & venditore eadem alea. *ibi.* 31. [257.](#) eadem jura. *ibi.* 33. *seq.* 257. læsionis enormis terminus a quo. *ibi.* 37. *seq.* [263.](#) læsio enormis quomodo in emtore computanda? *ibi.* 41. [267.](#) læsio enormis in locatione, conductione, & permutatione jura eadem, quæ in emtione & venditione. *ibi.* [42. seq. 267.](#) læsionis enormis computandæ perversa ratio. *ibi.* 50. *seq.* [272.](#) ejus patroni. *ibi.* [49. 272.](#) refutantur. *ibi.* 52. *seq.* 275.

*Landfassica*, sive subordinata concessio jurium majestaticorum, & regalium quid? IX. V. [1. 614.](#) possessio quid? *ibi.*

*Landfassius*, qua talis, jus venandi majestaticum, qua tale, habere nequit. IX. [L. 14. 480.](#) nisi subordinate. *ibi.* 15. 481. legibus venatoriis Principis obligatur. *ibi.* [18. 483.](#) ad eum sanctiones pœnales, quæ ordinationes venatoriæ muniuntur, æque ad subditos alios pertinent. *ibi.* [42. 502.](#) regalis juris, quod perpetuo a Principe tenet, quantum subditi condicio patitur, verus possessor est. IX. V. [7. 618.](#) quomodo jus venandi possidere præsumendus? *ibi.* 15. *seq.* 622. an in quasi possessione regalium, possessorio adversus Principem instituto, defendendus, diversæ sunt opinion-  
nes



# I N D E X.

nes. X. 1. *seq.* 638. ius recipien-  
di iudæos non habet. XI. [39.](#)

[788.](#) Vid. *Subditus*.

*Lapides*. Vide *Metalla*.

*Leges venatoria* quid? IX. [I.](#) [17.](#)  
483. eadem omnes subditos &  
landassios obligant. *ibi.* [18.](#) [483.](#)  
earum objectum. *ibi.* [19.](#) *seq.*  
485.

*Leibis Erben* quid? VII. [2.](#) [373.](#)  
& [1.](#) *seq.* [376.](#)

*Lemma* quid? [L. IV.](#) 21. 138. ejus  
exempla in jure. *ibi.* [22.](#) [138.](#)

*Lex (leges)* quid? [L. I.](#) 11. 10. quid  
naturalis? *ibi.* [12.](#) 10. quid  
positiva? *ibi.* non semper supe-  
riorem supponit. *ibi.* Schol. quid  
mens legis? *ibi.* [26.](#) [19.](#) leges  
scire quid? *ibi.* [27.](#) [19.](#) quid ap-  
plicare? *ibi.* 48. 35. quid inter-  
pretari? *ibi.* 52. [38.](#) vel inten-  
sive, vel intensive? *ibi.* [55.](#) [41.](#)  
identice? *ibi.* [60.](#) [46.](#) aut ana-  
logice. *ibi.* [62.](#) [47.](#) leges inter-  
pretari cujusnam sit? *ibi.* [64.](#)  
[48.](#) leges discere quid? [L. IV.](#) [2.](#)  
125. docere quid? *ibi.* quid lex  
uniformis? & difformis. *ibi.*  
43. *seq.* [149.](#) legum uniformitas  
quomodo inducenda? *ibi.* [47.](#)  
150. lex quomodo demonstnan-  
da? [L. IV.](#) 27. *seq.* [141.](#) leges  
ferendi potestas negligentia offi-  
cialium haud præscribitur XI.  
[30.](#) [776.](#) legis certæ utilitas A. [4.](#)  
[824.](#) dubiæ damnum. *ibi.* 5. [826.](#)

*Locatoris* & *conductoris*. eadem  
circa læsionem enormem jura,

quæ venditoris, & emtoris. IV.  
[42.](#) [267.](#)

## M.

*Medicina* uniformitas reipubl.  
utilis, difformitas perniciofa.  
XII. [34.](#) [810.](#)

*Memoriam* nullam extare quid?  
X. [83.](#) 686. initii, & facti, pro-  
bare quid? *ibi.* [92.](#) [696.](#) initii  
probata per testes, subditus in  
possessione rerum Principis non  
manutenetur. *ibi.* [93.](#) [696.](#) nec  
si de contraria initii memoria  
constet. *ibi.* [94.](#) [697.](#) nec memo-  
ria facti, per testes probata. *ibi.*  
95. [698.](#)

*Mens legis* quid? [L. I.](#) [26.](#) [19.](#)

*Mensurarum*, ponderum &c. dif-  
formitas reipubl, nocet. XII. [23.](#)  
803.

*Metalla* &c. in visceribus terræ  
latentia, & inoccupata, cedunt  
occupanti. VIII. 138. [462.](#)  
introducto in fundos latiori  
dominio, affecta tenentur  
dominio perpetuo, ac perdu-  
rabili. *ibi.* [147.](#) [466.](#) non tan-  
tum quoad titulum privativum,  
& dominium incompletum, sed  
plenum, & completum. *ibi.*  
[148.](#) 467.

*Metatorum* jus territoriale, officia-  
lium negligentia amissum, non  
præscribitur. XI. [36.](#) [784.](#)

*Miles* perpetuus & temporarius  
quid? VI. [3.](#) [347.](#) an a statibus  
imperii pro exteris conquiri  
possit? *ibi.* [8.](#) 350. & quomo-  
do?

O o o o o

do? *ibi.* 9. *seq.* 351. milites illicite conquirentium poenæ. *ibi.*

11. *seq.* 353.

*Modus domini acquisitivus* quid?

VIII. 33. 403. ut existat, per titulum efficitur. *ibi.* 34. 403. est una ex causis domini efficientibus, sufficientibus, & necessariis. *ibi.* 35. 403. est causa domini proxima. *ibi.* 38. 403. quæ causa facti dicitur. *ibi.* 39. 403. sine modo dominium acquirit nequit. *ibi.* 41. 404. vel derivativus est, vel originarius? 49. 408. derivativus quæduplex? *ibi.* 50. *seq.* 408. originarius datur unicus. *ibi.* 54. 410. isque in occupatione consistit. *ibi.* 57. 411.

*Monachorum exemptiones* a potestate episcopali D. Bernardus improbat. XI. 40. Schol. 790.

*Monetarum difformitas* reipubl. damnosa. XII. 17. 801.

*Moralitas actionum* quid? I. I. 6. 8.

*Multa* pecuniariæ, a transgressoribus legum venatoriarum pendendæ, fisco cedunt. IX. I. 43. 503.

## N.

*Negligentia* officialium in officio quid? XI. 8. 758. in amissione possessionis rerum, ad rem publicam spectantium, Principi non imputanda. X. 72. 679. nec officialium illi nocet. *ibi.* 73.

679. & XI. 23. 770. eorum alia dolosa est, alia culposa. XI. 9. 758. ea territorialia, & regalia Principis jura in alios sæpe transferuntur. *ibi.* 10. 759. quædupliciti id fiat modo? *ibi.* 12. *seq.* 760. præsertim in potestate legislatoria Principis amittenda. *ibi.* 39. 776. negligentia officialium acquisita regalium possessio præscriptioni nunquam conducit. *ibi.* 19. *seq.* 766. eadem nullum territoriale jus amitti, per singulas eundo partes, demonstratur. *ibi.* 30. *seq.* 776.

*Nobiles immediati* regalia, negligentia officialium amissa, adversus territorii dominum non præscribunt. XI. 20. 767. regalia, aut jurium territorialium possessores quid adversus territorii dominum probare debeant? *ibi.* 25. Schol. 772.

*Nullius res*, proprie tales, quid?

VIII. 10. 397. stricte tales quid? *ibi.* 23. 398. nullius res non sunt feræ, intra districtum, in quo soli cuidam cum exclusione aliorum, jus venandi competit, contentæ. *ibi.* 106. 443. nec illæ, quæ sub banni ferri lege in fudis publicis statuum impetu comprehenduntur. IX. II. 45. 543.

*Nuptiarum secundarum poenæ*. III. I. 2. 171. earum causæ. *ibi.* 15. 177. an abrogatæ in Germania? *ibi.* 16. & *seq.* 177.

O. Ob-



# I N D E X.

## O.

*Obligatio* quid? I. I. 11. 10.

*Occupatio* quid? VIII. 56. 41. 1. est modus acquirendi originarius, isque unicus. *ibi.* 57. 411. sine apprehensione dari nequit. *ibi.* 58. 412. nec sine titulo. *ibi.* 62. 414. ea in rebus domini incapibus nulla est. *ibi.* 63. 414. ut & illis, qui usus inexhausti sunt. *ibi.* 65. 415. aut occupari prohibita. *ibi.* 66. 415. aut in alterius existunt dominio. *ibi.* 67. 417.

*Officialis* Principis quid? XI. 2. 754. officium illius nude administratorium. *ibi.* 5. 556. jura Principis alienare nequit. *ibi.* 6. 757. ejusdem alienationibus Princeps contradicit. *ibi.* 7. 757. illius negligentia in officio quid? *ibi.* 8. 758. hac concurrente, possessio regalium acquisita malæ fidei est. *ibi.* 14. 762. eorum scientia possessori regalium non prodest ad præscribendum. *ibi.* 17. 764. ejusdem dolus, & negligentia præsumitur, quando regalia in alienas manus venere. *ibi.* 24. 771. ejus negligentia in amissione possessionis rerum, ad rempublicam spectantium, Principi haud nocet. X. 73. 672. nec in amissione jurium territorialium, aut regalium. XI. 30. *seq.* 776. eosdem con- & destituendi jus ter-

ritoriale, negligentia officialis amissum, non potest præscribi. *ibi.* 35. 783.

*Officium* emtoris & venditoris. IV. 13. *seq.* 241. Administri XI. 3. 754.

*Opera* ad venationes necessarias a subditis Principi debentur. IX. 1. 36. 498. eæque indeterminatæ. *ibi.* 37. 499. ab his nemo facile eximendus. *ibi.* 38. 499. id universalis Germaniæ praxis confirmat. IX. II. 83. seq. 574. quomodo exigendæ? *ibi.* 87. 577. regulariter sunt gratiæ. *ibi.* 88. 578. etiam extero banni ferini possessori debentur. IX. IV. 15. 613. non landassio. IX. V. 35. 635.

*Ordo juris* quid? I. III. 5. 106.

## P.

*Permutatio* in genere quid? IV. 1. 235. ejus introductæ causæ. *ibi.* in ea servanda æqualitas. *ibi.* 2. 235. permutationum difficultates. *ibi.* 4. *seq.* 236. duplex in permutatione læsionis enormis periculum. *ibi.* 30. 256. in permutatione quænam circa læsionem enormem jura obtineant? *ibi.* 43. 268.

*Pertinentia* juris publici est regale venandi, subdito in suo fundo concessum. IX. V. 12. 620. an ejusdem nomine, castro concessio, jus venandi veniat? *ibi.* 21. 626.

*Petitoria judicia.* Vide *Judicia.*

O o o o o 2

Phi

*Philosophia* qualis doceri debeat?

XII. 32. 809. practica universalis quid? I. II. 47. 79. hujus obiectum. ibi. 48. 79. principia. I. III. 6. 107. ac ordo in jure. ibi. 7. 107.

*Pistatio* quid? VIII. 77. 424.

*Plagii crimen* quid? VI. 16. 357. a militum violentis conquisitoribus committitur. ibi. 17. seq. 318. & eorum mandatariis. ibi. 22. 362. quomodo puniatur? ibi. 23. 362. a Romanis. ibi. 25. 364. a Germanis. ibi. 26. seq. 364.

*Pena (pœna)* quid? II. 28. 163. vel naturalis, vel positiva. ibi. 29. 164. pœnæ secundarum nuptiarum. III. L. 2. 171. earum causæ. ibi. 15. 177. an abrogatæ in Germania? ibi. 16. seq. 177. conquisitionis illicitæ militum. VI. 13. seq. 355. plagii. ibi. 23. seq. 362. feripetarum. IX. II. 561. seq. 553. hæc capitalis esse potest. VIII. 119. & IX. II. 63. 560. eorum, qui feripetas recipiunt. IX. II. 64. 563.

*Politiciæ jus* territoriale, officialium negligentia amissum, præscribi nequit. XI. 34. 782.

*Politica* quid? I. II. 24. 63. vel generalis, vel specialis. ibi. politiciæ generalis quodnam obiectum? ibi. 25. 63. quodnam specialis? ibi. 26. 65.

*Ponderum uniformitas* reipub. utilis; diffôrmitas perniciofa. XII. 23. 803.

*Possessio* inmemoralis regaliû minorum, an possidenti ad acqui-

sitionem proficit? X. 135. seq. 728. subditi in dubio vitiosa esse presumitur. ibi. 139. 731. dolo aut negligentia officialium acquisita malæ fidei. XI. 14. 762. & spuria est. ibi. 15. 763. nullo non tempore a subdito per Principem juste avocatur. ibi. 16. 763. scientia officialium possessori nil profutura. ibi. 17. 764. landsasica regaliû quid? IX. V. L. 614. regaliû, an in subdito, aut landsassio, instituto possessorio, adversus Principem defendatur? *diversæ opiniones.* X. L. seq. 638. in sensu physico quid? ibi. 6. 640. quid in morali, seu juris? ibi. 7. 641. hæc cum latitudine quadam accipienda. ibi. 9. 642. est vel rerum corporalium, vel incorporaliû ibi. 9. 642. an, & quomodo facti sit? ibi. 10. 643. ejusdem jus quid? ibi. 11. 644. quinam titulus? ibi. 13. 645. ea est vel ex jure ad rem. ibi. 14. 645. illius jus domini sequela est. ibi. 15. 646. & quidem inseparabilis. ibi. 16. 646. eandem dominus a quocunque possessore repetit. ibi. 17. 646. & per alium explicare potest. ibi. 18. 647. ex jure personali non obest possessioni ex jure reali. ibi. 19. 647. genuina, putativa & spuria quænam? ibi. 21. 649. quid bonæ & malæ fidei? ibi. 22. 649. vitiosa & ejus vitium quid? ibi. 23. 650. violenta, clandestina,



# I N D E X.

na, & precaria quænam? *ibi.* 27. 651. ejus nec reale, nec personale vitium præsumitur. *ibi.* 28. *seq.* 652. illius factum inter bona hominis connumeratur. *ibi.* 37. 655. de eo non semper ex domini iure statui potest. *ibi.* 38. 656. ejusdem jura a proprietatis causa in judiciis recte separantur. *ibi.* 39. 656. hinc peculiare quoddam jus possessionis intelligitur. *ibi.* 40. 657. possessionis color quid? *ibi.* 49. 661. rei, manifesto adversario propriæ, non manutinetur. *ibi.* 54. 663. nec cui resistit personalis possidendi incapacitas. *ibi.* 55. 666. nec rerum, quas quis per leges civitatis possidere nequit. *ibi.* 56. 667. nec quæ juris resistentiam patitur. *ibi.* 57. 667. nec quam quis vi, clam, vel precario ab ipso adversario habet. *ibi.* 58. 669. contra jura, & leges reipubl. quatenus liberet ab onere probandi. *ibi.* 59. 668. subditi bonorum, ad rempubl. spectantium, titulo non probato, nulla est. *ibi.* 65. 674. jureque a subdito per Principem advocatur. *ibi.* 66. 674. idque in rebus, quas subditus possidere plane nequit, ex officio, & sine prævia causæ cognitione. *ibi.* 67. 675. rerum reipubl. amissa, negligentiz Principis non imputanda. *ibi.* 73. 679. immemoralis temporis quid? *ibi.* 83. 686. ea, rerum quarum subditus oritur incapax est, nil

releat. *ibi.* 84. 687. quomodo idem in rebus, & juribus, ad Principem ex lege pertinentibus, obtineat? *ibi.* 85. 689. ex ea, quando concessio facta esse præsumatur? *ibi.* 86. 690. an titulus, acquirendi res Principis, sufficiens & idoneus esse possit? *ibi.* 87. 692. novum jus tunc non tribuit, sed veteris juris probatio est. *ibi.* 88. 693. improprie præscriptio dicitur. *ibi.* 89. 693. subditus eam probare tenetur. *ibi.* 90. 694. & quomodo? *ibi.* 91. 695. subditi an probata initii, factive memoria nulla sit? *ibi.* 93. *seq.* 696. ei probata documentis qualificata facti memoria officit. *ibi.* 98. 701. secus non qualificata. *ibi.* 99. 703. dolo aut negligentia officialium acquisita malæ fidei est. XI. 14. 762. regalium majorum, quæ talium, in subdito, quæ tali, impossibilis, X. 111. 711. nec in eo unquam manutenebilis. *ibi.* 112. 711. ea a Principe ex officio, & sine causæ cognitione advocatur. *ibi.* 113. 711. & XI. 16. 763. præscriptione immemoriali hic exulante. X. 114. 742. immemoralis sola concessio regalium, a Principe factæ, loco est. *ibi.* 124. 720. Possessor fundi &c. haud est, qui eundem nude administrat. IX. V. 4. 616. pro domino habetur. X. 30. 653. in possessione defendendus. *ibi.* 31. 653. a probatio.

Ooooo 3

batione immunis est. *ibi.* 32. 654. nec titulum edit, nec satisfiat. *ibi.* 33. 654. possessionem adversus quoscunque invasores defendit. *ibi.* 34. 654. in dubio ferenda pro illo sententia. *ibi.* 35. 655. b. f. lucratur fructus. *ibi.* 36. 655. regalum, pendente cum subdito controversia, regulariter Princeps est. *ibi.* 143. 737. regalum, negligentia officialium Principis amissorum, scientia officialis securus haud est. XI. 17. 764. status imperii regalum, & jurium territorialis alienorum possessor quid adversus constatum probare debeat? *ibi.* 25. 772.

*Possessorium.* Vide *Judicia possessoria.*

*Possidere* jus regale in territorio alieno quid? IX. IV. 1. 603. in sensu physico quid? X. 6. 640. quid in morali, seu juris? *ibi.* 7. 641. quomodo alius rem nostram ut suam possit? *ibi.* 20. 648. res, quas subditus publica lege nequeat? *ibi.* 68. 675. id, an de rebus fisci intelligendum? *ibi.* 70. Schol. 677. tempore immemoriali quid? *ibi.* 83. 686.

*Postulatum* juris quid? L. IV. 20. 138.

*Potestas legislativa*, negligentia officialium amissa, praescribi nequit. XI. 30. 776. quibus modis eidem praedictum fieri possit? *ibi.* juris dicendi praescriptioni non est obnoxia. *ibi.* 32. 779.

*Praecipuum* in unione prolium, de Boraus/quid? III. III. 203. 17. in quo, & quantum constituitur? *ibi.* 21. seq. 217. quatenus jura liberis in eo competant? *ibi.* 23. 218. quomodo constituendum? *ibi.* 24. 219.

*Praescriptio* immemorialis circa vendendi jus quomodo explicanda? IX. V. 16. seq. 622. regalum nulla datur. X. 75. 68 L. nec illa, quae juris naturalis est, ac gentium. *ibi.* 76. 682. non est titulus, quo subditi res Principis suas esse probet. *ibi.* 77. 684. ejus nomen possessio immemorialis improprie tuetur. *ibi.* 89. 693. in possessione subditi, quae talis, regalum majorum, quae talium exulat. *ibi.* 114. 712. ut & in acquisitione jurium ejusmodi subordinatorum. *ibi.* 120. 717. & regalum minorum. *ibi.* 133. 727. regalum, negligentia officialium amissorum, nec inter status imperii datur. XI. 19. 766. nec nobiles immediatos. *ibi.* 20. 767. multo minus landstallios. *ibi.* 21. 768. adversus potestatem ferendi leges, officialium negligentia amissam, nulla est. *ibi.* 30. 776. nec adversus jus exigendi homagium territoriale. *ibi.* 31. 778. nec juris dicendi potestatem. *ibi.* 32. 779. nec extremum jus provocandi. *ibi.* 33. 780. nec jus politicæ territorialis. *ibi.* 34. 782. nec jus con- & *definitivum* off.

# I N D E X.

officiales. *ibi.* 35. 783. nec jus belli, armandiæ, detractus, aperturæ &c. *ibi.* 36. 784. nec jus collectandi. *ibi.* 37. 785. nec regalia Principis utilia. *ibi.* 38. 786. nec jus recipiendi judæos. *ibi.* 39. 788. nec jura episcopalia. *ibi.* 40. 789.

*Præsidii* jus, negligentia officiorum amissum, præscribi non potest. XI. 36. 784.

*Præsumtio*, circa jus venandi, in territorio alieno concessum, quænam? IX. IV. 7. seq. 607. quænam circa illud a subdito præscriptum, aut a Principe obtentum? IX. V. 15. seq. 622. vitii personalis, aut realis in possessore non datur. X. 28. seq. 652. pro dominio illius militat, qui rem suo nomine possidet. *ibi.* 30. 653. in quibusdam rebus pro dominio reipubl. fortior est, quam pro possessore. *ibi.* 70. Schol. 677. concessionis regalium, a Principe subdito factæ, regulariter nulla est. *ibi.* 82. 685. & 138. 731. concessionis quando ex possessione immemoriali oriatur? *ibi.* 86. 690. doli & negligentia officialium est, ubi regalia in alienas manus venerunt. *ibi.* 24. 771.

*Precarii* vitium in possessione quid? X. 27. 651.

*Pretia* rerum difficulter determinanda. IV. 4. 236. pretii rerum communis necessitas. *ibi.* 7. 238.

*Princeps*, quæ circa venationes vi juris majestatici ordinare possit? IX. I. 16. seq. 482. & IX. II. 69. seq. 567. subditos ad venationes necessarias cogere potest. IX. I. 35. 498. ad has jure iis operas imperat. *ibi.* 36. 498. easque indeterminatas. *ibi.* 37. 499. montes, stagna &c. extra privatorum dominium constituta, in vero, & efficaci dominio habet. IX. II. 7. 510. in fundos publicos pro arbitrio, dominium aut latius, aut remissius introducit. *ibi.* 8. 511. titulum privative in fundis publicis venandi vindicare sibi potest. *ibi.* 10. 515. eidem bannum ferinum jure majestatico competit. *ibi.* 20. seq. 526. illius ex venatione libera emergentia damna. *ibi.* 31. seq. 527. feras in fundo publico ab aliis captas, a quocunque jure vindicat. *ibi.* 50. 547. in feripetas justissime poenas decernit. *ibi.* 54. 552. regale venandi jus cum minimo quantum pote est, subditorum damno exerceat. *ibi.* 72. 568. iisdem insignia damna, ex magna ferarum copia data, refundet. *ibi.* 78. 572. operas ex præxi Germaniæ a subditis in exercitio regalium recte expetit. *ibi.* 83. 574. quomodo jus venandi in landsassium, aut subditum transtulisse præsumendus? IX. V. 15. seq. 622. avocans possessionem rei, ab alio possideri ineptæ,



# I N D E X.

eptæ, semper in petitorio ver-  
satur. X. [60. 669.](#) hoc casu ejus-  
dem petitorium semper absor-  
bet possessorium. *ibi.* [61. 670.](#)  
quando possessorio experiri o-  
pus non habeat? *ibi.* [62. 671.](#)  
possessionem rerum, ad rempub.  
spectantium, titulo non proba-  
to, jure a subdito advocat. *ibi.* [66.](#)  
[674.](#) idque in rebus, quas sub-  
ditus possidere plane nequit, ex  
officio, & sine prævia causæ cog-  
nitione. *ibi.* [67. 675.](#) ejus con-  
cessio sola est titulus, res reipub.  
& regalia possidendi, sufficiens,  
& idoneus. *ibi.* [79. 685.](#) & [79.](#)  
[685.](#) & [134. 728.](#) regalum ma-  
jorum possessionem jure a subdi-  
to advocat. X. [113. 711.](#) propria  
auctoritate vigore summi imperii  
regalia minora constituit. *ibi.*  
[126. 722.](#) ejusdem circa regalia,  
a subditis advocanda, officium.  
*ibi.* [131. 725.](#) illius jus circa re-  
galia, in specie minora, semper  
liquidum. *ibi.* [137. 730.](#) subdi-  
tum e possessione regalum an  
recte dejiciat? *ibi.* [140. 733.](#)  
an eundem turbasse tunc dicen-  
dus? *ibi.* [141. 734.](#) pendente  
inter illum, & subditum con-  
troverfia, regalum suorum re-  
gulariter possessor est. *ibi.* [143.](#)  
[737.](#) omnibus officialium alic-  
nationibus contradicit. XI. [7.](#)  
[757.](#) possessionem regalum, of-  
ficialium negligentia amissam,  
semper juste advocat. *ibi.* [16. 763.](#)  
quomodo? *ibi.* [27. seq. 774.](#) in

causis regalum suorum, cum  
subditis controvertens, ipse ju-  
dex est. *ibi.* [27. Schol. 774.](#)  
*Principium* quid? L. III. [1. 105.](#)  
vel essendi, fiendi, & cognos-  
cendi. *ibi.* [2. 105.](#) principium  
juris quid? *ibi.* [3. 106.](#) illud vel  
proximum vel remotum, histo-  
ricum, vel dogmaticum. *ibi.* [4.](#)  
[106.](#)

*Probatio* possessionis immemoræ  
lis quomodo instituenda? X. [91.](#)  
[695.](#) memoriæ facti, & initii  
quid? *ibi.* [92. 696.](#) hujus facta  
probatio num subditum e pos-  
sessione rei, ad Principem per-  
tinentis, depellat? *ibi.* [93. seq.](#)  
[696.](#) facti memoriæ, ex docu-  
mentis suscitata, an, & quate-  
nus eidem noceat? *ibi.* [96. 699.](#)  
memoriæ facti qualificata, &  
non qualificata quid? *ibi.* [97.](#)  
[701.](#) illa subdito possidenti  
nocet; non ista. *ibi.* [98.](#)  
*seq. 702.* a subdito, e posses-  
sione regalum per Principem de-  
jecto, qualis suscipienda? *ibi.*  
[146. 742.](#) qualis a statu imperii,  
regalum aut territorialium ju-  
rium possessori contra consta-  
tum produci debeat? XI. [25.](#)  
[772.](#) ex venatoris integræ vitæ  
denuntiatione adversus feripe-  
tam in re non capitali plena: in  
capitali semiplena fit. IX. II. [67.](#)  
[566.](#) posteriore casu ad tortu-  
ram sufficit. *ibi.* [68. 567.](#)

*Processus summarius* quid? X. [50.](#)  
[662.](#)

*Prolium*

*Prolium unio* quid? Vide *Unio pro-*  
*lunum.*

*Propria res* quid? VIII. 4. 324.  
quid complete, aut incomple-  
te propria? *ibi.* 69. 419.

*Proprietarius* quid? VIII. 4. 349.

*Proprietas rei* quid? VIII. 3. 323.  
quid proprietatis status? *ibi.* 14.  
396. is quoad res exhausti usus  
absolute necessarius. *ibi.* 24. seq.  
399.

*Publica res* quid? VIII. 10. 395.

## R.

*Rapina* a feripeta committitur.  
VIII. 114. 450. & IX. II. 52.  
549. eius poenæ. *ibi.* 56. seq. 553.

*Ratio* quid? L L 15. 13. quid ra-  
tio legis? *ibi.* quid intrinseca?  
*ibi.* 16. quid extrinseca? *ibi.*  
quid rationes legum historicæ?  
*ibi.* 20. 15. ratio legis vel priva-  
ta est. *ibi.* 21. 16. vel publica. *ibi.*  
iusta. *ibi.* vel injusta. *ibi.* arcana.  
*ibi.* 22. 17. certa, vel incerta.  
*ibi.* 23. 17. sufficiens. *ibi.* 24.  
18. vel insufficiens. *ibi.* 25.

*Reditus* reipubl. constituendi jus  
est majestaticum. X. 104. 706.

*Regalia* quid? IX. L 2. 47. & X.  
106. 707. ac XI. 1. 752. eorum  
fons. X. 104. seq. 706. varia no-  
mina. *ibi.* 106. Schol. 708. chif-  
fes. *ibi.* 118. Schol. 716. quæ-  
renus ex summo imperio fluant?  
*ibi.* 107. 708. a juriis majesta-  
ticis differunt. IX. L 3. 475. &  
X. 108. 709. eadem consti-  
-

dius quid? IX. L 4. 475. inter-  
ritorio alieno possidere quid?  
IX. IV. L 603. eorum admi-  
nistratores nudus possessor haud  
est. IX. V. 4. 616. illorum con-  
cessio landstaflica quid? *ibi.* 1. 614.  
quid territorialis? *ibi.* 5. 617.  
negligentia officialium non  
amittuntur. X. 73. seq. 679. eo-  
rum dominium semper certum  
est. *ibi.* 71. 678. præscribi ne-  
queunt. *ibi.* 75. seq. 681. sola  
Principis concessione acquirun-  
tur. *ibi.* 78. 684. id quod juri  
Rom. conforme est. *ibi.* 144.  
738. & canonico. *ibi.* 145. 740.  
in iisdem constituendis regulæ.  
X. 109. 709. quibus in rebus  
constituenda? *ibi.* 110. 710.  
majora subditis, quæ talis, &  
quæ talia, possidere nequit. *ibi.*  
111. 711. majora, quæ talia, a  
subdito, quæ tali, præscribi ne-  
queunt. *ibi.* 114. 712. subordi-  
nate eidem concedi possunt. *ibi.*  
117. 714. tunc autem improprie  
regalia dicuntur. *ibi.* 118. 715.  
nonnunquam tamen id nominis  
retinent. *ibi.* 119. 716. eorum sub-  
ordinata jura præscribi neque-  
unt. *ibi.* 120. 717. sola Princi-  
pis concessio titulus est, eadem  
acquirendi, idoneus. *ibi.* 122.  
719. minora sunt media neces-  
saria majora conservandi. *ibi.* 125.  
721. a Principe propria auctori-  
tate vigore summi imperii con-  
stituuntur. *ibi.* 126. 722. sancta  
sunt, & inviolabilia. *ibi.* 128.

PPPPP

733.



723. ab iisdem abstinendi sub-  
diti obligatio. *ibi.* 130. 725. ea  
ab iisdem advocandi Principis  
officium. *ibi.* 131. 725. illa pe-  
nes subditos esse non implicat.  
*ibi.* 132. 726. præscribi tamen  
nequeunt. *ibi.* 133. 727. sola  
Principis concessione acquirun-  
tur. *ibi.* 134. 728. circa hæc  
Principis semper clarum est, &  
liquidum. *ibi.* 137. 730. ea sub-  
dito concessa esse non præsu-  
muntur. *ibi.* 138. 731. unde eo-  
rum possessionem ex parte sub-  
diti vitiosam esse in dubio con-  
cluditur. *ibi.* 139. 731. per quos-  
nam officiales potissimum admi-  
nistrantur? XI. 2. *seq.* 754. eo-  
rum negligentia sæpe in alios  
transferuntur. *ibi.* 10. 759. qui-  
bus modis? *ibi.* 12. 760. negli-  
gentia, & dolo officialium pos-  
sessa pro rebus furtivis habenda.  
*ibi.* 18. 765. in dubio dolo,  
aut negligentia officialium alie-  
nata esse præsumuntur. *ibi.* 24.  
771. eadem dolo, & negligencia  
officialium amissa, quomodo  
per Principem a statibus imperii,  
& landstatts recuperanda? *ibi.* 27. *seq.* 774. negligencia  
officialium amissa præscribi  
nequeunt. *ibi.* 38. 786.

*Regula juris* quid? LIV. 33. 139.

*Religionis* difformitas reipub. dam-  
nosa, uniformitas utilis. XII.  
13. 798.

*Repressalia* quid? II. 4. 153. quo-  
modo a talione differant? *ibi.*

*Res propria* quid? VIII. 4. 394.  
quid communis? *ibi.* 7. 394. ab  
ejus usu, atque abusu, saltem  
partiali, nemo jure excluden-  
dus. *ibi.* 9. 394. res singulorum,  
& publicæ; seu universitatis  
quid? *ibi.* 10. 395. res universi-  
tatis modo ut propriæ, modo  
ut communes considerari que-  
unt. *ibi.* 12. 395. eadem vel in  
patrimonio universitatis, vel in  
publico usu existunt. *ibi.* 13.  
395. res vel in bonis, vel in pa-  
trimonio esse, quid sit? *ibi.* 18.  
396. res propriæ & in bonis, &  
in patrimonio existunt, res com-  
munes in bonis tantum. *ibi.* 19.  
397. res nullius, propriæ tales,  
quid? *ibi.* 20. 397. quid stricte  
tales? *ibi.* 22. 398. quid domi-  
nii capaces, quid incapaces?  
*ibi.* 21. 398. eadem vel commu-  
nes propriæ tales, vel nullius  
stricte tales? *ibi.* 22. 398. res  
inexhausti, & exhausti usus quid?  
*ibi.* 23. 399. eadem domini  
sunt incapaces. *ibi.* 64. 415. res  
occupari prohibitæ, occupari  
nequeunt. *ibi.* 66. 415. nec illæ,  
quæ in alterius dominio exis-  
tunt. *ibi.* 67. 417. res ab uno  
tantum vel paucis occupabiles  
incomplete jam, & remote in  
dominio sunt. *ibi.* 70. 420. nec  
nullius dici amplius possunt. *ibi.*  
71. 420. & ab alio, quam qui  
eas occupandi jure gaudet, oc-  
cupatæ, occupantis non fiunt.  
*ibi.* 72. 421. quin potius ab alio  
oc-



# I N D E X.

occupatæ ejus fient, qui eas oc-  
cupandi privative jure gaudet.  
*ibi.* 73. 421. eadem ab eo, qui  
illas occupandi titulo instruc-  
tus est, tanquam rei domino  
a quocunque vindicari possunt.  
*ibi.* 75. 423.

*Res quædam, cur publica civita-  
tis lege a subditis possideri pro-  
hibeantur? X. 68. 675. eæ rei-  
publ. sartæ sunt servandæ. ibi.  
69. 676. a subditis sine mala fi-  
de vix possidentur. ibi. 70. 677.  
id de rebus fisci non intelligen-  
dum. ibi. 70. Schol. 677. rerum,  
ad rempubl. spectantium, do-  
minia semper certa. ibi. 71. 678.  
in earum possessionis amissione  
Principi non est imputanda neg-  
ligentia. ibi. 72. 679. nec illi  
officialium negligentia nocet.  
ibi. 73. 679. eas sola Principis  
concessione acquiri juri Rom.  
conforme est. ibi. 144. 738. &  
canonico. ibi. 145. 740. Vide  
regalia.*

*Reservatum* in unione prolium,  
die Ausnahme / quid de eo ju-  
ris? III. III. 16. *seq.* 214.

*Resistentiam juris pati quid? X.*  
127.713.

Respublica. Vide Princeps.

S.

*Saluarius. Vide venator.*

*Satisfacere non debet possessor rerum immobilium.* X. 33. 654.

*Scire leges quid?* I. I. 27. 19.

*Sententia* iuxta requisita. A. 2. 824.  
ea nonnunquam inter casus for-  
tuitos referenda. *ibi*. §. 825.

*Sequela* jus, negligentia officialium  
amissum, præscribi non potest.  
XI. 36. 784.

Servire territorium, quid? IX. IV.  
2. 604.

*Servitus* juris publici quid? IX.  
IV. 2. 604.

Singularum res quid? VIII. 10.  
395.

*Status* communionis rerum. Vi-  
de *communio*.

*Status dominii.* Vide *dominii status.*

*Status* imperii jure delectus gaudent. VI. 7. 350. in suis territoriis delectum aliis permittere possunt. *ibi.* 8. 350. quomodo? *ibi.* 9. 351. in fundis territoriorum publicis regali venandi jure hodie eodem, quo olim Imperatores, gaudent. IX. II. 40. 539. ut & in privatis. IX. III. 2. 597. & X. 150. 745. hodie dum sylvas publicas &c. bannendi, ferasque &c. tanquam fandorum accessoria dominio suo transcribendi, jure fruuntur. IX. II. 41. 541. abolitis venationibus liberis, regale venandi jus fisco recte vindicant. *ibi.* 42. 542. ut & feras, in fundis territorii publicis captas. *ibi.* 50. 547. feripetas juste puniunt. *ibi.* 55. 552. qualem poenarum modum servant? *ibi.* 56. *seq.* 553. quid circa venationes vi

Ppppp 2 juris

juris territorialis ordinare possunt? IX. L. 16. seq. 442. & IX. II. 69. seq. 567. regale venandi jus cum minimo, quantum potest est, subditorum suorum damno exerceant. ibi. 72. 568. damna insignia, ex magna ferarum copia subditis data, refarciant. ibi. 78. 572. a subditis in exercitio regaliu operaracte expectunt. ibi. 83. 574. inter ipsos præscriptio regaliu, negligentia officialium amissorum, exulat. XI. 19. 766. status imp. regalia, & territorialia jura alterius possidens contra constatum in possessorio bonam fidem, in petitorio titulum domini translativum docere necessum habet. ibi. 15. 772. Vide *Princeps*.

*Status proprietatis quid? Vide proprietatis status.*

*Subditus, (subditi) an emigrare queat, nec ne? V. 25. seq. 293. & 104. seq. 332.* an transmigra-  
re, vel secus? ibi. 32. seq. 297.  
an expelli? ibi. 39. 301. an id  
consultum sit? ibi. 42. 303. an  
transplantari? ibi. 44. seq. 304.  
Vide *jus emigrandi, transmig-*  
*randi, expellendi &c.* eidem  
quali jus venandi concedi ne-  
quit. IX. L. 14. 480. niti subor-  
dinate. ibi. 15. 481. nec in fundis  
suis privatis idem illi relinquen-  
dum. IX. III. 2. 584. subditi le-  
gibus venatoriis obligantur. IX.  
L. 18. 483. ad venationes ne-  
cessarias operas debent. ibi. 36.

498. easque indeterminatas. ibi. 37. 499. & ad venationes alias.  
IX. II. 83. seq. 574. agros suos  
sepibus innoxiiis munire, feras e-  
satis abigere, & sine deteriora-  
tione banni ferini custodias age-  
re prohibendi haud sunt. ibi. 80. 573. in eum jus venandi con-  
cessum fuisse quomodo præsumat-  
ur? IX. V. 16. seq. 622. 271. in  
quali possessione regaliu, posses-  
sorio adversus Principem insti-  
tuto, defendendus? diversæ sunt  
opiniones. X. 1. seq. 638. in rebus,  
ad Principem spectantibus, sem-  
per mixto possessorio experiri  
debet. ibi. 63. 671. titulum suæ  
possessionis addere cogitur. ibi. 64. 672. hoc non probato posses-  
sio nulla est. ibi. 65. 674. præ-  
scriptionem allegare nequit. ibi. 87. 684. eas sola Principis  
concessione acquirit. ibi. 88. 684.  
eam, in possessione eorumdem  
manuteneri cupiens, allegare  
debet. ibi. 80. 685. secus pos-  
sessione cadit. ibi. 81. 685. pos-  
sessionem immemoriam rerum  
Principis probare tenetur. ibi. 90. 694. initii memoria, per tes-  
tes probata, in possessione re-  
rum Principis non defenditur.  
ibi. 93. 696. nec si de contraria  
initii memoria per documenta  
constet. ibi. 94. 697. nec me-  
moriam facti per testes probata.  
ibi. 95. 698. facti memoria ex  
documentis fuscitata, quatenus  
eidem possidenti noceat? ibi.



# I N D E X.

96. 699. qua talis, regalia majora, qua talia, possidere nequit. *ibi.* 111. 711. nec in eorum possessione manutentur. *ibi.* 112. 711. dolo malo usurpans regalia majora in crimen læsæ majestatis, vel superioritatis incidit. *ibi.* 115. 712. idem de minoribus dicendum. *ibi.* 129. 724. quid si ut coimperantem, aut independentem plane se gesserit? *ibi.* 116. 712. eidem regalia majora subordinate concedi possunt. *ibi.* 117. 714. eorum jura subordinata nunquam præscribit. *ibi.* 120. 717. in possessione regalium minorum legum publicarum resistantiam patitur. *ibi.* 127. 723. ab iisdem abstinere obligatur. *ibi.* 130. 725. penes eum eadem esse non implicat. *ibi.* 132. 726. illa tamen non præscriptione. *ibi.* 133. 727. sed sola Principis concessione impetrat. *ibi.* 134. 728. an possessione immemoriali? *ibi.* 135. seq. 728. in dubio ejusdem possessio regalium vitiosa esse præsumitur. *ibi.* 139. 731. a Principe recte ab ea dejicitur. *ibi.* 140. 733. nec ideo turbatum se esse conqueri potest. *ibi.* 141. 734. ad remedia possessoria frustra tunc confugit. *ibi.* 142. 735. cum Principe de iisdem litigaturus, quid docere debeat? *ibi.* 146. 742. regalia, negligentia officialium Principis amissa, non præscribit, XI. 21. 768. in

possessorio regalium &c. nunquam, in petitorio sola concessionis probatione securus est. *ibi.* 26. 777.

*Superioritas territorialis* in alieno territorio, concessio regali vendendi jure, non importatur, tamen minuitur. IX. IV. 6. 606.

*Systema juris* quid? LIV. 30. 143. quid completum? *ibi.* 31. 143. quid prolixum? *ibi.* 32. 144. quomodo concinandum? *ibi.* 33. 144.

## T.

*Talis* quid? II. 3. 153. quid simplex, seu identica? *ibi.* 5. 154. ejus exemplum. *ibi.* 6. 154. quid proportionata? *ibi.* 7. 155. a repressaliis differt. *ibi.* 4. 153. sub retorsione continetur. *ibi.* 8. 155. talionis jus quid? *ibi.* 9. 155. per se non est medium sufficiens se, suaque defendendi. *ibi.* 18. 159. seq. quando obtineat? *ibi.* 32. 166. cur in sacra scriptura & LL. XII. tabb. admittitur? *ibi.* 35. 167. ejus æquitas nimium a quibusdam perstringitur. *ibi.* 38. 169.

*Temporis immemorialis* possessio quid? X. 83. 686.

*Territorialis regalium concessio* quid? IX. V. 5. 617.

*Territorium* omne limitibus determinatum. IX. II. 1. 506. intra quos omne a populo per universitatem

Ppppp 3

tem

rem est occupatum. *ibi.* 2. 507. in iis nulla stagna, lacus, montes &c. extra dominium existunt. *ibi.* 5. 509. servire quando dicatur? IX. IV. 2. 604. in alieno quoniam circa jus venandi præsumtio? *ibi.* 7. *seq.* 607. territorii jura quid? XI. I. 752. per quosnam officiales potissimum administrantur? *ibi.* 2. *seq.* 754. eorum negligentia sæpe in alios transferuntur. *ibi.* 10. 759. quibus modis? *ibi.* 12. 760. negligentia & dolo officialium possessa pro rebus furtivis habenda. *ibi.* 18. 765. in dubio, dolo, aut negligentia officialium in alios translata præsumuntur. *ibi.* 24. 771. quo casu propria auctoritate a quovis per Principem recuperantur. *ibi.* 27. 774. nullum eorum negligentia officialium amitti, per singulas eundo partes. demonstratur. *ibi.* 30. *seq.* 776.

*Thesaurus* inoccupatus cedit occupanti. VIII. 138. 463. introducto in fundos latiori dominio, affectus tenetur dominio perpetuo, ac perdurabili. *ibi.* 147. 466. non tantum quoad titulum privativum, & dominium incompletum, sed plenum, & completum. *ibi.* 148. 467.

*Titulus* dominiæ acquisitivus quid? VIII. 33. 402. ut modus existere queat, efficit. *ibi.* 35. 403. est una ex causis dominiæ efficientibus, sufficientibus, & neces-

sariis. *ibi.* 35. 403. cum modo dominium determinat. *ibi.* 37. 403. est causa dominiæ remota. *ibi.* 38. 403. quæ causa juris vocatur, *ibi.* 39. 403. absque eo nulla est dominiæ abquisitio. *ibi.* 40. 404. titulus originarius quis? *ibi.* 41. 406. quamam propositione absolvatur? *ibi.* 45. 406. universalis est, & unicus. *ibi.* 46. 407. derivativus quid? *ibi.* 47. 407. qua propositione is continetur? *ibi.* 48. 407. ad occupationem necessarius est. *ibi.* 62. 414. eundem, an tantum vel paucis, res quasdam dominiæ capaces intra definitum districtum cum exclusione aliorum occupandi, competere non implicat. *ibi.* 68. 417. id in specie de piscibus, feris, & avibus verum est. *ibi.* 102. 441. titulus venandi in fundis nostris jure dominiæ, in alienis jure servitutis exercetur. *ibi.* 104. 442. in fundis publicis privative venandi, a Principe vindicari potest. IX. II. 10. 515. ejusdem effectus. *ibi.* 11. 516. possessionis quinam? X. 13. 645. a possessore non editur. *ibi.* 33. 654. scæus in subdito, bonorum ad rem publ. spectantium seu regaliū possessore. *ibi.* 64. 672. talis non est præscriptio in acquirendis a subdito regalibus. *ibi.* 77. 684. bene tamen, isque unicus, Principis concessio. *ibi.* 79. 685. an possessio immemoralis esse possit? *ibi.* 87. 693.

Trans-



*Transmigrandi* jus quid? V. 4. 288.  
transmigrare. subditi regulari-  
ter libere possunt. *ibi.* 32. 297.  
quando id prohibeatur? *ibi.* 34.  
seq. 298.

*Transplantandi* subditos jus quid?  
V. 11. 289. ejus effectus. *ibi.* 12.  
289. an statibus imperii compe-  
tat? *ibi.* 119. 340.

*Transplantatio* an subditis diversæ  
religionis sit proficua? V. 112.  
336. an domino territoriali? *ibi.*  
113. 338. an P. W. contraria?  
*ibi.* 117. 340.

*Turbatio* non est, subditum a pos-  
sessione regalium Principis auc-  
toritate deicere. X. 141. 714.

## V.

*Venandi* jus in certo districtu  
uni, vel paucis privative com-  
petere non implicat. VIII. 101.  
439. idem donari, & permutari,  
&c. aliisque modis domini  
translativis in alios transferri  
non abhorret. *ibi.* 103. 401. si  
soli cuidam cum exclusione alio-  
rum intra certum districtum  
competit, feræ, pisces & aves,  
incomplete jam, & remotæ in  
dominio existunt. *ibi.* 105. 442.  
in fundis nostris jure domini,  
in alienis jure servitutis possi-  
detur. *ibi.* 104. 441.

*Venandi* jus majestaticum, seu ter-  
ritoriale, quid? IX. L. 8. 477.  
regale quid? *ibi.* 9. 478. ejus

fontes. IX. III. 14. seq. 589.  
majestaticum, & territoriale est  
pars summi imperii, sive supe-  
rioritatis territorialis, & qui-  
dem potestatis legislativæ es-  
sentialis. IX. L. 10. 478. maje-  
staticum, qua tale, subdito,  
qua tali, communicari nequit,  
*ibi.* 14. 480. bene tamen subor-  
dinate. *ibi.* 15. 481. regale in  
fundis publicis ex dominio  
principis publico profluit. IX.  
II. 28. 526. non est servitus. *ibi.*  
30. 527. reipubl. est necessari-  
um. *ibi.* 37. 535. imperatores  
Carolingici sibi id constanter  
asseruerunt. *ibi.* 38. 535. æque  
ac Teutonici. *ibi.* 39. 537. & X.  
149. 744. eodem jure status im-  
perii id sibi hodie vindicant.  
IX. II. 40. 539. & X. 150. 745.  
in fundis privatis subditis patens  
nocivum reipubl. IX. III. 2. seq.  
579. subditis haud relinquen-  
dum. *ibi.* 9. 584. regale est. *ibi.*  
17. 590. non servitus. *ibi.* 18.  
591. ante interregni tempora  
in fundis tam statuum, quam  
subditorum propriis ab impera-  
tore impetrari debuit. *ibi.* 19.  
592. & in universo imperio,  
fundis tam publicis, quam pri-  
vatis Imp. regale & reservatum  
fuit. *ibi.* 20. 595. an fructus,  
& accessio fundorum? *ibi.* 12.  
Schol. 587. & 21. 596. eodem  
jure, quo olim Imperatores,  
status imperii hodie id sibi ven-  
dicant. *ibi.* 22. 597. & quidem  
ex



# I N D E X

ex publica utilitatis, & tranquillitatis necessitate. *ibi.* [24. 600.](#) pro ejusdem integritate militat præsumtio. *ibi.* [27. 601.](#) quid universim de eo juris? *ibi.* [29. 601.](#)

*Venandi jus regale in territorio alieno quid?* IX. IV. [3. 604.](#) merito reipubl. ut regale vendicatur. X. [148. 743.](#) ejus species. IX. IV. [9. 605.](#) est servitus juris publici. *ibi.* [5. 606.](#) superioritatem territorialem in territorio alieno non importat, at minuit tamen. *ibi.* [6. 606.](#) ita interpretandum, ut, quantum pote est, superioritas territorialis integra consistat. *ibi.* [7. 607.](#) nisi sit circa interregni tempora ab Imperatoribus concessum. *ibi.* [8. seq. 608.](#) cum centena, aliisque juribus quibuscunque, sigillatim in territorio alieno immediate etiam possessis, conjunctum non est. IX. V. [14. 621.](#) quid generatim circa illud juris? X. [152. seq. 747.](#)

*Venandi jus subordinate, & landsassice concedi quid?* IX. V. [8. 619.](#) sola concessione, aut præscriptione immemoriali in landsassium, seu subditum transfertur. *ibi.* [10. 619.](#) est pertinentia juris publici. *ibi.* [12. 620.](#) non fructus jurisdictionis subordinate, landsassicæ, *ibi.* [13. 620.](#) quomodo in subditum, aut landsassium, concessum præsumatur? *ibi.* [15. seq. 622.](#) dolo,

aut negligentia officialium amissum, præscribi nequit. XI. [30. 786.](#)

*Venatio quid?* VIII. [76. 423.](#) quotuplex? *ibi.* [77. 424.](#) illius status triplex in republ. possibilis. IX. [L. 11. 479.](#) quo tempore eam exercere liceat? *ibi.* [21. 486.](#) quo modo? *ibi.* [27. seq. 490.](#) & IX. II. [72. seq. 568.](#) in specie alieno in territorio. IX. IV. [16. 613.](#) vel ordinata est, vel inordinata. IX. [L. 24. 488.](#) inordinata sub pœnis a principe prohibita. *ibi.* [25. 489.](#) necessaria quid? *ibi.* [35. 498.](#) ad eam subditi cogi queunt. *ibi.* [36. 498.](#) venatio libera quid? IX. II. [14. 517.](#) ejus origo. IX. [III. 20.](#) Schol. [2. 596.](#) quando obtineat? IX. II. [15. 518.](#) apud Romanos viguit. *ibi.* [16. 518.](#) certis, a principe præscriptis, *regulis* subjacet. *ibi.* [17. 519.](#) ex eadem varia principis damna. *ibi.* [31. seq. 527.](#) eliminanda est. *ibi.* [36. 533.](#) id, quod vigore superioritatis territorialis statibus imperii competit. *ibi.* [42. 542.](#) precaria, & pro annua pensione locata quid? IX. V. [9. 619.](#) vel superior, vel bassa. *ibi.* [26. 629.](#)

*Venationis dominus feras ab aliis occupatas a quocunque vindicare potest.* VIII. [110. 446.](#) & IX. II. [50. 547.](#) eidem in feripetam omnia defensionis, & recuperationis media, quæ in furem,



furem, & raptorem competunt. VIII. 115. *seq.* 450. animalia ferocia, & rapacia in venationis districtu nutrire haud licet. *ibi.* 122. 455. secus damnum refarcire obligatur, *ibi.* 126. 456. nec fas eidem est feras, quæ satis, atque frugibus insigne damnum inferre solent, magna nimis copia conservare. *ibi.* 127. 457. quodsi culpa illius fiat, ad refarciendum, quod inde satis atque frugibus damnum obvenit, jure obstringitur. *ibi.* 131. 458. & IX. II. 77. 571.

*Venator* feripetam, adversus se arma moventem, jure mutilat, aut si aliter nequit, plane occidit. IX. II. 65. 564. fugientem, ut se sistat, monitum, mutilans, aut præter intentionem occidens, extra culpam est. *ibi.* 66. 565. ejusdem denuntiatio de feripeta, si ad poenam non capitale agatur, plenam, si ad capitale, semiplenam probationem efficit. *ibi.* 67. 566. ejus officium. IV. 13. *seq.* 241.

*Venditio.* Vide *emptio*.

*Vitium* possessionis quid? X. 23. 650. eo monstrato possessio corrumpitur. *ibi.* 24. 650. oritur ex defectu domini. *ibi.* 25. 650. ex prohibitione legis, & personæ incapacitate. *ibi.* 26. 651. vel facto possidentis. *ibi.* 27. 651. clandestinitatis, & precarii quid? *ibi.* 27. 651. possessionis nec

reale, nec personale præsumitur. *ibi.* 28. *seq.* 652.

*Uniformitas* in republ. utilis. XII. 10. *seq.* 796. præsertim religionis. *ibi.* 13. 798. monetarum, mensurarum, ponderum, temporum &c. *ibi.* 24. *seq.* 804. scientiarum, & artium. *ibi.* 29. 808. jurium. *ibi.* 35. *seq.* 811.

*Unio prolium* quid? III. L. 31. 184. quando primum introducta apud Germanos. *ibi.* 28. 183. ejus introducendæ causæ. *ibi.* 19. *seq.* 179. cur Romanis incognita? *ibi.* 26. 182. in Ducatu Franconiae frequentissima. *ibi.* 29. 184. differt ab adoptione. *ibi.* 34. 185. unire proles, quinam possint, vel non? *ibi.* 36. *seq.* 87. unire quosnam liberos liceat? *ibi.* 45. *seq.* 190. unionis prolium quodnam objectum? *ibi.* 48. 191. quot modi ejusdem in Ducatu Franconiae? III. II. 6. 194. quænam illius requisita? *ibi.* 7. *seq.* 195. inducit patriam potestatem. III. III. 2. 206. ejus effecta. *ibi.* 3. *seq.* 207. unitæ proles quomodo succedat in hereditatibus? *ibi.* 15. *seq.* 214. jura sanguinis non confert. *ibi.* 32. 223. ea tutelam & curatelam finit. *ibi.* 33. 224. quænam ex ea actiones proficiant? *ibi.* 33. 224. quomodo tollatur? III. IV. 2. *seq.* 225. an ea ob læsionem rescindi queat? *ibi.* 10. 231.

Q9999

Uni-

# I N D E X.

*Universitatis res* quid? VIII. 10. 395. ex modo ut propria, modo ut communes considerari queunt. *ibi.* 12. 395. eadem vel in patrimonio, vel in publico usu existant. *ibi.* 13. 395.

*Unweydmännisches Jagen* quid? IX. L. 24. 488. sub poena prohibetur. *ibi.* 25. 489.

*Voraus.* Vide *præcipuum*.

*Ufus* publici res quid? VIII. 13. 395. quid exhausti, & in exhausti?


*ibi.* 23. 399. ex dominii sunt incapaces. *ibi.* 64. 415. nec occupari queunt. *ibi.* 65. 415. *Utire* aliqua quid? VIII. L. Schol. 392.

W.

*Weydmännisches Jagen* quid? IX. I. 24. 488.

*Wildbann/* ejus etymon. IX. II. 18. Schol. 2. § 20.

# F I N I S.



*Ingolstadii*, Typis Joannis Pauli Schleig, Typographi  
Academici. Anno 1747.











